




O Deus in
yeu...

MAGIÆ
VNIVERSALIS
Naturæ et Artis
PARS III ET IV
Auctore
PGASPARE SCHOTT
e. soc. Iesu.

BU
LIE

A. Frölich sculps.



A. R. P.

GASPARIS
SCHOTTI

Soc. Iesu, Magia Universalis Naturæ

& Artis

OPERIS QUADRIPARTITI

Tomus Tertius & Quartus.

Cum Figuris aeneis & Privilegio Sacrae Caesaræ Maiestatis

M. DC. LVIII.

THE OFFICE OF THE
SECRETARY OF THE
NAVY
WASHINGTON, D. C.
1880

1880

Instruction vor den Buchbinder:

Er wolle in acht nehmen/ daß die Kupffer/
sein jedes an sein recht Orth/ eingebunden
werden/derowegen woll er in obacht nehmen
die numeros, als dann die Paginas, wie sie auff
dem Kupffer gesetzt/also nach denselben die
Kupffer ein jedweders an sein recht Orth/
wie es die Ziiffer außweisen werden / ein-
binden.

Bibliopegus advertat bene ad numeros & pagi-
nas; in formis incisiss & eas ponat juxta paginas.

Handwritten text, likely bleed-through from the reverse side of the page. The text is mirrored and difficult to decipher due to the paper's texture and the bleed-through effect.

Bibliographie der...
Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

P. GASPARI SCHOTTI
REGIS CURIANI, E SOCIE-
TATE JESU,

Olim in Panormitano Siciliae, nunc in Herbipol-
itano Franconiae Gymnasio ejusdem SOCIETATIS IESU
Matheleos Professoris

MAGIAE UNIVER-
SALIS NATURAE
ET ARTIS,

PARS III. & IV.

IN IX. LIBROS DI-
GESTA,

Quibus pleraque quae in Centrobarryca,
Mechanica, Statica, Hydrostatica, Hydrotechni-
ca, Aërotechnica, Arithmetica, & Geometria, sunt rara, curiosa,
ac prodigiola, hoc est, verè magica, seu theoriam spectes, seu praxin, non
minus variè, quàm methodicè pertractantur, infinitarumque inventionum mathemati-
carum penuriam aperitur; ut merito appellari queat hoc Opus,

THAUMATURGVS MA-
THEMATICVS.

Cum Figuris aeri incisis, & Privilegio Sacrae Caesareae Majestatis.

Sumptibus Hæredum JOANNIS GODEFRIDI SCHÖNWETTERI
Bibliopol. Francofurtens.

HERBIPOLI,

Excudebat Iobus Herz Typographus Herbipolensis,

ANNO M. DC. LVIII.



P. GASPARISSOCHIOTTI
THEOLOGICAL LIBRARY

THE LIBRARY OF THE
THEOLOGICAL SEMINARY OF
ST. JOHN'S COLLEGE, BOSTON

MASSACHUSETTS
BOSTON

THE LIBRARY OF THE
THEOLOGICAL SEMINARY OF
ST. JOHN'S COLLEGE, BOSTON

THE LIBRARY OF THE
THEOLOGICAL SEMINARY OF
ST. JOHN'S COLLEGE, BOSTON

THE LIBRARY OF THE
THEOLOGICAL SEMINARY OF
ST. JOHN'S COLLEGE, BOSTON

THE LIBRARY OF THE
THEOLOGICAL SEMINARY OF
ST. JOHN'S COLLEGE, BOSTON





SANCTISSIMO
ANGELO SUO
TUTELARI
AUCTOR.



SANCTISSIME ANGELE,
Custos & Tutor munificentissime. Cui post DEUM, Conditorum meum, DEIQUE magnam Matrem MARIAM, omnia debeo, nec potui, nec volui Scriptionis publicæ partem aliquam, licet exilem admodum, & tanto Patrono imparem, denegare. Omnia

mea, meq; ipsum Tibi in acceptis
refero, quia post DEUM & DEIPa-
ram omnia à Te habeo. Tu na-
scentem Benevolentiaè Tuæ bra-
chijs suscepisti; Tu infantem, pue-
rum, juvenem, virumq; Sapientiâ
tuâ direxisti; à malis innumeris e-
ripuisti; ab hostibus animæ & cor-
poris protexisti. Tu rectâ gradi-
entem duxisti, errantem revoca-
sti, sublevasti cadentem, stantem
firmasti. Tu consilia inspirasti ad
caduca despicienda, sectanda æ-
terna, cælestia, DEUM. Omnia er-
go mea, meq; ipsum cùm Tibi de-
beam, Amantissime Tutor, Fidif-
sime Custos; patere ut hæ quoq;
quisquilia à Te non devient. Scis,
Sapien-

Sapientissime Tutelaris, non cen-
sum, sed affectum pensari à DEO,
Tuisq; Commilitonibus, ac Cœ-
licolis omnibus. Affectum quo
me, meaq; Tibi probare desidero,
si non est qui debet, quiq; potest,
cupio esse maximum. Hoc ergo
affectu oblatas hæc quisquiliæ
accipe, ANGELE SANCTISSIME, me-
que favore Tuo profèqui ad vitæ
usque exitum nè desiste. Sic vo-
veo, sic opto Herbipoli XXIX. Se-
ptembris, ipso Angelorum Prin-
cipis Sancti Michaelis die, Anni
M. DC. LVIII.

Cliens Tuus humillimus

CASPARUS SCHOTT

è Societate IESV.

AD
R. P. ATHANASI-
UM KIRCHERVM E SO-
CIETATE JESV,

Epistola Auctoris hujus Operis.

Verere me cogis & mori ingratum, Pater Re-
verende, Præceptor observandissime. Te re-
spiciebat Thaumaturgus meus Mathemati-
cus, quia Tuus; cum quidquid scio hac in-
scientia, per Te sciam. Nomen Tuum clarif-
simum fronti impressum gestare cupiebat, quia digniorem Te
nesciebat. At repugnat modestia Tua, & quæ facilem se præ-
bet omnibus insitâ pronitate, difficilem se mihi soli, en alterâ jam
vice, ostendit. Innumera in me contulisti beneficia, multorum
annorum decursu; hic primùm Herbipoli, ubi Præceptor Thau-
mata & Admiranda Tua Mathematica mihi Discipulo re-
clusisti; Romæ deinde, ubi meâ quali quali in Tuo incompa-
rabili tot voluminum doctissimorum thesauro Litterariæ Rei-
publicæ communicando dignatus es uti opellâ; & nunquam
difficilem mihi, nunquam votis meis repugnantem expertus
sum, quàm cum Mundo extare volui publicum meæ erga Te
gratitudinis testimonium, Quantum laborasti, ut quæ cum
laude Tua conjuncta erant in ea Epistola, quam Oedipo Tuo
præfixi, expungerentur? Nunc cum Mathesis mea, quam ex Te
hausi, Te primum inter mortales omnes salutare cupiat, quia
non alium agnoscit quem colat impensius, & à quo lumen spe-
ret

ret copiosius, iudiciumq; sincerius; quòd times nè ad idem re-
volvar argumentum, rogas, obtestaris, modis omnibus per-
suadere conaris, ut nè tali honore Te afficiam. Sic interpreta-
ris debitum meum. Liceat dicere quod sentio. Ni Modestia
Tua, ni Tuus in me affectus plùs quàm perspectus mihi esset,
pronum foret suspicari, dedignari Te ad hac minuta respicere
donaria. At omnem detergit suspensionem Tuus in me pro-
nissimus affectus, infinitis signis præsenti, innumeris & ferè
quotidianis litteris absenti manifestatus. Vincat ergo jam ite-
rum Modestia Tua; veniet fortasse tempus, cùm Virtas dare
cogetur manus, & meo erga Te affectui laxare habenas. Sua-
des, alium eligam Mæcenatem. Ita feci; at quia in terris,
quem Tibi præferam, non reperi, è celo accersivi, Angelum
meum Tutelarem, cui post DEVM, DEIQUE Matrem MARI-
AM, Tibi equè ac mihi charissimam, me, meaq; debeo omnia.
Vale Amantissime Pater, & Præceptor Colendissime, ac stu-
dijs meis favere, quod fecisti hætenus semper, porrò nè desine.
Herbipoli Die 1. Octobris 1658.

Tuus in Christo infimus & ultimus
Discipulus.

CASPARVS SCHOTT
è Societate IESU.

Facul.

FACULTAS

R. P. Provincialis Societatis IESU per Rheni
superioris Provinciam, Auctori facta.

PETRVS DEUMER,

Provincialis SOCIETATIS IESV Rheni superioris.

Cum Partem III. & IV. Magia Vniversalis Naturæ & Artis,
compositam à P. Casparo Schott Nostra Societatis Sacerdo-
te, tres ejusdem Societatis Sacerdotes, quibus id commissum
fuit, recognoverint, & in lucem edi posse probaverint: fa-
cultate nobis ab Admodum Reverendo Patre Gosvino Nickel Præ-
posito Generali communicatâ concedimus, ut eadem typis mandetur. In
quorum fidem has litteras manu nostra subscriptas, & Sigillo nostro
munitas dedimus. Moguntia 21. Junij Anno 1658.

Petrus Deumer.

L. † S.

FACULTAS

R. P. Provincialis Societatis IESU per Rheni superioris
Provinciam, Bibliopolæ facta.

PETRVS DEUMER,

Provincialis SOCIETATIS IESV Rheni superioris.

Ego Petrus Deumer, Societatis IESU per Rheni superioris Provinciam Præ-
positus Provincialis, potestate mihi ab Admodum Reverendo P. N. Gosvino
Nickel Prapposito Generali concessâ, facultatem do Heredibus Ioannis Go-
defridi Schönvvetteri, suis sumptibus excudendi P. Caspari Schott e Societate Nostra
Partem III. & IV. Magia Vniversalis Naturæ & Artis. In cuius rei fidem hoc
eis testimonium, manu nostra subscriptum, & Sigillo nostro munitum dedimus.
Moguntia 21. Junij Anno 1658.

Petrus Deumer.

L. † S.

ELENCHVS



ELENCHUS TITV. LORVM.

Prooemium, & Synopsis totius Operis pag. I.

LIBER I.

De Magia Centrobaryca, sive de Centri gravitatis natura, proprietatibus, & miris effectibus; simulque de centro & motu gravium, aliisque Mechanicæ principijs. 10

CAPUT I. De centro magnitudinis & gravitatis corporum, & de loco Terraquæ in univervo. Habet Propositiones duodecim. 14

II. An Terraqua ex continua mutatione centri gravitatis, sit in continuo motu trepidationis ac titubationis circa centrum univervi. 23

III. De motu gravium versus centrum univervi, & de Linea directionis. Habet Propositiones sex. 30

IV. De puncto suspensionis & sustentationis gravium. Habet Propositiones octo. 34

V. De mechanica inventione centri gravitatis corporum. Habet Pragmatis quinque. 39

VI. Centrobaryca Erotemata, ex dictis de centro gravitatis, lineæ directionis, & motu gravium, soluta. 45

EROTEMA

I. Cur si gravi casuro addatur pondus in partem, ad quam casurum erat, non cadat. 45

II. Cur homo casurus in unam partem, extendit brachium aut crus in partem alteram, &c. 51

III. Cur funambuli non cadunt, licet funi insistentes ac inambulantes, corpus in omnem partem inclinent. 54

IV. An acus perpendiculariter erecta, sustinere possit molarem lapidem, acu nec ruptâ, nec curvatâ. 61



V Cur

ELENCHVS

- V. Cur hasta longa erecta perpendiculariter supra fulcrum, cadit, si fulcrum quiescit; non cadit, si circumfertur. 63
- VI. Cur aliquæ turres inclinatæ non cadunt in eam partem, in quam inclinant. 64
- VII. Cur surgentes à sede, caput unà cum thorace in anteriora reclinamus, pedes verò in posteriora versus sedem retrahimus. 67
- VIII. An homo erecto corpore circa Tetraquam, describat capite suo peripheriam circuli; & quantò is maior sit circulo à pedibus descripto. 70
- IX. Si Terraquæ hemisphærium superius auferretur à DEO, manente inferiore, quomodo homines in ejus horizonte starent, & ambularent. 73
- X. Cur Antipodes nostri non cadant in partem cæli oppositam. 76
- XI. An in acclivitatibus montium possint stare plures homines, domus, arbores, &c. quàm in basi subiecta. 77
- XII. An hasta obliquè ad Mundi centrum delata, obliquè etiam ibidem quiesceret. 78
- XIII. Quid detinet gravia in centro universi? 79
- XIV. An circa Mundi centrum fieri possit motus perpetuus artificialis. 81
- XV. Quisnam usus est centri gravitatis in incessu quadrupedum, & volatu avium? 84

LIBER II.

- De Magia Mechanica, sive de admirandis Machinarum viribus in ponderibus movendis, & attollendis. 87
- SYNTAGMA I. APPARATUS MECHANICUS. 90
- CAPUT I. Definitiones Mechanicæ, sive terminorum in Mechanica usitatorum explicatio. 91
- II. Axiomata Mechanica, seu communes Notiones. 93
- III. Postulata Mechanica, seu Hypotheses. ibid.
- IV. Propositiones fundamentales Mechanicæ. Continet propositiones septem. 98
- V. De unico & universali principio augendarum virium potentia per machinas. 108
- SYNTAGMA II. De vecte, ejusque viribus, & virium cum moto, aut sustentato pondere proportione. III
- CAPUT I. De natura, differentijs, & proprietatibus vectis. Habet Propositiones quinque. ibid.
- II. An pondus vecti applicatum quocunque modo, habeat semper eandem resistentiam. Habet Propositiones quatuor. 123
- III. An

TITVLORVM,

III. An figura hypomochlij conferat aliquid ad facilitatem motus ponderis per vectem.	127
IV. An linea per quam potentia movet vectem, conferat aliquid ad facilitatem ac difficultatem motus.	128
V. An quodvis pondus quavis potentiâ quovis vecte moveri queat. Habet Propositiones tres.	130
VI. Paradoxa Mochlo-mechanica, de admirabili & infinita virtute vectis.	133
VII. An Orbis terrarum per vectem moveri possit à quovis minimo pondere, aut potentia. Continet Propositiones quatuor.	136
Auctarium Machinarium, quante pondere, aut quantâ potentiâ movente, cum vecte primigenis, opus sit ad totam Terram loco movendam.	141
VIII. Erotemata Mochlo-mechanica, in quibus explicatur usus & potentia mirabilis vectis in varijs instrumentis & machinis, alijsque rebus passim occurrentibus. Continet Erotemata undecim.	145
SYNTAGMA III. De Axe in peritrochio, Succula, & Ergata, eorumque viribus in attollendis ac trahendis ponderibus, ponderumque cum potentijs motricibus proportione.	136
CAPUT I. De Axe in peritrochio, eiusque viribus & usu.	164
II. De Succula, eiusque usu in attollendis ponderibus.	173
III. De Ergata, eiusque usu in promovendis ponderibus.	175
IV. De viribus Axis in peritrochio, Succulæ, & Ergatæ.	176
V. De alio usu Axis seu cylindri in rota à calcantibus circumacta.	177
SYNTAGMA IV. De Trochlea, eiusque in sustinendo, ac movendo pondere viribus; nec non de proportione potentiz ad pondus in ejus usu	179
CAPUT I. De Trochleæ forma, & usu, in ponderibus attollendis.	ibid.
II. De viribus Trochlearum in ponderibus sustinendis, & attollendis; & utrum Trochlea reducat ad vectem. Habet propositiones septem.	183
Analecta varia de Trochleis.	195
III. An Trochlea rectè reducat ad vectem secundi generis.	198
SYNTAGMA V. De Cuneo, eiusque viribus in dividendo.	200
CAPUT I. De forma, & usu Cunei.	202
II. An Cuneus revocetur ad vectem.	203
III. An Cuneus reducat ad planum inclinatum.	204
IV. Præcedentes opiniones examinantur.	205
SYNTAGMA VI. De Cochlea, eiusque viribus in prementis ac movendis corporibus.	217

ELENCHVS

CAPUT I. De forma, & usu Cochleæ.	ibid.
II. De viribus Cochleæ, earumque causa, & cum potentia metrice proportionem.	209
SYNTAGMA VII. De causa augmenti virtutis per machinas.	211
CAPUT I. Aristotelis sententia indicatur, & rejicitur.	213
II. Honorati Fabry sententia proponitur.	216
III. Nicolai Zucchij sententia proponitur, & examinatur.	218
IV. Pauli Casati sententia proponitur.	223

LIBER III.

De Magia Thaumaturga, sive de admirabili quarundam machinarum fabrica, usu, viribus, & effectibus.	226
CAPUT I. De machinis quæ constant rotis ac tympanis dentatis.	230
MACHINA	
I. Glossocomum Heronis & Pappi Alexandrinorum, quo datum pondus datâ potentiâ movetur.	233
II. Glossocomum nostrum, quo talenti potentiâ movetur Terraqua, si aurea foret.	235
III. Glossocomum aliâ formâ constructum.	245
IV. Pancratium infinitæ potentiæ Simonis Stevini.	249
V. Pancratium aurigarum.	252
VI. Memnonia statua tonans, & harmonicè cantans.	254
CAPUT II. De varijs machinis per rotas dentatas, obiter indicatis.	257
MACHINA	
I. Machinæ seu Instrumenta quibus iter & locorum distantia mensurantur.	ibid.
II. Quadrigæ sine hominum aut jumentorum trahentium ope per vias agitata.	259
III. Sphæræ, aliæque machinæ, siderum motus varios exhibentes.	260
IV. Archimedæa sphaera, eiusque artificium examinatum.	263
V. Archita columba lignea volans, & Regiomontani aquila.	268
VI. Dadali statuæ, Apollonij tripodes, aliæque similia.	272
VII. Horologia rotata, eorumque artificium leviter indicatum.	274
VIII. Planetologium Reitæ obiter indicatum.	276
CAPUT III. De varijs & artificiosis machinis, tam simplicibus, quam compositis.	277
MACHINA	
I. Vectes breves multiplicati, & vires potentiæ in immensum augentes. ibid.	
II. Vectis cum Cochlea immanium virium.	280
III. Kir-	

TITVLORVM.

III. Kircheriana machinula ex pluribus complicata, quâ minimo digito
talenti pondus elevatur. 281

IV. Trochlea simplex, qua quisque seipsum sursum attrahere potest. 283

V. Machinamentum Dantiscanum, quo mons extra urbem situs, transla-
tus fuit in urbem, 284

CAPUT IV. De machinis veterum, quibus immania pondera terrâ &
aquâ vehebant, aut trahebant. 285

MACHINA

I. Scytala Aristotelis, quâ veteres terrâ ingentes Saxorum moles vehe-
bant. 286

II. Ingeniosa Ctesiphontis & Methagenis ratio ad gravia onera du-
cenda. 290

III. Chemmin Ægyptij ratio ingentes Saxorum moles terrâ vehendi. 292

IV. Pappi Alexandrini Chelone. 293

V. Satyri Architecti industria in Obeliscis terrâ devehendis. 294

CAPUT V. De machinis Veterum quibus pondera ingentia in altum at-
tollebant. 295

MACHINA

I. Trochlea cum tignis & succula, seu ergata. ibid.

II. Polyspastus Ægyptius ad onera in altum trahenda. 297

CAPUT VI. De machinis quibus erectus fuit Obeliscus vaticanus Ro-
mæ, jussu Sixti V. Pont. Max. ibid.

CAPUT VII. Machina Ferdinanda, jussu Ferdinandi III. Cæsaris con-
structa Augustæ, pro Chinensi missione Societatis Iesu. 304

LIBER IV.

De Magia Statica, sive de occultiore ponderandi ratione, etiam sine pon-
deratorijs instrumentis. 308

SYNTAGMA I. De Staticæ Magiæ Elementis, 309

CAPUT I. Definitiones Staticæ. ibid.

II. Axiomata Statica. 311

III. Postulata Statica. ibid.

SYNTAGMA II. De Instrumentis Staticis seu Ponderatorijs. 312

CAPUT I. De libra, eiusque forma, differentiis, fabrica, & proprietati-
bus. 313

II. De Statera, eiusque forma, usu, & proprietatibus. 318

SYNTAGMA III. De varijs & occultis ponderandi rationibus, etiam si-
ne ponderatorijs instrumentis. 324

E L E N C H V S

PRAGMATIA

- | | |
|---|-------|
| I. Magna pondera communi & medioeri staterâ examinare. | ibid. |
| II. Aliter communi staterâ examinare magna pondera. | 325 |
| III. Fallacias libræ dolosæ, quæ tamen iusta videatur, detegere. | 326 |
| IV. Paucis ponderibus seu sacomatibus magnæ gravitatis corpora ponderare. | 330 |
| V. Vno pondere notæ gravitatis idem quod antea peragere. | 332 |
| VI. Quanti ponderis sit percussio pugnæ, mallei, securis, aut alterius cuiuslibet rei, explorare librâ. | ibid. |
| VII. Fumum ex quolibet corpore combusto exhalantem ponderare, secundùm aliquos. | 334 |
| VIII. Magnetis vim attractivam ad libram expendere. | 335 |
| IX. Librâ Sphygmicâ celeritatem & tarditatem pulsuum absque errore explorare. | 338 |
| X. Aëris gravitatem librâ aut staterâ expendere. | 341 |
| XI. Aliter aërem ponderare ex Cufano. | 342 |
| XII. Adhuc aliter aërem ponderare, ex Cufano. | 343 |
| XIII. Sine statico instrumento deprehendere, quot salis uncias aut semuncias contineat quævis aqua salia. | 345 |
| XIV. Ponderatione eligere arcam auro refertam, relicta eâ quæ plumbo, vel alio metallo plena est, tametsi utraque eiusdem sit formæ, magnitudinis, ac ponderis. | 346 |
| XV. Duorum globorum ponderis æqualis, & metalli diversi (ut cupri & auri) positorum in oblonga pyxide suspensa, & per pondus in æquilibrio constituta, vter examini propior sit, staticè explorare. | 350 |
| XVI. Si duo globi, æqualis ponderis, sed diversæ molis, intra duas similes & æquales cistas absconditi essent, staticè explorare in qua aureus gubus jaceat. | 351 |

L I B E R V.

De Magia Hydrostatica, sive de mirabilibus phænomenis atque effectibus eorum, quæ librantur, vchuntur, merguntur in aquis. 353

SYNTAGMA I. De Hydrostaticis Elementis seu Hypothesibus. 354

SYNTAGMA II. De Hydrostaticis Phænomenis, ac Pragmatijs. 359

PRAGMATIA

- | | |
|---|-------|
| I. Proposito quocunque corpore solido, quod sit gravius aquâ, invenire gravitatem aquæ, eidem in magnitudine æqualis. | ibid. |
| II. Differentiam inter gravitates aquarum quarumcunque invenire. | 361 |
| III. Mix- | 361 |

TITVLORVM.

- III. Mixtionem argenti in aurea corona, ad imitationem Archimedis, invenire. 362
- IV. Quantum argenti sit auro mixtum, cognoscere ex Porta: item quantum auri sit in vase de aurato, & quantum æris in moneta argentea. 370
- V. Mixturam metallorum quamcunque notam facere, & monetarum ligaturam explorare, & ponderis diminutione in aqua. 372
- VI. Ex gravitate auri cognoscere ejus qualitatem hydrostaticè per aquam communem. 377
- VII. Differentiam ponderis inter corpora solida, quæ aquâ sunt graviora, invenire hydrostaticè per aquam. 379
- VIII. Pondus cujusque corporis quod in aqua demergitur, invenire per aquam, cognitâ corporis magnitudine. 381
- IX. Ex noto pondere alicujus solidi corporis aquâ gravioris, notam facere ipsius magnitudinem. 383
- X. Datis duobus aut pluribus corporibus aquâ gravioribus, ejusdem aut diversæ speciei, æqualibus in pondere, invenire utrum sint æqualia in mole. ibid.
- XI. Invenire gravitatem cujuscunque aquæ, mediante corpore quod sit aquâ levius. 384
- XII. Quantum salis contineat quælibet aqua salsa, hydrostatico artificio cognoscere. 375
- XIII. Super aquas lacuum ac fluminum ambulare hydrostaticâ arte. 389
- XIV. Naves, aliaque magni ponderis in mari aut fluminibus submersa extrahere, hydrostatico artificio. 390
- XV. Navem sub aquis natantem fabricari, ex Mersenni phantasia. 392
- XVI. Maris profunditatem metiri hydrostaticâ arte. 401
- XVII. Vitreas aviculas, aliasque cujuscunque formæ icunculas ex vitro, in aequalibrare, sursumque ac deorsum pro libitu motitare. 405
- XVIII. Quatuor humores intra sphæram vitream ita librare, ut mundum elementarem referant. 410
- XIX. Globum solidum in medio liquore hydrostaticè libratum suspendere. 413
- XX. Discumbentes illudere, ut pro vino aquam bibant. 415
- XXI. Ut quis putet aquam in vinum converti, efficere. 418
- XXII. Aquam à vino separare ex principis hydrostaticis, alijsq; modis. 419
- XXIII. Utrum vino admista sit aqua, cognoscere. 424
- XXIV. Mustum an habeat admistam aquam, deprehendere. ibid.
- XXV. Ut lignea statua sine aqua ambulet, efficere. 425
- SYNTAGMA III. De selectionibus Hydrostaticis Erotematibus. 426

E L E N C H V S

EROTEMA.

- | | |
|--|-------|
| I. Vtrum navigari possit in aëre. | ibid. |
| II. Quæ causa nubes in media aëris regione suspendat. | 428. |
| III. Vtrum in aqua consistenti partes superiores premant actu inferiorum. | 430 |
| IV. Cur homines corpus ad quantumvis magnam profunditatem immersum aquæ, non sentit aquæ supraposita pondus. | 436 |
| V. Cur glacies supernatat aquæ ex qua concrevit. | 438 |
| VI. Cur corpora hominum viva merguntur, & post duos aut tres dies enatant. | 441 |
| VII. Cur lamina plumbea, vel aurea, gravior aquâ æqualis molis, supernatat tamen aliquando aquæ. | 442 |
| VIII. Cur lamina plumbea plana aquis innatat. | 444 |
| IX. Cur naves, & alia vasa concava, quæ aëre plena supernatant aquis, ingrediente aquâ merguntur. | 448 |
| X. An verum sit, quod aqua librilis possit sustinere ceram, aut lignum centum & plurium librarum. | 447 |
| XI. Cur lignum majus aquâ levius in specie, depressum infra aquam, ascendit velocius, quam minus ejusdem rationis. | 449 |
| XII. Cur Insulæ quædam natant in aquis. | 450 |
| XIII. Quid sentiendum de natatu minorum Mundi systematum in majore. | 452 |
| XIV. Quid sentiendum de doctrina Stevini Propositæ. 10. libri 4. & Propositæ. 2. libri 5. Staticæ. | |

LIBER VI.

De Magia Hydrotechnica, sive de abditis, admirandis, utilissimis, ac jucundissimis aquarum artificijs, ac spectaculis. 457

SYNTAGMA I. De Hydragogia, seu aquarum libellatione. 460

CAPUT.

- | | |
|---|-----|
| I. De Hypothesibus Hydragogicis. | 461 |
| II. Quidnam sit libellatio, & quinam de illa scripserint. | 472 |
| III. De libellaticis Instrumentis à Vitruvio enumeratis, videlicet Dioptra, Libra aquaria, & Chorobate. | 474 |
| IV. De alijs Instrumentis libellaticis à varijs auctoribus usurpatis. | 477 |
| V. De vulgari Libratorum praxi in librandis locorum distantijs, ad perducendas aquas. | 483 |
| VI. De praxi libellandi tradita à P. Nicolao Cabæo. | 482 |

VII. Exa-

TITVLORVM.

- VII. Examinatur sententia & praxis Cabæi in libellandis aquis. 493
 VIII. De alveorum atque canalium, per quos aqua decurrit, necessaria declivitate, in perducendis aquis. 497
 IX. De cautelis nonnullis in libellatione adhibendis. 502

SYNTAGMA II. De novis nonnullis, alijsque ingeniosis machinis ad aquam in altum elevandam. 504

MACHINA.

- I. Insulense Molendium & Antlia. ibid.
 II. Romanæ situlæ automatæ, spontaneo atque perpetuo motu aquam in altum attollentes. 510
 III. Antlia Pragensis, perpetui modus idea. 521
 IV. Tubus triangularis Herigonij, motus perpetui æmulus. 534
 V. Cochleæ Archimedææ usus, & utilitas uberiùs explicata. 537
 VI. Augustana Hydrotechnia, quæ aquæ in turres sublata, per urbem inde dispensantur. 542
 VII. Spiralis rota, motus perpetui æmula. 549
 VIII. Rota Blancani, aquam in altum ac circum projiciens. 551
 IX. Hydracontistericum Norimbergense ad extinguenda incendia. 552

SYNTAGMA III. de machinis, quæ aquæ lapsu naturali suas exhibent operationes. 554

CAPUT

- I. De varijs aquæ naturaliter fluentis proprietatibus. 555
 II. De ascensu aquæ æquali descensui. ibid.
 III. De varijs fontibus ac machinis lapsu aquæ naturali institutis, obiter indicatis. 557

LIBER VII.

De Magia Aërotechnica, sive de rarioribus ac mirabilioribus artificijs ac machinis hydro-pneumaticis, alijsque effectibus aëris seu spiritus ope exhibendis. 561



SYN-

ELENCHVS

SYNTAGMA I. De machinis & experimentis pneumaticis, quæ vi attractiva, ad vacuum fugiendum, instituuntur. 563

CAPUT I. Experimenta ex quibus vacui impossibilitatem deducunt Peripatetici, & vim attractivam motu vacui stabiliunt. 564

II. Proponitur & examinatur aliorum sententia de principio efficitivo & imfeditivo eorum motuum, qui vulgò dicuntur fieri vel impediri à Natura formidante vacuum. 571

III. An aqua per antliam tractoriam elevetur vi prementis aëris, an motu vacui, 575

IV. An hydrargyrus intra fistulam vitream suspensus hæreat motu vacui, an vi pressionis aëris circumstantis. 580

V. An aqua in tubo Bertiano suspensa hæreat motu vacui, an vi libramenti extrinseci aëris. 602

VI. Qua virtute ascendat aqua intra tubum & phialam in Experimento Magdeburgico. 604

VII. Vtrum aqua in vase irriguo suspensa maneat motu vacui, an vi aëris subtus prementis. 608

VIII. In cyatho inverso vinum suspendere, metu vacui.

SYNTAGMA II. De machinis & Experimentis pneumaticis, quæ vi expulsiuâ instituuntur.

EXPERIMENTVM

I. Vas construere, è quo si quis bibat, faciem liquore spargat.

II. Ventum in cubiculo generare, ad refrigerandum æstate convivas.

III. Sclopetum pneumaticum construere.

IV. Aliter Sclopetum pneumaticum fabricari. 619

V. Sclopetum hydro-pneumaticum construere. 621

VI. Manuali Sclopeto pilam eminus solo aëre proijcere. 622

VII. Draconem volantem per aëra exhibere. 624

LIBER VIII.

De Magia Arithmetica, sive de nonnullis admirandis & maximè paradoxis Arithmeticae problematibus. 629

TITVLORVM,

SYNTAGMA I. De admirando progressionis Geometricæ incremento, ad innumerabilem graduum gratiæ numerum Magnæ DEI Matris MARIAE quoquo modo æstimandum. Habet II. §§. 631

SYNTAGMA II. De incredibilem idiomatum multiplicabilitate, ex utili viginti trium litterarum Alphabeti combinatione. Habet IO. §§.

SYNTAGMA III. De arithmetiis seu arithmâgicis planetarum sigillis, eorumque superstitione, & vanitate,

CAPUT I. De forma & usu sigillorum planetariorum. Habet 8. §§.

II. De inefficacia, vanitate, ac superstitione sigillorum planetariorum.

LIBER IX.

De Magia Geometrica, sive de miris quibusdam Geometricarum figurarum & operationum proprietatibus.

SYNTAGMA I. De proprietatibus circuli. Peripheria circuli maioris, æqualis est peripheriæ circuli minoris, & vicissim.

SYNTAGMA II. Archimedis Cyclometria legitima est, Gephyrandri spuria. Habet 6. §§.

SYNTAGMA III. De Chrysopeia Geometrica, eiusque refutatione. Habet 3. §§.

SYNTAGMA IV. De Areæ Noë dimensione, eiusque Symmetria, & capacitate. Habet 8. §§.

SYNTAGMA V. De Geometria Catoptrica.

PROPOSITIO

I. In omnibus speculis radij obliquè incidentes reflectuntur ad angulos æquales angulis incidentiæ.

II. Instrumentum Pantometrico-Catoptricum construere.

III. Altitudines accessibiles Instrumento Catoptrico metiri.

IV. Idem

ELENCHVS TITVLORVM.

- IV. Idem præstare solo speculo, sine Instrumento.
- V. Inaccessas altitudines per duas stationes catoptricò radio metiri.
- VI. Aliter inaccessas altitudines metiri ex duobus locis.
- VII. Latitudines seu locorum distantias metiri catoptricè.

EPILOGVS OPERIS.





PROOEMIUM OPERIS.

In quo DEVM in productione rerum ad
Leges Mathematicas respexisse ostenditur,
& Operis Synopsis proponitur,



*Admirandorum Mathematicorum
Gymnasium aperio, in quo omnium
ferè Mathematicarum, hoc est, ma-
ximè admirandarum Disciplina-
rum non prima Elementa, nec vul-
garia documenta, sed abdita, miranda, & verè ma-
gica inventa curiosarum rerum indagatoribus,
Mathematicisq; amatoribus & Candidatis, qui-
bus hæc scribo potissimum, propono. Quodnam igitur
Phrontisterij mei foribus symbolum, Platonis,
ac Pythagoræ, aliorumque Veterum morem secutus,
præfigam? Pulchrum, fateor, videtur inter alia
Platonium illud, ὀυδεις ἀγεμετρητος εἰσῆτω: pulchrum al-
terius illud, πῶς ἀγεμετρητος εἰσῆτω: pulchrum Pythago-*

A

rica



rica Hecatombes diagramma, triangulum inquam
 rectangulum: cum singulorum laterum quadratis,
 ob cuius inventum centum boves *Mulis* sacrificaf-
 se ferunt ejus *Auctorem*: pulchrum *Simandis* *Æ-*
gyptiorum Regis Zodiacus aureus cum epigraphe,
 ἀριστοι τῆς ψυχῆς: pulchrum deniq; (ut alia innumera om-
 mittam) id quod *Veteris sapientia Hieromante*
Ægyptij Mercurium Anubin, sapientem illum to-
 tius *Matheseos inventorem*, *ἱερογλύφας* designaturi,
 artium suarum sacrarijs insculpere solebant, *Ibis*
 inquam, ut *Plutarchus loquitur*, καὶ οὕτως τῆ τῶν ποδῶν ἀπο-
 στάσι πρὸς ἀλλήλους, καὶ πρὸς τὸν εἰχλὸν ἰσόπλευρον τρίγωνον, cum hoc *Æ-*
gyptiacæ lingua epiphonemate, ΠΕ Μ Τ Ε Μ Π Η-
 Τ Α Η Ε Ρ Μ Α Ν Ο Β Ι Σ, hoc est, donum
Mercurij Agathodæmonis. Post longam tamen
 pensitationem, & accuratam omnium consideratio-
 nem, omnium pulcherrimum visum est illud *Plato-*
nicum, ὁ Θεὸς αἰ γέωμετροῖ DEVS semper geometrizat,
 hoc est, *Mathematicum* agit. Nihil enim ad
Mathematicarum Disciplinarum commendatio-
nem præclarius, nihil ad movendos *Matheseos Can-*
didatorum animos efficacius, nihil ad ingeniosorum
studium acuendum aptius, meâ quidem sententiâ,
 excogitari potest, quàm *DE* ipsius, sapientia omnis
 pela-

pelagi ac fontis, exemplum. *DEVM* verò in rebus omnibus quæ producendis, quæ exornandis, Mathematicum se exhibuisse, hoc est, Mathematicis legibus ac proportionibus usum fuisse, monstrant luculenter res uniuersa, calum, animalia, vegetabilia, inanimata; in quibus omnibus Mathematicarum operationum non obscura solum vestigia, sed manifestissima elucent exempla, ut alio fusissimè monstrabimus loco. Quare rectè ac sapienter Plotinus assererat, inesse Architecto illi supramundano ideas quasdam mathematicas, quas omnia quæ existunt, participant. Quibus quidem mediantibus occulto quodam similitudinis nexu, seu, ut Platónico more loquar, catenâ quâdam heracleoticâ, suprema infimis, infima medijs, media summis ac imis, per ascensum descensumq; varium ineffabili unione copulantur. Hinc Plato quondam à suis interrogatus, quo maximè Mens illa supramundana sese occuparet, respondisse fertur: ὁ θεὸς ἀεὶ κυκλομετρῆι, *DEVS* semper circulos animo suo versat; vel ut paulò antè cū alijs retulimus: ὁ θεὸς ἀεὶ γεωμετρῆι, *Deus* semper geometrizat. Cui adstipulatur egregiè solemne illud in Schola Averroïs de *DEO* (conditore rerum effatum, Mentem videlicet primam, dum ad re-

rum creationem proceſſit, numeros, triangulos, circulos, & ſphæras eructaſſe. *Simile quid apud Hebræorum Rabinos Rambuſ & Abenezram legitur, & memini me audiſſe à P. Athanaſio Kircherò, habeturq; in ejus Oedipo Ægyptiaco. Conſtituunt ij in apice Arboris Zephiroth, ut appellant, circulum complectentem triangulum, in cujus centro oculus eſt, cum hiſ adiunctis verbis hebraicis: en ſuph; angulis verò tribus hæc ſunt appoſita vocabula itidem hebraica: Chochma, Binach, Cheter, hoc eſt, Corona, Sapientia, Intellectus; vel ut habet Rabi Abraham in Ietsirah, Numerans, Numerus, Numeratus; ipſi deniq; Arbori hæc ſubſcripta eſt Gnome: Ex Archetypo triangulo profluxit Mundus. Quibus quidem Mathematiciſ ſchematiſmiſ nihil aliud allegoricè indicare volunt ex doctiſſimi Kircheri interpretatione, niſi Mundum ex Unitate abyſſali & ineffabili, per Binarium, in Ternarium, & hinc in Circulum profluxiſſe; juxta illud veterum Theologorum axioma: ubi Vnitas punctualis cadit in alteritatem Binarij, ibi primò Triangulus eſt, ac deinde ex infinitis angulis Circulus. Idem ingenioliſſimè, ut ſolent, Ægyptiorum Hieroglypta indicare voluerunt Horo illo ſuo, reticula-*

culat à veste induto baculoq³ $\kappa\epsilon\kappa\epsilon\kappa\omicron\mu\omicron\rho\phi\omega$, hoc est, upu-
 pa insignito capite, lituo quoque & gnomone instru-
 to, cui à tergo triangulum est affixum, cum annexo
 circulo. Hisce enim, ut Kircherus noster interpre-
 tatur in Obelisco Pamphilio, & iterum in Oedipo
 Ægyptiaco, nihil aliud significare volebant, quam
 Mundum hunc à DEO per Sapientiam ac Poten-
 tiam suam ineffabilem productum, admirabili re-
 rum varietate per upupa caput significatâ, summâ
 harmoniâ per lituum expressâ, concinno deniq³ ordi-
 ne per gnomonem indicato, elucescere. Quæ omnia
 pulchrè explicat Mor Isaac Syrus in sua Theologia
 Manuscripta, quam apud supradictum Kircherû
 nostrum Roma vidi. Is super illa paraphrasis Chal-
 daicæ verba: In sapientia creavit DEVS cælum &
 terram, commentans, proprium sapientie divinæ es-
 se ait, Arithmeticum in numero, Geometram in
 mensura, Staticum deniq³ in pondere, in rebus pro-
 ducendis sese demonstrare. Quod quidem ex Apo-
 grypholib: 4. Esdra cap. 4. desumptum videtur, ubi
 habetur, DEVM in statera ponderasse læculum, &
 mensurâ mensurasse tempora, & numero nu-
 merasse tempora. His omnibus egregiè consolat
 statua illa vetustissima in Æthiopia, teste Pigafet-

ta, in delubro quodam post Christi Nativitatem Anno 1556. reperta. Tenebat illa manu dextrâ librum, gnomonem sinistrâ, pectori hebdachordum habebat insculptum, vestis innumerâ figurarum geometricarum varietate insigniebatur, cum hac inscriptione Æthiopica: lika Zarabtalum, hoc est, Architectus Mundi. Quis adeo hebes animo est, qui divina sapientie gnomonem, & ineffabilem illâ rerum harmoniam, libramq; exactissimam in rebus creatis omnibus producendis, insinuari hisce non advertat? *DEVS* igitur rationibus Mathematicis universa condidit, dum immobilis ex Monade velut centro quodam, per lineam rectam, in infinitos polygonos sese propagans, in Circulum deinde infinitorum laterum, hoc est, in se ipsum, Circulum videlicet, cujus centrum ubique, circumferentia nullibi, ut Trismegistus loquitur, reflexit. Si omnia ergo mathematicis rationibus à DEO condita, si in omnibus Matheseos vestigia ac signa latent; ea nos scrutari, mirari, pandere omni studio par est. Quod hac tertia Magia nostra Vniuersalis Parte prestare conabimur, non omnia quidem, sed eximia quæq; & maximè abdita, ideoque magica, recensentes. Adsit qui omnia in numero, pondere, &

mensu-

mensura disposuit DEVS. Synopsis porrò Operis presentis hæc esto.

SYNOPSIS

Eorum quæ Tertia Parte Magiæ Naturalis continentur.

Nertiam hanc Magiæ nostræ Vniuersalis Naturæ & Artis Partem, quæ selectiora Mathematica continebit, in novem distribuemus libros.

LIBER I. Centrobarycus erit, in quo ageatur de centri gravitatis natura, proprietatibus, & miris effectibus; de centro Vniuersi, & loco Terræque globi in ipso, e jusq; centro magnitudinis & gravitatis; de eisdem in loco suo primitivo stabilitate ac immunitate à motu titubationis circa Vniuersi centrum; de motu gravium ad Mundi medium, lineaq; directionis eiusdem motus, de puncto suspensionis & sustentationis gravium; de mechanica centri gravitatis inventionione; tandemq; explicabuntur varia, jucunda, ac fortassis non indocta centrobaryca Erotemata, præsertim de funambulæ, fessione & incessu hominum, volatu volucrum, inclinatione turrium, aliq; multa. Post hæc an motus perpetuus circa Mundi centrum ab arte procurari possit, disputabitur.

LIBER II. Mechanicus erit, in quo tractabitur de admirandis machinarum viribus in ponderibus movendis, & attollendis; in cuius rei gratiam Apparatus Mechanicus præmittitur, in varios Definitiones, Axiomata, Hypotheses, & Propositiones fundamentales distribuitus. Quem sequitur non indiligens quinque virium seu potentiarum mechanicarum explicatio, Vellis dico, Axis in peritrochio, Trochleæ, Cunei, & Cochleæ; quarum Vis tanta esse apodixi mathematicâ ostenditur, ut quilibet earum, datâ quavis potentiâ exiguâ, quodlibet pondus maximum, imò ipse Terrarum Orbis, Mundusq; Vniuersus, si consistendi locus non deesset, moveri queat. Inferuntur varia Paradoxa & Erotemata Mochlo-mechanica, quibus admirabilis vellis potentia & usus in varijs machinis fusè, clarè, & ni philautia me fallit, doctè explicatur; adeo ut Liber hic, unâ

2 Procemium & Synopsis III. Partis.

una cum precedenti & subsequente, *Mechanica Universalis* merito vocari queat.

LIBER III. *Thaumaturgus* erit, in eo agetur de admirabili quarundam *Machinarum* fabrica, usu, viribus, & effectibus. Quem in finem *variae* machine explicabuntur, presertim que constant rotis ac tympanis dentatis, cujusmodi sunt *Glossocomum* seu *Pancratium Pappi*, *Stevini*, *Aurigarum*, & nostrum novum; machine locorum distantias mensurantes, *quadriga* automata, *sphæra* *Archimedeæ*, aliæque ipsi *geminæ*, *columba* *lignea* *Architæ*, *Dædali* *statuæ*, *horologia* *rotata*, & *planetologium* novum obiter indicatum: *Variae* item machine aliæ cum *Veterum*, tum *recentiorum*: machine item quibus *Romani* erecti sunt *obelisci*, presertim *Vaticanus* à *Sixto V. Pont. Max.* tandemque *Machina* *Ferdinandea* *Chinensi* *Imperatorum* missa.

LIBER IV. *Staticus* erit, differetur que in eo de occultiore ponderandi ratione. Quem in finem agetur de *Statica* *Elementis*; de *Instrumentis* *Staticis* seu *ponderatorijs*, nempe de *libra* ejusque forma, differentijs, & proprietatibus; de *statera* antiquorum, ac nostra; de *varijs* & occultis ponderandi rationibus, etiam sine *ponderatorijs* *Instrumentis*; ubi de ponderatione *virtutis* *magneticæ*, *aëris*, *fumi*, *ignis*, *aliarumque* rerum; tandemque de *libra* *sphægmica* ad *pulsuum* *celeritatem* ac *tarditatem* explorandam.

LIBER V. *Hydrostaticus* erit, & in eo agetur de mirabilibus *phenomenis* at que *effectibus* eorum qua *librantur*, *vehuntur*, *mergunturque* in *aquis*. Quem in finem sermo erit de *Hydrostatica* *elementis* seu *hypothesis*; de *phenomenis* ac *pragmatijs* ejusdem *varijs*, *raris*, & *ingeniosis*, presertim ad *mixtionem* *argenti* in *aurea* *corona* ad *imitationem* *Archimedis*, *aliorumque* *metallorum* *mixturam* *inveniendam*; ad *aquarum* *aliorumque* *corporum* *pondus* per *aquam* *deprehendendum*; item de *halometro*, de *ambulatione* *super* *aquas*, de *extractione* *navium* *ex* *aquis*, de *navigatione* *infra* *aquas*, de *arvium* *vitrearum* *nataiu*, de *separatione* *aque* à *vino*, *alijsque* *similibus*: Tandem *selectiora* quædam *hydrostatica* *Evotemata* *solventur*.

LIBER VI. *Hydrotechnicus* erit, in eoque de *abditis*, *admirandis*, *utillimis*, *jucundissimisque* *aquarum* *artificijs* ac *spectaculis* agetur, presertim que in *Mechanica* *nostra* *Hydraulico* *pneumatica* *prætermissa* fuere. Vbi etiam de *Hydragogia* seu *aquarum* *libellatione* fusè disse-

differtur, & ex fundamentis. Quem in finem multa describuntur hydrogogica instrumenta, aliorumque libellandi praxes examinantur. Tum novæ & artificiosæ afferuntur & explicantur Machinæ hydraulicæ, quæ varijs spectantur in locis; quarum nonnullæ perennem æmulantur motû.

LIBER VII. Aerotechnicus erit, ac de varijs, rarioribus, & mirabilioribus artificijs ac machinis hydropneumaticis aget, alijsque effectibus, aëris seu spiritus ope exhibendis. Vbi iterum de machinis & experimentis pneumaticis, quæ instituuntur vi attractivâ ad vacuum figiendum & vi expulsivâ ob corporum impenetrabilitatem. Quâ occasione examinantur varia Experimenta passim jam nota, ut aquæ & Mercurij in uno & duplici tubo, aquæ per aniliam tractoriam elevata, hydrargyri intra fistulam vitream, & liquoris intra tubum Bertianum suspensi; uti & Experimentum Magdeburgicum, aliæque, quorum theoriam in Mechanica Hydraulica explicavimus.

LIBER VIII. Arithmeticus erit, & de nonnullis admirandis maximeq; paradoxis Arithmeticæ Problematibus aget, præsertim de admirando progressionis geometricæ incremento, ad innumerabilem graduum gratiæ numerum Magnæ **DEI MATRIS MARIE** quoquo modo æstimandum; de incredibile idiomatum multiplicabilitate, ex utili viginti trium litterarum Alphabeti combinatione; de arithmeticis seu arithmagis planetarum sigillis, eorumque superstitione ac vanitate.

LIBER IX. Geometricus erit, ac de miris quibusdam geometricarum figurarum & operationum proprietatibus agit, circuli præsertim, cujus proprietates prosus paradoxa, & neq; ab Aristotele, neque ab alio quovis hætenus explicata, examinator & alijs solvenda proponitur. Deinde de legitima Archimedæ, & spuria Gephyrandri proportione inter circuli peripheriam ac diametrum. Tum de accurata ac geometrica Arcæ Noëticæ dimensione, & capacitate, contra vanos aliorum timores, aut intolerabiles errores. Tandem vana aliquorum Chrysopœia geometrica rejicitur.

MONITIO AD LECTOREM,

Lector bene, cur non omnia quæ alibi promisimus duros nos in III. & IV. Parte Magicæ nostræ Universalis Naturæ & Artis, neque hæc Synopsi recenseamus, neq; Opere ipso exhibeamus, causa est quam in Operis hujus Epilogo ad calcem damus Eum lege, & non inconstantiam nostram inculpabis, sed alijs gratificandi animum laudabis. Vale.



LIBER PRIMVS DE MAGIA CENTRO- BARYCA,

Sive

De Centri gravitatis natura, proprietatibus, & miris effectibus; simulque de centro & motu gravium, aliisque Mechanicæ principijs.

PROOEMIUM.

*Magia Mechanica, e-
ing, mira
efficacia.*

M*Echanica sive Machinaria Magia, hoc est, ingentium ponderum per Machinas exiguâ potentiâ movendorum ratio atq; scientia, primum meritò inter omnes Mathematicas hujus Tertiae Partis, quam aggredimur Magias, sublimesq; scientias & artes, locum sibi vendicat, quia in effectibus exoticis, & fidem panè humanam excedentibus producendis, mirabiliorem se omnibus exhibet, vel ipsâ quotidianâ & irrefragabili experientiâ adstipulante. Quid enim mirabilius, quàm exiguâ potentiâ, debiliq; Instrumento, pondus ingens movere, in altum tollere, de loco transferre in locum?*

cum? Quid stupendum magis, quàm unicum hominem, conatu ferè nullo, id solum efficere, quod multa simul hominum millia efficere nequeunt? Quid incredibilius, quàm totam Terraquei globi molem è loco suo dimovere, si ubi pedem figas & machinam, concedatur? Quid denique humani ingenij captum excedit magis, quàm insolentissimum illud Archimedis problema, τῆ δουλείῃ συνάμει τὸ δοῦν βαρῆ & κινήσῃ, Datâ quavis & quantumvis exiguâ pontentiâ, quodlibet & quantumlibet grave movere pondus? Ea tamen Mechanicæ seu Machinariæ Magiæ subsidio fieri, & quotidiana, ut diximus, docet experientia, & ratio convincit, & Mathematica apodixis demonstrat, & nos luce clariùs in sequenti ostendemus Libro. Certè Archimedes, uti alijs in scientijs & praxibus Mathematicis, ita & in Mechanicis summus, cùm coram Herone Rege Syracusarum ausus fuisset proferre quam paulò antè insinuaui sententiam, δός μοι πῆσῶ, & κινήσῃ τὴν γῆν. Da ubi consistam, & Terram movebo; iussus edere specimen aliquod, unâ manu λευῶ quinque millienorum modiorum pondus attraxit; navem maximam, in siccum littus ejectam, & gravissimè oneratam, ad se perinde, ac si in mari remis ageretur, traxit; aliam postea recens constructam tantæ magnitudinis, ut eam omnes cives Syracusani conjunctis viribus loco movere non potuerint, ut solus Rex Hero, Machinis adjutus in mare educeret, perfecit. Vnde merito Rex obstupefactus exclamavit, ἐπὶ τούτοις τῆς ἡμέρας πρὸ πάντων Ἀρχιμήδῃ λέγοντι πεισεύτην, ab hac die quidquid Archimedes

Archimedes
opera me-
chanica.



Mechanica
significatū.

des asserverit, credendum erit, uti in I. parte lib: I. cap. 6. etiam retuli. Unde verò tanta in Machinis potentia, aut quæ Mechanicorum motuum causa ac principium, infra accuratè discutiemus. Quæ cum ita sint, putandum minimè est, Mechanicam hinc accipiendam juxta vulgi sensum, qui artes quaslibet non liberales vocant Mechanicas; sed juxta doctiorum ac sapientum interpretationem, qui ab ingenio, & inveniendi solertiâ & Mechanicæ, & Machinæ derivant vocabulum. Machina, inquit Lipsius lib: I. Poliorceticæ Dialogo 3. ex Auctore Etymologici, Græcis est μηχανή, παρὰ τὸ μῆδω, ab inveniendo, aut sapiendo; sive παρὰ τὸ μὴ χεῖνεν, ἢ μὴ ἴσσω χεῖνεν τινὰ ψαλλῶς. διὰ τὸ ἐπιτυχῆς εἶναι τυχον αὐτῆς, quæ hiscere scilicet aliquem non finit, neque reprehendendi causâ os solvere, ob efficaciam in ea & artem, ut Eustathio apud eundem Lipsium placet. Certè Itali, & teste Lipsio posteriores Scriptores Latini, machinas hac ipsa de causa Ingenia, & earum architectos Ingeniarios appellant. Machina inquit Asconius, est, ubi non tam materiæ, quàm ratio artis atque ingenij ducitur.

Magia cer-
ebrobarica.

Ut porrò majori cum fundamento, melioriq; ordine, simul & claritate, in re tam vasta, totque Magicorum prodigiorum ferace procedamus; operæ pretium duximus, Centrobarycam præmittere Magiam, vel potius Centrosophiam, hoc est, de centro tum magnitudinis tum gravitatis doctrinam, quoniam omnium ferè Mechanicorum miraculorū causâ continet, ut luce clariùs suis patebit locis. Meritò ergo Apparatum Mechanicum appellare possu-

mus

mus hunc primum de Centrobaryca Magia Librum. Agemus in eo de centro gravitatis & magnitudinis tum aliorum corporum, tum verò maxime Terraque; de centro gravium, & motu eorundem ad ipsum; de linea directionis in gravium motu; ac demum de stupendis centri gravitatis proprietatibus atque effectibus. Punctum est centrum gravitatis, sed tanti momenti, ut in Calum ac Terram, resque omnes Cali ambitu contentas imperium extendat suum. Vnde sapientissimus rerum Architectus DEUS non hominibus solum, etiam rudibus ac imperitis, sed animantibus etiam, imò si dicere fas est, vitâ quoque & sensu expertibus rebus, illius quardam agnitionem, sensum, & appetitum indidit. Pythagoras adhuc puer ligna ferebat in fasciculum juncta, & super humeros ingeniosè librata: Vidit Democritus, miratusq; scita oneris librati intervalla; habes unde proficias, inquit me sequere, meliora discas oportet, qui & ligna lance tam ingeniosâ humeris appendis; simulque Philosophiâ puerum applicuit, & esse eum fecit, ait Gellius, quantus postea fuit. Tantum illi ad immortalitatem nominis momentum addidit Centrum gravitatis. Gravitatis centrum, & quæ cum gra-

vitatis centro conjuncta est, directionis linea, et gravium motum & avium volatum, & animalium hominumq; incessum, stationem, ac sessionem dirigit, moderatur, ac firmat. Ipsa Terraque moles, quanta quanta est, ad hujus centri quietem stat immota, ad nutum, ut multis placet, nutat ac movetur. Nimirum quod Archimedi, quod machinis omnibus ab Archimede inventis, quod adeo Angelis ipsis denegant, ut Terram in sese nutibus suis conglobatam, ac pondere suo unde quaque in se ipsam connitentem, dimoveant, hoc puncto uni, quod non nisi acutangas, concedere non dubitant. Sed hoc infra examinabimus. Interim ad rem ut propius accedamus, sit.

CAPVT PRIMVM.

*De centro magnitudinis & gravitatis corporum,
& de loco Terraque in Vniuerso.*



Quoniam Mechanica solum circa corporum motum versatur, utpote quæ solum physicam gravitatem habent, ideo de illorum tantum, & non de linearum ac superficieorum, gravitatis centro hoc loco agemus. Præmittendum tamen aliquid de centro corporum

porum in genere, ejusque divisione in centrum magnitudinis, & centrum gravitatis.

PROPOSITIO I.

Centrum uniuscujusq; corporis est punctum ejus medium.

Sic punctum medium cujuslibet sphaeræ, globi Terraquej, Vniversi, centrum est sphaeræ, Terraquæ, Vniversi. Idem de alijs corporibus dicendum. Quoniam verò quodlibet corpus & magnum est, & grave; ideo duplex in unoquoque centrum considerari potest, magnitudinis unum, alterum gravitatis: quæ quidem aliquando in idem coincidunt, aliquando inter se differunt. Vtrumque definitio. Sit igitur.

Centrum uniuscujusq; corporis.

PROPOSITIO II.

Centrum magnitudinis corporum est illud punctum, quod undiq; equaliter, ratione magnitudinis seu extensionis, ab extremis abest.

Itaque si plano per tale centrum transeunte secetur corpus, bisecari æqualiter quoad magnitudinem oportet, ita ut partes illæ seorsim sumptæ æquales sint, quomodocunq; corpus plano illo per centrum transeunte secetur. Hoc centrum in homogeneis corporibus est etiam gravitatis centrum, in heterogeneis minimè, ut mox patebit.

Centrum magnitudinis corporum.

PROPOSITIO III.

Centrum gravitatis uniuscujusque corporis est punctum illud intra, extravè positum, circa quod undique partes æqualium momentorum consistunt.

Itaque si plano per tale centrum transeunte secetur quomodocunq; corpus, semper in duas æquiponderantes partes scabitur, hæ enim sunt æqualium momentorum. Dixi, intra,

Centrum gravitatis corporum.

EXTRA

extravè positum, quia in sphaera, cubo, aliisque solidis corporibus partes suas omnes unitas habentibus, punctum illud, circa quod undique partes æqualium momentorum, seu ponderum aut gravitatum (id enim momentum hoc loco significat) consistunt, est intra illa corpora positum; in annulo verò, semiannulo, sphaera aut semisphaera concava, aliisque similibus corporibus, non omnes suas partes unitas habentibus, est extrà positum, v. g. in medio diametrorum, aut in aliquo semidiametrorum puncto talium corporum.

Pappus Alexandrinus lib: 8. Collection: Mathemat: in hunc sensum definit dictum centrum. *Centrum gravitatis uniuscujusq; corporis, est punctum illud intra positum, à quo si corpus dependens mente concipiatur, dum fertur, quiescit, & servat eam, quam in principio habebat positionem, neque in ipsa latione circumvertitur.* Breviùs verò *Simon Stevinus* lib: 1. Staticæ par. I. Definit: 4. sic: *Gravitatis centrum est, ex quo vel solâ cogitatione suspensum corpus, quemcunque situm dederis, illum retinet.* Vt ii corporis *ABCD*, centrum gravitatis sit punctum *E*, & ex illo puncto suspendatur, aut suspensum cogitetur, lineâ *EF*; retinebit eundem situm, quòcunque tuleris, quia pars *ABC* est æqualis parti *ADC*; ut supponitur, idèq; non est major ratio cur una potiùs quàm altera præponderet, & situm muret. Quòd si alium situm dederis dicto corpori, & conversum suspenderis ex eodem puncto *E* lineâ *EG*; eundem iterum retinebit, quocunque feratur, neque in ipsa latione circumvertetur mutando situm, eò quòd & pars *BA D* æqualis est parti *BCD*.

Vide Iconismi I.
Fig. 1.

COROLLARIUM.

Colligitur hinc, unicum tantum esse unius corporis centrum gravitatis, quia circa unicum tantum punctum partes æqualium momentorum consistunt.

PRO-




















Fig. 1



PROPOSITIO IV.

In corporibus homogeneis regularibus centrum gravitatis est idem cum centro magnitudinis; in irregularibus & in heterogeneis, diversum.

Homogenea corpora sunt, quorum una & eadem est materia, ut aurum, plumbum &c. heterogenea, quorum materia est diversa, v.g. partim aurum, partim lignum, aut cera. Regularia corpora sunt, sphaera, & sphaerae inscriptibilia, quorum scilicet omnia latera sunt aequalia, ideoque centrum magnitudinis eorum congruit cum centro magnitudinis sphaerae, cui inscribuntur: irregularia, quorum non omnia latera aequalia sunt, ideoque non sunt sphaerae inscriptibilia; quia eorum centrum magnitudinis non potest congruere cum centro magnitudinis sphaerae, si omnia latera a sphaerae mente circumpositae superficie extrema tangantur. Priorum igitur idem est centrum magnitudinis & gravitatis, quia si plano per centrum magnitudinis transeunte quomodo cunque secentur, semper secantur in partes aequales ut magnitudine, ita & pondere, quoniam homogenea sunt; & una medietas tantum ponderat, quantum altera. Posteriorum non idem est centrum magnitudinis & gravitatis, quia si heterogenea sunt (sive regularia, sive irregularia) & una medietas, v.g. medietas A B C praecedentis Figura est lignea, altera plumbea, centrum magnitudinis est in plano utramque medietatem dividente per A E G, nempe in puncto E v.g. at centrum gravitatis erit intra medietatem plumbeam A D C, v.g. in puncto I. Si vero irregularia sunt, semper una medietas gravior erit quam altera, & tamen centrum magnitudinis erit in medio inter duas medietates, (si in duas aequales dividi potest) centrum vero gravitatis erit intra medietatem gravio-rem.

*Centrum
gravitatis
& magni-
tudinis in
homogeneis
idem, in he-
terogeneis
diversum.*

Vide Ico-
nismi I.
Fig. I.

PROPOSITIO V.

In sphaera globi Terraquei non est idem centrum magnitudinis & gravitatis, mathematicè.

Terraquei globi non est utem centrū gravitatis & magnitudinis, mathematicè.

Vide Iconismi I. Fig. I.

Cùm enim globus ille compactus ex terra & aqua, ex una parte terreus sit, ex altera aqueus, terra autem sit gravior quàm aqua; item cùm non ubique terrea portio sit ejusdem ponderis, sed alicubi sint saxa gravissima, alibi terra levissima; erit quidem magnitudinis centrum in medio istius globi, at gravitatis centrum minimè in medio erit, mathematicè loquendo, sed intra medietatem graviorem constitutum erit. Colligitur ex dictis, & explicatur ulterius. Sit in præcedenti Figura globus Terraqueus ABCD, cujus portio *Dmn* sit aquea, portio verò reliqua *Bmn*, sit terrea: centrum magnitudinis globi erit punctum *E*, quia circa id æquales undique partes quoad magnitudinem consistunt, uti supponitur; at centrum gravitatis non erit idem punctum *E*, quia circa id non consistunt undique partes æquales quoad gravitatem, cùm medietas ABC gravior sit, quàm medietas ADC, uti similiter supponitur. Erit ergo centrum gravitatis talis globi intra medietatem ABC, diversum à puncto *E*.

PROPOSITIO VI.

Physicè & ad sensum, idem censei potest centrum magnitudinis & gravitatis in Terraqua.

Physicè rationem & ad sensum idè est.

Licet enim aquis copiosissimis, per Oceanum, maria, lacus, fluvios dispersis, interfusa sit Terra, & prope superficiem heterogeneis partibus mixta; tamen ad reliquam Terræ molem homogeneam, aquæ omnes, & omnes heterogeneæ partes, insensibilem videntur habere proportionem, & ineptam ad præponderandum versus unam partem, uti paulò post demonstrabimus; præsertim cùm maris & Oceani profunditas non sit tanta, quanta vulgò creditur, uti probabimus ex histo-

rijs in Curfu Mathematico Tract. de Sphæra Mundi. Credibile etiam est id quod asserit Ricciolus in Almagesto Novo lib. 2. cap. 4. n. 2. DEVM opt. Max. ita montes & maria circa Terram disposuisse, ut undique æqualia sint momenta circa ejus centrum magnitudinis; sive ob id ipsum quædam maria sint altiora alijs, (sicut de Tyrrheno mari respectu Superi in Adriatico seu Veneto sinu affirmat Cabæus in Meteoris lib: I. pag: 55. & de Mari Rubro respectu Mediterranei, de Mari Nortico respectu Oceani del zur, affirmant alij) sive non.

PROPOSITIO VII.

Corporis cujuscunq; centrum, tam magnitudinis, quàm gravitatis, mutatur, cum aliquid ei additur, vel demitur, vel mutatur.

SIt cubus $ABCD$, homogeneæ materiæ, cujus centrum vel magnitudinis, vel gravitatis, vel utriusque, sit punctum E . Addatur ei pars $AFGD$; mutabitur utrumque centrum versus partem additam, eritque non amplius punctum E , sed punctum H v. g. Ratio est, quia factâ additione, punctum E , quod antea erat in medio corporis $ABCD$, jam non est in medio $FBCG$, ut patet ex se. Sit iterum cubus $FBCG$, cujus centrum magnitudinis & gravitatis sit punctum H , utpote in medio ejus. Dematur pars $FAD S$, maneatque sola pars $ABCD$; mutabitur centrum, & jam non erit punctum H , quod antea erat in medio totius corporis $FBCG$, factâ ablatione partis $FADG$, non est jam in medio partis solius $ABCD$, ut etiam ex se patet. Quòd si ex toto corpore $FBCG$, auferatur, & pars $FADG$ addatur ad basin DC cubi $ABCD$, ita ut nulla fiat auctio vel diminutio totius corporis $FBCG$, sed tantùm fiat mutatio partium eius quoad situm; mutabitur similiter utrumque centrum, & jam non erit amplius in H , quia hoc punctum quod antea erat medium totius, iam non est amplius medium totius, ut patet: neque erit in E , quia cum hoc fuerit antea medium totius cubi $ABCD$, factâ additione ad basin DC ,

Vide Iconismi I. Fig. II. Centrum magnitudinis & gravitatis corporum mutatur, si eis aliquid additur, vel demitur.

non erit amplius medium totius corporis conflati ex cubo ABCD & parte addita, ut constat ex se. Mutabitur ergo, & quidem versus basim, eritque v. g. in puncto I.

ANNOTATIO.

Quando gravi aliquid adijcitur, centrum gravitatis accedit versus partem adjectam, quia versus illam partem factum est gravius: quando eidem aliquid demitur, recedit è loco parti ablatae propiori, & accedit ad locum ab ea remotiorem, quia versus priorem partem factum est levius.

PROPOSITIO VIII.

Continuò mutatur centrum magnitudinis & gravitatis Terraque.

*Terraquei
globi cen-
trum gra-
vitatís con-
tinuò mu-
tatur.*

Sequitur ex præcedente Propositione, quoniam in Terraqua fit continua additio, ablatio, mutatio partium, cum hinc novæ exsurgant moles, urbes, propugnacula, alibi exurantur & pereant; nunc mare ingenti fluxu accedat ad littora, nunc recedat; modò homines & bestia ex hoc loco migrent in alium, modo ex illo in hunc.

PROPOSITIO IX.

Centrum Vniversi dicimus punctum illud in medio positum, à quo omnes lineæ rectæ ad convexam cæli superficiem ductæ, sunt inter se æquales.

*Centrum
Vniversi.*

Supponimus enim, Cælum esse sphericum, etiam quoad supremam & convexam ejus superficiem. Vniversum igitur sphaera est, ac proinde centrum magnitudinis ipsius habet conditiones centri aliarum sphaerarum.

PROPOSITIO X.

Omnia gravia appetunt centrum Vniversi, eòque feruntur, si libera sunt.

Itaque

ITaque centrum Vniuersi est centrum omnium gravium. Quod quidem ab omnibus ferè conceditur, sed nondum hactenus demonstratum fuit, nec fortassis demonstrari potest: quis enim novit, num siderum partes avulsa gravitent, & ad suum astrum, velut lapides in altum projecti ad Terram, redeant? inquit *Mersennus* lib: I, Mechanic. par. I. de Centro Vniuersi agens. Ego certò existimo, quemlibet planetam, & fortassis quamlibet etiam stellam fixam, fundare peculiare systema, & habere suum peculiare centrum gravitatis, quod simul sit centrum gravium eorum quæ ad systema illud pertinent; quod etiam probabile putat *Mersennus* lo: cit: & persuasissimum habet *P. Kircherus*, qui sæpe mecum ea de re Romæ discurret, cum Itinerarium suum Extaticum scriptitabat; in quo fortassis etiam mentem suam prodidit, nondum enim dictum librum editum vidi. Puto tamen certum esse; si Terraqua est in medio Mundi, centrum Vniuersi esse centrum omnium gravium sublunarium, uti ex sequentibus melius patebit.

Gravia sublunaria centrum uniuersi appetunt.

PORISMA.

Centrum itaque Vniuersi est commune omnium graviū centrum, quò nimirum omnia tendunt, non impedita.

COROLLARIUM.

Colligitur hinc, Terraquam etiam, utpote maximè grave corpus, naturâ suâ tendere ad centrum Vniuersi, velut ad commune omnium gravium centrum. Vtrum verò de facto ibidem existat, mox videbimus.

PROPOSITIO XI.

Terraqua est in medio Mundi, saltem quoad sensum.

Concedunt hoc omnes Philosophi & Mathematici Astro-nomi, etiam Pythagorici & Copernicani; qui quamvis

*Terraqua
est in medio
Mundi, quo-
ad sensum.*

in centro Mundi Solem collocent, Terram verò distantem à centro Mundi tantum, quanta est eius à Sole distantia (quæ revera ingens est) fatentur tamen tantam esse stellati & supremi Cæli à Terraqua distantiam, ut ad sensum non solum æstimari queat, sed revera & cum maximo fundamento æstimetur ab omnibus, eam esse in Mundi medio, ipsoque Vniversi centro, quandoquidem perinde omnia ad sensum phænomena nobis apparent, ac si revera in medio Mundi esset. Ita Pythagorici & Copernicani. Phænomena & argumenta ad hoc probandum, non affero, quoniam locus id non patitur; ideò solum velut Hypothesin id proposui. Alij tamen omnes Philosophi & Astronomi volunt Terraquam esse revera in medio Vniversi, ita ut non solum physico ac lato modo, sed etiam in rigore Astronomico, sit in centro Vniversi, ita ut eius medium cum centro Vniversi congruat. Quod probabilius est, ut jam dicemus.

PROPOSITIO XII.

Probabilius est, Terraquam fuisse à DEO collocatam in medio Mundi, ita ut eius medium Vniversi centro congruerit.

*Terraqua
centrum
gravitatis
Mundi cen-
tro congrue-
bat in
principio
rerum.*

Ratio est, quia Terraqua est gravissima omnium; ergo naturâ suâ appetit centrum omnium gravium, hoc est, centrum Vniversi; ergo de facto ibi fuit à DEO collocata, quia nulla ratio suppetit ad id negandum, suppetit verò optima & efficacissima ratio ad id affirmandum, quoniam DEVS juxta rerum naturalium exigentiam operari solet, quando ut Auctor Naturæ operatur. Vnde omnino verisimile est id quod diximus in Mechanica Hydraulico-pneumat. par. 1. Prothoria 4. cap. 1. in Procemio, in prima creationis rerum die Terram sphericè rotundam, & aquis circumfusam, à DEO in medio Mundi fuisse collocatam, ita ut eius centrum congruerit centro Vniversi; & cum deinde die Mundi tertio congregavit DEVS aquas, Terram adhuc undique operientes, in locum unum, atque

atque ex Terra & Aqua effecit globum unum, eundem Terraqueum globum collocasse in medio Mundi, hoc est, in centro supremi & omnia ambientis Cali, non solum quoad sensum, sed revera ac mathematicè, ita ut centrum gravitatis ipsius congruerit perfectè cum centro Vniversi, quia ut dixi, id naturalis gravitas ipsius exigebat, & nulla suppedit ratio cur dicamus, id non fuisse factum. At num de facto Terraqua est nunc in medio Mundi, ita ut centrum gravitatis ipsius congruat centro Mundi? & num semper manet de facto in tali situ? Solutio pendet ex sequenti Dissertatione.

CAPVT SECVNDVM.

An Terraqua ex continua mutatione centri gravitatis, sit in continuo motu trepidationis ac titubationis circa centrum Vniversi.

Orbis Terrarum, quem DEVS Opt: Max: in prima rerum condicione fundavit super stabilitatem suam, collocatum in medio Mundi, uti præcedente dictum est Propositione, tam validis, tam exoticis concutitur motibus ab Antiquis, à Neotericis Enceladis, Astronomis dico, ac nonnullis Philosophis, vix ut rationum pondere comprimi, vix argumentorum frænis valeat cohiberi. Novo Atlante opus est, qui aut humeris ipsum sustentet, aut fulciat lacertis. *Nycetas Syracusanus, Heraclides Ponticus, Ecphantus Pythagoricus* olim, & nuper *Origanus, Longomontanus, Argolus,* & alij conantur ipsum circumagere in medio Mundi circa proprium centrum motu diurno ab ortu in occasum. *Copernicus, Gilbertus, Keplerus, Lansbergius,* alijq; quibus calamus prurit, & novitates arrident, secuti in parte *Philoaum Pythagoricum, & Aristarchum Samium,* eundem circa Solem, velut Mundi centrum, contorquere nituntur quadruplici motu, diurno ab occasu in ortum, annuo intra Zodiaci circulū, trepidationis ab ortu in occasum, titubationis à septentrione in austrum. Et licet Gigantæam hanc audaciam compresserit non ita pridem Ecclesiæ auctoritas, Orbem que

Terraqueo globo varij motus à varijs affinguntur.

Terrarum quieti restituerit pristinae in Mundi medio, ipsum tamen quiescere non sinit omnino aliquorum ingenium, sed perenni quadam trepidatione, ac veluti fluctuatione circa Mundi centrum agitare ipsum contendunt, & quidem, ut ipsi putant, non magno admodum molimine, ex centri nimirum gravitatis mutatione perpetua, ob perpetuam gravium de novo additionem alibi, alibi ablationem.

*Terraqua
an ex mu-
tatione cō-
tinua centri
gravitatis,
sit in conti-
nua trepi-
datione.*

Defendit hanc de Terraquæ continua circa Mundi centrum mutatione, ex mutatione centri gravitatis *Narsilius* lib: 8. physic: tract. I *Major* in 2. distinct: 24. q. 12. *Ioannes de Saxonia* lib: 2. de Cælo q. 10. *Vasquez* 1. 2. disp: 18. cap: 2. *Scheinerus* in Disquisit: *Mathemat: Num: XV. Consect: 4. Cocceius* lib. I. *Meteor, lect. 17. Forerius* in *Viridario Philosoph. Disput: de Centro gravit: Num: XXVII.* circa finem, *Bertinus* *Apiar* o 4. *Pro-gymnas: 1. Proposit: 9.* & præter alios, fusè ac doctè *Guldinus* in *Dissertat: peculiari de ea re, in fine Libri I. de Centro gravit. & P. Athanasius Kircherus* in *Mundo Subterraneo* lib: I. *Rat: o* hujus sententiæ est, quòd Terraqua, utpote gravis, imò omnium gravissima, exigat ex natura sua ita existere in Mundi medio, ut centrum gravitatis ipsius congruat centro Universi, juxta dicta *Proposit. 10. cap. præcedentis* ergo quia centrum gravitatis continuò mutatur, ex nova & continua additione & ablatione ponderum, necesse est ut toties moveatur ac trepidet, quoties dictum centrum mutatur, ut nimirum novum centrum gravitatis congruat denuò centro Mundi. & Terra stet iterum in æquilibrio, & circa Mundi centrum undique æqualiter ponderet, ut ejus natura requirit. Sed rem melius schemate aliquo declaremus, Sit igitur supremi cæli, ac proinde & totius Universi, ambitus *ABCD*, cujus centrum *E*; Terraqua sit *FGHI*, cujus centrum gravitatis sit idem punctum *E*, congruens nimirum cum centro Universi, ideoque medietas *Fn* æqualis sit in gravitate cum medietate *mHn*. Ad datur jam ex una parte moles aliqua, v g. *E*, murabitur centrum gravitatis in Terraqua, & migrabit versus *F*, v g. ad punctum *K*, ita ut portio *IFG* æqualis sit in gravitate cum

*Vide Ico-
nismi I.
Fig. III.*

por.

portione IHG, manente tamen immobili centro Vniuersi in puncto E. Non poterit, inquiunt, Terraqua in hoc situ manere, sed necessariò, juxta dicta Proposit: 10. moveri debet, & deprimi, donec punctum K congruat puncto E, centrum nimirum gravitatis Terraquæ centro Vniuersi. Idè dicendū est in omni alia mutatione centri gravitatis in Terraqua; quæ quia continua est, continua etiam erit mutatio ac trepidatio ipsius circa centrum Vniuersi, insensibilis tamè.

Contrariam sententiam defendit P. Ioannes Baptista Ricciolus in Almagesto Novo lib: 2, cap. 3. P. Mendoza in Viridario, & Theologi apud P. Theophilum Raynaudum in Theologia Naturali Distinct. 4. quæst. 3. artic. 3. quicum S. Gregorio lib. 2. Moral. cap. 15. & S. Thoma quæst. 16. de Malo artic. 10. ajunt, nè Angelos quidem ipsos posse naturaliter movere vel tantillum Terraquam de loco suo. Et hanc sententiam ait Ricciolus esse conformiorem stabilitati illi Terræ, quam docent sacræ Scripturæ, præsertim psalmo 104. *Qui fundasti Terram super stabilitatem suam; non inclinabitur in seculum seculi.* Idem putat Ricciolus sentisse Priscos, quos ait idcirco Terram vocasse *Vestam*, eò quòd vi suâ stet, juxta illud carmen Ovidij: *Stat vi Terra suâ, vi stando Vesta vocatur.* Ex quo concludunt, magnificentius, quàm verius jactasse se Archimede[m] Heroni quando promisit Terram se è loco suo moturum, si ubi pedem fingeret, haberet, uti supra in hujus Libri Proœmio retuli. Rationem pro hac sententia hanc affert Ricciolus loco citato. Longè magis excedit moles Terræ, cum toto suo pondere, quod vis pondus, quod in ejus superficie mutetur, quàm quodvis pondus potentiam motivâ unius, aut etiâ plurium hominū: atqui constat dari talia pondera, quæ nullâ vi humanâ, nulloq; vecte, aut machinamento dimoveri possunt; ergo nec pondera superimposita Terræ, etiamsi essent Olympus, Pelion, & Ossa, dimovere illam possunt. Ad rationem contrariæ sententiæ, nimirum Terram à se ipsa, seu à gravitate suâ moveri, ut stet in æquilibrio, & circa Vniuersi centrum undique æqualiter ponderet; respondet Ricciolus, quodvis pondus

quod solet addi Terræ ex una parte, minorem habere proportionem ad ejus motum excitandum, quam ala musæ, aut levissimus pulvisculus additus uni lancium manentium in æquilibrio, & sustentium utrimq; decem æqualia pondosa præsertim cum ad motum sursum aut deorsum vincenda sit resistentia totius aëris, oppositum Terræ Hemisphærium ambientis. Rectè enim (*addit Ricciolus,*) *Cleomedes* lib. I. de Mundo, & *Seneca* lib. 4. Natural: qq. q. II. dixerunt, Terram ad montes esse, ut ingentem pilam ad pilum; sive dicas cum *Simone Stevino* lib. 3. Statices, pondus Terræ esse librarum 2,400,000,000,000,000,000,000,000, sive cum *Mersenno* De Veritat: Scient. & Comment. in Genes. librarum 65,923,634,426,652,872,385,072,000; sive cum doctissimo quodam Mathematico apud *Forerum* in Viridario Philosoph: Disput: de Mechanicis Num: 47. librarum 899,564,914,385,714,285,714,285 $\frac{1}{7}$. Sicut ergo non sufficit quivis noster conatus ad movendum quodvis pondus, ita nec quavis gravitas ad permovendam ex suo æquilibrio Terram.

Hanc secundam sententiam olim publicè defendendam proposui Panormi in Sicilia, nec etiam nunc ab illa recedo, ob rationes paulò antè relatas. Ad præcipuum primæ sententiæ argumentum, quòd Terra quovis pondere addito mutet centrum gravitatis, ideoq; nutet versus Univerſi centrum, nec quiescat, donec cum Univerſi centro centrum gravitatis Terræ congruat, respondi olim, & nunc iterum respondeo, verum esse, quovis pondere addito vel ablato ex una parte Terræ, mutari centrum gravitatis, quia revera tunc ex illa parte fit levior vel gravior etiam physicè, quàm antea erat, licet insensibiliter, quoniam quodvis pondus quod de facto additur vel aufertur, insensibile quid est, physicè loquendo, respectu totius Terræ; negavi tamen sequi motum seu mutationem Terræ, tum quia insufficiens est quodcunq; pondus quod de facto additur vel aufertur, ad motum causandum, & tantam Terraquæ molem ab æquilibrio suo dimovendam, ut bene dicebat Ricciolus; tum quia adest impedimentum impediens talem motum, nimirum ipsa Terræ seu Terraquæ gravitas, quæ

illam

Terraquæ
pondus se-
cundum a-
liquos.

Terraquæ
centrum gra-
vitatæ mu-
tatur, dum
ei ex una
parte ali-
quid addi-
tur, vel de-
mitur.

Non tamen
ideo move-
tur.

illam ita ligat & affigit loco semel à DEO in die Mundi tertio sibi attributo, ut ab illo dimoveri, nisi à pondere maximo, & toti Terraquæ moli proportionato, nequeat. Nam gravitas Terræ naturalis facit, ut & ipsa tota, & omnes ac singulæ ejus partes, actu nitantur & inclinent ad centrum Mundi per lineas perpendiculares, hoc est, directè tendentes ad dictum centrum, utpote brevissimas, quoniam Natura per brevissimas lineas adnititur assequi suū finem, si non impediatur; ideoq; tametsi pondus F in superiori Figura premat partes sibi subjectas, efficiatque ut centrum gravitatis Terraquæ, quod antea erat in puncto E, nempe in ipso centro Vniversi, nunc sit in puncto K, adeoq; conetur, ut ita dicam, deprimere totam molem Terraquæ, ut punctum K congruat centro Mundi; tamen reliquæ partes omnes resistunt motui; illæ quidem quæ constituunt hemisphærium *m H n*, & sunt infra Horizontē Mundi DEB, nè cogantur versus cælum ad partes C tendere, hoc est, ascendere, contra naturalem inclinationem, imò contra actualem & efficacissimam detentionem Terraquæ in pristino situ; aliæ verò quæ sunt supra horizontem DEB, nè cogantur descendere versus Mundi centrum E per lineas non perpendiculares I N, MO v.g. cùm tamen ipsæ per lineas perpendiculares LE, ME, eò nitantur; pondus autem F non potest superare tantum impedimentum, nec quodcunq; aliud pondus toti Terraquæ moli improporionatum. Nō nego tamē, addi posse, saltem virtute majore quàm humanâ, tantum pōdus ex una parte, ut motus sequatur, & Terraqua ab æquilibrio suo dimoveatur. Quantum autem id esse debeat, nondum constat, & definire difficile est, ut agnoscit etiam *Mersennus* lib. I. *Mechan. cor. Par. I. cap. de Centro Vniversi Num. IX.* Vtrum verò Machinis è loco suo dimoveri queat, discutemus in libro sequente Syntagmate 2.

COROLLARIUM.

Colligitur ex dictis, Terraquā non esse ita in medio Mundi, ut centrum gravitatis ipsius congruat revera & mathematicè semper cum centro Vniversi. Physicè tamen & ad

centrum
gravitatis
Terra non
semper con-
fer.

gruit centro
Vniversi,
ma hema-
ticè, sed so-
lùm ad sen-
sum.

sen sum semper id contingit, quoniam propter exiguam mo-
lem ponderum de novo additorum & ablatorum, nova cen-
tra gravitatis non recedunt sensibiliter à centro Vniversi.

Objectiones contra nostram sententiam, earumque solutiones.

Obijci potest I. contra nostram sententiam: Si centrum
gravitatis Terraquæ non est in centro Mundi, Terraqua non
quiescit naturaliter in aëre, sed detinetur violenter, quia ni-
titur collocare centrum suæ gravitatis in centro Mundi, &
impeditur. *Respondeo*, Eriam si centrum gravitatis Terraquæ
esset conjunctum cum centro Vniversi, tamen adhuc omnes
reliquæ ejus partes sunt extra centrum Mundi, & nituntur eò,
sublatoque impedimento eò feruntur; & tamen nemo dicit
tunc Terram violenter detineri in aëre. Imò nemo dicit, lapi-
dem jacentem in superficie Terræ, esse in statu & situ violen-
to, etiam si nulla ejus pars sit in centro Mundi, quia sufficit
quòd pars Terræ, cum qua tunc lapis unum corpus grave con-
stituit, sit in centro Mundi. Ergo nec in nostro casu dici rectè
potest, Terraquam esse in situ & statu violento, quia saltem
aliqua ejus pars est in centro Mundi. In statu violento esset
Terraqua, si tota ejus moles, & omnes partes eam integrantes,
essent extra centrum Mundi; sicuti lapis in aëre suspensus est
in statu violento, quia totus est extra centrum Mundi.

Obijci iterum II. potest, Si centrum gravitatis Terraquæ
non est in centro Mundi; ergo Terraqua non est in medio
Mundi. *Respondeo*, transeat consequens, nego consequentiã.
Quia ut Terraqua sit præcisè & mathematicè in medio Mun-
di, necesse est ut centrum magnitudinis Terraquæ sit in me-
dio seu in centro Mundi; centrum autem magnitudinis Ter-
raquæ non ideo non est in centro Mundi, quia centrum gra-
vitatis non est in centro Mundi: nam centrum gravitatis non
semper est idem cum centro magnitudinis ipsius, ut Capite
præcedente diximus. Imò retorquendo argumentum, ajo,
si centrum gravitatis Terraquæ esset in medio Mundi, Terra-
qua non esset in medio Mundi, quia Terraqua est composita
ex terra & aqua, quæ sunt inæqualis ponderis, & constituunt
corpus heterogeneum, uti ibidem diximus.

At

At nunquid non Terraqua in medio Mundi est, ut Philo-
sophi ac Mathematici plerumque affirmant? Est, non præcisè
& mathematicè, sed physicè & ad sensum, ut paulò antè, &
suprà etiam, dixi.

Quomodo ergo naturaliter in circumfuso aère quiescit, si
centrum gravitatis ipsius non congruit centro Mundi? Quia
à DEO in Mundi principio fuit ibidem collocata, & jam il-
lum situm retinet quem à principio accepit, & nunquam de
facto fit ex una parte notabilis additio vel ablatio ponderis,
quod prævaleat naturali gravitati ipsius.

Obijci III. potest, Omnia gravia, saltem sublunaria, ex una
parte tendere ad centrum Mundi, uti suprà admisimus, & ex
alia parte ad centrum Terraquæ, ut communiter omnes ad-
mittunt, & manifestæ experientia videntur id demonstrare;
ergo centrum Terraquæ congruit centro Mundi: sed hoc nõ
potest esse verum de centro magnitudinis Terraquæ, quia id
continuò mutatur, & fortassis nunquam fuit in centro Mun-
di; ergo de centro gravitatis verificari debet; ergo centrum
gravitatis Terraquæ congruit semper centro Mundi, ac pro-
inde, cum id continuò mutetur, Terraqua debet esse in conti-
nua trepidatione, ut dictum centrũ semper congruat centro
Mundi. *Respondeo*, quando centrũ gravitatis Terraquæ cõgruit
de facto centro Mundi (quod aliquando fieri potest) tunc gra-
via sublunaria tendunt & ad centrum Mundi, & ad centrum
gravitatis Terraquæ; aliàs ad centrum Mundi tendunt, & non
ad centrum gravitatis Terraquæ, nisi ad sensum & physicè
loquendo.

Obijci IV. potest, Gravitas Terraquæ, sicut cujuslibet corpo-
ris gravis, non impedit, sed juvat motum versus centrum
Mundi; ergo gratis dicitur quòd gravitas Terraquæ impedit
motum ejus post mutatum centrum gravitatis. *Respondeo*, ex-
tra Mundi medium existente totâ Terraquâ, & toto corpore
gravi, concedo; in medio Mundi existente, ialtem secundùm
aliquam partem, nego universaliter: quia gravitas Terraquæ
& corporis gravis non solum inclinât corpus actu ad Mundi

medium, sed etiam detinet ibidem, quamdiu pars extrâ existens non est tantæ gravitatis, ut superet partem reliquam: nã stat vi Terra suâ, & DEVS firmavit Orbem Terræ super stabilitatem suam, hoc est, supra suammet gravitatem, ipsam in medio Mundi detinentem. Gravitas corporis gravis facit, ut corpus non possit ascendere, nisi ipsi inferatur vis superans gravitatem; corpus autem in medio Mundi existens, si moveretur, factâ qualibet mutatione centri gravitatis, aut datâ qualibet inæqualitate gravitatis circa Mundi centrum, ascenderet ex parte, nullâ datâ violentiâ superante gravitatem partis ascendens.

CAPVT TERTIVM.

De motu gravium versus centrum Vniversi, & de Linea directionis.

EX dictis utroque capite præcedente constat I. Centrum Vniversi esse centrum gravium omnium, saltem sublunarium. Constat II. Centrum gravitatis Terraquæ non semper esse revera & in rigore mathematico centrum gravium, etiam sublunarium, sed solum physicè & ad sensum; quia in rigore ut plurimum distat à centro Vniversi, sed tam parum, ut ad sensum idem cum ipso censi queat. Constat III. Centrum gravitatis Terraquæ posse censi centrum omnium gravium sublunarium, propter exiguam & insensibilem distantiam ab eo. His suppositis, superest ut aliquid dicamus de motu gravium ad centrum gravium, hoc est, ad centrum magnitudinis Vniversi, & centrum gravitatis Terraquæ; & paucula de linea directionis, per quam fit ille motus.

PROPOSITIO I.

Gravia omnia sublunaria, liberè demissa, descendunt versus centrum Mundi.

Gravia sublunaria petunt centrū Mundi.

PAtet ex dictis cap: I. Proposit: 9 quia centrum Mundi est centrum omnium gravium sublunarium. omnia ergo eò contendunt, non impedita. Quòd si ad dictum centrum pertingere non possunt, saltem conantur esse illi quàm vicinissima

nissima, & de facto quàm possunt vicinissimè Illi appropinquant, uti experienciâ constat, & ex dicendis sequenti capite meliùs patebit,

PROPOSITIO II.

*Gravia omnia sublunaria, liberè demissa, petunt unum
& idem centrum, nempe ipsum centrum Mundi.*

SUpponunt hoc omnes. Probant aliqui ex eo, quòd tam aqua, quàm terra, & mixta quælibet, descendant ad terram & aquam per aërem, & per aquam ad terram, liberè ex eodem loco seu puncto demissa, per eandem lineam, ad eundem locum seu punctum. Hæc tamen experientia valde incerta est, & multis erroribus subjecta, si sermo sit de descensu libero per aërem aut aquam. Puto tamen propositionem esse certissimam, & ideo ut Hypothesin admittendam.

PROPOSITIO III.

*Gravia descendant ad centrum Mundi, si libera sunt,
per lineas rectas, & horizonti perpendiculares, cadentesq; in centrum Mundi.*

QVòd per rectas descendant, si ab extrinseco non cogantur à recta via deviare, patet experienciâ quotidianâ, & confirmat lex Naturæ operantis semper per vias brevissimas. Quòd per lineas perpendiculares horizonti descendant, patet ex eo, quòd ubicunq; terrarum & marium, perpendiculorum pondera liberè demissa, vel per aërem, vel per aquam consistentem, descendant per lineam rectam illam, quæ facit angulos æquales hinc inde cum lineâ aut plano horizontali, atque adeo per illam rectam lineam, quæ producta reipsâ, aut imaginatione, continuatur cum semidiametro Terraquæ, & in ejusdem centrum cadit. Quòd denique per lineas rectas in ipsum Mundi centrum cadentes descendant, probatur, quia alioquin nunquam pervenirent ad centrum Mundi, etiamsi aditus eò usq; pateret, & nullum adesset impedimentum. Sit enim Terraqueus globus ABC, cujus centrum magnitudinis,

Et quidem
per lineas
brevissimas,

Vide Icon
nismi I.
Fig. IV.

simul-

simulq; centrum Mundi, sit D, & demittatur grave ex E. Si non descendat per lineam EBD, sed per lineam EF v. g, nunquam perveniet ad centrum D, quia perpetuò pergit per lineam rectam, non impeditum.

PROPOSITIO IV. LEMMA.

Linea recta conjungens centrum gravitatis cujuscunq; gravis extra Mundi centrum existentis, cum centro Mundi, est ejusdem gravis horizonti perpendicularis.

Vide Iconismi I.
Fig. V.

Centrum Mundi sit A, gravis BC extra centrum Mundi existentis centrum gravitatis sit punctum D; linea recta AD conjungens hæc duo centra, si continuetur versus D, transibit per gravis verticem, ut grave est, & terminabitur in Zenith ejusdem gravis; erit igitur semidiameter, & semiaxis horizontis ex dicto Zenithi velut ex polo descripti, ac proinde ad eundem horizontem perpendicularis est, ut ex Sphæricis Theodosij constat.

COROLLARIUM.

Colligitur hinc, quòd linea conjungens centrum Mundi cum centro gravis extra existentis, sit omnium brevissima earum quæ ex eodem centro Mundi educuntur ad planum transiens per centrum gravitatis, & horizonti parallelum, per Scholium propositi: 16. lib: 1. Elem: Euclid.

PROPOSITIO V.

Gravia secundum gravitatis centrum deorsum feruntur.

Vide Iconismi I.
Fig. V.

Sensus est; gravia ita feruntur deorsum versus Mundi centrum, si libera sunt, ut centrum gravitatis eorum nunquã deviet à linea, quæ dictum centrum cum centro Mundi conjungit. Sic ergo grave BC præcedentis Fig: descendit secundum lineam DA, ita ut punctum D nunquam deviet à dicta linea DA. Ratio est, quia gravia descendunt versus centrum Mundi, per lineam rectam brevissimam: talis est sola dicta linea, per præcedentem; ergo &c:

COROL-

M. COROLLARIUM.

Colligitur hinc, si gravia impedita sunt, ut cadere non possint, niti nihilominus ac tendere deorsum secundum idē centrum gravitatis, & secundum eandem lineam: ideo enim in actu secundo feruntur deorsum per illam lineam, quando libera sunt, quia naturā suā determinata sunt ad casum tali modo ac viā faciendum; quam quidem naturam non mutant, dum impedita sunt à casu seu lapsu.

ANNOTATIO.

At q̄ hæc linea, quæ connectit centrum Mundi & centrum gravitatis uniuscujusq̄ gravis extra centrum Mundi existens, appellatur Linea directionis, quia dirigit motum gravium versus centrum, quandoquidem ab ea gravitatis centrum, atq̄ a deo ipsum grave, nunquam recedit. Sic ergo definitur Linea directionis.

Linea directionis.

PROPOSITIO VI.

Linea directionis est linea recta, ducta à centro gravitatis uniuscujusq̄ gravis ad centrum. Vniversi.

Hæc totuplex est, quotuplex est corpus grave extra centrū Vniversi. Et quia protracta transit per verticem gravis, & pertingit usq̄ ad Zenith ejusdem, dici etiam potest horizon- tis ejusdem gravis axis, cū uniuscujusq̄ rei extra centrum Mundi existentis horizon describatur à Zenith seu vertice, tanquam à polo, ut dictum Proposit. 4. Dici præterea solet gravitatis diameter, quia cū transeat per gravis centrum, dividit ipsum in duas partes æquiponderantes. Et semper hori- zonti perpendicularis, ut ibidem diximus. Quod si grave intelligatur suspensum à tali linea secundum gravitatis centrū, appellatur *Diameter gravitatis pendula*; de quo mox plura.

COROLLARIUM.

Colligitur hinc, ad quemlibet motum progressivam ho- minis, vel alterius animalis, lineam directionis illius necessariò mutari, idemque de alio quocunque gravi intelligen- dum, si transversim moveatur.

CAPVT QVARTVM.

De puncto suspensionis & sustentationis gravium.

*Punctum
suspensionis
& sustentationis.*

Punctum suspensionis appellamus hic punctum illud, ex quo grave suspenditur liberè, & suspensum hæret. Punctum verò sustentationis illud vocamus, cui grave liberum ab extrinseco impedimento innititur, & ab eo sustentatur.

PROPOSITIO I.

Grave in ejus centro gravitatis à recta linea rigida, & circa alterum extremum convertibili sustentatum, aut suspensum, tunc solum quiescit, quando eadem linea horizonti est perpendicularis.

*Vide Iconis
I.
Fig. VI.*

Sit pondus B, cujus centrum gravitatis B, quod à linea rigida CB, & circa extremum C convertibili, sustineatur. Dico, pondus hoc in nullo situ mansurum, nisi linea CB horizonti parallela existat. Ac primò quòd maneat, quando linea BC horizonti est parallela, patet ex eo, quòd non tendat deorsum, nisi secundum centrum gravitatis, lineamq; connectentem gravitatis centrum cum centro Universi, ut dictum fuit cap. 3. Proposit. 5. si ergo grave est sursum in A, ita ut linea ex centro Mundi educta continuetur cum linea CB, non potest cadere, quia secundum lineam BC deberet cadere, cui obstat rigiditas lineæ BC; nec major ratio est, cur cadat potius versus E, quàm versus F, quia versus neutram partem præponderat, ut supponitur; ergo debet in illo situ manere. Si verò est infra in D, cadere non potest deorsum, quia suspensum est ex linea BC fixa in C; nec potest moveri versus alterutram partem, quia versus neutram præponderat, ut iterum supponitur; ergo manet. Quòd verò non maneat, si linea CB non est horizonti perpendicularis, patet ex eo, quia si est ad partes E, aut F, ita ut linea CB congruat lineæ CE, aut CF; deorsum nititur versus Mundi centrum, & quidem per rectam lineam; eum igitur non sustineatur à linea CE, aut CF, utpote convertibili circa punctum C, non potest manere, sed cadere debet: quia tamen per rectam lineam cadere non potest, eo quòd suspensum est è puncto C; cadet per
eam,

*Grave sus-
pensum nõ
quiescit, ni-
si linea su-
spensionis sit
horizonti
perpendicu-
laris.*

eam, per quam potest, nempe versus D, per circula rem EB, aut FB. Lege seq. Proposit.

COROLLARIUM.

Colligitur hinc, grave prædicto modo sustentatum, aut suspensum, non quiescere, nisi linea recta è centro Mundi eaducta transeat per centrum gravitatis illius corporis, & simul per punctum sustentationis, aut suspensionis.

PROPOSITIO II.

Grave filo aut fune suspensum, non quiescit, nisi cum fuerit in recta linea, ab appensionis puncto, per centrum gravitatis illius gravis, ad centrum Mundi ducta.

Sequitur ex dictis, & demonstratur sic. Sit filum CV appensum, ex puncto C, & filo annectatur grave A; centroq; C, intervallo CA (vi enim ponderis A extenditur filum) describatur circulus CMV. Esto præterea centrum Vniversi, ac simul Terraquæ (saltem ad sensum) punctum S, à quo intelligatur ad punctum suspensionis C ducta recta linea SC, secans circulum in puncto V. Dico, si filum CA cum gravi A appenso extendatur ad quodcunq; circumferentiæ punctum diversum à puncto V, v. g. ad punctum M; non quiescere grave, sed moveri donec ipsum filum cum gravi A appenso consistat in linea CS ita, ut eadem linea transeat simul per centrum gravitatis ejusdem gravis A. Ratio est, quia punctum V, est omnium punctorum, quæ in circuli prædicti circumferentiâ adsignari possunt, infimum, hoc est, centro Terraquæ & Vniversi propinquissimum, eò quòd linea SV sit omnium brevissima illarum, quæ à puncto S extra assumpto ad convexam circuli peripheriam duci possunt, per *Proposit. 8. lib. 3. Element. Euclid:* Atqui pondus quodcunq;, nisi impediatur, tendit de facto vel ad ipsum centrum Vniversi & Terraquæ, ut dictum est supra, vel saltem ad locum centro dicto propinquissimū, ibiq; quiescit; in præsentiautem casu pondus A non impeditur à filo, quò minùs à puncto M, vel à quocunq; alio, moveatur ad punctum V, ut supponitur; Ergo eò moveretur, ibiq; impetu cessante qui-

Vide Iconismi 1.
Fig. VII.

escit, cum ulterius descendere non possit, impeditum à filo; nec sponte potest inde dimoveri, impeditum à sua gravitate, alioquin ascenderet, quia à loco infimo; & Univerſi seu Terraquæ centro propinquissimo, versus altiorem, & à dicto centro remotiorem moveretur. Quod autem non quiescat, nisi linea è centro Mundi *S* ad centrum suspensionis *C* ducta, transeat etiam per centrum gravitatis corporis gravis *A*, ratio est, quia alioquin si centrum gravitatis esse citra vel ultra dictam lineam, pars gravior esset citra aut ultra, & non impedita non moveretur ad locum centro Mundi vicinissimum; quod fieri nequit, per dicta supra.

COROLLARIUM.

Colligitur hinc, quotiescunq; grave suspensum liberè quiescit, lineam directionis transire per centrum gravitatis, & punctum suspensionis; & vicissim, quando linea directionis transit per centrum gravitatis & per punctum suspensionis corporis gravis liberè suspensi, corpus illud quiescere. Item, grave suspensum liberè nunquam quiescere, nisi linea directionis transeat etiam per punctum suspensionis.

PROPOSITIO III.

Grave sustentatum à plano in puncto, tunc quiescit; quando linea è centro Mundi per punctum sustentationis transiens, transit etiam per centrum gravitatis; cadit verò, si transit extra centrum gravitatis.

Vide Icd.
nismi I.

Fig. VIII.
Grave sustentatum
in puncto,
nō quiescit,
nisi linea
directionis
transeat per
punctum sustentationis,
& centrum
gravitatis.

Esto conus *AB*, cujus centrum gravitatis *C*, insit atq; plano in puncto *B*; centrum verò Univerſi sit punctum *D*. Dico I. tunc quiescere dictum conum, quando recta linea *DB*, transit etiam per punctum *C*, ut in primo cono, quoniam tunc neque directè deorsum secundum directionis lineam cadere potest, utpote impeditum à plano sustentante, neque in latus alterutrum declinare, quoniam omnes partes circa eam lineam sunt æquiponderantes, ac proinde nullæ alteras in partem alterutram pertrahere possunt. Dico II. tunc cadere eundem conum, quando recta linea *DB* transit extra punctum *C*, ut in

secun.

secundo cono, quoniam tunc grave propendet ad unam partem, ac proinde plus ponderat ex ea parte, quàm ex altera; cadit ergo, ut experientiâ constat.

ANNOTATIO I.

Quod diximus de cono, intelligendum etiam est de pyramide, de Sphaera, & de quovis alio corpore quod puncto insistere potest; quoniam quoad punctum sustentationis, & ad centrum gravitatis spectat, & consequenter ad lineam directionis, eadem in omnibus est ratio.

ANNOTATIO II.

Proterea quod de gravi, puncto insistente dictum est, intelligi etiam debet de gravi insistente lineae: tunc enim stabit, si linea è centro Mundi ducta transit simul per lineam cui insistit grave, & per centrum gravitatis ipsius; alioquin cadit.

PROPOSITIO IV.

Gravia quae quantitati insistant, tunc stant, cum linea directionis transit per quantitatem cui insistant; cadunt vero, si extra eam quantitatem transierint.

Esto I. grave ABCV, insistens quantitati seu fulcro AB, & centrum gravitatis sit D, directionis linea sit CDBE. Quoniam igitur hæc linea (& quæcunque alia transiens inter A & B, simulque per centrum gravitatis versus partes R constitutum) dividit bifariam grave, & pars ABC quantitati insistens, est æquè gravis ac pars CBV, non potest hæc illi præponderare. Stabit ergo grave.

Esto II. grave FGH, insistens quantitati FG, & centrum gravitatis sit I, linea directionis sit HIK, linea per extremum G quantitatibus FC transiens (vel etiam inter G & F, perinde est) & per Mundi centrum, sit LGK. Quoniam igitur linea HIK dividit grave bifariam, linea LGK non dividet idem bifariam, sed pars XLGK maior erit quàm pars LGF; necessario ergo illa præponderabit huic. Cadet ergo grave.

Vide Iconismi I. Fig. IX. Gravia non stant, nisi linea directionis transeat per basim.

PROPOSITIO V.

*Si mediū in quo grave suspenditur, est equalis ubiq;
resistentia, semper corpus equiponderabit, siue à centro sue
gravitatis, siue à punctis superioribus, vel inferioribus lineæ di-
rectionis suspendatur.*

PAtet experiētiā, quia experimur eandem facilitatem aut
difficultatem grave sustinendi, trahendique sursum per-
pendiculariter, ex quocunque trium dictorum punctorum
suspensum sit. Sed de hoc iterum in *Magia Statica* infra Li-
bro 4.

PROPOSITIO VI.

*Qua à superioribus lineæ directionis punctis deti-
nentur, ad pristinum statum redeunt, cū ex eo
educuntur.*

PAtet ex dictis Propositione 1. 2. & 3. Et ratio est, quia tunc
vel totum grave, vel major ejus pars, est extra lineam à
centro Mundi ad punctum suspensionis ductam.

PROPOSITIO VII.

*Qua ab inferioribus lineæ directionis punctis deti-
nentur, recedunt à pristino statu, si ex eo extra-
hantur.*

PAtet ex iisdem Propositionibus, & ratio est eadem quam
diximus.

PROPOSITIO VIII.

*Qua à centro gravitatis suspenduntur, ubicunque
posita manent.*

PAtet ex Proposit: 1. & 2. citata, & ex dictis de natura centri
gravitatis cap: I. Proposit: 2. Et ratio est, quia lineæ dire-
ctionis tunc dividit corpus per punctum retentionis in duas
partes æque gravitantes.

ANNOTATIO I.

EX tribus maximè præcedentibus Propositionibus multa intelligentur, quæ infrà de Vecte, & libra dicemus, ideoque bene sunt notanda.

ANNOTATIO II.

Corpus liberè pendere quando dicatur.

Corpus liberè pendere dicitur à puncto retentionis seu suspensionis, quando in omnem partem ita circumvolvitur potest circa dictum punctum, ut omnia illius puncta à prædicto puncto remota, circa illud circumvolventur in circumvolutione, Inspice Figuram Propositionis 1. & 2. hujus Capitis.

CAPVT QVINTVM.

De mechanica inventione centri gravitatis corporum.

Qvarum vis magnitudinum, & quarumcunq; figurarū, gravitatis centra duplici viâ indagari ac deprehendi possunt, geometrica videlicet, & mechanica. Prior ut certior, ita subtilioris est indaginis quàm ut hîc tractetur. Legi possunt, Archimedes, Commandinus, Lucas Valerius, Simon Stevinus, Carolus Læ Faille, Paulus Guldinus, & alij, qui ea de re fusè ac subtilissimè scripsêre. Noshîc alterâ viâ incedemus, & mechanicè tantum ac quasi tentando indagabimus gravitatis centrum, nō omnium magnitudinum, sed corporum tantum, quoniam hoc satis erit ad nostrum institutum, pro quo non requiritur præcisa illa, & secundum mathematicam ἀκριβηα instituta talis puncti inventio. Quoniam verò centrum gravitatis corporum communiter est intra soliditatem ipsorum, quam nos penetrare oculis non possumus, ut illud designemus, quærendum nobis est in ejusmodi corporum extrema superficie punctum unum aut alterum correspondens hujusmodi centro, si rectâ versus illud viâ intrò procederemus illo enim puncto cognito deinde operari possumus, ac si ipsum gravitatis centrum notum foret, uti mox patebit ex sequentibus præxiibus.

Centri gravitatis inventio varijs modis.

PRAGMATIA I.

*Homogenearum sphaerarum, cylindrorum, & prismatum
centra gravitatis invenire.*

*Sphaerarum
cylindrorum,
prismatum.*

SI corpora sint sphaerica, & homogeneae materiae, centrum gravitatis non differt à centro magnitudinis, ut supra diximus cap. I. Proposit: 4. Quare quodlibet punctum in superficie assumptum, aptum est communiter ad propositam. Nam si assumpto puncto inveniatur aliud diametraliter oppositum, & per utrumque plano aliquo secetur sphaera; transibit id per centrum & magnitudinis & gravitatis, & utrumque erit medium sectae sphaerae punctum aequaliter undique à peripheria circularium duorum planorum ex sectione resultantium remotum.

Si corpus sit cylindrus, aut prisma, materiae homogeneae; assumitur dimidiatae longitudinis punctum unum ac alterum, & per utrumque secatur corpus: planum enim secans transit per centrum gravitatis, quod semper est in medio planorum ex sectione resultantium. Sed haec insinuasse sufficiant; quae melius intelliget, qui geometricam centri gravitatis planorum & corporum inventionem perspectam habet.

PRAGMATIA II.

*Irregularium
corporum.*

Irregularium corporum gravitatis centrum invenire.

Vide Iconismi I.
Fig. X.

PRAXIS sequens locum habet praecipue in corporibus plus longitudinis ac latitudinis, quam profunditatis, habentibus; quamvis in alijs etiam adhiberi queat. Sit corpus ABC. Suspendatur liberè ex quovis puncto A, & à suspensionis puncto demittatur filum cum perpendiculo, noteturque linea qua filum in extrema corporis superficie designat, sitque linea AE. Deinde rursus ex quolibet alio puncto C suspendatur liberè idem corpus, & à puncto suspensionis demittatur iterum filum cum perpendiculo, & notetur linea quam filum in eadem extrema superficie designat, sitque linea CB. Quoniam igitur, utcunque & à quocunque puncto corpus liberè pendeat, centrum gravitatis in linea illa perpendiculari, quae ad centrum Mundi vergit








Fig: VII.

Fig: VIII



vergit (cujusmodi semper est filum cum perpendiculo) reperitur, *juxta dicta supra cap. 4. Proposit. 2.* necesse est, utramque perpendicularem à punctis suspensionis ad centrum Mundi tendentem transire per centrum gravitatis suspensi corporis. Si ergo ab iisdem suspensionis punctis duæ perpendiculares liberè demittantur, & superficiem extimam radant, interfecabunt sese in puncto D v. g. ac proinde punctum D respondet centro gravitatis; & si ex puncto D suspendas liberè dictum corpus, totum corpus manebit in æquilibrio, nec magis ex una quàm ex altera parte deorsum inclinabit, Quod si ex opposita corporis superficie aliud punctum simili artificio invenias, & per utrumque punctum perfores corpus, & axim infigas; transibit is per ipsum centrum gravitatis

ANNOTATIO.

Quoniam gravitatis centrum non semper est intra ipsam corporum profunditatem, sed aliquando extra, aliquando in ipsa superficie aliqua, uti ex dictis supra cap: 1. Proposit: 3. constat; contingere potest ut ipsum intersectionis punctum sit centrum gravitatis questuum.

PRAGMATIA III.

Centrum gravitatis laminarum invenire.

DE laminis loquor quæ æqualem ferè habent latitudinē ac longitudinem, ac multò magis quæ rotunditatem aut quasi rotunditatem habent, at parum profunditatis. In his satis præcisè invenitur centrum gravitatis, si cultri vel styli acuti apici imponantur, & ita librentur, ut ab illo sustententur sine periculo cadendi; punctum enim ab apice cultri vel styli notatum est quod quæritur, vel saltem non procul ab illo distat, & necessariò est in eadem recta linea, quæ è centro Mundi per centrum gravitatis laminæ ducitur, uti constat *ex dictis supra cap: 4. Proposit: 3.* Hac arte, inquit *Guldinus*, utuntur argentarij, quando ex crassiore lamina figuræ utcunque rotundæ pocula fabricant: nam ut æqualiter, & æqualis ponderis partes, ex medio per malleum undique protrudant, centrum

Laminarū.

gravitatis, saltem in superficie, dictâ ratione inquirunt, imponendo laminam cæli aut styli ferrei perpendiculariter erecti apici, & cum in æquilibrio hæret lamina, punctum notando in quo tangitur ab apice lamina.

PRAGMATIA IV.

Centrum gravitatis oblongorum corporum investigare.

*Oblongorū
corporum,*

Vide Iconismi I.
Fig. XI.

SI laminæ, aliaque corpora longè majorem habent longitudinem quàm latitudinē, cujusmodi sunt regulæ seu amulles, prismata oblonga, & alia similia corpora; duobus modis indagari potest centrum gravitatis. *Primus modus* est hic. Imponantur hujusmodi corpora vel filo horizontaliter tenso, vel aciei alicujus prismatis trigonij, uti in Figura apparet, ubi corpus A B impositum est aciei seu lineæ E F trigonici prismatis CD. Nam ubi impositum corpus quieverit, lineæ EF subjecta designabit in corpore superposito lineam, per quam transiens planum à centro Mundi egrediens, secabit impositum corpus per centrum gravitatis. Ratio patet *ex dictis supra cap. 4. Propositio: 2. Annor: 2.*

Secundus modus est, si datum corpus imponatur mensæ planæ horizontali, quæ habeat extremum marginem exactè rectum, & paulatim promoveatur corpus illud extra mensam, donec eò venerit, ut si ulterius vel minimùm promoveretur, sponte caderet. Tunc enim si secundùm reatitudinem marginis mensæ ducatur lineæ stylo aliquo in corpore imposito, & deinde eadem superficie mensam tangente corpus illud aliquantulum circumducatur, & ut antea extra marginem promoveatur, & alia similis lineæ secundùm marginis reatitudinem ducatur, interfecans priorem in puncto; erit punctum illud centro gravitatis intus latenti respondens.

PRAGMATIA V.

Cujuscumq; superficiæ planæ centrum gravitatis venari.

Sequen-

Sequentem modum proponit *P. Paulus Guldinus* lib. 1. De Centro gravit: cap. 12. Proposit: 2. & inservit pro planis quibuscunque, & cujuscunque figuræ ea sint, claudanturque lineis quibusvis, sive rectis, sive mixtis. Sic autem se habet. Sumatur ex metallo lamina bene complanata, æqualis ubiq; spissitudinis (quales sunt quæ non malleo extenduntur, sed per angustas & æqualiter apertas rimas ducuntur) eaque induatur figurâ tali, qualem habet datum planum tuum, cujus centrum gravitatis quæris; & cum tali lamina juxta præscriptum Propositionis 2. 3. 4. præcedentis procede: punctum enim quod hisce modis sese offert, centrum gravitatis laminæ adhibetæ indicabit. Hanc laminam si ex utraque parte superficiæ datæ applices ita, ut ei perfectè congruat, & utrobique punctum notes puncto in lamina invento correspondens; indicabit id puncta, per quæ si axis transeat, per centrum gravitatis transibit, Omitto multas alias praxes.

Superficie-
rum plana-
rum.

ANNOTATIO I.

Pro præcedente Pragmatia quarta.

Precedentis quartæ Pragmatie ratio deducitur, uti ibidem indicavi, ex natura centri gravitatis, & lineæ directionis, motuq; gravium deorsum secundum gravitatis centrum per lineam directionis, quam in præcedentibus explicavi us. Nam gravia in loco sibi indebito posita, hoc est, in medio leviori (cujusmodi est aqua respectu terræ, terra & aqua respectu aeris &c.) conantur deorsum quantum possunt, nisi impediuntur. Et si quidem omnino libera sunt, feruntur deorsum secundum lineam directionis, ita ut centrum gravitatis ipsorum ab hac linea non recedat; si autem non omnino, sed aliquo tantum modo sunt libera, deorsum feruntur eo modo ac tramite, quo possunt salvis Naturæ legibus. Sic saxum sphaericum in clivo montis positum, cum non possit recta, sicuti in aëre aut aqua, descendere, descendit per planum montis inclinatum. Quod si totum corpus descendere non possit recto aut obliquo tramite descendunt illæ partes, quæ à toto soluta, soluta etiâ sunt ab impedimento sustentante aut suspensente. Sic si supra manum extensam ponas candeam ceream, cujus extremitas una sit prope ignem; utiq; partes liquecentes, soluta à unione cum cæteris partibus, liberè descendunt. Quod si omnes partes sustentari aut suspensi corporis coha-

Gravia de-
orsum fe-
runtur se-
cundum li-
neam dire-
ctionis.

rent, eandemq. figuram retinent; non potest corpus illud ita secundum aliquas partes descendere, quin secundum alias ascendat; nunquam autem ascendere possunt aliquæ partes (utpote graves, & deorsum naturâ suâ, non sursum tendentes) nisi aliæ partes, quæ descendunt, graviiores sint, ut illis prævalent. Si autem fiat partium consistentia, signum est vel æquales esse hinc & hinc gravitates, vel saltem partes non impeditas à supposito sustentante leviores esse illis quæ sustentantur, adeoq. illas elevare non posse. Rem evidentem exemplo declaremus, quoniã sequentibus inferviet.

Vide Iconismi I. Fig. XII.

Sit corpus AB , cujus centrum gravitatis H intus latens, linea directionis HF , quæ tendat ad centrum V universi. Si fiat suspensio in C , quod est in eadem linea directionis, necessario consistet corpus in æquilibrio, quia neq. potest rectâ descendere per HF , cum suspensum sit; neq. pars AHC potest prævalere parti BCH , cum utraq. sit æquè gravis, ut supponitur; una ergo non potest deorsum vergere, & alteram sursum elevare. Consistet ergo totum corpus, & in æquilibrio hærebit. Quòd si suspensio fiat in M , jam pars MBT major est secundum gravitatem, & potest prævalere minori MTA ; ergo descendit, donec H sit in recta linea MT , & illi congruat MO : tunc enim MOB est æquè grave ac MOA , cum planum per MO , & centrum gravitatis H transiens, dividat totum corpus in æquè gravia. Idem dicendum, si suspensio fiat in I ; descendet enim IOA , donec I & H sint in eadem linea directionis. Vnde sequitur

COROLLARIUM.

centrum
gravitatis
naturaliter
nō ascendit.

Centrum gravitatis nunquam naturaliter ascendit, alioquin pars levior prævaleret graviori.

ANNOTATIO II.

Quod autem de suspensione dictum est, dici etiam debet de sustentatione facta à corpore supposito: nisi enim centrum V universi, & centrum gravitatis corporis sustentati, & punctum sustentationis, sint in eadem linea recta, non fit consistentia, sed motus, donec sese in tali linea tria illa puncta statuunt.

PORISMA.

Igitur quotiescunque fit alicujus gravis suspensi, vel sustentati consistentia, signum est, in linea vel in plano perpendiculari

culari ad Terræ centrum ducto ab illo suspensionis vel sustentationis puncto, reperiri quoque centrum gravitatis. Vide dicta suprâ cap. 3. & 4. & quæ in sequenti capite dicemus.

CAPVT SEXTVM.

Centrobaryca Erotemata, ex dictis de centro gravitatis, linea directionis, & motu gravium, soluta.

Innumeræ sunt, & subinde difficillimæ Quæstiones, quarum solutio ex centri gravitatis, lineæ directionis, & motus gravium naturâ dependet. Nos ex multis paucas afferemus, & rationes singularum indicabimus vel ex alijs, vel ex nobis ipsis. Sit igitur

Centrobaryca Erotemata.

EROTEMA I.

Cur, si gravitasuro addatur pondus in partem, ad quam casurum erat, non cadat.

Plura sunt hujus rei exempla apud Bettinum & alios. Nos unum aut alterum proponemus, ejusque rationem indicabimus.

Sit planum *AB*, inquit Bettinus Ap̄ar: 4. Progymnaſ: 1. Proposit: 1. *parallelum horizonti; & sit quoddam grave, v. g. clavis DC super eodẽ plano, etiam ipsa horizonti parallela, quæ ad partem D sit ita educta in extremam plani oram, ut lapsura procul dubio sit: tum infixus sit in os clavis ad partem D uncus ejus conditionis, & eâ arte inflexus, ut angulum acutum atq; immobilem GDC faciat, (de quo angulo tantum acuto nos in nostra demonstratione semper loquimur, licet in Figurâ fortasse hîc aliquâ non expresse acutus appareat) habeatque haste ferreæ DG annexum pondus G, quo fiat ut centrum gravitatis intelligatur ac sit ad haste partes extremas inferiores. Iam dico, grave seu clavem DC non casuram, etiam si annexum habeat pondus gravius ad partem D; quæ clavis sine eo pondere procul dubio esset casura. Demonstrationis instar esse potest physicum ipsum experimentum.*

Vide Iconismi II. Fig. I.

Circa quod notandum est, eo certius id futu-

rum, quò penitus ingeretur unctis ferreus in os ipsius clavis. Hactenus Bettinus,

ANNOTATIO.

Idem Bettinus eodem loco geometricè demonstrare nititur, dictam clavem non solum non casuram, sed etiam alterà extremitate in altum sublata iri, tangente solâ extremitate C planum. Sed revera neutram partem rite demonstrat, verèorque nè dicere cogatur, De facto, concedo; de possibili, nego, hoc est. concedo quidem casuram, nego tamen posse cadere. Licet enim clavis unà cum pondere annexo quiescat, cum centrum gravitatis totius ex clavis, unco, & gravi appenso compositi, existit in linea directionis; extra tamen lineam directionis movetur, & eo in motu pondus annexum, vel potius centrum gravitatis totius, adsignabit tria aliqua puncta terminantia triangulum DEF , cujus meminit in sua demonstratione. P. Christophoro Grünbergero apud eundem Bettinum videtur, rationem hujus rei, quòd nimirum clavis non solum non cadat, nec cadere possit, sed etiam in altum assurgat, petendam esse ex angulo quem clavis facit cum linea directionis, hoc est, cum perpendicularo educto ex ipso fulcro cui alterà extremitate clavis innititur; supponendo gravia libera descendere secundum centra sua gravitatis per lineam directionis (uti nos etiam supra Cap. 3. Proposit. 5. asseruimus) & tunc solum quiescere, si sustententur ab aliquo fulcro, quanao locus fulcri, & centrum gravitatis, extiterint in eadem linea directionis. Demonstrationem libet apponere, quoniam prosequentibus etiam, & omnibus alijs similibus exemplis servit.

Demonstratio P. Grünbergeri.

Vide Iconis-
nismi II.
Fig. II.

Verba Grünbergeri adnumero, prout in ejus Manuscriptis illa reperi. Ponamus centrum gravitatis totius aggregati ex clavis AH , & pondere adjecto, esse punctum K , & angulum AHK esse acutum, junctamque esse AK . Angulus igitur HAK in triangulo AHK , poterit esse rectus, obtusus, & acutus. Sit primò rectus & clavis extremitas A nitatur fulcro A Horizonis AM , & centrum gravitatis K intelligatur in perpendicularo AL . Clavis igitur HA in hoc casu etiam ipsa erit posita horizontaliter, propter rectum HAK : & quia

gita centrum gravitatis totius, nempe K , est in linea directionis AL , & fulcrum A in eadem AL ; propter impedimentum A neque clavis poterit decidere, neque aggregatum AHK , sed conquiescet in hoc situ determinato à recta AK . Idem. & quidem à fortiori dicendum est de secundo casu, quando angulus HAK est obtusus: tunc enim clavis HA rectius nititur fulcro A . Et in eodem hoc casu clavis AH elevatur supra horizontem AM . Et licet etiam in tertio casu, quando angulus HAK est acutus, qualis est hAK , clavis unà cum pondere annexo possit subinde non decidere, quia tamen clavis hA tunc obliquè nititur fulcro A , facilius inde arvellitur, & consequenter hoc sublato impedimento liberius decidet.

At quia ex dictis patet, quibus in casibus propositum Paradoxum experientia respondeat, in quibus non. Et simul etiam patet, quare angulus unci AHK debeat esse acutus. Si enim rectus esset, vel obtusus, angulus HAK non posset non esse acutus; quem paulò antè refutarimus, præsertim quando plusculum differt à recto. Hactenus Grünbergeri ratio ac demonstratio, quæ semper in similibus casibus ante oculos est habenda.

Ratio Erotematis propositi.

Ratio igitur propositi Erotematis est, quòd grave solitaria acceptum, v. g. clavis in nostro casu, quando ad casum prona est, centrum gravitatis habet extra lineam à centro Mundi per locum sustentationis ductam, ideoque in partem anteriorem, in qua centrum gravitatis est, cadere necessario debet, parte anteriore descendente, posteriore verò ascendente: at quando pondus additur, & dato modo disponitur, fit ex gravi & pondere aliud totum, cujus centrum gravitatis non est amplius ibi ubi antea erat, sed introtrahitur versus lineam prædictam. Solùm ergo tam diu movetur, donec centrum novum gravitatis sit in dicta linea; & tunc necessario quiescit, quia dicta linea dividit bifariam totum illud grave, & dimidiam partem relinquit citra, dimidiam ultra eam lineam.

COROLLARIA.

In quibus alia praxes centrobarryca precedenti similes proponuntur, & aliorum errores corriguntur.

Vide Iconismi II.
Fig. III.

Colligitur I. verissimum esse quod docet *Daniel Schvventer*. *Crus* in Recreationibus Mathem: par: 9. q. 6. si cochleari ligneo AB infigatur culter CB, qui cum manubrio cochlearis faciat angulum acutum ABC, & cochlearis extremitas A ponatur supra mensam, ut magna pars cultri infra mensam pendeat; fore ut non cadat cochlear cum cultro, cum tamen solum cochlear alioquin caderet. Causam hujus rei non bene adsignat Schvventer, dum ait; extremum A cochlearis esse centrum gravitatis & æquilibrium cultri, qui propterea nec sursum tendit, nec deorsum. Genuina causa est, quia centrum gravitatis totius compositi ex cochleari & cultro, est tunc in linea DE, è centro Mundi ad punctum seu locum sustentationis D ducta, ac proinde dimidium totius gravis est citra, dimidium ultra eam lineam, ideoque pars BDE non potest descendere & secum rapere partem ADC, quia non prævalet illi: nec potest cadere totum compositum, quia deberet cadere secundum lineam DE; cui tamen casui resistit fulcrum D.

Vide Iconismi I.
Fig. III.

Colligitur II. Verum quoque esse quod docet idem *Schvventer* ibidem quæst: 7. si vasis eâ formâ elaborati, quam Figura F refert, manubrio circumligetur ligaculum, eique culter aut baculus DE inferatur, qui premat aut manubrium aut ut ipse habet, operculi extantem pedunculum, quò apprehenso operculum aperitur; & extremitas D cultri seu baculi mensæ superponatur, pendente vasis parte aliquâ infra mensam; fore ut compositum ex cultro & vase non decidat, cum tamen culter solus necessariò decidere deberet. Causam adsignat ipse eandem quam antea, sed errat. Vera causa est
ut.

ut antea, quia centrum gravitatis totius compositi constituitur in linea GH, ex centro Mundi ad fulcrum G ducta, ac proinde omnis casus & motus prohibetur.

Colligitur III, falsum omnino esse, quod docet P. Ioannes Leurechon in Recreationibus Mathematicis, Gallico idiomate sine nomine editis, Problemate 18. & ex ipso Gaspar Ens, qui dictas Recreationes latinas reddidit, & Thaumaturgum Mathematicum appellavit, dum ajunt, fieri posse ut modiolus F aquâ plenus in baculi EC extremitate C quasi se ipso sustineatur, baculi extremitate alterâ E supra mensam collocatâ, uti in Figura apparet. Vtriusque verba appono, ut Lector sincerius iudicium de re tota ferre possit. *Ayez*, inquit Gallus, *un baston CE, qui soit un peu applati, (quelques-uns mesme prennent le plat d' un coustEAU) mettez le desbous l' anse du seau parallele à l' horizon; puis disposez au milieu du seau un autre baston FC, qui prenne de puis le fond perpendiculairement iusques au premier baston, de sorte que le baston CE soit fermement serré entre l' anse & l' autre baston FC. Cela fait, mettez l' autre bout du baston CE dessus l' extremité d' une table; vous verrez que le seau se tiendra en l' air sans tomber. Car ne pouuant tomber qu' à plomb, il en est empesché par le baston CE, qui est parallele à l' horizon, & posé dessus la table. Et c' est une chose admirable, que si le baston CE estoit tout seul, ayant le bout C hors de la table plus grand, & plus pesant que l' autre, il tomberoit; neautmoins depuis que le seau y est appendu, il ne tombe point, par ce qu' il est contrainct de demeurer parallele à l' horizon. Hac Caspar Ens ita vertit. Baculum E, utrimq; complanatum (quidam cultro utuntur) horizonti parallelo situ inferè ansâ modiolî alicujus. Deinde sub eodem baculo & ansâ ubi se contingunt in ipsius modiolî fundo perpendiculariter erige, vel stipa aliud baculum F. His ita compositis alterâ extremitatē baculi E, mensæ cujusdam lateri superpone: & modiolum non casurum experire, cum is nisi perpendiculariter cadere non possit, & tentus quippe à baculo E horizonti parallelo & mensæ superposito, & baculo F, constipatis. In qua praxi id admirabile est, quod baculum E, quem modicâ parte super mensam positum (ita ut ejus pars minor mensæ superiaceat, maior verò è mensa porrecta sit) cadere oporteret suâ pte naturâ, nunc etiam modiolî pondere adjuncto, constipationis impedimentum obiectum non sinat decidere. Falsum est, & experientiæ ac rationi contrarium, siculam appensam modo*

Vide Ico²
nismi II.
Fig. III.

dicto non cadere; falsa ratio, ideo non posse cadere, quia perpendiculariter descendere deberet, & ab eo descensu impeditur à baculo mensæ superposito situ horizontali. Licet enim perpendiculariter, propter dictam causam, descendere nequeat, quia tamen centrum gravitatis totius gravis ex situla & baculo compositi est extra lineam HD , transeunte per fulcrum H & centrum V universi; debet necessario situla introtrahi versus dictam lineam HD , ut centrum gravitatis totius compositi collocetur in eadem linea: quod dum fit, deprimatur pars C baculi, & elevatur pars E , & sic cessat impedimentum casus. Agnovit hoc etiam Schvnterus lo: cit: quæst: 8. sed non agnovit causam cur suspensa manere non possit situla in dicto situ.

Vide Iconismi II.
Fig. III.

Colligitur IV. errare Schvnterum loco paulò antè citato, dum aliam suspendendi è baculo mensæ superimposito situlam adsignat praxin, jubetque accipi modiolum habentem duo manubria, B & C , perque ea transadigi baculum BC , & alium baculum KC subijci, tangentem modioli fundum K , & baculi BC extremitatem C , ut fiat angulus acutus BCK . Putat enim, si modiolus aquâ repleatur, & baculi extremum B mensæ superponatur uti Figura monstrat, fore ut non decidat, eò quòd neque secundum angulum rectum, neque secundum obliquum cadere queat. Fallitur, propter rationem antea dictam: nam cum centrum gravitatis totius compositi ex situla seu modiolo & baculo sit extra lineam FK , per fulcri locum & Mundi centrum transeuntem, debet necessario versus eam lineam inclinare modiolus, secumque deprimere extremum C , & elevare extremum B , baculi BC , adeoque decidere. Miror, viros doctos tam absurda, & tam contraria experientiæ scribere, in re cuius experientia tam facilis est, ratio tam evidens. Tanti refert, rerum causas penetrare.

EROTEMA II.

Cur homo casurus in unam partem, extendit brachium aut crus in partem alteram? Item, cur qui se inclinant, & brachium aliquid è terra sublaturi extendunt, crus unum in partem posteriorem porrigunt?

ADI. *Respondeo.* Homo cespitans, aut fallente vestigio in casum pronus, si nutat versus dexteram, naturali instinctu brachium sinistrum versus sinistram extendit partem; si versus sinistram ruiturus est, dexterum extendit brachium dexteram versus; si ad tergum nutat, pedem unum in anteriora porrigit. Ratio est, quia Naturâ docente centrum gravitatis corporis sui, conatur collocare in linea, per locum cui insistit, & per centrum Terræ, transeunte. Explico. Suprà dixi Cap: 4. Proposit: 4. grave quantitati insistentis tunc stare, cum linea directionis, hoc est, linea per centrum Mundi & centrum gravitatis illius gravis transiens, transit etiam per quantitatem cui insistit; cadere verò, si extra quantitatem illam transit. Causam ibidem explicavi. Inde propositi Erotematis rationem hanc adsigno. Dum homo, cujus centrum gravitatis est punctum A v. g. erectus stat supra planum BC, transit linea directionis AF per planum cui insistit, & totum hominem in duas æquiponderantes dividit partes, ideoq; non cadit. Quando verò cespitando depronatur versus partem B v. g., linea directionis AF non transit amplius per planum, ideoque linea EGF è centro Mundi per plani punctum Geducta, non dividit amplius hominem in duas æquiponderantes partes, sed pars EBF est ponderosior quàm pars EDF. Necessariò ergo homo cadere deberet versus B. Nè igitur cadat, efficere debet ut centrum gravitatis A retrahatur ad lineam EGF, vel ultra illam versus partes EDF. Hoc ut fiat, extendit brachium D, aut crus C, aut utrumque: hæc extensa addunt momentum versus illam partem ad quam extenduntur, faciuntque ut pars ADF ponderosior fiat quàm antea erat (uti patebit Libro se-

*Cespitans
cur brachiū
extendat.*

*Vide Iconi
nis II.
Fig. IV.*

quente ex dicendis de veste) ac proinde præponderet parti ABF ; ideoque centrum gravitatis hominis non manet ubi antea erat in puncto A , sed retrahitur versus partem extensam, & collocatur v. g. in puncto E : ex quo fit, ut linea directionis EF adhuc transeat per basim G cui homo ruiturus insistit; nec possit jam cadere, quia utrimque sunt partes æquponderantes. Momento ex brachij extensione orto accedit etiam impetus versus illam partem, ad quam brachium extenditur; violentâ enim & subitâ illâ extensione brachij imprimitur ipsi impetus, qui secum etiam trahit reliquum corpus versus eandem partem, versus quam brachium cum impetu projicitur.

COROLLARIUM I.

Vide Iconism II.
Fig. V.

PAtet hinc ratio, cur si homo AB brachijs corpori admotis ita insistat uni pedi B , ut linea directionis per extremam partem pedis transiens, transeat etiam per centrum gravitatis hominis quod sit E ; cur inquam, si corpore immoto manente brachium D extendat, cadat necessariò in illam partem versus quam brachium extendit. Causa enim est, quòd brachium extensum habeat rationem vectis, sive longioris brachij libræ aut stateræ, ac proinde plus possit propendere in eam partem, ad quam extensum est. Ergo ex diversa partium positione mutatur centrum gravitatis E in homine, migratque versus brachium extensum ad punctum v. g. F ; ex quo fit ut linea directionis FGC transiens per novum centrum gravitatis F , non transeat amplius per locum cui insistit pes B , sed extra illum. Quia igitur pars $EFGB$ præponderat parti EHB , ideo illa trahit hanc, & sequitur casus. Quem ut impediat homo, Naturæ instinctu contrahit iterum brachium D , & corpori admo- vet, ut centrum gravitatis collocetur rursus in E ; aut certè demittit pedem alterum, eique insistit, ut sic linea FGC transeat etiam per locum cui homo insistit. Experientiam quilibet facere potest.

COROL.

COROLLARIUM II.

Patet præterea ratio, cur senes & decrepiti baculo inniti interambulandum ac standum debeant, quia nimirum superiore corporis parte in anteriora ob crurium debilitatem propendente, centrum gravitatis totius corporis est extra lineam per pedes, aut inter illos transeuntem. Ut igitur fulcrum seu sustentaculum versus anteriorem partem promoveatur, sicque linea directionis transeat etiam per fulcrum, baculo innituntur, qui cum pedibus unum constituat fulcrum.

Senes cum baculo innitantur.

COROLLARIUM III.

AD II. *Respondeo.* Quando homo CD , cujus centrum gravitatis est G v. g., inclinatur in anteriorem partem, & brachium H extendit, unamque corporis partem versus eandem partem exporrigit; centrum gravitatis migrat à loco G , & transit ad locum I v. g. quia ratione brachij extensi pars anterior hominis jam plus ponderat, quàm antea. Quia igitur linea directionis IM non transit per locum cui insistit homo, debet necessariò cadere in anteriorem partem. Nè igitur cadat, Naturæ instinctu extendit in posteriorem partem pedem N , & aliquam etiam corporis partem versus N exporrigit, ut sic centrum gravitatis iterum migret in G , aut ultra G versus N , adeoque linea directionis GM transeat per locum G cui insistit homo.

Vide Iconi-
mum I.
Fig. VI.

ANNOTATIO.

Quod dixi de inclinatione versus partem anteriorem, intelligi debet de inclinatione versus quamcumq; aliam partem; semper enim naturali instinctu homo pedem extendit, & corporis partem, versus oppositam partem; aut certè cadit uti experientia constat. Si autem pedem extendere non potest in posteriorem partem, aut ea extensio non sufficiat ad casum prohibendum; altera n. etiam manum in anteriora extendit, eaque terram tangit, ut sic manu ac pedibus terræ insistat, lineaque directionis per ful-

crum inter manum pedesq; transiens, transeat etiam per centrum gravitatis. Si de Veritate rei dubitas, utrumque pedem conjunge. & stans erectus totum corpus à tergo applica muro, atque inferiore parte corporis muro conjunctâ manens, in anteriorem partem te inclinare conitere; & credes quod dixi.

EROTEMA III.

Cur funambuli non cadunt, licet funi insistentes ac inambulantes, corpus in omnem partem inclinent.

Mira sunt, & fidem humanam excedunt, quæ de funambulis legi, audiui, vidi; adeo ut viri docti, quorum sententiam exquisivi, existiment multa illorum non humanâ industriâ, sed diabolicis artibus perpetrari; quod postea examinabo. Referam quod recentiorum, quod antiquorum Scriptorum narrat unus aut alter, simulque quod ab alijs oculatis testibus audiui; tum causam rei indagabo, quæ ex paulò antè dictis pender.

Cardanus lib: 17. de Subtilit: scribens Ferrando Gonzagæ, Malfetæ Principi (cui suos de Subtilitate Libros dedicavit) eumque narratorum testem oculatum compellans, hæc inter alia habet. Itaque quidam puer spheris ligneis pedibus suppositis, aliquando etiam sacco inclusus totus præter brachia, super funem inter cacumina turrium extensum maximo nostro pro illius vitâ metu ambulabat. Alius etiam descendebat (ascendebat) ab imo solo ad turrim; quod difficilius est, cum venes in hac exercitatione multum laborent. Idem se è turri absque ponderibus pronus per funem usque ad solum extentis manibus demittebat: nam robur adeo manibus & brachijs constans erat ac firmum, ut illis ponderum vice uteretur. Idem, quod miserimum est, funiculo satis tenui pede se suspendebat è fune ubi proximus maxime turri erat; infame spectaculum, atq; horrendum! robore inde renum & dorsi manibus vinculum apprehendebat, atque ita funi denuò se restituebat. Fingebant ambo se cadere præcipientes, summa verò pedis hærebant funi capite pronò. Quantum pedis summitati illius roboris inesse necessarium fuerit, intelligis: nam solâ curvaturâ digitorum, atque eâ in sylvestrem partem sustinebantur. Puer etiam præcipientem se dabat cum spheris, alter à que

Funambu-
lorum varia
exempla.

eorum fune inter pedis plantam & sphaeram haerente, nescio prorsus quâ ratione nè ob rotunditatem dilaberetur, pendebat.

Verum supra fidem omnem acque ex speculationem ars fuit atq; audacia duorum Turcarum. Tibi visa (Feiandum Principem alloquitur) ac toti Urbi nostrae refero. Duo erant iuvenes corpore haud magno, sed ceteri: quisque illorum, primum assumpto homine in humeros, per funem ad dimidium recti anguli acclivem ascendebat, & absque etiam ponderum auxilio. Inde adjectis gladijs trium ferme palmorum longitudinis, praecurvis, ac:que novaculae, pedum malleolis, rursus cum homine eodem ascendebat, adeo distentis pedibus, ut nec in plana terra superficie facile fieri sic ambulacrum. Inde funi superpositâ tabulâ, pedibus verò suppositis sublevis, quas nostri cives vocant scancias, super tabulam sic positam ambulabat, cum tabula ipsa per se nè vel momento funi superstare posset. Deinde quinque teretia ligna ferreo filo crassiore transfixa, ob idque cohaerentia sed ita, ut nullum posset alteri rectè insistere, utrimque supponebat pedibus, cum quibus super funem ambulabat, cum nemo sic per planum solum possit ambulare, imò nè stare queat, hinc inde rotundis lignis, quae crassiora brachio non essent, dilabentibus. Postmodum suppositis patellis aeneis absque vinculo, quas pedum extensione retinere cogebatur, super fune ibat. Post in caldario (sic enim Itali vas aeneum vocant magnum) sedens, stabat caldarium supra funem pendulum; horribile dictu. Quod verò proximum miraculo fuit, hastam cum ponderibus vasi subduxit, ut caldarium in aëre pendere videretur. Nam hastam retro inter vas & funem positam antiè reduxit. Saltabat ad rythmum super fune pulsante tympano, & modo se praecipitem ex illa dabat haerens solo calce, (his oculis vidi) modo tarso ac cymba pedis. Si uideat necesse est, qui videat alterum eorum distentia tenuiori funi, ut quae pollicem non excederet crassitudine, insistere, ac immotâ totâ superiore parte, inferiorem tanto impetu cum fune agitare, ut hinc inde palmis plus quam duodecim celerrimè, ac quasi jaculi, aëtu moveatur. Quod verò minus prodigiosum fuit, sed supra fidem tamen omnem humanae potentiae est, quod cum e campo loviae arcis ad eurrim, quae altissima est, ascendisset cum ponderibus, inde è summa turri ascendit ad irabem per funem, quae à plano plus tribus partibus è quatuor recti anguli (adeo erecta erat) distabat. Maiore quoque miraculo descendit quam ascendisset, pronus scilicet tanquam ruiturus in caput. Animadversum est, pollice pedu. utriusq; dum funem continet aduersus alios digitos tanquam forcipe ferreâ ramiâ vim sustinuisse. Neque aliter fieri potuit, ut vel ascenderet tam erectâ fune, vel descendens non rueret

præcepit. Voluit, dum hæc ageret, hominem secum humeris sustollere, magno pretio etiam addito; sed tam temerarij propositi complicem non invenit. Itaque nil mirum est, quoscunque maximos Principes hoc spectaculo, ut re maxime egregia, delectatos fuisse; plebem verò censuisse, arte demonum hæc fieri, quandoquidem supra vires humanas viderentur. Sed cessavit admiratio, postquam liberalitate tuâ ac persuasionibus, alter eorum, raro exemplo nostræ ætatis Christianus factus est, exhibetque eadem spectacula. Quidem etiam prænomine tuo donatus est. Hactenus Cardanus.

Nicephorus Gregoras lib. 8. narrat, ætate suâ funambulos ex Ægypto venisse Constantinopolim, & malos tres navis onerariæ seu corbitæ sumentes, & rectos in solo statuentes, funibus firmasse: deinde alterum funem ex unius mali culmine in alterius culmen extendisse; insuper alium funem à solo ad verticem mali complicantes, gradus aliquot ad ascensum fecisse; per quos unus cum in altum evasisset, nudo mali vertici instituisse, nunc alterum pedem, nunc utrumque in altum erigentem capite prono; deinde exsurgentem derepentè, & manu funem deprehendentem ex eo pependisse, seque subinde rotasse turbinis instar sursum & deorsum, mox erecto statu in medio fune stantem, arcum arripuisse, & ad scopum longè positum collimasse; præterea inflexo crure, manus vice fune prehensio, supinum dependisse, atque in eo rursus eodem modo ut antea se circumegisse & rotasse; insuper clausis oculis, accepto in humeros puero, in sublimi fune ambulasse ab altero fune ad alterum, Hæc Gregoras. Funambulorum mentionem faciunt ex antiquis alijs Scriptoribus, Tertullianus lib: de Pudicit: cap: 10. Justinus ad Zenam, Manilius lib: 5. Arnobius lib: 2. Apuleius lib: 4. Floridor. S. Chrysoft. Oratione de iurjurando, & Orat. de Humilit, S. Gregorius Nazianzenus in Apologet. Quintilianus lib: 2. cap: 3. S. Cyprianus de Ieiunio Christi, Epictetus apud Arrian, lib: 3. cap: 12. & alij apud Bulengerum lib: 1. de Theatro cap: 62.

Funambulo-
rum alia
exempla.

His non minùs mirabilia sunt quæ nostris temporibus funambuli exhibent omnibus, in regionibus, omnibusq; ferè in

in civitatibus, quæ partim ipse olim vidi, partim ab aliis fide dignis & oculatis testibus audiui. Non enim solum in funibus stant & ambulant, hastam aut pondera librantes, sed sine etiã ponderibus & libramenis per funem celerrimè discurrunt, saltant, in gyrum se vertunt, exiliunt in altum, recidunt in funem erecti, mox divaricatis cruribus confident, mox impetu facto exiliunt iterum, iterum stant, iterumque confident, idq; aliquot centenis vicibus celerrimè, & sine quiete ullâ interpositâ. Atque hoc pænè quotidianum est, & omnibus commune. Alij è pedis unius digito suspensi hærent, & repunt per funem; alij etiam pedis calcaneo, Visus fuit qui, cum diu funem inambulasset atque saltasset, cadens de industria mento primum, deinde occipitio se suspendit, brachijs interim corpori admotis. Alius stans in fune, per angustum circulum vimineum complicato corpore transiliebat non semel; alius scyphum vitreum vino plenum impositum capiti, fronti, ori, in fune circumferbat, nullâ effusâ guttulâ. Alius duos funes horizontaliter extendebat, unum supra alterum; & cum diu in superiore saltasset, & varia spectacula exhibuisset, uno saltu in inferiorem sese demittebat, corpore prorsus erecto. Alius ova à præsentibus aut transeuntibus accepta, strophio circumligabat plantis pedum, & funem inambulabat, illa sis ovis. Alius cum diu in fune saltasset, tandem de industria ruens cum eulatu, quasi casu rueret, extremo pedis digito funem inter cadendum apprehendit, & post diuturnum suspendium in terram se demisit in pedes erectus. Parisijs Walachus quidam funem è solo ad domus verticem extendit, & singulis pedibus singulos gladios bene longos alligavit, apicibus intus & contra se mutuò conversis: deinde hominem in humeros susulit, & funem ascendit, pedibus inter ambulandum quàm maximè divaricatis, nè videlicet à gladijs intus convergentibus dilaniarentur. Idem funi horizontaliter tenso duas imposuit scyrtas, & scyrtalis tabulam; super quam sedens, & unum crus alteri imponens, huc illucq; corpus agitando, tabulam cum scyrtalis tam diu promovebat, donec dilapsis subtus scyrtalis ipse

cum tabula sola funi insideret. Ille idem etiam è tabulæ medio pedem gracilem cubitali altitudine erigebat ad perpendicularum, erectæque tabulæ cum pede suo supra funem extentum insidebat, & in omnem partem sese cum fulcro suo motibat. Visus est Herbipoli à pluribus, qui cum grallis per funem incedebat. Alius ibidem funem in angulum satis acutum extendebat, cum homine curriculo unica rotà instructo (cui Schubarren vocant Germani, monotrochium Latini Græcos imitantes) & ante se acto ascendit. Omitto innumera alia exempla.

Crisis prædictorum exemplorū.

Quæcunque hætenus enarrata sunt, si unum excipias, & reliqua rectè explices, naturali & humanâ industriâ fieri posse existimo, Ratio omnium pendet ex dictis Cap. 4. præcedente Proposit: 3. ubi statuimus ex centri gravitatis & motus gravium secundum directionis lineam naturâ, grave sustentatum à plano, aut quocumq; fulcro subjecto, in puncto, aut in parte quanta, tunc stare, cum linea per punctum aut partem sustentantem transiens, transiit etiam per centrum gravitatis corporis sustentati. Hoc scientes funambuli, præceptis, usû & exercitio, experientiâ, dexteritate & agilitate instructi, & proprio etiam periculo non raro edocti, ita librât se supra funem, aliudvè quodcumq; & quantum vis exiguum sustentaculum, aut ope hastæ oblongæ transversim utrâque manu ante se expansæ, aut ponderum ambabus manibus retentorum, aut etiam sine hastâ & ponderibus, solâ dexteritate, agilitate, & robore lacertorum, crurium, & lumborum, ut linea directionis aut nunquam deviet à fune ac sustentaculo, aut si deviat, statim eò reducatur. Rem pulchrè explicat Cardanus loco antea citato, his verbis: *Audaciores his (Mimis) fune quos funambulos vocamus. Jam verò in istis artis aliquid est, & naturæ aliis rationis plus; propterea de ijs tractare incipiam, quasi ab initio Naturalis Magiæ originem ducens. Est enim Magia Naturalis, cum rationibus naturalibus, occultis tamen, aliquid mirabile perficitur. Ergo funambulorum ratio hæc est. Vir audax & exercitatus super funem distentum admodum nudis pedibus inambulat, dextrâ lævâq; pondus decem, aut quindecim vel etiam viginti librarum plumbeum continet: cum ad dexteram inclinatur, inventus operi (ob hoc, audacissimum esse oportet) sinistram intendit ac ex e-*

dit, remittit ac contrahit dextram; ita antequàm vi dextra præponderet sinistra, pondera & brachia pristino statui restituit. Hoc autem necessarium est: nam antequàm casurus sit, oportet partem alteram alterâ, certâ proportione pondere esse graviolem. Cùm hæc proportio sensim acquiratur; antequàm sit acquisita, extenso & intento etiam brachio ad aliam partem inclinatur; igitur non cadet. Cadere igitur potest, si vel funis non exactè extensus fuerit; si membra stupore intermittantur; si corpus non intentum valide contineatur; si parviet; si delassetur; si arte vel usu careat, ut tardius extendat donec inclinetur, vel nimis extendat, ut in adversam ejus quam timuit decidat partem. Omitto quòd pondera rationem certam, aut ei propinquam obinere debent ad singulorum tum pondus, tum magnitudinẽ, ac etiam vires. Ergo si hæc sex adsint, in nullo est periculo.

Nonnulla porrò eorum quæ suprà relata sunt, ut ver similitudinem habeant, & naturaliter facta esse credantur humana industriâ, explicatione indigent. Hujusmodi est illud quod de ovis diximus plantis pedum suppositis, & strophio alligatis: notatum enim fuit à circumstantibus, ambulationem illum crectis pedibus incedere, & extremis solùm pedum digitis funem contingere; utiq; nè ova comprimeret, quod ut celaret circumstantes, strophio tegebat. Crediderim igitur & puerum illum apud Cardanum non ligneis sphaeris, sed solis extremis pedum digitis funem attigisse. Quamvis enim, ob rationem allatam, naturaliter (speculativè loquendo) fieri possit ut sphaeris etiam suppositis funi quispiam insistat, & fortè etiam inambulet, tamen cùm tunc funis in puncto aut quasi puncto contingi debeat, existimo practicè id omnem artem, industriam, dexteritatem, experientiam superare. Eiusdem farinae est illud quod de ascendente cum curriculo unicâ rotâ instructo, & homine in super onusto, diximus: existimo enim, rotæ circumferentiam excavatum canalem habuisse, quo funem subjectum exceperit; licet enim speculativè loquendo possit rota funi insistere, & per funem agitari, tamè practicè id fieri nequit, quòd funem in puncto contingere debeat rota. Si cui tamen, dato etiam quòd rota in circuitu excavata fuerit, incredibile videatur naturaliter id fieri posse, contendatq; vel ope, vel fraude Diaboli contrigisse, non ad-

Explicatio
nonnullorũ
exemplorũ.

modum repugno, præsertim quia ille qui Herbi poli ejus rei demonstrationem fecit, auditus fuit dicere, in DEI nomine se ascensurum, & descensurum in nomine Diaboli.

Quod habet Cardanus de illo, qui *funiculo satis tenui pede suspendebat è fune, & manibus deinde vinculum apprehendebat, atq; ita funi denuò se restituebat*; adduci non possum ut credam aut ita factum ut narratur, aut factum naturaliter & humanâ industriâ, quia non video quâ arte corpus humanum adeo grave ex adeo tenui ac debili funiculo hæere queat sine ruptionis periculo. Scio, Moguntiaë Circumforaneum quendam rapam albam atq; globosam à circumstantibus in foro petivisse, eiq; duos infixisse cultros transversos, qui dorsis se respiciebant, acies verò alterius deorsum terram, alterius sursum cælum versus tendebat; tum rapam cum cultro superiore è fone suspendisse, inferiori verò cultro funem cum ingenti pondere adalligasse; & tamen rapam à neutro cultro discissam, imò nè sauciatam fuisse. Sed hoc æquè difficile mihi videtur ac illud. Quisquis igitur hoc naturaliter factum persuadebit, idem de altero illo probabit. Hæc mea est de funambulorum actionibus sententia; si quis meliorem suggesserit, libens eam & cum grati animi significatione acceptabo.

Vnum hîc addo, cujus etiam *Cardanus* citato supra loco meminit, & si verum est, prædicta omnia mirabilitate longè superat, nimirum E. ephantes quoque funambulos olim datos fuisse, uti *Plinius* testatur lib. 8, cap. 2. *Suetonius* in Galba cap. 6. in Nerone cap. 11. *Dio* in Nerone. Quod quidem ideo mirabilius est in illis, quàm in hominibus, quòd, ut *Cardanus* ait, *careant ratione, quòd tantò essent ponderosiores, quòdq; duobus, non uni, funibus insisterent. Sed tantum potest consuetudo, improbaq; hominis cupiditas, & docilitas illius bestie egregia, quæ maxime hominum ingenio proxima est.*

COROLLARIUM.

De funambulibus ligneis.

A Gyrtæ & Circulatores, imò & pueri apud nos, non sine adm.

admiratione simpliciorum, & oblectamento, funem è domus fenestra ad subjectam plateam aut forum demittunt & in angulum extendunt, uti in Figura apparet: lineam deinde statu unculam CF, uni pedi in crenam inferiùs excavato, ut fune excipere queat, insistentem accipiunt; filumque ferreum DE per lumbos adigunt, & in semicirculum, ut vides, efformant, ac pondera plumbea D & E adnectunt. Hanc statuam funi alteri horizontaliter expanso pede in crenam inferiùs excavato imponunt, & ferreum filum cum ponderibus tandiu detorquent, & librant, donec perpendiculariter erecta consistat. Quo habito, funi in angulum extenso statuam imponunt alto in loco, quæ mox pondere suo deorsum per funem repit, in neutram inclinans partem, ac funambuli speciem exhibet. Ratio cur in neutram inclinans partem, est, ut bene notavit *Schroventerus* in *Recreat: Mathemat: par: 9. q. 9.* quia centrum gravitatis semper est in lineà CF, è Mundi centroeducta, hoc est, linea directionis statuæ transit per fulcrum cui insistit.

Vide Iconismi II.
Fig. VII.
Funambuli lignei.

EROTEMA IV.

An acus perpendiculariter erecta, sustinere possit molarem lapidem, acu necruptâ, nec curvatâ.

Feri id posse, asserit *Leurechon* in *Recreation. Mathemat: Problem: I.* & ex ipso *Schroventerus* in iisdem *par: 9. q. 2.* & *Gasspar Ens* in *Thaumaturgo Mathemat. Problem: II.* si cuspidi acus supra horizontem perpendiculariter erectæ, & neutrorsum inclinatæ, lapis ita superponatur, ut centrum gravitatis lapidis acus cuspidi directè superimmineat; quod tunc foret, si linea recta è Mundi centroeducta, per acus pedem & cuspidem, simulque per gravitatis lapidis centrum transfret. Rationem adsignant, quia in hac impositione vel lapis ab uno latere caderet, vel non: si caderet, ergo vel acus perpendiculariter erecta non fuit; vel centrum gravitatis lapidis acus cuspidem præcisè non pressit; quorum utrumq; est contra suppositionem. Si verò non caderet, vel plicabitur acus, vel ejus acumen ad partem infimam per lineam perpendicularem in

Acus an sustinere possit molarem lapidem.

medio acus conceptam, pressum transibit: non primum, quia acus perfectissimè erecta, ut supponitur, ideoq; ex uno potius quàm ex altero latere plicari nequit: neq; secundum, quia id sine partium penetratione fieri non potest, penetratio autem partium naturaliter impossibilis est. Lapis ergo, secundum centrum gravitatis suæ præcisè super acus perpendiculariter erectæ cuspidem collocatus, inde nec caderet, nec plicaretur, vel rumperetur acus, sine miraculo.

Ita citati Auctores. Quod quidem verum est speculativè, practicè tamen nunquam succedit, vel quia difficulter acus ad perpendicularum perfectè statui potest, vel quia lapis supra eã etiam perpendiculariter exactè erectam non potest ita librari, ut centrum gravitatis præcisè immineat lineæ directionis per acum transeunti. Imò nè in exiguo quidem orbe plano, etiam ligneo, successum practicè habet, propter easdem causas.

Orbis ligneus stylo sic perpositus, & circumdatus, cur non cadat.

Quod verò ligneus orbis cultri aut styli ferrei in manu sinistra erecti apici impositus, & in gyrum dextrâ manu fortiter ac cum impetu actus, diu aliquando in tali situ & motu perseveret, antequam cadat, causa est, quia licet centrum gravitatis orbis non exactè respondeat cultri aut styli apici, aut culter non sit perfectè perpendiculariter erectus, ac proinde orbis versus illam partem cadere debeat, versus uam deviat centrum gravitatis à cultro aut stylo; quia tamen propter impetum impressum semper in gyrum rapitur dictum centrum gravitatis, non potest deorsum depronare orbem, nisi cesset, aut saltem sufficienter minuat impetus in orbè gyriativus.

ANNOTATIO.

Hæc perpendiculariter erecta ut nō cadat.

Quando tamen hasta aut baculus perpendiculariter erectus unà cum alijs gravibus appensis constituit unum corpus grave, cujus centrum gravitatis est & in hasta, aut baculo, & prope sulcrum; meliorem res successum habet. Confirmat hoc quotidiana experientia, cujus duo exempla Auctores supra citati afferunt; in quibus quod sit ope exigui bacilli aut styli, fieri etiam potest longâ hastâ, si ad eundem modum disponeretur. Primum exemplum est hoc. Circa bacilli *AP* summitatem figuntur duos cultros *CD*, & *EF*, eo modo quo *F*igura monstrat. Deinde extremitatem inferiorum bacilli

Vide Iconismi II. Fig. VIII.

Bacilli si perponunt ungui, alteri vè lubrica superfici. Debent autem duo cultri infixi esse a qualis en ceter ponderis, vel saltem tales cum bacillo angulos officere, acciditibus aut recedentibus ab eo extremitatibus D & F, ut æquilibrium causent. Eo in situ bacillus non cadit, & leniter impulsus circumagitur supra unguem. Causa est, quia centrum gravitatis totius compositi ex bacillo & cultris, non solum est intra bacillum, sed etiam prope fulcrum, aut in ipso fulcro; unde fit, ut linea directionis semper transeat per fulcrum & centrum gravitatis, etiamsi bacillus nutet nonnihil ad latera. Schvventerus putat, necessarium esse ut bacillus sit præcisè tanta longitudinis, aut ut cultri infixi faciant cum eo tales angulos, ut centrum gravitatis totius compositi cadat in ipsum fulcrum. Sed hoc minime necessarium est. Alterum exemplum est. Cultros tres accipiunt, IG, GH, HK; cultrum GH infigunt manubrio cultri GI, & cultrum HK manubrio cultri GH, sic ut furca vel Græcum Π majusculum efficiatur, prout Figura monstrat. Tum sub medijs cultri dorso acum vel stylum subter erectum perpendiculariter tenent, cultrum verò utrumq; lateralem quasi bilanciæ crateres in æquilibrio suspensos esse sinunt. Sic dispositi cultri non cadunt, & solo statu, quacumq; versus placuerit, agitantur. Causa est eadem. Loco medijs cultris GH assumi potest bacillus, & loco lateralem styli, aut quid simile.

Vide Iconi
mi II,
Fig. IX.

EROTEMA V.

Cur hasta longa erecta perpendiculariter supra fulcrum, cadat, si fulcrum quiescit; non cadit, si circumfertur.

Vidi sapissimè in diversis Siciliae locis tale inter juvenes ac viros robustos exercitium. Hastam accipiunt longam decem & amplius cubitorum, brachij ferè crassitie, cui superius vexillum amplum & ponderosum ex serico est alligatum alià transversà breviori hastâ; & ut robur suum ostendant, erigunt hastam perpendiculariter intra manus volam, sociorum ope, manuq; cum brachio extensâ sustentant sic erectâ aliquamdiu, mox manu subtractâ alteram supponunt, deinde erecto in cælum vultu demittunt supra frontem, supra mentum, supra dentes, iterumque supra manum; quamprimùm verò ad unam inclinat partem hasta, seu pondere suo, seu tenentis arbitrio, versus eandem citato gressu se movent, hocq; tam diu faciunt unas, donec vel in latus cadat hasta, à socijs excepta, vel sponte, fatiscens, bus viribus, alteri eam tradat. Et qui

Hasta erecta perpendiculariter supra fulcrum quiescens, cadit; supra motum, non cadit.










qui diutissimè hastam eâ ratione circumfert, robustissimus æstimatur. *Queritur* igitur, cur hasta ita circumlata tam diu erecta manet, cum tamen si manus, frons, mentum, dentes, aliudvè quodcunq; sustentaculum, cui inniteretur, quiesceret, vix momento temporis erecta maneret. *Respondeo*, dum sustentaculum quiescit, cadit erecta hasta facile, quia difficulter ita erigi potest practicè, ut sustentaculum & centrum gravitatis hastæ in eadem sint ac maneant linea directionis: dum verò sustentaculum movetur versus illam partem, versus quam hasta minatur casum, non cadit, sed manet erecta, quia motu illo sustentaculum, quod directionis lineam deseruerat, eidem lineæ iterum supponitur.


EROTEMA VI.

Cur aliqua turres inclinata non cadunt in eam partem, in quam inclinant.

Turres inclinata.

Hujusmodi turres sunt Bononiæ & Pisis in Italia, & Colonia in Germania. Bononiensem vidi non semel procul & propè, non tamen conscendi. Sita est in foro, non procul à turri Afellorum, & à nobili Garisendorum familia, turris Garisenda appellatur. Ædificata fuit Anno m^o. Altitudo præcisa non est mihi cognita; major tamen est quàm Pisana, de qua mox. Exteriùs inclinatur pedes novem, interiùs pedem unum & paulò ampliùs, ut notavit P. Paulus Casatus, cum Philosophiam in Bononiensi Collegio nostro doceret; hoc est, Crassities muri in parte inferiore est pedum sex cum dimidio in superiore verò parte pedum quatuor. Vacuum interiùs est pedum septem. Hæc omnia notavit idem P. Casatus. Pisana turris condita fuit Anno 1174, à Ioanne quodam Oenipontano Architecto. Longitudinem seu altitudinem habet cubitorum 78, seu pedum 117. Inclinatur exteriùs septem cubitos, seu novem pedes cum dimidio. Rotunda est, & ex candido marmore ædificata, figurisque diversis exornata. Bononiensis quadrangula est, & lateritia. Coloniensis adeo inclinata est, ut supra dorsum ejus acclive homines scandant. *Queritur*, quo





quo artificio ædificatæ sint hæ turres, ut non cadant in partē, *Cura non e-*
 inquam inclinant, cum tamen muri alij erecti verticaliter, *ant.*
 vel modicum propendeant in unam magis quàm in aliam
 partem, diu sine periculo cadendi stare nequeant. *Baldus* in
Mechanicis Aristotelis, & ex ipso *Schryverentius* in *Recreatio-*
nibus Mathematicis par. 15. q. II. *P. Ioannes Baptista Ricciolus* lib. 2.
Almagesti novi cap. 4. Corollario 5. *P. Paulus Casatus* in sua
Mechanica manuscripta, quam in Collegio Romano Discipu-
 lis suis prælegit, cum Mathematicam ibi meo tempore doce-
 ret, aliique communiter docent, causam esse, quia centrum
 gravitatis illarum est in tali loco, ut linea ab ipso ad centrum
 Terræ ducta, cadat intra spatium terræ quod occupat pes seu
 fundamentum ipsarum turrium. Estò turris $ABCD$, cuius
 fundamentum sit $CDEF$, & centrum gravitatis G , vel O . Si
 linea perpendicularis, per centrum gravitatis transiens, & ad
 centrum Mundi tendens, transit etiam per turris fundamen-
 tum, cuiusmodi sunt lineæ AGD , & $NO P$; turris non potest
 cadere: si verò dicta linea non transit per fundamentum, hoc
 est, per fulcrum & sustentaculum turris, quales sunt lineæ
 HQI , KSL ; necessario debet cadere turris. Ratio ex dictis
 hæcenus, & ex *Proposit. 3. & 4. capitis 4. præcedentis* patet.
 Totum igitur artificio in huiusmodi turribus ædificandis
 consistit in hoc, ut præterquàm quòd partes omnes inter se ita
 firmiter cohæreant, ut una non possit cadere sine cæteris, alti-
 tudo & crassities ita temperentur, ut centrum gravitatis im-
 mineat pedi seu fundamento à quo sustentantur: id enim si fi-
 at, non possunt cadere turres, quantumvis inclinentur ad la-
 tera. Sufficit autem, si linea directionis è centro Terræ edu-
 cta ad centrum gravitatis, transeat per extremum pedis, cuius-
 modi est linea AGD . Quòd si cadat inter C & D , melius est.
 Ratio porrò huius rei est, ut etiam in præcedentibus jam sæpe
 dictum fuit, quia si centrum gravitatis turris $ABCD$ est pun-
 ctum G v. g. tunc pars ACD basi seu fundamento insistens, est
 æqualis ponderis cum parte ABD ; si verò centrum gravitatis
 est in O v. g. tunc pars ACD , est multò gravior quàm pars

Vide Icon-
 nis III.
 Fig. I.

ABD; nunquam ergo hæc prævalet illi, etiam si turris ABCD soluta foret à fundamento CDEF; multò ergo minùs prævalebit pars ABD parti ACD, si hæc fundamento est ita coagmentata, ut cadere non possit, nisi aut à fundamento avellatur, aut ipsum secum trahat in ruinam.

Explicato hac ratione artificio, concludit P. Ricciolus Jo: cit: valde conducere fundamenta in hujusmodi turribus construendis obliquo incremento deorsum dilatari, ut latus EF longius sit latere CD; sic enim fit, ut linea directionis cadens etiam extra partem ACD, qualis esset v. g. linea HQI, posito quod centrum gravitatis esset punctum Q, tamen non cadat extra fundamentum, prout extra cadit linea KSL. Expedi etiam, ut idem bene notavit, turrim superiori ex parte cavam esse, & vacuam à lapidibus, reliquum verò esse solidum, ut tantò certius major ponderis pars sit in fundamentis, & in turris portione fundamentis coherente, atque adeo linea directionis cadat intra fundamenta; quod expensis lapidum ac cæmentorum utriusq; partis ponderibus facile peritas Architectus statuere potest, ut si deprehendat, pondus partis ACD, aut ACIH, esse mille, pondus verò partis reliquæ inclinatæ 400, securè pronuntiabit, inquit Ricciolus, lineam directionis intra fundamenta mansuram.

Ita Auctores citati, & rectè; Contra quæ tamen *Harstorf* scrupulum habet, aitque nec Bononiensem, nec Pisanam turrim dicto artificio fabricatam esse; fuisse se in utraque, & rem longè aliter deprehendisse, norasseque in utraque, partem extra prominentem ferreis vinculis turri esse conjunctam, infra verò anterides esse adjunctas (*ein Anband* ipse vocat) quæ turrim alioquin rectam, apparere faciunt inclinatam. Rem hæc figurâ explicat. ABCD est turris inclinata, DG, & EA sunt ædificium ad perpendicularum erectum, BGD sunt anterides seu pilæ turrim fulciantes, CFE appendix est ferreis vinculis colligata turri. His tamen repugnant quæ scribit P. Paulus Casatus loco supra citato, qui aliquot annis Bononiæ Philosophiâ docuit, & turrim accuratè non inspexit modò, sed etiam di-

Vide Iconismi III.
Fig. I.

Vide Iconismi III.
Fig. II.

mensus est murorum crassitiem, & tam interiorem, quàm exteriorem inclinationem. Si igitur crassities muri in parte inferiore est pedum sex cum dimidio, in superiori pedum quatuor; item si exterius inclinatur pedes novem (hoc est, si spatium DM præcedentis figuræ est novem pedum)interius verò pedem unum & paulò amplius, ut suprà ex ipso vidimus; non potest turris, saltem intus, fabricata esse ad perpendicularum. Item si crassities muri superioris est quatuor pedum, & tamen vacuum interius totius turris est pedum septem; non potest pars CEA esse appendix solida, & pars OGB pila solida. Si dicas, tam appendicem quàm pilam esse cavam, & unà cum cavo turris unum constituere cavum; ergo turris est inclinata, & ædificata artificio suprà relato.

EROTEMA VII.

Cur surgentes à sede, caput unà cum thorace in anteriora reclinamus, pedes verò in posteriora versus sedem retrahimus.

Quando in sede aut scamno sedemus, femora in sede jacent, thorax & caput sursum eriguntur, crura cum pedibus pendent deorsum. Duos igitur angulos rectos facimus; unum enim thorax cum femoribus constituit, alterum femora cum cruribus, ut in Figura apposita patet, in qua recta linea AB est caput cum thorace, BC sunt femora extensa in sede, CD sunt crura cum pedibus. Anguli ABC, & BCD, recti sunt. In quo quidem situ centrum gravitatis hominis sedentis est vel in linea AB, vel non multum extra illam versus C. Quando surgere volumus, angulos rectos in acutos commutamus; caput enim cum thorace reclinamus in anteriora, ut sit ubi EB; crura cum pedibus retrahimus in posteriora infra sedem, vel quàm proximè ad sedem, ut sint ubi CF; femora CB paulatim elevamus ad partes B, anguli autem EBC, BCF, acuti sunt. Et nisi hoc faciamus, surgere non possumus, ut quilibet experiri potest, si paulatim & lentè se erigat. Dico; si paulatim & lentè se erigat, quia mo-

*Surgentiū
à Sede nō-
dus.
Vide Icon
nismi III.
Fig. III.*

tus velocitas & impetus nonnulla ex his prævenit, & alia nẽ
sensu percipiuntur, efficit. *Queritur* huius rei causa. *Quæstio*
nem etiam proponit *Aristoteles* in *Mechanicis* qq. quæst. 33.
Omissis responsionibus *Aristotelis*,

Respondeo, ideo id fieri, & necessariò ita fieri, ut pedes sup-
ponantur centro gravitatis corporis surgentis, sicque linea
directionis transeat per fulcrum cui innituntur pedes inter
surgendum. Explico. Dum seder homo, pedes non sustinent
corpus in quo est centrum gravitatis, sed id innititur sedi: dũ
verò surgit, pedes cum cruribus sustinere debent corpus cum
centro gravitatis. Si igitur pedes cũ cruribus manerent in situ
recta lineæ CD, dum homo surgeret, nec sedes sustineret am-
plius corpus, nec pedes cum cruribus sustinere illud possent,
quia non essent suppositi centro gravitatis, quod dum homo
surgit, paulatim à linea AB in anteriora migrat. Necessariò
igitur recidere debet homo in sedem, nisi velocitas motus, &
impetus impressus defectum suppleat. Ut igitur pedes sup-
ponantur centro gravitatis corporis surgentis, illudque su-
stentet, necesse est ut retrahat pedes & crura in posteriora ver-
sus CF, & reclinet caput cum thorace in anteriora versus EB;
sic enim fit ut & fulcrum & centrum corporis surgentis sint
in eadem recta linea, v. g. in linea EE.

ANNOTATIO I.

De gestante onus in dorso.

Gestans o-
nus in dorso
cur se incli-
net.

Eandem ob causam si quis stans, aut ambulans, habet onus in dorso, in-
clinat caput cum thorace in anteriora, ut gravitatis centrum, quod
propter impostum pondus dorso vicinius est quam pectori, retrahatur ver-
sus anteriora, & directè superimmineat pedibus & fulcro eorum, sicq; linea
directionis transeat & per sustentaculum pedum, & per centrum gravitatis
ex toto homine ac pondere adjuncto conflata.

ANNOTATIO II.

De sedente humi.

Sedens hu-
mi erecto
corpore, cur

Qui sedet humi, semoribus ac cruribus in anteriora porrectis; si corpus
erectum reclinet in posteriora, nimium defatigatur, quia linea directio-

is per centrum gravitatis corporis si reclinati non transit per fulcrum cui defatigatur corpus, hoc est, centrum gravitatis corporis in posteriora reclinati non superiminet fulcro seu sustentaculo cui sedens innititur. Sedens humi sit ABC , AB sit corpus erectum, BC femora & crura porrecta in anteriora, centrum gravitatis corporis AB erecti sit E punctum; quod quia directe est supra B , & consequenter supra fulcrum seu sustentaculum cui innititur ipsum B ; non adeo defatigatur sedens. Reclinatur AB in posteriora, & sit in DB , & centrum gravitatis ipsius DB sit punctum F ; quod quia non est directe supra B , sed extra, & consequenter extra spacium cui innititur ipsum B ; defatigatur sedens, & non potest diu ita sedere. Quod si AB reclinetur in anteriora, & sit ubi GB ; adhuc minus fatigabitur sedens quam in AB , quia tunc centrum gravitatis, & consequenter totum gravitate, magis sustentatur quam antea.

defatigatur si in posteriora reclinetur. Vide Iconismi III. Fig. IV.

ANNOTATIO III.

De surgente à sessione in terra.

SEdus ut antea in Figura ABC , non potest surgere, si AB manet erectum, quia inter surgendum fulcrum non manet in B , sed retrahitur totum in C ; cui quia non innitet centrum gravitatis E , non possunt pedes & crura sustentare corpus, adeoque homo non potest surgere. Nec sufficit ut AB reclinetur in GB , quia centrum gravitatis adhuc non superiminet fulcro C . Necessarium ergo est, ut corpus AB reclinetur in anteriora versus GB , & pedes cum cruribus in posteriora versus HI , ut fulcrum & centrum gravitatis constituantur in eadem linea recta tendente ad centrum Mundi, v. g. in linea KI . Hec omnia docet nos Natura. Imò Natura instinctu brachio simul inter surgendum terræ innitimur, ut fulcrum sustentet corpus non sit tantum spacium terræ pedibus subiectum, sed totum spacium inter pedes & manum terræ innixam interjectum.

Vide Iconismi II. Fig. IV. Surgentiū à terra modus.

ANNOTATIO IV.

De surgente à cubatione in terra.

HOmo totus supinus jacens in terra extensus, non potest se erigere manens ita extensus sed necessarium est ut corpus complice & superiorem partem corporis prius erigat, ac pedes corpori submittat & sic se erigat. Ratio ex dictis patet. Quod si jaceat pronus, manus primum inniti simul ac pedibus debet, & mox genua in anteriorem partem complicare. Ra-

Surgentiū à cubatione in terra modus.

cio similiter ex dictis patet. Vtrumq; experienciâ constat; & utrumq; Natura docet.

ANNOTATIO V.

Solvitur objectio contra dicta.

Dictis hoc Erotemate & Annotationibus, maximè verò Annotatione 4. precedente, obstare videtur experientia quorundam jocularum, qui supini jacentes erigunt sese omnino extensi, ac si lignei & prorsus rigidi essent. Sed hi, ob insignem corporis agilitatem, & robur simul, & insuper experientiâ docti, corpori imprimunt impetum quo sursum fertur; qui quidem impetus tam diu durat, donec centrum gravitatis & podum fulcrum constituentur in eadem linea recta ad centrum Vniversitendente. Alij etiam ad caput apponunt vel globum bombardarium majorem, vel saxum notabilis gravitatis, quod manu utraq; apprehensum velociter in anteriora movent, sibiq; & saxo simul impetum imprimunt; quo fit ut centrum gravitatis compositæ longè citius immineat pedibus, à quibus sustentantur; impetus enim promovens saxum & corpus in anteriora prævalet gravitati corporis ceteroquin casuro. Quantum autem valeat impetus ad prævalendū gravitati oppositæ corporis, patet in cessitantibus, qui statim naturaliter brachia extendunt & projiciunt in oppositâ partem, prout supra in Erotemate secundo diximus, ut scilicet impetus oppositus æquivaleat excessui gravitatis quæ est ad eam partem in quâ facta est ex cessitatione inclinatio. Nos autem in toto hoc Erotemate, & in omnibus Annotationibus, loquimur de solis corporibus gravibus sedentibus aut jacentibus, secluso omni alio impetu, & quovis alio ab arte proveniente.

EROTEMA VIII.

An homo erecto corpore ambulans circa Terraquæ, describat capite suo peripheriam circuli; & quanto is major sit circulo à pedibus descripto.

DUm homo altus pedes sex v. g. stat aut ambulat erecto corpore, vertex remotior est à centro Terraquæ sex pedibus, quàm pedes, ideoque si circa Æquatorem aliumvè maximum Terraquæ circulum ambularet, & vertice suo circula-

larem

larem lineam describeret in aëre circa centrum Terraquæ; major esset hæc circularis linea, quàm linea circularis Æquatoris, alteriusvè maximi Terraquæ circuli. De excessu postea erit sermo,

Nunc *queritur*, utrum vertice suo describat talem circula-
larē lineā, Ratio dubitandi desumitur ex natura centri gravi-
tatis & lineæ directionis. *Respondeo*, non describere unam cir-
cularem lineam, quia vertex capitis nunc ad dexteram ver-
git, nunc ad sinistram, prout homo ambulans nunc dextro
pedi insistit, nunc sinistro. Ratio hujus est, quia ut dextro in-
sistat pedi, linea directionis debet transire per basim seu su-
stentaculum dextri pedis; & ut insistat sinistro, linea directi-
onis debet per sinistri pedis basim seu sustentaculum transire;
ac proinde caput ac vertex nunc ad dextram, nunc ad sinistrā
partem declinare debet. Et tantò quidem magis ac notabiliùs
in utramque partem alternatim inclinatur, quantò ponderosi-
or est moles corporis quam unū crus & unus pes alternatim
sustinere debet. Plerumq; tamen modica est illa declinatio
& quasi nutatio capitis, & ideo ad sensum censeripotest ver-
ticem motu suo describere circulum circa centrum Vniversi,

Queritur ergo, quantò major sit circulus iste circulo alte-
ro quem pedes eodem tempore describunt, seu quantò plus
spacij conficiat eodem tempore caput quàm pedes? *P. Casatus*
in *Mechanica* sua Manuscripta ait, hunc excessum esse valde
modicum, nimirum solum pedum sex cum dimidio; adeo ut
in milliaribus 500, tantum reperiatur excessus 15 unius pedis,

17

positā hominis altitudine pedum sex, & terræ ambitu millia-
riorum 21600. Sed revera nimis exiguum posu excessum,
Fortassis respexit ad regulam Pappi Alexandrini, qui lib. 8.
Collectionum Mathematicarum Propositione 22, demonstrat, ita se ha-
bere circumferentiam circuli majoris ad minorem, ut circulo-
rum diametri, (& consequenter semidiametri,) Quoniam
igitur semidiameter circuli quem caput describit circa cen-
trum Mundi, major est sex pedibus semidiametro circuli
quem

*Homo circa
Terram
ambulans,
non descri-
bit circulū
capite suo.
mathemati-
cè, sed tan-
tū ad sen-
sum.*

*Quanto
major sit
circulus à
capite de-
scriptus su-
pra circulū
à pedibus
descriptum,*

quem pedes describunt; conclusit fortassis etiam circulum capitis superare circulum pedum sex tantum pedibus. Debat tamen, si ita argumentari volebat, concludere circulum capitis majorem esse circulo pedum duodecim pedibus, quoniam diameter prioris circuli major est diametro posterioris totidem pedibus. Ego rem juxta *Archimedis* regulam libello de Dimensione circuli traditam examinando, inuenio circulum capitis majorem esse circulo pedum, 114323 pedibus & paulò ampliùs, ponendo hominem altum pedibus sex, & diametrum terraquæ milliariorum 6880, circumferentiam verò circuli maximi milliariorum 21600 præcisè, quamvis reuera juxta dictam *Archimedis* regulam, positâ diametro prædictâ, deberet esse milliariorum 21623 ferè. Sic enim discuro. Terraquæ diameter est milliariorum 6880, passuum autem 6880000, pedum verò 34400000. Diameter igitur circuli quem pedes conficiunt, est pedum 34400000; diameter verò circuli quem conficit caput, est pedum 34400012. Si jam fiat, ut 7 ad 22, ita 34400012 ad aliud; inuenietur circumferentia circuli à capite confecti, pedum 108134323, & paulò ampliùs, cum tamen circulus à pedibus confectus sit tantum pedum 10800000. Superat ergo circulus capitis circulum pedum, in pedibus 114323, qui efficiunt passus 22864, hoc est, milliaria Italica 22, & passus 864. Si verò ambitum Terraquæ, & circulum à pedibus confectum, ponamus milliariorum Italicorum 21623, ut reuera poni deberet juxta *Archimedis* regulam, posita Terræ diametro milliariorum 6880 tunc excessus circuli capitis supra circulum pedum est tantum pedum 677. *Marinus Mersennus* in libro de Veritate scientiarum pag. 873, & in lib. I. Mechanicor: par: I. cap. de Centro gravitum. 5. ait, caput hominis terram circumuehens superare spatium à pedibus confectum, ferè quatuor leucis Gallicis, quarum quælibet 15000 pedum regionum continet. Tres autem leuæ dant pedes regiones 45000, id est, passus regiones 9000, atque adeo novem circiter milliaria Italica-

EROTEMA IX.

Si Terra aqua hemisphaerium superius auferretur, à DEO, manente inferiore, quomodo homines in ejus horizonte starent, & ambularent?

AVferat DEVS hemisphaerium superius, & maneat solum hemisphaerium inferius ABD. Quæritur, quomodo homines in ejus plano horizontali ACB starent, & ambularent? Respondent communiter alij, unum solum hominem posse tunc stare perpendiculariter erectum, illum nimirum qui staret in puncto C; reliquos vero omnes inclinatum iri naturaliter ad horizontem, magis minusve, prout magis minusve à puncto C remoti forent. Ego distinctione utor, &

Dico I. si punctum C manet in centro Mundi, ut antea erat; solum illum hominem posse stare perpendiculariter erectum, qui staret in puncto C; reliquos vero omnes à puncto illo remotos, quantum vis exiguo spatio, non posse stare, neque erectos perpendiculariter, neque inclinatos, sed necessario debere jacere in horizonte; imò nè jacere quidem posse, sed ruituros versus punctum C. Ratio est, quia ut stet homo supra terram, sive erectus perpendiculariter, sive inclinatus, debet linea directionis transire & per centrum gravitatis hominis, & per ejus pedes, & consequenter per spatium illud terræ, cui pedes innituntur, uti ex dictis patet: Atqui in dicto casu respectu illius tantum id fieri potest, qui puncto C insisteret; nam linea directionis est linea recta à centro Mundi, hoc est, à centro Ceducta per centrum gravitatis corporis gravis extra centrum illud existentis: talis autem linea non potest transire in casu nostro simul per pedes stantis extra punctum C; aut si per pedes transit, non transibit per centrum gravitatis. Insistat enim, si fieri potest, homo LK, puncto K, & centrum gravitatis hominis LK sit punctum M. Linea CI transit quidem per punctum M, at non per punctum K; & linea CB transit quidem per punctum K, at non per punctum M. Necessario ergo

Vide Iconisimi III, Fig.V.

Homines in horizonte astronomico Terra, quomodo starent, & ambularent.

omnes extra C punctum existentes debent jacere; & quia graves sunt, & gravia naturali pondere ad centrum Mundi ruunt, si libera sunt; necessariò versus punctum C ruunt, nisi alligentur, aut aliter sustententur.

Dico II. si punctum C hemisphærij ADB non maneret in centro Vniversi, sed locum mutaret, & centro Vniversi congrueret punctum aliquod intra dictum hemisphærium, v. g. punctum F; solus ille, qui puncto C insisteret, posset perpendiculariter erectus stare supra planum horizontale ACB, reliqui verò omnes starent quidem, sed inclinari, tantò plus aut minus, quantò magis aut minus à puncto C versus extrema A & B recederent. Ratio est, quia tunc linea à centro gravium & Vniversi Feducta, posset quidem transire simul per pedes & centrum gravitatis uniuscujusque, ut patet; at non esset perpendicularis respectu plani ACB, nisi linea FCG, ut ex Figura patet,

COROLLARIUM.

Vide Iconismi III. Fig. VI.

Quomodo in horizonte visuali extenso in planitiam.

EX his colligitur, si in Terraqua ABC, cujus horizon astronomicus respectu nostri esset BC, & centrum ejusdem ac M. n. li. D, esset longa aliqua planities EE, horizonti parallela; solum hominem in puncto A consistentem, posse stare erectum perpendiculariter, reliquos verò in G, H, F &c. inclinatorum fore, prout lineæ directionis DG, DH &c. requirerent.

ANNOTATIO.

Si planum EF leve esset, & in puncto F, H, aut G, & quocumque alio, à puncto A remoto, collocaretur globus gravis & levigatus; non quiesceret ibi, sed rueret ad punctum A ubi quiesceret. Ratio est, quia gravia non impedita moventur versus loca decliviora, ut sint quàm vicinissima centro Mundi; cùm igitur in plano EF punctum A sit omnium vicinissimum centro D, eò moveretur globus. Idem dicendum est de aqua in eo plano effusa.

COROL-

COROLLARIA EX
ANNOTATIONE.

EX dictis hac Annotatione colligit I. P. Ricciolus, nos in Vide Iconisfmi III. Fig. VI.
planis ac pavementis ad libellam constitutis non stare perpendiculariter erectos; nisi in illo puncto, in quo planum tangit sphaeram Terraqueam, scilicet in puncto A; in reliquis verò locis stare nos inclinatos, tametsi insensibiliter. Et hoc verum est, mathematicè loquendo.

Colligit II. Errare vehementer illos, qui altitudines tur. *Altimetrarum aliquorum error.*
rium & montium per altimetriam metientes ex angulo altitudinis, & distantia notabili pedis turrium aut montium ab oculo mensoris, utuntur triangulo rectilineo rectangulo, existimantes in eo triangulo unum laterum circa rectum angulum esse prædictam distantiam, alterum ipsam turris aut montis altitudinem; cum tamen hoc latus longè absit à perpendiculari linea ad centrum Terræ tendente, in qua tamen æstimanda est altitudo prædicta. *Vide Iconisfmi II. Fig. VII.*
Esse enim, inquit, in Figura proxima quadrans Terræ ABC, in quo altitudo montis PKM perpendicularis, & faciens angulos ad P hinc inde æquales; quæ in directum continuetur cum Terræ semidiametro PA. Iam Geometre seriemones quos legerim, ut montis altitudinem investigent, ex statione in C; Quadrante Geometrico DEF, aut alio simili Instrumento, per dioptram CE accipiunt angulum ECF, respicientes montis apicem M, lineâ visuali CE M; quem angulum exhibet arcus EF; deinde cognitam habent distantiam CK, ab oculo C ad pedem montis in milliaribus, leucis, stadijs; & constructo ex illa triangulo CKG, rectangulo ad K, ex angulo C, & distantia CK, colligunt altitudinem KG, quam putant esse ipsam montis altitudinem, perinde ac si lineâ visualis terminata fuisset ad G, cum revera terminata sit ad M. At vera altitudo montis est ipsa PM, longè major quàm GK. Deinde CK non est necessariò planities perfecta, sed sæpe curva, & libellâ exploranda; & sæpe stationis C locus altior est, quàm curva illa superficies Terræ, quæ concentrica est convexitati maris. *Vide Iconisfmi III. Fig. VII.*
Videtur tamè Orontium, Maginum, Clavium, Blancanum, hanc pseudographiam non agnovisse: agnovit tamen Cabaus in suis Meteoris, sed in remedio adhibendo falsus & ipse fuit, ut ostendam in Libro Geographico. Sectione de altitudine montium, ubi quomodo corrigenda sit horum Geometrarum præ-

xiis, DEO dante docebo. Hactenus Ricciolus, & bene si ita procedunt Geometra, ut ipse dicit, Nullum tamen scio, præter Blancanum in Sphæra Mundi, qui dicto modo montis longissimè diffusi altitudinem investiget; cæteri enim tametsi universaliter loquantur, non tamen intelligi debent de dimensione ex immo dica aliqua distantia, alioquin utiq; cautelam debitam adhibuissent. Vide quæ diximus in Pantometro Kircheriano lib. 2. cap. 2. Problem. 1. Annotat. 4.

Alia quæ P. Ricciolus habet circa errorem aliquorum in fluminum libramento, & in libellandis aquis, attulimus locit: lib. 9. in quo fusè de Hydragogia seu aquarum libellatione ac deductione agimus. Vide infra Magiam Hydrotect.

EROTEMA X.

Cur Antipodes nostri non cadant in partem calis oppositam.

*Antipodes
nostri, & cur
non cadant
in partem
calis opposi-
tam.*

Dubium hoc etiam *Plinij* temporibus vulgū vexabat: ait enim lib. 2. cap. 65. *Ingens hic pugna litterarum, contraq; vulgi, circumfundi Terræ undique homines, conversusq; inter se pedibus stare &c. illo (vulgo) querente, cur non decidant contra sitū; tanquam non & ratio præsto sit, ut nos non decidere mirentur illi. Mirum non est, vulgum hoc ignorare, & mirari; mirandum potius est, viros etiam doctos in eadem perplexitate hærere. Audi unum ex multis, Redierat ex Chinarum regno P. Nicolaus Trigautius Belga, iterum eò reverfurus. Cùm Parmæ in Italia esset, & multi nobiles ac docti Viri ad eum visendum ac salutandum accederent, venit inter alios Doctor magni nominis, longè discipulorum catenâ stipatus; & post multa dixit P. Trigautio, d u se perplexum hæsisse, & etiamnum hærere, nec unquam solutionem invenire potuisse dubij cujusdam; quæ nimirum ratione aut artificio, cùm Terra & aqua unum efficiant globum, & infra horizontem nostrum India Orientalis ac præcipuè China sit, quando naves pervenerunt ad extremum horizontis nostri, & infra eum descendere debent, quæ inquam ratione & artificio descendunt sine præcipuij periculo? quæ item ratione redeuntes ascendunt? Virumque coram*

spe-

*Speclavi Reverentia Vestra; ne gatur dedignetur has intellectus mei te-
nibras dispellere.* R. sicut P. in corde viri doctrinâ clari simplici-
tatem, sed ne conceptam de eo discipulorum opinionem di-
minueret, dissimulavit risum, & datâ solutione dimisit. Hi-
storiam audivi Romæ à Viro doctrinâ & probitate singulari
claro. *Respondeo* igitur ad vulgi dubium, & ajo, non cadere
antipodes nostros (eadem est ratio de navibus Terraquam
circumnavigantibus, quia gravitate suâ naturali ad centrum
Terræ tendunt, non minus ac nos. Mirum potius esset si ca-
derent, quia naturaliter ascenderent.

EROTEMA XI.

*An in acclivitatibus montium possint stare plures
homines, domus, arbores &c. quàm in basi
subjecta.*

SIT mons A K B, cujus basis A B, acclivitas A K. Quæritur,
S n in spatio A K, possint stare plures homines, domus, ar-
bores &c. quàm in subjecta basi A B. Ratio dubitandi est,
quia spatium A K majus est, quàm spatium AB, ut nunc sup-
pono. *Respondeo* id non posse fieri. Ratio est, quia homines
debent insilere perpendiculariter, & domus ædificari debent
ad perpendicularum, & arbores perpendiculariter assurgunt.
Quare si in basi A B non possunt stare erecti perpendiculari-
ter, nisi tres homines, domus, arbores, occupantes suis plan-
tis aut basibus tria spatia, A C, C D, & D B; etiam in acclivi-
tate A K poterunt stare perpendiculariter erecti tantum tres,
occupantes recto situ ad horizontem spatia E I, F L, & G K,
æqualia prioribus tribus spatijs.

Hinc sequitur, in dorso montis non posse crescere plu-
res fruges, quàm in subjecta montis planitie. Possunt qui-
dem seri plura semina, plantari plures arbores, in spatio A K,
quàm in spatio A B, quoniam illud majus est hoc; sed dum
crescunt ad perpendicularum, alia alijs officiunt, & se mutuò
implicant, unde nihil, aut parum superant abundantiam
earum frugum, quas minoris numeri semina in plano fundo

Vide Cro-
nismi I I.
Fig. VIII.

Montis ac-
clivitas non
capit plures
homines
&c. per-
pendicula-
riter ere-
ctos quàm
subjecta basi.
sis.

progignerent. Vide Villalpandum, Bettinum, Ricciolum, Mersennum, & alios.

EROTEMA XII.

An hasta obliquè ad Mundi centrum delata, obliquè etiam ibidem quiesceret.

Vide Iconismi III. Fig. IX. Hasta obliquè ad centrum Mundi delata, ibi quiesceret in eodem situ manès.

Quæstionem hanc, inquit *Bettinus* Apiar: 4. Proposit. 3. quasi insolubilem aliqui proposuerunt, nec quidquam certi de ea pronuntiarunt. Eam ego cum ipso sic solvo. Sit hasta ferrea obliqua AB , cujus centrum gravitatis C , & horizon astronomicus DE per Mundi centrum transiens. Ajo, postquam hasta in tali obliquo situ ad Mundi centrum descenderit, mansuram in eodem obliquo situ, & collocaturâ centrum gravitatis C in centro Mundi F , sine ulla extremorum A & B conversione, aut collocazione ad parallelismum cum horizonte DE . Cùm enim is horizon imaginarius sit, nec planum quodpiam sit reale, in quod offensura sit hasta AB ita, ut cogatur se depronare, & collocare juxta situm ipsius DE ; ideo sicut in situ obliquo AB defertur usque ad horizontem & Mundi centrum immota in tali situ, sic etiam ibidem in eodem manebit situ. Ratio desumitur ex natura centri gravitatis, & motu gravium per lineam directionis. Nam si C est centrum gravitatis hastæ, & circa ipsum partes AC , BC , æquiponderant; non est ratio cur pars CB descendat, & pars AC ascendat, sive antequam ad Mundi centrum perveniat, sive postquam eò pervenit; sed sine ulla conversione per lineam directionis CF , tanquam per brevissimam viam, illuc deferetur. Verum tamen est, hastam postquam pervenerit usque ad centrum, propter impetum quem inter cadendum acquisivit, ultra centrum perrecturam, eoque cessante ad centrum redituram. Fortassis etiam aliquoties circa centrum reciprocabit, nunc recedendo, nunc accedendo, quamdiu videlicet durabit novus in accessu conceptus impetus.

ANNO-

ANNOTATIO.

Quod hasta non quiesceret, nisi centrum gravitatis centro Vniuersi congrueret, ex eo colligo, quod quamdiu aliud punctum à centro gravitatis diversum congruit centro Vniuersi, non omnes hasta partes aequponderant circa centrum Mundi, ac proinde gravior prævalens alteram pellit, nec cessat pugna, donec fiat æquilibrium.

EROTEMA XIII.

Quid detinet gravia in centro Vniuersi?

Aliqui putant, centrum ipsum Vniuersi detinere Terraquam ibidem à DEO constitutam, & detenturam eodem modo alia gravia, si sublatà Terraquâ eò deferrentur. Vnde mirabilem virtutem attractivam ac retentivam centro illi attribuant. Addunt nonnulli, si homo ibidem existeret, ita ut centrum gravitatis hominis congrueret centro Vniuersi, & manum pectori, circa quod centrum gravitatis est, ad motam haberet; non posse manum ori admoveere, nec brachium extendere, impediente virtute attractivâ & retentivâ centri Vniuersi. Si autem os hominis corresponderet centro Vniuersi, æstimant non posse tunc hominem comedere, ac cibum in stomachum trajicere, quia cibus deberet ascendere contra suam inclinationem. Nimis simplex persuasio, meâ quidem sententiâ. Non magis tunc repugnaret cibo ascensus quàm nunc; at nunc si quis capiti insitat, pedibus sursum conversis, aut si pedibus suspensus sit, poterit comedere, & tamen cibus ascendere debet ad stomachum; cur non & tunc? Ascenderet autem nunc in casu posito cibus, quia à virtute deglutitiva sursum pelleretur: Ergo & tunc etiâ ascenderet, propter eandem causam. Existimo igitur, nullam in centro Vniuersi virtutem attractivam ac retentivam esse, sed Terraquam, cæteraque gravia eò ferri, ibique quæta hæere, propter innatam suam gravitatem, quâ naturaliter deorsum moventur infra corpora se leviora; cumque in centro illo Vniuersi existentes, sint infra omnia se leviora, ulterius non

Gravia à quo detinentur in centro Vniuersi.

*Terra à qua
virtute de-
tineatur in
centro Vni-
versi,*

moventur, quia non possunt amplius deorsum moveri, sed si moverentur, ascenderent supra corpora se leviora. Quiescant ergo ibidem necesse est, à nullà vi centri detenta, sed à propria gravitate defixa. Ibi Terraqua

Ponderibus librata suis immobilis haeret:

ibi, ut supra cap: 2. ex Priscis dicebam,

Stat. vi Terra suâ, vislando Vesta vocatur,

quia ibidem DEVS fundavit eam super stabilitatem, hoc est, super gravitatem suam, suspendens eam super nihilum, ut apud Iobum 26. asseritur, hoc est, super centrum gravitatis, quod punctum est unicum, nullas habens partes, ac proinde nihil. Idem de cæteris gravibus iudicium esto, si ibidem existerent.

COROLLARIUM I.

*Pons circa
Terram, cu-
ius centrum
gravitatis
congrueret
centro Mû-
di, maneret
sine fulcris.*

Colligitur hinc I. verum esse quod Bettinus cum aliis asserit paradoxum, nimirum si potentiâ aliquâ plûs quàm humanâ circa Terraquam pons fabricaretur, fulcris suis innixus, cujus centrum gravitatis centro Vniuersi congrueret; sublatis deinde fulcris pontem illum in aëre circa Terraquam hæsurum immobilem annuli instar. Nam cum gravia ideo moveantur versus Mundi centrum, ut centra gravitatis suæ centro Mundi jungant; pons autem ille pendulus centrû gravitatis suæ jam Mundi centro conjunctum habeat, ut supponitur; ratio nulla suppetit cur moveatur, nisi ab extrinseco impellatur adeo validè, ut impulsus prævaleat gravitati cum in medio detinenti. Et hoc verum est, siue pons ille circularis esset, siue ellipticus, siue quadrangularis, aut polyangulus, siue cujuscunque demum regularis aut irregularis figuræ, quia in omnibus casibus eadem militat ratio.

COROLLARIUM II.

*Globus in
circulari
parte circa
Terram po-
situs, quies-
ceret in illo
suo.*

Colligitur II. si pons circularis pendulus circa Terraquam modo dicto, lævis esset in peripheria sua, & eidem superponeretur globus aliquis, quantumvis gravis, & quantumvis lævigatus; persisteret immotus in eo loco, in quo primum poneretur.

Ratio est, quia in omni loco esset in linea brevissima tendente rectè ad centrum Mundi, ac præterea linea illa brevissima esset linea directionis, transiens per punctum cui inniteretur globus, & centrum gravitatis ipsius. Quiesceret ergo. At si pons esset aut ellipticus, aut quadrangularis, non quiesceret globus in omni loco, sed moveretur donec veniret ad locum centro Mundi vicinissimum, ut esset in brevissima ad dictum centrum linea & via. Patent hæc omnia ex dictis in antecedentibus,

EROTEMA XIV.

An circa Mundi centrum fieri possit motus perpetuus artificialis.

Questionem hanc tractavimus in Mechanica nostra Hydroaulico-pneumatica Par: 2. Classe 2. Machina 13, non quidem universaliter, sed solum in uno casu particulari, scilicet in Gnomone Scheineriano. Nam P. Christophorus Scheinerus in Disquisitionibus Mathematicis Num: XV. Consectario 4. asserit, Motum perpetuum artificialem non repugnare Naturæ, idq; probare nititur hac ratione. Pendeat enim circa A centrum Univerſi, gnomon quidam gravis ABC, ligatus ad axem DE, sustentatum columnellis DF, & EG, in polis D vel E volubilem; vel fixum quidem ipsum in polis, circa quem tamen volubilis sit gnomon ad A. Hisce datis, dico fore, ut gnomon ABC rotetur ex C in H versus I, & ex hoc revertatur in C, & ab hoc rursus digrediat in H modo priore, & sic in perpetuum. Motus hujus continui causa est violenta suspensio; totus enim gnomon præponderat in partem C, ob perpendicularem simul & tangentem BA; quod amplius fit, si accedat globus ferreus S appensus in C. Cum igitur tota hæc moles ex AB tanquam statera perticæ, si ve diametro momentali, in unâ lancem C dependeat, & vertex A ob axem in D & E firmatum cadere nequeat è centro Univerſi; sit ut omnia puncta tam spheræ S, quam gnomonis ABC, jugi nisu ad A annuant: sed quia à linea BA in puncto A stabilita, nè in centrum ruant, impediuntur; idcirco maxima illius pronitatis vis, in lineam BA incumbit, unde ipsa vi quadam trabunt, & ad inclinationem inveniunt; quæ cum à reſtitutione ob continuam gnomonis soliditatem

Motus perpetuus circa Mundi centrum an fieri possit.

Vide Iconismi III. Fig. X.

tem, nesciat quidpiam remittere, ideo impetus ille totus vel ad punctum A circa axem mobile, vel ad axis polos D & E volubiles redundat; qui poli cum liberi sint in suis foraminibus D & E , Natura cursum suum relinquunt, & sic motum perpetuum circulem nequaquam impediunt. Quod verò hac in se habeant, ratio confirmat, & experientia in staticis quotidiana manifestat. Etenim si gnomon curtatus insistat vel superficiem terrestri MN , vel OP , aut QR ; cadet ille semper versus partem C , siue N , praeponderante portione MKC ; quod patet experimentis quotidianis. Unde evidens est, si gnomon integer esset, vim quæ ad N sese exeret, transire in rectam BA , centroq; tandem imminere. Et hoc est unum argumentum. Alterum à contrario desumitur. Nam si æqualis & similis gnomon huic adhereret versus partem D , tunc tota moles centro A insistens, in æquilibrio penderet, nullusq; motus fieret; igitur ablata parte dimidiâ, necessarium est, alteram moveri, juxta leges & experientias staticas. Quod si gnomon curtatus MBN , ad solum punctum M ligatus esset, cæterò quæ liber; rueret ipse utiq; & casu ipso describeret punctum C arcum fere semicircularem, donec in inferiorem perpendiculi partem deveniret, ibiq; consisteret. Cum verò jam tota vis gnomonis integri in A verticem iucumbat, fiet revolutio integra, & perpetua, circa idem A . Multo autem amplius hoc accideret, si ad centrum A insisteret vel lunula $ACLA$, vel sericula AKC , vel deniq; solus globus S è filiis duobus ferreis AB , & BC , aut unico ANC arcuato dependens. Motus itaq; perpetuus circularis ex hisce fieri posse demonstratus esto. Hactenus Scheinerus.

Problema hoc examinat Bettinus A piar: 4. Progymnas. I. Proposit. 7. & Ricciolus in Almagesto Novo lib: 2. cap. 4. Coroll. 11. ajuntque gnomonem dicto modo circa Mundi centrum constitutum, non modò non motum iri perpetuò, sed perpetuò quieturum, nisi impellatur ab extrinseco, cessanteque impulsu iterum quieturum. Rationem adsignant, quia gravia ideo moventur, ut magis accedant ad Mundi seu gravium centrum; gnomon autem ille non posset unquam magis accedere ad centrum A , quia centrum gravitatis ipsius (ubi cunque sit dictum centrum, & quocunque in loco circa centrum A reperiatr machina) semper est in æquali linea directionis, nec quidquam in ullo loco acquirit majoris accessus ad dictum centrum; ergo in quocunque loco reperiatr, quiescit, Extra centrum verò Mundi erectus gnomon cadit, quia
bra.

brachium BC, & pondus S appensum, & centrum gravitatis totius machinæ, possunt magis accedere ad centrum gravivium. His ego lo. cit. in Mechanica addidi, ideo cadere brachium BC, cum pondere S appenso, erecto gnomone cum dicto pondere extra centrum Vniuersi, quia impossibile est ut quiescat, nisi linea recta è centro Mundi educta transeat & per centrum gravitatis gnomonis cum pondere affixo, & simul per punctum suspensionis seu sustentationis, ut supra demonstravimus cap. 4. Proposit. 1. quod cum in dicto situ extra Mundi centrum non contingat, è quòd centrum gravitatis non sit in brachio AB, sed vel in brachio BC, vel in globo S, vel in vacuo inter utrumque brachium; mirum non est si cadat brachium BC, tam diuque moveatur deorsum, donec vel in subiecto plano quiescat, vel in eo situ suspensum hæreat, in quo linea recta è centro Terræ educta transeat simul & per centrū gravitatis totius machinæ compositæ ex gnomone & pondere affixo, & per punctum suspensionis. At constitutâ eadem machinâ in centro Vniuersi, & puncto suspensionis, aut sustentationis potius (sustentatur enim tunc machina erecta, non verò pendet) cum prædicto Vniuersi centro coincidente, quoniam necessarium est ut linea recta è centro Vniuersi A egrediens, & per machinæ centrum gravitatis (ubicunque sit) transiens, transeat etiam per punctum sustentationis; necessarium etiam est ut quiescat, nec moveatur nisi per impulsu extrinsecum, eoque cessante iterum quiescat, & quidem in eo puncto circuli CHI, in quo cessat penitus impulsus.

Hoc citato loco in Mechanica dixi; quæ speculativè quidem vera sunt, practicè tamen fortassis fallâ sunt, quia difficile videtur, ut punctum sustentationis, punctumque pedis machinæ sustentaculo incumbens, & insuper centrum gravitatis totius machinæ, semper & in omni situ repe. iantur exactè in eadem recta linea è centro Mundi puncto que sustentationis egrediente, ut nè hilam quidem ab ea deviet unum ex his tribus. Quod ubi contingit, jam non potest gnomon stare ere-

*Gnomon in
superficie
Terræ ere-
ctus, cur ca-
dat.*

*Non repu-
gnare vide-
tur in pra-
xi.*

Etus in eo situ, in quo id contingit, sed necessariò depronabitur versus suum horizontem imaginarium, hoc est, versus lineam aut planum imaginarium, quod lineæ per centrum gravitatis transeunti perpendiculare est. Licet enim centrum gravitatis totius machinæ per talem depronationem & casum non accedat propius ad centrum Mundi, accedit tamen propius ad suum horizontem. Nam grave unà cum suo centro gravitatis, quando liberum est, descendit quidem per lineam rectam, hoc est, per lineam directionis, ad centrum Universi; at quando liberum non est, sed impeditum à tali descensu, movetur versus centrum Mundi eâ viâ, quâ potest: potest autem in casu nostro, quando linea directionis non transit exactè per sustentaculum & pedem gnomonis, moveri versus suum horizontem, imò debet versus eum moveri, quia non potest erectus stare, nisi exactissimè linea directionis per sustentaculum & pedem transeat; ergo necessariò eò moveri debet. Si autem semel movetur versus horizontem suum, semper & in omni situ debet ita moveri, vel quia semper & ubique adest eadem causa motus, vel quia si in aliquo situ non adsit, durat tamen adhuc impetus ex præcedenti motu conceptus. Fieri ergo posse videtur motum perpetuum circa centrum Mundi gnomone Scheineriano; quod alijs melius expendendū relinquo.

EROTEMA XV.

Quisnam usus est centri gravitatis in incessu quadrupedum, & volatu avium?

Quadrupedia quid in stando & gradiendo observent.

Villalpandus tom. 3. in Ezechiel. par. 2. lib. I. cap. 6. ubi agit de centro gravitatis & linea directionis, & ex ipso Mer-sennus, Forerus, & alij, hæc notarunt, quæ quilibet etiam facile observare poterit. Foreri verbis ut plurimum utar.

I. Quadrupedia tunc stant, & gradiuntur, quando linea directionis per superficiem, quam inter extremos pedum terminos operiunt, aut saltem per extremum talis superficiæ, tran-

transiens, pertransierit etiam per centrum gravitatis eorum, vel dimiserit illud ex parte superficiei, cui insistent; sin minus, cadunt. Quare Natura docuit illa, ut inter gradiendum non attollant simul utrumque pedem dextrum, aut sinistrum, sed alternatim nunc dextrum anteriorem & sinistrum posteriorem, nunc sinistrum anteriorem, & dextrum posteriorem. Quocirca si inter gradiendum utrumque dextrum pedem simul attollerent, caderent; nisi eos ita attollerent, ut nihilominus linea directionis transiens per extremum reliquorum pedum, transiret quoque per centrum gravitatis, aut relinqueret illud ex parte pedum. Cum verò se in posteriores pedes tantum erigunt, ut solent equi, canes, ursi &c. tunc poplites, & magnam corporis partem in posteriora retrahunt, ut centrum gravitatis ad lineam quæ per pedes è centro Mundieducta transit, retrahant.

II. Avium, cum pedibus insistent, eadem est ratio quæ hominis stantis, sedentis, vel se inclinantis; cum autem volant, alis ita suspenduntur, ut linea è centro Mundieducta, & inter binas alas transiens, transeat etiam per gravitatis centrum. Hoc discrimen est inter aves & homines, quòd cum illæ ad partem pronæ se crebrius debeant inclinare, Natura eis ita providit, ut crura explicent retrorsum; sic enim linea per pedes transiens, transit etiam per centrum gravitatis: at verò homines, qui corpus rarius in anteriorem partem curvant, sapius autem in posteriorem; duplici, & alterâ alteri contrariâ complicatione flectuntur, utpote qui genua complicant antrorsum, coxas verò retrorsum. Porrò cum avis volans, duabus alis quasi fulcris sustineatur, nè totum corpus in alterutram partem proueret, necessarium fuit ut pondus corporis ex æquo quasi libraretur. Hinc Natura ita ipsis prospexit, ut quibus aliam & aliam ob causam conveniens fuit colla esse longiora, ijs quoque crura dederit longiora, ut his atque illis pariter extensis, utrumque æquiponderarent. Si quæ autem longiora colla simul & breviora crura habent, ob certas itidem causas, eæ inter volandum collum contrahunt atque incurvant,

Aves in flando & volando quid observent.

curvant, ut quasi strumosa videantur. Aliud in super libran-
di genus volucres à Natura edoctæ sunt; nam cum anteriore
corporis partem sursum elevare volunt, & posteriorem de-
primere, hoc est, quando sursum volare volunt; alas, quæ
tunc fulcra sunt quibus sustentur, in anteriorem partem
extendunt, ut scilicet (meâ quidem opinione) centrum gra-
vitatæ à posteriore corporis parte ad anteriorem promove-
ant, facilioremque volatum reddant, dum minus in posteri-
ore medietate corporis pondus relinquunt. Cum verò contrà
ad inferiora volatum dirigunt, in posteriorem partem alas
retrahunt, nè centro gravitatæ in anteriore corporis medie-
tate, aut inter utramque medio constituto, præcipientes in ter-
ram ruere cogantur.

Innumera alia, ex quibus admiranda gravitatæ centri
vis elucet, adducere possem; sed calamum cohibeo, & ad
Mechanicâ Magiam, cujus gratiâ ferè omnia quæ hacten-
us dicta sunt, præmissi, me convertito.

Sit igitur,





LIBER SECVN-
DUS. I
DE MAGIA MECHA-
NICA,

Sive

De admirandis Machinarum viribus in
ponderibus movendis, & attol-
lendis.

PROOEMIUM.



*M*echanicam sive Machinariã Ma-
giam initio precedentis Libri appel-
lavimus Artem atq; Scientiam in-
gentia pondera per Machinas exi-
guâ potentiâ movendi. Hic enim est
præcipuus Mechanica scopus, Machinas excogi-
tare, quibus potentia seu vis motrix juvetur, ad
pondera alioquin vires suas longè superantia movē-
da; motuumq; machinalium adsignare causas, ut

*Mechanica
Magia sco-
pus.*

nati-

Machina
fundamen-
tales
quinque.

Earum vis,
& necessi-
tas.

naturale esse constet quod vires *Natura* superare videtur. *Nulla enim Ars est, nulla Scientia, quae evidentius Naturam superare videtur, quam Mechanica, ut Aristoteles etiam agnovit initio Quaestionum Mechanicarum; qui locus dignus est qui legatur. Porro tametsi infinite ferè sint Machinae ab ingeniosis Machinarijs Mathematicis haecenus ab omni & vo excogitatae, & plures etiamnum quotidie excogitentur; omnes tamen ad quinque revocantur, Vectem videlicet, Axem, Trochleam in peritrochio, Cuneum, & Cochleam; quae propterea fundamentales ac principales merito appellari possunt. Harum quinque Machinarum tanta est vis, ut quilibet earum, datâ quavis potentiâ exiguâ, quodlibet pondus maximum, ac vel ipse Terrarum Orbis, si consistendi locus non deesset, moveri queat. Vnde Pappus Alexandrinus extremo Collectionum Mathematicarum libro de ijs brevissimè agens, eas vocat quinque facultates, per quas datum pondus datâ potentiâ movetur. Tanta etiam necessitas earum, utilitasq; est, ut nulla Ars, & ferè dixerim nullum hominum genus ijs carere possit. Ex illis enim ortum habent, ut Mersennus etiam in Mechanicis Phenomenis notavit, Architectorum omnia*

In: ru-

Instrumenta. Hinc fabrorum lignariorum runcina, terebra, ferra; hinc agricolarum stivæ, valla, urpices, tritulantium flagella, ac tribula; molitorum molarum satiles atq; aquatica, cum metis, & catillis; pistorum mactra, & spatha; vinitorum bidentes, ridica, orca, prala, lacus, seria, siphones, & epistomia; fanisecarum demetientes, sicilientesque secula; casses & vari Venatorum; verruculum, tragula, sagena, hamus piscatorum; aucupum illices, amiti, decipule, pedica, cavea; equitum ephippia, stapedes, calcaria, frenæ, pastomides; aurigarum petorita, esseda, cisia, sarraca, traha, lectica, sufflamina, suecule; nauclerorum clavi, anchoræ, vela, bolides, & anthlia. Omitto opificia reliqua. Sed exilia hæc sunt; grandius illud, & merito paradoxum, quinque hisce viribus aut per se ac separatim applicatis, aut in unam aliam Machinam ex arte compactis, non immania tantum pondera sustineri, at tolli, de loco in locum transportari, divelli, comminui; sed datum quodvis & quantumvis immane pondus, à datâ quâvis & exiguâ quantumvis potentiâ, dimoveri loco posse, ut paulo antè dixi, & suprâ etiam initio primi libri insinuavi. Quæ tamen vera esse quilibet deprehendet, si quæ dicturi hoc toto libro sumus, probè perpendet.

det. Meritò ergo $\Theta\alpha\upsilon\mu\alpha\tau\omicron\pi\omicron\iota\tau\iota\chi\eta\nu$, hoc est, miraculorum effectricem Antiqui Mechanicam inter omnes Artes atque Scientias appellandam censuerunt. Sed ad rem ipsam veniamus; Et ut methodicè magis, magisque solidè procedamus, nonnulla toti Mechanica communia præmittamus, præter ea quæ Libro præcedente sunt dicta.

SYNTAGMA PRIMVM.

APPARATVS MECHANICVS.

Apparatus
Mechanicus.

Quoniam ut in præcedentibus Libris, ita in hoc quoque Theoriam cum Praxi eâ ratione coniungere volo, ut qui nudâ praxi delectantur, theoriam se jungere sine labore, Et sine etiam dispendio praxeos possint; Apparatum quendam Mechanicum præmittere decrevi, in quem omnia illa conijcerem, à quibus ceu evidentissimis principijs, ac solidissimis fundamentis, dependet Machinarum subsequentiũ constructio, Et praxium seu operationum prodigiosarum per eas institutarum ratio Et causa. Quare si cui Mathematicorum demonstrationibus uti aut non licet, aut non libet, ad ea quæ discere cupit stabilienda, omittere poterit quæ hoc Apparatu continentur; alij verò s. mina habebunt quibus suo pte

Mir-

Marte demonstrationum segetem sibi colligant; in ea enim, ceu fontes, semper digitorum intendam.

Tradam autem hoc Apparatu hæc paucula, Mathematicos secutus. I. Definitiones Mechanicas, seu terminorum in Mechanica usitatorum explicationem. II. Axiomata nonnulla, seu communes Notiones, Natura lumine cuiusvis, qui terminos intelligit, notas. III. Hypotheses, seu ut Mathematici appellant, Postulata, quæ sunt Propositiones demonstrabiles quidem, ita tamen evidentes, ut merito sine demonstratione concedi postulentur. IV. Propositiones pauculas, evidenter ex præmissis demonstratas, quæ proinde propter evidentiam suam habent in subsequenibus rationem principiorum, & in quibus Machinarum & operationum causæ fundantur. V. Principium universale augmenti virtutis per Machinas indicabo, & breviter explicabo. Quinque ergo capita habebit hic Apparatus.

In eo que tractanda.

CAPVT PRIMVM.

Definitiones Mechanicæ,

Sive

Terminorum in Mechanica usitatorum explicatio.

L

Mechanica est scientia speculativo-præctica, quæ circa Machinarum constructionem, & per eas gravium motionem,

M 2

tionem,

*Mechanica
Definitio-
nes.
Mechanica
quid.*

tionem, versatur; ac insuper proportionem inter vires motrices ac pondera, uti & inter tempus in quo, & spatium per quod fit motus per machinas, contemplatur.

I I.

Grave.

Grave est, quod juxta naturalem communissimam legem, quam in tota rerum universitate observari perspicimus, movetur naturaliter deorsum, vel nititur moveri deorsum; leve autem è contra.

I I I.

Gravitas.

Gravitas est innatum principium seu virtus corporis gravis, quæ naturaliter movetur, aut nititur moveri, deorsum.

I V.

Momentũ.

Momentum est propensio corporis gravis ad motum deorsum, orta non tam à gravitate ipsius corporis, quàm à dispositione & situ partium ejusdem. *Exemplum habemus in statera, in qua pondus exiguum suspensum è brachio longiore, æquiponderat, imò præponderat majori suspensio è breviori brachio.*

V.

Centrum
gravitatis.

Centrum gravitatis corporis gravis est punctum intra, vel extra illud positum, circa quod undique partes æqualium momentorum consistunt. *Explicatum est lib: 1. cap: 1. Proposit: 3.*

V I.

Linea dire-
ctionis.

Linea directionis est linea recta, ducta è centro gravitatis corporis gravis ad centrum gravium. *Explicavimus lib: 1. cap: 3. Proposit: 6.* Alij vocant gravitatis diametrum pendulam.

V I I.

















Perpendi-
culũ motus.
Vide Ico-
nismi IV,
Fig 1.


Perpendicularum motus est recta linea, horizonti perpendicularis, cujus quantitate pondus ascendere vel descendere dicitur. *Sit libra AB, cujus centrum C, horizonti parallela, cujus extremum A descendat in E, & extremum B ascendat in D, & à punctis D & E, ad rectam AD, ducantur perpendiculares EF, DG. Hæ erunt perpendicularia motus dictorum extremorum libræ.*

Iugum, an-
sa, brachia
libræ.

V I I I.

Recta linea, è cujus extremitatibus duo pondera dependen-





dent, jugum appellatur: Ligaculum, aliudvè simile, quo jugum tenetur suspensum, ansa: Punctum è quo suspensum tenetur, punctum suspensionis: Iugi à puncto suspensionis divisi partes, radij, brachia, distantia. *In apposta Figura, linea AB est jugum, EF est ansa, E est punctum suspensionis, AF, & BE sunt radij, brachia, distantia.*

Vide Iconismi IV. Fig. II.

IX.

Pondera æquiponderantia sunt, quæ æqualis sunt ponderis. Pondera æquilibria, quæ suspensa è jugo faciunt æquilibrium, hoc est, ita se mutuò sustinent, ut unum non deprimat magis jugum, quàm alterum, sed constituent illud horizonti parallelum; sive pondera sint æqualia, sive non. *Passim tamen ab Auctoribus pondera etiam æquilibria vocantur æquiponderantia, & è contra. Æquilibria melius dicentur sive æquilibria.*

Pondera æquiponderantia, & æquilibria.

CAPVT SECVNDVM.

Axiomata Mechanica, seu communes Notiones.

I.

Quæ eidem æquiponderant, inter se æquiponderant, hoc est, inter se sunt æquè gravia.

Mechanica Axiomata.

II.

Si ab æquiponderantibus æquiponderantia auferuntur, reliqua æquiponderabunt.

III.

Si æquiponderantibus æquiponderantia adjiciantur, tota simul æquiponderabunt.

CAPVT TERTIVM.

Postulata Mechanica seu Hypotheses.

Sequentia Postulata ferè omnia sunt Archimedis lib. I. de Æquiponderantibus. Explicatio est nostra.

Mechanica Hypotheses.

M 3

POSTV-

POSTULATUM I

Gravia equalia ex equalibus distantijs equiponderant.

Vide Iconismi IV. Fig. III. Gravia equalia ex equalibus distantijs equiponderant, in equalia non.

HOc est primum Archimedis Postulatum. Sensus est, Si gravia A & B sunt æqualis gravitatis, & suspenduntur ex æqualibus distantijs C E, D E, sive ut in prima, sive ut in secunda Figura; equiponderant, seu in æquilibrio manent. Causa est, quia nulla est ratio cur unum potius præponderet quàm alterum. Lege Guidubaldum in dictum locum Archimedis. Ratio desumitur ex dictis Cap. 4. præced. lib. Proposit. 2. in Corollario.

COROLLARIUM.

GRAVIA ergo inæqualia, ex æqualibus distantijs non æquiponderant, Demonstrabitur Cap: seq. Proposit. 2.

POSTULATUM II.

Gravia equalia ex inæqualibus distantijs non equiponderant, sed præponderat id quod ex majori distantia pendet.

Vide Iconismi IV. Fig. III.

HOc est secundum Archimedis Postulatum. Sensus est, Si eadem gravia A & B sunt æqualis gravitatis, & suspenduntur ex inæqualibus distantijs C F, D F; non æquiponderant, sed grave B, quod ex majori distantia D F pendet, præponderat gravi A, quod pendet ex minori distantia C F. Ratio est, quia tunc centrum gravitatis totius compositi ex duobus gravibus lineâ connexis, non est in linea suspensionis producta versus Mundi centrum, ideoque corpus ex majori distantia suspensum moveri debet deorsum, donec in eadem recta linea sit & centrum gravitatis, & punctum suspensionis, juxta dicta loco proximè citato ex præcedente libro

POSTV-

POSTVLATVM III.

Gravibus ex aliquibus distantijs equiponderantibus, si alteri gravium aliquid adijciatur, non equiponderant amplius, sed illud cui adjectum fuerit aliquid, fertur deorsum.

HOc est tertium Archimedis Postulatum. Sensus est. Si gravia A & B, suspensa sive ex puncto E, sive ex puncto F, equiponderant, & alterutri, v. g. gravi B adijciatur aliud grave; non amplius equiponderant ex eodem puncto suspensa, sed grave B fertur deorsum. Ratio desumitur ex dictis proximè cit. lo: quia antea quando gravia equiponderabant, centrum gravitatis totius compositi, & punctum suspensionis, erant in eadem linea suspensionis; quando verò adijciatur aliquid ad B v. g. centrum gravitatis retrahitur versus B, per dicta Proposit: 7. cap: I. superioris Libri, ac proinde moveri debet B deorsum, donec centrum gravitatis totius sit iterum in linea suspensionis.

Vide Ico-
nismi IV,
Fig. I II.

POSTVLATVM IV.

Gravibus ex equalibus distantijs equiponderantibus, si ab altero auferatur aliquid, non amplius equiponderant, sed illud cui nihil ablatum fuit, preponderat, & deorsum fertur.

HOc est quartum Archimedis Postulatum. Non eget explicatione. Ratio desumitur ex dictis loco proximè citato.

POSTVLATVM V.

Si gravia ex equalibus distantijs equiponderant, etiam ipsa equalia ex iisdem distantijs equiponderabunt.

Vide Iconismi IV. Fig. III.

Intellige, si gravia sunt æqualia æqualibus gravibus, singula singulis, ut si G æquale est ipsi A, & H æquale ipsi B. Est hoc octavum Archimedis Postulatum. Ratio est, quia eadem equiponderandi ratio in posterioribus reperitur, quæ in prioribus, tum ratione gravitatis ipsorum gravium, tum ratione distantiarum à puncto suspensionis. Imò, ut *Guldinus* etiam notavit, si gravia ex æqualibus distantijs equiponderant, etiam ipsis proportione æqualia, scilicet priorum multiplicia ex iisdem distantijs equiponderabunt. Verum etiam est hoc Postulatum, si ita formetur: *Si gravia ex aliquibus distantijs equiponderant, etiam ipsa equalia proportione &c.*

POSTVLATVM VI.

Unius corporis gravis unum est centrum gravitatis.

Grave unū habet centū gravitatis.

Sequitur ex dictis de natura centri gravitatis lib: I. cap. 1. Proposit: 3. nam circa unum tantum punctum possunt esse omnes partes æqualis gravitatis.

POSTVLATVM VII.

Corpus grave è centro gravitatis suspensum, manet in æquilibrio, quemcumq; situm ei dederis.

Grave suspensū è centro gravitatis manet in æquilibrio.

Sequitur ex dictis lo: cit: quia cum circa illud centrum omnes partes equiponderent, non est ratio cur ex una parte descendant, ex altera ascendant.

POSTVLATVM VIII.

*Centrum gravium sublunarium, est centrum Uni-
versi; & ad sensum, centrum Terraqua.*

PRimum probavimus lib: I. cap. 1. Proposit: 10. secundum
eodem libro 1. cap. 2. maxime in Corollario.

POSTVLATVM IX.

*Gravia descendunt versus Mundi centrum, si libe-
ra sunt, per lineas rectas horizonti parallelas, &
quidem ita, ut centrum gravitatis nunquam
deviet à linea directionis.*

PRimum probatum est lib: I. cap. 3. Proposit: 3. Secundum
ibidem Proposit: 5.

POSTVLATVM X.

*Nullum grave potest stare, aut quiescere, nisi linea
directionis transeat per locum cui innititur, aut ex
quo suspenditur.*

Probavimus hæc lib: I. cap. 4. Proposit: 1. 2. 3. & 4. Sequen-
tes etiam Propositiones ejusdem capituli 4. huc pertinent.

POSTVLATVM XI.

*Et linea Mathematica pondus quodvis suspendi
posse, ut non frangatur.*

Postulamus hoc nobis concedi, propter demonstrationes
capituli sequentis, & propter alia in subsequenti-
bus dicenda, quia sæpe cogitare debemus pondera esse suspen-
sa à linea, quæ per se nihil ponderet.

POSTVLATVM XII.

P *Er Machinam simul moventur pondus mobile, & potentia moventis Machinæ applicata. Patebit suo tempore in singulis Machinis. Eodem modo si Machinæ applicentur duo pondera, quorum unum superat alterum; utrumque simul moventur,*

POSTVLATVM XIII.

*Grave gra-
vitat præci-
pue supra
centrum
sua gravi-
tatis.*

Q *Uodlibet grave gravitat præcipue supra gravitatis suæ centrum, in eoq; centro velut in propria sede colligitur in unum omnis impetus, omnis gravitatio & omne momentum. Nam omnia circa ipsum sunt hinc & inde æqualis ponderis.*

POSTVLATVM XIV.

*Perpendi-
cula eiusdẽ
libra cẽsen-
tur paralle-
la.*

P *erpendiculara ejusdem Libræ, vectis, aliarumq; similium Machinarum, parallela æstimantur. Licet enim in rei veritate talia non sunt, quoniam in centro Univerſi conveniunt; in Terræ tamen superficie, si non multum inter se distant, parallela æstimari possunt.*

CAPVT QVARTVM.

Propositiones fundamentales Mechanicæ.

*Mechanica
Propositio-
nes funda-
mentales.*

P *Auculas tantum hoc loco afferemus Propositiones, deſumptas præcipue ex Archimede lib: i. de Æquiponderantibus, easq; cum ipſo demonſtrabimus ex præmiſſis principijs.*

PROPOSITIO I.

Gravia quæ ex æqualibus diſtantijs æquiponderant, æqualia ſunt.

*Vide Ico-
niſmi IV.
Fig. IV.
Gravia ex
æqualibus
diſtantijs
æquiponde-
rantia, ſunt
æqualia.*

H *æc eſt I. Propoſitio Archimedis lib. i. de Æquiponderantibus. Sint gravia AB, & C, quæ ex æqualibus diſtantijs DF, EF, æquiponderent; dico, ea eſſe æqualia in gravitate. Si enim non ſunt æqualia, ſit AB gravius quàm C, & B ſit ex eorũ quo AB ſuperat ipſum C, Ablato itaque ex-
cellu*

cessu B, erunt reliqua gravia, A & C, æqualia, ex hypothesi; ac proinde ex æqualibus distantijs D F, E F, æquiponderabunt, *per I. Postulatum*; quod tamen est contra IV. Postulatum: nam A B & C æquiponderare ponebantur ex æqualibus distantijs, ideoq; ablato B ab AB, non amplius æquiponderant.

PROPOSITIO II.

Inæquali gravia ex æqualibus distantijs non æquiponderant, sed quod majus est, præponderat.

HÆc est II. Propositio Archimedis lo: cit: Sint gravia inæqualia AB, & C, in distantijs æqualibus DF, E F; sitque AB gravius quàm C. Dico, ea non æquiponderare, sed AB præponderare, & ferri deorsum. Sit B excessus quo AB superat C. Ablato itaque à maiore AB excessu B, reliqua gravia A & C æqualia erunt, ac proinde ex æqualibus distantijs D F, E F æquiponderabunt, *per I postulatum*. Si itaque A & C æquiponderant ex dictis distantijs, adiecto B ad A, non æquiponderabunt amplius AB & C, sed AB gravius præponderabit, & deorsum feretur, *per III. Postulatum*.

Vide Iconismi IV. Fig. IV.
Gravia inæqualia ex æqualibus distantijs non æquiponderant.

PROPOSITIO III.

Gravia ex distantijs inæqualibus æquiponderantia, inæqualia sunt, & quod ex minori distantia pendet, majus est altero quod pendet ex majori.

HÆc est III. Propositio Archimedis loco citato libri I. de æquiponderantibus. Sint gravia A B & C, æquiponderantia ex distantijs inæqualibus DF minore, E F majore. Dico, ea esse inæqualia, & A B maius esse quàm C. Si enim æqualia essent, non æquiponderarent, sed C ex majori distantia E F præponderaret *per II. Postulatum*. Si deinde AB non esset gravius quàm C, vel esset æquale, vel minus; non æquale, quia non æquiponderaret alteri, sed C præponderaret, ut jam probatum fuit, neque minus, quia sic C majus esset, ac proinde mul-

Vide Iconismi IV. Fig. V.
Gravia ex distantijs inæqualibus æquiponderantia, inæqualia sunt.

tò magis præponderaret ipsi A. B, contrà ac supponitur. Gravius ergo est A. B, quàm C.

PROPOSITIO IV.

Si duo gravia equalia conjungat linea recta, transiens per centrum gravitatis utriusq; , centrum gravitatis compositi ex utroque erit in medio lineæ inter duo centra gravitatis interjectæ.

Vide Iconismi IV. Fig. VI. Gravìa equalia duo, coniuncta lineâ rectâ, centrũ gravitatis habent in medio lineæ

Sint duo æquè gravia, A & B, quorũ centra gravitatis sint C & D, conjungat hæc duo linea recta CD, transiens per utriusq; centrum gravitatis. Dico, centrũ gravitatis compositi ex duobus gravibus, esse in medio puncto E lineæ CD. Quòd sit in linea CD, patet ex natura & definitione centri gravitatis allata Lib: I. cap. I. Proposit: 3. quoniã si planum per dictam lineã duceretur, simulq; per centra C & D, divideretur compositũ ex duobus gravibus in duas partes æquiponderantes, nempe CA, BD ex una parte, & CH, KD ex altera. Quòd autem in medio sit, ubi E, sic demonstro cum Archimede, cuius hæc est Propositio IV. Si centrum gravitatis totius compositi prædicti non est in medio ubi E; sit, si fieri potest, in F extra medium. Quoniam igitur F punctum est, centrum gravitatis magnitudinis compositæ; suspensò puncto F, magnitudines C, D æquiponderabunt, juxta dicta Lib: I. Cap: I. Proposit: 3. de natura centri gravitatis: magnitudines igitur C & D æquales æquiponderant ex distantijs CF, DF, inæqualibus; quod fieri non potest, quoniam æqualia gravia ex distantijs inæqualibus æquiponderant. *per Postulatum II.* Non est igitur F centrum gravitatis magnitudinum CD; nec aliud extra F, propter eandem rationem. Ergo punctum E medium est centrum gravitatis.

ANNOTATIO.

In omnibus præcedentibus propositionibus suppono, lineam ex qua gravia suspensa sunt, esse sine pondere.

PROPOSITIO V.

Gravia inequalia ex distantijs inequalibus æquiponderant, si distantia reciprocè sunt ut pondera.

HEc est Propositio 6. & 7. Archimedis lib: I. *Æquiponderantium*, & est præcipuum fundamentum ad Machinas constituendas, & ad pondera per eas movenda, ex eoque pendet tota ratio & causa machinalium motuum. Verba Archimedis Proposit: 6. hæc sunt. *Magnitudines commensurabiles ex distantijs eandem permutatim proportionem habentibus, ut gravitates, æquiponderant.* Propositionis verò 7. verba sunt: *Si autem magnitudines fuerint incommensurabiles, similiter æquiponderabunt ex distantijs permutatim eandem, atq; magnitudines, proportionem habentibus.* Ut explicem Propositionem nostram, loquendo de commensurabilibus gravitatis seu gravibus (eadem autem ratio est de incommensurabilibus) sint duo gravia inæqualia, A minus, & B majus, sitque B duplum ipsius A, suspensa verò sint ex distantijs AC, BC, etiam inæqualibus, quarum AC sit minor, & BC major, si distantia BC est dupla distantia AC (hoc enim est, distantias esse reciprocè seu permutatim, ut gravia seu pondera) pondera A & B ex distantijs AC, BC, æquiponderabunt, hoc est, si linea recta AB suspendatur ex puncto C, stabunt pondera in æquilibrio.

Gravia inequalia ex distantijs inequalibus, habentibus se permutatim ut gravia, æquiponderant.

Vide Iconismi IV. Fig. VII.

Demonstrat hoc fusissimè Archimedes loco cit: & cum ipso eius Interpretes. An tamen legitima sit & efficax demonstratio, in dubium revocatur à nonnullis. P. Nicolaus Zucchius in *Mechanica Philosophia* Par. 2. sect. 4. ait, *ratiocinationes omnium, quos legere licuit, non effugunt instantias, quas subiiciam ad doctrinam Archimedis.* Alius non veretur in hæc verba scribere: *Generale illud machinarum principium, ut distantia à centro motus ad distantiam, ita reciprocè pondus ad pondus, Archimedes libro primo de Æquiponderantibus demonstrare conatus est, nec perfecti, suâ deceptus analyse, perinde ac Commentatores illius.* Aliter ergo idem principium demonstrare conantur alij, inter quos est. P. Paulus Guldinus lib. 1. de Centro gravit: cap. 2. post Proposit. 3. ubi utramque

Archimedis Propositionem unicâ demonstratione probare nititur. Quod ut faciat, attribuit lineis gravitatem, & supponit linearum finitarum centra gravitatis esse in medio earum. Supponere etiam debet, linearum gravitates habere se ad invicem, ut longitudines earum, quandoquidem omnes sunt homogencarum partium, & omnes carent crassitie. Sic ergo procedit.

Demonstratio Guldini.

Vide Iconismi IV. Fig. VIII.

Sint duæ rectæ lineæ inæquales, sive commensurabiles, sive incommensurabiles, AB, BC . Dico primò, eas ex distantijs eandem permutatim, atq; ipse lineæ proportionem habentibus, equiponderare. Connectantur lineæ ita, ut sibi in directum jaceant, atq; unam quasi constituant rectam ABC . Erit autem majoris AB centrum gravitatis in D , medio videlicet ipsius puncto (hoc ipse colligit ex præcedente sua Proposit. & bene, posito quòd lineis gravitatem assignamus.) Eadem ratione punctum E , in medio rectæ BC consistens ipsius erit centrum gravitatis; nec non medium punctum F , totius compositi AC , ita ut ambæ lineæ, AB, BC , ex hoc puncto F suspensæ equiponderent: hoc est enim esse commune utriusque centrum gravitatis. Ostendendum ergo, distantias FD, FE , ex quibus lineæ ex centris proprijs suspenduntur, esse inter se in ea proportione, quâ CB ad BA . Æquales enim sunt DE, FC , quia utraque est medietas totius AC ; FC quidem ex hypothesi seu structurâ, DE verò, quia componitur ex medietatibus DB, BE , utriusque partis AB, BC , totius AC : quare ablata communi FE , manet DF æqualis ipse EC , hoc est, ipsi BE ; & additâ communi FB , sunt æquales DB, FE . Ergo ut DB ad BE , hoc est, AB ad BC ; ita EF ad FD Quod erat demonstrandum.

Dico secundò, gravia quæcunq; ex distantijs eandem permutatim, atq; ipse gravia, proportionem habentibus equiponderare. Ex Postulatio namque octavo (quinto apud nos) præmissò, quæcunq; ipsis lineis AB, BC , æquæ gravia, ex ijsdem distantijs equiponderant: at qui quibuscunq; gravibus, in quacunq; proportione quoad gravitatem datis, dari possunt lineæ eandem habentes proportionem, de quibus idem quod de lineis AB, BC ostensum est, demonstrari potest; Ergo dictis illis lineis amoris, & datis alijs gravibus substitutis, illa ex ijsdem distantijs equiponderabunt. Quod erat demonstrandum.

Quod

Quod ut rectius & clarius percipiatur, notandum est lineas AB, BC , ex punctis seu centrīs D & E suspensas, ex F æquponderare, siue hunc situm habeant, siue alium, ex definitione centri gravitatis, quod dicta lineæ commune habent, uti diximus, in puncto F . Fingatur quippe DE esse aliā rectam, & AB, BC , circa centra sua D & E esse circumductas, ut habeant situm eum, quem a, b , & b, c habent, adhuc æquponderabunt. Ergo sublatis omnino lineis a, b, c , & alijs gravibus, cujuscunq; speciei quantitatis, modo sint ejusdem substitutis, in gravitate cum ipsis amois æqualem proportionem habentibus, quorumque centra gravitatis sint eadem puncta D & E , adhuc æquponderabunt, ut patet ex eodem octavo (quinto per nos) Postulato, à nobis univ ersalius propositio. Constat ergo id quod proposuimus. Hæc est Guldini demonstratio, in qua bene notanda est ultima ejus animadversio, alioquin illegitima videbitur, quandoquidem antea non probaverat, rectas AB, BC , suspensas ex distantijs FD, FE , æquponderare inter se ex puncto F ; quod tamen probatur in ultima illa animadversioe, & necessitatiõ probati debet, nè committatur paralogismus;

Alia Demonstratio.

A Liter eandem Propositionem demonstratam reperio in libello quodam manuscripto idiomate Italico, sine Auctoris nomine; quem libellum reperi in Bibliotheca Collegij nostri A schaffenburgensis, & suspicor Auctorem esse Galilæum, quem scimus Italice scripsisse de Mechanica Tractatum. Quæ demonstratio quia popularis est initio, & in fine non discrepat à præcedente; eam in medium afforre decrevi. Sic ergo procedit Auctor Italus.

Intelligatur solidum grave $CDEF$, gravitatis homogeneæ, & æqualis crassitiei, secundum omnes suas partes (cujusmodi esset columna, aut simile aliquod corpus) suspensum extremis suis punctis C & D , in extremis punctis lineæ AB ipsi solido æqualis secundum longitudinem. Si AB lineæ dividatur bisariam in puncto G , & ex eo suspendatur unâ cum solido appenso; dubium non est quin in æquilibrio hæsurum sit solidum: quia si à dicto puncto G , per solidum descenderet ad centrum Mundi usque perpendicularis lineæ GO , & per lineam GO transiret planum dividens solidum; et ansiret hoc planum per centrum gravitatis solidi, quod centrum

Vide Iconismi IV, Fig. IX,

fuppo.

Vide Ico-
nismi IV.
Fig. X.

supponit esse in medio axis, ut alibi demonstratur) ipsam, & videret in duas aequè graves partes. Intelligatur jam dictum solidum $CDE F$ divisum in duas inaequales partes secundum lineam IS . Manifestum est, nec partem CS suspensam è solo puncto A , nec partem SD suspensam è solo puncto B , mansuras in pristino situ, utpote suspensas è solis appendiculis CA, DB . Si vero intelligatur in puncto I novum appendiculum, utramque partem CS , & SD connectens, & suspensum è puncto H , sectioni IS directe & ad perpendiculum supraposito; utraque pars in pristino sustentabitur situ. Ex quo sequitur, cum nulla sit facta mutatio aut in gravitate, aut in situ partium solidi respectu lineæ AB , idem punctum G fore punctum æquilibrij, ut antea erat. Præterea, cum pars solidi CS connexa sit lineæ AB medianibus appendiculis CA, IH ; si solvantur hæc appendicula, & solidum CS suspendatur è solo appendiculo $K M$, à duobus prædictis æqualiter remoto, quia directe infra ipsum est centrum gravitatis solidi CS , non movebitur à suo situ, sed retinebit eandem ad lineam AH habitudinem ut antea, ac proinde in æquilibrio hærebit, si è puncto M suspendatur. Idem eveniet parti SD , si solvantur ligacula $I H, DB$, & adjungatur solum ligaculum LN æqualiter ab utroque remotum; non enim variabitur situm respectu lineæ HB , sed suspensum è puncto N hærebit in æquilibrio. Cum igitur pars utraq; solidi CF retineat eundem situm respectu lineæ seu libræ AB , quem semper habuerant, tamen si una pars CS dependeat à solo puncto M , & altera pars IF à solo puncto N ; dubium nullum est, quin si è solo puncto G suspendantur, adhuc æquilibrium sine recedat ut antea. Atque ex his manifestum est, si intelligatur sola linea $M N$, & ab ejus extremis punctis M & N pendeant dicta duo inæqualia gravia, videlicet CS majus ab extremo M , & SD minus ab extremo N ; æquilibrium faciant seu æquipoherent in puncto G , fiatq; distantia GN major, quàm distantia GM . Solum remanet demonstrandum, qualis proportio est ponderis CS ad pondus SD , talem esse reciproce seu permutatim distantie NG ad distantiam GM . Quod sic demonstrat, supponendo quod gravitas solidi CS , ad gravitatem solidi SD , sit ut recta CI , seu AH , ad rectam ID seu HB , nempe ut altitudo unius ad altitudinem alterius, quoniam totum solidum posuit esse homogeneum, & æqualis ubiq; crassitiei.

Quoniam recta $M H$ est medietas rectæ $A H$, & recta $N H$ est medietas rectæ $H B$; erit tota $M N$ medietas totius $A B$ quandoquidem $M N$ ex duabus præcedentibus medietatibus conflatur; sed eiusdem $A B$ medietas est recta $B G$; æquales ergo sunt $M N$, & $B G$ (quæ enim ejusdem dimidia sunt, inter se æqualia sunt: ablatâ ex.

gō communi GN, remanebunt MG, & NB, æquales; est autem NH æqualis ipsi NB; ergo & MG, NH, æquales erunt: & additâ communi GH, erit MH æqualis ipsi NG: ostensum autem est, MG æqualem esse ipsi HN; quam ergo proportionem habet MH ad HN, talem etiam habet NG distantia, ad distantiam GM. Atqui proportio ipsius MH ad HN, eadem est quæ KI ad IL, ex constructione, & quæ est duplæ CI ad duplam ID, atque adeo quæ est solidi CS ad solidum SD, quorum solidorum altitudo seu longitudo sunt rectæ CI, ID. Ergo talis proportio est distantiæ NG ad distantiam GM, qualis est solidi CS ad solidum SD. Quod erat demonstrandum. Ita Auctor Italus, & rectè; probavit enim, solida inæqualia CS, & SD, ex inæqualibus distantijs NG & MG; æquiponderare; & distantiam NG majorem, ad distantiam MG minorem, esse ut pondus CS majus ad pondus SD minus.

ANNOTATIO.

Quod dictum est de inæqualibus gravibus CS, SD, dicendum est de quibuscung, alijs ipsis æqualibus, aut proportione majoribus, minoribusve, cujuscung, sint figuræ: si enim suspenduntur ex iisdem distantijs inæqualibus MG, NG, æquiponderabunt, & distantie reciproce seu permutatim se habebunt ut pondera.

PROPOSITIO VI.

Si Gravita inæqualia ex distantijs inæqualibus æquiponderant, ponderosius illam rationem habet ad levius, quàm distantia levioris ad distantiam gravioris.

Demonstrat hoc fusè Simon Stevinus lib: I. Staticæ Par. 2.
 Proposit: I, & Petrus Herigonius Tomo 3. Cursus Mathematicæ, Tractatu de Mechanica Proposit, I. Ex quo deinde velut Corollarium deducunt præcedentem Propositionem. Nos è contrario deducimus ex præcedenti Propositione hanc præsentem, velut Corollarium: si enim, quotiescunque se habent distantie inæquales, reciproce ut pondera inæqualia, æquiponderant illa pondera; ergo etiam vicissim, quotiescun-

tiescunque pondera inæqualia ex distantijs inæqualibus æquipo-
ponderant, distantix reciprocè se habent ut pondera, & pon-
dera reciprocè ut distantix, alioquin tota præcedens demon-
stratio corrueret.

COROLLARIUM I.

*Gravia ex
duabus di-
stantijs æ-
quiponde-
rantia, se
habent re-
ciprocè ut
distantia.*

Quotiescunq; duo pondera, ex duabus distantijs suspen-
sa, se mutuò sustinent, aut æquipoponderant; toties se ha-
bent reciprocè pondera ut distantix, & distantix reciprocè
ut pondera. Nam si tam pondera quàm distantix inæquales
sunt, demonstratum id est in Propositione præcedente. Si au-
tem tam pondera, quàm distantix sunt æquales, id per se cla-
rum est, Sola autem pondera inæqualia ex distantijs æquali-
bus non possunt æquipoponderare *per Coroll: Postulati I.* Nec pon-
dera æqualia ex inæqualibus distantijs, *per Postulatum II.*

COROLLARIUM II.

Quando inter pondera inæqualia, ex inæqualibus distan-
tijs reciprocè suspensa (factâ scilicet suspensione mayo-
ris ponderis ex minore, & minoris ponderis ex majore distan-
tia,) non est eadem proportio ponderis ad pondus, quæ di-
stantix ad distantiam; pondera non sustinent se mutuò, nec
æquilibrium causant, sed sequitur motus, unumque ascen-
dit, & alterum descendit. Et quidem quando major est pro-
portio distantix longioris ad brevioram, quàm ponderis ma-
joris ad minus; descendit minus pondus, & majus ascendit:
quando verò major est proportio ponderis majoris ad mi-
nus, quàm distantix longioris ad brevioram; descendit ma-
jus, & minus ascendit.

PROPOSITIO VII.

*Gravium ex distantijs suspensorum motus circa
idem centrum, sunt ut distantia, quoad spatium,
& velocitatem.*

Esto

Esto linea ABC, divisâ in puncto B in duas partes AB, CB, sive æquales, sive inæquales, horizonti parallela, cuius extremitatibus A & C appensa sint pondera, sive æqualia inter se, sive inæqualia. Concipiatur hæc linea cum ponderibus moveri circa punctum B, velut circa centrum, descendatque extremitas A cum suo pondere usque in D, extremitas verò C cum suo pondere ascendat usque in E. Describent ambæ extremitates, amboque pondera, arcus AD, CE, ex eodem centro B; qui arcus erunt spatia quæ motu suo percurrunt pondera, metienturque eorum velocitates. Dico nunc, spatium & velocitatem motus AD, ad spatium & velocitatem motus CE, esse ut distantiam AB ad distantiam CB. Nam anguli ABD, EBC, sunt æquales, per 15. pri. Euclidis, utpote ad verticem; ergo arcus AD, & EC, similes sunt; qui proinde eandem inter se proportionem habent, quam semidiametri AB, CB à quibus describuntur, per ea, quæ demonstrat Pappus Alexandrinus lib. 3. Collectionum Mathematicar. Proposit. 22. Ergo ut AB ad CB, ita AD spatium motus ad CE spatium motus. Et quoniam eodem tempore utrumque mobile percurrit suum spatium, erit etiam velocitas per spatium AD, ad velocitatem per spatium CE, ut distantia AB ad distantiam CB. Lege Propositionem 5. Capitis I. Syntagmatis 2. sequentis.

Vide Iconismi IV. Fig. XI. Graviū ex distantijs suspensorū motus circa idem centrum, sunt ut distantia

COROLLARIUM I

Etiam perpendiculara motuum sunt ut distantia.

Sequitur ex dictis, perpendiculum GD motus AD, ad perpendiculum FE motus CE, esse ut distantiam eorum ab hypomochlio. Nam anguli ad B sunt æquales, utpote ad verticem; & anguli ad G & F sunt recti, utpote à perpendicularibus causati; ergo & reliqui æquales sunt. per 32. pri. Euclidis. Ergo per 4. sexti Euclid. ut BG ad GD, ita BF ad FE; & convertendo, ut B G ad BF, ita G D ad FE.

Vide Iconismi IV. Fig. XI.

COROLLARIUM II

Si ergo distantia sunt æquales, spatia & velocitates motuum æquales sunt; si inæquales distantia, & spatia ac velocitates motuum inæquales sunt.

ANNOTATIO.

Vide Iconismi IV. Fig. XII. Distantiarum pondera sustinentium aequalitas & inæqualitas unde desumatur.

Circa distantias, è quibus gravia suspenduntur, notandum est, earum aequalitatem & inæqualitatem sumi debere à puncto sustentationis usq; ad perpendiculara motus gravium suspensorum. Pro explicatione sit linea recta AB , è cuius extremis punctis pendeant æqualia gravia. Si suspendatur linea è medio puncto C , æquiponderant gravia, & æquilibrium causant, per Postulatum I. quoniam distantia CB , CA , sunt æquales, è quòd perpendicularares BH , AG per quas gravia deorsum tendunt, æqualiter distant à puncto suspensionis C . At si brachium CB intelligatur elevatum in D , ut fiat libra DCA ; tamen si brachia DC , AC , æqualia sint ut antea, gravia tamen æqualia suspensa è punctis D & A , non æquiponderabunt circa punctum suspensionis C , sed grave ex A suspensum præponderabit, quia distantia AC major est quam distantia DC , è quòd perpendiculararis AG magis distat à puncto C , quam perpendiculararis DF . Quoniam igitur grave A nititur deorsum, atq; adeo premit secundum rectam AG , & grave D secundum rectam DF ; grave A præponderat gravi D , quia momentum in A majus est quam in D , propter majorem à centro suspensionis remotiorem illius quam hujus.

CAPUT QUINTUM.

De unico & universali principio augendarum virium potentia per Machinas.

Omnia Machinarum, quarum constructionem Mechanica præscribit, & vires, aliasque proprietates considerat, vis & præstantia in eo consistit, quòd potentia exigua, ac de se insufficiens, per Machinas reddatur sufficiens ac potens ad magna pondera movenda, aut in æquilibrio sustinenda. Quod quidem mirabile merito censeri debet, & tam diu mirabile

rabile videbitur, quàm diu causa latebit. Oporteretigitur ante omnia ejus rei causam indagare in ipso hujus Tractationis vestibulo, in qua de quinque fundamentalium Machinarum viribus viriumque cum potentia movente, & moto pondere proportionibus agere decrevimus; ut eâ causâ cognitâ, dictarum proportionum, & subsequantium mirabilium effectuum machinalium rationes adsignare ex fundamento possemus. At quoniam id absque cognitione prævia eorundem effectuum fieri nequit (ex effectibus enim causas physicas cognoscimus) neque hi cognosci & explicari possunt, nisi singularum fundamentalium Machinarum forma, natura, & usus cognoscatur; cogimur illius rei tractionem in finem hujus Libri rejicere. Interim universale, unicum, & omnibus Machinis commune principium adsignabimus augendarum virium potentia per Machinas; cujus deinde causam in Libri hujus sine inquiremus. Principium sequitur.

Principium seu Modus augendi vires potentiarum per Machinas, ad magna onera movenda.

Totum artificium ad magna pondera exiguis potentijs movenda per Machinas, consistit in eo, ut pondus & potentia ita applicentur Machina, ut dum simul moventur, potentia moveatur velocius quàm pondus, tali excessu, ut major sit proportio motus potentia ad motum ponderis, quàm gravitatis seu resistentia ponderis ad vires potentia. Itaq, qua proportione augebis motum potentia supra motum ponderis, eâdem proportione augebis vires potentia ad majus & majus pondus movendum. In idem recidit, si dicas, in eo positam esse

Principium universale motu Machinalium.

industriam ac modum ad movenda magna pondera exiguis potentijs per Machinas, quòd pondus & potentia ita applicentur Machinæ, ut dum simul moventur, pondus minore & minore motu moveatur cum dicto excessu motus potentiæ supra motum ponderis; qua enim proportione crescit motus potentiæ supra motum ponderis, eâdem decrescit motus ponderis infra motum potentiæ. Fieri hoc de facto in omni usu Machinæ, ut scilicet dictâ ratione applicentur potentia & pondus; & nisi ita fiat, nullum sequi motum, quando potentia est minor pondere; patebit manifestè ex dicendis. Causam cur motus sequatur ex tali applicatione, indagabimus, si poterimus, in fine Libri,

Monitio ad Mechanicos.

Monitio generalis ad Mechanicos.

ANtequam autem Machinarum considerationem aggrediamur, monendus generaliter est Lector, quando proportio potentiæ ad pondus consideratur in usu Machinarum, communiter solum gravis mobilis resistantiam seu gravitatem considerari, perinde ac si Machina ipsa non resisteret motui. In praxi tamen semper observanda etiam est resistantia quæ ex ipsius Machinæ materia & compaginatione oritur, hæc enim perinde se habet, ac si ponderi gravitas adderetur. Quare cavendum est, nè tales adhibeamus Machinas, quarum resistantia orta ex materia, absorbeat totas aut præcipuas vires motoris seu potentiæ.

SYN=

SYNTAGMA SE- CVNDVM.

De Vecte, ejusque viribus, & virium cum
moto & sustentato pondere pro-
portione,

Vecte incipimus, tum quia simplicior ac facili-
or intellectu est inter omnes Machinas ponde-
rum motrices, tum quia nonnullarum sequen-
tium Machinarum compositio ac virtus à vecte dependet.
Quàm tamen simplex est Machina vectis, tam ingens &
ferè infinita est ejus vis, adeo ut Terrarum orbis eomo-
veri queat. Quod omnis etiam antiquitas credidisse vide-
tur, dum Neptuno tridentem tanquam vectem attribuit,
& Terra concussorem eum appellavit. Galenus lib. I.
de placit. Hippoc. & Plat. comparat musculos vecti. Adeo
necessarius est ad hominum & animalium motum atq; in-
cessum vectis usus.

CAPVT PRIMVM.

De natura, differentijs, & proprietatibus vectis.

PROPOSITIO I.

Vectis naturam & usum explicare.

Vectis est palus ligneus aut ferreus, uno suorum extremo-
rum acutus, altero obtusus, ad commovenda & attol-
lenda onera aptus. Talem repræsentat Figura A B, cujus ex-
tremum

Vide Icō-
nismi IV.
Fig. XIII.

Vectis figura, & usus.

Vide Iconismi IV. Fig. XIV.

Hypomochlium.

Vide Iconismi IV. Fig. XIV.

Alius usus vectis.

tremum A obtusum, B verò acutum est. Aristoteles in Quaestionibus Mechanicis quaest. 4. cum vocat τ *μοχλόν*; Latini aliqui sudem, palangam, palum; Itali *la leva*, aut *liera*, & *la Stanga*; Germani *ein Hebel*, oder *Hebstaugen*. Vectis pars obtusa caput, pars acuta vocatur lingua.

Vsus Vectis duplex praecipue est. Primus, cum lingua B subditur oneri commovendo, & vecti ipsi subjicitur proxime lingulae sustentaculum solidum ac firmum cui vectis incumbit, tandemque capiti applicatur potentia quae vectem deprimit, uti in apposita Figura apparet, in qua C est pondus movendum; B A est vectis, cujus lingua B est ponderi supposita; DE est lapis aut lignum vecti non procul à lingula subjectum, cui vectis incumbit; F est potentia capiti A applicata, manus videlicet hominis vectem deprimentis: dum enim extremum A deprimitur, extremum B, & consequenter pondus C ipsi incumbens, necessario attollitur.

Sustentaculum seu fulcrum vecti subjectum appellant Graeci *ὑπομόχλιον*, hypomochlium, eò quòd ϕ *μοχλῆ* supponitur. Vitruvius id vocat pressionem. Materia ejus potest esse quaecunque, dummodò solida sit, & dum onus attollitur, à pondere ejus non comminatur. Figura etiam potest esse quavis obvia, quamvis expeditius sit ut infra, ubi terram premit, sit plana, supra ubi vectem sustentat, sit angulosa, prout in DE figura apparet, quae representat prisma trium laterum & angulorum, quorum duo terrae incumbunt, tertium sursum respicit, & à vecte premitur. Ratio est, quia quò minori in spatio vectis contingit hypomochlium, eò facilius à potentia in A applicata deprimitur, cum nullam ab hypomochlio supposito resistantiam patiat; quam tamen pateretur, si planum supra esset, saltem in principio motus. Sed de hac re iterum infra cap. 3.

Secundus usus vectis est, cum lingua B, aut pars aliqua vectis lingulae proxima, oneri C supponitur, & nullo hypomochlio supposito vecti, alterum ejus extremum A à potentia D attollitur: tunc enim quia omnes vectis partes, excepto

extremo puncto B, quod terræ innititur, attolluntur sursum, necessario etiam pondus C movetur atque attollitur. In hoc tamen casu terra ipsa, aliudve planum, cui vectis lingula Binnititur, habet rationem hypomochlij. Vitruvius tamen lib: 10. cap: 8. ponit terram seu aream pro onere, & ipsum onus, seu ut ipse loquitur, *oneris* angulum, vecti impositum pro pressione seu hypomochlio; sed immerito, uti consideranti patet, & ex dicendis melius intelligetur.

Vide Iconismi IV. Fig. XV.

Tertium vectis usum addunt plerique, & subijciunt uni ejus extremo B fulcrum, aut loco fulcri solum seu aream (uti in apposita Figura apparet) alteri vero extremo A imponunt onus sublevandum, inter utrumque deniq; mediam applicant potentiam motricem D, quæ vectem unâ cum onere sublevet in altum, immoto manente extremo B terræ innixo. Hic nilus tamen si ordinariè non occurrat, quia non juvat potentiam ad onus facilius attollendum; utilis tamen aliquando, imò & necessarius est, quoties nimirum abundamus virtute seu potentia, & egemus velocitate motus in pondere, ut bene notavit P. Zucchius, & infra melius patebit.

Tertius usus vectis.

Vide Iconismi IV. Fig. XVI.

ANNOTATIO.

S In primo usu vectis, suspenderetur palus AB circa eam partem, cui hypomochlij D E subjectum est, haberet eundem usum. Ex quo, & ex duobus sequentibus usibus patet, hypomochlij rationem habere, quidquid aut suspendit vectem, aut impedit unum ejus extremum quò minus cedat in motione ponderis à potentia factâ. Si pondus vecti non imponatur, sed appendatur, perinde est. Licet autem vectis institutus sit ad gravia attollenda, potest tamen & solet etiam adhiberi ad ea sustentanda tantum in æquilibrio; & tunc potius habet rationem libræ quam vectis.

Hypomochlij multiplex forma.

PROPOSITIO II.

Tria sunt vectis genera seu differentie.

Plerique Scriptores qui de vecte agunt, tria genera seu differentias illius adsignant, desumptâ divisione ex triplici usu à nobis explicato. Tria enim in quolibet vecte ad mo-

Vectis generatvia.

movendum aut sustentandum onus adhibito considerari possunt loca seu puncta, scilicet punctum oneris movendi, punctum potentiae motricis, & punctum fulcri seu hypomochlij. Quae tria puncta tribus modis inter se disponi, combinari, ac variari possunt; ex quibus tribus modis tria vectium genera oriuntur: vel enim unum extremum punctum obtinet pondus, alterum potentia, & fulcrum est intermedium, ut in vecte ABC, ubi A est pondus, B fulcrum, C potentia; & oritur primum genus: vel unum extremum obtinet fulcrum, alterum potentia, & pondus est intermedium, ut in vecte DEF, ubi D est fulcrum, E pondus, F potentia; & oritur secundum genus; vel denique in uno extremo est fulcrum, in altero pondus, inter utrumque verò potentia, ut in vecte GHI, ubi G est fulcrum, H potentia, I pondus; & oritur tertium genus. Neque est alia possibilis combinatio. Licet enim aliqui pro quarto

Vide Iconismi IV.
Fig. XVII.

Vide Iconismi IV.
fig. XVIII.

genere addant vectem KLM incurvatam & angulosam in L, is tamen non constituit distinctum vectis genus à primo: nam si in K applicetur pondus, in M potentia, aut è contrario, & in motu vectis innitatur angulo suo L terræ, alterivè plano; habet tunc angulus rationem hypomochlij, ut ex se patet: quòd an vecti annexum sit, aut ab eo separatum, parum refert, & profus per accidens est, nec variat modum operandi per vectem.


















Tria ergo tantum sunt vectis genera, ut dixi. Primus vectis habet fulcimentum inter pondus & potentiam, secundus habet pondus inter fulcimentum & potentiam, tertius potentiam habet inter fulcimentum & pondus.


COROLLARIUM.

Ubi cumq; ergo applicatur in vecte potentia, ibi potest applicari pondus, & è contrario, quia pondus & potentia sibi mutuo resistunt, & se mutuo vincunt aut vincuntur. Unde pondus vocatur resistens seu resistiturum, & mobile, potentia verò appellatur virtus seu movens.

ANNOTATIO.

EX dictis patet, rationem vectis habere quamcumq; longitudinem, quæ alicui fulcri innixa, in alio sui puncto applicatur gravi movendo, & in alio





alio habet potentiam motricem sibi applicatam. Quare in vecte tria sunt puncta adsignabilia in ejus usu, scilicet punctum fulcri, punctum ponderis, & punctum potentiae; ex quorum varia combinatio oriuntur tria vectis genera explicata, ut diximus.

PROPOSITIO III.

Si potentia vecti applicata eandem ad applicatum pondus proportionem habet, quam distantia ponderis ab hypomochlio, ad distantiam potentiae ab eodem; fit æquilibrium seu quies, & potentia sustinet pondus.

Exempli gratiã, in primo genere vectis præcedentis Figuræ, si est ut distantia AB ad distantiam CB , ita potentia C ad pondus A , & in secundo genere vectis, si ut se habet distantia ED ad FD , ita se habet potentia F ad pondus E : & in tertio genere, si qualem proportionem habet distantia IG ad HG , talem habet potentia H ad pondus I ; potentia sustinet pondus in æquilibrio, & ambo in eo situ quiescunt, nec unum fertur deorsum, alterum sursum. Colligitur ex dictis ac demonstratis Syntagm. præcedente Proposit. 5. Si enim loco potentiae vecti applicatae appenderetur pondus alud, quod potentiae esset æquale, hoc est, si daretur reciproca proportio inter pondera & distantias, æquilibrium fieret, & pondus posterius sustineret pondus prius; ergo idem fieri debet, si loco ponderis applicetur potentia ponderi æqualis. Sed rem melius explicemus, & stabiliamus, quoniam hæc est una ex præcipuis vectis proprietatibus, ex qua unã cum sequente in Proposit. 4. pendet vis admiranda tum hujus, tum aliarum Machinarum quæ ad vectem reducuntur: & ex ijs sciri potest infallibiliter ac demonstrativè, quæ vires ad quod pondus per vectem sustinendum vel movendum sufficiant, quæ non.

Sit ergo Primò vectis primigenis AC , divisus ab hypomochlio D in duas æquales partes seu distantias, AB , CB , & potentia C ad pondus A habeat proportionem eandem, quam habet reciproce distantia AB ad distantiam BC , hoc est, po-

Vide Iconismi IV. Fig. XVII. Vecte quando potentia sustinere possit pondus.

Vide Iconismi V. Fig. I.

rentia sit æqualis ponderi ; sequetur æquilibrium. Ratio est, quia si loco potentia C poneretur aliud pondus, æquale ponderi A, fieret æquilibrium, per *Postulatum I. Apparatus*; Ergo etiam quando potentia C est æqualis ponderi A, id est, tantum nititur deorsum, quantum pondus, debet sequi æquilibrium.

Vide Iconismi V. Fig. II.

Sit iterum vectis AB primi generis (& eodem est ratio de alijs) incumbens puncto suo C hypomochlio seu fulcimento E, à quo dividatur in distantias inæquales, AC minorem, & BC majorem; sitque in A appensum pondus F, in B verò applicata potentia C, quæ ad pondus se habeat, ut AC ad BC; adhuc vectis manebit horizonti parallelus, seu in æquilibrium, atque adeo potentia sustinebit pondus. Appendatur enim loco potentia B, pondus G, quod sit ad pondus F, sicut distantia AC ad distantiam BC; per *Proposit. 5. Syntagmatis præcedentis*, sustinebit illud in æquilibrium; Ergo si loco ponderis G applicetur potentia B ipsi F æqualis, sustinebit idem pondus F. Quod erat demonstrandum.

COROLLARIUM I.

Colligitur hinc I. etiam conversam hujus Propositionis esse veram, nimirum si distantia ponderis ab hypomochlio ad distantiam potentia ab eodem, habuerit eandem proportionem, quam reciproce potentia ad pondus; sequi æquilibrium. Eadem enim utrobique est demonstratio. In eo & hæc altera Propositio est vera: si potentia vectis applicata sustinet pondus eidem vecti applicatum potentia ad pondus eandem habet proportionem, quam habet reciproce distantia ponderis ab hypomochlio ad distantiam potentia ab eodem. Si enim loco potentia poneretur aliud pondus, quod cum priore faceret æquilibrium, haberet se posterius ad prius, sicut reciproce distantia prioris ad posterioris distantiam, per *Proposit. 5. Apparatus*; Ergo &c.

COROLLARIUM II.

Vide Iconismi V. Fig. II.

Colligitur II. si distantia AC minor est distantia BC, potentiam B sustententem pondus F esse minorem ipso pondere, si æqualis, æqualem, si major, majorem.

COROL-

COROLLARIUM III.

Colligitur III. Quò fulcimentum E, in vecte AB, erit propius ponderi F, eò minorem ad idem pondus sustentandum requiri potentiam in B; quò verò remotius, eò majorem. Ratio est, quia crescit aut decrescit proportio inter distantias.

COROLLARIUM IV.

Colligitur IV. in secundo genere vectis potentiam sustententem pondus, semper esse minorem pondere; in tertio, semper majorem; in primo, posse esse minorem, majorem, æqualem.

ANNOTATIO I.

Distantiæ in vectis longitudine sursum à puncto, cui vectis liberè in usu suo innititur, & circa quod liberè elevatur aut deprimitur; & à puncto, à quo pondus liberè sustinetur, sive appensum sit, sive vectis incumbat, quod semper est in linea directionis transeunte per centrum gravitatis ponderis; & deniq; à puncto cui applicatur potentia.

Distantiæ in vecte unde sumantur.

ANNOTATIO II.

Aristotelis in *Questiombus Mechan: q. 4.* proponit explicatam hanc Aenus Proprietatem his verbis: $\delta\ \omicron\upsilon\upsilon\ \tau\omicron\ \kappa\iota\upsilon\beta\ \mu\epsilon\upsilon\omicron\upsilon\ \beta\acute{\alpha}\rho\iota\varsigma\ \pi\acute{\rho}\omicron\varsigma\ \tau\omicron\ \kappa\iota\upsilon\beta\ \epsilon\iota\ \tau\omicron\ \mu\eta\kappa\ \epsilon\ \pi\acute{\rho}\omicron\varsigma\ \tau\omicron\ \mu\eta\kappa\ \epsilon\ \alpha\upsilon\tau\iota\pi\acute{\epsilon}\pi\omicron\upsilon\delta\epsilon\upsilon.$ Quod autem est mobile pondus ad movens, hoc est longitudo ad longitudinem reciproce.

PORISMA.

VT potentia vecti applicata moveat pondus, major proportio requiritur inter distantiam potentie ab hypomochlio, & ponderis ab eodem, quàm reciproce inter pondus & potentiam. Colligitur ex præcedente Propositione. Nam major potentia requiritur ad pondus movendum, quàm ad pondus tantum sustentandum: quia ut potentia sustineat pondus, sufficit ut illius resistentiæ sit æqualis; at ut moveat, debet eius resistentiam superare, ac proinde major debet esse vis potentie, quàm ponderis. Atqui ad pondus sustentandum, proportio inter distantiam potentie ab hy-

Vecte quando movere possit potentia pondus.

pomochlio & ponderis ab eodem, debet esse æqualis proportioni inter pondus & potentiam; Ergo ad pondus movendum eadem proportio debet esse major. Vnde formo sequentem Propositionem.

PROPOSITIO IV.

Si in vecte distantia potentia à fulcramento, addistantiam ponderis ab eodem, habuerit majorem proportionem, quàm pondus ad potentiam; potentia movet pondus.

Vide Iconismi V. Fig. II, I. **I.** Sit vectis primi generis AB, cujus hypomochlium D, pondus applicatum in A, & potentia in B, & distantia BD ad distantiam AD habeat majorem proportionem, quàm recprocè pondus A ad potentiam B, hoc est, distantia BD contineat sæpius distantiam AD, quàm pondus A potentiam B. Dico, pondus A à potentia B moveri sursum, hoc est, B descendere, & A ascendere. Fiat enim BE ad AE, ut pondus A ad potentiam B; erit punctum E inter punctum BD, quia BE ad AE minorem proportionem habere debet, quàm BD ad AD, hoc est, BE debet continere AE minùs sæpe, quàm BD continet AD, ac proinde BE debet esse minor, quàm BD. Jam sic. Supposito hypomochlio sub puncto E, potentia B sustinet pondus A, per *Proposit. 3. præcedentem*; ergo minor potentia in B, quàm data, idem pondus A sustinebit, si fulcimentum supponatur puncto D, & fiat propius ponderi, per *Corollarium 3. Proposit. 3. præcedentis*. Data ergo potentia in B applicata, non sustinebit jam, sed movebit pondus A sursum in vecte AB, cujus hypomochlion D. Idem constat experientiâ quotidianâ: quando enim potentia seu pondus in uno brachio statet, aut vectis, sustinet pondus alterius brachij in æquilibrio; si vel magis potentia aut pondus removetur à fulcramento, aut fulcimentum magis à potentia versus pondus promovetur, statim videmus perdi æquilibrium, & sequi motum potentiæ deorsum, ponderis sursum.

II. Sit iterum vectis secundigenis AB, in quo hypomochlium sit in A, pondus in D, potentia in B; & BA ad DA habeat majorem proportionem, quàm pondus D ad potentiam B. Dico, pondus D à potentia B moveri. Fiat enim BA ad EA, ut pondus D ad potentiam B; erit similiter punctum E inter BD, quia necesse est EA esse majorem quàm DA, ut BA sit ad EA, sicut pondus D ad potentiam B, hoc est, ut BA ad EA non habeat majorem proportionem, quàm D ad B. Iam si pondus D esset in E, potentia in B illud sustineret, *per Proposit. 3. præced.* minor autem potentia in B, quàm data, sustinet pondus in D, quàm in E, *per Coroll. 3. Proposit. 3. præcedentis*; Ergo data potentia in B, pondus in D non tantum sustinere, sed & movere poterit.

Vide Iconis
nismi V.
Fig. IV.

III. Sit tandem vectis tertij generis AB, cujus fulcimentum A, pondus applicatum in B, & potentia in C; & CA, ad BA majorem habeat proportionem, quàm pondus B ad potentiam C. Dico, pondus B à potentia in C moveri. Fiat enim ut pondus B ad potentiam C, ita distantia DA ad distantiam BA; erit CA major quàm DA, cum major sit proportio CA ad BA, quàm DA ad BA. Iam si potentia data appendatur in D, poterit pondus B sustinere, *per Proposit. 3. præcedentis*; minor autem potentia, quàm data, sustinet idem pondus B in C, *per Coroll. 3. Proposit. 3. præcedentis*; data ergo potentia in C pondus in B applicatum movebit.

Vide Iconis
nismi V.
Fig. V.

ANNOTATIO.

Physicam hujus resolutionem indagabimus infra Synagmate 6. hujus Libri.

COROLLARIUM EX PROPOSITIONE III. & IV.

EX duabus proximè præcedentibus Propositionibus constat quoties potentia vecti applicata est æqualis resistentia ponderis applicati, sive ratione sui, sive ratione distantie à fulcimento, sequi tantum æquilibrium seu sustentationem, quia

quia se mutuò impediunt tunc potentia est pondus, nè sequatur motus; qui ut sequatur, debet potentia prævalere ponderi, ac proinde debet esse major quàm potentia tantum sustinens, sive ratione sui, sive ratione distantia à fulcramento supra distantiam ponderis ab eodem.

PROPOSITIO V.

Si potentia pondus per vectem moveat, spatium potentia mota ad spatium ponderis moti est, ut distantia potentia à fulcramento ad distantiam ponderis ab eodem.

Wide Iconismi V.
Fig. VI.
Motus ponderis & potentia per vectem est ut distantia ad distantiam ab hypomochlio.

TAmetsi hujus Propositionis demonstratio pateat ex Propositioni: 7. cap: 4. Syntagm: præcedentis; tamen hîc cum Guidubaldo eandem clarius proponere libet, ac demonstrare evidentius.

Sit igitur I. vectis AB primi generis, cujus fulcimentum C; & in puncto B sit applicatum, vel ex eo dependeat, pondus D; in A verò applicata sit potentia movens. Ut hæc moveat pondus, debet A descendere deorsum versus E, & B ascendere sursum versus F, & tam A, quàm B, debet circa C tanquam circa centrum describere arcus circulorum AE, & BF, quorum semidiametri sint CA, & CB. Erit igitur spatium motus potentia arcus AE, & spatium motus ponderis arcus BF, quia quantum B ascendit, tantum ascendit pondus D, sive applicatum sit ad B, sive ex eo suspensum. Dico, spatium AE ad spatium BF ponderis, esse, ut CA ad CB. Compleantur enim circuli AEC, & KHB; sint K & H puncta, ubi AB, & EF secant circumulum KHB. Quoniam igitur angulus BCF est æqualis angulo HCK. *per Proposit: 15. lib. 1. Euclid.* erit circumferentia seu arcus KH, circumferentia seu arcui BF æqualis, *per Proposit: 27. lib. 3. Euclid.* Cum autem circumferentia AE, & KH sint sub eodem angulo ACE, & circumferentia AE ad totam circumferentiam AEG sit, ut angulus ACE ad quatuor rectos *per Coroll: 2. Proposit: 33. lib. 6. Euclid:* Ut autem idem angulus KCH ad qua-

qua-

quatuor rectos, ita quoque circumferentia KH est ad totam circumferentiam $KHBF$, per eandem 33. erit circumferentia AE ad totam circumferentiam AEG , ut circumferentia KH ad totam $KHBF$; per Proposit. 11. lib. 5. Euclid. & permutando, ut circumferentia AE ad circumferentiam KH , hoc est, BF ipsi KH æqualem, ita tota circumferentia AEG ad totam circumferentiam $BFKH$: tota verò circumferentia AEG ita se habet ad totam circumferentiam $BFKH$, ut diameter circuli AEG ad diametrum circuli $BFKH$, per Proposit. 22. lib. 3 Pappi: Ut igitur circumferentia seu arcus AE ad circumferentiam seu arcum BF , ita diameter circuli AEG ad diametrum circuli $BFKH$; ut autem diameter ad diametrum, ita semidiameter ad semidiametrum, hoc est, ita CA ad CB ; Ergo ut arcus AE ad arcum BF , hoc est, ut spatium motus potentia ad spatium motus ponderis, ita CA ad CB ; & vicissim ut CA ad CB , ita spatium potentia motæ ad spatium moti ponderis. Quod erat demonstrandum.

Sit II. vectis AB secundi generis, cujus hypomochlium in B , potentia in A , pondus in C ; quod ut moveatur à potentia sursum, debet ipsa quoque sursum moveri versus D , & pondus versus E , & iterum debent describi ex eodem centro B circuli AD, CE . Demonstratur eodem modo ut antea, arcum AD ad arcum CE , hoc est, spatium potentia A motæ ad spatium ponderis C moti, esse ut est distantia AB ad distantiam CB . Vide Ice-
nismi V.
Fig. VII.

Si potentia esset in C , & pondus in A , & in motu potentia C describeret arcum CE , & pondus A arcum AD ; esset motus potentia C ad motum ponderis A , hoc est, arcus CE ad arcum AD , ut distantia CB ad distantiam AB . Demonstratio eadem est.

COROLLARIUM I.

Hinc sequitur I. spatium potentia moventis ad spatium ponderis moti, habere maiorem proportionem, quam pondus ad potentiam. Nam spatium potentia ad spatium ponderis habet eandem proportionem, quam habet distantia potentia ab hypomochlio ad distantiam ponderis ab eodem;

Motus potē-
tia ad motū
ponderis ha-
bet maiore
proportio-
nem, quam
pondus ad
potentiam.

sed proportio distantia potentia ab hypomochlio ad distantiam ponderis ab eodem, major est, quam ponderis ad potentiam, *per Proposit: precedentem*, alioquin non fieret motus, sed sustentatio; Ergo &c.

COROLLARIUM II.

Sequitur II. Etiam velocitatem motus potentia ad velocitatem motus ponderis, esse ut distantiam potentia ab hypomochlio ad distantiam ponderis ab eodem. Nam quia eodem tempore movetur potentia & pondus, & potentia conficit majus spatium quam pondus; utique velocior est motus potentia quam ponderis; utriusque autem motus velocitatem mensurat spatium utriusque; Ergo ut spatium ad spatium, ita velocitas ad velocitatem; ergo cum spatium ad spatium sit, ut distantia ad distantiam, etiam velocitas ad velocitatem erit ut distantia ad distantiam.

COROLLARIUM III.

Vide Iconismi V.
Fig. VIII.

Sequitur III. Quando potentia & pondus se mutuò sustentent in vecte, non posse sequi motum, quin potentia ad pondus acquirat majorem rationem, quam habet distantia ponderis ad distantiam potentia ab hypomochlio, in quibus fit æquilibrium. Nam, quando est ut A E ad B E, ita potentia B ad gravitatem ponderis A; sequitur æquilibrium, nec potest potentia B premendo deorsum elevare pondus A, sed requiritur major potentia, ut pondus elevetur: at potentia major ad idem pondus habet majorem rationem, quam minor tantum sustinens; potentia autem sustinens est in ratione A E ad B E; ergo potentia movens debet ad idem pondus majorem habere rationem, quam A E ad B E.

COROLLARIUM IV.

Vide Iconismi V.
Fig. VI.

Sequitur IV. Etiam perpendicularum motus potentia, ad perpendicularum motus ponderis, esse ut distantias eorum
à ful-

à fulcimento. Ratio patet ex demonstratis Corollario I. Pro-
 posit: 6. Apparatus. Sic in superiori figura perpendicularis
 LE ad perpendicularem FI, est ut distantia LC ad distantiam
 IC. Item in alia figura, perpendicularum DC ad perpendicularum
 EF, est ut distantia CB ad distantiam FB.

Vide Ico-
 nisimi V.
 Fig. VII.

P O R I S M A.

VT ergo potentia vecti applicata, moveat pondus eidem
 vecti applicatum, necessarium est applicationem fieri
 ita, ut dum simul moventur, motus potentiae ad motum pon-
 deris habeat majorem rationem, quam pondus ad potentiam.
*Verum est ergo principium nostrum universale machinalium motionum in
 usu vectis.*

CAPVT SECVNDVM.

*An pondus vecti applicatum quocunq; modo, ha-
 beat semper eandem resistantiam.*

Pondus diversimodè applicari potest vecti. Nam I. potest
 unum extremum vectis infixi ponderi, ita ut transeat per
 centrum gravitatis ponderis, adeoq; centrum gravitatis ipsi-
 us ponderis sit in ipso vecte, ut apparet in nona Figura, in ve-
 cte AB, cujus extremum A infixum est ponderi, transiens per
 centrum gravitatis D. II. potest uni extremo appendi pondus,
 ut apparet in decima Figura in vecte EF, cujus extremo E ap-
 pensum est pondus H. III. potest uni extremo pondus imponi
 ita ut centrum gravitatis ponderis sit supra vectem, ut in
 undecima Figura apparet. IV. potest pondus supponi uni ex-
 tremitati vectis, ita ut centrum gravitatis ponderis sit infra
 vectem, ut apparet in duodecima Figura. V. Potest pars tan-
 tum ponderis imponi uni extremitati vectis, ut apparet in de-
 cima tertia Figura. Hi quinque modi sunt usitatiores in vecte
 primi generis. Alios modos in alijs vectis generibus omitto.
 Quæro igitur, an pondus vecti applicatum quocunq; dicto-
 rum modo, habeat semper eandem resistantiam, retentâ eadē
 ab hypomochlio distantia ponderis & potentiae. Ex quaestione

Vide Ico-
 nisimi V.
 Fig. IX. X.
 XI. XII.
 XIII.

solutione patebit, ex quoniam vectis puncto defumi ac determinari debeat ponderis distantia ab hypomochlio.

PROPOSITIO I.

Quando centrum gravitatis ponderis est in ipso vecte, horizonti æquidistante; eadem semper potentia sufficit ad illud sustinendum, sive attollatur pondus, sive demittatur.

Vide Iconismi V.
Fig. IX.

Sit vectis AB in nona Figura, horizonti æquidistans, cujus hypomochlium C, potentia applicata in B, pondus in extremitate A, ita ut centrum gravitatis D sit in ipso vecte. Moveatur vectis supra hypomochlion, ut vel sit in FG, & centrum gravitatis in L, vel sit in HN, & centrum gravitatis in M. Dico, eandem potentiam B, sive in G transferatur cum vecte, sive in N, eadem ubique facilitate pondus sustinere, & hoc eandem in omni situ & loco distantiam retinere. Ratio est, quia centrum gravitatis ponderis, cum sit in ipso vecte, eandem semper distantiam retinet à fulcramento C, sive vectis sit in AB, sive in FG, sive in HN, hoc est, sive centrum gravitatis ponderis sit in D, sive in L, sive in M: semper ergo & in omni situ manet eadem proportio distantiarum potentiarum à fulcramento ad distantiam ponderis ab eodem, ac proinde eadem vis potentiarum, & eadem resistentia ponderis. Hæc est demonstratio quasi physica, mathematicam accuratiorē vide apud *Guidubaldum* Propositio: 10. de Vecte. Eadem ratio militat in vecte secundi & tertij generis, ut consideranti patet.

PROPOSITIO II.

Quando pondus suspensum est à vecte, idem dicendum est quod ante a dictum fuit de pondere habente centrum gravitatis in vecte.

Vide Iconismi V.
Fig. XIV.

Esto vectis HI, cujus hypomochlium K, pendeatque pondus L à puncto H, potentia verò sustentans sit in I. Dico, si moveatur vectis, & constituatur in PQ, aut alio quocunq; loco,

loco, manente hypomochlio in K, eandem potentiam sufficere ad pondus sustinendum. Nam distantia ponderis & potentiae ab hypomochlio sumitur à perpendicularibus PM, NQ, ductis à puncto suspensionis P ponderis, & à puncto applicationis potentiae, ut supra notavimus in Apparatu Proposit. 6. Sicut autem est IK ad HK, hoc est, QK ad PK, ita est NK ad MK, in quocunque loco & situ veetus, ut patet ex dictis ibidem; Ergo constat propositum.

PROPOSITIO III.

Quando pondus habet centrū gravitatis supra vectem horizonti æquidistantem, quò magis pondus ab hoc situ vecte elevatur, eò minori indiget potentia ut sustineatur; si verò deprimitur, majori.

Sit in undecima superiori Figura veetus ED, horizonti æquidistans, cujus fulcimentum C; & extremo ejus E impositum sit pondus IG, habens centrum gravitatis supra vectem: potentia denique sit applicata in D. Moveatur deinde veetus ED in KM. Dico, in hoc situ minorem potentiam requiri ad pondus sustinendum, quàm antea. Sit enim in utroque situ centrum gravitatis ponderis punctum I, ducaturque in primo situ linea directionis IG à centro gravitatis I ad centrum Mundi, & horizonti perpendicularis; erit GC distantia ponderis ab hypomochlio: in secundo verò situ linea directionis non erit amplius IG, sed IS, perpendicularis horizonti, ac proinde distantia ponderis ab hypomochlio non erit amplius GC, sed SC, quæ minor est quàm GC; Ergo MC ad SC habet majorem proportionem, quàm DC ad GC; ergo minor potentia requiritur in M, quàm in D, per Proposit. 4. Capitis precedentis. Quò magis autem elevatur pondus, eò magis crescit proportio inter MC & SC.

Moveatur iterum veetus ED in OR. Dico, in hoc situ majorem potentiam requiri ad pondus sustinendum, quàm antea. Sit enim ut antea centrum gravitatis punctum I in utroque situ, & linea directionis in primo situ erit ut antea, IG,

Vide Iconis
nismi V.

Fig. XI.

Fig. XI.

in secundo verò situ erit IS , ideoque in primo situ distantia ponderis ab hypomochlio erit GC , in secundo situ SC , quæ major est quàm GC : minorem ergo proportionem habet RC ad SC , quàm RC ad GC , hoc est, quàm DC ad GC , & consequenter quàm pondus ad potentiam; Ergo major potentia requiritur in R quàm in D , per Coroll. III. Proposit. 3. capitis præcedentis. Quò magis autè deprimitur pondus, eò minor fit proportio distantia RC ad SC , quàm ponderis ad potentiam.

PROPOSITIO IV.

Quando pondus habet centrum gravitatis infra vectem horizonti æquidistantem, quò magis ab hoc situ vecte pondus elevatur, eò majori opus est potentia ut sustineatur; si verò deprimitur, minori.

Vide Iconismi V.
Fig. XII.

Sit vectis XT , horizonti parallelus, ut in duodecima Figura Supràpositâ, cujus fulcimentum A , pondus infra extremum X , potentia applicata in T . Moveatur deinde vectis XT in KS . Dico, in hoc situ majorem requiri potentiam in S , quàm in T . Sitenim in utroq; situ centrum gravitatis ponderis punctum O , à quo ducatur perpendicularis horizonti, transiens per centrum gravitatis ponderis, & centrum Mundi, & protrahatur donec secet vectem in utroq; situ. Erit hæc perpendicularis in primo situ XT , linea OV ; in secundo verò situ KS non erit amplius linea OV , sed OK ; distantia verò ponderis ab hypomochlio erit in situ horizontali VA , in altero situ KA , quæ major est quàm VA . Majorem ergo proportionem habet TA ad VA , quàm SA ad KA ; Ergo potentia in T facilius sustentabit pondus, quàm in S ; ergo in S majori opus est potentia, quàm in T . Et quò magis elevatur pondus, eò majori opus est potentia, quia semper minor fit proportio inter SA & KA , quàm inter TA & VA ; & consequenter quàm inter pondus & potentiam. Contrarium contingit, quando deprimitur pondus, ut consideranti patet.

CAPVT

CAPVT TERTIVM.

An figura hypomochlij conferat aliquid ad facilitatem motus ponderis per vectem.

HUc usq; consideravimus pondus, vidimusq; quâ ratione se habeat in augendis & minuendis suæ resistentiæ momentis in ordine ad vectem cui applicatur, & in ordine ad distantiam ab hypomochlio, & etiam à potentia. Considerandū nunc est ipsum hypomochlion seu fulcrum, videndumque an ejus figura conferat aliquid ad faciendum aut retardandum motum ponderis. Pro rei decisione

Dico I. Hypomochlij rationem posse habere omne id, quod vectem sustentare ita potest, ut in eo, aut circa ipsum, velut circa centrum, moveri sursum ac deorsum possit. Hujusmodi autem potest esse funis è quo vectis suspenditur; axis aut clavus qui vecti infigitur; lignum, saxum, aliudvè simile quid, cui innititur vectis, prout in quotidiano fit usu, dum tale illud sit, quod non cedat, sed valeat sustentare vectem cum pondere, quando opus est.

Hypomochlion est omne quod vectem sustentat.

Dico II. Procurandum esse, ut hypomochlium seu fulcrū, quâ parte à vecte primi generis tangitur ac premitur, minimū sit, minimamque latitudinem habeat, alioquin valde variatur ratio momentorum in actuali usu vectis, manente eodem pondere, & eadem potentiâ. Si enim fulcrum erit sphericum, aut cylindricum; cum non in eodem semper puncto tangatur, quando pondus elevatur, potentia deprimitur; variatur ratio distantiarum utriusque à puncto, in quo fulcrum à vecte premitur. Tangat enim vectis EG, horizonti æquidistans, spherā aut cylindrum in puncto F; erunt distantie EF, & CF, & potentia C ad pondus E habebit proportionem, quam habet EF ad CF. Accedat major potentia, & vectem premat deorsum, ita ut habeat situm LI, non tanget amplius spheram aut cylindrum in F, sed in H, fietque minor ratio LH ad HI, quàm CF ad FE; tantòq; minor fiet illa ratio, quantò magis deprimitur vectis; ideoque semper crescere debet potentia ut pondus moveat. Si-

Vide Iconismi V. Fig. XV.

milite

Vide Iconismi V. Fig. XVI. militer si fulcrum planum sit, ut OS, & vectis V tangat illud in O, erunt distantiae VO, OR: at si deprimitur deinde extremum V, & vectis acquirit situm TX, tangit fulcrum idem in S, & distantiae sunt XS, ST, minor autem est ratio XS ad ST, quam VO ad OR; quare augenda est potentia, cum minuuntur potentiae momenta, diminuta ejus distantia à fulcro; augeantur verò momenta ponderis, aucta ejusdem distantia ab eodem fulcro. Quòd si vectis acquirat situm horizontalem MN, ita ut tangat fulcrum planum in linea OS; valde impeditur motus facilitas, idque praecipue propter rationem dictam, quia videlicet ut dimoveatur ab hoc situ, debet incipere tangere in S, ac proinde minui debet distantia potentiae à fulcro, & augeri distantia ponderis ab eodem.

CAPVT QVARTVM.

An linea per quam potentia movet vectem, conferat aliquid ad facilitatem ac difficultatem motus.

Linea per quam in potentia vectem movet, attendenda est.

IN usu vectis, & aliarum etiam subsequenrium machinarum, valde attendenda est linea, per quam potentia vecti applicata dirigitur in motu suo, & quem angulum linea illa directionis potentiae cum vecte faciat, considerandum; variato enim angulo, etiam potentiae momentum variatur, ut mox patebit: quare quantum fieri potest, servari debet eadem potentiae applicatio & directio in motu suo, ut immutatis viribus, cum eadem semper facilitate sequatur motus ponderis, quantum est ex hoc capite.

Porro optima & maxime legitima potentiae applicatio, tractio, pulsio, motio est, quando ita dirigitur in suo motu, ut cum vecte angulum rectum constituar: linea directionis: quò autem angulus magis à recto recedit, eò etiam major percipitur difficultas. Et ratio est, quia cum potentia movet, trahit, pellit ad angulum rectum modo praedictio, tota vis exercetur ad pondus movendum; quando verò motio, tractio, pulsio fit ad angulum acutum, aut obtusum, tunc vectis urgetur versus fulcrum, vel ab eo quasi retrahitur, ac proinde in hoc aliquid virium absumitur

sumitur. Sed rem exemplo in vecte primi generis explicemus.

Sit vectis AB, habens sub se fulcrum C, & pondus sit in B, potentia verò in A. Certum est, si potentia urgeat vectem secundum lineam AC, sive ex A versus C, sive ex C versus A, cum vectis & suâ & ponderis gravitate premat fulcrum C; aut nullum, aut non nisi difficulter secuturum effectum, id est, motum ponderis, nisi potentia notabiliter superet pondus. Vt ergo pondus moveatur à potentia etiam debiliore ipso, debet potentia deorsum movere, idq; vel per lineam AI facientem cum vecte angulum rectum, vel per lineam AE facientem cum eodem vecte angulum acutum, vel denique per lineam AF facientem angulum obtusum. Ac per AE lineam descendit quidem potentia, & ascendit pondus, sed simul trahitur seu impellitur A versus C, eòq; magis, quò acutior est angulus CAE; ergo ex hac tractione vectis versus punctum fulcri, & centrum sui motus, aliquid virium inutiliter deperditur, ita ut majori nisu opus sit ut pondus elevetur. Similiter per AF descendit quidem potentia A, sed simul quasi retrahitur A ut magis removeatur à fulcro C, eòq; magis, quò angulus CAF est obtusior. Solum per lineam AI, facientem cum vecte angulum rectum, cum neque A versus C urgeatur, neque ex C retrahatur, tota vis potentiae impenditur ad pondus elevandum ex vectis depressione. Quia verò vectis extremum A in motu deorsum describit arcum circuli circa punctum C, debet singulis momentis mutari linea directionis potentiae, ut ad angulum rectum semper maneat æqualiter applicata; quare etiam ipsa potentia debet circulariter moveri, si est applicata in A. Quòd si AI funis esset, & potentia esset applicata in I, deberet punctum I describere arcum circuli, ut servaretur semper angulus rectus funis cum vecte.

Quæ de vecte primi generis diximus, applicari facile possunt vecti secundi & tertij generis. Est tamen magnum discrimen inter vectem primi, & vectem secundi ac tertij generis in ordine ad motum facilitandum, etiamsi potentia feratur secundum lineam rectam facientem cum vecte angulum rectum. Nā in vecte primi generis potentia premit deorsum, ut

Vide Iconismi V.
Fig. XVII.

*Discrimen
inter vectes
in ordine ad
motum pot.
Actus.*

pondus ascendat : unde oritur duplex commodum & adju-
mentum ad facilitandum motum ; primum est, quòd ipsius
vectis gravitas juvat potentiam, quia ipsa etiam deorsum ur-
get, tantò magis, quantò longior est distantia potentiaè quàm
ponderis; secundū est, quòd quando homo potentiaè deorsum
moventis vicem agit, nò solùm ipsa brachia motoris premunt
deorsum, sed etiam totius corporis gravitas, si permittatur ipsi
vecti incumbere, vel inde pendere, ut communiter fieri vidi-
mus in inzentium ponderum elevatione. At in vecte secundi
ac tertij generis, tam potentia, quàm pondus debent ascende-
re ; ad quem motum non potest totius corporis gravitas con-
currere, sed sola musculorum tensio, & præterea ipsius vectis
gravitas resistit motui.

CAPVT QVINTVM.



*An quodvis pondus quavis potentia quovis vecte move-
ri queat.*


Q Vinque simplicibus ac fundamentalibus Machinis, quas
inter vectis est, quodvis pondus quavis datâ potentia
moveri posse, asseruimus supra in hujus Libri Proœmio, cum
Pappo Alexandrino, alijsq; Mechanicorū Scriptoribus passim.
Id nunc in vecte explicandum ac demonstrandum est. Quod
nbi fecerimus, mirum nemini videbitur, alijs Machinis idem
fieri posse, quod tam simplici Machinâ, qualis hæc est, tam fa-
cile & evidenter fieri potest. Quoniam verò tria sunt vectis
genera, singula ad examen vocabimus.

Supponimus autem I. ea quæ in præcedentibus demon-
stravimus, nimirum, quando distantia potentiaè ab hypomo-
chlio in vecte quocunque, ad distantiam ponderis ab eodem,
est ut pondus ad potentiam, sequi consistentiam & æquilibriū
inter potentiam & pondus: quando verò major est proportio
distantiaè potentiaè ab hypomochlio ad distantiam ponderis ab
eodem, quàm ponderis ad potentiam, sequi motum, & poten-
tiam attollere pondus.

Supponimus II. quantitatem continuam, licet minimâ,

hoc





hoc ipso quòd est quantitas, habere intrinsecam proprietatē divisibilitatis in alias atq̄ alias partes minores ac minores in infinitum, ita ut semper maneat quantitas, quoniam divisio per se non est annihilatio. Et licet ab homine ea divisio in tā minutas partes fieri nequeat, ab Angelo tamen fieri potest, nec ex parte subjecti repugnat.

Supponimus III. datā quacunque quantitate, dari posse majorem; & distantia aliquā quantumvis elongatā, posse eam amplius elongari. His suppositis fit

PROPOSITIO I.

Vectis primi generis quodvis pondus moveri potest quāvis potentia idq̄ multis modis.

Sit enim vectis A B, & pondus sit in A, potentia in C. Si veniat spatium AC dividatur in D ita, ut distantia CD ad distantiam AD, sit ut pondus ad potentiam, potentia sustinebit pondus, per *Proposit. 3. capitis I.* Si autem promoveatur potentia versus B, erit jam major proportio distantia CD ad distantia AD, quàm ponderis ad potentiam; movebit ergo potentia pondus, per *Proposit. 4. ejusdem capitis.* Quòd si potentia diminuatur, & promoveatur ad E, habeatque E D majorem proportionem ad AD, quàm pondus ad potentiam; iterum movebit pondus. Idem eveniet, si adhuc magis diminuatur potentia, & magis promoveatur versus B, vel etiam ultra B protractū, dummodò distantia potentia ab hypomochlio distantiam ponderis ab eodem superet magis, quàm pondus potentia. Quoniam igitur potentia potest semper magis & magis diminui, & distantia ejus ab hypomochlio semper magis & magis augeri; poterit quævis potentia datum quodvis pondus movere per vectem primi generis. Et hic est unus modus.

Alter modus est, si potentia in eodem puncto B, aut E, aut C manens diminuatur, hypomochliū verò recedat à puncto D versus A, ita, ut distantia potentia ab hypomochlio semper magis superet distantiam ponderis ab eodem, quàm pondus potentiam; tunc enim propter causam jam dictam

Vide Iconismi VI. Fig. I. Vectis primi generis potest quævis potentia quodvis pondus movere multis modis.

Primus modus.

Secundus modus.

Tertius
modus.

quævis minima potentia poterit quodvis datum pondus movere. Et hic est secundus modus.

Tertius modus est, si crescat pondus, & simul decrescat potentia, sed quantò plùs crescit pondus, & decrescit potentia, tantò plùs crescat distantia potentia ab hypomochlio supra distantiam ponderis ab eodem, sive id fiat per recessum potentia ab hypomochlio, sive per accessum hypomochlij ad pondus, & recessum à potentia. Et hoc modo quævis potentia movere potest non solùm quodvis datum pondus, sed etiam absolute quodvis pondus. Demonstrationem magis mathematicam hujus rei vide apud *Guidubaldum* Proposit. 12. de vecte.

COROLLARIUM.

Colligitur hinc, etiam quovis minimo pondere applicato in loco potentia, moveri posse per vectem primi generis quodvis pondus datum; quia eadem est utrobique ratio.

PROPOSITIO II.

Vecte secundi generis quodvis pondus moveri potest quævis potentia, idq; totidem modis quor antea.

Vide Iconismi VI. Fig. II. Vecte secundi generis potest quodvis pondus moveri quævis potentia multis modis.

Sit vectis secundi generis FG, & potentia sit in I, fulcimentum in F, pondus in H. Si IF ad FM majorem habet proportionem, quàm pondus ad potentiam, quantumvis magnum sit pondus, & quantumvis exigua potentia, poterit hæc illam movere, per *Proposit. 4. caput I.* Et quoniam quantò magis potentia diminuitur, tantò magis promoveri potest versus K, & versus G, & etiam ultra G protractum, ita ut semper major sit proportio distantia ipsius à fulcimento ad distantiam ponderis ab eodem, quàm ponderis ad potentiam; constat quamvis potentiam movere posse quodvis pondus datum vecte secundi generis. Idem fiet, si diminuatur potentia in eodẽ puncto manens, & pondus datum promoveatur à puncto H versus punctum F. Quod si pondus semper crescat, & potentia semper diminuatur, adhuc poterit potentia quantumvis parva movere pondus quantumvis magnum, si vel sola potentia decrescens

crefcens magis elongetur à fulcimento, vel folùm pondus crefcens elongetur magis à potentia, & appropinquet fulcimento, vel ex una parte potentia elongetur à fulcimento, & ex alterâ pondus accedat. Demonstrationem accuratiorem vide apud Guidubaldum lo: cit:

ANNOTATIO.

Non potest tamen per veftem fecundi generis moveri quodvis pondus maximum à quovis minimo pondere in loco potentia admoto; imò ne quidem à quovis maximo pondere; nam potentia ut moveat pondus per veftem fecundi generis, debet tendere fursum; pondus autem in loco potentia appenfum non potest tendere fursum, fed deorfum tendit gravitate fuâ; niſi trochleam fimul adhibere velimus.

PROPOSITIO III.

Veſte tertij generis non potest moveri quodvis pondus quavis potentia.

Ratio eſt, quia in veſte tertij generis potentia & ſuſtines, & movens pondus, ſemper debet eſſe major quàm pondus, quia major eſt diſtantia ponderis à fulcimento, quàm potentia ab eodem, uti ex diſtis conſtat, & ex appoſita figura, quæ repræſentat veſtem tertij generis, in quo fulcimentum eſt in R, pondus in S, potentia in T inter fulcimentum & pondus. Licet igitur potentia poſſit ſemper magis & magis removeri à fulcimento, & accedere verſus pondus S, ac proinde ſemper de crefcere, & tamen adhuc ſuſtinere & movere pondus datum; licet præterea fulcimentum K poſſit ſemper magis & magis removeri à potentia T, & à pondere S, & interim de crefcere potentia; debet tamen potentia ſemper manere major quàm pondus. Non ergo quælibet exigua potentia potest movere quodlibet datum pondus, & multò minùs quodlibet pondus dabile, per veſtem tertij generis.

Veſte tertij generis non potest moveri quodvis pondus quavis potentia. Vide Iconiſmi VI. Fig. III.

CAPVT SEXTVM.

Paradoxa Mochlo-Mechanica, de admirabili & infirma virtute veſtis.

*Paradoxa
Mochlo-me-
chanica.*

Avdax & admirandum est Problema explicatum atq; demonstratum, per vectem primi & secundi generis datum quodcunq; pondus maximum moveri posse datâ quacunque minimâ potentiâ, & consequenter minimo sacomate, seu contrario & opposito pondere. Idem problema mirabilius efficiunt duo sequentia Paradoxa. In quibus tamen supponi debet vectem gravitate esse præditum.

PARADOXVM PRIMVM.

*Datum quodvis pondus sine ulla potentia moveri potest
vecte primi generis.*

*Vecte primi
generis mo-
veri potest
quodvis pō-
dus sine po-
tentia aut
pondere
alio.*

Paradoxum proponit atq; ostendit *Bettinus* in usu statera Apiario 4. Progymnas. 2. Proposit: I. Corollario I. Sed eadem est ratio de vecte primi generis. Nam dato aliquo pondere, fieri potest ut distantia major in vecte ab hypomochlio ad distantiam minorem habeat longè majorem proportionem, quàm datum pondus ad aliud, ac proinde propter solâ elongationem suam distantia illa major præponderet minori unâ cum pondere appenso, uti quotidianâ experientiâ constat. Ergo si dato quocunq; pondere, etiam infinitæ ponderationis, adhuc magis & magis elongetur major illa distantia, poterit se solâ ponderi præponderare, & ponderatione suâ illud elevare. *Bettinus* lo: cit: putat, non posse datum pondus elevari sine data potentia per simplicem vectem, quia sine potentia extremo vectis applicata, vectis nec sponte suâ, nec etiam alio pondere addito, depronari posset in quavis distantia à fulcramento. Rationem afferemus & refutabimus capite sequente. Idem *Bettinus* ibidem requirit in statera, ut statera vectis sit in materia æqualiter protensa, hoc est, æqualis crassitiei & ponderis secundum omnes suas partes. Sed hoc neque in statera, neque in vecte necessarium est. nam si major distantia crassior & ponderosior est quàm minor, facilius & in minori elongatione elevabit minorem cum pondere. si autem minor est crassior & ponderosior, potest nihilominus major elongari, donec minorem cum pondere superet.

PARA-

PARADOXVM SECVNDVM.

Vectis primi Generis etiam minimo, quavis potentia data moveri potest quodvis pondus.

Praecedens Problema seu Paradoxum videri potest inutile, ob nimiam vectis productionem, quae facienda esset in usu ejus Problematis, & ob nimiam machinae in longum extensa gravitatem. Aliud ergo proponimus cum *Bettino* loc. cit. Coroll. 2. de vecte quolibet etiam minimo & ostendimus tali vecte datam quamcunq; potentiam parvam movere posse datum quodcunq; pondus magnum. Sequitur hoc ex dictis praecedenti capite. Nam quia distantia minor ponderis a fulcramento dividi semper magis ac magis in infinitum potest, & fulcimentum semper magis magisque promoveri versus pondus; quanto autem magis promovetur fulcimentum versus pondus, tanto magis decrescit minor distantia, & crescit major; & quando magis crescit major, & decrescit minor, tanto minor potentia requiritur ad movendum datum pondus, & tanto majus pondus moveri potest a data potentia, imò tanto magis pondus crescere, & potentia decrescere potest, uti ex dictis constat; ideò patet propositum.

Vectis primi generis minimo potest moveri quavis pondus quavis potentia.

P O R I S M A.

In finita ergo vis in vecte primi generis etiam minimo, hoc est, non tantum quin major esse possit. Verum tamen est, etiam hoc Problema inutile esse, quia impossibilis nobis est infinita illa divisio, & quia licet facta quacunque divisione sequatur, mathematicè loquendo, praedictus effectus, hoc est, motus aliquis ponderis, physicè tamen & ad sensum nullus sequitur.

Vectis primi generis vim infinitam continet.

C O R O L L A R I V M.

Colligitur hinc, etiam de vecte secundi generis idem esse dicendum. Nam sicut in vecte primi generis fulcimentum potest semper magis promoveri versus pondus, ita in vecte secundi generis pondus potest semper magis promoveri versus fulcimentum, ideoque semper potest crescere distantia major a fulcramento supra majorem ab eodem; & quoniam in

Item vectis secundi generis.

majo-

majoris extremo est potentia, & in minoris extremo pondus, ideo semper potest esse major proportio distantiae potentiae & distantiae ponderis, quam ponderis & potentiae.

CAPVT SEPTIMVM.

An Orbis Terrarum per vectem moveri possit à quouis minimo pondere, aut potentia.

Quoniam ostensum fuit, vecte primi & secundi generis moveri posse quodvis pondus à quavis potentia, & etià à quouis pondere in primi saltem generis vecte; evidens videtur etiam Terrarum Orbem, quantavis ponderositas sit, moveri posse dictâ ratione. Dixi, vecte primi & secundi generis, quia de vecte tertij generis non potest esse quaestio, cum constet ex dictis Proposit. 3. capituli praecedentis, id fieri non posse, quoniam potentia deberet esse semper major quam Orbis Terrarum. De solo ergo vecte primi & secundi generis procedit quaestio. Et non solum quaeritur an arrogans illud Archimedis promissum, *δός μοι πῶς εἶναι, καὶ κινήσω τὴν γῆν*, *Da ubi consistam, & Terram movebo*, vecte tentari atque exsolvi queat, sed etiam utrum id fieri possit à quavis data potentia, aut pondere.

Vide Iconismi VI.
Fig. IV.
Vecte an moveri possit Terra.

P. Marius Bettinus Apiario 4. Progymnasm. 2. Proposit. I. ait, id fieri quidem posse statera (qualem fingit CD, suspensam in EF, cujus extremo C appensus sit Terrarum Orbis AB, alteri verò extremo B applicata sit potentia, aut pondus) vecte verò per se sumpto (licet vectis primi generis statera sit) minimè. Nam si vecti BK, cujus hypomochlium G, imponatur ex una parte in distantia minore globus Terraqueus AB, & ex altera parte in distantia majore applicetur pondus K (de solo pondere ipse loquitur, non de potentia) non videtur elevari posse Terraqueum globum à pondere, propter repugnantiam quam efficeret pondus in altera vectis parte positum, id est, ibi, ubi deberet esse potentia movens &c. Pondus enim in K quoniam non ponderabit deorsum à Terra, non poterit Terram sursum movere, etiamsi addatur aliud quodlibet majus pondus in K &c. Ratio est, quia pondus K ponderaret versus Terram AB, ac versus Vniversi centrum. Neq. enim idem eveniret infra Terramposito vecte, quod accidit hominibus circa Terram habitantibus,

dum

dum volunt per vectem primi generis pondus aliquod movere. Nam quia pondus in altero vectis extremo, ubi locatur potentia movens, degravat versus centrum Terræ ac Vniuersi, ad quod tendere nititur, ideo attollit pondus positum in altero vectis extremo. At in K si degravaret, niteretur à Terræ, atq; ab Vniuersi centro recedere. Scimus tamen proponi posse Problema in usu vectis secundi generis, ita ut Terræ motus interponatur inter hypomochlium & potentiam, & in K loco æquipondij ponatur potentia motiva suspellens extremum K . Sed nos volumus, non potentia, sed pondere pondus Terræ movere; nec volumus ex parte moventis ullam requiri vim à libera virventis potentia motrice profectam. Ac sanè etiam si vectis BK Terræ suppositus in infinitum produceretur, tamen aliqua vis adhibenda esset à potentia, quæ niteretur suspellere vectis extremum K ; quod siue producto vecte in infinitum, siue pondere quolibet addito, nec sursum, nec deorsum moveretur, quoniam pondus quodlibet in K appensum niteretur in latus, & obliquè versus Terram AB , non autem recta sursum, vel deorsum à centro. Ob hoc igitur vectem simplicem reiicimus.

Hactenus Bettinus Propositione I. citata. Sequenti ergo Propositione 2. eligit stateram ob rationes, ut ipse ait, contrarias rationibus præcedentibus, & ob commodum prædictis oppositum, Nam si stateram CD (sic discurrit ipse) suspensam singas in EF , & suspensam Terram in C , pondus in D nitetur deorsum, licet obliquè, sed tamen versus Vniuersi centrum. Ac si tantum sit pondus, aut in tanta distantia, ut præponderet, ac moveat extremum D , consequenter movebitur AB è loco suo. Ego sequentia circa propositam quæstionem statuo.

PROPOSITIO I.

Per vectem primi generis dimoveri potest Orbis Terrarum è suo loco quovis pondere, & quavis potentia, si Orbis ille à vecte suspendatur.

Sit vectis CB , ut in præcedenti Figura, in cuius extremo C suspensus sit orbis terrarum AB , in altero verò extremo B appensum sit pondus, vel applicata potentia, & loco ansæ EF in priori Figura, sit fulcimentum EF inter pondus & potentiam seu pondus. Dico, si locus sit in quo statuatur fulcimentum, & disponatur vectis, moveri eo posse Orbem terrarum AB , à quolibet pondere aut potentia in B , saltem protrahendo.

Vide Iconismi VI. Fig. V. vecte primè generis moveri potest Terra suspensa, à quavis potentia.

Nam quantævis ponderositatis sit Terra AB, & quantævis se-
 vitatis pondus, ac debilitatis potentia, in B; potest vectis ver-
 sus B ita prolongari, aut fulcimentum EF ita appropinquare
 ponderi AB, ut major sit proportio distantiae majoris BE ad
 distantiam minorem CE, quàm ponderis majoris AB ad pon-
 dus aut potentiam minorem in B. Ergo per demonstrata in
 præcedentibus sequi debet motus. Et in hoc casu eadem est
 ratio de vecte, ac de statera; quod enim in statera facit an-
 sa EF, facit in casu nostro fulcimentum EF. Vnde non video, cur
 Bettinus eligat stateram, & reiiciat vectem primi generis ab-
 solutè. Omnes enim rationes quas pro statera affert, militant
 etiam pro vecte in casu posito; & difficultates quas ipse con-
 tra vectem affert, tantùm locum habent in casu, quo Orbis
 Terrarum imponeretur extremo C, ita ut centrum gravita-
 tis Terræ, & centrum Vniversi, esset supra vectem. Licet enim
 pondus & potentia extremo B incumbens gravitate suâ nitatur
 ad centrum Terræ & Vniversi per lineam rectam BD, quia
 tamen à motu per illam lineam impediuntur, propter appli-
 cationem ad vectem rigidum; nituntur ac feruntur per lineam
 obliquam BG, eo prorsus modo, quo nunc de facto pondus
 exiguum in majori distantia vectis præponderans ponderi ma-
 jori, nititur ac fertur deorsum per similem lineam ac viam
 obliquam seu circularem. Et ratio est, quia quàm diu vectis
 parallelus est horizonti suo (qui in situ proposito repræsenta-
 tur per lineam DI) & pondus ab extremo ejus B dependet, &
 non detinetur in tali situ ab opposito pondere AB, nec ab eo
 dimovetur à tali situ, sed ipsum potiùs præponderat ponderi
 AB; potest movere ac descendere versus horizontem DI, sal-
 tem per lineam circularem BKG, semperq; fieri vicinior cen-
 tro Vniversi, (quod in D maneret, etiamsi Terrarum Orbis
 elevaretur versus H) quia brevior est recta DK, & quævis alia
 ex eodem puncto D ad arcum BKG ducta, quàm recta DI, &
 quævis alia ex eodem puncto D ad arcum BIL ducta. Aquovis
 ergo pondere per vectem primi generis moveri potest Orbis
 Terrarum. Quod autem de pondere diximus, intelligi etiam
 potest

potest ac debet de qua vis potentia extremo B vectis applicata, sive supra vectem, sive infra, sive in ipso vecte prope B consistat, est enim eadem utrobique ratio, ut consideranti patet.

COROLLARIUM.

Colligitur hinc, etiã sine pondere, per solum vectem primi generis prolongatum, moveri posse Orbem Terrarum, quoniam tamdiu prolongari potest, donec suã solã gravitate, suoque momento, sine ulla potentia aut pondere addito, præponderet Terrarum Orbi.

Imò sine pondere, et sine potentia.

ANNOTATIO.

Quantum autem debeat esse momentum vectis prolongati, sive cum pondere aut potentia, sive sine illis, ut Terrarum Orbi præponderet, determinari certò non potest, quoniam non scimus pondus præcisum dicti Orbis. Si tamen fingamus, aut supponamus certum aliquod & determinatum ipsius pondus, quale nos supposuimus superiore libro cap. 2. statui potest aliquid verisimiliter, ut videbimus infra in fine hujus Capituli. Existimo autem, non requiri majus momentum, aut majores vires, ad dimovendam Terram è centro Vniversi, quàm ad eandem movendam si extra centrum Vniversi existeret, quia nullam virtutem attractivam aut retentivam agnosco in dicto centro, præter solam Terræ gravitatem innatam, quam retinet eandem semper, sive in centro Vniversi existat, sive extra.

Quæstio, ejusque solutio.

Ed quàm diu moveretur pondus aut potentia cum brachio vectis majore deorsum in circulo BK G & c. & Terra appensa cum brachio minore sursum? Quoniam pondus aut potentia cum brachio vectis majore movetur deorsum in dicto circulo BK G & c. ut propinquius fiat extremum B centro Vniversi; existimo, si liberè gyrari posset vectis circa punctum E, tamdiu motum iri, donec vicinissimum foret in illo circulo Vniversi centro D, hoc est, donec perveniret ad illud punctum in dicto circulo, ex quo puncto ad centrum D duci posset linea brevissima, cujusmodi esset punctum aliquod oppositum diametraliter puncto B; ab hoc enim puncto dimoveri amplius naturaliter non posset, quoniam deberet recedere à centro Vniversi, id est,

magis ab eo elongari ; quod naturæ gravium repugnat.

P O R I S M A.

Patet ex hac solutione, non posse vectem dictâ hactenus ratione dispositum, & circa punctum F liberè in gyrum mobilem, moveri perpetuò circa dictum punctum, prout fortassis aliquis sibi persuadere potuisset.

PROPOSITIO II.

Per vectem primi generis nullo pondere dimoveri potest Orbis Terrarum è suo loco, si vectis extremo superponatur.

Vide Iconismi VI.
Fig. VI.
Vectis primi generis non potest moveri Terra superposita vecti à pondere.

Sit vectis primi generis BC, cujus hypomochlium DE firmatum sit divinâ virtute extra Terrarum Orbem, & vectis extremo B minoris distantiæ superpositus sit Orbis Terrarum AB, ita ut centrum gravitatis Terræ F (quod simul sit centrum Vniversi) existat supra vectem, alteri verò extremo C distantiæ majoris sit applicatum pondus. Dico, per vectem tali modo dispositum, non posse dimoveri Terram è suo loco, hoc est, è centro Vniversi, quantumcunq; sit pondus in C appensum, & quantumcunque protendatur distantia DC. Imò quantò majus erit pondus in C, & quantò magis prolongabitur distantia DC, tantò minùs dimoveri poterit Terra. Ratio est, quia factâ tali dispositione vectis cum ponderibus appensis, ut Terra dimoveretur è suo loco, deberet extremum C vectis cum pondere suo moveri versus G, describendo arcum CG circa centrum D, & alterum extremum B cum Terra superposita deberet moveri à B versus A. Non posset autem naturaliter moveri pondus in C appensum versus G, quia recederet à centro Vniversi F; sed deberet moveri versus H, sic enim magis accederet ad centrum Vniversi F. Idem dicendum est de majori distantia vectis DC; hæc enim ob gravitatem suam tendit versus H, & non versus G; Et quidem quò longior est distantia DC, & quò maius est pondus in C appensum, è major repugnantia adest ad motum versus G, & è major pronitas ad motum versus H. Patet ergo propositum. Demonstrationes

tionēs mathematicas non afferō, quoniam hæc sufficienter,
ni fallor, rem elucidant.

PROPOSITIO III.

Non quævis potentia, sed illa solum, quæ & globi Terraquei, & vectis versus centrum ejus nitentis, resistantiam vinceret, movere potest e loco suo dictum Terraqueum globum, per vectem priori modo dispositum.

Ratio clara est, quia potentia extremo applicata, debet retinere versus G, & movere vectis brachium CD versus idem G; huic autem nisui & motui resistit Terra & vectis gravitas, & ejusdem vectis nisus versus H.

Nec a quævis potentia

ANNOTATIO.

Quæcumq; diximus de Terraqua extremo & minori brachio BD superposito, intelligi etiam debent de eadem eidem brachio affixâ ita, ut centrum gravitatis Terraqua esset in ipso vecte.

PROPOSITIO IV.

Vecte secundi generis potest qualibet data potentia movere Terraquam, sursum pellendo.

Esto vectis secundi generis AB, in cujus extremo A sit fulcimentum, in altero extremo B potentia data, quantumvis parva, in intermedio puncto C Terraqua, vel supra vectem, vel infra alligata, vel circa. Dico, potentiam posse dimovere Terraquam hoc vecte de loco suo, sursum eam pellendo. Ratio est, quia distantia CB potest in tantum prolongari, ut sit major proportio BA ad CA, quam Terraquæ ad potentiam. Patet ergo propositum, per demonstrata in præcedentibus.

Vide Iconismi VI, Fig. VII. Vecte secundi generis potest quævis potentia movere Terram, sursum pellendo.

AVCTARIVM MACHINARIVM.

Quanto pondere, aut quantâ potentia movente, cum vecte primi generis, opus sit ad totam Terram loco movendam.

Hic quæstioni ut respondeatur, statuere prius oportet quantum ponderet plus minus Terra, seu Terraqua.

Vecte primi generis cum quanto pon-

*Deve aut po-
sentia mo-
veri potest
Terra.*

Varij varios habent calculos. Nos suprà lib: I. cap: 2. attulimus calculum Stevini, Mersenni, & Anonymi cujusdam Mathematici doctissimi apud Forerum in Viridario Philosoph: Disput: de Mechanicis, Num: XLVII. Horum ultimus sic procedit.

S. I. Sententia Anonymi.

*Terraquei
globe pon-
dus inveni-
re.*

Sphæram ex terra, lapillis, & ferro compactam, cujus diameter sit trigesima pars unius passus geometrici, statuit ponderare unam libram. Quia igitur unum milliare germanicum habet passus 5000 (loquitur de milliariibus majoribus, nam communibus tribuuntur passim à Geographis & Mathematicis Germanis passus tantum 4000) & diameter Terræ milliaria germanica 1720. (quæ faciunt Italica 6880, quot nos superiori Libro cap: 6. Errorem: 8. cum communiori sententia attribuimus eidem, dando cuiilibet germanico quatuor Italice;) Si duco 30 in 5000, & productum in 1720; producitur hic numerus, 258000000. Atque toties continet diameter Terræ diametrum sphærae pendentis libram unam. Quia verò quæ est proportio 7. ad 22. talis est diametri ad perimetrum circuli, scilicet tripla sesquiseptima, per *Proposit: 3. Archimedis Libelli de dimensione circuli*; si dico, 7. dant 258000000, quid dant 22? reperio hunc numerum 5676000000. & toties continet peri-

meter Terræ diametrum sphærae unam libram ponderantis. Rursus si semidiametrum duco in semiperimetrum, nempe 129000000, in 2838000000, produco 366102000000000000, arc-

am circuli maximi Terræ, per *Proposit: I. Archimedis de Dimensione circuli*: quâ ductâ in diametrum, produco 944543160000000000000000. Atque hic numerus est cylindrus, cujus al-

titudo & diameter basis æquantur diametro Terræ. Et quia qualis est proportio 3 ad 2, talis est cylindri ad sphæram, cum sphærae diameter æqualis est diametro basis, & altitudini cylindri, per *Corollar: Proposit: 31. lib. I. de Sphæra & Cylindro*; (hæc-

his bene processit hic Auctor, sequentem numerum unde deducatur, nescio sit ut sphaera ponderet 899564914385714285714285⁷. Atque tot libras ponderat Terrarum Orbis, imò pauciores, cum proportio peripheriæ circuli ad diametrum sit paulò minor quam $\frac{7}{5}$ ad 1. Hoc supposito, sic prosequitur Auctor suum discursum. *Detur pertica ferrea, quæ ex utraq; parte celo Luna imponatur, absitque à Terra quotquot placet miliaribus. Dico, si huic perticæ, quæ hypomochlij loco esse debet, vectis debite longitudinis imponatur, unicâ manu Terram quocumq; placet moveri & impelli posse. Si enim Terra uno milliari germanico ab hypomochlio suspendatur in una extremitates vectis, poterit quilibet, si ab altera hypomochlij parte tot miliaribus recedat, quot libras Terra ponderat, Terram movere & impellere quocumq; libuerit. Quod si Terra dimidio tantum milliari ab hypomochlio absit, sufficit per dimidiam tantum partem librarum, quas Terra ponderat, abscedere. Si Terra duobus miliaribus ab hypomochlio absit, debetis & Terram moturus per duplum librarum, quas Terra ponderat, ab hypomochlio recedere.* Hæc ille. Et ratio est, quia tunc erit major proportio distantiae potentiae ad distantiam Terræ suspensæ, quàm ponderis Terræ ad potentiam hominis, quæ utique major est quàm unius libræ.

Ex hoc sequitur, si in dicta dispositione ac divisione vectis suspenderetur ex minori distantia Terra, ex majori verò in primo quidem casu paulò plùs quàm dimidiæ libræ, & in tertio casu paulò plùs quàm duarum librarum pondus; adhuc secuturum motum Terræ. Ratio est eadem.

S. II. Sententia Nostra.

Aliter inveniri potest pondus Terræ, posito quòd Sphæra la ex Terra, lapillis, & ferro composita, cujus diameter sit pars trigesima unius passus geometrici, ponderet unam libræ; si nimirum sequamur regulam Euclidis lib: 12. Propos: 18. Element. ubi demonstrat, Sphæras habere triplicatam rationem seu proportionem suarum diametrorum. Triplicetur ergo proportio quæ est 1. ad 30, sic: 1. 30. 900. 27000; eritq; Sphæra ex terra, lapillis, & ferro conflata, cujus diameter est unius passus, ad sphæram ex eadem materia, cujus diameter est trigesima

[pars

*Terra quæ
globi pondus
aliter inve-
nire.*

pars unius passus, sicut quartus numerus ad primum, seu unitatem, & consequenter ponderat libras 27000. Quoniam verò unum milliare Italicum continet 1000. passus, triplicetur iterum proportio quæ est 1. passus ad 1000. passus, sic: 1. 1000. 1000000. 1000000000; critq; sphaera, cujus diameter est unius milliariis Italicis, ad sphaeram, cujus diameter est unius passus, sicut quartus numerus ad primum, hoc est, ad unitatem; qui quartus numerus si ducatur in 27000, numerum scilicet librarum contentarum in sphaera, cujus diameter unius passus est; producet hic numerus, 2700000000000. Et tot libras continebit sphaera, cujus diameter est unius milliariis. Præterea quoniam diameter Terræ continet milliaria Italica 6880, si proportio inter 1. & 6880, triplicetur sic: 1. 6880. 47334400. 3256606720000; continebit Terræ seu Terraquæ globus toties sphaeram milliariam, quot unitates continet quartus numerus; qui numerus si multiplicetur per numerum librarum quæ competunt sphaeræ milliariæ, producet hic numerus, 8792838144000000000000000. Et tot libras pendet Terrarum Orbis, positis præmissis.

Hoc supposito, ajo, non esse necessarium, ut vectis distantia minor, ex qua penderet Terra, recederet ab hypomochlio uno milliari Italico, & distantia major, cui applicaretur potentia unius hominis, recederet ab eodem tot milliariibus, quot libras ponderat Terra, ut potentia illa posset movere Terram per vectem, ut vult Anonymus Mathematicus; sed sufficit, si vectis cujuscunq; longitudinis dividatur in tot partes æquales, unâ amplius, quot libras continet Terra, & pars una deputetur distantiae minori, reliquæ verò partes distantiae majori attribuuntur. Si enim tunc ex distantia minore penderet Terra, & in majoris extremo premeret deorsum potentia unius hominis, moveretur loco suo Terra, quoniam maior esset proportio distantiae majoris ad minorem, quàm ponderis ad potentiam, nam suppono hominis potentiam superare potentiam seu vim deprimenti deorsum unius libræ. Idem contingeret, si loco potentiae applicaretur pondus paulò majus quàm unius
libra

libræ. Quòd si divisio parrium vectis fieret duplo minor, sufficeret dimidia longitudo vectis ad Terram movendam, tum per hominem, tum per pondus paulò majas unâ librâ.

Abstraho autem hîc, uti in præcedentibus semper, à gravitate vectis, & considero vectem ac si omni eâ careret: nam si gravitatem attribuamus vecti, adhuc minor potentia & pondus sufficit ad Terram movendam. Imò sine ullâ potentiâ aut pondere applicato moveri poterit, & etiâ per minimum vectem, saltē mathematicè loquendo, uti ex dictis cap. 6. constat.

COROLLARIUM.

EX dictis colligitur, si Problema de motu Terræ per vectem reduci posset in praxin, exactissimè & mathematicè inveniri posse gravitatem ipsius, si nimirum in brachio vectis longiore suspenderetur pondus notum quod velut antisacoma Terram sustineret, & vectem in æquilibrio constitueret. Nam sicuti distantia tunc esset in ratione reciproca ponderum, ita etiam pondera forent in ratione reciproca distantiarum. Ex notis igitur distantijs, & noto pondere antisacomatis, notum fieret pondus Terræ, per regulam Proportionum.

CAPVT OCTAVVM.

Erotemata Mochlo-Mechanica, in quibus explicatur usus & potentia mirabilis vectis in varijs Instrumentis & Machinis, alijsq; rebus passim occurrentibus.

Innumeræ panè sunt Machinæ & Instrumenta opificum, in quibus usus & potentia vectis mira elucet; multaq; alia quotidie spectamus oculis, contrectamus manibus, in quibus vim eandem mirantur quidem omnes, at pauci ejus causam inquirunt, pauciores sciunt. Certe ea talia sunt, ut Aristoteles ipse dignam ingenio suo materiam ea censuerit, unde diligenter non minùs quàm acutè in libro de Mechanicis Quæstionibus inter alias Quæstiones ea enodat. Aristolem sequuntur multi, inter quos est Baldus, Guevara, Monalholius, Blancanus, qui Mechanicas Aristorelis Quæstiones elucidant, alijsq; multi qui aliâ occasione de ijs tractant. Hos imitabimur, &

*Erotemata
Mochlo-
mechanica.*

quæcunque repererimus, in quibus vectis usus & potentia esset, & ad alias subsequentes fundamentales Machinas commodius reduci non possunt, per sequentes Quæstiones explicabimus.

EROTEMA I.

Cur hasta longa plus ponderant, si in uno extremorum quam si in medio arrepta elevantur à terra?

Hasta in uno extremo apprehensa, cur plus ponderant.

EXperientiâ quotidianâ constat, sarissas seu hastas longas, quibus hastati milites utuntur, humi prostratas facillimè elevari, facillimèq; manu sustineri in situ horizonti parallelo, aut ad horizontem inclinato, si in medio arripiantur manu, adeo ut vel uno digito sustententur; at quando in uno extremo apprehenduntur manu seu pugno, non nisi summo conatu adhibito elevari, & cum maxima difficultate teneri aut horizonti parallelas, aut ad horizontem inclinatas. Unde milites dum feriantur in obsidionibus aut excubijs, ut roboris sui experimentum faciant, & commilitonibus ostentent, eos dicto posteriore modo apprehensas vel unâ, vel etiam utrâque manu, elevant atque erigunt, donec perpendicularem obtineant situm.

Causa hujus rei ex dictis pendet de vecte. Nam quando in medio arripitur ac sustinetur hasta, manus aut digitus habet rationem solum hypomochlij, cui hastæ pondus hinc inde æqualiter divisum incumbit, ideoq; eam neutra pars hastæ alteri præponderet, nullam inter sese pugnam in manu exercet, manusque non nisi solum hastæ pondus experitur. At quando in una extremitate arrepta elevatur ac sustentatur in horizontali aut inclinato situ hasta, tunc manus subit & munus hypomochlij vectem in partes inæquales divisum sustententis, & præterea munus potentie majoris partis pugnam cum minore experientis. Sit sarissa seu hasta AB, humi prostrata. Arripatur manu in puncto medio C, & horizonti parallela manens elevetur, ac sustineatur vel in situ horizontali AB, vel in situ ad horizontem inclinato EB. Quoniam igitur partes AC,

Vide Iconis VI. Fig. VIII.

& BC,

& BC, vel EC & BC, æquales sunt inter se, æqualiterq; ponderant, nulla magis nititur deorsum (etiam in situ EB, saltem notabiliter, quamvis revera sit differentia aliqua) quàm altera, ideoque nulla magis deprimat manum quàm altera, multò minùs una deprimat hinc, altera inde elevat, sicq; nullam in manu pugnam exercent. Arripiatur iterum eadem sarissa pugno in extremitate DB. Iam dividitur in duas inæquales partes, AD majorem, & DB minorem, & eadem manus exercet munus hypomochlij, & munus potentiaë sustententis aut superantis resistantiam partis majoris AD; nam impedit descensum majoris partis, & ascensum minoris, sicque utriusq; validam sustinet pugnam. Unde constituitur vel primum, vel tertium genus vectis. Nam si dicamus, posteriorem partem manus aut pugni in B habere rationem hypomochlij supra vectem constituti, illumque retinentis horizonti parallelum, aut inclinatum supra horizontem, anteriorem autem partem ejusdem manus aut pugni in D habere rationem potentiaë elevantis; tunc constituitur tertium genus vectis, atq; adeo talis debet esse proportio potentiaë manus ad pondus sarissæ quod sustinet (vel etiam major, si illud elevet) qualis est proportio distantiaë AB ad distantiam DB. Quare si sarissæ sit decem cubitorum, & quilibet cubitus ponderet unam libram, seu duodecim uncias, & pars DB sit quinta pars unius cubiti; erit tota sarissæ AB ad partem DB, ut 50. ad 1. Igitur potentia manus in D applicata, ut sustineat hastam AB, debet esse ad illam, ut 50. ad 1, hoc est, debet exercere tantam vim, ac si 50. hastas in medio arreptas simul sustineret. Ut autem elevet manus hastam, debet habere majorem vim quàm 50. ad 1. Si verò dicamus, manum aut pugnum exercere in D munus fulcri, & in B munus potentiaë sustententis ac deorsum prementis; tunc constituitur primum genus vectis, eritque AD ad BD, ut 49. ad 1. Quare cum pars AD sit 117. unciarum cum $\frac{2}{3}$; tantam vim exercere debet manus, ac si quadragesies novies, & amplius, sustineret & elevaret pondus partis AD.

Verum tamen est, quò magis hasta elevatur, & majorem

constituit angulum ABE, eò minùs ponderare, quia perpendicularis ab extremo E cadens, non cadit in A, sed in F intra punctum A, tantoq; magis ab eo puncto removetur, quò magis hasta elevatur. Ideo hasta in situ EB constituta, & manu sustentata, non plus gravat, quàm in situ parallelo gravaret hasta FB. Quòd si perpendicularem demittas non ab extremo puncto E, sed à centro gravitatis distantia ED; in idem recidit, Ratio patet ex dictis suprà cap. 1. Proposit. 3. in Annotatione. Vnde redditur ratio, cur quò magis hasta elevatur, & ad situm perpendicularem tendit, eò semper faciliùs sustineatur, & in situ perpendiculari facillimè. Quando illam eandè rarissam non in extrema parte, nec etiam in medio arreptam tenemus, sed inter extremum & medium, minor sentitur difficultas quàm si in extremo, & major quàm si in medio tenemus, & tantò minor aut major, quantò plus aut minus ab extremo aut medio recedimus. Ratio est, quia tunc semper una pars præponderat alteri, & à manu debet utrique parti impetus imprimi, uni sursum, alteri deorsum, nè major deprimatur, & minor attollatur, Quòd si uni tantùm parti impetus imprimitur à manu, major is debet esse, quàm si simul alteri etiã imprimeretur. Hac de causa naturali instinctu hastæ de situ perpendiculari ad horizontalem vergenti, dū manu unã aut utrãque erecta tenetur, manum alteram medio hastæ ruituræ supponimus, ut casum prohibeamus.

EROTEMA II.

Cur longior hasta faciliùs curvatur, quàm brevis, si extremitas illius manu teneatur.

Proponit hanc Quæstionem Aristoteles in Quæstionibus Mechan: q. 17. his verbis: *Cur ligna longiora sunt imbecilliora? Cur quaniò ligna fuerint longiora, tantò sunt imbecilliora, & sublata magis curvantur quàm brevìa, licet illa sint his crassiora?* Causa, Aristotele etiam ad stipulante, est eadè quæ præcedentis Erotematis. Nam dum hastæ unã extremitate apprehensæ attolluntur, fiunt vectes primi, seu melius tertij generis, & quoniã

altera

altera extremitas in longiore hasta remotiore est ab hypomochlio, quàm in breviorè, magis premit deorsum, ac propterea magis incurvatur.

Sint enim duæ hastæ, ABC longa, & DEF brevis. In elevatione longioris ABC, quando manus apprehendit extremum BC, fulcimentum est in B, & potentia deorsum premens in C, in altero verò extremo A est onus elevatum, sed pondere suo deorsum tendens: In elevatione verò brevioris DEF, dum arripitur extremo suo EF, fulcimentum est in E, potentia in F, pondus in D. Quoniam igitur A plus distat à fulcimento B, quàm D à fulcimento E, majorem vim habet deprimendi ac incurvandi hastam suam A, quàm D suam. Imò tanta potest esse longitudo hastæ, alteriusvè ligni longi & gracilis, ut vi sui ponderis præcisè frangatur, si alterum extremum parieti alterivè rei immobili fuerit infixum, & tota hasta sit horizontaliter extensa. quia nimirum cum longitudine crescunt pōdus & momenta, & possunt adeo crescere, ut momenta quæ habenter ad motum hastæ, habeant majorem rationem ad motum quo illa debet moveri in fræctione, quàm sit ratio resistantiæ nè frangatur ad absolutam gravitatem ipsius hastæ.

Non nemo hanc physicam adsignat causam, cur longiores hastae faciliùs frangantur & curventur, quàm breviores, quia in incurvatione cujuscunque hastæ aut ligni, partes ad concavitatem spectantes debent distrahi ac dilatari; faciliùs autem fit compressio & distractio partium in longiore, quàm in breviorè hasta, quia in longiore pluribus partibus communicatur compressio atque distractio, ac proinde singula minùs recedunt à suo statu naturali, minùsque resistunt minori violentiæ.

Quòd si longa hasta in medio sustineatur à manu, vel ab alio fulcimento velut hypomochlio, depronatur utraque extremitas, & utraque medietas incurvantur, tantò magis, quantò longiores fuerint, Ratio est eadem quæ antea.

Vide Icon
nismi VI.
Fig. IX.

EROTEMA III.

*Cur baculi utroque extremo manibus apprehenso, si circa
ejus medium ad genu applicatur, eò facilius ille frangitur, quò magis
à medio distant manus?*

*Baculus ad
genu cur
facile fran-
gatur.*

Questio est Aristotelis in Mechanicis qq. quæst. 15. Expe-
rientia est quotidiana, vel ipso Naturæ instinctu, ut ap-
parci, quoniam simplicissimæ etiam mulierculæ, & barbari
rudesq; homines, eò artificio utuntur. Huic simile est se-
quens Erotema. *Aristoteles* pro solutione confugit ad su-
um generale machinalium motionum facilitandarum prin-
cipium (de quo infrà suo loco fusè ex professo) dicens, quia il-
lic genu quidem est centrum, hic verò pes; quanto autem quodq; à centro
fuerit distantius, id omne facilius moveatur; quod frangitur autem, moveri
neesse est. *P. Paulus Casatus* in Mechanica sua manuscripta,
juxta suum & commune earundem machinalium motionū
principium, quod eodem loco infrà examinabimus, ait cau-
sam esse, quia motus potentie extremis applicata habet ad motum com-
pressionis, distractionisq;, ac demum fractionis partium intermediarum
majorem rationem, quàm resistentia talis solidi habet ad potentiam motri-
cem, unde consequitur fractio. Quia autem quò longius fuerit lignum, hujus-
modi motus potentie habet multò majorem rationem, quàm eadem resisten-
tia ad potentiam, hinc est, minorem quoq;, potentie conatum esse adhibendū.
Sed remanet inquirendum, cur potentia velocius moveatur,
quàm resistentia aut compressio. Ego in eo casu agnosco rati-
onem vectis primi generis, & quidem duplicis. Baculus sit
ACB, qui utrimque in F & G, aut in A & B, manibus apprehen-
sus, applicetur ad genu DE, & non nihil incurvetur; medium
punctum C recedit à medio puncto genu, & puncta D & E u-
trimq; genu fortiter premunt, sicq; tam punctum D, quàm
punctum E genu fiunt fulcra, quæ dividunt duas medietates
A C, BC, in duas distantias, AD, BE majores, & CD, CE mino-
res. Si manus utraque applicetur ad puncta F & G v. g. non
frangitur baculus, quia major est proportio resistentiæ media-
rum partium baculi ad potentias F & C, quàm distantiarum
FD, GE, ad distantias DC, EC. At quando applicantur manus

*Vide Ico-
nismi VI.
Fig. X.*

ad puncta A & B, frangitur, quia major est proportio distantiarum AD, BE, ad distantias DC, EC, quàm resistantiæ partium C, ad potentias A & B. Si baculus dicto modo applicatur non ad genu, sed ad solidum aliud minus & gracilius genu, adhuc facilius frangitur baculus, quia distantia DC, EC decrescunt, & fit adhuc major proportio distantiarum majorum ad minores, quàm resistantiæ ad potentias. Sed hæc nostra ratio coincidit cum priore Casati.

EROTEMA IV.

Cir quando baculi alterum extremum manu tenemus, alterum applicamus terræ, & circa medium baculi allidimus cum impetu pedem, eò facilius frangitur, quò fuerit longior?

Vide Ieonismi VI, Fig. XI.

Baculus pede alliso cur facile frangatur.

Hujus etiam rei experientia est frequens. Aristoteles confugit ad idem suum principium. Ego in hoc etiam casu agnosco vectem duplicem primi generis. Sit enim baculus AB, cujus extremum A sit terræ applicatum, extremum verò BE manu teneatur à terra elevatum, & pedis illisio fiat circa punctum C. Erit tam terra, quàm manus, loco hypomochlij. Et quoniam, quando pes illiditur baculo in medio, incurvatur baculus, & in medio deprimitur versus terram subjectam, ideo extremum E in manu elevatur, & solum punctum B premit manus extremum, quod respicit punctum C, ideoque id solum habet rationem hypomochlij, & dividit medietatem CE baculi in duas distantias, CB majorem, & EB minorem. Quoniam igitur impetus pedis circa C illisio habet rationem ponderis potentis decurrere & frangere baculum, pondus autem eò acquirit majus momentum, quò longior est distantia CB supra distantiam EB, ideo mirum non est, eò facilius frangi baculum in medio, quò fuerit longior, quia longior fit distantia CB. Hæc solutio melius ex sequenti Erotemate intelligetur.

E R O T E M A V.

Cur baculus duobus vitris aquâ plenâ, extremitatibus suis superpositus, illâsis vitris, & aquâ non effusâ, frangitur, si alio baculo in medio validè feritur?

Experientiam sæpius factam afferunt multi, ut *Monalibolius* Commentar. in *QQ. Mechanicas Aristotelis* q. 15. *P. Leutenrecher* in *Recreat: Mathemat: Problem: 4.* & ex ipso *Schrovenzerus* in *Delicijs Physico- Mathemat: par: 10. q. 3.* *Gaspar Ens* in *Thaumatugo Mathem: Problem: 4.* & *P. Marius Bettinus* in *Ærario Mathem: To. 1. Axiomate 13. §. 5. & 6.* Causam alij adsignant nullam, alij eam non attingunt. Ego à primi generis vecte eam desumo.

Vide Iconismi VI.
Fig. XII.
Baculus vitris duobus superpositus cur frangitur, non fractis vitris.

Sint igitur duo scamna, aut fulcra quæcunque *A & B*, æqualis altitudinis, aliquot inter se pedibus distita; quibus insistant duo vitrei cyathi *C & D*, æqualis etiam altitudinis, & aquâ infusi, ut melius consistant. His superponatur baculus *EF* aridæ & friabilis materiæ, ita ut ejus extrema parum extent intra oras & ora cyathorum. Accipiatur deinde alius baculus ponderosus, eoq; medium *G* valido & celeri ictu feriat. Illicò videbis, baculum *EF* diffringi in medio, immotis & illæsis cyathis. Idem continget, si baculus *E F* duabus stipulis æquè altis è terra erectis superponatur; aut si duo conversis ad se faciebus straminis culmis baculi extrema superposita sustineant. *Causa hujus rei hæc est*, meo judicio. Cyathorum labra sunt vice fulcimentorum dividendum baculum in punctis *E & F* in duas distantias, *EG & FG* majores, *Ea & Fe* minores; impetus autem alterius baculi in medio puncto *G*, habet rationem ponderis aut potentiæ deprimentis majores distantias circa fulcra *E & F* immota, velut circa centra. Constat autè, quando in majori distantia pondus aut potentia deprimens applicatur, tantâ facilitate ac celeritate descendere majorem, & ascendere minorem distantiam circa hypomochlium immotum, ut nulla, aut vix ulla in minore distantia exerceatur resistentia. Hoc contingit in casu nostro, ergo patet propositum.

P. Marius Bettinus lo: cit: putat, distantias minores *Ea*, *Fc*, dum allisio fit in medio puncto *G*, ita attolli in altum, ut cyathorum oras non attingant; rationem adsignat, quia alioquin duæ lineæ rectæ haberent idem segmentum commune, contra 13. Axioma lib: 1. Element, Euclid. Et hanc putat esse causam, cur scyphi maneat illæsi, & aqua non effundatur. Ego ut non admodum repugno extremas illas distantias *Ea*, *Fc*, propter impetum medio afflictum, elevari, ita minimè existimo id fieri propter causam à Bettino adsignatam. Non est tamen necessarium asserere eas elevari omnino, ut in nullo puncto oras cyathorum attingant, cum tam parum eas premant ob causam dictam, ut nullum sit rupturæ aut effusionis periculum.

EROTEMA VI.

An duo pondus perticâ ferentes, æqualiter graventur?

Quando duo pondus vel humeris impositâ, vel manibus apprehensâ, ferunt onus perticæ applicatum, vel æquales sunt staturâ, vel inæquales; item vel pondus est in medio, vel non; item vel incedunt per planitiem, vel ascendunt aut descendunt declivitatem; item vel pondus est perticæ alligatum supra aut infra, vel pendet è pertica. Singuli casus peculiarem habent solutionem.

Duo ferentes pondus perticæ, at æqualiter graventur.

Dico 1. Quando ferentes pondus in pertica sunt staturâ æquales, & incedunt per planum, & pondus est in medio perticæ inter utrumque, prout est in pertica *AB* pondus *C*, sive supra, sive infra vestem, & sive pendulum, sive non; uterq; æqualiter premitur. Ratio est, quia pertica habet rationem vectis secundi generis, & uterq; gestans habet rationem potentia & fulcri respectu alterius, hoc est, si *A* est potentia, *B* est fulcrum, etsi *B* est potentia, *A* est fulcrum; ergo quando *A* consideratur ut potentia, & *B* ut fulcrum, erit ut *AB* ad *CB*, ita pondus *C* ad potentiam *A*, hoc est, pondus erit duplum potentia *A*; quando verò *B* consideratur ut potentia, & *A* ut fulcrum, erit ut *BA* ad *CA*, ita pondus *C* ad potentiam *B*, hoc est, pondus

Vide Iconismi VI. Fig. XIII.

erit duplum potentia B. Singula ergo potentia sunt ad pondus, ut unum ad duo. Singula ergo aequaliter inter se dividunt pondus, & consequenter aequaliter premuntur, id est, unaquaeque fert dimidium ponderis.

Vide Iconismi VI. Fig. XIV.

Quando ferentes pondus in pertica sunt aequales quidem staturam, & incedunt per planum, at pondus non est in medio, pro ut est in pertica DE pondus in F; tunc qui est propior ponderi, magis premitur. Sit enim vectis DE divisus in septem partes, & E habeat rationem potentia, D rationem fulcri, DF ad FE sit ut 2 ad 5; erit ut ED ad FD, hoc est, 7 ad 2, ita pondus F ad potentiam E, & permutatim ut FD ad ED, hoc est, 2 ad 7, ita E potentia ad F pondus, hoc est, potentia E sustinebit $\frac{2}{7}$ ponderis. Habeat iterum D rationem potentia, & E rationem fulcri, erit ergo ut DE ad EE, hoc est, ut 7 ad 5, ita pondus F ad potentiam D, & permutatim, ut FE ad ED, hoc est, ut 5 ad 7, ita potentia D ad pondus F, hoc est, potentia D sustinebit $\frac{5}{7}$ ponderis.

Duo muli ferentes lecticam, an aequaliter laborent.

Ex hoc colligitur, quando lectica inter duos mulos aequalis altitudinis suspensa est in medio inter utrumque, eos aequaliter gravari, quando vero non est in medio suspensa, plus gravari eum, cui lectica propior est, & tanto plus, quanto propior illi existit.

Duo equi currum trahentes an aequaliter laborent.

Quod dictum est de pondere portato, intelligendum etiam est de pondere trahendo. Si enim duo equi funibus ad transversarium temonis alligatis currum trahunt, si aequaliter ligno illi transversario (libram vocant aurigam) sunt alligati, & aequaliter a transversario remoti sunt, aequaliter onus dividunt; si vero inaequaliter alligati sunt, plus laborat qui fune brevior trahit, & transversario propinquior est. Eodem modo quando transversarium aequaliter divisum est, aequaliter laborat uterque equus; at quando inaequaliter divisum & temoni applicatum est, inaequaliter laborant, & plus ille qui est brachio brevior est alligatus, quam alter. Hinc aurigam aliqui in dicto transversario non solum faciunt foramen in medio, sed duo alia aequaliter a medio hinc & inde remota, & si alteruter equus est debilior aut defatigatior altero, clavum quo transversarium temoni adnectunt, immittunt intra foramen quod

for-

fortiori equo est vicinius, ut eâ ratione brachium, ex quo trahit debilior, fiat longius, & juvet debiliorem potentiam ei applicatam.

Dico II. Quando duo ferentes pondus è pertica suspensum non sunt æqualis staturæ, aut non incedunt per planum horizonti parallelum, sed per clivum montis, aut gradus scalares; non premuntur æqualiter, etiam si pondus suspensum sit è medio, sed magis premitur qui est humilior, aut qui in humiliori est loco. In vecte AB, in quo suspensum est pondus D è medio puncto C vectis, magis premitur, qui est in A. Ratio est, quia ut ex suprâ dictis cap: 1. Proposit: 3. Annot. 1. constat, punctum divisionis vectis AB in situ posito, non est punctum D, sed punctum E, ad quod nimirum linea directionis D E è centro Terræ per centrum gravitatis ponderiseducta cadit. Quod punctum quia est vicinius bajulo A, quàm bajulo B, ac proinde distantia A E minor est, quàm distantia BE; erit conatus A ad conatum B reciprocè ut distantia BE ad AE. Idem dicendum est, si pondus est supra vectem, ut in medio puncto K vectis HI; nam linea directionis è centro gravitatis L ad centrum Vni-versi ducta, cadit in M, & inæqualiter dividit vectem, partemque minorem relinquat versus bajulum humiliorem H. Quòd si vectis transiret per ipsum centrum gravitatis ponderis, & pondus esset in medio vectis, ut centrum responderet medio puncto vectis, nempe puncto P vectis NO; uterque bajulus semper æqualiter premeretur, etiam si inæquales essent staturâ, aut per planum inæquale & non horizontale incederent. Ratio est, quia linea directionis nunquam deviare à medio puncto vectis, & semper divideret onus in partes æquales.

Ex his patet, quid dicendum sit in dictis casibus; si pondus non est in medio. Nam si est vicinius humiliori bajulo, is semper magis premetur quàm alter: si verò est vicinius altiori, & linea directionis dividit æqualiter vectem, æqualiter premuntur: si inæqualiter dividit, & pars minor est versus altiore; magis ille premetur.

Dico III. Si pondus non est applicatum perticæ seu palan-

Vide Iconi
nismi VI.
Fig. XV.

Vide Iconi
nismi VI.
Fig. XVI.

Vide Iconi
nismi VI.
Fig. XVII.

Duo ferentes pondus humeris, aequaliter premantur.

Vide Iconismi VI. fig. XVIII.

gæ, sed ipsum immediatè utriusq; palangarij humeris incumbit, cujusmodi sunt scalæ, asseres, trabes, & similia; tunc quando palangarij æquales sunt, & per planum horizontale incedunt, ita ut axis per centrum gravitatis transiens semper maneat horizonti parallelus, æqualiter ferunt & premuntur, si sustineant onus in punctis æquè remotis à centro gravitatis: si autem sustineant illud in distantijs inæqualibus, inæqualiter premuntur, nempe plus ille, qui propior est centro gravitatis. Esto scala, aut assers AB, cujus centrum gravitatis F, axis CD, linea directionis è centro F demissa ad centrum Vniversi cadat in punctum E; à quo æqualiter distent puncta G & H. Dico, si bajuli seu palangarij supponant humeros punctis G & H, æqualiter fore premendos, quia gravitates in dictis punctis sunt reciprocè ut distantia GE, HE. At si supponant humeros punctis K & H inæqualiter distantibus à puncto E, prementur inæqualiter, quia tunc etiam gravitates in dictis punctis sunt reciprocè ut distantia, hoc est, ut distantia KE ad distantiam HE, ita gravitas bajuli H ad gravitatem bajuli K. Plus ergo premitur H quàm K. Quòd si manibus apprehensum ferant pondus bajuli in punctis M & N æqualiter à puncto L remotis, aut in punctis O & N inæqualiter ab eodem L remotis, idem quod antea dicendum est, propter causam eandem.

Vide Iconismi VI. Fig. XIX.

Si in prædicto casu bajuli sunt inæqualis stature, aut incedunt per clivum, sustentantq; humeris pondus idem AB in punctis GH æqualiter ab E distantibus, inæqualiter premuntur, nempe plus ille qui humilior est, aut sublequitur in ascensu, nempe qui sustentat dictum pondus in puncto G. Ratio est, quia linea directionis per dicta puncta ad axem CD ducta, cadit in puncta I & K inæqualiter remota à centro gravitatis F, quorum I est propius, K remotiùs; ideoq; pondus bajuli G ad pondus bajuli H, est reciprocè ut distantia KF ad distantiam IF. Idem contingit, si manibus apprehensum ferant pondus in punctis æqualiter remotis à centro gravitatis, ut consideranti patet.

COROLLARIUM.

PAtet ex dictis, quâ ratione duo inæqualis roboris, v. g. vir & puer, pondus ex pertica suspendere debeant eâ ratione, ut qui vis juxta suas vires gravetur, & non ampliùs. Sit enim vir A, qui possit ferre 100, libras, & puer B qui 20, libras ferre possit, pondusq; aliquod ferre debeant in pertica. Conjungantur duo numeri 100 & 20, fient 120. Dividatur pertica ita in duas inæquales distantias in puncto C, ut minor ad majorem se habeat ut 20 ad 100, seu ut 1, ad 5, & pondus suspendatur ex puncto C; gravabitur puer ut 20, & vir ut 100, seu puer ut 1, & vir ut 5, nã ut AC ad BC, ita conatus pueri B ad conatû viri A.

Vide Iconismi VI, Fig. XX.

EROTEMA VII.

Vnde oriuntur forcipum & forficum vires?

QUod attinet ad forsipes, quæstionem proponit *Aristoteles* in Mechanicis QQ. quæst. 21, & 22. vel ut alij, quæst. 22. & 23, ubi agit de Dentiforcipe, & de Instrumento Nucifrago, quorum utrumq; habet forcipis formam. Forcipe autem utimur ad aliquid apprehendendum, commovendum, & extrahendum. Quærit igitur *Aristoteles*, cur Medici faciliùs eximant dentes forcipe, quàm solâ manu; & cur nutes absque ictu faciliè confringantur instrumento nucifrago; respondetq; causam esse, quod in utroque instrumento, atque adeo in omni forcipe, interveniat usus vectis, & quidè duplicis,

Forficum & forcipum vires unde oriuntur.

Sit forceps ABCDE, constans duabus partibus, AED, BEC, conjunctis clavo in E, circa quem aperiri & claudi possunt. Utraq; pars habet rationem vectis, & clavus E rationem hypomochlij, in A & B applicatur manus comprimens tanquã potentia movens, in C & D res comprimenda, ac movenda tanquam pondus; & quando deprimitur AE, attollitur ED; quando attollitur BC, deprimitur EC; E verò est centrum circa quod moventur bini vectes, atq; adeo est commune utriusque fulcimentum. Quantò autem longiora sunt brachia AE, BE, aut breviora brachia CD, DE; tantò majorem vim habet potentia in A & B applicata, & tantò majore vi constrin-

Vide Iconismi VI, Fig. XXI.

gitur res inter extrema C & D; quia ut distantia AE, BE, ad distantias CE, DE, ita potentia ad resistivum. Et præcipua quidē vis, & vectis propria in forcipibus, consistit in compressione rei comprehensæ inter extrema C & D; unde si major est proportio potentia ad resistantiam rei compressæ, quàm distantiarum CE, DE, ad distantias AE, BE, sequitur fractio & comminutio, ut in nuce. Cæterum quando res apprehensa forcipe extrahitur secundum lineam rectam, nullus intervenit usus vectis in extractione, sed solum in compressione rei. Quando verò clavus extrahitur forcipe à tabula, tunc facta apprehensione & constrictione clavi, curvitas *m* innitit tabulæ, & constituitur ibidem hypomochlium partis AED (prout supra diximus cap: 1. Proposit: 2. agentes de vecte habente angulam pro hypomochlio) quæ sola tunc rationem vectis habet respectu extractionis: nam dum deprimitur A, elevatur D, simulque clavus apprehensus, indeque sequitur extractio; altera verò pars BEC nihil facit, nisi ut juvet ad compressionē ac detentionem clavi inter extrema C & D. Eo ergo modo extrahimus clavum forcipe, quo extrahimus eundem malleo dum averfam mallei partem, quæ plerumq; fissuram habet, supponimus clavi capiti, & intra fissuram complectimur, & in contrariam partem manubrium mallei retrahentes elevamus clavum.

Ad forfices quod attinet, reperiuntur similiter in ijs duobus vectes in contrariū moti, habentes commune hypomochliū in puncto connexionis; neque differunt à forcipibus in ordine ad augenda potentia momenta: quo enim majorem rationem habet longitudo brachiorum quibus applicatur potentia motiva, ad longitudinem brachiorum quibus applicatur corpus scindendum, eò facilius scindunt. Ideo forfices, quarum usus est in ijs scindendis quæ parum resistunt, ut sunt chartæ, panni, & similia, breviora habent brachia quibus applicatur potentia, longiora quibus rescinditur; quia propter exiguam resistantiam rei scindendæ faciliè etiam in distantia minore potentia à puncto connexionis obtinetur id quod inten-

intenditur, nempe divisio ac scissio. At forfices quibus ad duriora scindenda utimur, longiora habent brachia illa quibus potentia applicatur, alia verò quibus vis scindenda inest, breviora; quia opus est ut momenta potentiae valde augeantur in ordine ad resistantiam vincendam. tales sunt forfices quibus ad aereas vel ferreas laminas scindendas utimur. Atq; ex his patet, cur in omnibus forficibus prope connexionis punctum, ubi valde dilatantur forfices, fiat validior scissio, & minori conatu, quia nimirum tunc est minor corporis scindendi distantia à fulcro, adeoque crescit distantia potentiae, decrescit distantia resistitivi; crescente autem distantia potentiae à fulcro, & decrescente distantia resistitivi ab eodem, crescit vis potentiae, & minuitur vis resistitivi.

EROTEMA VIII.

Qua virtute remiges remis propellunt navim? Et cur plus promovent eandem remiges qui in media navis sedent.

AD primum respondet *Aristoteles* quæst. 4. aut 5. Mechan. Ad fieri virtute vectis, quia remus vectis fit in remigando. Idem asserimus nos cum alijs communiter, sed in hoc discrepamus ab *Aristotele*, quòd ille putet remum esse vectem primi generis, & remigem uni extremo intra navim constituto applicatum, esse potentiam moventem, mare cui immergitur alterum remi extremum, quæ palmula dicitur, esse pòdus motum, & scalmum cui alligatus est remus, esse hypomochlium; nos verò cum alijs putamus, remum esse vectem secundi generis, & navim cum scalmo alligatam remo esse pòdus, aquam palmulæ scissioni resistantem esse hypomochlium, remigem deniq; potentiam motricem seu promotricem. Verum quid est, si aqua remo movenda esset, navim cum scalmo fulcrum fore, & aquam pondus; at hoc non quæritur remigando ut aqua moveatur, sed ut navis provehatur. Melius ergo statuitur remum esse vectem secundi generis, propter causam paulò antè dictam; habet enim pondus, id est, navim inter potentiam & fulcrum. Hinc fit manifestum, momentū

*Remiges
qua virtute
navim pro-
pellant re-
mis.*

potentiæ, hoc est, remigis, ad momentum ponderis, hoc est, navis, in remi usu se habere ut motum utriusque; motus autē sunt ut distantia ab aqua, hoc est, ut distantia capitis remi ab aqua, ad distantiam scalmi ab eadem aqua, videlicet à suprema superficie aquæ, nam pars remi aquæ immersa debet censi abscissa, quia suprema superficies est centrum motus remi ceu vectis. Hinc quò major pars remi immergitur aquæ, eò fit remus brevior. Sed hoc detrimentum abundè suppletur eâ ipsâ immersione; quia ex hac majori immersione oritur major aquæ resistentia ad scissionem per palmulam, magisq; accedit ad rationem fulcri, quod ex natura sua petit esse immobile. Vnde etiam sequitur, quòd minùs cedente aquâ ceu fulcro, navis magis promovetur, cæteris paribus.

Ex his quæ diximus, sequitur, si tantundem remi est inter scalmum & remigis manum, quantū inter scalmum & aquā, remigem unum percipere solū dimidiam resistentiam navis, & æquivalere duobus qui navim trahentes illam æquali motu moverent, posito quòd aqua suo cursu non adversatur motui navis; si verò major est distantia remi inter scalmum & remigem, quàm inter scalmum & aquam, minorem resistentiam experitur remex; si minor, majorem.

Remiges in medio navis sedentes plus promovent navē, quàm alij.

Ad secundum quæsitum, ut respondeam cum Aristotele, sciendum est, quamvis tota navis, & omnia quæ in ea sunt, uno communi & æquali motu moveantur, non tamen omnes remiges æqualiter conferre ad illius motum, nec omnes æqualem subire laborem, sed eos qui sedent in medio navis, plus promovere, & minùs laborare, qui verò circa puppim aut proram sedent, minùs promovere, & laborare plus. Ratio autem hujus rei est, quia navis circa medium latior est, ac depressior, quàm circa puppim aut proram, ideoque citra incommodū potest major pars remi intra navim retineri, & aquæ vicinæ potest palmula magis immergi, unde fit ut propter majorem resistentiam, quâ aqua palmulæ resistit, navis etiā magis promoveatur, & ut remiges, propter majorem rationem distantia potentia à fulcro ad distantiam ponderis ab eodē, facilius











Fig. X.




Fig. XI.





Fig. XII.

BO
LILLE



id præsent. At qui circa puppim sunt, quia ibi propter navis spatium angustius, & majorem altitudinem, minor remi pars intra navim continetur, & major est extra, & tamen propter navis altitudinem parum intra aquam immergitur, ideoque distantia potentia ad distantiam oneris à fulcro habet minorem rationem, ac proinde potentia minùs momenti obtinet; plùs conari debent, & tamen minùs efficiunt. Hinc est, quòd ad puppim fortissimi remiges collocantur. Qui denique circa proram sunt, quoniam ibi mediocris est navis altitudo, mediocriter respectu priorù navim promovent, & minùs quàm posteriores laborant.

EROTEMA IX.

*Cur modico gubernaculo magna naves exiguâ potentia
tam facîle moventur?*

Gubernaculum navis, seu temo, est instrumentum in extrema navis parte, seu puppi affixum, quale in præsentì figura est ABE, constans tabella BE, & manubrio AB; & tabula quidè affixa est exteriùs navi cardinibus C & D, circa quos vertitur, manubrium verò intra navim recipitur, & à gubernatore navis ad clavum (sic enim vocatur etiam) sedente arripitur extremitate suâ A; & dum navis progreditur, circumvertitur vel ad dexteram navis, vel ad sinistram, prout res exigit; ex qua conversione navigium, quòd vult ipse gubernator, dirigitur, quantum vis magnù sit, & magnis ponderibus onustum. Quæritur hujus rei causa.

Aristoteles ait, causam esse, quòd temo sit vectis primi generis, in quo potentia sit in A, pondus sit aqua, hypomochlium navis cui affixus est temo. Ego cum alijs communiter dico, temonem esse vectem secundi generis, & potentiam esse in A, ubi à gubernatore arripitur & circumvertitur, hypomochliù esse aquam cui immersa est tabula BE, pondus denique esse navim cui affixa est tabula cardinibus suis C & D. Dum enim A vertitur ad dexteram navis, tabula BE vertitur ad sinistram; in quo situ dum tenetur immobiliter, eiq; resistitur ab aqua,

Vide Iconismi VII.
Fig. I.
*Gubernaculo modico
cur magna
naves promoventur.*

tota navis eidem affixa transfertur à manubrio in dexteram partem. Contrario motu movetur navis ad latus, si manubrium ad sinistram vertitur.

Multum tamen ad conversionem navis facit aqua in tabulam BE obliquatam impingens. Dum enim navis progreditur, seu remis, seu vento promota, versus F, pars FG scindit aquam; hæc scissâ ac divisa incurrit utrimque in latera navis, ut post navim iterum concurrat; interim dum tabula BE ad sinistram v.g. navis partem versa est, & manubrium ad dexterâ, aqua divisa occurrit tabulæ BE, & inter navis latus dexterum & dictam tabulam BE obliquatam coarctatur, & impeditur à fluxu ad navis posteriora, sicque violentè obliquat navim versus sinistram, versus quam manubrium AB respicit.

EROTEMA X.

Cur quantò sublimior est antenna in malo navis, eò celerius movetur navis, cæteris etiam paribus?

Vide Iconismi V II.
Fig. II.
Navis cur eò celerius movetur, quantò antenna altior est.

SIt navis AB, malus CDE per totam navim à supremo tabulato ad fundum usq; porrectus, antenna FCG, velum FHG. Experienciâ constat, quantò altior est antenna FCG, manente eodem vento & velo, tantò celerius navim promoveri. Quæritur hujus rei causa.

Aristoteles & alij communiter ajunt, causam esse, quòd malus habeat rationem vectis secundi generis, in quo ventus velum implens est potentia, navis est pondus, imum navis ubi E, hypomochlion. Quantò autem altior est antenna, tantò magis distat potentia ab hypomochlio, ideoque majori vi navim per aquam liquidam atque cedentem propellit.

EROTEMA XI.

Cur in tollenone ligno transversò adijcitur pondus, ut à qua facilius è puteo hauriatur?

Vide Iconismi VII.
Fig. III.

Tolleno est machina juxta puteos constructa ad aquas hauriendas, sic dicta fortassis à tollendo, quia aquam è puteo in altum tollit. Constructur prout apposita figura monstrat, in qua

qua puteus est F, AB est lignum seu trabs valida perpendiculariter erecta, CBD est hasta transversa, circa clavū B intra cre-
nam trabis sursum ac deorsum mobilis; cuius extremo C in-
cumbit pondus non modicum G, extremo verò D appensa
est catena aut funis DE, eum situla E. Dum igitur situla cum
fune intra puteum demittitur, hastæ transversæ brachium BD
descendit versus puteum, & brachium CB cum pondere G
ascendit; dum verò situla cum fune extrahitur è puteo, BD
ascendit, & CB cum pondere descendit. Quæritur, cur trans-
verso ligno CBD adijciatur pondus G, cum id situlæ demissi-
onem non juvet, sed impediatur potius?

*Tollenoniam
transversæ
trabi cur
pondus adij-
ciatur.*

Respondet Aristoteles quæst. 28. aut 29. in haurienda è pu-
teo aqua duos intervenire motus situlæ, unum demissionis ac
immersionis situlæ, alterum extractionis. Impedit quidem
pondus G descensum & immersionem situlæ, quæ facilius à
potentia illo remoto demitteretur ac mergeretur; at juvat ex-
tractionem. Nam hasta transversa CBD constituit vectem pri-
mi generis, in quo hypomochlium est clavus B, potentia funi
DE applicata debet deprimere & attollere situlam. Pondus D
impedit quidem depressionem ac demersionem, at juvat ex-
tractionem, quia gravitate suâ deorsum nitens deprimit bra-
chium BD, sicque juvat potentiam in attollendo, in quo situs
est præcipuus labor hauriendæ aquæ.

Alia multa quæ de vectis usu, utilitate, viribus, instrumen-
tisque ad vectem reductis dici possent, omitto, & ad Axem in
Peritrochio, quæ secunda est fundamentalium Machinarum,
stylum converto. Sit itaque

SYNTAGMA TER- TIVM.

De Axe in peritrochio, Succula, & Ergata,
corumque viribus in attollendis ac trahendis ponde-
ribus, ponderumque cum potentijs motricibus
proportione,

Machinae quas hoc Syntagmate declaraturi sumus, immediate à vecte dependent, imò aliud nihil sunt quàm perpetui quidam vectes, ut manifestè patebit infra. Meritò ergo post vectem de ijs sermo instituitur. Pappus Alexandrinus in fine libri 8. Collectionis Mathematicae inter quinq; fundamentales Machinas, ut in Proœmio huius Libri diximus, numerat Axem in peritrochio quem omnes Mechanicæ Scriptores sequuntur. Huic Machinae haud absimiles sunt Succula, & Ergata; imò aliud nihil sunt quàm axis in peritrochio sine peritrochio seu rota. Ingens est harum trium (vel potiùs unius) vis & potestas in ponderibus immanibus & colossicoteris, ut Vitruvius loquitur, attollendis, aliter vè de loco in locum transferendis. De singulis ordine agemus; brevis tamen quàm in præcedente Syntagmate de Vecte, quoniam quæ ibi de proportionibus inter pondus & potentiam, inter utriusq; motum, & motuum velocitates ac spatia demonstravimus, hîc etiam locum habent, quoniam vectis rationem habent hæc Machinae.

CAPVT PRIMVM.

De Axe in peritrochio, e jusq; viribus, & usu.

DE Axe in peritrochio hæc pauca tradam. Primò, ejus formam, & usum declarabo: secundò eum esse vectem perpetuum probabo: tertio, quæ sit in ejus usu proportio potentiae ad pondus demonstrabo: quarto, aliam formam & usum, ejus declarabo: quinto denique, quanta ejus sit potentia, ostendam.

MEMBRUM I.

De forma, & usu Axis in peritrochio.

Pappus Alexandrinus loco paulò antè citato, & alij ex ipso, eâ formâ, quam præsens figura monstrat, depingit. Axem in peritrochio. A B est axis, hoc est, cylindrus seu columna rotunda, E & F sunt clavi ferrei teretes & fortes, centro basium axis profundè & immobiliter infixi, & crenis seu foraminibus pegmatis FGH inserti, ut situm horizonti parallelum habeat axis. CD est tympanum seu rota lignea axi circumposita, quam peritrochium Græci appellant, unde & tota Machina Axis in peritrochio appellatur. Radij NC, PR, QS &c: sunt baculi teretes, tympani peripheriæ in æquali inter se distantia infixi quos Aristoteles in Mechanicis quæst: 13. aut 14. collopes, alij scyталas appellant. Nos radios, & collopes, & scyталas, eos appellabimus. Axi alligatur funis IK (quem dufarium appellant) & ad pondus usque L demittitur, eiq; circumligatur. Hæc est fabrica. Sequitur usus.

Vide Iconisimi VII. Fig. IV.

Axis in peritrochio forma, & usus.

Potentia movens, v. g. manus hominis applicatur radijs QS, PR, NC, &c iisque circumducit tympanum CD, & cum tympano infixum firmiter axem AB; quo circumducto, funis IK circa axem convolutus ascendit, secumque trahit pondus L sibi colligatum.

Lubet nunc Pappi descriptionem, ex Federici Commandini interpretatione, subiungere. *Axis igitur in peritrochio hoc modo constructur. Lignum accipere oportet firmum, quadratum perinde ac tignum; ejusq; extrema contorquentes rotunda facere, & choimicidas circumponere æreas coagmentatas axi (ferreos & teretes clavos supra nos vocabimus) ita ut injecte in foramina rotunda in immoto quodâ pegmate expedite vertantur, cum foramina habeant reſeis æreos choimicidibus subjectos. Vocatur autem id lignum, quod dictum est, Ax; & circa medium axem circumponitur tympanum, habens foramen quadratum axi congruens, ut eodem tempore & axis & peritrochium vertatur. Constructio igitur declarata est. Usus autem est qui dicitur. Cum enim volumus magna pondera minori vi movere, alligatas ad pondus junas circumponimus circa depressas partes axis, & in foramina que sunt in peritrochio injicientes scyталas, draucnetesq; peritrochium converterimus, & ita facile pondus a minori potentia no-*

uebitur funibus circa axem conuolutis, vel etiam ab aliquo collectis, ut ne toti axi circumponantur. Dicti autem Instrumenti magnitudinem quidē congruere oportet ijs, quæ mouenda sunt, ponderibus. Symmetriam uero ad rationem, quam habet motum pondus ad potentiam mouentem. Hactenus Pappus.

ANNOTATIO.

Non est necessarium ut pegma, cui Axis incumbit, sit eo modo constructū, quem præcedens figura exhibet, sed alijs etiam modis componi potest, pro artificis arbitrio, dummodò extremitates axis duobus hinc & inde fulcrorum foraminibus inserantur, ut in ijs facile & sine magna resistentia uerti possint. Quem in finem præstat & axis extremitates dictas, & foraminum cavitatem, ferro aut orichalco uestiri, ut ubi opus fuerit, oleo infici ad motum facilitandum queant.

Procurandum præterea est, ut omnia pro ratione ponderum sint ualida, axem dico ipsum, fulcra quibus incumbit, funis cui pondus alligatur, sicut alæ seu radij in tympano, aliq, ut pondus sustinere possint. Præterea cauendum est, ne tota Machina a pondere tracto in præceps trahatur, prout non semel contigit: quare firmanda bene suo loco est. Usus quotidianus plura docebit.

MEMBRVM II.

Axis in peritrochio est uectis primi generis, & quidem perpetuus.

Vide Isonismi VII. Fig. V. Axis in peritrochio est uectis primi generis.

Primum ut ostendā, sit in apposita figura Axis, seu potius basis Axis, ABC, cuius diameter sit BC, & centrum E. Sit præterea tympanum seu rota circa Axem, FGH, circa idē centrū E, in cuius circuitu infixæ sint scytalæ seu radij HI, PO &c: Tandem ex Axe dependeat funis BL, cum pondere K, scytalæ uero seu radio HI sit applicata potentia in I, aut ex I dependeat alius funis cum pondere R. Concipiatur nunc recta linea BECHI, horizonti parallela, & potentia seu pondus in I deprimat deorsum radium HI, & consequenter totum tympanum & Axem circa centrum E convertat, donec linea BECHI habeat situm NEO. Vtiq; funis circa axem conuolutus attolletur, & punctum B funis erit in N, & consequenter pondus K ascendet, & punctum ejus L promouebitur usq; ad M. Linea ergo

ergo BEI, atq; adeo totus axis in peritrochio, habet rationem vectis primi generis, in quo pondus est in extremo B, potentia in extremo I, hypomochlium in E inter potentiam & pōdus: nam BEI dividitur à puncto E in duas distantias, BE, & IE, & tota BEI convertitur circa immobile punctum E, & in tali conversione brachium EI cum potentia descendit, brachium verò BE ascendit; quod proprium est vectis grimi generis. Axis ergo in peritrochio vectis est primi generis.

Secundum, quod vectis perpetuus sit, ostendo sic. Dum recta BEI, circa immobile punctum E tanquam circa hypomochlium convertitur, & transfertur in situm NEO, pondus K elevatur per spatium LM, tantum scilicet, quantus est arcus BN, & non ultra; quare si eodem vecte BEI, hoc est, NEO ulterius elevari deberet, necessariū foret ut pondus ad M, hoc est, ad N usq; translatum firmaretur ibidem, & hypomochlium E similiter promoveretur & ascenderet usque ad punctum X, & vectis iterum supponeretur puncto N, ut acquireret situm NXY. Eadem operatio sæpius ac sæpius iteranda foret, ut tandem pondus K per plures & iteratas vices elevaretur ad desideratum locum. Quod utiq; incommodissimum foret, & magni laboris ac temporis opus. Huic incommodo ut obviam iretur, inventa est præfens Machina, in qua infiniti quasi vectes uniuntur, & perpetuatur operatio sine ulla interruptione. Nam postquam recta BEI, quæ est veluti unus ac primus vectis in operationis initio, est in situ NEO, & pondus est jam ad aliquod spatium elevatum; linea QET acquirit situm BEI, & constituit alium vectem, supponendo extremum suum punctum Q puncto B; & dum potentia in altero extremo applicata deprimat scytalam, ut dicta linea acquirat etiam situm NEO, ascendit pondus iterum ad tantundem spatij, idq; continuò, & sine ulla interruptione per depressionem aliarum scyularum seu radiorum. Patet ergo, Axem in peritrochio esse vectem perpetuum.

*Et quidem
perpetuus.*

ANNOTATIO I.

Non sola lineæ BEI , NEO &c. habent rationem vectis in presenti machina, sed tota Machina ex rota seu tympano, & ex axe seu cylindro conflata; rotâ enim cum axe conversâ circa centrum E , convolvitur funis circa cylindrum, & fune convoluto attrahitur pondus. Et quoniam ad continuam conversionem fit convolutio & attractio continua, continuus vobis usus in illa conversione intervenit.

ANNOTATIO II.

Axem vocavimus in hac Machina totum cylindrum tympano infixû, Pappum & alios imitati, non nescij axem alioquin in cylindro vocari lineam rectam duo basium centra connectentem.

ANNOTATIO III.

UT vectis primigeneris per Axem in peritrochio perpetuetur ope ponderis R ex majori distantia appensi, necesse est chordâ ex qua pondus R dependet, non alligari scytala HI , sed circumponi circa extremam rotæ circumferentiam FHG , ut sicut in conversione Axis chorda BL semper tangit Axem in puncto B , sic chorda IR semper in conversione rotæ tangat eam in puncto H ; volo dicere, ut semper duæ dictæ chordæ tangant Axem & rotam in duobus punctis diametraliter oppositis, quæ connectat recta linea per centra E transiens, & horizonti parallela.

MEMBRVM III.

De proportione potentia ad pondus in prædicta Machina.

PROPOSITIO I.

Potentia pondus suslinens Axe in peritrochio, ad pondus, eandem habet proportionem, quam semidiameter Axis ad semidiametrum tympani unâ cum scytala tympano infixa, quoties potentia & pondus sunt applicata in eadem recta linea horizonti parallela.

Vide Iconisimi VII. Fig. V. Proportio potentia ad pondus in axe in peritrochio.

VT in præcedenti Figura, si pondus K ex puncto B suspensum sustinetur in æquilibrio à potentia I , aut à pondere R ex I suspensio, potentia in I ad pondus in B ita se habet, ut BE ad IE . Demonstrat id *Guidubaldus* Proposit: I. de Axe in peritrochio, & constat ex dictis ac demonstratis supra Syntagm: I. cap: 4. Proposit: 5. & 6. & Syntagm: 2. cap. 1. Proposit: 3. & 4. Itaque

si BE est subsextupla ipsius IE, erit potentia in I subsextupla ponderis in B, hoc est, habebit se ad pondus, ut 1. ad 6, adeoque potentia ut 100, poterit sustinere pondus 600.

COROLLARIUM.

Colligitur hinc, potentiam in prædicto casu semper minorem esse pondere, quia semper semidiameter Axis minor est semidiametro tympani.

PROPOSITIO II.

Si potentia est applicata in Z, aut alio quocunq; radio distincto à radio HI, & sustinet pondus; tunc potentia ad pondus habet eam proportionem, quam semidiameter axis ad lineam perpendicularem, que cadit à centro axis in perpendicularem potentia.

Sit ut antea pondus applicatum in B, potentia verò sit applicata in Z, quæ pondus sustineat; aut ex Z pendeat aliud pondus D æquilibrium faciens cum pondere ex B suspenso; & ex Z demittatur perpendiculum ZD, ad quod ex Axis centro E educatur perpendicularis EI, secans perpendiculum ZD in puncto H. Dico, potentiam in Z esse ad pondus in B, ut est BE ad EH. Ratio patet ex dictis Syntagm: I. Proposit: 7. in Annotatione; nam potentia in Z tantam vim habet, ac si applicata esset in H, & pondus B sustineret.

Vide Iconisimi VII.
Fig. V.

COROLLARIUM I.

ITaq; datis, potentiâ I vel Z, semidiametro axis BE, & distantia EI, vel EH, ad inveniendas vires potentiarum in I vel Z, aut invenienda pondera R & D ex I & Z suspensa, institui debet calculus per Regulam Trium ut sequitur. Sit BE partis I, quarum EI est 6, & EH 5, pondus verò K sit 600. Fiat ut EI 6, ad BE 1; ita 600 ad 100. Itaque potentia in I est 100. Iterum ut EH 5, ad BE 1, ita 600 ad 120. Itaque potentia in Z debet esse 120 respectu ponderis K sustentati

Vide Iconisimi VII.
Fig. V.

COROLLARIUM II.

Colligitur hinc, potentiam in prædicto casu non semper minorem esse pondere, quia non semper semidiameter Axis

Y

minor

minor est perpendiculari ex centro Axis ad potentia perpendiculari ductâ, quia perpendicularum potest cadere supra ipsum axem.

ANNOTATIO.

Vide Iconisimi VII.
Fig. V.

St in Z est applicata potentia inanimata, prout est pondus D ex Z suspensum, absolute sunt vera quae diximus in hac Propositione. At si potentia animata est applicata in Z , tunc solum est verum quod diximus, quando ea perpendiculariter secundum lineam ZD degravat. At si ita degravaret, ac si circulariter movere vellet scytalam manu apprehensam; tantum potest potentia in Z , quantum in I , quoniam eandem proportionem habet ZE ad BE , quam habet IE ad BE .

PROPOSITIO III.

Ut potentia per Axem in peritrochio moveat pondus sursum, debet esse major quam potentia sustinens.

Colligitur ex dictis supra Syntag: I. & patet ex se, quia plus requiritur ad motum ponderis, quam ad sustentationem tantum; nam potentia movens debet vincere resistentiam ponderis, potentia vero sustinens debet tantum adaequare eandem.

Corollaria ex tribus precedentibus Propositionibus.

Vide Iconisimi VII.
Fig. V.
Corollaria varia de Axem in peritrochio.

I. **M**ajor debet esse proportio distantiae potentiae à centro Axis ad semidiametrum Axis, quam ponderis moti ad potentiam moventem. Sic in precedenti Figura, ut potentia in I applicata moveat pondus K , debet esse major proportio distantiae IE ad BE , quam ponderis K ad potentiam, aut ad pondus R ; & ut potentia in Z applicata moveat idem pondus K , debet esse major proportio distantiae HE ad BE , quam ponderis K ad potentiam, & ad pondus D .

II. Ut potentia quae sustentabat pondus, idem moveat, debet vel crescere potentia manens eodem loco applicata, vel debet crescere distantia ex qua applicatur potentia. Sic ut potentia in H , sustinens pondus K , moveat illud, debet vel fieri major illa potentia, vel debet applicari in I .

III. Quò major est distantia potentiae applicatae à centro Axis ad semidiametrum Axis, eò minor requiritur potentia tum ad sustentandum, tum ad movendum pondus, licet, quò magis

magis eadem potentia remouetur à centro Axis, eò facilius sustentat pondus. Item quò minor seu gracilior fit Axis, eò minor cæteris manentibus requiritur potentia; & quò major seu crassior fit Axis, eò major potentia requiritur cæteris itidem manentibus.

IV. Vnde si funis convolutus circa Axem in attractione ponderis, excipiat sequentem funem in ulteriori attractione, ita ut spiræ præcedentes tegantur à spiris subsequentiis; crescit difficultas movendi, quia crescit semidiameter Axis; nam Axis crassitiem componit tunc & ipse Axis, & funis circa Axem convolutus.

V. Quando potentia movet pondus, est ut distantia potentia à centro Axis ad semidiameterum Axis, ita motus potentia ad motum ponderis. Nam dum pondus ex B movetur in N sursum, potentia ex I movetur in O deorsum. Patet ex dictis supra Syntagm: I. cap: 4. Proposit: 7. Itaque etiam perpendiculara motum ponderis & potentia, sunt in dicta proportione. Patet ex dictis ibidem Coroll. I. Consequenter etiam velocitates motum sunt in eadem dicta proportione, ut ex iisdem dictis patet.

Vide Iconismi VII.
Fig. V.

VI. Motus potentia ad motum ponderis & spatium motus potentia ad spatium motus ponderis, & velocitas motus potentia ad velocitatem motus ponderis, majorem proportionem habent, quam pondus ad eandem potentiam. Patet ex proxime, & ex supra dictis.

VII. Quò major est distantia potentia à centro Axis, & consequenter quò major est circulus Z T I O &c: circa scytalarum extremitates descriptus, eò majus tempus in pondere attollendo requiritur, posito quòd potentia æquali moveatur velocitate ut antea, quando vicinior erat centro. Itaq; eodem tempore punctum I & punctum H moventur inæquali velocitate, & eò velocius movetur unum quàm alterum, quò majorem describit circulum unum quàm alterum.

Vide Iconismi VII.
Fig. V.

VIII. Atq; ex his quæ diximus hætenus, sequitur manifestè, quò facilius pondus movetur ab eadè potentia, eò majus esse tempus in quò movetur; & quò difficilius, eò minus tempus esse; & è converso.

ANNOTATIO.

Vide Iconismi VII.
Fig. VI.

Sl in præsentī figura pondus *I*, pendens ex puncto *H*, potens est circumvertere rotam, & elevare pondus *G*; idem pondus *I*, si suspenderetur in puncto *F* ex chorda *FM*, quæ secaret semidiametrum rotæ *EH* in puncto *N*, non posset convertere rotam, & attollere pondus *G*. Ratio est, quia non plus posset, quàm si penderet ex puncto *N*. Si tamen in puncto *F* applicaretur potentia animata æqualis ponderi *M*, quæ impetum rotæ imprimeret, non secundum lineam perpendicularem *FN*, sed secundum contingentem *FL*, facientem cum semidiametro *EF* angulum rectum; posset rotam convertere, quia tunc censeretur applicata in puncto *F*, & non in puncto *N*; *FE* autem ad *BE* habet eandem proportionem, quàm *HE* ad *BE*. Eodem modo si funis *FN* incumbere rotulæ *L* in tali situ, ut *FL* faceret angulum rectum cum *FE*; pondus *X* æquale ponderi *I* aut *M* posset movere rotam.

MEMBRUM IV.

De alia forma & usu Axis in peritrochio.

Axis in peritrochio alia forma, & usus.

Axis in peritrochio hætenus descriptus requirit in usu suo situm horizonti parallelum, & pondus elevatur sursum. Potest idem Axis disponi, ut habeat situm horizonti perpendicularem, & pondus moveatur vel per planum horizontale, vel per clivum montis aut aggeris.

Vide Iconismi VII.
Fig. VII.

Sit in præsentī figura Axis *CD*, horizonti perpendicularis; cujus basi infixus sit clavus teres & fortis *F*, volubilis intra foramen trunci *K*: Circa Axem *CD* sit tampanum *AB*, cujus centrum sit *E*, idem videlicet quod Axis centrum; & circa tympani peripheriam sint dispositi radij, plures, aut pauciores, prout libuerit, aut necessarium fuerit. Si Axi seu cylindro *CD* alligeretur funis *GH*, & funi alligetur pondus *I*, & potentia quædam animata (inanimata hîc locum non habet) arreptis radijs, aut aliâ ratione, vertat totam, & cum rota cylindrum; funis adglomerabitur cylindro, & pondus *I* attrahetur versus cylindrû, sive planû horizontale fuerit in quo pondus jacet, sive acclive.

Ratio hîc eadem est quæ antea. Nam rota cum Axe constituit vectem primi generis, in quo hypomochlium est centrû *E* cylindri & rotæ; distantia major est *EB*, cujus extremo *B* applicatur potentia; distantia minor est *CE*, cujus extremo *C* applicatur

plicatur pondus. Quare si proportio BE ad CE major fuerit, quàm ponderis ad potentiam, sequetur motus ponderis, tantò faciliùs, quantò longior fuerit distantia EB supra distantiam CE &c. quæ in Corollarijs præcedentibus dicta sunt.

MEMBRVM V.

De potentia seu viribus Axis in peritrochio.

Vide quæ dicimus infra de potentia seu viribus Succulæ, & Ergatæ; eadem enim est in omnibus ratio.

Axis in peritrochio vires.

ANNOTATIO.

Rota molendinorum, in quarum circuito dispositæ sunt pinne seu præminentes palmulæ, in quas aqua vel cum impetu cadens, vel incurrens, rotam cum inserto sibi cylindro circumagitur, habent rationem Axis in peritrochio, siue rotarum cylindri situm habeant horizonti parallelum, siue perpendiculari. Nam distantia ab extremitate pinne usq; ad centrum rotæ & cylindri habet rationem majoris brachij vectis, semidiameter cylindri est minus brachium, centrum est hypomochlium, aqua est potentia, resistivum motui est pondus.

Rota molendinorum habent rationem axis in peritrochio.

CAPVT SECVNDVM.

De Succula, ejusq; usu in attollendis ponderibus.

Succula est Axis sine peritrochio, & constat cylindro KE, Scum polis seu ferreis ac teretibus clavis A & B, basium centris infixis firmiter ac immobiliter, ut binorum hinc & inde dispositorum fulcrorū foraminibus & crenis imponi possint. Cylindro adnectitur funis MN, & funi alligatur pondus O; qui funis ex cylindri conversione circa polos suos intra fulcrorū foramina, cylindro circumvolvitur; unde oritur ponderis elevatio: quantum enim funis ex illa conversione circa cylindrū voluitur, tantum ascendit pondus. Sed ad augendas vires trahentis, infiguntur cylindro circa unam aut utramq; extremitatem radij HE, FE &c. quibus manu arreptis cylindrus voluitur, ut videre est passim in torno quo aquam ex puteis haurimus. Eò autem faciliùs cylindrus circumvolvitur, & pondus attollitur, quò longiores sunt prædicti radij: habent enim rationem vectis primi generis. Quod ut intelligas, cogita punctum

Vide Iconismi VII. Fig. VIII. Succula forma & usus.

E esse in ipso axe seu medio cylindri, & radium FG transire per illud punctum, & per punctum P in cylindri superficie extrema. Portio igitur FEP , vectis est primi generis, cujus hypomochliū est punctum immobile E , brachium majus FE , brachium minus PE , potentia applicatur in F , pondus in P . Quod dixi de portione FEP , intelligi etiam debet de omnibus alijs similibus scytalarum portionibus. Quare ut EP (semidiameter cylindri) ad EF , ita potentia in F sustentans pondus O , ad ipsum pondus. Et si paulò major fuerit potentia, aut paulò productior radius EF , jam poterit etiam pondus movere, uti ex precedentibus constat. Si jam EP ad EF sit ut 1. ad 6, circumferentia à puncto P descripta, ad circumferentiam à puncto F descriptam erit pariter ut 1. ad 6. Igitur potentia potens movere 30 libras, applicata in F poterit movere libras 180 in N appensas; motus siquidē ponderis sextuplo tardior erit motu potentia, ac proinde sub sextuplam habebit resistantiam ejus, quam haberet, si æqualiter cum potentia moveretur.

Vide Iconismi VII. Fig. IX.

Idem contingit, si loco radiorum EF , EH &c: infigatur in B , centro basis cylindri, manubrium curvum $BCDH$: potentia enim in DH applicata, se habet ad pondus, quod potest sustentare, ut semidiameter BK cylindri ad longitudinem manubrij CD . Intelligatur enim ex axe cylindri exire recta EO , æqualis ipsi CD , quæ ex opposita parte ad punctum I superficiæ extremæ cylindri pertingat; & moveatur in gyrum cylindrus cum radio OEI . Erit ergo ut EI ad EO , ita motus ipsius I , hoc est, ponderis, quod cum illo æqualiter movetur, ad motum ipsius O , hoc est, potentia applicatæ in O . Igitur ut EI ad EO , ita potentia sustentantis ad pondus. Quare si fuerit data potentia, & datum pondus, & datus cylindrus cujus semidiameter EI , & quæratür longitudo radij apponendi, ut possit à data potentia datum pondus sustineri; fiat ut data potentia ad datū pondus, ita data cylindri semidiameter EI ad EO . Et hæc est longitudo radij, quâ data potentia potest datum pondus sustentare, non ramen movere. Augeatur igitur EO usq; in P , ad libitum, poteritq; potentia etiam movere pondus, quia jam EP ad EI ha-

bet majorem rationem, quàm EO ad EI, hoc est, quàm pondus ad potentiam; ac proinde EP est quæsita radij longitudo.

Machina hæcenus descripta & explicata appellatur à Latinis Succula, à Græcis *ὄνος*, fortassis quia propter quaternos fulcri pedes suis aut asini speciem referunt. Itali *Nassam* vocant, victores *tornum*

CAPVT TERTIVM.

De Ergata, ejusq; usu in promovendis ponderibus.

Sicut Axis in peritrochio, ita & Succula duplicem potest habere in usu suo situm ac dispositionem, unum horizonti parallelum, alterum eidem horizonti perpendicularem, ut apparet in apposita Figura, in qua cylindrus EA, clavo terete ferreo A infixus trunco G, stat erectus perpendiculariter, infixos habens collopes E H, EI &c. & alligatum sibi funem ductarium DE, cui alligatum est pondus B. Dum enim potentia collopibus applicata circumagat cylindrum, funis DF circumvolvitur, & secum rapit pondus B. Et hæc Machina *Ergata* Latinis, Italis *Argano* dicitur. Collopes in hac Machina possunt esse quantumvis longi, & hoc habent commodi, quòd plures potentia simul possint illis applicari. Hoc tamen discrimen intercedit inter Ergatam & Succulam, quòd Succulae possunt applicari etiam potentia non viventes, ut gravitas lapidis aut similiù; Ergata verò, quia motus potentia debet esse horizonti parallelus, requirit communiter potentiam viventem & animatam, ut hominum, vel equorum. Advertendum tamen, quando eodem radio, v. g. radio EH, applicantur simul plures potentia, ut una in H, altera in C, non omnes æqualiter movere pondus, quamvis omnes æqualiter conentur, quia ejus quæ in H applicatur, momentum est ut HE; ejus verò quæ in C applicatur, momentum est ut EC. Cæterum hîc eadem est ratio proportionis inter potentiam & pondus, inter motum utriusque, spatium, & velocitatem, quæ in præcedentibus est explicata.

Vide Iconi
nis VII.
Fig. X.
Ergate for-
ma, & usus.

ANNOTATIO I.

IN *Axe in peritrochio, in Succula, & in Ergata, alijsq; similibus Machinis, nec solæ scytalæ, nec sola rota cum scytalis exclusâ semidiametro cylindri, habent rationem majoris brachij vectis, sed totum spatium quod inter jacet, inter centrum cylindri & locum seu punctum cui applicata est potentia; minus verò vectis brachium est semidiameter cylindri. Hoc ubiq; in præcedentibus supposuimus, & hic iterû advertere volumus, nè quis erret.*

ANNOTATIO II.

IN omnibus præcedentibus exemplis, quibus proportionem inter pondus & potentiam explicavimus, locuti sumus præcisè de pondere & potentia, non consideratâ gravitate funis ductarij quo pondus attollitur vel trahitur, nec resistentiâ Machinæ quam affert difficultas versonis axis intra sua foramina, unde unde illa difficultas oriatur. Ceterum ut exacta habeatur ratio potentie requisitæ ad pondus elevandum, aut longiitudinis scytalarum, aliorumq; similium, habenda est etiam ratio prædictorum.

ANNOTATIO III.

SI disponatur Succula prout apparet in Figura *AI*, circumducendo nimirum funem ductarium *ED* circa rotulas *CD* superne alicubi alligatas; potest pondus elevari non solum usq; ad cylindrum *AB*, sed etiam usq; ad *CD*, & ulterius, si placuerit.

CAPVT QVARTVM.

De viribus Axis in peritrochio, Succula, & Ergata.

*Vires axis
in peritro-
chio, succu-
la, & erga-
ta.
Vide Ico-
nismi VII.
Fig. XII.*

EAdem est omnium ratio, ideoq; quod de una dicitur *Machina*, de omnibus intelligi debet. Quoniam verò in omnibus apparet ratio vectis primi generis, ut vidimus, eadẽ erunt harum vires ad pondera movenda, quæ vectis primi generis sunt, nempe infinita. Quare omnibus hisce tribus Machinis datum pondus à data potentia sustentari & moveri potest.

Sit enim datum pondus ut centum, potentia verò ut decẽ. Exponatur quædam recta linea *AB*, quæ dividatur in *C* ita, ut *AC* ad *CB* eandem habeat proportionem, quam pondus ad potentiam, hoc est, centum ad decem, seu decem ad unum. Si fiat axis seu cylinder pro quacunque dictarum Machinarum, *cujus semidiameter sit CB*, tympanum verò seu rota circa axẽ,

cujus

cujus semidiameter vel sola, vel unà cum scytala peripheriæ rotæ infixæ, vel etiam sola scytala sit AC; patet ex suprâ dictis, potentiam ut decem applicatam in A, sustentare posse pondus in B applicatum, fune scilicet cylindro appensum, aut circumpositum. Si jam vel elongetur distantia CA versus E, & applicetur potentia in E, vel manente distantia CA, decrescat semidiameter CB cylindri; patet ex iisdem suprâ dictis, potentiam posse movere pondus; & quidem eò facilius, quò magis proportio CA ad CB superabit proportionem ponderis ad potentiam. Quò tamen magis facilitatur motus, eò magis retardatur, quia quò major est circulus & motus potentiæ, eò tardior est motus ponderis, uti ex dictis patet.

Quod dixi de proportione centupla inter pondus & potentiam, intelligi debet de quavis proportione. Infinita ergo vis est trium dictarum Machinarum.

CAPVT QVINTVM.

De alio usu axis seu cylindri in rota à calcantibus circumacta.

Alius est usus, & frequentissimus quidem, utilissimusque, axis seu cylindri in peritrochio aut rota, quo utantur communiter juxta fluvios navigabiles in Hollandia & Germania ad exonerandas naves, aut etiam ad pondera in fabricis atollenda. Axis enim seu cylindro valido CD, polis suis item validis A inferiùs, & B superiùs infra tectum, instructo, quibus intra pegmatis circumpositi foramina gyriari facillè possit, circumædificant duplicem rotam, vel potius solam circumferentiam rotarum EFG ex asseribus, adeo latam, ut binos viros stantes, & concavam rotæ circumferentiam calcantes, sustinere commodè possit, unum videlicet ad dexteram, alterum ad sinistra. Cylindro rotarum circumdant ductarium funem IK, eumque fursum eductum implicant uni aut duobus orbiculis L, M, intra trabem aliquam absconditis, iterumq; demittunt ad pondus usque O, quod extremitati aut unco ejus ferreo N adalligant. Ingrediuntur deinde duplicem rotam viri bini, & erecti

Rotæ calcantibus.

Vide Iohannis VII. Fig. XIII.

calcant eam, à G versus F & E quasi progredientes, & pondere suo vertunt rotam, simulq; ductarium funem cylindro circumvolvunt, & adnexum pondus elevant, eò facilius, quò major fuerit rotarum semidiameter, minorvè semidiameter cylindri. Ideo autem trabs cum orbiculis L, M supra Machinam disponitur, ut pondus elevari possit etiam supra Machinæ altitudinem usque ad ipsam trabem; Machina enim tota cum pegmate suo undique parietibus & tectis munito, fundata est in plano horizontali.


Tota porrò hæc Machina ex Axe, rota, & trabe composita, & fulcris suis, intra quæ Axis vertitur, inferiùs superiùsque instructa, intra foramina A & B circummagi, & in omnem partem converti potest; funis verò MLN, cum orbiculis M, L, & parte trabis, prominet infra tectum extra domunculam, intra quæ conclusa est Machina. Hoc autem ideo fit, ut funis MN demitti possit intra navim oneratâ in fluvio, & apprehenso pondere, sublatoq; verti queat ad ripam, ibiq; demitti. Et quamvis ingens sit Machina, tota tamen vel ab uno viro verti potest.


ANNOTATIO.

Ad Axem in peritrochio pertinet etiam rota cum manubrio, seu manubrium curvum in rota; de qua re alibi erit sermo.

PORISMA.

EX dictis toto hoc Syntagmate constat, quotiescunque per Axem in peritrochio, Succulam, & Ergatam fit motus, potentiam velociùs moveri quàm pondus, & inter motum potentia & ponderis esse majorem proportionem, quàm inter pondus & potentiam. Itaque etiam in hac Machina verum est principium nostrum universale augmenti virium potentia per Machinas.





SYNTAGMA QVARTVM.

De Trochlea, eiusq; in sustinendo ac movendo pondere viribus, nec non de proportione potentia ad pondus in ejus utu.

Herzia fundamentalis Machina est Trochlea; tam frequens, ut vix ullū sine ea pondus attollatur; iam facilis, ut nauta, camentarij, alijq; è vulgo plurimi eā utantur; tantarum virium, ut nullā aliā quā hāc crediderim Archimedes unā manu levā quinques millenorum modiorum pondus permovisse, & navem maximam in littus ejectam, ad se perinde, ac si in mari remis ageretur, traxisse, aliq; mirabilia prestivisse quæ in Libri primi Proœmio commemoravi; quamvis alij aliter sentiant. De hac Machina sequentia dicam.

CAPVT PRIMVM.

De Trochleæ forma, & usu in ponderibus attollendis.

Trochlea est machina tractoria, constans uno aut pluribus orbiculis seu rotulis, circa axiculos suos alicubi fixos, aut in loculamento quodam suspensos, versatilibus, quibus circumducto intra excavatum in circumferentia ipsarum canaliculum fune pondus trahitur. In appositâ figura orbiculi seu rotulæ (ex ligno solido ac duro, aut ex orichalco) sunt AB, CD, EF, GH; axiculi seu clavi teretes, ferrei aut ænei, per orbiculorum centra adacti, sunt I, K, L, M, suspensi in loculamentis TN, & VX, ita ut orbiculi circa dictos axiculos velut circa polos verti ac gyri in orbem possint. Singulorum orbiculorū peripheriæ habent excavatos canaliculos, ut funem intra

Vide Icon
nūm VIII
Fig. I.
Trochlea,
eiusq; varia
dispositio.

se, saltem aliquò usq;, excipere possint, Funis in apposita Figura est affixus puncto N loculamenti TN, indeque descendit, & circumvolvitur orbiculo FE, transiens infra P; ab E ascendit, & circumvolvitur orbiculo CD, transiens supra K; à D iterum descendit, & circumvolvitur orbiculo HG, transiens infra Q; à G iterum ascendit, & circumvolvitur orbiculo AB, transiens supra I; à B denique descendit in R, & apprehenditur à potentia trahente deorsum. Et quoniam superius loculamentum TN est affixum unco Y, inferiori verò VX affixum est pondus S; ipsum verò loculamentum unà cum pondere affixum est superiori mediante fane orbiculis circumducto, & alligato in N; ideo dum potentia R trahit deorsum funem RB, sequitur ex altera parte funis AGQHDKCEPFN, & consequenter loculamentum inferius VX unà cum pondere S attollitur, Hæc est Trochleæ forma, & usus in ponderibus attollendis.

Solet aliquando unicus tantum orbiculus adhiberi, & tunc Machina appellatur Trochlea simplex, & Monopastos: aliquando verò adhibentur duo, tres, quatuor, quinque, aut plures orbiculi; & tunc pro orbiculorum numero Machina appellatur dispastos, trispastos, tetrapastos, pentaspastos, &c: & uno verbo polyspastos; quasi dicas, Machina seu Trochlea bitraha, tritraha, quadritraha, multitraha, à græco verbo *σπάζω*, aut *σπάω*, quod trahere significat. Et hæc vocantur Trochleæ compositæ. Itali Trochleam appellant *lataglia*, Germani *Scheiben/ Rolle/ Werbel*; loculamenta verò iidem vocant *Flaschen*. Eadem loculamenta ab alijs dicuntur capsulæ, à Pappo Alexandrino lib: 8. Collection: Mathem: mangana,

Vide Iconis
nisi VIII.
Fig. II.
Monopasti
primi generis
formæ,
& usus.

S. I. *Usus Monopasti seu Trochleæ simplicis.*

Cæterum varijs modis ad pondera attrahenda adhiberi solent trochleæ, tam simplices, quam compositæ, ut Pappus etiam lo. cit: notavit. Nani in usu simplicis trochleæ aliquando unicum orbiculum AB, mobilem circa axiculum suum H, & inclusum intra loculamentum CD, supernè appendimus ex unco aut trabe E, & funem ductilem IABG orbiculo circumdu-

cumducimus, uniq; ejus extremitati I appendimus pondus F, alteri verò extremitati G applicamus potentiã deorsum trahentem, aut etiam aliud pondus deorsum nitens. Et hac dispositione communiter utimur in extrahenda aqua è puteis alijsque ponderibus non adeo magnis in altum attollendis. Et hic vocetur Monospastus primi generis.

Aliquando verò eundem orbiculum AB, capsulæ suæ CD inclusum, alligamus infernè ad pondus quod volumus attollere, & funis GBAI orbiculo circumpositi unum extremũ I alligamus supernè alicubi, ut in clavo +, alterum verò extremum G apprehendimus, & sursum trahimus, ut sequatur trochlea cum pondere alligato. Et hic vocetur Monospastos secundi generis.

Vide Iconif. VIII. Fig. III. Monospasti secundi generis forma & usus.

S. II. *Vsus Dispasti, seu duarum Trochlearum.*

IN usu duarum Trochlearum aliquando (ut apparet in Fig. IV.) unus orbiculus AB, cum capsula sua CD, alligatur supernè alicubi in I; alter verò orbiculus NO, cum capsula sua PQ, alligatur infernè ad pondus R; & funis ductarius circumpositus utrique orbiculo, uti Figura monstrat, unâ suâ extremitate alligatur in L, aut in K, aut ipsi loculamento in D, alterâ verò extremitate M trahitur deorsum à potentia; & dum funis deorsum trahitur, pondus R ascendit. Et hic vocetur Dispastus primi generis.

Vide Iconif. VIII. Fig. IV. Dispastus primi generis.

Aliquandò verò in usu earundem duarum Trochlearum (ut apparet in Fig. V.) unus orbiculus AB, cum capsula sua CD, alligatur ut antea supernè in I; alter verò orbiculus NO, cum sua capsula PQ, alligatur ad pondus R; & funis ductarius utrique orbiculo circumvolutus, ut monstrat Figura, alligatur unâ suâ extremitate in L, alterâ verò extremitate M trahitur sursum à potentia. Et hic vocetur Dispastus secundi generis.

Vide Iconif. VIII. Fig. V. Dispastus secundi generis.

Aliquando deniq; orbiculus superior AB (ut in Fig. VI. apparet,) alligatur supernè alicubi in I, ut antea, inferior verò CD alligatur ponderi M, & circumducto circa utrumq; fune, uti Figura eadem monstrat, alligatur una ejus extremitas F inferioris Trochleæ capsulæ KI, altera verò extremitas G sursum

Vide Iconif. VIII. Fig. VI. Dispastus tertii generis.

trahitur à potentia, sequente tam Trochleâ, quàm pōdere trochleæ alligata. Et hic vocetur Dispastus tertii generis.

§. III. Vſus Triſpaſti, ſeu trium Trochlearum.

Vide Iconiſ. VIII. Fig. VII. Triſpaſtus primi generis.

IN uſu trium Trochlearum aliquando ſuperiori loculamento DE, uti Figura VII. monſtrat, includuntur duo orbiculi, AB major, & CD minor; inferiori verò loculamento IK includitur, unus ſolùm orbiculus GH. Deinde ſuperius loculamentũ DE alligatur alicubi in F, inferiori verò IK alligatur ponderi L. Demum circumducto fune, ut vides in Figura, alligatur una ejus extremitas M inferiori loculamento in I, altera verò extremitas N deorſum trahitur à potentia, & eâ ratione attrahitur pondus ſurſum. Vocetur autem hic triſpaſtus primi generis.

Vide Iconiſ. VIII. Fig. VIII. Triſpaſtus ſecundi generis.

Aliquando verò è contrario ſuperiori loculamento DE, uti Figura VIII. monſtrat, includitur unus tantùm orbiculus AB, & inferiori loculamento IK includuntur duo, GH major, & CD minor. Superius loculamentum alligatur alicubi in F, inferiori verò alligatur ponderi L. Demũ circumducto omnibus tribus orbiculis fune, ut Figura VIII. monſtrat, una ejus extremitas alligatur in M, altera verò extremitas N trahitur à potentia ſurſum, ſimulq; aſcendit tam trochlea, quàm pondus ipſi adhærens. Vocetur autem hic triſpaſtus ſecundi generis. Et hic nihil eſt aliud, quàm triſpaſtus primi generis inverſus, ut conferenti unam Figuram cum altera pater.

Omitto aliam diſpoſitionem triſpaſti, ſi nimirum in triſpaſto primi generis extremum M funis non alligaretur loculamento, ſed alibi; omitto inquam hanc diſpoſitionem, quia omnino inutilis eſt, quando quidem non plũ præſtat quàm diſpaſtus primi & ſecundi generis, imò quàm monopaſtus ſecundi generis, ut ex dicendis patebit. Vſus plurium quàm trium trochlearum, ut quatuor, quinque, ſex, ſeptem, octo &c. poſtea explicabitur. Nunc ad vires progrediamur.

ANNO TATIO.

Quando in una polyſpaſtorum capsula ſunt duo, aut plures orbiculi, tunc in ſuperiori capsula orbiculus ſuperior ſemper eſt major ſuo inferiore, &

in capsula inferiore orbiculus inferior semper major suo superiore; non quod ita fieri necessarium sit; sed ne funes inter se implicentur; quod fieret, si orbiculi inter se æquales essent.

CAPVT SECVNDVM.

De viribus Trochlearum in ponderibus sustinendis, & attollendis; & utrum trochlea reducatur ad vectem.

Quamvis pondus per trochleas multis modis moveri possit, scilicet sursum, & ad latera per planum horizontale, aut per planum inclinatum; tamen vires earum claritatis & brevitatis gratiâ solum in motu sursum recto & ad horizontem perpendiculari explicabimus. In cæteris autem motibus eadem est ratio, quoad proportionem inter potentiam & pondus præcisè consideratum, quamvis varietas magna oriri possit ratione planorum per quæ pondera moventur.

Et quamvis in sequentibus exemplis solum consideremus pondus inferiori trochleæ appensum, habenda tamen in praxi semper est ratio etiam gravitatis funium & trochlearum quæ sursum unâ cum pondere trahuntur. Habenda item est ratio difficultatis ortæ ex affricu funium cum orbiculis, & orbiculorum cum axiculis, & similium impedimentorum motus facilitatem retardantium.

Dum autem inquirimus vires trochlearum, simul etiam examinandum est, utrum trochleæ Instrumentum in usu suo reducatur ad vectem. Pro cuius rei intelligentiâ recolenda sunt quæ attulimus supra Syntagm: 2. cap: Proposit: 2. de tribus vectis generibus, ubi diximus vectem primi generis esse, quando in uno extremo est pondus, in altero potentia, inter utrumque verò intermediat fulcrum seu hypomochlium: At vectem secundæ generis esse, quando hypomochlium seu fulcrum, ut in præsentî Figura apparet, est in uno extremo A, potentia in altero extremo C, pondus verò D est inter utrumque in B, aut F. Qua in re manifestum est, & ex dictis ibidem, & Syntagmate I. patet, si pondus præcisè in medio inter utrumque extremum pendeat, v. g. in puncto F, ab utroque æqualiter sustentari, ideoque poten-

Trochlearum vires in ponderibus attollendis.

Vide Iconis. VIII. Fig. IX. & X.

potentiam C non nisi medietatem ponderis sustentare, cum reliquam medietatem sustineat fulcrum A; non enim est major ratio cur unum extremum plus quam alterum participet de pondere. At si pondus suspendatur ex alio puncto, ut ex B tunc si potentia ad pondus habet eandem proportionem, quam habet distantia AB, ad distantiam AC reciprocè, potentia poterit sustentare pondus; & si vel augeatur potentia, ut major sit proportio potentia ad pondus, quam AB ad AC, vel prolongetur AC versus C, aut pondus B magis accedat ad A, ut sit major proportio AC ad AB, quam ponderis ad potentiam; tunc potentia potest etiam movere pondus, illudque attollere, tanto facilius quò major erit AC supra AB. Quò tamen facilius potentia elevat pondus in hoc casu, eò tardius movetur pondus; quia motus ponderis ad motum potentia se habet, ut AB ad AC, hoc est, ut potentia ad pondus. His præmissis sit

MEMBRUM I.

De viribus Trochleæ simplicis, seu Monospasti.

OMnium Trochlearum præcedenti capite descriptarum, aut insinuarum vires singulatim explicabimus, eodè ordine quò supra recensitæ sunt, A Monospasto igitur incipimus,

PROPOSITIO I.

Si in usu simplicis trochleæ orbiculus cum axe aut capsula sua supernè alligatur, & fune circumducto alterum ejus extremum adnectitur ponderi, alterum à potentia deorsum trahitur; trochleæ sit vectis primi generis, & potentia nihil juvatur.

Vel

Monospastus primi generis est vectis primi generis, & non juvat potentiam.

Vide Iconif. VIII. Fig. II.

Monospasti primi generis vires.

SIt in superiori Figura II. Orbiculus AB, insertus capsulae CD, & circa axiculum H centro orbiculi insertum volubilis, & fanis circumpositi extremo I sit appensum pondus F, alteri verò extremo G sit applicata potentia deorsum nitens. Dico, trochleam illam habere rationem vectis primi generis, & potentiam nihil per eam juvari, sed ad sustinendum pondus Fre-

qui.

quiri potentiam æqualem ponderi, ad trahendum verò pondus sursum requiri potentiam majorem pondere. Si enim è centro H, ad puncta A & B, in quibus funis ambo extrema perpendiculariter deorsum pendentia (pondus enim & potentia deorsum nituntur versus centrum Mundi, ac proinde funis portiones AI, BG, parallelæ sunt inter se, per ultimum Postulatum nostrum Mechanicum) ducantur rectæ HA, HB, constituent hæ unam lineam rectam, ut demonstrat *Guidubaldus* ante Proposit; I de Trochlea: recta autem hæc linea, vel potius totus orbiculus ex axe suo suspensus, constituit vectem æqualium brachiorum, quoniam HA, HB, sunt æquales, & axiculus H habet rationem fulcri, ab extremo A dependet pondus, extremo B applicata est potentia (licet enim pondus & potentia sint in I & G, perinde tamen est ac si essent in A & B,) ut igitur potentia sustineat pondus, debet esse ad ipsum, ut est distantia AH ad distantiam BH, hoc est, debet esse ponderi æqualis, per *Corollarium I. Propos. 6. cap. 4. Apparatus Mechanici, & per dicta Proposit. 3 cap. I. Syntagm: 2.* Ut verò potentia prævaleat ponderi, illudq; moveat sursum, debet esse major quam pondus, ut ex se patet, & colligitur ex *Postulato I. citati Apparatus*. Nihil ergo juvat hujusmodi simplex trochlea potentiam.

*Monospa-
sius primi
generis re-
ducitur ad
vectem pri-
mi generis.*

PORISMA

De proportionemotûs potentiaæ ad motum ponderis.

EX his concluditur, pondus æquè velociter moveri sursum ac potentia deorsum, Descendat enim potentia à G usque ad K, ascendet pondus ab I usq; ad A. Cùm igitur tota chorda KGBH æqualis sit toti chordæ GBAI (eadem enim manet in utroq; statu) ergo demptâ communi GBA, remanet GK motus potentiaæ, æqualis ipsi AI motui ponderis,

*Proportio
motus po-
tentiaæ ad
motum pō-
deris in
monospa-
sio primi ge-
neris.*

Colligitur II, Trochleam supradictam esse vectem primi generis æqualium brachiorum perpetuam; licet enim descendente potentia, & pōdere ascendente, gyretur orbiculus, semper tamen distantia à centro H usq; ad duo utrimque puncta

contactus A & B sunt æquales, & hypomochlium manet semper intra utramq; extremitatem medium.

Colligitur III. Etiam si in trochlea dicto modo disposita orbiculus major fiat, non tamen pondus ab eadem potentia eodem conatu operante attolli facilius, quàm per orbiculum minorem; semper enim manet æqualis distantia ponderis & potentia ab hypomochlio, ac proinde semper eadem vis requiritur in potentia. Contrarium videtur asserere Aristoteles in Mechanicis quæst. 9. vel 10.

ANNOTATIO.

Quæret tamen aliquis, cur passim in attollendis ponderibus utamur trochleâ prædicto modo dispositâ, si potentia per eam non iuvatur. Respondet id ideo fieri, quia modus applicandi potentiam ad vim ejus exerendam commodior est, maxime si de animata potentia per manuum applicationem sit sermo. Nam quia niti ac moveri debent manus deorsum, iuvantur, aut saltem non impediuntur, à gravitate brachiorum & aliorum membrorum: è contrario vero si solo fune sursum directe trahere deberent idem pondus, impedirentur à gravitate brachiorum & membrorum reliquorum deorsum naturæ aliter nitentium, & motui sursum repugnantium.

PROPOSITIO II.

Si in usu simplicis trochleæ orbiculus cum axe aut capsâ sua infernè alligatur ponderi, & funis circum ducti extremum unum supernè alibi religatur, alterum verò apprehendit potentia sursum nitens; trochlea fit vectis secundi generis, & potentia sustinens est subdupla ponderis, sursum verò movens paulo plus quàm subdupla.

Vel

Monopastus secundi generis est vectis secundi generis, & requirit potentiam subduplam ponderis ad sustinendum, plus quàm subduplam ad movendum.

Vide Iconic. VII.
Fig. III.
Monopastus
secundi generis red.

SIt in superiori Figura III. orbiculus AB, inclusus capsæ CD, & volubilis circa axem suum per centrum H adactum, religeturque vel axis utrumque extremum, vel capsâ ponderi E, & funis circum ducti extremum I alligetur superius in F, alterum verò extremum G teneat potentia sursum nitens, Dico;

trochleam fieri vectem secundi generis, & potentiam sustinentem pondus esse duplo minorem pondere; ut verò moveatur pondus sursum, sufficere potentiam paulò majorem subduplâ ponderis. Ducantur enim ex centro H, ad puncta contactus A & B, duæ rectæ HA, HB, & constitua tur una recta HAB, ut antea; habebit hæc linea AHB, vel potius totus orbiculus, rationem vectis, cujus hypomochlium est in A, potentia in B, pondus in H; ac proinde ut distantia AH ad AB, ita potentia sustentans in B ad pondus sustentatum in A. Cùm igitur AH sit subdupla ipsius AB, erit etiam potentia sustentans subdupla ponderis. Si ergo subdupla potentia potest sustentare pondus, major quàm subdupla poterit illud elevare.

citur ad vectem secundæ generis.

Proportio potentia ad pondus in monospatho secundi generis.

Tamet si verò, dum potentia elevatur versus K, orbiculus circa axiculum suum gyretur, quia tamen chorda in iisdem semper punctis A & B tangit orbiculum, semper manet eadè dispositio & ordo punctorum A, H, B, ac proinde nunquam perditur ratio vectis, sed potius continuatur ac perpetuatur.

COROLLARIUM.

EX his manifestum est, si duæ potentia pondus trochleæ prædictæ appensum sustineant, una in I, altera in G, utramque simul sumptam ponderi æqualem esse, & unamquamq; sustinere dimidium ponderis. Tantundem autem sustinet clavus I, quantum faceret alia potentia in I applicata.

PORISMA.

De proportione motus potentia ad motum ponderis.

IN hoc Monospatho potentia movetur duplò velocius quàm pondus. Ostendo id mechanicè ferè sic. Fiat in præcedente Figura III. linea BG æqualis lineæ AI, & continuetur usque ad X, ut recta GX æqualis sit duabus AI, & BG simul sumptis. Certum est, quando pondus E ascendit eò usque, ut recta AB sit ubi est recta IG, punctum G funis debere esse in X, quia ambæ partes funis, nimirum AI & BG, debent esse supra rectam IG: sed tunc pondus erit motum solum per spatium AI, seu BG,

potentia verò per spatium Gx , quod est duplo majus quàm spatium AI ; ergo potentia conficit eodem tempore spatium duplo majus quàm pondus, ac proinde duplo velocius movetur.

MEMBRUM II.

De viribus Trochleæ duplicis, seu Dispasti.

Quoniam potentia in G proximè præcedentis figuræ III. applicata, sursum moveri debet, & tamen moventibus inan. natis, utpote gravibus, impossibile est, animatis verò difficillimum, moveri sursum, saltem difficilius quàm deorsum moveri; ideo obviarunt huic incommodo Mechanici, addendo alium orbiculum superiorem loculamento suo inclusum, & alicubi supernè alligatum, uti in superiori Figura IV. apparet; ubi funis ductarius, utrique orbiculo circumductus, unâ suâ extremitate alligatus est vel ipsi loculamento superioris orbiculi in D , vel alibi in L , aut K ; alterâ verò extremitate M deorsum trahitur à potentia, seu animata, seu inanimata. Hanc igitur formam dispasti nunc examinabimus, postea verò reliquas duas ibidem explicatas.

Vide Iconif. VIII. Fig. IV.

PROPOSITIO III.

Si in usu dispasti superior orbiculus alligatur alicubi, inferiori verò alligatur pondus, & unum funis extremum firmatur supra, alterum à potentia deorsum trahitur; potentia non plus juvatur quàm per monospastum secundi generis.

Vel

Per Dispastum primi generis potentia non juvatur plus quàm per Monospastum secundi generis.

Vide Iconif. VIII. Fig. IV. Proportio potentia ad pondus in dispasto primi generis.

Consideretur Figura IV. præcedentis capitis. Ratio est, quia superior orbiculus, ut ostendimus Propositione I, nihil juvat potentiam, nisi quòd efficit ut deorsum moveatur, quæ alioquin sursum deberet moveri ad pondus inferiori orbiculo alligatum attrahendum. Non plus ergo potest potentia in M deorsum trahens, quàm in F trahens sursum, atque adeo quàm in Monospasto secundi generis.

COROL.

COROLLARIUM I.

Subdupla ergo debet esse potentia in prædicto dispaſto reſpectu ponderis, ut ſuſtineat pondus; & major quàm ſubdupla, ut pondus attollat. Nam ſi in F applicaretur potentia, & ſurſum niteretur, deberet eſſe ſubdupla ad ſuſtinendum, & major quàm ſubdupla ad movendum, ut demonſtravimus in præcedente Propoſitione.

P O R I S M A.

De proportionemotus potentia ad motum ponderis.

Potentia motus duplo major eſt in eodem diſpaſto, quàm motus ponderis. Nam ut pondus attollatur ab NO uſq; ad AB, ſcilicet per ſpatium lineæ NA, aut OB, potentia debet moveri deorſum ad tantum ſpatium, quanta eſt longitudo funis NA & BO ſimul, ut conſideranti patet.

COROLLARIUM II.

Prædictus diſpaſtus reducitur ad vectem ſecundi generis, ſicuti monopaſtus ſecundi generis. Nam inferior orbiculus in motu ponderis ſurſum efficitur vectis ſecundi generis, ut demonſtravimus in Propoſit. 2. ſuperior verò nihil juvat motum ſurſum.

Diſpaſtus primi generis reducitur ad vectem ſecundi generis.

P R O P O S I T I O I V.

Si in uſu Diſpaſti orbiculus ſuperior alligatur alicubi, & inferiori adnectitur pondus, & unum funis extremum alligatur ſuprà, alterum à potentia ſurſum trahitur; idem quod antea dicendum eſt.

Vel

Diſpaſtus ſecundi generis non plus juvat potentiam, quàm primi generis Diſpaſtus, & ſecundi generis Monoſpaſtus.

Conſideretur Figura V. præcedentis Capituli. Ratio eſt, quia orbiculus AB ſuperioris trochleæ eſt penitus inutilis ad potentiam juvandam reſpectu ponderis ex inferiori trochlea pendentis, & idem eſt ac ſi funis religatus eſſet in F, & potentia

Vide Iconiſ. VIII. Fig. V.

in M sustineret pondus, aut sursum traheret, solâ trochleâ ponderi alligatâ, adeoque non plus facit hic Dispastus, quàm Monopastus secundi generis.

COROLLARIUM.

Subdupla ergo requiritur in Dispasto secundi generis potentia ad pondus sustinendum, & major quàm subdupla ad movendum, seu sursum, seu etiam ad latus.

PORISMA.

De proportione motus potentia ad motum ponderis.

Proportio motus potentia ad motum ponderis in dispasto secundi generis.

Motus potentia duplex est motus ponderis, quia ut linea MO orbiculi inferioris cum pondere alligato ascendat usq; ad lineâ M F, debet potentia M ascendere per tantum spatium, quanta est chorda NM, & OF simul, ut patet consideranti.

PROPOSITIO V.

Si in usu Dispasti trochlea superior alicubi alligatur, inferiorq; adnectitur pondus, & unum funis utriq; orbiculo circumducti extremum alligatur inferiori trochleâ, alteri verò applicatur potentia sursum tendens; potentia sustinens pondus est subtripla, atcollens plus quàm subtripla.

Vel

Dispastus tertij generis requirit potentiam sustinentem subtriplam ponderis, moventem paulò majorem quàm subtriplam.

Vide Iconic. VIII. Fig. VI.

Consideretur Figura VI. capitis præcedentis. Ut causa Propositionis adsignetur, præmittendum est hoc Lemma.

LEMMA.

Vide Iconic. VIII. Fig. XI.

Sit vectis secundi generis AB, cujus fulcimentum A, pondus D pendeat è medio puncto C, & sustineatur à duabus æqualibus potentijs, quarum una sit in C, altera in B. Dico, unamquamq; potentiam esse subtriplâ ponderis, vel unamquamq; habere momentum æquale tertiæ parti ponderis D. Nam potentia in C sustinet pondus æquale sibi ipsi, seu suis viribus, quoniam distantia ejus à fulcimento A est æqualis distantia pon-

ponderis ab eodem fulcimento A. At potentia in B sustinet pondus duplum sibi ipsi, seu suis viribus, quoniam distantia ejus à fulcro A est dupla distantia ponderis ab eodem fulcro A. Quia igitur potentia in C & B applicatae supponuntur aequales, ideo potentia in B respondet duplo plus de pondere D sustentato, quam potentia in C: quare si pondus D dividatur in duas partes, quarum una sit dupla alterius, major pars continebit duas tertias totius ponderis, & reliqua unam tertiam. Quia igitur potentia C aequalis est ponderi à se sustentato, & potentia B subdupla est ponderis à se sustentati, erit unaquaque subtripla totius ponderis sustentati.

Demonstratio Propositionis.

Hoc præsupposito, sit ut supra in Figura VI. Dispatius, cujus orbiculus superior AB unà cum suo loculamento affixus in I, inferior verò CD unà cum suo etiam loculamento sit ponderi M alligatus, funis autem ductarius utriq; circumductus sit alligatus unâ suâ extremitate puncto F medio loculamenti inferioris KL, & alterâ suâ extremitate G sustentetur à potentia sursum nitente. Di. o potentiam sustentantem esse subtriplam ponderis. Nam quia inferioris trochleæ diameter CD, vel potius totus orbiculus inferior, est vectis secundi generis uti ex supradiçtis patet, in cujus extremo D est fulcimentum, in altero extremo C est potentia G sursum tendens, è medio puncto E suspensum est pondus M, & eidem medio puncto applicata est altera potentia F, sustinens unâ cum potentia G pondus: sequitur ex præmissis Lemmate, unamquamq; duarum potentiarum esse subtriplam ponderis, & tantum niti ac laborare, ac si tertiam ponderis partem sustentaret.

Vide Icon. VIII. Fig. VI.

*Propositio 7
potentia ad
pondus in
dispatio ter-
tij generis.*

COROLLARIUM I.

Subtripla ergo potentia sufficit in Dispatio tertij generis, ad pondus sustinendum, & paulò major quam subtripla ad movendum,

FORISMA

Potentia movetur triplo velocius quàm pondus.

NAm ut pondus à recta CD usq; ad rectam AB ascendat, debent convolvi omnes tres funes GC, AF, BD, & conjungi duæ trochleæ, ac proinde potentia à puncto G sursum debet cōficere tantum spatij, quātum correspōdet dictis tribus funibus.

COROLLARIUM II.

Colligitur etiam, cū pondus M dependeat à tribus funibus, GC, AF, BD, unumquemque sustinere tertiam partem ponderis; nam omnes tres æqualiter à pondere degravantur, & omnes æqualiter sustinent.

COROLLARIUM III.

Colligitur præterea, Dispastum tertij generis non differre à dispasto primij generis, nisi situ aut ordine: nam si invertas dispastum tertij generis, & loculamentum KL suspendas supernè in I, loculamento verò MN infernè alliges pondus, habebis dispastum primij generis. Eodem modo si invertas dispastum primij generis, habebis dispastum tertij generis. Quia tamen retentâ dispositione naturali utriusque, in primo potentia sola sustinet pondus, in tertio verò unâ cum aliâ potentia in medio applicatâ; ideo in primo est solum subdupla, in tertio verò subtripla ponderis. Alij existimant, ideo in primo esse subduplam, in tertio subtriplam, quia in primo duplo velocius movetur quàm pondus, in tertio verò triplo velocius. Bene, quia hoc illius est signum.

MEMBRUM II.

De viribus Trochleæ Triplicis, seu Trispasti.

PROPOSITIO VI.

Trispastus primij generis requirit potentiam sustententem subtriplam ponderis, moventem paulò majorem quàm subtriplam.

Vide Iconismi VIII.
Fig. VII.

Consideretur Figura VII. præcedentis capituli. Ratio est, Quia, ut consideranti patet, trispastus primij generis non dif-

differt à dispaſto tertij generis, niſi in hoc, quod chorda GO ſit circumducta alteri tertio ac ſuperiori orbiculo AB; ſuperiores autem orbiculi, ut in præcedentibus vidimus, nihil juvant potentiam, niſi quòd potentia, quæ alioquin deberet moveri ſurſum, moveatur deorſum. Itaq; in prædicto triſpaſto primi generis potentia applicata in N, non poteſt plus, quàm ſi ablato orbiculo AB eſſet applicata in O; tunc autem potentia ſuſtineas eſſet ſubtripla ponderis, ut oſtendimus in Propoſitione præcedente; ergo &c.

*Proportio
potentia ad
pondus in
triſpaſto
primi genera-
ris.*

COROLLARIUM.

Ex hac Propoſitione, & ex Propoſitione IV. præcedente, univerſaliter concludi poteſt, potentiam applicatam in N in quocunq; polyſpaſto, nunquam plus poſſe quàm applicatam in O. Itaque ſi in O eſt ſubdupla, ſubtripla, ſubquadrupla, ſubquintupla &c: applicata in N non erit majoris momenti.

P O R I S M A,

De velocitate potentia & ponderis.

Patet hinc, potentiam in N, non ſecus ac in O, triplo velocius moveri pondere L, quia tantum viæ debet conficere deſcendendo, quantũ ſimul tria puncto, G, M, H, aſcendendo.

P R O P O S I T I O VII.

Triſpaſtus ſecundi generis requirit potentiam ſuſtinentem ſubquadruplam ponderis, & motum paulò majorem quàm ſubquadrupalam.

Conſideretur Figura VIII. præcedentis capituli. Ut probeatur, potentiam ſuſtinentem debere eſſe ſubquadruplam, id eſt, quæ momentum ac virtutem habeat æqualem quartæ parti momenti ac virtutis ponderis, præmittendum eſt hoc

Vide Iconiſ. VIII. Fig. VIII.

L E M M A.

Sint duo veſtes ſecundi generis, AB, & CD, quorum hypoſmochlia ſint in A & C, pondus G ſit in medio utriuſq; ſuſpenſum ex punctis E & F, & potentia duæ æquales ſint in B &

Vide Iconiſ. VIII. Fig. XII.

Bb

D,

D, quæ æqualiter pondus G sustineant, Dico, unamquamq; esse subquadruplam ponderis. Nam si potentia D sola sustineret pondus G, esset subdupla ipsius, quandoquidem ad illud se habet, sicut CF ad CD: & si potentia B sustineret sola idem pondus G, esset itidem subdupla ipsius, propter eandem rationem: Cum ergo ambæ potentiaæ æquales sint, & æqualiter laborent in pondere illo sustinendo, & tantum respondeat uni, quantum alteri; unicuique respondebit subduplum subdupli, hoc est, quarta pars ponderis. Ergo unaquæq; quartam partem ponderis sustinet, ac proinde quælibet subquadrupla est ponderis G.

Demonstratio Propositionis.

Vide Iconis. VIII.
Fig. VIII.

Hoc demonstrato, patet Propositio. Nam duo inferiores Orbiculi CI, GH, sunt duo vectes secundi generis, ut ex sequentibus patet, quorum hypomochlia sunt in D & H, potentia in A & N, hoc est, in G & G, pondus L est appensum in medio illorum ex linea IL. Ergo &c.

PORISMA.

De motûs potentia & ponderis velocitate.

Proportio motus potentia & ponderis in trispasto secundi generis.

Quadruplo velocius in hoc trispasto movetur potentia quam pondus, quia tantum viæ conficere debet sola, quantum omnia quatuor puncta, C, D, G, H, simul, ut ex sæpe dictis constat, & patet consideranti; pondus autem non plus spatij conficit, quam unum solum ex dictis quatuor punctis.

MEMBRUM IV.

De reliquorum Polypastorum viribus.

De terraspasti, pentaspasti, hexaspasti, heptaspasti, octaspasti, & reliquorum polypastorum viribus.

Polypastorum viribus.

Vide Iconis. VIII.
Fig. I.

EX dictis hæcenus intelligitur usus & vires reliquorum polypastorum ultra trispastos. Nam si tribus orbiculis trispasti secundi generis addatur alius quartus superius, eiq; circumducatur funis, ut potentia movens possit movendo niti deorsum, ut patet in Figura I, superioris capituli; constituitur te-

traspasti

tetraspastus primi generis, at potentia sustinens non juvatur, sed debet esse quadrupla ut antea, quia orbiculi superiores non juvant potentiam, ut saepe diximus. Quòd si invertatur Figura I. prædicta, & pondus cogitetur suspensum ex T, & trochlea superior ex clavo X, & unum funis extremum esse alligatum inferiori trochleæ in N, & alterum à potentia R sursum trahi; constituetur tetraspastus secundi generis, & potentia in R erit subquintupla ponderis, quoniã funis circumductus in quinq; punctis sustinet pondus, nempe in A, in B, in C, in D, & in N, & idem est ac si essent applicatæ quinq; potentia, quarum singulæ æquales essent potentia R, quandoquidem funes in dictis punctis non minùs sustinent, quàm potentia in R.

Si huic tetraspasto inverso addatur superius alius orbiculus, cui funis circumducatur, ut potentia deorsum trahere possit, constituetur pentaspastus primi generis, sed potentia nihil ampliùs juvatur, quoniam superiores orbiculi nihil juvant potentiam. Si autem talis pentaspastus invertatur, ita ut inferius sint tres orbiculi, superius duo, & potentia trahat sursum; erit hæc subsextupla ponderis. Idem iudicium esto de hexaspasto, heptaspasto, & quocunque alio polyspasto.

Analec̃ta varia de Trochleis.

I. **E**X hætenus dictis constat, non tam ex orbiculorum numero, quàm ex vario situ, oriri trochleas majoris potentia, ita ut uno tantundem, quantum duobus, & tantundem duobus, tribus, quatuor, quantum tribus, quatuor, quinq; &c: effici queat orbiculis.

*Analec̃ta
de trochleis.*

II. Orbiculum superiorj loculamento additum, & ad vires potentia augendas inutilem, non esse contemnendum, sed magno esse commodo, cum propter ipsum potentia melius applicetur, & quæ alioquin sursum trahere debebat, possit trahere deorsum.

III. In polyspastis orbiculi superiores ascendendo, & inferiores descendendo debent crescere, ut funis commodius sine confusione & implicatione possit ijs circumduci. Soleptuple-

rumque orbiculi suis ligneis thecis seu loculamentis ita concludi, ut nihil præter thecas appareat. At siue tegantur orbiculi, siue detegantur, perinde est.

IV. Quò fuerint axiculi per centra orbiculorum transeuntes graciliores, & quò eorum superficies cylindrica fuerint duriores, ac politiores, eò melius est, & eò facilius orbiculi circa illos convertentur, & pondera minori difficultate attollentur; quia enim tunc minor pars axiculorum premitur ab orbiculis, minor est affriccio, & minus impedimentum in conversione. Debent tamen etiam concava orbiculorum superficies, quæ axiculos tangunt, esse duræ, ac politæ. Ob hanc causam solent Mechanici practici inungere axiculos seu concavas orbiculorum superficies, oleo, vel axungia. Imò & extimam orbiculorum superficiem, seu canaliculos eorum, uti funem ductarium per canaliculos discurrentem, inungere solent, ut omnis asperitas tollatur.

V. Quando magnum pondus per trochleam attollendū est, & plures homines eundem funem trahere debent, possunt extremo funis plures funes adnecti, ut plures homines applicentur. Communiter tamen, & minori dispendio, adhiberi solet ergata, ut sic utriusq; machinæ momenta ac vires componantur in unam, & unus homo æquivalet pluribus. Exempla infra dabimus in sequenti libro.

VI. In usu omnium trochlearum observandum diligenter est, ut id cui superior trochlea adnectitur, siue clavus sit, siue trabs, siue funis, ita firmum ac solidum sit, ut totum pondus unà cum trochleis & funibus sustentare valeat. Præterea axiculi orbiculorum ex metallo esse debent, & exactè politi, ut jã antè dixi, itaque fortes, ut cochlearum suarum pressionem, appenso pondere, sustinere queant. Demum funis orbiculis circumvolutus debet esse talis crassitiei, ut facilè congruat canaliculis orbiculorum quibus circumducitur. Advertendum etiam, quando ultra trochleas adhibetur Ergata, orbiculum illum per quem prope terram transit infernè funis, indeq; ad Ergatam venit, nullum addere momentum potentiæ, sed ideo potius

potissimum adhiberi, ut funis commodius Ergata circumducatur. Procurandum præterea, quando in attractione magni alicujus ponderis ad magnam altitudinem periculum est, ne ex attritu funis cum rotulis flamma enascatur, ut madescant rotularum canales cum fune. Contigit alicubi, cum ingens campana ad turrin per trochleas & ergatas attolleretur, ut funis superioribus trochleis circumductus fumum ostentaret, & incendium minaretur; quod utique paulò post secutum esset, ni continuò aqua fuisset affusa.

VII. In omnibus trochleis & usu earum, numerus ductuum funis circa orbiculos superat unitate orbiculos, ut patet ex omnibus Figuris superiori capite positis. Habito itaque numero orbiculorum, habes numerum ductuum.

VIII. Si trochleæ, cui alligatur extremum funis, alligetur etiã pondus; motus potentiæ ad motum ponderis est in ratione quam habet numerus ductuum pondus sustentantium ad unitatem. Si verò non eidem trochleæ, cui funis extremum adnectitur, adnectatur etiam pondus; deme unitatem ex numero ductuum.

COROLLARIUM I

TROCHLEO-MECHANICVM.

Datum pondus à data potentia trochleis moveri potest.

VEl enim data potentia est major dato pondere, vel æqualis, vel minor. Si major, fieri potest per quamlibet trochleam, etiam simplicem, & primi generis, in qua cum æqualis potentia sustinere possit æquale pondus, ut probavimus Proposit. I hujus cap: manifestum est majore posse moveri minus. Si æqualis, iterum fieri potest per omnes trochleas, excepto Monospasto primi generis; eo enim æqualis potentia sustinere quidem potest æquale pondus, at non movere, ut loco citato probavimus. Si deniq; minor, inveniatur proportio inter datum pondus & datam potentiam, & adhibeatur trochlea, in qua motus potentiæ ad motum ponderis habeat majorem proportionem, quàm pondus ad potentiam; & poterit per eã

*Trochleæ
datum pondus
datã
potentiã
moveri potest.*

moveri datum pondus à data potentia. Sit v. g. datum pondus 600, & potentia data 130. Proportio inter ea est minor quàm 5 ad 1. Adhibeatur igitur tetrapastus secundi generis, instructus quatuor orbiculis, eiusque loculamento inferiori applicetur pondus, & unum funis ductarij extremum; alterum verò extremum à potentia sursum trahatur; & habebitur intentum, quia potentia major quàm subquintupla ponderis sufficit ad movendum per talem trochleam pondus. Sit iterum pondus datum 1000. librarum, potentia data 250. librarum, quæ est quarta pars ponderis; poterit hoc pondus ab hac potentia sustentari à tetrapasto primi, moveri verò à tetrapasto secundi generis, uti ex dictis patet.

COROLLARIUM II

TROCHLEO - MECHANICVM.

Quodlibet pondus à qualibet potentia moveri potest per trochleam.

Ratio est, quia sicuti pondus crescere, & potentia decrescere in infinitum potest, ita trochlearum virtus per multiplicationem orbiculorum augeri in infinitum potest.

Unde quodlibet pondus à qualibet potentia.

Atq; hac sufficiant de trochlea. Plura vide apud Guidubaldum. Plura nos etiam dicemus in Cursu Mathematico Tractatu de Mechanica. Exempla varia Machinarum, in quibus vis trochleæ elucet, dabimus Libro sequenti.

CAPVT TERTIVM.

An Trochlea rectè reducatur ad vectem secundi generis.

Trochlea an rectè reducatur ad vectem secundi generis.

Toto præcedente capite passim asseruimus, Trochlearum orbiculos superiores nihil juvare potentiam ad sustinendum aut movendum pondus quod de se sine Trochlea non posset, eò quòd sint instar libræ seu vectis primi generis æqualium brachiorum, quem axis in medio velut hypomochlium suppositum sustinet, extremis verò hinc & inde secundum æquales distan-

distantias applicatum est pondus & potentia, quæ ad se funem trahere deorsum æquali nisu conantur. Tota ergo virtus potentia debili ad æquivalendum resistivo validiori, aut ad illud superandum, provenit à rotulis inferioribus Trochlearū, quas afferuimus ac probavimus habere rationem vectis secundi generis (inspice Figuram J. Iconismi ad præcedens Caput spectantis) in quibus extrema H & F sunt fulcra, in G & E censeatur applicata potentia sursum nitens, in M & L tanquam in medio suspensum est pondus S, quod sustineri, aut attolli debet. Eadem est ratio de omnibus alijs Trochleis, tam simplicibus, quàm compositis.

Vide Iconis. VIII^o Fig. I.

Atque hoc ita se habere, concedunt omnes quotquot legi Mechanicæ Scriptores, saltem nullus negat, excepto P. Nicolao Zucchio in Philosophia Mechanica par: 1. sect: 4. & P. Paulo Casato in Tractatu Manuscripto de Mechanica cap: de Trochlea; quorum argumenta hîc proponere & examinare placuit. Zucchij argumenta sunt sequentia.

I. Verum quæ ratio vectis secundi generis, inquit Zucchius, esse potest in illis (inferioribus rotulis, aut in eorum diametris GH, EF,) cum tantum moveatur extremum diametri rotula, in quo dicitur vectis firmari (nempe extremum H & F) quantum movetur oppositum extremum ejusdem, quod dicitur urgeri à virtute (nempe extremum G & E) & æqualiter semper mutantur hujusmodi diametri signatæ in rotulis, ut semper novæ diametri horizonti æquidistantes in orbiculis bene suspensæ trochleæ sint signabiles? Neg. id præter rationem hujus Machinæ juxta finem intemum per illam; imò maxime opportunum ut rotulis convolutis facilius fiat motus, & sursum ascendat pondus in directum; quod non fieret, si alterum extremum diametri illarum, motu opposito, deberet consistere, ut consideranti patebit.

II. Rursus si impediatur rotulæ inferiores à convoluzione, & sic ab eis amoveatur omnis suspicio Vectis, deberet auferri omne adjumentum virtutis per trochleam; nisi lominis si tam funis circumpositus rotulis, quàm ipse bene lævigentur ut in frictione sit minus impedimentum, excurrente fune inter rotulas patenti trahentis, magnum illi accrescit in trochleis ita constitutis adjumentum: Ergo illud rotulis etiam motis minus rectè tribuitur communiter Vecti in ipsi assignato &c:

III. Interim aufer rotulas omnino, & appone annulos, inter quos excurrat funis, & istam opinionem falsitatis magis adhuc convinces.

Casati argumentum contra eandem sententiam communem est, quòd trochleæ officium sine ullo orbiculo, aut ullo motu circulari, in quo vel umbra sit vectis, exerceatur. *Rudentes enim*, inquit, quibus navis malus hinc & inde lateribus navis alligatur, ut re-
ctum situm seruet, si quando remittuntur, intenduntur à potentia non adeo
valida, perinde atq; si mediante trochleâ funis traheretur. Sunt autem duo
ligna in ellipsin fere deformata, alterum navis lateri, alterum rudenti in-
tendendo adnexum; singulis autem insunt tria foramina, per quæ funis tra-
ijcitur, alterum ab uno in alterum ductu, cujus funis tractione ligna illa vi-
ciniora sunt, & rudens intenditur. Qua in re nullus intercedit motus circa
aliquod centrum, nec ullum apparet vectis vestigium.

Hæc sunt argumenta propter quæ duo hi Viri doctissimi, & mihi intimè noti, recedunt à communi sententia de redu-
ctione Trochlearum ad vectem secundi generis. Quam tamen, cum ingeniosa valde sit, & augmentum virium potentia applicatæ bene explicet, non censeo deferendam propter hæc sola ar-
gumenta. Ad primum enim Nicolai Zucchij argumentum respondeo, non esse contra rationem vectis secundi generis, quòd totus unà cum pondere & fulcro moveatur, dum modò vectis officium exerceatur; hoc est, dum modò una ejus extre-
mitas innitatur alicui velut hypomochlio, altera sursum à potentia interim urgeatur, & pondus intermedium in altum at-
tollatur; quæ omnia in casu nostro fiunt. Imò hoc ipsum Trochlearum excellentiâ commendat, quòd per eas & vectis, & pò-
dus, & hypomochlium attollatur, non destructâ vectis ratione. Ad secundum dico, etiamsi rotulæ inferiores impedirentur à circumvolutione, non tamen ab eis amotum iri vectis suspicio-
nem; haberent enim ut antea rationem vectis, quoniam adhuc unum rotulæ punctum inniteretur funi tanquam hypomochlio, alterū urgeretur sursum à fune tracto à potentia, & pon-
dus inter utrumq; extremum appensum ascenderet. Sola differ-
rentia esset, quòd non tam facile funis inter rotulas discurreret. Ad tertium eodem modo respondeo, quomodocunq; an-
nuli disponantur.

Ad *P. Casati* argumentum respondeo, ligna illa nullo mo-
do

de habere rationē trochlearum, quia malus, qui est resistivū, & debet trahi versus latera navis, est appensus uni extremo illorum mediante fune, & potentia trahens est applicata alteri extremo eorundem, & nihil dependet intermedium. Mirum ergo non est, si non habet vectis rationem. At in casu nostro de Trochleis apparet manifesta ratio vectis.

Alia quæ iidem duo viri docti afferunt ad convincendam falsitatis opinionem communē, omitto, præsertim illud quod contra augmentum potentia ex multiplicatione inferiorum rotularum, & funium easdem trahentium sursum habent, arguentes longè majus debere esse incrementum virtutis potentia, quàm revera sit, si inferiores rotulae vectis rationem haberent. Sed non bene arguunt, nec instituunt calculum ut debeant. Lege ipsos, saltem Zucchium qui extat; idem enim est utriusque arguendi modus.

Verum tamen est, non esse necesse reducere Trochleam ad vectem, sed explicare sufficenter possumus ejus vim per hoc, quòd in usu ipsius potentia velocius moveatur, quàm pondus, uti ex dictis patet.

PORISMA.

ERgo in hac etiam Machina locum habet principium nostrum universale machinarium motionum, quòd potentia moveatur velocius pondere, ut ex dictis patet.

SYNTAGMA QVIN- TVM.

De Cuneo, ejusque viribus in dividendo.

PAppus, & omnes Mechanica Scriptores, numerant Cuneum inter fundamentales Machinas. Et licet sit simplicissimum Instrumentum, & vix Machina nomine dignum; magnarum tamen vi-

rium est, in corporibus solidis divellendis; adeo ut quod magna alioquin Machina, & multo labore ac sumptu constructa, efficere nequeunt, simplicissimus cuneus, & ab unoquoque statim & nullis expensis parabilis, efficiat. De hoc nunc agendum, sed paucis, quoniam quae dicenda sunt, vel facillima sunt, & omnibus nota; vel difficillima explicata, & nullis nota, ideoque omittenda.

CAPVT PRIMVM.

De forma & usu Cunei.

Vide Iconismi IX. Fig. I. Cuneus quid sit.

Cuneus est lignum aut ferrum, formæ ferè pyramidis quadrangulæ ad unam lineam rectam fastigiatur. Talem representat præsens Figura, in qua AB est basis quadrangularis, CD vertex fastigiatus in lineam rectam; latus enim ACD, & latus oppositum, paulatim coeunt, donec in CD conveniant ac terminentur in lineam CD.

Vsus ejus.

Vsus cunei est in scindendis lignis, divellendis lapidibus, aliisque corporibus solidis ac fissilibus violenter dividendis. Datâ enim, aut factâ in fissili corpore rimâ, intruditur manibus aliquousque cunei apex, basi verò illiditur vehementi percussione malleus, aliudvè instrumentum ad percutiendû aptum; quâ percussione adactus cuneus paulatim magis magisque ingreditur, magnâque violentiâ corpus in partes dividit, ut in apposita Figura patet. Itaque adhibenda omnino percussio est, ut effectum cuneo assequamur.

Vide Iconismi IX. Fig. I.

Experientiâ constat, quò minor seu acutior est angulus ad verticem cunei, eò facilius percussum subingredi, eoque velocius in ingressu suo moveri, vicissimque corpus scindendum eò facilius ac velocius divelli. Causam postea indagabimus, Nunc cunei naturam indagemus,

Fig: III.




Fig: VIII.



Fig: II.




Fig: I.




Fig: IV.




Fig: VII.



Fig: VI.





Fig: V.



CAPVT SECVNDVM.

An cuneus reuocetur ad vectem.

Aristoteles in Quaestionibus Mechanicis q. 17. vel 18. asserit, cuneum in corpore fissili diuellendo gerere vicem duorum vectium primi generis sibi invicem oppositorum. Quod *Guidubaldus* in *Mechanica* sua Tract. de Cuneo, initio, sic explicat. Sit cuneus ABC, cuius vertex B, & sit AB æqualis ipsi BC; quod autem scindendum est, sit DEFG; sitque pars cunei HBK intra DEFG, & HB æqualis sit ipsi BK. Percutiat cuneus in AC. Dum cuneus in AC percutitur, AB fit vectis primi generis, cuius fulcimentum est H, & pondus in B. Eodemq; modo CB fit vectis primi generis, cuius fulcimentum est K, & pondus similiter in B. Sed dum percutitur cuneus, majori adhuc ipsius portione ipsum DEFG ingreditur, quàm prius esset: sit autem portio hæc MBL, sitque MB ipsi BL æqualis. Et cum MB, BL, sint ipsis HB, BK majores; erit ML major quàm HK. Dum igitur ML erit in situ HK; oportet ut fiat major scissio, & D moveatur versus O, G autem versus N: & quò major cunei pars intra DEFG ingrediatur, eò major fiet scissio, & D ac G magis adhuc impellentur versus O & H. Pars igitur KG ejus quod scinditur, movebitur à vecte AB, cuius fulcimentum est H, & pondus in B, ita ut punctum B ipsius vectis AB impellat partem KG: & pars HD movebitur à vecte CB, cuius fulcimentum est K, ita ut B vecte CB impellat partem HD.

Putavit itaque Aristoteles, utrumq; oppositorum cunei laterū, quæ hinc & inde partes corporis fissilis, cuius rimæ apertæ intruditur cunei apex, ingrediuntur, esse primi generis vectem; & potentiam quidem, quæ percutiens aut percussio est, applicari basi seu capiti AC, pondus movendum vertici B, hypomochlia deniq; esse in punctis H & K, in quibus cunei latera partes fissas tangunt.

Guidubaldo non placet hæc Aristotelis opinio, sed putat, si cuneus ad vectem reducendus est, potius debere reduci ad vectem duplicem secundi generis, quorum commune fulcimen-

An reuocetur ad vectem.

Vide Iconismi I X. Flg. II.

*Aristotelis opinio.**Non placet Guidubaldo.*

Vide Iconismi I X.
Fig. II.

tum sit in B præcedentis Figuræ, pondus in punctis H & K, potentia in A & C, ita ut pars HD corporis scindendi moveatur à vecte AB versus O, & pars KG à vecte CB versus N. Et hoc existimat magis esse rationi & naturæ vectis consentaneum. Hac enim ratione putat fieri, ut duæ partes DEB, GFB, in ingressu cunei violento, moveantur in contrarias partes, DEB versus O, & GFB versus N, eodem prorsus modo, ac si intra fissuram HBK applicarentur duo vectes AB, CB, ab invicem separati, quorum lingulæ unirentur in B, fierentq; sibi mutuò fulcimēta, potentia verò applicarentur in A & C, pondera deniq; movenda in punctis H & K. Dum enim vectis ABurgeretur versus D, innixus hypomochlio B, pars ponderis DHBE moveretur versus O; & dum vectis CBurgeretur versus G, innixus eidem hypomochlio B, pars ponderis GKBF moveretur versus N, sicque contingeret fissio corporis, ac separatio partium. Idem contingere putat, dum duo dicti vectes in uno cuneo conjunguntur.

CAPVT TERTIVM.

An cuneus reducatur ad planum inclinatum.

An ad planum inclinatum reducatur.
Vide Iconismi I X.
Fig. III.

Quoniam autem, inquit Guidubaldus, cuneus scindendo moveretur, possimus idcirco eundem alio quoque modo considerare; videlicet, dum ingreditur, id quod scinditur, nihil aliud esse nisi pondus supra planum horizonti inclinatum movere. Hoc autē tali modo explicat. Sit planum horizonti æquidistans transiens per AB; sicq; cuneus CDB, & CD æqualis ipsi LB, & latus cunei DB sit semper in subjecto plano. Sit denique pondus AEEFG immobile in A; sitque pars cunei EDH sub AEEFG. Quoniam enim dum percutitur cuneus in CB, major pars cunei ingreditur sub AEEFG, quam sit EDH, sit hæc pars IDH. Et quoniam latus cunei DB semper est in subjecto plano per AB ducto horizonti parallelo, tunc quando pars cunei KDI erit sub AEEFG, erit punctum K in H, & I sub E; sed IK major est HG. punctum igitur E sursum motum erit, & dum cuneus sub AEEFG ingreditur, punctum E sursum super latus cunei EI movebitur; eodemque modo si cuneus ulterius progreditur semper punctum E super latus cunei DC movebitur. Punctum igitur E ponderis super planum DC, movebitur horizonti inclinatum, cujus inclinatio est angulus BDC. quod demonstrare oportebat.

tebat. In hoc exemplo, considerando cuneum instar vectis moventem, manifestum est, cuneum BDC pondus $AEFG$ vecte CD movere, ita ut D sit fulcrimentum, & pondus in E ; non autem vecte BD , cujus fulcrimentum H , & pondus in D . Præmissâ hac veluti explicacione, ostendit quomodo ea quæ scinduntur, tanquã super duo plana horizonti

inclinata, nempe super duo cunei opposita latera moveãtur. Sit enim, inquit, cuneus ABC ; & AB ipsi BC æqualis. Dividatur AC bifariam in D , connectaturq; BD . Sit deniq; linea EF , per quam transeat planum horizonti æquidistans; sitq; BD in eadem linea EF ; & dum cuneus percutitur, dumq; movetur versus E , semper BD sit in linea EF . Quod verò scindendum est, sit $GHLM$, intra quod sit pars cunei KBI . Manifestum est, dum cuneus versus E movetur, partem KG versus N moveri, & partem HI versus O . Percutiat cuneus, ita ut AC sit in linea NO ; tunc K erit in A , & I in C ; & K , ex superius dictis, motum erit super KA , & I super IC . Quare dum cuneus movetur, pars KG super B alatus cunei movebitur, & pars IH super latus BC . Pars igitur KG super planum movetur horizonti inclinatum, cujus inclinatio est angulus FBA . Similiter IH movebitur super planum BC in angulo FBC . Partes ergo ejus quod scinditur, super plana horizonti inclinata movebuntur. Et quanquam planum BC sit sub horizonte, pars tamen IH super IC movetur, tanquam si BC esset supra horizontem in angulo DBC : partes enim ejus quod scinditur, eodem tempore, ab eadem potentia moventur. Eadem ergo erit ratio motus partis IH , ac partis KG . Similiter eadem est ratio, si ve EF sit horizonti æquidistans, si ve horizonti perpendicularis, vel alio modo; necesse est enim, potentiam cuneum moventem eandem esse, cum cætera eadem remaneant. Eadem igitur erit ratio. Hactenus Guidubaldus, qui nihilominus in t. li motu cunei agnoscit duplicem vectem secundi generis. Hanc sententiam amplectitur etiam Mersennus in Phænomenis Mechanicis Proposit: 12.

Guidubaldi opinio. Vide Iconismi IX, Fig. IV.

CAPVT QVARTVM.

Præcedentes opiniones examinantur.

ARistotelis opinio omnibus, quos legerim, displicet, quia non vident, qua ratione cunei vertex B trudat ac dividat corpus fissile in duas contrarias partes, ita ut potentia in A , vecte AB , trudat vertice B partem KB versus N , & potentia in C , vecte CB , trudat eodem vertice B partem HB versus O ,

Vide Iconismi IX, Fig. II. Aristotelis opinio non placeat.

quandoquidem sæpe operatio cunei perficitur, esto nec vertex, nec partes vicinæ vertici aliquid dimovendi corporis attingant, sed illæ solum, quæ sunt inter extrema distrahendi corporis pro fulcramento adsignata, ut bene advertit Zucchius in Mechanica parte 2. sect. 1. ubi & alias rationes contra sententiam eandem affert.

Nec opinio
Guidubaldi.
Vide Iconis-
mum IX.
Fig. II.

Guidubaldi sententiam impugnat idem Zucchius ibidem, ex eo, quòd si in cuneo ABC supra adsignato, latus AHB est vectis secundi generis, & potentia est in A, fulcimentum in B, pondus intermedium in H; eò facilius deberet ab eadem potentia divelli corpus à dicto cuneo ABC, quò minor esset distantia HB, quàm distantia AH, hoc est, quò minor pars cunei esset intra, & quò major pars extra corpus divellendum; quod tamen est contra experientiam, quia potest cuneus per vim incussam tam facile urgere extrema partium divellendarum hinc inde, velut pondus sibi obstitentia, si verticem ab illis habet multum distantem, quàm facile urget, si parum distantem; imò facilius, maximè quando cuneus est longus, & definit in angulum acutum; tunc enim etiam si pars maxima sit intra, & pars minima extra, tamen eadem facilitate, aut saltem non multò majore difficultate subsequitur pars reliqua, quàm præcedentes fuerunt ingressæ. Adde quòd, subjungit Zucchius, idem operabitur cuneus, si cuspidem careat, solumq; aliquid cunei decurrati residuum sit inter extrema divellenda: illa enim pars cunei, quæ jam subintravit, & sæpe saltem non attingit amplius partes corporis divellendi: perinde se habet ad ampliandam scissionem, si ve adsit, si ve non, sed solum ad conferret pars, quæ per impulsum ulterius pergendo talia extrema divellit magis ab invicem, secundum proportionem suæ majoris crassitudinis successive subintrantis.

Eadem argumenta habet etiam P. Casaeus, Et eadem militant contra sententiam Guidubaldi; in tantum enim pondus movetur supra latus cunei tanquam supra planum inclinatum, in quantum cunei latus veluti vectis subingrediendi divellit unam corporis partem ab altera.

Cuneus non
est vectis
primi aut
secundi ge-
neris.

Ego tamen valde illubenter recedam à veteri & communi opinione, tamen putò has instantias esse efficaces contra illam, & cuneum revera non esse vectem primi aut secundi generis, nisi imaginatione potius quàm re ipsa cum agere velimus

mus

mūs dicere, quod utiq; incongruum est. Causa itaque cur per cuneum exigua potentia movet, id est, divellit ingentia pondera, non est quod potentia per cuneum agat tanquam per vectem, sed quia potentia in eius usu velocius movetur quam pondus divellendum; semper enim spatium quod cuneus in ingressu suo conficit, majus est, quam spatium quod conficiunt parres divulsæ. Hinc est, quod quò acutior est angulus cunei, eò facilius scindit, quia potentia cum eo plus movetur, quam pondus; quam causam postea in ultimo Syntagmate hujus libri adsignabimus, ubi etiam constabit causa, cur quò acutior est angulus cunei, eò facilius fit scissio à parva potentia. Atque hæc sufficient de Cuneo. Nunc ad Cochleam procedamus.

Cuneus acutior cur facilius scindat.]

SYNTAGMA SEX- TUM.

De Cochlea, ejusque viribus in præmendis ac movendis corporibus.

Hæc ultima est fundamentalium quinq; Machinarum, habetq; ut Pappus Alexandrinus etiã fatetur in fine lib. 8. nescio quid difficile, tum ad constructionem, tum ad usum. Ingens tamen, & ferè incredibilis est ejus vis, ut ex varijs exemplis sequenti Libro constabit, adeo ut domus lignea integra ejus ope fuerint aliquando translata, Münstero teste. De ea fusè tractat Guidubaldus. Nos paucis præcipua quadam proponemus.

CAPVT PRIMVM.

De forma, & usu Cochleæ.

Cochlea est cylindrus in unam aut plures helices seu spiras solidas & extuberantes instar helices eidem circumvolu-

Cochlea forma, & usus.

tas

Vide Ico-
nismi IX.
Fig. V. &
VI.

tas elaboratus; uti apparet in appositis Figuris, ubi cylindro AB circumvoluta est spira solida à summo deorsum. Hæc spira quoniam instar capreoli vitium complectitur cylindrum, ideo Instrumentum vocari etiam solet vitis, maximè ab Italis, quæ *la vite* illud appellant, Germani verò *ein Schrauben*.

Vide Ico-
nismi IX.
Fig. V.

In usu ejus inditur uni aut pluribus tignis, aut manubrijs, in spiras concavas intus elaboratis (uti apparet in CD) quæ spiræ convexis cylindri spiris accuratè convenire, & ipsas intra se recipere debent. Hæ cavæ spiræ nuncupantur communiter matrices, seu matres (Italicè *la madre*) Pappus & alij tyllum eas appellant. Quæ quidem matres aliquando stabiles sunt, & intra eas cylindrus convolutus ascendit aut descendit, ut in sexta figura; aliquando verò sunt mobiles, & ipsæ circa cylindrum convolutæ ascendunt ac descendunt, ut in quinta figura.

Vide Ico-
nismi IX.
Fig. VI.

Vfus Cochleæ vulgarissimus est & frequentissimus, tum ubi pressionibus est opus, ut in prælis vinarijs, typographicis, unguentarijs, alijsque similibus; tum in ponderibus trahendis, attollendis, removendis. Ad convertendum striatum cylindrum AB (sic enim vocari etiam potest,) immitti eidem alicubi solet vectis EF. Qui quidem aliquando est immobilis, ut in prælis typographicis, aliquando verò mobilis, ut in alijs quibusdam prælis, ut è foramine E eximi, & intra foramen L, aliæque in circuitu basis aut capitis cylindri facta immitti queat. Possunt etiam ac solent plures vectes adhiberi, ut in Ergatis, ut plures homines, aliæve animatæ potentiæ possint applicari.

Si basi B cylindri AB in sexta figura appendatur pondus M, & Machina erigatur perpendiculariter supra horizontem, uti Figura monstrat; manubrium seu vectis EF conversione suâ attollens cylindrum sursum, elevat simul pondus. Si autem Machina sit prostrata, & horizonti parallela; idem pondus appensum moveri potest super planum horizontale, & inclinatum.

CAPVT SECVNDVM.

*De viribus Cochleæ, earumq; causa, & cum potentia
motrice proportione.*

VIS Cochleæ communiter reducitur à Mechanicæ Scrip-
toribus ad cuneum, & consequenter ad vectem, quoni-
am cuneus etiam ad vectem ab iisdem reducitur. Lege *Guidu-
baldum* tractatu de Cochleæ. Alij concipiunt helices convexas
in cylindro descriptas tanquam plana inclinata circa cylindrū
revoluta, ut idem *Guidubaldus* explicat, ideoque motum
ponderis per cochleam explicant per motum super planum
inclinatum.

*Cochleæ vi-
res.*

Nos generali & communi omnibus Machinis principio no-
stro vim Cochleæ explicamus, quia nimirum per eam poten-
tia applicata multò plus movetur quàm pondus, aliudvè resi-
sitivum. Nam quando potentia est immediatè applicata cy-
lindro, in una cylindri conversione describit integrum circu-
lum æqualem circumferentiæ cylindri; quando verò est ap-
plicata extremitati F vectis EF in sexta Figura, tantum circu-
lum percurrit, quantum describit punctum F circa axem cy-
lindri; at pondus in utroque casu solùm movetur per tantum
spatium, quanta est perpendicularis à principio unius spiræ
ad finem ejusdem, v. g. ab N usque ad H. Hinc est, quòd quò
spissiores sunt spiræ, & minùs inter se distantes, vectis autem
qui ad convertendum cylindrum adhibetur, longior est, eò ve-
lociùs potentia movetur, pondus verò eò tardiùs, ac proinde
eò plus momenti habet potentia. Quare si spiræ inter se distēt
unâ pedis semiunciâ, vectis verò sit pedum quinque, potentia
describit in una cylindri circumvolutione circulum seu spa-
tium pedum $3\frac{1}{2}$, hoc est, unciarum pedis 377, semiunciarum
verò 754, dum pondus movetur per spatium unius semiunciæ
tantum. Igitur motus potentie ad motum ponderis est, ut 754
ad 1: Ergo tantum adhibens conatum, quanto opus est ad mo-
vendas 10. libras sine machina, poterit mediante hujusmodi
cochleâ elevare pondus librarum 7540, vel premere suppo-

*Cur per eā
potentia
movetur.*

*Vide Ico-
nismi i XI.
Fig. VI.*

litum corpus perinde atque si illud premeretur pondere librarum 7540.

*Cochlea
omnium
machinarum
efficacissima*

Ex his apparet, ad movendum ac premendum efficacissimam esse Cochleam, inter omnes Machinas, quia potentia per Cochleam cum multo majori ratione seu proportione movetur velocius quam pondus, quam per ullam aliam Machinam. Verum tamen est, pondus per hanc Machinam tardius moveri, quam per alia organa; quia quod velocius movetur potentia, eò tardius, cæteris paribus, movetur pondus, uti ex supra dictis constat.

*Cochlea in-
commoda.*

Habet & aliud incommodum Cochlea, quod multum atteratur cum sua matrice; quæ causa est cur non sit diu durabilis. Huic tamen attritioni occurritur, si pinguedine & cochlea, & matrix illinatur. Illud etiam observandum est, ut matrix plures habeat spiras, ut durabilior sit Cochlea. Si enim unicam tantum habet spiram concavam, multum detrimenti patitur à gravitate ponderis, quæ tota tunc uni spiræ convexæ innititur, quoniam unam tantum convexam recipit concava: at si matrix plures habeat spiras concavas, plures convexas cylindri spiras recipit, adeoque singulæ minus patiuntur à gravitate ponderis, quia tunc plures eandem gravitatem sustinent.

*Remedia
eorum.*

Vide Ico-
nismi IX.
Fig. VII.

Solent etiam, ad majorem firmitatem, circa eundem cylindrum fieri plures spirarum series invicem parallelæ, ut si una series sit AB, CD, EF, alia verò series sit KL, MN, OP. Hæc multiplicatio juvat multum ad firmitatem Cochleæ. Si enim tota gravitas sustineretur à sola spira AB, magis hæc esset exposita fractioni, quam si sustineretur à duabus AB, & KL simul. Nihil tamen auget hæc eadem multiplicatio spirarum momenta potentia & ponderis in ordine ad motum, temper enim est eadem ratio motus potentia ad motum ponderis, sive unica sit, sive plures spirarum ordines. Neque enim motus potentia ad motum ponderis habet rationem, quam circulus ex VS descriptus ad perpendicularem altitudinem AK, sed ad AC, quia in unica circumductione ex A venit in C, aut ex C in A. Attendenda nimirum sunt spiræ ejusdem serici.

P O R I S M A.

PAtet ex his, etiam in hac Machina locum habere principium nostrum Vniversale machinalium motionum, nimirum per eam velocius moveri potentiam quàm pondus. Atq; hæc sufficiant de quinque principalibus ac fundamentalibus Machinis. Nunc causam indagemus, cur per eas tantopere augeantur vires potentia, videamusq; num unum & universale, omnibusq; Machinis (etiam ex his quinque compositis, de quibus in sequenti Libro) commune invenire possimus, quod in omnibus sit causa augmenti virium, & mensura ejusdem augmenti. Hoc est, videamus num præter adsignatum hæctenus, reperiat aliud.

S Y N T A G M A S E-
P T I M V M.

De causa augmēti virtutis per Machinas,

Sive

De principio physico-Mechanico, cur per Machinas exiguæ potentia movere possint ingentia pondera.

DVo occurrunt in Mechanica Magia, quæ digna sunt ut à Mechanico Mathematico, adeoq; à Magia Mathematica Scriptore non indiligenter expendantur. Primum spectat ad proportionem potentiarum, ponderum, motuum utrorumq; temporum in quibus moventur, spatiorum per quæ moventur, aliq; similia. Alterum pertinet ad causam physicam, seu physico-Mechanicam hujusmodi effectuum; qui cum sint naturales, & sensi-

Mechanica
in Magia
duo practi-
pue confide-
randa.

sensibiles, suâ causâ physicâ carere non possunt. Primum, quod ad *Mathesin* propriè spectat, & sine ea sciri ac tractari non potest, egregiè præstiterunt hæctenus Viri doctissimi Guldubaldus in *Mechanica* sua, Simon Stevinus in *Libris de Statica*, Galilæus in *Tractatu de Mechanica*, Marinus Merfennus in *Phænomenis Mechanicis*, alijque, ita ut nihil amplius desiderari possit. Nos etiam in toto hoc Libro circa eandem rem, quantum satis esse videbatur, versati sumus. Secundum, quod juris physici est, post Aristotelem vix, ac nè vix quidem ab ullis delibatum invenio, si tres excipias modernos, eosque doctissimos in *Physicis* ac *Mathematicis*, mihiq; Romæ notissimos, & adhuc dum hæc scribo, superstites Viros è Societate nostra. Primus est P. Honoratus Fabry, Gallus, in *Philosophia* sua, quam tribus Tomis in quarto, ut vocant, edidit in Gallia tacito suo, & appposito Doctoris ejusdam Medici, sui antea in *Philosophia* Discipuli, nomine. Secundus est P. Nicolaus Zuchius, in *Nova de Machinis Philosophia*, in qua, paralogismis Antiquæ detectis explicat Machinarum vires unico principio, singulis immediato. Quam novam methodum valde mihi commendabat vir iidem doctissimus P. Carolus La Faille Antuerpianus è Societate nostra, dū apud Serenissimum Joannem Austriacum Sicilia Proregè Mathematicarum disciplinarum Professore ageret. Tertius est P. Paulus Casatus in *Mechanica* sua Manuscripta, quam Romæ in Scholis prælegit, dum inibi P. Athanasij Kircheri in re litteraria socius degerem. Singulorum sententias

sentias hęc in medium proferam, deinde meam sententiam exponam. Precipuus & unicus scopus noster est, indagare principium commune omnibus Machinis, quod radix sit & causa, ex qua proveniat quòd exigua potentia, v.g. unicus homo Machinam adhibens, possit sustentare ac movere pondus ingens, quod sine Machina multi non possent; & ex quo explicetur proportio potentie, que requiritur ad dictum pondus sustentandum vel movendum.

Machinaliū
operationū
principium
indagatur.

CAPVT PRIMVM.

Aristotelis sententia indicatur, & reiicitur.

Aristoteles, primus eorum quorum de Mechanica Commentarij ad nos pervenēre, in principio Quaestionum Mechanicarum ait, causam omnium mirabilium mechanicorum effectuum, & præsertim quòd *minora superant majora*, & quæcunq; exiguam vim habentia, magna tamen movent pondera, esse circulum. Putat enim, ea quæ circa Libram sunt, ad circulum referri, quæ verò circa Veltē, ad Libram; alia autem ferè omnia quæ circa mechanicas sunt motiones, ad Veltē. Neque mirum esse censet, circulum tam mirabilium effectuum esse causam, cum ipsius sit maximè admiranda natura, ut ibidem fusè probat; ex mirabili autem causa mirabiles effectus procedere necesse est. Ut autem probet, circulum esse causam tam mirabilium effectuum, & præcipuè quòd per Machinas parva potentia moveat magna pondera; in hunc ferè modum discurrit fusis atque obscuris verbis ac demonstrationibus, quæ ego in brevissimum compendium redegi. In circulo radius longior *AD* celerius movetur, quàm radius brevior *AB*, aut *AC*, quando uterq; eodem tempore eadē vim movetur, quoniam longior eodē tempore majus spatium, hoc est, majorem peripheriam percurrit, quàm brevior. Ex quo sequitur punctum radij remotius à centro

Aristotelis
sententia.

Eius discursus
obscurus.
Vide Iconismi IX.
Fig. VIII.

moveri celerius, quàm punctum propinquius centro. Causa hujus rei est, quia uterq; radius, tam major, quàm minor, duabus fertur lationibus circa centrum, unâ secundùm naturam, alterâ præter naturam. Latione secundùm naturam percurrit peripheriam, latione verò præter naturam & violentâ retrahitur à motu naturali, & retardatur. In radio majore latio secundùm naturam est major, quàm in radio minore: è contrario verò in radio majore latio præter naturam & violenta est minor, quàm in radio minore. Quia igitur maior radius minùs retardatur quàm minor, ideo celerius fertur ille quàm hic. Et quoniam si duo ab eadem potentia, eademq; vi moventur, facilius movetur id quod minùs retardatur ac impeditur, difficilius autem id quod magis retardatur ac impeditur; sequitur majorem radium facilius moveri quàm minorem. Ex his infert, ideo per vectem magna moveri pondera ab exigua potentia, quoniam vectis est libra inæqualium brachiorum, & majoris brachij extremo applicatur potentia, minoris verò extremo pondus, & dum utrumq; brachium movetur circa fulcrum, tam potentia quàm pondus describit circulum, seu arcum circuli, potentia quidem majorem, quia magis à fulcro tanquam à centro distat, pondus verò minorem, quia minùs distat à centro. Quoniam igitur quod majoris radij extremo applicatum est, movetur celerius, ideo movetur etiam facilius & cum minori repugnantia, quia ut ipse ait quæst. 3. aut 4. *Mechanica*, ubi de vecte tractat, *ἡ δὲ δὲ εἶσα ἀνμείζον ἀφεισῆκεν τῷ ὑπομοχλῆι, γὰρ ὄν κινήσει. ἀρτία δὲ εἶναι ἢ προλεχθεῖσα, ὀρτήκτιον ἀπὲχθσα ἢ τῷ κέντρῳ μείζονα κύκλον γράφει* *Semper sanè quanto longitudo* (de hac enim erat ibi sermo) *magis distabit ab hypomochlio, facilius movebit. Causa verò antedicta est, quoniam radius major majorem describit circulum.* Ecce quomodo Aristoteles ex majori celeritate motus potentia infert majorem facilitatem, & hujus majoris facilitatis causam ait esse, quoniam potentia percurrit majorem circulum, & consequenter minùs in suo motu retardatur, quia is minùs admixtum habet de motu contra naturam.

Quoniam igitur Aristoteles existimat, omnes Machinas

ad vectem revocari, & in omnibus potentia ita applicatur, ut moveatur celerius quàm pondus, ideo putat, majorem celeritatem motus potentia, provenientem ex majori remotione ab hypomochlio, atq; adeo circulum, seu motum circulem esse causam & principium universale omnium motionum mechanicarum, in quibus minor potentia superat majus pondus.

Contra hanc Aristotelis sententiam hæc habeo. Tametsi ultrò concederem, ideo punctum radii magis remotum à centro moveri celerius, ac facilius, quàm punctum minus remotum (si eadem vi utrumq; moveatur) quia magis remotum plùs habet de motu naturali, & minùs de violento, minùs verò remotum minùs habet de naturali, & plùs de violento, (quod an longâ illâ suâ & operosâ demonstratione geometricâ evincat, alij judicent; mihi certè & aliis nonnullis id non videtur) nego tamen constanter, hanc esse causam cur exigua potentia iuvetur per Machinas ad movendum facilè magnum pondus. Nam neque in omnibus Machinis apparet ratio vectis, uti de Cuneo & Cochlea probavimus; & licet in Trochlea apparet ratio vectis (quod tamen Zucchius, Casatus, & alij negant) motus tamè potentia & ponderis per eam non est talis, qualis per vectem fieri solet, nempe circularis. Non ergo circulus, nec motus circularis, est causa & principium mechanicarum operationum. Verissimum quidem est, per Machinas potentiam celerius moveri quàm pondus; at quòd rectè ex hac celeritate inferatur facilitas motus, seu quòd virtus potentia per Machinam augeatur, aliter explicari debet, ac proinde aliud mechanicarum motionum universale principium assignare oportet.

Adde quòd si quò brevior est radius circuli, & quò minùs punctum in eo assumptum est remotum à centro, èò difficilius movetur, quia plùs participat de motu præter naturam; ergo si manente potentia applicatâ in vecte, aliisque machinis quæ manifestè ad vectem reducuntur, pondus magis accedit ad hypomochlium velut ad centrum circuli, difficilius deberet moveri ab eadem potentia; quòd tamen experientia quotidiana manifestè repugnat. Aristotelis ergo demonstratio geome-

*Aristotelis
sententiam
reijcitur.*

trica, quâ probare nititur suam assertionem, non est legitima, ut supra insinuabam.

CAPVT SECVNDVM.

Honorati Fabry sententia proponitur.

*Honorati
Fabry sen-
tentia.*

PHonoratus Fabry, de quo supra in Procemio hujus Syn-
tagmatis, ait, in eo tantum positam esse industriam, qua possint pon-
dera moveri per Machinas, ut minore & minore motu moveantur; &
hoc esse unicum principium physico-mechanicum. Quod ut
stabiliat, præmittit nonnulla Axiomata mechanica, seu sta-
tica, & ex illis deducit varia Theoremata, Problemata, & Co-
rollaria, ipsumque tandem principium indicatum.

AXIOMATA HÆC SVNT.

*Axiomata
mechanica.*

I. *Ab eadem potentia facilius producitur in eodem mobili minor motus, quam major. Hoc Axioma manifestum redditur ex ijs, quæ moventur per impetum: quippe motus ex duplici tantum capite minor esse potest; primò ex eo, quòd singulis partibus mobilis pauciores partes impetus insint; secundò ex eo, quòd imperfectior impetus mobili imprimatur: atqui ex utroque capite facilius producitur minor motus, quia facilius imprimatur minor vel imperfectior impetus, nempe minore nisu agit potentia.*

II. *Quò majore tempore datum spatium percurritur, eò minor est motus, id est, tardior. Patet ex se.*

III. *Quò minus spatium decurritur dato tempore, eò minor seu tardior est motus. Constat etiam ex se.*

IV. *Majore tempore potentia applicata, si semper agit, plus agit. Quid clariùs?*

V. *Pondus alteri æquale illud movere tantum non potest motu æquali. Cur enim hoc movebit illud potius, quàm illud hoc? quod certum est.*

VI. *Pondus alteri æquale movere potest illud motu minore, Quia cum æquali movere tantum non possit, & cum possit facilius minore quàm majore; certè minore movere potest. Fundatur hoc & præcedens Axioma in experientia in Statera, Vecte &c.*

Si nimirum pondus minus suspendatur ex majore, majus ex minore brachio.

VII. *Pondus minus potest movere majus motu minore, si major sit proportio motuum, quàm ponderum.* V. g. pondus duarum librarum quod movetur motu ut 3, potest movere pondus quatuor librarum motu ut 1, ut patet similiter experientiâ.

VIII. *Eò facilius movetur pondus per inclinatam, quàm per ipsum perpendiculum, quò inclinata major est perpendiculo.* Patet ex ijs quæ dicta sunt de planis inclinatis.

IX. *Pondus majus movet tantum minus motu majore, cum est major proportio ponderum, quàm motuum.* Patet; nam pondus majus ex minore vectis aut libræ brachio suspensum, potest movere minus suspensum ex majore brachio, non in omni casu, sed tunc tantum, quando est major proportio ponderum, quàm distantiarum reciprocè, ac proinde & motuum, quia motus sunt ut distantia

Ex his Axiomatis deducit Fabry sequens universalissimū Problema, & Corollarium.

Problema Universalissimum.

Movere quodcunq; pondus, à qualibet potentia applicata, motu minore, ita ut sit major proportio motuum, quàm ponderum, Patet ex VII. Axiomate, & ex dictis in præcedentibus, ubi probavimus, datâ quâvis potentiâ moveri posse quodvis pondus per Machinas.

Mechanicū problema universalissimum.

Corollarium Universalissimum.

Hinc collige, in eo tantum positam esse industriam, qua possint pondera moveri, ut minore & minore motu moveantur. Igitur, quâ proportionem imminues motum, eadē majus pondus movebis.

Mechanicū Corollarium universalissimum.

Post hæc varia subjungit idem Fabry Theoremata, Corollaria, & Scholia, in quibus ostendit, ideo Vecte, Trochleâ, Axe in peritrochio, Cuneo, & Cochleâ, moveri ingentia pondera ab exigua potentia, quia per illas Machinas pondus movetur motu minore quàm potentia, juxta rationem antea dictam.

Tandem iterum concludit (*ad movenda pondera in eo tantum posita esse industriam, ut motus imminuatur, & unicum illud esse principium physico-mechanicum.*)

Verissimum est quod Fabry dicit, nec alius est modus efficiendi ut per Machinas juvetur potentia exigua ad movendum pondus, suâ virtute majus, nisi ut tam pondus, quam potentia, applicentur ita Machinæ, ut pondus moveatur tardiùs potentia, & potentia velociùs pondere, in ea ratione, ut major sit proportio motùs potentia ad motum ponderis, quam gravitatis ponderis ad gravitatem seu virtutem potentia; & nisi hoc servetur, nunquam sequetur motus per Machinam; quotiescunq; verò servatur, toties infallibiliter (seclusis alijs impedimentis) sequitur motus, eò faciliùs, quò major erit proportio motuum, quam ponderum. At non est hoc quod inquiritur, dum causa & principium universale & unicum inquiritur, cur per machinas, dum in illis dictâ ratione pondus & potentia disponuntur, augeantur vires potentia de se insufficientis, & fiat ut potentia exigua & insufficientis de se, reddatur sufficiens ad pondus majus se aut suâ virtute, sustentandû, & movendum. Nullum mechanicorum Scriptorum latuisse arbitror, dispositionem prædictam inter pondus & potentia esse servandam, & proportionem motuum explicatam semper & in omni Machina reperiri, dum fit consistentia, aut motus ponderis à minore potentia; at nullus causam illius rei adsignavit, præter Aristotelem, cujus sententiam jam rejecimus, & præter Zucchium & Casatum, quorum opiniones jam examinabimus.

CAPVT TERTIVM.

Nicolai Zucchij sententia proponitur, & examinatur.

*Nicolai
Zucchij
sententia.*

P Nicolaus Zuchius in Nova Philosophia Mechanica par. 2. sect. 5. pro vera ratione auctæ per Machinas potentia, & pro unico, universali, & omnibus Machinis immediato principio, adsignat replicationem virtutis potentia ex vi Machina. Putat enim, cum ex applicatione ad Machinam poten-

tra moveatur velocius quàm pondus, æquivalenter eam replicari in ordine ad motum ponderis cauſandum, & æquivalere tot motoribus ſibi æqualibus, quoties motus ponderis poteſt contineri in motu velociori ipſius potentiz; ſeu quoties potentia moveatur velocius eodem tempore, quàm pondus; Vt ſi potentia moveatur quinquies velocius quàm pondus, putat illam veluti quinquies replicari, & ſecundùm illam replicationem æquivalere quinq; motoribus ſibi æqualibus, ac proinde poſſe ſolam ſic replicatam, adhibitâ Machinâ, movere illud pondus, quod ſine Machina quinq; tales motores poſſent movere.

Hoc ut probet Zucchius, *Supponit I.* Omnia commenſurabilia inæqualia ejuſdem generis, hoc habere, ut nihil ſit in ijs tam magnum, quod non poſſit æquari, imò & ſuperari, multiplicatione alterius in determinata quantitate minoris. Cùm enim omne finitum ablatione finiti in determinata quantitate tandem conſummatur; ſi ſecundùm talem ablationem à majore fiat augmentum minoris, evidenter conſtat poſſe ipſum æquari majori, & tandem illud excedere.

*Mechanice
hypotheſes.*

Supponit II. Tantundem eſſe, ſaltem non minùs valere, in ordine ad motum perficiendum, virtutem motivam ut unū ſucceſſivè applicare ad movendum per ſpatium quinque palmorum v. g., corréſpondenter uni palmo poſt alium, atque ſucceſſivè applicare quinque virtutes ut unum, unam poſt aliam, ita ut ſingulæ pro ſingulis palmis moveant. Cùm enim facto motu per primum palmum, virtus ut unum ſuperſit potens pro ſequenti palmo præſtare quidquid poteſt quælibet alia ipſi æqualis (alioquin non eſſent poteſtate æquales) tantundem modo dicto erit, eam quæ motum effecit per primum palmum, pergere ulterius ad movendum per ſecundum, atq; loco illius aliam ſubſtituere æqualem ad movendum per ſecundum, & ſic deinceps. Quare vis movens ſucceſſivè per ſpatium quinque palmorum, in ordine ad ſic movendum æquivalet quinq; virtutibus, quarum una poſt aliam applicentur, ſingulæ ad movendum per ſpatium unius palmi. Ex hac

suppositione deducit Zucchius hanc consequentiam. *Virtus ergo, quæ continuè movet, secundum divisibilitatem motus in ordine ad partes spatij, æquivalet alijs virtutibus sibi æqualibus, quæ successivè applicentur ad movendum una post aliam, singulæ pro singulis dictarum partium; & ita virtus continuè movens æquivalenter replicatur in partibus spatij, ad efficiendum in ijs talem motum.*

Supponit III. Si ad sustinendum, movendumq; aliquod pondus, aut ad vincendam aliquam resistantiam, sufficiat virtus ut quinque v. g, perinde esse, in medio apto, v. g. aëre, applicare solum unum quod habeat virtutem ut quinque, atque applicare quinque quæ singulæ habeant virtutem ut unum. Ex hoc infert, si ad movendum aliquid requiratur virtus ut quinque, & hæc suppleri possit per quinque, moventia in quorum singulis sit virtus ut unum, posse etiam suppleri per applicationem unius habentis virtutem ut unum, quinquies replicatam, si secundum illam sic replicatam possit æquivalere illis quinque.

Supponit IV. In omnibus motibus qui eodem tempore fiunt, unus tamen velocior est altero, quod licet singulæ partes velocioris sint una post aliam, & nunquam pro duratione uni correspondente existat alia, si inter se comparentur; tamen comparatæ ad partes tardioris in data proportionem, semper retinent simul dictam proportionem excessus in velocitate, quia respectu tardioris totius, & cujuslibet partis signabilis illius, semper est major velocitas secundum datam proportionem in altero. Dato igitur motu in quintupla proportionem velociori respectu alterius tardioris; sicut totus respectu totius, ita partes unius ad partes alterius, pro æquali mensura temporis signabiles, habent excessum suum velocitatis ut quinque, ad unum. Esto igitur in motu velociori sit omnium partium suarum successio unius post aliam, ut nequeant inter se duratione penetrari; respectu tamen motus tardioris in dicta proportionem dici potest, rationem talis excessus, ut sic, non habere successionem, sed simul esse.

Nicolai
Zucchii dis-

His suppositis, P. Zucchius hisce verbis argumentando explicat mentem suam de Vniversali & omnibus Machinis im-

mediato

mediato principio motionum mechanicarum. Collige ex his, *curfus ad*
 quod quia secundum dictam proportionem virtus ut unum v. g. in motu ve- *adsignandam*
 lociori ut quinq, applicatur ad movendum pro tanto spatio, quod in quolibet *causam*
 signabili sui se habet ut quinq, ad unum respectu spatii, in quo correspon- *physicam*
 ter fit sic tardior motus, æquivalere ipsa virtus ut unum pro toto spatio in *aucturam*
 tali proportione excedenti movens, quinq, motoribus sibi æquivalentibus, *per machi-*
 qui successive unus post alium singuli pro tanto talis spaiij applicarentur ad *nas virtum*
 movendum. Hæc est major propositio argumenti. sequitur mi- *potentia.*
 nor, & conclusio: Sed quinq, motores ut unum, respectu ponderis ut qua-
 tuor v. g. dum retinerent pro quocunq, signabili temporis in dicto motu ve-
 lociori ad illud datam proportionem ut quinq, ad quatuor, superarent illud;
 Ergo etiam virtus ut unum, quæ pro quocunq, signabili in motu secundum
 datam proportionem velociori, æquivalere illis quinq, prævalere respectu
 ponderis ut quatuor.

In ista igitur (prosequitur Zucchius) connexioni virtutis minoris cum
 alio ipsam simpliciter excedente, secundum quam sic applicantur ut si move-
 antur, necessario pro eodem tempore motus minoris sit major respectu motus
 excedentis in eadem, vel etiam in majori proportione, quam sit excessus illi-
 us simpliciter accepti supra minorem, consistit totum artificium Machinæ ut
 sic, quæ assumitur ad adjumentum virtutis minoris ad æquivalendum, vel
 prævalendum, potentiori; quia cum hac connexioni minus potest æquivalere
 majori, & ita causare consistentiam, vel etiam illud superare, & sic mo-
 vere vincendo resistantiam illius: Licet enim absolute sit minus; in tali tamē
 applicatione in ordine ad actum secundum, qui juxta eam natus est sequi
 secundum talem proportionem, vel æquat, vel excedit; & augmentum vir-
 tutis per Machinam est à replicatione ipsius in motu velociori, secundum
 quam æquivalere multiplicibus, quæ sic multiplicia vel compersant, vel ex-
 cedunt id, quod ipsis minus multiplicibus prævaleret; quia talis replicatio
 vel æquivalentia, licet in ipso motu virtutis minoris habeat successionem,
 quæ repugnat coexistentiæ partium signabilium in illa; respectu tamen mo-
 tus tardioris secundum datam proportionem, qui ex connexioni per Machi-
 nam, natus est correspondenter sequi in excedente ipsam, habet ut coexistat
 secundum illam proportionem simul cuicunq, signabili illius, & ita pro quo-
 cunq, signabili talis motus sic tardioris possit æquivalere excedenti, vel il-
 lud superare. Hactenus Zucchius, qui Sect. 6. sequente discurrendo
 per singulas Machinas, ostendit potentiam celerius moveri
 quam pondus, secundum sæpe indicatam proportionem, & ex
 tali majori velocitate motus arguit replicationem potentia.

gramina
100

Est P. Zucchius Vir doctissimus, ut omnibus, qui eum no-
verunt, constat, ideoque omnino mihi persuadeo, vim aliquā
latere in prædicto ejus discursu, quæ melius ipsi, quàm alijs,
perspecta sit, eumque convincat ad opinionem suam, quam
multis ante annis breviter typis Parisiensibus proposuerat Or-
bi Litterato, & ab eo tempore multorum opiniones, objectio-
nes, difficultates (quas in Mechanica sua loco suprâ citato sol-
vere nititur) audiverat, adhuc mordicè defendendam. Ego
ut verum fatear, sæpe eam Panormi in Sicilia legi, & cum P.
Carolo La Faille, de quo suprâ, contuli; sæpe Romæ relegi, &
cum Auctore ipso, alijsq; doctis Viris de ea differui; nunquam
tamen perspicere potui, cur, & quomodo, ex eo quòd potentia
exigua & pondus magnum ita applicantur Machinæ, ut dum
utrumque movetur simul, potentia moveatur velociùs pon-
dere in eadem, aut majore proportionè, in qua se habet pon-
dus ad potentiam, replicetur in motu potentia, vel æquival-
eat pluribus potentijs sibi æqualibus; nec cur, & quomodo, tam-
etsi concedatur in motu ita replicari potentiam, possit incho-
are motum. Nam (omitto alia) ut potentia ut unum inchoet
motum quo moveat per Machinā pondus paulò minus quàm
quinque, debet æquivalere aut uni potentiæ ut quinque, aut
quinque potentijs ut unum, simul existentibus & applicatis:
Sed factâ applicatione per Machinam potentia ut unum, &
ponderis paulò minoris quàm quinque, antequam incipiat
motus, potentia neque æquivaleret uni potentiæ ut quinque,
neque quinque potentijs ut unum simul existentibus & ap-
plicatis, quia ex Zucchij opinione in motu fit replicatio poten-
tiæ ut unum æquivalentis quinque potentijs ut unum, non
quidem simul existentibus & applicatis, sed quarum una exi-
stat & applicetur post aliam, alioquin tres primæ Suppositio-
nes Zucchij non sunt ad rem; Ergo non potest potentia ut
unum, motum inchoare, & movere pondus.

Conatur solvere hoc argumentum Zucchius, & ait, neces-
sariò potentiam, factâ prædictâ applicatione ipsius & ponderis
per Machinam, inchoaturam motum, alioquin vel pondus

elevabit potentiam, vel sistet; quorū utrumq; impossibile est, ut ibidem probat. Respondeo, experiētiā constare, inchoari motū; nego tamen ideo inchoari, quòd potentia illa applicata unā cū pondere in motu replicetur, ut vult Zucchius. Alia ergo ad signanda est causa, cur potentia ita applicata æquivalet majori potentia, & cur ejus vires per talē applicationē juvētur,

CAPVT QVARTVM.

Pauli Casati sententia proponitur.

P Paulus Casatus in tota sua Mechanica bene ostendit, in omnium quinq; Machinarum usu potentiam velocius moveri quàm pondus cum sæpe jam dicto excessu; & ulterius inquit causam, cur ex eo quòd potentia & pondus applicentur ita, ut dictā ratione moveantur, dum moventur, sequatur augmentum virium in debili potentia. Post multa præmissa tandem concludit in hunc modum. *Unicum ergo & generale principium motus machinalis est major ratio intensiōnis impetus in motore, ad intensiōnem impetus cui resistit mobile, quàm sit ratio gravitatis mobilis ad gravitatem vel potentiam motoris.* Sic ponamus datum pondus mobile, ad hoc ut moveatur tantā velocitate, ut unā horā percurrat descendendo unū milliare, requirere ut singulis momentis temporis producantur in illo dum particula impetus à sua insita gravitate: igitur ut moveatur sursum hac velocitate, singulis momentis resistit duabus particulis impetus: ponamus autem illud constare ex 50. partibus materiae, quarum 4. tantum sunt in minore corpore motore; igitur illud resistit 100. partibus impetus, ac proinde debet in minore posse esse impetus major quàm 100. quæ est gravitas resistiva; quotiescunq; autem intensio impetus in levio corpore ad intensiōnem impetus in graviore potest esse major quàm ut 25. ad 2, est vis motiva major quàm resistiva, adeoq; sequitur motus, quoties ratio intensiōnis impetus à motore producibilis, ad intensiōnem impetus cui mobile resistit, major est ratione gravitatis mobilis ad potentiam moventis. Quoniam verò ista habitudine impetuum innotescit ex velocitate potentie, & caritate ponderis; ideo totum artificium Machinarum, quibus gravius pondus à minori moveatur, in hoc consistit, quòd potentia non habet impedimentum quo minus velocius moveatur, dum pondus carde moveatur, ita ut sit major ratio velocitatis illius ad hujus carditatem, quàm sit hujus gravitas ad illius gravitatē. Quare proportio illa reciproca major motuum, & gravitatum, non est prin-

*Pauli Casati
sententia
de principia
motuum
machinalium*

principium causativum motus machinalis, sed tantum est inditium principij, mirum impetus, qui in motore est talis, ut vincat mobilis resistantiam. Quia verò illud principium semper coniungitur cum hoc inditio, & isti motus sunt effectus illius impetus; ideo sufficet ostendere, in omnibus Machinis militare hoc principium, quòd scilicet major sit ratio velocitatis potentia ad tarditatem ponderis, quam sit gravitatis huius ad illius vires: eo enim ipso sequitur, impetum, cui resistit mobile in motu tantæ velocitatis, esse minorem eo quem potentia potest producere. Hinc vides, perpetuam servari justitiam inter potentiam, pondus, ac motum, ut quò magis crescit pondus, eò magis minuatur ejus motus; eadem enim potentia tardius movere potest gravia æquali tempore per datum spatium, quàm levia: quare ut datum pondus moveatur, vel augenda est potentia, vel minuenda ponderis velocitas. Si potentia viribus abundat, pondus movebitur velocius; si virtus est modica, pondus tardius movebitur servatâ pari potentia velocitate. Sic ut solus moveas Machinâ pondus, ad quod sine Machina movendum opus est 20. hominibus, fac talem Machinam, in qua tu movearis vigecuplo velocius quàm pondus; tunc enim pondus suo motu resistit viginti vicibus minus, quàm resisteret motui æquè velocis sine Machina. Hactenus Casatus; qui videtur velle, quòd ideo, quando potentia & pondus ita applicantur Machinæ, ut motus potentia superet motum ponderis in dictâ sapius ratione, potentia possit vincere resistantiam ponderis, quia quò moveri debet per majus spatium, & consequenter velocius, eò majorem impetum debet habere in se; & eò majorem potest communicare ponderi, & sic magis diminuere ejus resistantiam. Aliud certè ex scriptis ejus elicere non possum, nec aliud ex ipsius ore, cùm Romæ de ea re cum ipso differerem. Cui hoc unicum oppono, quòd prius debet esse impetus quàm motus; hinc autem non prius habetur impetus quàm motus, quando quidè per motum acquiritur impetus.

CONCLUSIO.

Mechanicū principium universale ad augendas vires potentia per machinas, nescitur.

EGo hæc brevissimè statuo I. *Experientiâ patet manifestâ, non solum in vecte, & in ijs Machinis quæ sine controversia ad vectem reducuntur, sed universaliter in omnibus, nunquam sequi motum, quo minor potentia moveat majus pondus, nisi potentia & pōdus ita applicentur, ut posito quòd moveantur, motus potentia ad motum ponderis habeat majorem*

jorem

jorem rationem, quàm pondus ad potentiam: item, quotiescunque fit talis applicatio, toties sequi motum. Signum ergo est, potentia vires per talem dispositionem augeri, & vicissim ponderis resistantiam diminui. Bene ergo, & universaliter asseritur, dictam applicationem potentia & ponderis, esse unicum, universale, & omnibus Machinis commune principium & causam, augendi vires potentia, & resistantiam ponderis minuendi. II. Cùm effectus ex tali dispositione secutus, sit effectus physicus; debet utiq; habere causam physicam: talis autem non potest esse sola & nuda dispositio potentia & ponderis, cùm hæc sola dispositio non sit activa physicè; sequitur ergo ad talem dispositionem aliquid aliud, vel in potentia, vel in pondere, vel in utroque, quod habeat rationem causæ physicae, resultare. Quid verò hoc sit, malo fateri ingenuè me ignorare, quàm multis verbis, & dubijs ambagibus Lectorem fatigare. Atque hic finis esto Magia nostræ Mechanicæ, nunc ad alia pergamus.

MONITIO AD LECTOREM.

Benevole Lector, in Mechanica nostra Hydraulico-pneumatica Par. 2. Classe 2. in fine Prolusionis, in qua de motus perpetui arte procurari impossibilitate egimus, promissimus nos melius & accuratius questionem de motus perpetui possibilitate aut impossibilitate ponderaturos in Magia nostra Mechanica, argumentis desumptis ex Philosophia, Centrobaryca, Statica, & Mechanica; at quoniam videmus librum hunc in majorem excrevisse molem quàm putaveramus, abstinere cogimur, & ad Mechanicam nostram universalem, seu Thaumaturgum Mechanicum differre, quod brevibus hic prodignitate explicare non possumus. Infrà tamen in Magia Hydrotechnica, & IV. Parte hujus Operis in Magia Magnetica, asseremus in medium, & excutiemus nonnulla aliorum perpetui motus, ut existimant, inventa. Eadem de causâ omittimus Machinas aquaticas Tractorias, quas in Prologo ad Lectorem Mechanicæ nostræ Hydraulico-pneumaticæ promissimus hoc loco daturus, reservamusq; eidem prædicto Operi. Vale Lector, & promissi solutionem cum sanore expecta, si vitam DEVS ac vires dederit. De Machina Augustana, quam promissimus in eadem Mechanica nostra Par. 2. Classe 2. Machina 1. dicemus aliquid infrà lib. 6. Syntagm. 2. Machina 6.



LIBER TERTIVS.
DE MAGIA THAU-
MATVRGA,

Sive

De admirabili quarundam Machinarum
fabrica, usu, viribus, & effectibus.

PROOEMIUM.



*Mechanica
est Thau-
maturga.*

*Mnes quidem Mathematica disci-
plina, qua non solum theoriam spe-
ctant, sed cum theoria praxin conjun-
gunt, thaumaturga, hoc est, miracu-
lorum operatrices appellari merito
possunt; Mechanica tamen, qua de haecenus, jure
meritissimo. Hac enim Naturam non juroat modo,
ac perficit, ut alia, sed evidentissimè etiam vincit, dū
per Machinas, quas ingeniosissimè excogitat, nullam
non debiliorem virtutem confirmat ac promovet,
nullam non potentiozem sistit ac superat, nullum non*

corporibus motum, progressionem, gyrationem inducit; audax nimirum ac potentissima virium Nature in corporibus non tam contemplatrix, quàm arbitra.

Hinc tam mirabilia ab omni ævo à Mechanicis Mathematicis excogitata opera, à Scriptoribus antiquis ac recentioribus celebrata, à multis nostrum varijs in locis visa, quorum nonnulla in I. Partelib: I. cap: 6. recensuimus, ut vitrea illa, eaq; artificiosissima Archimedis ad Mundi exemplar architectata sphaera; Archita lignea per aërem volitans columba; Regiomontani artificialis aquila Carolo Quinto Imperatori Norimbergam adventanti obviam volitans; musca ferrea ibidem è manu artificis sui evolans, & convivæ circumvolans, tandemq; velut defatigata in sui Domini manum rediens; poculum argenteum puellari formâ constructum, & vinoplenum per mensam, ad quemcunq; jussum fuerat, progrediens; statua puellari item formâ citharâ pulsans, & ad numeros saltans. Talis etiam est Machina illa artificiosissima, quam ibidem dixi Norimberge me vidisse, exhibentem omnium artificum statuas exercentium artes suas; & alia illa, quam Parisijs se vidisse asserit Monantholius in Prefatione ad Mechanicas Aristotelis quæstiones; &

Eius opera
mirabilis.

Horologiū
retatum
artificiofif-
simum in
Scania.

cui similem multi in varijs Germania Civitatibus, quæstus causâ circumductam, se vidisse testantur. Talia præterea sunt varia horologia quorum lo: cit: memini; ut est illud, quod in Scania vel Scandia Daniæ Regni Provincia (vulgò Schonen) extare dicitur in urbe Lundia, Laurentianum dictum. Situm id esse referunt in inferiori templi parte, ubi tabula parieti affixa visitur circulis aliquot variorum colorum distincta. In hac per certos ejus rei indices, & annus, & mensis, ac septimana, dies quoq; singuli, ac hora, liquidissimè monstrantur, eo etiam indicato qui festus celebrari solet: item quis luminarium Solis ac Lunæ motus, quæq; horū in Zodiaco loca diebus singulis, & inter se habitudines. Atq; hæc quidem foris. Intus autem machinis quibusdam ad id artefactis fit, ut quoties signum datur publicè hora elapse, supra tabulam ipsam duo concurrant simulacra (equites dixeris cataphractos) quæ tot sese ictibus petunt, quot signa dat campana major in turri suspensa quæ horam indicat. Quod verò magis mirandum, in hujus tabule medio velut in throno collocatum est simulacrum Virginis DEIPARÆ sinu tenentis Infantem IESVM. Ad latera huic ostia duo, ante pedes velut theatrum semicirculi formâ, arcu hujus

Fig: I.




Fig: III.



Fig: II




Fig: IV.



Fig:

V.



Fig

VI.

Fig: 3

VII.







Fig: VIII.

Fig: IX.





jus spectatoribus obverso. Intus machina cum simu-
 lacris trium Magorum Regum, quorum singulis
 singuli famuli additi. Machinâ motâ ad eus, cui
 hoc negotium datum, arbitrium, prodeunt simula-
 cra. Ante alios velut caduceator minitabundus,
 gladio vibrato pulsat ostium sinistrum. Eo aperto,
 proceditur, buccinis simul duabus sonantibus, quas
 inflare videntur buccinatorum simulacra. Qui pri-
 mus est Magorum, magnifico prodit per theatrum
 incessu. Ad Virginis MARIÆ simulacrum ubi
 ventum est, reverenter ad hanc versus inclinat se
 Magus, velut adorabundus; moxq; conversus pro-
 greditur. Faciunt idem reliqui Magi, secundus, &
 tertius. Famuli horum immoti procedunt, nullâ edi-
 tâ reverentię significatione. Horum postremus, iterũ
 receptus ad suos, ostium dextrum claudit, ita quidẽ,
 ut clarior quidam sonus eo occluso ad aures spectan-
 tium perveniat. ita in I. Danie Tabula Atlantis
 majoris. Similium Horologiorum à diversis opifici-
 bus factorum in Italia, mentionem facit Bern. Sac-
 cus in Historia Ticinensi. Similia passim nunc, &
 longè ingeniosiora sunt in forma exigua & portatili.
 Nonnulla vidi in Sicilia, & Rome, allata è Ger-
 mania. Innumera hoc loco afferre possem, in quibus

*Mechanicorum divinum elucet ingenium, sed o-
mitto, nè Proœmij limites excedam.*

CAPVT PRIMVM:

De Machinis quæ constant rotis ac tympanis dentatis.

*Rotæ den-
tata.*

A his incipio, quoniam admirabiles sunt, & mirabiliu m
ferè omnium, quæ per Mechanicam exhibentur, causæ.
Quod agnovit etiam *Aristoteles* initio suarum Mechanicarum
Quæstionum, ubi cum inter alia circuli mirabilia numerasset,
quod motibus contrarijs cietur, id explicat exemplo plurium
dentatarum rotularum, sibi contiguarum, & dentibus sibi
mutuò implicatarum, quarum una si ab extrinsecavi movea-
tur in partem unam, altera in contrariam convertitur, ut pa-
tet in tribus appositis rotulis AB, CD, EF, quarum prima AB si
moveatur ita, ut A feratur versus G, indeq; versus B; secunda
CD movetur necessariò motu contrario, ita ut D feratur ver-
sus H, indeq; versus C; tertia denique EF iterum contrario se-
cundæ motu cietur, ita ut E progrediatur versus I, indeq; ver-
sus F. Idem contrariorum motuum ordo servatur, si plures
implexæ sibi mutuò sunt rotulæ, aut circuli. Hac arte, ut Ari-
stoteles etiam insinuat, antiqui Deorum suorum statuas con-
cinnabant, rotis intus absconditis, ut dum occulâ unius ver-
satione cæteræ moverentur, varijq; statuarum motus inde ori-
rentur, imperitæ plebi imponeretur, miraculo adscribenti,
quod naturaliter fieri ignorabat. Tali etiam arte sine dubio
constructæ erant Dædali statux adeo celebratæ, quæ, ut Plato
asserit in Menone, nisi ligatæ aufugiebant, & vago quodam si-
nuosq; impetu ferebantur infugam. Eodemque modo con-
structæ fuerunt omnes illæ Machinæ, quarum in Proœmio
mentionem feci. Hæc igitur dentatorum orbium seu rota-
rum implicatio fundamentum est earum Machinarum, quas
hoc Capite adducemus.

*Vide Ico-
nismi X.
Fig. I.*

*Rotis den-
tatis mira
prestari
possunt.*

*Dædali sta-
tuo.*

Fig: II.




Fig: I.





Fig: III.



BU
LLE

Fig: V.



Fig: IV.




Fig: VIII.




Fig: VII.




Fig: VI.





PLATE III



MACHINA I.

Glossocomum Heronis & Pappi Alexandrinorum, quo datum pondus datâ potentiâ movetur.

Pappus Alexandrinus lib: 8. Collectionum Mathemat. Proposit. 10. ait, Heronem Alexandrinum in eo libro, qui inscribitur βαρούλκον, docuisse per appositionem tympanorum dentatorum Datum pondus movere datâ potentiâ, diametro tympani ad diametrum axis proportionem habente eandem, quam quinq; ad unum, & pondus motum posuisse esse talentorum mille, potentiam verò moventem talentorum quinque. Ad hujus imitationem Pappus idem docet efficere operâ eorundem tympanorum dentatorum habentium ad axes suos proportionem duplam, & pondus ponit talentorum centum sexaginta pro mille, & potentiam ipsam moventem talentorū quatuor pro quinque. Et hanc Machinam ipse cum Herone appellat Glossocomum. Sic autem procedit, Ad numero ipsiusmet Pappi verba, paucis meis interjectis diverso caractere.

Sit, inquit, dictum ab ipso Herone Glossocomum $ABCD$, & in eo ad longos & parallelos parietes sit axis EF , qui expedite vertatur; huic autem axi insertum sit tympanum dentatum radijs quasi dentibus GH , habens diametrum duplam diametri axis EF juxta tempora: sit enim axis AE quadratus circa medium, ad tantam longitudinem, quanta est tympani crassitudo, in quem tute inseratur; rotundus autem quodammodo, vel diminutus ex utrisq; partibus seu lateribus tympani. Siquidem ad pondus, quod attrahitur, alligati funes (qui arna vocantur) per quoddam foranē, vel potiùs per sectionem latam in pariete CB ingredientis, circa axen EF , ex utraq; parte tympani GH circumvolvantur, vertaturq; GH tympanū; & hoc simul vertet insertum axem, qui circa extrema movetur in digitis areis, & pixidibus similiter areis, & positis in dictis parietibus ABC : Convoluti autem funes ex pondere, quod vocatur φορτίον, pondus ipsum movebunt. Sed ut moveatur tympanum GH , oportebit adhibere potentiam talentorum octoginta, quod diameter tympani diametri axis sit dupla. Et paulò post. Quoniam igitur non habemus datam potentiam talentorum octoginta, sed talentorum quatuor; fiat alius axis KL , qui ponatur paral-

Glossocomū
Heronis, &
Pappi.

Vide Ico-
nismi X.
Fig. II. |

Nota Le-
ctor, in
delineati-
one sche-
matis non
esse serva-
tam pro-
portionē
partium.

lelus ipsi EF , habeatq; insertum tympanum dentatum MN , ita ut ejus dentes dentibus tympani GH congruant. Hoc autem fiet, si sit ut diameter tympani GH ad tympani MN diametrum, ita multitudo dentium GH ad multitudinem dentium MN ; quod quidem quæ ratione fiat, ex sequentibus manifestum erit. Datum est igitur etiam tympanum MN . Sed eidem axi KL insertum sit aliud tympanum XO , diametrum habens duplâ diametri tympani MN . Quamobrem volenti movere pondus per tympanum XO , necesse erit adhibere potentiam quadraginta talentorum, cum octoginta talenta talentorum quadraginta dupla sint. Rursus tympano XO dentato adiaceat aliud tympanum dentatum PR , aliq; axi insertum; atq; eidem axi inseratur aliud tympanum ST , habens diametrum similiter duplam diametri tympani PR , cujus dentes dentibus tympani MN non implicentur. Ergo potentia movens pondus per tympanum ST , talentorum viginti pondus attrahet; erat autem data potentia quatuor talentorum; necesse est igitur rursus aliud tympanum dentatum $\Psi\Phi$ tympano ST dentato coaptare, & axi tympani $\Psi\Phi$ inserere tympanum $\chi\psi$ dentatum, cujus diameter ad diametrum $\Psi\Phi$ eam habeat proportionem, quam duo ad unum. Ergo potentia quæ per tympanum $\chi\psi$ pondus movet, erit talentorum decem. Rursus tympano $\Psi\Phi$ accommodabitur aliud tympanum dentatum $\iota\zeta$, & ipsius axi inseremus tympanum $\alpha\beta$ dentatum dentibus obliquis, cujus diameter ad diametrum $\iota\zeta$ proportionem habeat eandem, quam decem talenta ad talenta quatuor potentie data.

Eius constructio.

Eius usus.

His igitur constructis si intelligamus glossocomum $ABCD$ in sublimi collocatum, ita ut dimoveri non possit, & ex axe quidem EF pondus appendamus, ex tympano autem $\alpha\beta$ potentiam attrahentem quatuor talenta; neutram in partem inclinatio fiet (dummodo axes facile vertantur, & tympanorum appositio exquisitè congruat) sed veluti in quadam libra quatuor talentorum potentie centum sexaginta talentis æquiponderabit. Si igitur uni ipsorum parvum aliquod pondus addatur, deorsum verget, & præponderabit ex ea parte, ad quam additio facta fuerit. Si enim v. g. potentie quatuor talentorum addatur pondus unius minæ, exuperabit ea, & pondus centum sexaginta talentorum attrahet. Sed pro additione coaptetur tympano $\alpha\beta$ cochlea $\omega\alpha$, habens helicem obliquis dentibus ipsius congruentem. Hoc autem quomodo fieri oporteat, scriptum est ab Herone in Mechanicis, & nos inijs quæ sequuntur, manifestius exponemus. Itaq; vertetur cochlea expedite circa tornos existentes in foraminibus rotundis, quorum alter excedat in exteriorem partem glossocomi juxta parietem CD , & excessus quadratus accipiat ansam $\Gamma\delta$, per quam apprehendentes & vertentes cochleam,

verte-

vertemus etiam tympanum $\alpha\beta$, & unum tympanum $\iota\zeta$ ipsi conjunctum; ergo
 & appositum eorum tympanum $\chi\phi$ vertetur, & huic conjunctum $\psi\theta$; & apposi-
 tum ipsi $\delta\tau$, & rursus conjunctum $\rho\sigma$; & appositum $\xi\omicron$, itemq; conjun-
 ctum $\mu\nu$; & appositum gh ; quare & ipsi conjunctus axis ef ; circa quē
 convolentes ex pondere funes, pondus ipsum movabimus: nam ipsum quidē
 moveri per speciem constat, cum addita sit altera potentia ansae, describens cir-
 culum, cujus perimenter major est perimetro cochleae. Demonstratum enim
 est in Libro Archimedis $\alpha\pi\iota$ $\zeta\omicron\gamma\delta\epsilon$, id est, de Libra, & in Mechanicis Philo-
 nis, & Heronis, circulos majores exuperare minores, quando circa idem
 centrum conversio eorum fiat. Haec igitur sunt quae contemplationem mecha-
 nicam maximē continent. Haecenus Pappus, & satis clarē, ut aliā
 explicatione vix indigeant. Nihilominus aliqua circa dictum
 Instrumentum notemus.

ANNOTATIO I.

Explicantur melius vires Glossocomi.

In descripta haecenus Machina Pappus assumpsit proportionem duplam
 tympani GH ad axem EF , & reliquorum sequentium tympanorum ma-
 jorum sibi invicem appositorum ad tympana minora sibi adjuncta, etiam
 proportionem duplam, & tympani ultimi majoris $\alpha\beta$ ad tympanum minus
 $\iota\zeta$, proportionem duplam sesquialteram, qualis est decem ad quatuor. Po-
 terat autem assumere quancumq; aliam proportionem, sicuti aliam assumpsit
 Hero, & etiam nos in sequenti Machina adhibebimus. Itaq; quia pondus
 pendens ex E , est talentorum 160; ad illud sustinendum à potentia in F ap-
 plicata, requiritur potentia aequalis ponderi, quia ut ex dictis de Axe in pe-
 ritrochio constat, EbF est vectus primi generis, in quo ut distantia Eb ad
 distantiam Fb , ita potentia F ad pondus E . At quoniam bH dupla est
 ipsius Eb sufficit in H potentia subdupla ponderis, nempe talentorum 80, ac
 proinde in H sentitur resistentia ut 80. Rursus quoniam Hc est æ-
 qualis ipsi cN , & $c\delta$ est dupla ipsi Hc ; ideo potentia in N sentiet pondus 80.
 talentorum, in O vero applicata sentiet pondus 40. talentorum. Similem
 ob causam potentia in A sentiet pondus 40. talentorum, at in T 20. talentorū.
 Sic etiam in ϕ sentiet pondus 20. talentorum, at in ψ 10. talentorum. Ac de-
 mum in Z sentiet pondus 10. talentorum, sed in extremitate ultimi tympani,
 hoc est, in cochleae $\alpha\Gamma$, seu in ansa $\Gamma\delta$, sentiet pondus 4. talentorum. Po-
 tentia igitur paulo major quàm 4. talentorum, movebit pondus 160. talen-
 torum applicatum in E .

Eius vires.
 Vide Ico-
 nismi X.
 Fig. II.

In idem recidit, si dicas, pondus 160. talentorum esse duplo levius in *H*, nempe solum 80. talentorum; & in *O* quadruplo levius, nempe 40 talentorum; & in *T*. octuplo levius, nempe talentorum 20; & in Ψ sexdecuplo levius, nempe 10. talentorum; & deniq; in cochlea α & Γ quadragesies levius, nempe 4 talentorum. Est & hoc verum. Potentia in *H* sustinet duplum sui, in *O* quadruplum, in *T* octuplum, in Ψ sexdecuplum, in cochlea deniq; quadragesuplum sui. Quoniam igitur potentia est ut quatuor, & huius quadragesuplum sunt 160; sustinebit potentia ut 4, pondus ut 160.

Quomodo
augeantur.

Si tympana majora & minor a continentur in eadem dupla, aut in quacunq; alia proportione, poterit deveniri ad minorem & minorem sine fine potentiam, quae datum pondus sustinere ac movere queat. Vides igitur quantarum virium sit praesens Machina. Quidam putant, Archimedes non aliam, quam hac Machinam, ingentem illam navim movisse, de qua supra in praecedentibus duobus Libris mentionem fecimus in Prooemijs. Notandum tamen, quod plures sunt rotae seu tympana, & quod magis facilitatur motus, seu quo magis minuitur potentia respectu ponderis dati, eo tardiorum futurum motum ponderis, quia quod velocius movetur potentia, eo tardius movetur pondus, juxta principium nostrum Universale motionum Mechanicarum, de quo Libro precedente.

ANNOTATIO II.

Indicatur theoria Glossocomi.

Glossocomi
theoria.

Places quod notavit acutè P. Marius Bettinus Apiario 4. Progyms. 2. Proposit. 4. Scholio I. circa praesentem Machinam, nimirum in ea ab *E* usq; ad *a* seu extremum tympani *a* β , esse vectem quater infractum, sive quasi compositum ex quinq; minoribus vectibus, qui ad extrema, in quibus connecluntur, faciunt angulos, & in contraria obnuntur, ac moventur alternis sursum ac deorsum secundum extremitates suas, quoniam alternatim habent hypomochlia infernè, ac supernè, uti apparet in praesenti figura, si fingas, *E* *H*, *H* *O*, *O* *T*, τ Ψ , Ψ *a*; esse quinq; vectes, habentes hypomochlia in *b*, *c*, *d*, *e*, *f*; alternis infernè ac supernè, & in prioribus quatuor distancias majores esse duplas minorum, in ultimo verò duplam sesquialteram, seu ut 10. ad 4, prout in Glossocomo sunt distanstia *b* *H*, *c* *O*, *d* *T*, *e* Ψ , *f* *a*, ad distancias *E* *b*, *H* *c*, *O* *d*, *T* *e*, Ψ *f*. Si enim ab extremo *E* praesentis Figure penderet pondus 160. talentorum, ab extremo *a* applicata potentia 4. talentorum; dum potentia deprimit extremum *a*, ascendit extremum Ψ , & iterum descendit extremum *T*, ascendit extremum *O*, descendit extremum *H*, ascen-

Vide Iconismi X.
Fig. III.

ascendit extremum E, & simul cum ipso ascendit pondus: ac proinde posita proportione distantiarum prædictâ, potentia ut quatuor in H sentiet dimidium ponderis, in O quartam partem, in T octavam, in φ decimam sextam, in a quadragesimam; id est, non nisi quatuor talenta sentiet.

Ex quo etiam patet, quanta sit differentia quoad vires inter unum Vectem continuum, & inter plures minores extremis suis connexos. Nam ut uno vecte continuo potentia ut quatuor sustineret pondus ut 160, deberet ferri vectis, cujus distantia major haberet partes quadraginta æquales distantia Eb; cum tamen in præsentis vecte infracto omnes distantie majores contineant tantum partes decem cum dimidia æquales parti Eb. Vide quæ dicimus infra Cap. 3. Machina I.

Vectium
infractorum
vires.

ANNOTATIO III.

Qualis debeat esse proportio inter numerum dentium, & magnitudinem diametrorum tympanorum sibi invicem apponendorum, & quomodo se habeant inter se velocitates eorum; quomodo item construenda cochlea habens helicem obliquis dentibus tympani dati congruentem, & quomodo formandi obliqui dentes in tympano; docet accuratè Pappus lib: 8. Proposit: 20. 21. 23. & 25. quæ vido.

MACHINA II.

Glossocomon nostrum, quo talenti potentia movetur
Terraqua, si aurea foret.

Magna fuit semper Mechanicorum audacia, magna vis, tantusque in tam parvo numero animus, nihil ut in hoc Orbe Terrarum sit tam grave, firmum ac validum, quod eorum Machinas expertum non sit. Et certè si vel ipsum Terraqueum globum è sede sua eruere possunt, quid eorum effugiet conatum? Possè autem id fieri vecte, axe in peritrochio, trochleâ, & cochleâ; superiori libro ostensum fuit brevissimè. Nunc fusiùs ac solidiùs demonstrabo, eundem Terraqueum globum, etiam si aureus foret, Glossocomo, illi, quem descripsi paulò antè, simillimo, non plus quàm viginti quatuor rotis majoribus instructo, dimoveri è loco suo, & in altum attolli posse, idque ab ea solum potentia, quæ talentum unicum, hoc est, centum & viginti quinque libras nostrates ponderat.

Mechanica
potentia.

Glossocomo
Terraqua
moveri po-
test, etiam
si aurea fo-
ret.

Hoc ut demonstremus, Terræ magnitudinem & gravitatem cognitam habere debemus, uti patet ex suprâ dictis præcedenti Libro Syntagm: 2. in Auctario; hanc autem si quis novit, is solus est, qui eam formavit, libravit, suoque in centro fixit DEVS. Ita profus est; neque nos à geometriæ petimus, quod à DEO discendum est. Geometricam ergo Terram, ut suprâ, nobis hîc iterum fingemus, eamq; nobis ad dimovendû proponemus, talemque, qualis ipsa formari potuit, videlicet auream, non multò minorem eâ, quam DEVS ex terra & aqua composuit: hanc enim qui Glossocomo nostro movebit, movebit profectò terream, seu ex terra & aqua compositam quam incolimus, eò quòd nihil repertum adhuc auro gravius. Primò ergo Terræ aureæ magnitudinem statuamus: tum auri pondus eidem adsignabimus: & denique rotas ac tympana expediemus, quibus unius talenti potentia molem illam universam sic moveat liberè, ut nè talentum quidem movere se putet.

De ambitu Terræ aureæ.

Terra aurea ambitus,

ET ambitum quidem Terræ, seu circumferentiam circuli ejus maximi, non eam pono quam suprâ, sed varietatis gratiâ quam multi Astronomi & Geographi statuunt, nimirum milliariorum Italicorum octodecim millium nongentorum, vel passuum geometricorum octodecim millionum & nongentorum millium.

Ambitus Terræ	{ Milliariorum Italicorum	18900
	{ Passuum geometricorum	1890000

Atque hinc accuratâ satis, eâque trinâ multiplicatione colligo, cubum qui ex circumferentiâ circuli maximi Terræ in lineam rectam extensa constituitur, tot necessariò fore passuum cubicorum, quot in hoc sequenti numero continentur unitates, nempe sex milleni, septingenti, & quinquaginta unus milliones millionum, millionum, & insuper ducenta & sexaginta novem millia millionum millionum.

Cubus

Cubus ambitus Terræ in passibus cubicis

| A | 6751, 269000, 000000, 000000.

De pondere Terræ aureæ.

PONDUS verò auri huic cubo debitum eruemus facillimè, si unum vel alterum supponamus, quod hîc pluribus confirmare non licet; videlicet rationem gravitatis auri quam ad aquam habet, & aquæ gravitatem quam pendit passus cubicus. Quæ quidem gravitas ex Amphora Romana antiqua nullo negotio colligitur. Teste enim *Fannio* antiquo Grammatico, *Villalpando*, & alijs recentioribus, Amphora Romana antiqua pendit aquæ libras 80; & si cubica sit, latus ipsius quodlibet, hoc est, longitudo, latitudo, & altitudo est pes Romanus antiquus, quorum quinque constituunt passum geometricum, uti docuimus in *Pantometro Kircheriano Lib: I. Par: 2, cap: 3.* Cubus igitur unius passus geometrici dubio procul continebit 125 amphoras, eò quòd hic numerus, 125, producat ex cubica seu trina multiplicatione numeri 5; & si idè numerus 125 ducatur in 80 libras unius amphoræ, procreabitur necessariò gravitas aquæ unius passus cubici librarum 10000 præcisè. Rationem verò, quam auri gravitas ad gravitatem aquæ habet, suppono eam, quam observavit *Marinus Ghetaldus*, in suo *Archimede* promotò; vel eam quam numerus 19 habet ad unitatem, ita ut quantitati unius libræ aquæ, novendecim libræ auri respondeant. Quare cum unus passus cubicus pendat decem millia librarum aquæ; rectè omnino concludemus, eundem passum cubicum aureum esse librarum 190000, seu talentorum 1520, tribuendo uni talento libras 125: facta enim divisione hujus numeri, 190000, in 125, quotiens est 1520. Inspice sequentem laterculum.

Terræ aureæ pondus.

Amphora Romana quot libras aque pendat.

Amphora Romana continet libras aquæ -- -- -- 80.		
Passus cubicus aquæ	} continet	Amphoras aquæ -- -- -- 125
		Libras aquæ -- -- -- 10000
Passus cubicus auri	}	Libras auri -- -- -- 190000
		Talenta auri -- -- -- 1520

Si autem per hunc ultimum numerum, 1520, multiplicemus numerum A supra positum, inueniemus hunc numerum B.

[Cubus aureus ambitus Terræ in talentis.]

[B] 10,261928,880000,000000,000000.

Et tot talentorum auri erit cubus ambitus Terræ. Ex quo ipsum Terræ globum aureum beneficio aureæ regulæ, quam Trium vocant, sic postremo loco deduco. Primum enim certum est, proportionem cubi circumferentiæ circuli maximi ad soliditatem spheræ, in omnibus omnino spheris esse eandem, eò quod omnes spheræ sint similes, & circumferentiæ circularum maximorum sint instar laterum homologorum. Deinde certus sum, hanc proportionem nec minorem esse proportione numeri C ad numerum E, nec maiorem proportione numeri D ad eundem numerum F. Et denique ex ratione re-

[C] 59,217626,406536,151713,006945

[D] 59,217626,406536,151713,006946

[E] 1,000000,000000,000000,000000.

gulæ Trium patet, quando iunt quatuor numeri proportionales, & tres eorum dantur, dari etiam quartum: Atqui tres numeri, nimirum C vel D, E, & B, dantur, estque ut C vel D ad E, ita B cubus circumferentiæ ad soliditatem terræ; Ipsa igitur Terra dabitur, si numerus B multiplicetur per E, & summa dividatur per C; producet enim Terra F maior verâ, eaque nè unicâ quidem librâ differet à minore verâ; quæ quidem produceretur, si eadem summa divideretur per numerum D.

Globus Terræ aureus talentorum

F | 173291 796762,514927,915797.

*De rotis seu tympanis necessarijs ad movendam
Terram auream.*

Habemus igitur, quod primo & secundo loco statuere oportuit, Terræ nimirum magnitudinem, ejusque gravitatem, si aurea foret. Nunc quod reliquum est, aggrediamur, & rotas seu tympana explicemus, quibus talenti potentiâ moveantur talenta numeri F. Neque ego hîc chordas texuero, neq; rotis materiam, locumque Machinæ præscripsero ex quo suspendatur; hæc enim ut aliena alijs procuranda relinquo; illud tantum prosequar, quod Geometram, vel potius Mechanicum, ex geometria & arithmetica petere convenit; quam videlicet proportionem habere debeant rotæ, ut per eas datum pondus F datâ talenti unius potentiâ moveatur. Atque huc spectant duæ illæ Propositiones Archimedis sexta & septima Libri I. Æquiponderantium, quas explicavimus ac demonstravimus libro præcedente Syntagm: I. Cap: 4. Proposit: 5. & 6. ubi cum Archimede ostendimus, magnitudines, sive commensurabiles, sive incommensurabiles, æquiponderare, si ex distantijs suspendantur eandem permutatim seu reciprocè proportionem habeantibus, ut gravitates. Hoc est, si v. g. gravitas magnitudinis A dupla sit ad gravitatem magnitudinis B, eademq; suspendantur ex quibusvis distantijs EC, ED; & ED ad EC habeat quoque permutatim proportionem duplam; ostendimus inquam, centrum gravitatis magnitudinum A & B esse in puncto E, seu quod idem est, easdem magnitudines manere, & æquiponderare, si linea CD suspendatur vel sustineatur ab aliquo fulcramento in puncto E. Ex hac verò demonstratione dependent ferè omnia illa, quæ in vecte, axe in peritrochio, trochlea, alijsque similibus instrumentis ac machinis ad ponderum & potentiarum proportionem pertinent, ut toto præcedente libro vidimus.

Terra aurea quot rotis & tympanis moveri possit per globosocomuni.


Vide Iconismi X. Fig. IV.

Vide Ico-
nismi X.
Fig. V.

Vide Ico-
nismi X.
Fig. VI.

Si enim v. g. vectis AB, ad fulcimentum C, ita dividatur, ut AC decupla sit ipsius CB; potentia applicata ad A poterit decuplū potentiae vel ponderis applicati in æquali distantia ponderis B, hoc est, æquiponderabit ponderi B. Si autem AC est paulò major, quàm B, potentia A præponderabit ponderi B. Item si sint duæ rotæ, AA, & BB, circa idem centrum C, ita ut unâ motâ & altera moveatur; sitque semidiameter AC iterum decupla semidiametri CB; erit ut prius potentia ad A, subdecupla potentiae vel ponderis appensi ad B, hoc est, potentia unius talenti ad A sustinebit decem talenta ad B appensa.

Atque tales sunt rotæ quas in Glossocomo nostro assumimus ad movendam Terram auream. Omnes enim majores rotæ, quas in præcedenti Machina vocavimus tympana majora, ponimus habere decuplam proportionem ad suos axes, & ad suas minores & concentricas rotas, quas minora tympana ibidem appellavimus; quamvis in Figura, ob loci angustiam, hæc decupla proportio non sit servata. Omnes etiam ferè rotas, tam majores, quàm minores, fecimus inter se respectivè ferè æquales, primis aliquot exceptis; & eo ordine, quem Figura monstrat, disposuimus, quia utrumque ad declarandum intentum nostrum commodum videbatur. Machina autem ipsa certum ordinem rotarum minimè postulat, sed illum tantum requirit, ut axes suis tympanis infixi, validi sint, & ijs firmiter cohæreant, & beneficio dentiū (quales solùm in XXIV. rota majore, & in XXIII. minore expressimus) majora tympana à minoribus proximis & sibi adpositis liberè moveantur. Magnitudinem verò eam esse oportet, quæ sustinere pondus possit; ideoque ultimam, quæ totum pondus sustinet, convenit esse maximam, primam, à qua per adjunctam cochleam, aut aliter, motus incipit, minimam. Dico igitur iterum, viginti quatuor rotis paulò antè expositis tantum, potentia unius talenti Terram auream ponderis F moveri posse. Quod etsi incredibile videatur, verissimum tamen esse vel inde constabit, quòd eadem potentia eodem numero rotarum sustine-



Ambitus Terræ } Milliar Ital. 18900
 Passuū geom 18900000



Cubus ambitus Terræ in passib; cubicis
 6751, 269000, 000000, 000000.

Cubus ambitus Terræ aureæ in
 talentis.
 10, 261928, 880000, 000000, 000000.

Gravitas Terræ aureæ
 talentis
 173291, 798762, 514927, 915797

Gravitas Terræ maior au.
 reā in talentis.
 1000000, 000000, 000000, 000000,





re queat numerum talentorum E; qui numerum F aureæ Terræ attributum, superat toto numero H.

E	1,000000,000000,000000,000000	
F	173291,796762,514927,915797	
H	826708,203237,485072,084203	

Sustinere autem posse, ita probo. Tympanum L, seu XXIV, decuplum est, ex hypothesi, sui Axis M; potentia igitur applicata ad circumferentiam tympani L sustinebit, per ea, que libro precedente, & proximè ex Archimede attulimus, decuplū pondus ad circumferentiam axis M: talis autem est potentia talentorum numeri G intra XXIII tympanum L scripti, ad talenta numeri E circa auream Terram scripti; Ergo potentia G ad circumferentiam tympani L sustinebit talenta E, suspensa ex axe M. Imò eadem potentia G, applicata etiam ad circumferentiam tympani minoris seu axis O, sustinebit eadem talenta E, ex eodem axe M, beneficio tympani L, cui per dentes inferitur: Sunt enim duo illa tympana, L & O, sicut duæ rotæ, CAD, EBF, dentibus sibi mutuò innexæ, quorum centra A & B; in quibus si ex C pendeat talentum K deorsum nitens; certum est, si ex puncto D rotæ minoris majori innexæ pendeat aliud talentum G similiter deorsum nitens, futurum æquilibrium inter duo talenta K & G, quia rota major CAD est instar vectis æqualium brachiorum CA & DA, è cuius puncto D si penderet talentum G, sine dubio sustineret in æquilibrio talentum K; perinde autem est, si ex D dependeat talentum G, siue ex E, è quò dentes utriusque rotæ sunt sibi mutuò ad D & E innexæ. Si jam talentum G, seu potentia ipsi æqualis, transferretur in F, aut in L, & sursum niteretur; adhuc sustineret pondus talenti K, quia potentia non minùs potest in F, quàm in E, cum brachia EB, FB, sint æqualia. Quod autem fieret in his duabus rotis CAD, EBF, fit in duobus tympanis L & O, ut consideranti pater. Quare dubium esse non debet, quin etiam potentia G, æquè sustineat pondus E, tum in circumferentia tympani L majoris, tum in circumferentia

Vide Iconismū XI.

Vide Iconismū X.
Fig. VII.

Vide Iconismū XI.

tympani O minoris. Et hoc ipsum tenendum est de reliquis tympanis quæ sequuntur, & se mutuo movere intelliguntur, ita ut idem possit potentia applicata ad circumferentiam tympani majoris, & ad circumferentiam tympani minoris, à quo majus impellitur.

Vide Iconisiam XI.

Imò etiam illud, quod paulò antè ex decupla proportione tympani L ad axem M intulimus, in reliquis tympanis majoribus respectu minorum suorum inferri debet, in quibus eadè proportio supponitur; ut etiam manifestè apparet in numeris, quos singulis rotis majoribus adscripsimus. Primæ enim rotæ R assignavimus numerum seu potentiam unius talenti, secundæ numerum 10, tertiæ 100 &c. ita ut primus numerus sit 1, secundus præter unitatem obtineat unam cyphram, tertius duas, quartus tres, penultimus in rota N viginti duas, ultimus circa rotam L viginti tres. Hac enim ratione non solum potentia cujuslibet rotæ sequentis decupla est potentia rotæ antecedentis, sed etiam pondus E, quod 24 cyphis cum unitate exprimitur, decuplum erit potentia G. Quoniam igitur potentia tympani L, hoc est, tympani O ipsi L annexi, sustinet decuplum pondus ad axem M, ut diximus, videlicet talenta E; & similiter potentia applicata ad circumferentiam tympani N decuplum ponderis sive potentia applicatæ ad circumferentiam tympani O; potentia N poterit potentiam L: sed hæc sustinet pondus E ex M; ergo & potentia N, quæ est subdecupla potentia, & subdecupla ponderis E, sustinebit idem pondus E beneficio tympanorum O & L, & axis M. Eandemque ob causam reliqua subsequencia tympana, usque ad tympanum R, sustinebunt idem pondus E. Et quia pondus E ut minimum quinquies majus est pondere F, & hoc auri cum sit, majus est vero pondere globi ex Terra & Aqua compositi; dubitari nullâ ratione debet, quin potentia unius talenti in R, non tantum sustinere, sed trahere etiam, & in altum tollere possit auream Terram ponderis F, si quidem chordæ & rotæ tanto ponderi pares existerent. Quòd si impares chordæ fuerint, demon-

monstratum tamen relinquitur, unius talenti potentiam frangere posse, quidquid Terram sustinere non potest.

De tempore, quo ultima rota L semel convertitur.

Posuius tympana minora esse subdecupla tympanorum majorum quibus apposita, & dentibus suis innexa sunt. Quoniam igitur primum tympanum minus R est subdecuplū secundi tympani majoris S; in una integra revolutione minoris tympani R (& consequenter etiam majoris ipsi minori concentrici) vertetur utriusque secundi tympani S, $\frac{1}{10}$ tantum. Item quia secundum minus tympanum S est subdecuplum tertij tympani majoris T; in una integra conversione primi tympani R, & in conversione unius decimæ partis tympani secundi S, convertetur $\frac{1}{100}$ tympani tertij T, & $\frac{1}{1000}$ quarti tympani, & $\frac{1}{10000}$ quinti, & ita deinceps, prout numeri in singulis tympanis scripti indicant; iidem enim numeri, quos pro potentijs adscripsimus singulis tympanis, denominant etiam partem quæ vertitur, dum prima rota semel vertitur. Et quia numerus tympani vigesimi quarti est 100000,000000,000000,000000, nempe 23 cyphræ, & unitas; in conversione una integra primi tympani R, convertetur ex ultimo tympano L, pars ab hoc numero denominata; ac proinde ut hoc idem ultimum tympanum convertatur totum semel, necesse erit primum converti toties, quot in dicto numero sunt unitates.

Iam verò si in uno horæ quadrante ponamus primam rotā R converti 10000, hoc est, decies millies, in quatuor quadrantibus, hoc est, in una hora convertetur 40000, hoc est, quadragies millies, & in uno die naturali 24 horarum 960000, hoc est, nongenties & sexagies millies; in anno verò, seu in 365 diebus convertetur 3504000000, qui numerus facit trecentos & quinquaginta millions, & insuper quadringenta millia. Et quia non est verisimile, unico quadrante posse converti rotā R decies millies; minùs verisimile erit, in uno anno converti 3504000000, multòque minùs verisimile, posse converti 1000,

oooooooo; ita ut certum sit, in uno anno non posse fieri tot conversiones, quot in hoc proximè antecedente numero sunt unitates. Nihilominùs ponamus fieri tot.

Quoniam igitur in una conversione ultimæ rotæ L, prima rota R, debet converti 100000, 000000, 000000, 000000; & in uno anno non possunt fieri plures quàm 1000, 000000; si ex priori numero auferantur tot cyphræ, quot in hoc posteriore continentur, reliquus numerus erit quotiens divisionis illius majoris per istum minorem, hoc est, reliquus numerus 100, 000000, 000000 indicabit, quot anni requirantur ad unicâ integram revolutionem ultimæ rotæ L, nempe centrum miliones millionum annorum.

Quòd autem rota prima R, non possit spatio unius quadrantis converti decies millies, sic probò. Si enim id fieri posset, commodissimè fieret per aliquam rotam maximam applicatam ad tympanum primæ rotæ, qualis est hîc rota V, applicata ad rotam R, cujus circumferentiam volo esse centû passuum, circumferentiam verò tympani R, volo esse unius passus tantû, seu quinque pedum, qualis ferè esse deberet in Glossocomo nostro rota prima R. Quo posito, procul dubio in una conversione rotæ V, verteretur rota R, centies, & in centum conversionibus rotæ V, verteretur rota R, centies centies, hoc est, 10000, seu decies millies. Itaque si rota R, ponatur converti decies millies in uno quadrante, mediante rotâ V; oportebit rotam V converti ab uno intùs collocato, & rotam ambulando calcante, ut fieri solet, prout suprâ diximus, cum de Axe in peritrochio ageremus. Perambulabit igitur homo iste in singulis revolutionibus centum passus, atq; ad 100 in centum revolutionibus, hoc est, in uno quadrante horæ, progredietur decem millia passuum, sive decem milliaria Italica, quot nè velocissimus quidem equus percurreret. Signum ergo est, in uno quadrante non posse converti rotam R decies millies, servando unius talenti potentiam in R. Fieri quidem potest, ut intra rotam V paulò antè positam figeretur alia rota Y, cujus circumferentiâ multò citiùs homo per-

curre-

Vide Iconismi X.
Fig. VIII.

Fig: II.




Fig: III.







Fig: IV.





curreret, & simul circumduceret rotā V; Verūm tunc ad movendum rotā R requireretur potentia major uno talento, in ea videlicet proportione, quam diameter rotæ Y habet ad diametrum rotæ V. Si igitur per rotam Y non potest intra quadrantem moveri in gyrum decies millies rota R, multò minus poterit per cochleam adjunctam cum manubrio, aut per aliud artificium, ut meliùs patebit ex sequentibus.

MACHINA III.

Glossocomum aliâ formâ constructum.

Glossocomum, seu Pancratium (sic aliqui appellant) dum adhibetur ad pondera elevanda, ordinariè non constructur eâ formâ, quam duabus præcedentibus Machinis exhibuimus, sed quam præsens exhibet Figura. Tignis nimirum AB, & CD, inseruntur quotquot lubet, aut necessarij judicantur axes EF, HI, MN, QR, tympanis suis, seu dentatis rotis, majoribus ac minoribus, & sibi mutuò ritè implexis, instructi, uti Figura monstrat. Infimo axi QR adjunctus est cylinder T, cui circumvolvitur funis, & funi adnectitur pondus V. Supremo axi E F additur ansa, seu manubrium curvum EXY, cujus beneficio circumducitur axis cum suo tympanulo G; hoc dentibus suis apprehendens tympanum L, circumducit ipsum, unâ cum axe HI, & tympanulo K; hoc iterum dentibus suis arripiens tympanum P, circumvolvitur ipsum, ejusque axem MN, & tympanulum O; hoc denique iterum dentibus suis admordens tympanum S, convertit ipsum, unâ cum suo axe QR, & cylindro T; quo cylindro circumvoluto, circumvolvitur ipsi simul funis, & attrahitur pondus funi alligatum. Motus itaque in hac Machina incipit à tympanulo G, beneficio manubrij curvi EXY, quod manu hominis circumducitur. Vis Machinæ pendet à proportione majorum ac minorum tympanorum inter se, & à ratione numeri dentium eorundem. Quòd ut meliùs appareat, ponamus tympana majora esse duodecupla tympanorum minorum, & rationem dentium eorum esse eandem quæ diametrorum, hoc est, duo-

*Glossocomi
alia forma.
Vide Ico.
nismi XII.
Fig. I.*

Eius vires.

decuplam, ideoque tympana majora habere dentes 96, minoræ verò habere dentes 8. Hoc supposito, dico, potentiam 50. librarum applicatam ad manubrium EXY, posse præsentî Machinâ sustinere pondus V. 86400. librarum, dummodò sola absq; instrumento possit sustinere 50. libras. Nam, quia tympanulum G est subduodecuplum tympani L, & G debet converti duodecies integrè, antequàm L convertatur semel integrè, cò quòd etiam numerus dentium tympanuli G sit subduodecuplus numeri dentium tympani L, ideo potentia 50. librarum applicata ad XY manubrij, cujus radius EX, æqualis est semidiametro tympanuli G, potest sustinere 600. libras pendentes ex axe HI, nempe duodecuplum sui. Iterum, quia tympanulum K est subduodecuplum tympani P, & propter duodecuplam rationem dentium, G debet converti centies quadragies quater, (144) dum P convertitur semel; eadem potentia 50. librarum applicata ad XY, potest sustinere 7200. libras appensas ex axe MN, nempe duodecuplum librarum 600. Rursus, quoniam tympanulum O est subduodecuplum tympani S, & propter duodecuplam rationem dentium, G debet converti millies septingenties & vigesies octies (1728) antequàm S convertatur semel; eadem potentia 50. librarum, applicata ad XY, potest sustinere 86400. libras appensas ex axe QR, nempe duodecuplum librarum 7200.

In idem recidit, si inferiùs incipias computum, & ascendendo dicas potentiam 50. librarum applicatam axi MN, & per manubrium curvum convertendo dictum axem, simulq; tympanulum O, & rotam S, posse sustinere, (propter dictam duodecuplam proportionem diametrorũ, & dentium) libras 600 suspensas ex axe QR; & applicatam axi HI, eumque convertentem cum tympanulo K, & tympano P, reliquisque infra se, posse sustinere libras 7200; & denique applicatam axi EF, eumque per manubrium convertentem unà cum tympanulo G, & rotâ L, reliquisque omnibus infra se, posse sustinere libras 86400.

Hæc omnia intelligenda sunt, considerando præcisè potentiam

tiam & pondus, & excludendo resistantiam materiæ in Machina, & ponderis funium. Cæterum in praxi etiam horum habenda est ratio, ut monui Libro superiore Syntagm: I. Cap: ultimo, in fine. Si jam applicetur potentia paulò major quàm 50, poterit etiam elevare pondus 86400. librarum. Quare cum unus homo possit liberè sustinere plùs quàm 50. libras, poterit commodè dictum pondus per dictam Machinam elevare.

Si plures axes, & plures rotæ adhiberentur vel supra superiorem, vel infra inferiorem axem, posset unus homo unico digito movere dictum, & quodcunque aliud pondus; imò & Orbem terrarum, non secus ad Glosiocomo nostro præcedente. Sed in praxi frustra multiplicantur plures rotæ & axes, quàm adhibuimus in hac præsentì Machina, quia nulla materia suppetit nobis ad axes, rotas, & funes conficiendos, qui ferre possint pondera quæ sex aut septem axibus ac rotis sustentari & trahi possunt.

Notandum tamen est, in hac Machina, ut in alijs mechanicis potentijs seu machinis, quò gravius pondus attollitur exiguâ potentiâ, hoc est, quò magis iuvatur potentia, & facilitatur motus ponderis, eò majus tempus infumi in pondere movendo, eòque minus iter seu spatium conficere pondus. Nam semper spatium moti ponderis ad spatium motæ potentiæ erit, ut potentia ad pondus. Quare si in præsentì Machina circumferentia tympani T est unius pedis, & in una integra conversione ipsius fnnis circumductio unius tantum pedis est; dum manubrium E X Y convertitur 1728, pondus V ascendet perpendiculariter solum ad spatium unius pedis. Quapropter si minutum secundum in qualibet manubrij conversione insumeretur, hora ferè dimidia (nimirum min: pri. 28 sec. 48) requiretur ad V elevandum per spatium pedale. Vt ergo celerius per similem Machinam elevetur pondus, minor numerus dentiũ indendus est rotis, efficiendumque ut tympanula sint tympanorum subdupla, aut subtripla: sed runc aut minuendum est pondus, aut augenda potentia, cæteris paribus.

Valet in hac Machina modo explicata disposita idem, quod supra

*Quomodo
augeri possint vires
eiusdem.*

*Machinis
quo magis
iuvatur po-
tentia, eò
tardius
mouetur
pondus.*

*Glossocomi-
huzus theo-
ria.*
Vide Ico-
nismi XII.
Fig. II.

*Vectium
infractorū
vires.*

*Charistion
Archime-
dis.*

suprà in Machina I. diximus ex Bettino de multiplicatione vectum infractorum primi generis. Nam tympana majora & minora præsentis Machinæ constituunt tres vectes infractos AC, CE, EG, quorum hypomochlia alternis infernè & supernè constituta sunt, B, D, F, & majores distantix ad minores habent rationem duodecuplam, ut 12 ad 1, eandem videlicet, quam habent diametri majorum tympanorum Machinæ ad diametros tympanorum minorum. Qui quidem tres vectes dictâ ratione dispositi ita in se invicem agunt, ut cùm potentia premit punctum G, punctum E attollatur; quod fieri nequit nisi depresso brachio CD; quod propterea necessariò deprimit brachium CB, & attollit brachium BA, atque adeo pondus L.

Quærit *Mersennus* in Mechanicis Phænomenis Proposit. II. ubi describit præsentem Machinam, num vectis HK, ejusdem cum tribus vectibus infractis AC, CE, EG, longitudinis (cujus nimirum brachium KI est 36. partium, & distantia HI unius, sicut tres distantix HB, ED, GF, simul sumptæ sunt 36. partiū, & distantia AB unius) sit eadem potentia, hoc est, num eadem potentia premens in G, & in K, eodem modo pondus L, & pondus M, æqualia inter se, sustineat, aut attollat in altum. Respondet meritò quod non. Nam, uti ex dictis de Vecte in Libro præcedente constat, potentia unius libræ in K applicata, non potest sustinere nisi 36 libras; & applicata in G, potest sustinere libras 1782. Patet, quia applicata in C, sustinet 12 libras; applicata in E, sustinet duodecies 12, nempe 144; applicata denique in G, sustinet duodecies 144, nempe 1728.

Huic Machinæ similem fuisse quidam putant Machinam Archimedis, quam Charistion appellabat, & quâ putabat se posse movere Terram, sibi ubi consisteret, Machinamque figeret, haberet. Figuram Charistij Archimedei, ut putatur, exhibet Iacobus Besson in suo de Instrumentis Libro.

MACHINA IV.

Pancratium infinitæ potentie Simonis Stevini.

Simon Stevinus lib: 3. Staticæ Proposit: 10. præscribit sequentē Machinam, qua quodlibet pondus quâvis potentiâ moveri potest, si rotæ multiplicentur; eamque valde commendat, quoniam simplicissima est, & materiâ firmiore, minoribusq; impensis parabilis, quàm præcedentes, eundem tamen effectû præstat, Ipsa Stevini verba recito.

Pancrat iū
Stevini.

Constructio Pancratiij.

Sumito trabem *AB*. soliditate & magnitudine operi instituto, & effectio-
nibus mechanicis congruente. Efformato deinde tympanum ferreum *C*,
per ambitum dentatum, cujus diameter sit, dicis gratiâ, digitorum trium, inq;
ambitu dentes sex. Per centrum transidetur axis ferreus *CD*, ad terminos
C & *D* quadrangulus, scapus autem intermedius rotundus esto. Hinc tym-
pana *E*, v. g. dentibus octodecim, *F* dentibus sex, trajiciantur eodem axe
E F, qui similis sit antecedenti *CD*, terminis videlicet quadrangulis scapû
teretes claudentibus. Huic *E F* effingantur similes axes *GH*, *IK*,
ut tympana *G, K*, ambiantur dentibus sex, *H, I*, octodecim. Et quia tym-
pana superiora plus ponderis sustinebunt, ut postea intelligetur; etiam firmiora
majoraq; deformantur; atq; ideo cum axes ordinabuntur paralleli, *H* quidē
mordicus implicabitur ipsi *F*, distabit autem à tympano *K*; item *G* implica-
bitur tympano *I*, non autem tympano *E*; quod ipsum partium quoq; disposi-
tio postulat.

Eius con-
structio.
Vide Ico-
nismi XII.
Fig. III.

Fiat deinde manubrium *LMN*, cavo quadrangulo, cui quadrangula
axium capita *D, F, H, K*, exactè congruant; sitq; flexura *ML* pedem
longa, scapus autem *MN* fiat longitudine mox paulo infrâ definiendâ. De-
niq; in trabe *AB* transversim quatuor foramina terebrentur, eâdem inter
se distantia quâ axes, ut tympanorum dentes commodè inter se implicari, &
mutuò sese impellere possint, cujus modi hîc sunt, *O, P, Q, R*; quibus axes
IK, GH, EF, CD, inserti congruant, axium autem scapi teretes inter duos
tympanos intermedij longitudine suâ trabis crastitiem æquent; quadrati au-
tem isti axium termini *K, H, F, D*, tres, aut summum quatuor digitos extra
tympanos promineant. His ita deformatis, detracto tympano *L*, axem *IK*
inserto in foramen *O*; similiter *GH* in *P*, *EF* in *Q*, *CD* in *R*. Affigan-
tur deinde cuiq; axi sua tympana, dentesq; tympani *F* in fronte mordicus im-
plicati dentibus *H* ipsum impellant; similiter in tergo ut *C* impellat tym-
pano

num E , & Gypsum I ; formaq; perfecti Pancratij (sic enim instrumentū hoc à sua efficientia appellare liceat) erit qualem in subjecta figura expressimus. Hactenus constructio Pancratij ex Stevino; sequitur nunc usus ex eodem.

Usus, aliq; accidentia Pancratij.

*Eius usus.
Vide Iconismi XII.
Fig. IV.*

Pancratij constructi usum declaraturus Stevinus, docet quâ ratione ipso in succulam transformato, ejus adjuvamento naves trans aggeres septaque seu aquarum obices traducantur. Eâdem autem, & potiori ratione adhiberi potest ad onera in altum sustollenda, ut patebit. Sic ergo discurtit. *Esto Pancration AB ; tympana dentata K, H, F , in fronte trabis I, G, E, C , in tergo; LMN manubrium, seu ut Pappus in Mechanicis loquitur $\alpha\beta\gamma$; axis autem cui junis ductarius obvolvitur, S , crassitie sesquipedali per trabem trajectus emineat capitulo quadrato, cui affigatur dentatum tympanum T , diametri bipedalis, per ambitum 36 . dentibus distinctum; atq; asteriscus hic minimum tam amplius formandus axe S , ne rotatus ejus ab I tympano impediatur. Deniq; summitas aggeris V superet imam carinam navis X aquæ innatantis, pedibus quatuor, hoc est, ut perpendicularis à summo aggere demissa in planum horizonti parallelum per imam carinam actum, sit pedum quatuor. Tam ut navis trans aggerem traducatur, circumducito manubriū LMN . Operibus igitur scapum MN tantâ longitudine construi, ut omnes quorum operâ opus erit, commode hinc inde consistant.*

Ratio versationum manubrij ad axem.

Prosequitur Stevinus. Quia manubrium LMN ne rotatum, semel circumagat tympanum F ; at navis, semel in orbem aget H ; & vigesies septies, tympanum K ; hinc centies & sexagesies bis circumductum, convertet ipsum T , hoc est, axem S . Eodemq; modo manubrium LMN affixū ad F , id tympanum quinquagesies quater circumducendum erit, ut axis S semel convertatur; ad H , decies octies; ad K , sexies, T autem toties in orbem vertitur, quoties ipsemet axis S . Cum autem manubriū altiùs inferes quàm in D , verbi gratiâ in K ; nè inferiora tympana, quæ difficultatem operi inducunt, unâ convertere sit opus, proxime inferius, quod in exposito casu est G loco suo depelles, nè dentes eius dentibus F amplius implicentur, atq; ita inferior Machinæ pars univèrsa immota consistet.

Ratio potentia manubrium versantis ad pondus tra-
ctum.

EXplicat posthac Stevinus rationem seu proportionem in-
ter potentiam & pondus, quæ est navis X, tali pacto. Cum
flexura L Mex hypothesei pedem longa, octupla sit asterisci C; etiam poten-
tia quæ C agit in E, æquivalens potentie impellentis manubrium LM, orit
ut 8 ad 1; eodemq; modo propter efficientem H in F, ut 24 ad 1; atq; deinceps
ab I in G, ut 72 ad 1; deniq; à T in K, ut 216 ad 1. Sed orbiculus T æquivale-
let axi S, (æquivalere dixi, revera enim diameter axis S est sesquipeda-
lis, T autem bipedalis ex hypothesei, sed quia dentes asterisci T sextupli sunt
ipsius K, etiam diameter sextuplum poterit diametri K, quæ propterea erit
3. digitorum, & qui ad T digitorum 18, si ve sesquipedalis, quemadmodum
diameter axis S) quare pondus ab axe S rectè descendens eandem habebit
rationem ad pondus situ sibi æquipondium, seu potentiam æquivalentem in
MN, quam 216 ad 1. Ratiocinium hoc ab axe S descendendo deorsum inire
licebit, eodem modo quo sursum ascendendo nunc nobis institutum fuit.
Ex hoc infert, si MN tantâ versetur potentia, quanta est 25. li-
brarum, descendendo, istam potentiam æquivalere 5400. li-
bris, (quia 216 multiplicata per 25, hanc summam efficiunt) ab
axe S rectâ deorsum tendentibus. Quoniam verò eadem po-
tentia facilius trahit pondus per planum inclinatum, quàm
perpendiculariter sursum, ponamus navem X esse sextuplam
ponderis ab axe S rectâ demissi; erit itaque navis 32400. libra-
rum, tracta à potentia 25. librarum per manubrium MN, hoc
est, ab homine versante manubrium cum conatu æquivalen-
te 25. libris. Sed jam plures homines applicentur eidem ma-
nubrio, quanti ponderis navem trahere poterunt? Poterit etiâ,
si opus sit, Paucratium geminari, atq; alterum opposito scapo seu trabi Y in-
ferri, quale ipsi AB insertum vides, atq; ita ipsos versantes bipertiri, ne tan-
ta hominum manus mutua opera intercurbentur, inquit Stevinus. Qui
etiam advertit, tympana dentata quæ in Pancratio explicato
eandem serie sursum collocata sunt, etiam transversè, & etiam
bina binis juncta disponi posse, prout operis commoditas,
concinnitasq; exiget. Alia quæ in commendationem hujus sui
Pancratij subjungit, lege apud ipsum lo- cit: ubi etiam probat,
si institueretur Pancratio 30, orbiculis axiculisq; cujus maxi-

Eius poten-
tia.

Ad terrarū
orbem ele-
vandam.

mus asteriscus minimi esset decuplus, flexura verò manubrij minimi asterisci semidiametro, & Succula S minimo asterisco æqualis foret; pondus toto Orbe terrarum longè majus at tolli posse à minima potentia.

ANNOTATIO I.

*Proportio
inter potē-
tiam & pō-
dus in ma-
chinis den-
tatis.*

EX hætenus dictis in quatuor præcedentibus Machinis patet, in tympanis seu rotis dentatis, non secus ac in cæteris Instrumentis & Machinis, pondus ad potentiam qua sustinetur, eandem habere proportionem, quam spatium potentie morventis ad spatium ponderis moti; ideoq; proportio potentie ad pondus habetur, si sciatur quoties circumducatur potentia, hoc est, rota cui applicata est potentia, antequam semel circumducatur pondus, hoc est, rota cum axe cui applicatum est pondus. Si itaq; habeatur proportio inter pondus & potentiam sustinentem pondus; si vel augeatur potentia, vel minuatur pondus, habebitur etiam potentia morvens pondus.

ANNOTATIO II.

Patet præterea ex iisdem hætenus dictis, proportionem potentie (seu sustinentis, si sustinet; seu morventis, si morvet) ad pondus esse compositam ex rationibus semidiametrorum majorum rotarum ad semidiametros minorum, eidem axi infixorum. *Exempla habes in omnibus quatuor prædictis Machinis.*

MACHINA V.

Pancratiū aurigarum.

*Pancratiū
aurigarum*

Glossocomerum seu Pancratorum hætenus explicatorum compendium est Instrumentum illud, quo utuntur aurigæ ad sublevandos currus onustos, & præ pondere intra molliores vias subsidentes; victores ad vasa vinaria, architecti ad ingentia pondera, atq; adeo domos ligneas integras relevandas, & ad alia multa per suppositum Instrumentum attollenda. Germani id vocant, *ein Winde*; Galli *cric*; Itali nescio quo nomine appellent, fortassis quia ejus usum ignorant. Ego cerrè 22. annorum spatio, quibus in Sicilia & Italia habitavi varijs locis, non nisi unum vidi Romæ, quod Eminentissimus quidam Cardinalis è Polonia, ubi Legati Apostolici officio functus erat, secum tanquam rem raram attulerat. *Fabrica ejus hæc est,*

Fiunt

Fiunt ex chalybe durissimo ac fortissimo tres rotæ, duæ minores A & C, & una major B. Rotula A habet exempli gratiã quatuor dentes in circuitu, & totidem rotula C, cujus diameter etiam priori diametro æqualis est. Rota B habet (ut proportio seruetur) dentes sexdecim, & unum communem axem cum rotula C. Tandem fit ex eodem chalybe firmissimum & inflexibile prisma dentatum DE. Omnia hæc lignæ capsæ, ferro in circuitu bene munitæ, & superius apertæ, includuntur, ita ut dentes rotulæ A apprehendant dentes rotæ B; & dentes rotulæ C apprehendant dentes prismatis DE. Axis rotulæ A prominet extra latus capsæ, & annexum habet manubrium curvum AFGH. Quod manubrium manu unâ aut utrâque apprehensum in GH, si circumducatur, convertitur simul rotula A firmiter & immobiliter axi annexa; hæc circumducit rotam B & C; & rotæ C dentes occurrentes dentibus prismatis DE, sursum illud movent tamdiu, donec dens ultimus prope E sit è regione rotulæ C. Si jam curvatura D è capite capsæ, aut curvatura E è latere capsæ prominens, supponatur currui, dolio, domui alterivè oneri, & agitetur manubrium in gyrum; ascendit prisma, & è capsâ egrediens pellit sursum pondus cui supposita est curvatura alterutra: si idem manubrium in contrariam partem agitetur in gyrum; descendit prisma DE, & intra capsam suam iterum absconditur.

Vide Iconismi XII. Fig. V. *Eius constructio & usus.*

Eius vires.

Hæc est constructio, & usus. Virtus dependet ex proportione majoris inæqualitatis motûs potentia supra motum ponderis. Nam si potentia manubrio GH applicata, potens est movere paulò plùs quàm libram unam, aut decem, aut centû &c. sine Instrumento, poterit per hanc Machinam elevare pondus tam multipulum libræ uni, decem, centû &c: quàm multipus est ejus motus ad motum ponderis. Ponatur igitur manubrij curvatura FG quadrupla semidiametri rotulæ A; ergo potentia movebitur quadruplo velociùs quàm rotula A, quia quadruplo majus spatiû conficit potentia, quàm A rotula. Et quia rotula A habet quatuor tantum dentes, & rota B sexdecim; ut rota B, & ipsi annexa rotula C, semel vertatur, debet rotula A

verti quater. Et quia etiam semidiameter rotæ B quadrupla est semidiametri rotulæ C; movebitur illa quadruplo velocius quàm hæc, & consequenter quàm prisma DE, & pondus ipsi suppositū. Potentia ergo movetur sexdecuplo velocius quàm pondus, ac proinde se habet ad pondus ut 16 ad 1. Potentia ergo paulò major quàm libræ 1, potest per hanc Machinam elevare libras 16; & paulò major quàm librarum 10, libras 160; & paulò major quàm librarum 100, libras 1600.

ANNOTATIO.

Quomodo
augeri pos-
sint eius vi-
res,

Si pondus attollendum esset nimis magnum respectu potentie, vel timore. Stur nè chalybeum prisma DE dirumperetur; posset juvari potentia, & ipsa Machina, adhibito vecte secundi generis, habente in altero extremo fulcrum, in altero potentiam. Si enim extremo vectis, cui potentia sursum pellens applicari solet, supponatur curvatura D, aut E, alterum verò vectis extremum innitatur terræ, aut alteri rei solidæ, & pars vectis propinquior huic extremo supponatur ponderi, & agitur manubrium; fiet ratio composita ex ratione vectis, & ratione hujus Machine prædictæ. Quare si distantia potentie in vecte, id est, curvatura D aut E, à fulcro sit ad distantiam ponderis ab eodem fulcro, ut 5 ad 1; jam eadem vis poterit quintuplo plus, atq; adeo quæ antea erat ut 100 ad 1600, jam erit ut 100 ad 8000. Atq; hic modus juvandi potentiam, aut ipsam Machinam, valde bene notandus est, quia sæpe magno usui potest esse.

MACHINA VI.

Memnonia statua tonans, & harmonicè cantans.

Memnonia
statua to-
nans.

DE Memnonia Statua, citharæ sonum ad orientem Solem apud Thebas Ægyptias olim edente, & quâ id ratione nunc etiam per solam inclusi aëris rarefactionem fieri queat, fusè egimus in Mechanica nostra Hydraulico-pneumatica Par: 2. Classe, cap: 3. Machina 9, ex P. Athanasio Kirchero to: 2. Oedipi Ægyptiaci par: 2. Classe 8, cap: 3. §. 1, Pragmatia I. Diximus præterea lo: cit: & in hujus Operis Par: 2. lib. 6. Syntag. 7. Pragmatia 4. Annotatione 5, alium modum, sed valde operosum, Memnoniam statuam horrendum tonantem, cantantem, & tantum non loquentem fabricandi, tradidisse olim in

Proble-

Fig: II.





Fig: I.



BU
LILLE





Problemate quodam publicè demonstrato in Aula Collegij Romani, & typis edito, P. Lauretum Laurum, Quem modum quoniam ultimo loco citato promisi me hoc loco traditurū, fidem nunc solvam; sit enim per rotas & tympana dentata. Ipsa met Auctoris verba recitabo, adjunctis solū litteris aliquot, ubi opus fuerit ad majorē declarationem: & deinde quid ego circa Machinā illam sentiam, subjungā: Sic ergo discurret.

Erigatur, ut in I. Figura, axis buxeus *AB*, bene dolatus, chalybeis cuspidibus acuminatus, & super puncta agrè consistens. Prægrandis rota *CD* medio axi infixatur, cavīs ventorum receptaculis circumcincta, quibus impulsā velocissimè circumvolvetur, & validum sese exhibebit reliquorum motuum principium. Nè tamen quis existimet, tenuissimo nos ingentem molem imponere fundamento; similibus rotis, simplicis oris halitu, vel uncia pondere circumactis, attrahise vidisse testatur Ioannes de Guevara in 2. parte Mechanicæ q. 18 trecentorum quinquaginta axium pondus, & hominē super insidentem, nec arcanum aliud adhibebatur machinamentum, quàm trochleæ, scyralæ, & axis in parvo peritrochio, ut cernere est in II. Figura. Si tamen motorem adhuc optaremus vehementiorem, possemus pro arbitratu multiplicare rotas hujusmodi, & cætera quæ hîc sunt posita, ut modum indicent, non ut rem adū ipso exequatur. Sit etiam axi *AB* infixum turgidū tympanum & striatum *EF*, cui dentata rota *FI* correspondeat, & ad motū ipsius moveatur. Ut autem per spectā sit proportio, quæ intercedere debet inter axes, minor a tympana striata, & dentatas rotas; primò quidem supponendum ex Pappo lib: 8. Mathematicarum Collectior. eam proportionem esse inter circulum & circulum, quæ inter diametrum & diametrum. Propono deinde ex Guido Vbaldo lib: 1. Probl. Astronom: Probl: 4. quonam pacto construi, & ordinari debeant, ut unum tympanum sexagies velocius alio moveatur, nullo factō augmento potentie, aut multiplicatione virtutis. Sit, ut in Fig III. dentatum tympanum *AB*, quod moveat tympanulum striatum superpositum *CD*, cum quo habeat proportionem unius ad duodecim. Dum tympanum *AB* movebitur semel, & unicam conficiet revolutionem; *CD* faciet duodecim. Sit tympanulo *CD* infixus axis *EF*, & in axe aliud tympanum dentatum *GH*, quod moveat aliud tympanulum striatum *IK*, & habeat cum illo proporti. onem unius ad quinq;. Dum *GH* volvetur senel, *IK* volvetur quinq;. Ex his autem sequitur, quòd dum semel circumvolvitur *AB*, *IK* circumvolvetur sexagies. Et ita pro arbitratu procedere quis posset ulterius, excitando semper motus velociores & velociores. Ad motum igitur dentate rotæ *FI*, quam constituimus in I. Figura, movebitur

Vide Iconi
nismi XIII.
Fig. I.
Eius constructio.

Vide Iconi
nismi XIII.
Fig. II.

Vide Iconi
nismi XIII.
Fig. III.
Rota dentata quomodo ordinanda, ut una vertatur altera citius.

Memnonis
statua can-
tans.

bitur axis *G*; & in eo aliud dentatum tympanum *H*; quod aliud deneatum tympanum *K* secum rapier; & hoc contrarijs inflexuris compaginatos axes *L M* circumvolvens, motu suo folles *PP* attollet, & deprimet, atq; adeo ventum validum procreabit. Densabitur aër in cavæis *SS* circumpositis, & perumpere tentabit in vocales tubos *TT*, si vel minimus aperiatür aditus. Ne tamen debacchetur effrenis, sed ad aliquam humanæ vocis articulationem inflectatur; tympanis striatis & dentatis *V, X*, circumvolvenda est harmonica rota *QR*, quam in suis hydraulicis exhibuit olim Salomon de Caus, & deinde alij ex illo. Sunt autem in hac rota dissonandi asserculi *b, b, b*, prominentes, juxta proportionem Diapason, Diatessaron, Diapente, & aliorum intervallorum harmonicorum, qui dum rota *QR* circumvolvitur, ad numerum impingentes in pendulos asseres *YZ*, ad ora usq; vocalium tuborum *TT* protensos, illos parumper attollant, & veluti magistrâ manu ad melos excitandum attemperent. Ne tamen stridulus, & sonorus omnino concentus sit, atq; adeo organum exhibeatur simpliciter harmonicum; gula Memnonis, & fauces, strijs sunt exasperandæ, uti non rectâ, sed post varias reflexiones emittatur inflexus, & articulatus sonus. Præterea quia ad formationem consonantium comprimenda aliquando sunt labia, atollenda & deprimenda lingua, protrahendaq; coarctanda vel dilatanda fauces, aliæq; hujusmodi requiruntur; præstari hæc utcumq; possunt ligneolis, bedinis pelliculis, bubalino corio, alijsq; hujusmodi filo ferreo alligatis, quæ similiter ad motum rotæ harmoniæ *QR* at verisimodè moverentur, & modum aliquem stupido gutturi imponerent. Addi etiam possent aliæ rotæ *NO*, quæ fila illa circumextensa artificiosè pertraherent. Et hæc solum sufficiat indicasse. Sed primus ille spiritus, qui excavatas scythalas primæ rotæ *CD* tam vehementer impellit, unde nam evocatur? Nascitur domi, vel extero educitur ab aëro? Hoc omnino supererat explicandum. Recurrendum hic arbitror ad parabolas hyperbolas, illipses, aliæq; hujusmodi, quæ conos coacervant radiorum, & metalla ipsa eliquant, ne dum sicca aromata Soli oblata facillimè incendunt. Constituentis igitur ita esset Memnon, ut luminose pyramides incendiaria acumina dirigerent ad basim, & aërem rarefacerent, & aromata incenderent & aquas cogerent subsilire. Cum autem ex dictis minimavis sufficiat, non est quod hinc detrimentum aliquod timeamus.

Hæc est Machina à Laureto Lauro data; hic modus quo putat fieri poss: ut Memnonis statua à Sole irradiata, non solum salutationem illam, χαῖρε ἄλι, ἄλι χαῖρε, harmonicè concinat, aut tenues philomelæ instar gracilescat in modos; sed tonare, & fulminare cum Pericle possit; ideo tam validâ Steropum

ropum, Brontium, & Pyragmonum operam adhibet, ut Vulcaniam & Æoliam obtineat efficaciorē. Ego in primis tanto molimine ad tantulam rem exhibendam non puto opus esse, præsertim cum ejus usus nullus sit nisi Sole lucente, & validè lucente. Deinde cum juxta hanc dispositionē rotarum cylindrus phonotacticus sive harmonicus QR celerrimè verti debeat, celerrimarum notarum erit musica. Demum quâ arte efficere velit ut statua Memnonis ingeminet $\chi\alpha\iota\pi\epsilon\ \eta\lambda\iota\sigma$, $\eta\lambda\iota\sigma\ \chi\alpha\iota\pi\epsilon$, & ut articulatè quasi loquatur, non video; nihil enim ad rem faciunt ligneola, hedinae pelles, bubula coria, aliaque hujusmodi ferreo filo alligata.

*Censura
Auctoris.*

CAPVT SECVNDVM.

De varijs Machinis per rotas dentatas, orbiter indicatis.

Innumeras alias Machinas, ingeniosas & utiles, per dentatas rotas aut tympana constructas, quas aut vidi ipse, aut insinuatas ab alijs audiui, legivè, explicare hoc loco possem, earumq; indicare artificium, examinare vires, proportionem inter potentiam & pondus per eas movendum expendere; sed ut sumptibus parcam in tot Figuris æri incidendis, omittere cogor. Nonnullas tamen, quas Curiosus Lector apud alios legere poterit, indicare non gravabor.

*Machina
varia per
rotas den-
tatas.*

MACHINA I.

Machina seu Instrumenta quibus iter & locorum distantia mensurantur.

Commune & notissimum est Instrumentum quoddam circulari formâ constructum, & duabus tantum modò rotulis dentatis intus instructum, quo ad zonam iter pedestre agentis alligato, si funiculi, cujus extremitas una Instrumento annexa est, extremitas altera infra genu ambulantis alligetur, & inter ambulandum ad passus singulos, trahatur; rotulae circumaguntur, & per appositos in exteriori superficie indices ad singulos passus intra divisos minutatim circulos, indicatur numerus omnium passuum, quos quis inter ambulandum ad alia intentus,

*Machina
quibus iter
& locorum
distantia
mensuran-
tur.*

Primum.

& nihil de mensura itineris cogitans, confecit. Utuntur eo nonnulli in agrorum, pratorum, hortorum, aliorumque locorum circuitu dimetiendo.

Secundum.

Alterius ejusdem generis Instrumenti, sed longè ingeniosioris, & simul operosioris, meminit *Anselmus Boëtius* de Boodt in sua Gemmarum & lapidum historia; & ex ipso *P. Athanasius Kircherus* lib. 2. de Arte Magnetica Par: 2. cap: 2. Problem. 5. quod Imperatori Rudolpho II. olim oblatum fuerat, & tandem in manus ejusdē Kircheri venit, Neapoli allatum à quodam Siculo, qui emerat ipsum ab aurifabro, qui ex ipso Imperatoris cubiculo, nescio quâ ratione, id ipsum acceperat. Eo Instrumento, sanè ingeniosissimo, quatuor dentatis rotis, acu magneticâ, pinnâ, & filo ferreo intus absconditis instructo, & ad zonam ac genu, ut præcedens, alligato, iter agens, vel civitatem locum vè alium circumiens, in charta intus abscondita notatas postea invenit, absq; ullâ suâ numeratione aut operatione aliâ, omnium locorum à se obitorum distantias, sitû ad Mundi plagas, figuram, totamq; ichnographiam. Lege Kircherum lo. cit: ubi id diligenter & accuratè, quantum in re obscura & intricata fieri potest, describit.

Tertium.

Suprà citatus Boëtius, teste Kirchero lo. cit: meminit alterius Instrumenti elegantioris, & commodioris, ab Imperatore Rudolpho II. inventi, quod nullâ translatione indiget, quia Mappam ipsam in plano chartaceo, aspiciente eo qui iter facit, describit. In superiori enim sui parte vitrum habet pellucidum, sub quo tota Mappa suis punctis notatur ab orbiculo sub charta latitante, quam cum alio illi adjuncto agitatur in hanc vel illam partem magnis.

Quartum.

Vitruvius lib: 10. de Architectura cap. 14. docet, quâ ratione rhedâ, vel navi vecti, peractum iter dimetiamur, & sciamus quot millia passuum itineris fecerimus, atque eam rationem fuisse summâ solertiâ à majoribus traditam asserit. Totum negotium peragitur per rotas dentatas certo numero & modo intra rhedam ac navim dispositas. Lege ipsum. Verba sunt admodum obscura, nec à Philandro aut Barbaro explicantur,

nisi

nisi obiter & per paucis. Frustra ea adduxero & explicaveso sine diagrammate; quod tamen, ut sumptibus parcam, omitto.

Romæ apud quendam Artificem Germanum, Summi Pontificis horologiarium, vidi rotam ligneam unicam cum manubrio item ligneo, quo Instrumentum arreptum instar monotrochij à Geometra agitabatur per viam, & in alijs adjunctis ferreis rotulis ac circulis per indices notabatur passuum numerus; singulæ enim rotæ versationes certum numerum pedū signabant in divisis circulis, quacunque tandem ratione Geometra incederet, hoc est, seu magnos passus faceret inter ambulandum, seu parvos. Simplicissimum est Instrumentum, & meo iudicio omnibus prædictis commodius, ad exactam itinerum mensuram de loco in locum inveniendam.

MACHINA II.

Quadrige sine hominum aut jumentorum trabentium

ope per vias agitata.

VIr Amplissimus D. Georgius Philippus Harstorfferus in Delicijs Physico-Mathematicis to. 2. Par. 10. quæst. 11. narrat, Opificem quendam Norimbergæ, nomine Ioannē Hautsh, quadrigā fecisse, quæ sine equis antrorsum & retrorsum progrediebatur, multosq; opus vehementer suspexisse, velut rem artificiosissimam, se tamen statim viso curru dixisse artifice, intus prope rotas posteriores & altiores dispositas esse binas rotulas dentatas, ac sibi invicem, ipsisque rotis quadrigæ implicatas; quæ rotæ dentatæ ubi à puero intra currum abscondito circumagebantur, propellebantur posteriores rotæ, & ijs propulsis etiam anteriores. Figuram vide apud ipsum.

*Quadrige
ope rotarū
dentatarū
agitata.*

*Norimber-
gæ.*

Narravit mihi non ita pridem Amplissimus Dominus Michael Schaupp, hujus urbis Consul, vectum se esse unâ cum alijs quatuor Francofurti ad Mœnum in rheda, quam vir quidam, ut videbatur, simplex, Bingenensis ex Moguntina Dioecesi, construxerat simili arte. Admittebat is in rhedam viros tres, quatuor, & ampliùs, & unâ solâ manu agitabat ipsam per rotas & tympana dentata intus abscondita, tantâ facilitate ac ve-

*Francofur-
ti.*

locitate, ut Francofurto Höchstam usque (oppidū est ad Mœnum duabus horis Francofurto distans) quatuor viris & prædicto Amplissimo Consule onustam duxerit ac reduxerit exiguo temporis spatio, horæ scilicet vix unius cum dimidia.

Roma.

Non eadem facilitate ac velocitate agitatus fuisset currus ille ingens, quem Romæ pictor quidam Belga promittebat. Duxit is die quodā P. Athanasium Kircherum & me ad ædes suas, & ostensis sclopetis, breviorē uno, altero mediocri longitudinis, septem fistulis, quarum una post alteram pro libitu explodi poterat, instructis, & à se, ut aiebat, constructis; addidit, excogitasse se machinam seu castellum ligneum rotis instar currus agitabile sine equis, capax centum hominum qui nis senisvè moschettis instructorum, & insuper diversorum tormentorum bellicorum; velleque se, si alluberet, ejus rei experimentum coram exhibere. Cum annuissemus, traham adduxit exiguam, ex tabulis compactam, & quatuor ligneis orbiculis instructam; quam mox ut conscendit, arrepto manubrio agitare cepit rotarum artificium intus latens, tanto conamine ac labore, ut cupiosissimo sudore maderet, & tamen vix ad aliquot passus in pavimento planissimo ac lateribus strato machinulam promovere, multò minùs vertere & retroagere, nisi cum ingenti difficultate, poterat. Risimus hominis simplicitatem, & propositā ob oculos rei difficultate, seu potius vanitate, abivimus. Ille nihilominùs Melitam profectus est, operam suam Equitibus Melitensibus contra Turcas promissurus; ubi & diem suum obiisse nuntiatum mihi postea fuit.

MACHINA III.

Sphæra, aliq; Machina, siderum motus varios exhibentes.

Sphæra Astronomica, siderū motus exhibentes.

Heronymus Cardanus lib: 17. Subtilit: quem de artibus, artificiosisq; rebus inscribit, meminit cujusdam sphære cælestis mirabilis artificij, olim à Gulielmo Zelandino fabricatæ: quam cum dissolutam, & in tenebris per incuriam marcescentem

tem

tem reperisset Cardanus, in lucem revocavit, & Ianello Turriano Cremonensi, viro admodum industrio, in integrum restituentiam tradidit. Cujus exemplo aliam deinde Ianellus Carolo Quinto Casari ita construxit, ut in ea & temporum momenta, & partes signorum singulas videas, & octavi Orbis tardissimum motum intuearis. Divisiones quoque orbis signorum varias, quas domos vocant; horarum, æquales, & inæquales; & quod majus est, universi orbis partibus inservientes (ut hæc vere Machina Orbem universum referat) inspicere licet. Omitto progressus regressusque singulorum errantium siderum, latitudines, altitudinesque, aliisque innumeris; ut prorsus res non minus famam, quam fide major sit.

Prima.

Habet P. Kircherus in Museo suo Sphæram armillarem ingentem ex ferro inaurato, constructam olim Romæ à Domino Greuter Germano Chalcographo, hæredum verò incuriâ penitus dissolutâ, & magnâ ex parte destructam, ab ipso verò Kirchero instauratâ, non sine labore ac sumptu. Monstrat ea rotularum plurimarum sibi mutuò implexarum artificio motum primi Mobilis, Solis, ac Lunæ, cum omnibus Lunæ phasibus.

Secunda.

Sphæra paulò antè ex Cardano descriptæ meminit etiam Bernar: Saccus lib. 7. Ticinensis Histor. dicens eam dominante in Transpadanis Ioanne Galeatio Vicecomite fabricatam, sed auctorem ignorari; collocatamque in arce vel Castello Papiæ; ibi defuncto Principe tam mirabile opus despectum jacuisse, circulis etiam à suo loco sublatis. Circa annum postea vigesimum nonum præcedentis sæculi, quo Carolus V. Imperialem Coronam Bononiæ suscepit, allatâ Imperatori fuisse incompositam, situque ac rubigine defœdatam, eumque Machinam admiratum, curari tanti operis instauratorem, fabris undique evocatis, iussisse. Quibus circa opificij restitutionem frustra laborantibus, unum accessisse Ioannem Cremonensem, cognomento Ianellum, aspectu informem, sed ingenio clarum; qui tantum opus speculatus, refici posse Machinam dixit, sed nec quidquam profuturam, ferris rubigine attritis, exelsisque, nisi novum Instrumentum ad illius vetustæ similitudinem ac symmetriam componeretur. Aggressum itaque opus, sive priorem artificem imitando, atque æmulando, sive exequando, diatur.

Tertia.

no labore opificium absolvisse. Quod deferri in Hispaniam Imperator voluit, magistro Ianello simul deducto.

Quarta.

Iovius de alia artificiosissima Sphæra, à Ferdinando I. Imperatore ad Solymannum Constantinopolim per Legatos missâ, in huic modum scribit, *Legati Ferdinandi I. Imperatoris, ad Solymannum, Constantinopolitanum Cæsarem, tulere munera, excelsum Germanico more ex auro poculum. lectissimis exornatum gemmis; eruditæq; insuper admirationis argenteam Machinam, in qua non horarum modò spatia, sed errantium etiam siderum motus, mensuræq; Solis ac Lunæ coitus, exactissimâ ratione monstrabantur: intus scilicet dentatis rotis, certisq; ponderibus, admirabili momento, vel in multum ævum minutissimas temporum mensuras dispensantibus; cum inter celeres tardosq; orbis, in tam vario inæqualiq; polorum ordine, audaci quadam supremi motoris æmulatione, conjuncta congruerent. Ea à peritissimis Astronomis excogitata perfectaq; Maximiliani I. Cæsaris fuisse dicebatur; cuius ingenium nobili semper studio, nec deterrente unquam sumptu, rara atq; admiranda concupivit. Illata ergo illa Machina, succollantibus duodecim servis, Solymanni animum, & barbarorum oculos admiratione complevit. Adduxerant enim Artificem, qui solutis Machinæ fibulis interiora admirabili ratione circumacta repanderet. Is libellū quoq; detulit, atrita vel luxata Machinæ remedia continenti, et adentemq; præcepta, quibus tot orbium cursus nunquam interiturâ ratione regeretur. Ita Iovius.*

Quinta.

Saporem Persarum Regem referunt, *Cardano teste loco paulò antè cit: sphæram Mundanæ sphærae æmulam tam grandè è vitro construi fecisse, ut in ejus centro sederet, tanquam in Terræ spherula, spectantem sub pedibus etiam astra, exorientiaq; ac occidentia sidera, ut sic mortalis cum esset, supra tamè omnem mortalitatis fastum & expectationem esse videretur. Et certè, subjungit Cardanus, quid majus & divinus sub hominis sensibus cadere potest, etiam Regi universum orbem possidenti, quàm quòd postquam terras & maria possidet, etiam cælum & astra Dei domicilium habere videatur? Barbarè ergo Moscovitarum ille Princeps, cui cum Christianus Rex Daniæ, pacè pro Livonia impetrare cupiens,*

Sexta.

mississet argenteum ἀρόμαρον, cælestium motuum, affabrè atq; artificiosè factum, cum alijs muneribus, cætera quidem munera Moscovita accepit, ἀρόμαρον verò, cum didicisset cælestiū

mo-

motuum organum esse, contumeliosè derisum Dano remisit, inquiring, ipsum de cælo stultè sollicitum esse, cum de terra inter ipsos armis certaretur.

MACHINA IV.

Archimedæa Sphæra, ejusq; artificium examinatum.

Sæpe jam in præcedentibus mentionē fecimus sphæræ Archimedææ, sæpissimè Auctores varij ejus meminere, & summis laudibus ad cælum usque extulere, utpote quæ Mundum universum, Mundiq; partes saltem præcipuas, cum vario cælorum ac siderum motu, ob oculos clarè poneret. Et certè non vulgare fuisse ejus artificium oportet, cum ipsemet Archimedes, summus & subtilissimus Mathematicus, quique *solus* suis temporibus *variâ & naturâ, & intelligentiâ usus est ad omnia perscrutanda*, Pappo Alexandrino teste in Proœmio libri 8. ex Gemino Mathematico, librû de ea sphæra scripsisse credatur, ut ex Carpo Antiochenû colligi videtur, qui Pappo citato in loco teste, dicit, *Archimedes Syracusanum unum duntaxat librum mechanicum composuisse de Sphæropæia; hoc est, de Sphære constructione. Ejusdem Archimedææ sphære meminit Cicero lib: 2. de Natura Deor. & lib: I. Tuscul. qq. his verbis. Nam cum Archimedes Lunæ, Solis, quinq; Errantium motus in sphæram alligavit; effecit idem, quod ille, qui in Timæo mundum edificavit, Platonis Deus, ut tarditate & celeritate dissimillimos motus una regeret conversio. Quod si in hoc mundo fieri sine Deo non potest, nec in sphæra quidem eosdem motus Archimedes sine divino ingenio potuisset imitari.* Hæc Cicero; qui utinam, aut alius quispiam, ejusdem sphæræ materiam ex qua composita fuit, & modum quo fuit constructa, & in tam varios motus concitata, explicasset; aut temporis iniquitas Archimedis librum de ejus compositione nobis non invidisset; profectò in tanta perplexitate non hæreremus, ut non nisi conjecturis rei veritatem indagare cogeremur. Scimus Possidonium, Tullio teste, cujus verba postea referemus, similem aliam effecisse sphæram; sed nec hujus artificium ac compositionem scimus. Quare non ingratham rem me facturû Lectori curioso existimo, si quid varij Auctores de Archimedis

Sphæra Archimedæis.

sphæ-

sphæra sentiant, in medium proferam. Quod & *Kircherus* facit lib: 2. Artis Magneticæ Par: 4. cap: I. Prælus: 2.

*Materia
eius vitrea
fuit.*

Duo ergo quæri possunt circa Archimedis sphæram, materia ex qua confecta, modus quo in motum concitata. Vitream fuisse, plerique Auctores, qui mentionem illius faciunt, arbitrantur. His consentit *Claudianus* Poëta, asserens præterea spiritum intus inclusum eam concitasse in motum. Verba *Claudiani* sunt.

*Iuppiter in parvo cùm cerneret æthera vitro,
Risit, & ad superos talia dicta dedit.
Huccine mortalis progressa potentia curæ?
Iam meus in fragili luditur orbe labor.
Iura poli, rerumq; fidem, legesq; deorum,
Ecce Syracusius transtulit arte senex.
Inclusus varijs famulatur spiritus astris,
Et virum certis motibus urget opus.
Percurrit proprium mentitus Signifer annum,
Et simulata novo Cynthia mense redit.
Iamq; suum volvens audax industria mundum
Gaudet, & humanâ sidera mente regit.
Quid falso in sortem comitum Salmonea miror.
Æmula Naturæ parva reperta manus.*

*Cur ex vi-
tro.*

Quærit *Cardanus* lib: 17. Subtilit: cur Archimedis sphæra ex vitro fuerit facta, cùm tamen tunc similes sphærae non ex vitro, sed ex metallo fiant? Respondet, causam fuisse, quoniam cùm esset æmula verè cæli, includeret autem minores orbis majoribus: quamobrem qui intus erant, & sidera, spectari non potuissent, nisi omnes ex materia perspicua conflati fuisset. Nunc autem qui huiusmodi moles faciunt, ex metallo efficiunt, quia vitri fragilitatem timent. *Kircherus* tamen loco supra citato putat, extremam solum superficiem sphærae fuisse vitream, ut tota interior caelestium corporum in suos circulos divisorum anatomia melius videri atque distingui posset. Et huiusmodi sphæras duas testatur se vidisse Parisijs Petrus Ramus, unam è Siculis, alteram è Germanicis spolijs ereptam.

At qualis fuit interna sphærae illius constitutio? quæ ratio motus?

metus? *Cardanus* probabile putat, positâ opinione suâ de materia sphaeræ, eam ponderibus non fuisse agitatum, sed spiritu intus incluso. Nam, inquit, includi vix poterant, & inclusa motuum perennem non habuissent, & operis pulchritudinem fœdassent; externis vero motis orbibus ex uno latere tantum, vim vitro gravem attulissent. Quamobrem facilius fuit hæc *Archimedi* spiritu agitare, sum maxime quod orbibus unum tantum motum addiderat, omnesq; circa idem centrum collocabat, ut *Calippus* & *Eudoxus*; ipsam vero Terram, exiguam sphaerulam, multiplici motu agitabat in medio, nescio quibus artificijs. Quam opinionem secutus est *Nicolaus Copernicus* ætate nostra. An vero ad unguem, non satis constat, cum incertum sit, an *Archimedes* Lunæ orbem, ut *Copernicus*, cum elementis ipsis circumvolvi voluerit. Manifestum est igitur, duabus de causis *Archimedi* facilius fuisse molem hanc vitream facere, ac spiritu absq; mixtu alio agitare, quàm nostris temporibus ab his qui placita *Ptolemaei* sequuntur. Quod de spiritu retulit *Cardanus*, insinuare videtur *Claudianus* his versibus:

*Inclusus varijs famulatur spiritus astris,
Et virum certis motibus urget opus.*

Spiritu autem agitari potuisse prædictam sphaeram, confirmat *Cardanus* his verbis. Sed quod hæc Machina spiritu agi potuerit, magnâ admiratione haud dignum existimo, considerantibus nobis quantâ vi globulos expellant machinæ illæ, quæ in Germania fiunt; cum tamen æris impetu solum id agant. Loquitur de sclopetis pneumaticis, de quibus egimus in *Mechanica* nostra Par. 2. Classe I. cap. 2. Machina 13. & 14.

Addit tamen *Cardanus*, aliter forsan per spiritum intellexisse *Claudianum* vim abditam, quâ absconditis ex arte vinculis, seu rotarum denticulis, machina sponte ac spiritu quodam moveri poterat videri; ideoq; putat, pro spiritu non ærem, sed rotarum sese mordentium artificium, velut animâ, intelligi posse. Et certè, inquit *Kircherus*, sphaeram hac viâ constructam, præterquam quod *Cicero* innuit, ipsum *Archimedis* ingenium, quod in cyclicorum, admirandaq; staticorum natura indaganda continuo occupabatur, suadet. Cum enim cæli, siderumq; (quo eum *Livius* nomine compellat) spectator assiduus, circuli rotarumq; miracula comperiret, eaq; admirandarum prorsum motionum in *Mechanicis* principia esse subtili indagine cognoscere; Verisimile est, eum ad circuituum cælestium corporum exemplar ro-

*Interius
eius conside-
ratus.*

*Spiritu in-
tus incluso
an fuerit
agitata.*

tas quoq; rotarumq; circuitus artificiales singulari industriâ adinvenisse, illisq; spheram in circulos caelestes divisam animasse. Quod si ita est, audet Kircherus dicere, Sphæram Archimedæam dictâ arte constructam vix aut nè vix quidem cum modernorum Artificum similibus operibus comparari posse; cum ea sit horum industria atque peritia, ut non solum primi mobilis, sed & secundorum mobilium, Planetarum dico, singulos motus, stationes, retrogradationes, directiones, declinationes, latitudines, aliasq; passionis & phænomena, quin & seu octavæ sphærae ex Ptolemaicorum, seu Terræ, ex Copernicorum placitis, varios motus, usque ad ipsas eclypsium demonstrationes, unâ cū alijs phasibus, in spheris metallicis (haud dubium quin & in vitreis, si vellent) ad Naturæ exemplar fabricatis, ita clarè, distinctè, minutim, & ad vivum repræsentent, nihil ut majus & artificiosius in rebus humanis fieri posse humanâ industriâ videatur, uti ex enumeratis hætenus Machinis, alijsq; passim in Germania, Belgio, & Francia obvijs manifestè constat. Archimedis tamen sphæra, si prædicto artificio fuit constructa, quia sæculo adhuc rudi & talium rerum insolente constructa fuit, mirum non est in tantam omnium temporis admirationè rapuisse, & tot laudibus atque encomijs Historicorum fuisse celebratam.

An hydraulico pneumatico artificio,

Aliam viam Archimedes inivisse, à duabus prædictis distinctam, nimirum per artem pneumaticam & hydraulicam simul; alij existimant Kircheri teste. Sed cum omnia pneumatico-hydraulica artificio, aut metu vacui, aut rarefactione & condensatione, aut compressione, aut naturali motu ac lapsu, efficiantur, ut ex Mechanica nostra Hydraulico-pneumatica constat, non video quâ ratione dictis modis tam constantes & ordinatas caelestium motuum leges imitari potuerit, ut bene etiam Kircherus advertit. Idem dicendum est de Mercurio, si quis putaret, spheram Archimedis motu Mercurij intus inclusi fuisse motam. Scio, aquâ & Mercurio, aërisq; alteratione, perpetuos motus varijs rationibus adumbrari posse, uti ex eadè Mechanica nostra constat, præsertim tota Classe 2. Partis 2;

at hi omnes motus inconstantes sunt, & exigui temporis; unde eâ viâ confectum Instrumentum admodum mancum fuisset & imperfectum; quod absit de Archimedis operibus dicatur, inquit Kircherus.

Nec verisimile est, Archimedem sphaeram suam arte magnetica, aut alio sympathico motu animasse. Licet enim eâ ratione id fieri possit, & modum præscribat Kircherus in Arte sua Magnetica loco citato, id efficiendi; nullum tamen vestigium apud Auctores extat, ex quo colligatur, Archimedem dictam artem calluisse, alioquin Scriptores Græci, qui suorum opera tam magnificè deprædicare solent, id minimè reticuisissent. Nullâ porrò arte, quàm sympathicâ vitream, ad Archimedis imitationem, sphaeram, cælestes omnes motus representantem constanter, confici posse existimat Kircherus, & inquit Drebellius in Epistola ad Regem Angliæ, in qua ait, posse se construere globum perpetuò secundum cursum ætheris singulis viginti quatuor horis semel circum rotabile, aut toties amplius, quoties tibi visum fuerit, ita ut vel mille annis nè semel fallat, ostendentem annos, menses, dies, horas, cursum Solis, Lunæ, omniumq; Planetarum, & Stellarum, quarum motus hominibus notus. Vanam tamen Debellij jaçtationem hanc esse, autumat Kircherus, & meritò.

An magnetico, aliove sympathico motu.

Hactenus quid alij de Archimedis sphaera tam memorabili sentiant, dixi; nunc quid ego sentiam, brevissimè indicabo. Primò ergo puto, eam nequaquam spiritu seu aëre incluso fuisse motam, quoniam aliter fieri non potuisset nisi aut aëris alteratione, aut violentâ compressione; quarum prima inconstans est & valde irregularis, uti ex dictis in Mechanico lo: cit: Machina 3, constat; secunda verò non nisi exigui temporis esse potest, uti constat ex multis Machinis in eadem Mechanica Par. 2. Classe 1, cap. 2, allatis. Idem judicium esto de aqua & Mercurio. Si enim alterutro similis Machina construi posset, certè nostro hoc & superiore sæculo, quibus tanta florere ingenia, tam multorum in perpetuo motu per aquam & Mercurium inveniendò defudavit industria, uti citato loco Classe II, vidimus, eam qui spiam si non construxisset, saltem con-

Auctoris sententia.

struere attentasset. *Secundò* puto, nec magnetico, aliove sympathico motu eam fuisse compositam, propter rationem paulò antè dictam. *Tertiò* denique existimo, rotarum artificium intra Terræ globulum, non diaphanum, ut reliquam sphaeram, sed opacum, uti oportebat, absconditum fuisse; nec eo totam sphaeram, excepto Terræ globulo vitream, fuisse motam, sed solum dictum globulum circa solem velut circa centrum suum, non sine adjunctis alijs seu vitreis, seu alterius materiæ armillis: nec rotarum motum fuisse perpetuū, sed ponderibus attractis aut pinnis chalybeis denuò convolutis, fuisse subinde redintegratum, uti in automatis nostratibus fieri asolet. Rationem conjecturæ meæ habeo, quoniam juxta Archimedi systema non totus vitreus globus, sed sola Terra circa solem multiplici motu gyron debet, & hoc efficere non fuit suprà Archimedis ingenium, cum nostri Artifices simili arte globos non solum in orbem, sed recto etiam motu sursum, deorsum, & ad latera torquere consueverint. Nec crediderim, tam perfectum fuisse opus quàm ab Auctoribus deprædicatur, cum certò mihi constet, multa similia valde imperfecta fuisse alijs, etiam doctis viris, exhibita, qui quòd causam ignorarent, & nihil unquam simile viderant, summis ea laudibus deinde deprædicarunt.

MACHINA V.

Archita columba lignea volans, & Regiomontani aquila,

Archita columba lignea volans.
Quod Architas Pythagoricus fecisse traditur, & admirabile, & non vatum videri debet, inquit Aulus Gellius lib. 10. Noct. Attic. nam & pleriq; Grecorum nobilium, & Phavorinus Philosophus Memoriarum veterum exequentissimus, affirmatissimè scripserunt, simulacrum columbæ è ligno ab Archita ratione quadam & disciplinâ Mechanicâ factum, volasse. Ita erat scilicet libramentis suspensum, & aurâ spiritus inclusâ atq; occultâ concitum. Verba Phavorini apud Majolum Colloq. 23. hæc sunt. Architas Tarentinus Philosophus pariter ac Mechanicus vir columbam ligneam fecit volantē, quæ si unquam subsedisset, præterea non exurgebat. Duo tam prodigiōsi volatus principia indicat Gellius, ut nota-

Quomodo fuerit constructa.

vi etiam in Mechanica Par: 2. Classe I. cap. 3. Machina 10. inclusum scilicet aërem, & partiu libramentum. Vt tamen utrumq; conferre aliquid ad volatum concedimus, ita neutrum, etiam alteri junctum, sufficere constanter asserimus. Neque enim solâ aëris inclusione atq; addensatione folles in altum emittuntur, nisi validus suspellentis accedat impulsus; nec ullum partium libramentum seu æquilibrium innatæ contrahitur ligni corporis gravitati, nè pondere prævalente deprimatur, ut etiam citato loco notavimus. Aliquid igitur ulterius requiritur, quod hætenus inexplicatum ab Auctoribus fuisse, pleriq; dolent, & conqueruntur. Idem de Regiomontani Aquila dicendum est, quam Carolo V. Cæsari Norimbergam adventanti obviam extra Urbis portam volasse, & cum eodem ingrediente Urbem revolasse, plurimi asserunt, & nos ex ipsis I. Par: hujus Operis lib: I. cap: 6. at qua id arte factum, nullus, quod sciam, memoriæ tradidit.

Ioannes Baptista Porta lib: 20. Magiæ Natural. cap. 10. postquam docuisset modum exhibendi draconem volentem, construendo ex subtilioribus arundinum paxillis sceletum draconis, & chartâ vel subtili lino contectum ventis committendo, alligato sat longo funiculo, prout passim pueros factitare videmus apud nos, & idem apud Chinenfes certo vento spirante factitare in China eosdem asseruit mihi P. Martinus Martini; subjungit: *Hinc auspiciari poterit ingeniosus principia, quonam pacto & homo volare possit, ingentibus alis cubito & pectori deligatis; eos autem à pueritia paulatim jactare assuescat, loco semper sublimiori. Quòd si quispiam id mirum putabit, aspiciat ea quæ Architam Pythagoricum commentum esse atq; fecisse tradunt. Pleriq; enim nobilium Græcorum, & Phavorinus Philosophus Memoriarum veterû exequentissimus, affirmatissime scripserunt, simulacrum Columbæ è ligno ab Archita ratione quadam disciplinâq; mechanicâ factum volasse; ita erat scilicet libramentis suspensum, & aurâ spiritus inclusâ atq; occultâ concitum. Videtur itaq; velle, Architam simili arte, quâ volentem draconem exhibent pueri, & hominem volare posse existimat, etiâ Architæ columbam volasse. Idem utiq; diceret de Regiomontani Aquila. Et ad hominis quidè*

##? *Porta sur l'aigle de
Regiomontani 9. dans l'ed. de
P. de la Haye 1744 p. 62 -
Ed. de J. B. de la Haye
dissertation sur l'aigle
de Regiomontani sur l'aigle
de la Haye 1707*

Ex Porta.

Porta sententia de columba lignea volente.

volatum quod attinet, nemini suaferim cum dictâ methodo attentare; scimus enim quanto cum impetu dracones, dum vel maximè prospero alarum remigio auras sulcare videntur, in terrâ decidant, ut nec ullâ arte casus impediri à quantumvis peritis possit. Ad Architæ verò columbam quod attinet, non admodum incredibile alicui videri possit, volatum simili arte fuisse exhibitum, si spiritus ope fuit exhibitus. Innuere id videtur Phavorinus his verbis: *quæ si unquam subsedisset, præterea non exurgebat.* Et certè qui Græcorum ingenia novit, sua plenis buccis deprædicantium, & mirum in modum exaggerantiû, haud difficulter credet quod à Porta innuitur. Exhibuit fortassis dictâ methodo Architas volantem columbam; & quia res nova erat, & antea invisâ; fama de columba lignea emanavit, quæ deinde Scribentium exaggeratione mirum in modum fuit aucta. Nec id mirû videri cuiquam debet. Certissimò mihi constat, ijs qui nominis aliquam famam in rebus mirabilibus, & communem hominum captum excedentibus efficiendis consecuti sunt, multa affingi quæ nunquam præstitère; multa aliter narrari quàm facta sunt, multa in immensum augeri, etiâ ab ijs qui coràm rem, quam non intelligebant, spectârunt. Ex multis hoc unum accipe exemplum. P. Athanasius Kircherus, præter alia multa, monstrare solebat in Museo suo columbam Architæ volantem, vel potiùs in aëre libratâ aliis tremulam ac nutabundam hærentem, idque artificio magnetico, sed adeo occulto, ut spectantiû nullus id adverteret. Mox sparsum fuit Kircherum scire artem volandi, narratumq; die quodam in congressu familiari quorundam nobilium Romanorum. Additum, rescivisse id summum Pontificem *Urbanum VIII.* tunc temporis viventem, accersitoq; Kircherò voluisse rem tam inauditam coràm & solum spectare in conclavi Pontificio. Quâ cum exhibuisset Kircherus, obstupuisse Pontificem, & Auctori severissimè prohibuisse, nè cuiquam mortaliû eam proderet. Eidem adhibuère narrationi alij, alij ut crederent, adduci non poterant. Vnus ergo illorum Kircherum accessit, & per Dei hominumq; fidè rogavit, fateretur num vera essent quæ nar-

*Kircherus
creditur ab
aliquibus,
scire artem
volandi.*

rabantur: non cupere se scire artem, quam nosset prodi non posse, sed num eam sciret interrogare, Risit Kircherns, & falsum esse quod narratum fuisset aiebat, nec tamen alterum à concepta opinione abducere poterat, affirmantem non tantum non prodere artem, sed nec fateri eam se scire fas esse Kirchero, Pontificis præcepto obstante.

Quæ dixi hæcenus, mera conjectura est, ijsq; non assentior; altiùs enim assurrexisse Architæ ingeniù credo, quam vis nec Gellius, nec quisquam alius artificium prodat. P. Lauretus Laurus citatus cap: præcedente Machinâ ultimâ, putat posse inclusum aërem intra columbam promoverè partium libramentum, & volatum procurari, si lignæ columbæ corpus, instar Vlyssis navis, constrictos ventos, hoc est, densatum aërem conclusum gestet in utre, & alæ expãdantur plùmæ, vel lineæ, velorum instar; si enim machina sit benè librata, & impetu aliquo impresso committatur vento seu aëri, columbam feliciter evoluturam putat. Ego puto, evoluturam quidem hæc arte columbam, sed tam in ascensu, quàm descensu, ac si vertigine agitaretur, mirabiles gyros exhibituram. Duo alia prodigiosi volatus principia præscribit idem, ut loco citato in Mechanica etiam notavi; alterum tenue & incertum, validum alterù & securum, ut ipse putat. *Ovorum gallinaceorum cortices, inquit, matutino rore repleti, & bene oclusi, si Solis radijs exponantur, arcanis nodis atcolluntur in sublime, & extasim aliquamdiu patiuntur. Quid si majorum olorù ova, vel folles tenui pelle consuti, replerentur nitro purissimo sulphure, hydrargyro, alijsq; hujusmodi, quæ vi caloris rarefiant, & exterius vestirentur in speciem aliquam columbarum; volatum forte aliquem simularët. Si ligneam & ponderosam velimus machinam impellere ad volandum, adhibeamus ignem. Si timetur incendium, columba vestiatur asbestino, stannæ inserantur tubi, ut innocenter ignis soveatur in sinu. Ad impediendum stridorem, & exspiramentum favillarum, pyrius pulvis auripigmento deliniatur, & butyro imminuatur halinitrum, guttur formetur, ut pro stridore referat gemitum columbarum, ut in tauro olim infauste nimium docuit Perrillus. Ita addere aliquid possumus, quod in Architæ opere videbatur defuisse, quod scilicet columba non exurgeret, cum resedisset: conjungi enim facile possent tubi, ut alter post alterum accenderetur, & intervalle interpone-*

Ex Laureto

Laurus

rensus pro arbitratu, ut viva omnino columba videretur. Credat qui volet; ego potius capram saltantem, quàm vivam columbam apparituram existimo.

Columba lignea volans non potest fieri per rotas dentatas absconditas.

Sed num per rotas dentatas intra columbæ corpus absconditas, & ponderibus aut chalybeis pinnis circumactas, ut in horologijs contingit, exhiberi volatus columbæ, & aquilæ etiam, potest? Non puto, quia rotarum implicatio, & per pondera aut pinnas agitatio, tribuere quidem gravi corpori potest motum, at minimè efficere ut in aëre hæreat suspensum, aut volanti simile promoveatur. Nimirum grave corpus sustentante se indiget, ut & rotæ motum tribuentes. Idem sentit *Cardanus* lib: 12. Variarum rerum cap: 58, ubi ait: *Quæ enim solet, an columbam ligneam, qualem Architam Tarentinum ex Gellio alibi narravimus fabricasse, fieri e liceat, scilicet quæ sponte volet, ubi tamen quies verit, immota maneat. Nam imagines statuasq; ambulantes super mensam, rotarum abditarum vi, aliquoties vidimus. Volantem etiam avē, sed funi insitam; per se, nondum. Ergo quæ se sponte elevet, vix fieri potest, quoniam firma oportet esse vincula quæ moveant, atq; ideo graviora quàm ut agi proprijs possint viribus. Motus verò ab initio & impulsus, & maxime venio stante secundo, ob alarum magnitudinem, & vim rotarum quæ illas agat, nihil prohibet. Conveniat igitur levitas corporis, alarum magnitudo, & robur rotarum, atq; venti auxilium &c. fietq; ut columba & volet certo ordine, in cæta autem ignis vi &c. sic enim & sponte se elevabit, & alas moveb. sed statim desinet, quoniam ignis non manet, & materiam cur a pondus suppeditare non licet. Hæc *Cardanus*.*

ANNOTATIO.

M Achina hæc, quia per rotas dentatas non animatur, huc non pertinet; **M** volui tamen hæc referre, quia existimare quis poterat præ dicto officio institui posse. quod ego negavi.

MACHINA IV.

Dædali statuæ, Apollonij tripodes, aliæq; similia.

Inter Dædali opera, multorum scriptis celebrata, refert *Plato* in *Menone* sive *Dialogo de Virtute*, alijsq; ex ipso, ligneas eū statuas confecisse eā arte, ut nisi ligarentur, aufugerent. *Platonis* verba sunt: *Quia Dædali statuis animum non advertisti, quòd etiam*

hae, si quidem ligatae non fuerint, aufugiunt, & fugitivae fiunt; si vero ligatae, manent. Idem insinuat in Enthyphrone. Eundem Dædalum asserit *Aristoteles* lib: I. de Anima cap. 3. ex *Philippo Comico*, fecisse ligneam Venerem automatam. Qui quidem perinde, inquit *Aristoteles*, atq; *Philippus Comicus* dicit. Ille namq; Dædalum ait ligneam Venerem consecisse, quæ motu movebatur argenti urvi, quod in illâ insudit. Simile quid refert *Aristoteles* lib: I. Politic. cap. 3. ex *Homero* de tripodibus à Dædalo & Vulcano factis. Quomodo Dædali, aut *Vulcani* tripodes, quos inquit *Poëta* sponte suâ divinum prodijisse in certamen. Apud *Philostratum* etiam in vita *Apollonij Tyanæi* legimus, tripodes aureos in *Iarchæ Gymnosophistæ* convivio seipso motitasse, & aureos pincernas convivis operam suam præstitisse. *Eusebius* ex *Palæphato* refert, Dædalum primum omnium pedes statuarum à se invicem separasse, alijs conjunctim eos fabricantibus, eaq; ratione statuas ad motum habiles fecisse.

Vulcani tripodes auriformis.

Dædali Venerem ligneam argento vivo infuso motam fuisse, sentit *Philippus* apud *Aristotelem*, ut vidimus. Idem de alijs ejusdem Dædali statuis sentit *Scaliger* apud *Salianum* in *Analibus* us Anno *Gedeonis* ultimo, circa quem existimant floruisse Dædalum. Credibilis est, arcano & intus latente rotarum artificio fuisse motas: Neq; hoc admodum difficile est, neque præteritis sæculis infrequens, nostro autem sæculo est pænè vulgare. Quæ in I. Parte hujus Operis lib: I. cap: 6. retulimus de lupi circumambulantis & pulsantis tympanum statua; de populo argenteo per mensam progrediente ad quem jussum fuerat; de statuis puellari formam pulsantibus citharam, se inclinantibus, erigentibus, manum porrigentibus, super mensam saltantibus; non alio nisi dicto rotarum artificio exhibebantur. Simili artificio constructa erat statua *Ferdinandi III. Cæsaris*, quæ; ut audio dum hæc scribo, *Viennæ* in *Cæsarea Galeria*, ut vocant, asservabatur. Referbat ea Cæsarem sedentem, & de sede surgentem, ita ad vivum, ut nonnulli decepti coram ea venerabundi procumberent in genua. Scimus nonnullos lucri causam circumferre statuas, quas in varios habitus vestiunt, & in omnem motum movent, adeo dextrè & occultè, ut vix à

Dædali Statuae quomodo in motum concitatae.

Statua Ferdinandi III. Cæsaris effigie referens

Statua Fe-
nella in An-
glim

vivis discerantur à spectantibus. Ejusdem sine dubio artis erat statua illa de qua Hector Boërhius, qui refert, cum Chennotus Rex Anglorum Cruthlintum Fenellæ filium occidisset, tum etiam Malcolmum Duffum Regem & affinem Fenellæ; illam mirâ arte fabricari jussisse statuam, in cujus manu pomum aureum gemmis nobilioribus refertum erat; quod cum Rex à Fenella post aliquot annos invitata tetigisset, multis jaculis è statua erumpentibus confossus interiit.

Statua lo-
quens Al-
berti Ma-
gri.

Hoc eodem rotarum & libramentorū artificio putat *Majolus* Colloq. 23. constructam fuisse ab Alberto Magno statuam loquentem articulatè, cujus loco etiam citato, & in II. Parte lib. 3. Syntagm. 3. in Præmio meminimus. Verba Majoli sunt: *Similiq; industriâ ferunt Albertum Magnum, statuam hominis formâ, construxisse, quæ cum libramentis quibusdam, rotis, atq; alijs machinis in eis latentibus peritissimè compositis, linguam quâdam ratione & disciplinâ morventibus articulata verba pronuntiaret. Hanc statuam cum S. Thomas Aquinas studiosè ab Alberto missus in cubiculum, ubi latebat, audisset verba adeo articulatè pronuntiare, perterrefactus baculo machinam contrivit; ac postea interrogatus, cum respondisset se statuam confregisse, respondit Albertus: Opus triginta annorum destruxisti. Quid alij de illa re sentiant, diximus loco proximè citato.*

MACHINA VII.

Horologia rotata, eorumq; artificio le viter indicatum.

Horologia
rotata.

Sæpe jam mentionem fecimus horologiorum rotatorum, quæ videlicet libramentis quibusdam, & rotis varijs variè implexis ac motis, horas indicant non oculis tantum indicis circa horariam rotam gyratione, sed auribus etiam æris campani pulsu, quin & digitis secretiore puncturâ. I. Parte hujus Operis lib. I. cap. 6. memini cuiusdam horologioli annulo instar gemmæ inclusi, & Carolo V. Cæsari quondam oblato, quod horaria spatia non foris modò indiculo, sed intus etiam horarijs punctationibus digito gestantis impressis dispensabat. Erat nimirum in annuli funda seu pala horologiolum, parvis libramentis & machinulis ita aptatum, ut secretiore obsequio digi-
tum

Horologiū
rotarum in
annulo Ca-
roli V.

tum toties leviter perstringeret, quoties ad unam quamlibet horam perstrepunt ictu malleoli cætera horologia. Aliorum quæ indice & pulsu horas indicant, horarumq; partes, & è collo suspensa, aut facciperio inclusa, circumferuntur, & vix nucis aut amygdali magnitudinem excedunt, frequentissimus est nunc totâ panè Europâ usus. Majorum tantus numerus est, ut nullum sit in plerisq; Europæ regnis ac provincijs oppidum, ac nè pagus quidem, in quo non audiantur ac spe stentur. Nec ex ferro solùm, aut chalybe, sed è ligno etiam, & quidem mollissimo fabricantur. Rariorum etiam, & quæ præter horas, cælorum etiam motus, stellarum cursus, planetarum phâses ac passionés varias, calendaria & ephemerides exactissimè ac perpetuò ostentant, non exiguus est varijs in urbibus numerus. Aliqua recensui in hujus Libri Proœmio, & in I. Parte lib: I. cap: 6. Alia leget, qui volet, apud *Majolum* Colloquio 23. & apud *Laurentium Bayerlink* in Theatro Vitæ Hum: V. Horologia, & V. Mechanica, & alijs in locis. Meritò ergo Chineses, alioquin ingeniosissimi, & artifices eximij, cum primùm horarias hujusmodi machinulas, à Lusitanis & Evangelij præconibus regno suo illatas vidissent, obstupuerunt. Lege quæ scribit *P. Nicolaus Trigantius* lib: 4. Historiæ Sinensis cap: 12. & lib: 2. cap: 12.

Artificium quod attinet, etsi notissimum est artificibus, de scribi tamen pro dignitate, & proponi ob oculos clarè non potest sine multis verbis, & multorum schematū coacervatione. In alium ergo locum hujus rei tractationem differam, nempe in Mechanicam nostram Vniuersalem, si non priùs pertractetur (quod opto) à P. Athanasio Kircherò in suo Thaumaturgo Mechanico, quem in Catalogo librorum à se edendorū promittit. Interim legi potest *Cardanus* lib: 9. de Varietate rerum cap: 47. & lib: de Proportion. ubi aliquid de horologiorum artificio attingit. Alium autem qui idem argumentum versaverit hætenus, nullum scio.

*Horologia
rotata mi-
rantur Chi-
nenses.*












MACHINA VIII.


*Planetologium Reita obiter indicatum.**Planetolo-
giū Reita.*

P Antonius Maria de Reita Capuccinus, Vir religiosus & doctus, mihiq; familiariter notus, in capite ultimo libri 4. Oculi Enoch & Eliæ, proponit artificiosissimam simul ac facillimam Machinam, quam *Planetologium* appellat, quod sit quasi Planetarum omnium horologium, utpote omnium veros mediosq; motus, stationes, retrocessiones, & directiones, sine epicyclis & æquantibus, paucis rotulis, cochleis, & trochleolis, exactissimè ac jucundissimè monstret. Totam Machinæ fabricam, rotarum, cochlearum, ac trochlearum proportionem, dentium numerum, aliaq; ad fabricam pertinentia, describit accuratissimè, non verbis tantum, sed schematismo etiam à semetipso delineato. Et nè quis de successu rei dubitet, si præscripta servetur symmetria & proportio, ait se proprijs manibus quondam Coloniae Agrippinæ ex ligno solummodò simile planetologium fabricasse, rudi tantum Minervâ, eoque tamen exactè omnium errorum motus exhibuisse. Addit, rotam totius Machinæ primam & primum motorem, aquæ aut arenæ modicæ lapsu convertibilem, tam facile verti, ut levissimus oris flatus aut halitus sufficiat ad illam cum omnibus subsequentijs rotis, cochleis, & trochleis debitâ proportionem ad invicem fabricatis, in gyrum vertendâ. Afferit præterea, præter Planetarum motus addi posse plurima alia, interque ea motum cæli stellati, mediante globo crystallino seu vitreo, in omnes constellationum figuras ope adamantis, vel auro exterius distincto, intus verò præcisè ad medietatem usq; liquore destillato viridi, aut alterius caloris impleto. Hic enim globus si ad altitudinē poli elevatus erectusq; ita disponeretur, ut spatio 24. horarum semel ab ortu ad occasum ope Planetologij converteretur; totius firmamenti stellati typum jucundissimum exhiberet, videresq; singulis minutis temporis, supra aquæ internæ (in revolutione semper suum situm horizonti parallelum retinentis, & consequenter horizontē

repræ-

Partis III. et IV Iconismus XIV.





representantis) planam superficiem sese alias & alias stellas at-
tollentes: Quod etsi facillimum sit, haec tamen à nemine
practicatum vidit. Machinae schema integrum, unà cum ac-
curatâ ejus explicatione, libenter apposuissem, sed sumptibus
parcendum fuit. Lege ergo Auctorem ipsum.

CAPVT TERTIVM.

*De varijs & artificiosis Machinis, tam simplicibus,
quàm compositis.*

MACHINA I.

*Vectes breves multiplicati, & vires potentia in immen-
sum augentes.*

EX dictis de vecte libro præcedente Syntag: 2. constat, quò
major est distantia potentia ab hypomochlio, & quò mi-
nor distantia ponderis ab eodem, in usu vectis, eò magis juva-
ri atq; augeri potentiam ad pondus movendum, adeo ut datâ
quacunq; minimâ potentia, & dato quocunq; maximo pon-
dere, possit arithmetico ratiocinio reperiri vectis longitudo,
ad datum pondus datâ potentia movendum. Quanquam sem-
per quò major est distantia potentia supra distantiam ponder-
is, eò tardior futurus sit motus ponderis, & velocior motus
potentia. Potest contingere, ut si vecte utendum sit ad magnû
aliquod pondus exiguâ potentia movendum, nimis longus
debeat esse vectis, qui proinde aut propter flexibilitatem & ru-
pturæ periculum, aut propter nimiam gravitatem, aut deniq;
propter nimiam longitudinem ac molem, minùs commodus
foret. Videndum igitur an multiplicatis brevibus vectibus in-
tentum effectum tu ne consequi possimus.

Primus Modus.

Multis modis id fieri posse existimo. Primus est ille, quem
indicavimus suprâ capite I. Machina I. circa theoriam
Glossocomi Pappi ex Bettino, per multiplicationē vectium sic.
Sit primus vectis AB, habens centrum motus seu hypomochli-
um in C. In hoc vecte motus in A ad motum in B, est ut AC ad

*Vectes bre-
ves multi-
plicati.*

*Primus Mo-
dus.*

*Vide Ico-
nis. XIV.
Fig. Ie.*

M m 3

CB,

CB, ut ex dictis lo: cit: de vecte patet cap: I. Proposit: 5. Sit dein-
de secundus vectis DE, fulcrum habens in F, sed sursum; eritque
rursus motus in D ad motum in E, ut DF ad FE: at D movetur æ-
qualiter cum ipso B; ergo motus in A ad motum in E habebit
rationem compositam ex rationibus AC ad CB, & DF ad FE. Sit
præterea tertius vectis GH, habens fulcrum in I; eritq; motus
in G, æqualis motui ipsius E, ad motum in H, ut est GI ad IH: ergo
motus in A ad motum in H habebit rationem compositam ex
rationibus AC ad CB, & DF ad FE, & GI ad IH. Sunt verò momenta
potentiæ ad momenta ponderis, ut sunt motus, prout constat
ex universali nostro principio machinalium motuum, de quo
lib: 2. Syntagm: I. cap: 5. & Syntagm: 6. Sit autem prima ratio
AC ad CB, ut 2 ad 1; secunda verò ratio DF ad FE sit ut 3, ad 1; ter-
tia deniq; ratio GI ad IH, sit ut 6 ad 1; ratio composita erit ut 36
ad 1; quam habes, si 3 ducas in 2, ut fiant 6, & 6 ducas in 6, ut fiat
36. Ut igitur potentia ut 1, movere posset per vectem pondus
ut 36, deberet fieri vectis, cujus major distantia ad minorẽ esset
major quàm 36 ad 1. At si disponantur tres vectes dicto modo,
sufficit ut distantia ab A usq; ad I sit undecim partium, æqualiũ
parti IH. Quare si essent tres vectes, quorum singulorum bra-
chia longiora essent ad breviora, ut 12 ad 1; foret motus & mo-
mentum potentiæ in A, ad motum & momentum ponderis in
H, ut 1728 ad 1, uti ex dictis loco cit: de Glossocomo patet. Quid
fiet, si addatur quintus, sextus, & plures vectes? Vides igitur,
quantũ juvari possit potentia per breves vectes multiplicatos.
Vnde sit igitur ut tanta sit vectiũ disjunctorum potentia? Nemp-
pe, ut bene notat *Mersennus* in Phænomenis Mechanicis Pro-
posit: II. quòd se invicem multiplicent, & primus vectis cujus
potentia in A ut 1, sustinere potest pondus in B ut 12, non solum
addat vires novas ut 12 vecti secundo DE, ut sint 24, sed eas in
144, uti 12 in 12 multiplicata, convertat; rursusque tertij vires
cubet, & convertat in 1728, ut 144 multiplicata per 12.

Secundus Modus.

*Secundus
Modus.*

Quòd si præcedens vectium dispositio nimis in longũ pro-
traheretur, ac proinde locum alicubi non inveniret suffi-
cien-

cientem, ob spatij angustiam, possent disponi in transversum, prout in Figura apparet. Dum enim A premitur deorsum supra fulcrum suum C, attollitur B; & dum B attollitur & movetur infra fulcrum E, deprimitur D; simulque, dum D deprimitur, & movetur supra centrum seu fulcrum G, attollitur F cum pondere appenso, aut superposito. Erit igitur ut antea, momentum potentia in A ad resistantiam ponderis in F, composita ex rationibus AC ad CB, & BE ad ED, & DG ad GF.

Vide Iconis. XIV. Fig. II.

ANNOTATIO.

Hæc vectis dispositio fieri potest in plano horizontali, præcedens in verticali: Quod autem de tribus vectibus diximus, applicari potest duobus, quatuor, aut pluribus; eadem siquidem est ratio.

Tertius Modus.

Contingere potest, ut non sit commodum spatium pro aliquo vecte constituendo in uno loco, propter longitudinẽ vectis; & tunc potest vectis ille in duas dividi partes, quæ uni cylindro adnectantur circa suum axem mobili. Sit in A extremo vectis CA pondus movendũ, & ut majora acquirantur potentia momenta, adhibendus sit alius vectis, qui applicetur in C, & spatium commodum non sit ut ibi totus vectis constituatur, neque producendo CD ulterius deorsum, neq; sursum, neq; etiã in directum ipsius AB, propter loci angustiam. Assumatur cylinder FE tantæ longitudinis, quantã opus est ut inveniatur commodum spatium, cujus pars F sit intra locum angustum, pars verò E extra; eiq; infigatur pars vectis minoris CD; deinde in altero extremo, ubicunq; commodum fuerit, reliqua pars vectis infigatur, sive sit SO, sive SH. Quo facto, aucta erit potentia quantũ oportebat. Ut enim SO, vel HO, ad DC, ita motus potentia in O aut H ad motum C; motus autem C ad motum A, est ut CB ad BA; igitur motus O ad motum A est in ratione composita ex rationibus OS ad DC, & CB ad BA.

Tertius Modus.

Vide Iconis. XIV. Fig. III.

Quomodo vecte augeri possit vis statera, dicemus libro sequente in Magia Statica.

MACHINA II.

*Vectis cum cochlea immanium virium.**Vectis cum
cochlea im-
gentium
virium.**Vide Icō-
nif. XIV.
Fig. IV.*

Fieri aliquando non potest, ut sufficientem vectis longitudinem adhibere possis, propter loci angustiam, ut antea etiam dixi; nec est operæ pretium vectes breves multiplicare, quia non nisi ad exiguam altitudinem pondus per eos attolli potest. In hoc & similibus casibus cochleam possumus mirum in modum vectis non admodum longi momenta augere, dum modo firmus ac valde sit, & ponderi levando proportionalis.

Sit enim vectis *AB*, habens in *C* hypomochlion, in *A* anulum ferreum, in *B* uncum etiam ferreum, cui funibus aut catenis adnectatur pondus *D*. Paretur cochlea *GHI*, cum sua matrice *OS*, habente in *M* uncum ferreum, qui annulo *A* infigatur. Tandem circa cochleam basim infigantur scytaalæ aut vectes duo aut quatuor, *EF*. His si circumducatur cochlea *GHI*, trahet ea conversa matricem *OS* inconversam, & cum ea alligatum vectem *AB*, qui depressus in *A*, elevatur in *B*, & unâ cum eo pondus *D*. Huius Machinæ ingentes sunt vires. Nam momentum potentiae scytaalæ *EF* applicatæ ad resistantiam ponderis, habet rationem compositam ex rationibus distantiarum *AC* ad distantiam *CB*, & peripheriæ descriptæ ab *F* ad distantiam spirarum cochleæ, juxta dicta supra lib: 7. Syntagm: 6. cap. 2. Sit igitur, gratiâ exempli, *AC* ad *CB*, ut 4. ad 1; longitudo autem scytaalæ seu vectis *EF* sit decupla distantiarum spirarum: ergo quarum partium semidiametur *EF* est decem, earum peripheria circuli ab *F* descripti est 62. cum $\frac{2}{3}$. Igitur motus potentiae in *F* ad motum extremi est, ut 62 cum $\frac{2}{3}$ ad 1; motus autem *A* ad motum ponderis in *B*, est ut 4. ad 1: igitur motus potentiae ad motum ponderis erit, ut 251 $\frac{2}{3}$ ad 1. Eo itaque conatu, quo sine machina possent moveri libræ 25, potentia elevabit libras 6275 circiter.

ANNOTATIO.

Vide eandem Fig. præced.

Cardanus lib: 17. de Subtilit: & Harstorfferus in Delicijis Mathem: par: 10. quæst. 10. proponunt similem Machinam, sed aliâ formâ, nempe ut cochlea

cochlea *GHI* transeat per foramen circa extremum *A* vectis factum, & in cochleam femininam efformatum. Quo in casu impossibile est ut vectis pars *AC* descendat sine periculo rupturæ: nam cum vectis *AB* in eorum dispositione semper debeat eundem angulum facere cum cochlea *GHI*, nempe rectū, vel totus vectis *AB* descendere debet, vel si solum brachium *AC* descendit, diffindatur necesse est cochlea feminina *A*, quia angulum obliquum cū cochlea *GHI* non potest efficere dictum brachium, ob rigiditatem suam. Aliter etiam uterq; calculum instituit ac nos, ad inveniendam proportionē potentiæ ad pondus; an rectè judicent alij.

MACHINA III.

Kircheriana Machinula ex pluribus complicata, quā minimo digito talenti pondus elevatur.

IN Museo Collegij nostri Romani, à P. Athanasio Kirchero erecto, præfens visitur Machinula, composita ex Vecte, Vite seu Cochlea perpetua aut infinita, Axe in peritrochio, & Trochlea. Manubrium siquidem *AB*, insertum cylindro *BC*, unà cum semidiametro dicti cylindri *BC*, habet rationem vectis primi generis, cujus hypomochlium seu fulcrum est in axe cylindri, potentia in *A*, pondus in superficie cylindri. Vel si mavis, manubrium *AB* unà cum cylindro *BC*, est Succula, quam suprà lib: 2. Syntagm: 3. cap. 2. reduximus ad vectem primi generis. Helices *DE* cylindro *BC* circumpositæ, constituent Vitæ seu Cochleam perpetuam, sive infinitam, ut appellant, quoniam spiræ illæ ita admittunt dentes rotæ *EF*, ut quot ejus convolutione propelluntur versus dexteram v.g. totidem successivè à parte sinistra admittantur denuò propellendi versus eandem dexteram. Et quoniam perpetuè ac sine ullo fine, quàm diu circumvertetur cylindrus, helices aliquos rotæ dentes admittunt, aliquos propellunt; meritò perpetua & infinita cochlea seu vitis appellatur. Rota dentata *EF*, inserta axi seu cylindro horizonti parallelo, cujus unum extremum est *G*, & supra quem conversum circumvolvitur funis ductarius; constituit Axem in peritrochio, quem loco proximè citato cap: I. descripsimus, & explicavimus. Et quia funis ductarius *KM* non alligatur immediatè ponderi *L*, uti fieri potest

Kircheriana Machinula composita ex pluribus. Vide Iconismi XV. Fig. V.

Cochleæ perpetuæ.

ac solet, sed circumducitur rotulis intra capsas H & I absconditis, & capsæ I alligatur pondus L; ideo HI constituit Trochleam, quam ob numerum quatuor orbiculorum appellavimus supra libro præcedente Syntagm: 4. Tetraspaston.

*Kircheriana Machi-
nula vires.*

Ingentes sunt vires hujus Machinæ. Illi quæ in Museo Kircheriano habetur, alligatum est saxum instar molæ, talenti pondus habens, nempe 125. libras, & quidem funiculis valde tenuibus; quod tamen pondus vel parvulus digitus unus etiam pueri applicatus extremitati A manubrii AB, & in gyrum motus, attollit in ætrem. Et licet cessetur à motu, pondus tamen non recidit, sed ex funiculis suis suspensum manet, etiam si nec fulcrum supponatur ponderi, nec manubrium manu teneatur, aut alligetur. Imo non subsidit pondus, nisi manubrium in contrariam partem vertatur. Rem totam ego milies monstravi, & alios, etiam puerulos, facillime idem jussi, magno omnium stupore. Causa tantarum virium est, quod motus potentie moventis ad motum ponderis habet rationem compositam ex rationibus trochleæ ad pondus annexum, semidiametri tympani seu rotæ dentatæ FF ad semidiametrum axis G, & deniq; peripheriæ circuli à manubrio AB descripti ad distantiam spirarum cochleæ inter se.

ANNOTATIO I.

*Cochlea infinita potest
augere vires cochleæ
prementis, aut elevantis.*

Cochlea infinita potest etiam augere vires cochleæ prementis, aut elevantis, quæ descriptæ sunt libro præcedente Syntag: 6. cap: 1. si nimirum loco velletis, quo cochlea prementis, aut elevantis, converti solet, apponatur tympani dentatum, quod à cochleâ infinita moveatur: sunt enim ratio motus potentie ad motum ponderis componitur ex rationibus peripheriæ tympani ad distantiam spirarum suæ cochleæ, & peripheriæ circuli à manubrio cochleæ infinitæ descripti ad distantiam spirarum ejusdem cochleæ infinitæ.

Ipse præterea cochleæ infinitæ res multiplicari possunt, ut fore in immensum crescant momenta potentie, si nimirum constituantur plures cylindri cum tympanis prout in Glossocomo à nobis supra cap: 1. Machina 3. descripto fieri solet, & circa cylindros tympanorum describantur cochleæ infinitæ, præterquam circa cylindrum ultimi tympani, cui sanis circumduci debet. Tunc enim momentum potentie componitur ex omnibus rationibus peripheriæ tympani ad distantiam spirarum suæ cochleæ, & præterea ex ratione semidia-

metri ultimi tympani ad semi diametrum sui cylindri sibi infixi, cui funis circumducitur, ut dixi.

ANNOTATIO II.

Potesť præterea ope cochleæ infixe aliquis sursum ascendere, si intra corbem aut capsam disponas transversum cylindrum, cui funis in loco superiore alicubi alligatus circumducitur, & cochleâ infinitâ circumagatur cylindrus: tunc enim quia cylindrus funem dependentem colligit, & id cui superne alligatus est, cedere si ve descendere nequit, necossario capsâ cum homine sibi infidente ascendere debet. Hac ratione vidi in aliquibus locis ascendere, & in quarvis altitudine ad libitum subsistere, qui pulveres ex altissimorum templorum interioribus parietibus, & statuis alio loco collocatis excutiebant. Habet enim hoc commodi infinita cochleæ in dicto instrumento, ut motus sisti ad libitum queat sine recidendi periculo. Eadem ratione ait Harstofferus to. 1. suarum Deliciarum Mathem. par. 10. quæst. 10 metallorum fossores corbibus suis unctis infidentes ascendere è puteis suis possunt. Modum vide apud ipsum.

Cochleæ infinita potest aliquis ascendere sursum.

ANNOTATIO III.

Modum construendi cochleam, cujus helices obliquis dentibus tympani seu rotæ dentate congruunt, habes apud Pappum Alexandrinum lib. 8. Collection. Mathematicæ. Proposit. 24.

ANNOTATIO IV.

Alia Instrumenta quibus aliquis seipsum trahere sursum potest, leges apud Cardanum lib. 17. de Subtilit. inter quæ facillimum & simplicissimum est trochlea simplex, seu Monospastus primi generis. Modus est qui sequitur.

MACHINA IV.

Trochlea simplex, quâ quisq; seipsum sursum attrahere potest.

Sit trochlea seu Monospastus primi generis AB, cum unico Orbiculo CD, & uncino E, quo trochlea supernè alicubi suspendatur. Orbiculo circumvolvatur funis sufficientis longitudinis FCDG, habens annexum transversum baculum IK, & pondus H aliquantò levius corpore tuo volentis ascendere. Constitutus igitur in F, trahe ad te funem FC & cum descendat baculus IK, & ascendat pondus H. Deinde infidens baculo,

Trochleâ quâ quis seipsum attrahere potest sursum. Vide I. n. f. XIV. l. 8. V. l.

manibus apprehende funem HG, & trahe deorsum; descendet pondus H, & tu cum baculo ascendes facillimè, quàm diu deorsum trahes funem HGD. Cùm descendere volueris, id sponte facies, cùm corpus tuum gravius sit quàm pondus H. Nè tamen raptim & præcipitanter descendas, manibus tene funem DHG, eumq; paulatim laxa

MACHINA V.

*Machinamentum Dantiscanum, quo mons extra Urbem
situs, translatus fuit in urbem,*

*Machina
Dantiscana,
ad montem
facile trās-
lerendum.*

DAntiscum nobile est ad mare Balticum, & Vistulæ ostium emporium, longèq; nobilius fidelitate erga Regem suum in hoc ultimo Polono-suecico bello redditum. Eius Urbis Magistratus cùm ante annos aliquot montē urbi vicinum amovere vellet, quòd munitioni loci officeret; Hollandus quidam; patriâ Harlemensis, Adam Wibe nomine, insignis Architectus, facili industriâ, & exiguis sumptibus, montem ad Urbem ipsam pro aggeribus extruendis transtulit. Rem totam brevissimè describit *Harstorfferus* in Delicijs suis *Mathemat: to: I. par: 10. q: 32. & to: 2. par: 7. q: 5.* eandemq; nuper à doctissimo quodam Lithuano oculato teste accepi. Primò igitur in monte trabem horizontaliter erexit, ab equo versatilem intra fulcrum suum, habentemq; in capite rotam horizonti parallelā. Aliam huic similem trabem cum rota erexit in urbis propugnaculo, quòd terra ex monte transferenda erat. Vtriq; rotæ in circuitu excavatæ, uti in trochlearum rotulis fieri solet, circumposuit funem longissimum ac validissimum. Ex fune suspendit centenas aliquot urnulas seu sportulas vimineas, non plus uno pede inter sese distantes, nec majori spatio intra funem ex funiculis suis pedalibus pendentes. Et nè pondus urnularum deprimeret nimium funem duabus rotis circumductum, alias frequentes trabes cum rotulis horizonti parallelis, & in circuitu excavatis disposuit inter primā & secundam primò nominatā rotam, quæ cavitatibus suis funem extantum exciperent. Trabem cum rota monti implantatam circumducebat equus

unus,

unus, & trabē propugnaculo implantatam cum rota sua alius equus, quo fiebat ut & funis cum sportulis suis ageretur in gyrum, & sportulæ quæ in monte erant, promoverentur in urbem, & quæ in urbe, in montem, perpetuâ vicissitudine ac successione. In monte dispositi erant viri tres, qui sportulas vacuas abeuntes implebant; in propugnaculo alij tres, qui sportulas venientes evertabant & evacuabant. Interim funis, qui sportulas habebat appensas intra rotarum ac rotularum cavitates sustentatus ibat in orbem, una videlicet medietas à monte in urbem, altera medietas ab urbe in montem; sicq; fiebat ut brevi tempore, & exiguis laboribus atq; impensis mons complanaretur, & impleretur propugnaculum, aggeresq; exstruerentur. Schema vide apud Harstorfferum, quod nos, ut sumptibus parcamus, omittimus; puto enim quemlibet faciliè ex descriptione nostra totum artificium intelligere.

CAPVT QVARTVM.

*De Machinis Veterum, quibus immania pondera terrâ
& aquâ vehabant, aut trahabant.*

ÆGyptios antiquos, florente adhuc eorum regno, à diluvio nimirum ad Cambyſis usq; tempora, quo declinare cæpit, ac deinde Græcos, & Romanos denique, omnes Mundi nationes ac populos, qui tunc, & subsequentibus temporibus flourerunt, excelluisse uti ingenio, scientiâ, divitijs, ita & ædificiorum aliarumq; fabricarum splendore ac magnificentiâ, testatur tam frequentes apud eos & tam insolentes pyramidum moles, tot fana ac delubra magnificentissima, tam vasti labyrinthi, tam superba Regum sepulchra, tam alti & immanes colossi, tam immensæ altitudinis ex uno & durissimo lapide erecti Obelisci, tam splendida & maxima simul theatra, thermæ, aquæ ductus, aliaq; similia, de quibus in Magia Architectonica fusiùs agemus. Hæc autem sine machinis summâ arte & ingenio constructis perfici non potuisse, nemo est qui non videt. Operæ ergo pretiû esset, & Magiæ Thaumaturgæ maximè consentaneum, accuratè Veterum Mechanicam & Machinas

*Machina
veterum ad
magna pō-
dera trahē-
do, & ele-
vanda.*

hoc loco tractare. At quia id sine magno temporis & pecuniarum dispendio in figuris incidendis fieri non potest, contenti erimus pauca quaedam ex varijs Auctoribus delibare. Ad duo porrò genera omnes Machinas veterum reducam; primò ad eas quibus immania pondera de loco ad locū trahebantur, aut vehebantur; secundò ad eas quibus eadē in altum elevabantur.

MACHINA I.

Scytala Aristotelis, quâ veteres terrâ ingentes saxorum moles vehebant.

*Scytala
Aristotelis.*

Aristoteles in Quæstionibus Mechanicis quæst. II. aut 12. mentionem facit Scytalæ, quâ Antiqui utebantur ad ingentia onera devehenda: quærit enim, cur onera facilius gestentur scytalis, quàm curribus, cùm tamen currus magnas habeant rotas, scytalæ autem parvas. Videndum igitur, quid scytalæ apud Veteres, deinde quis earum usus.

*Scytala si-
gnificata
varia.*

Σχοράλη, scytala, inter alia, significat primò baculum oblongū ac teretem, cujus usus erat in Axe in peritrochio, Succula, & Ergata, ut supra vidimus lib: 2. Syntag. 3. Et in hac significatione non agimus hic de Styralis. *Secundò* significat quoddam genus Epistolæ, quam scytalam Laconiam dicebant, eo quòd Lacones seu Lacædemonij eâ utebantur ad communicanda secreta Imperatoribus suis ad bellum profectis, in hunc modum. Duos aut plures faciebant bacillos teretes æqualis crassitiei, unumq; tradebant Imperatori abeunti, reliquos apud se retinebant. Significaturi deinde secretum absenti, chartam instar Zonæ strictam & longam circa unum bacillorū, hoc est, circa scytalam spiratim convolvebant, & in ea scribebant, ita ut versus scripturæ circa scytalæ (sarcolum alij vocant) longitudinem ducerentur; Ex quo fiebat, ut per juncturas chartæ seu membranæ procederent litteræ ac verba. Membranam hanc ex scytala revolutam & aliter complicatam, mittebant Imperatori; resolutio autem membranæ litteras ac verba trunca ac mutila reddebat, cùm partim continerentur citra juncturas, partim ultra, eaq; partes quæ simul fuerant scriptæ, & cōtinuatæ, post

*Scytala La-
conica.*

resolutionem erant ab invicem valde diffi. & Imperator autē secreti concius, eandē membranā scytalæ suæ, priori omnino simili & æquali, eodem modo quo prius fuerat, circumponebat, sicque juncturæ priores redibant, quæ litteras ac verba murila & imperfecta in integrum restituebant, ut facilè legi possent. Ita *Blancanus* in *Quæst. 9. Mechanica Aristotelis. Vide Gellium lib: 17. cap: 9.* Neque in hac significatione de scytala hīc agimus. *Tertio*, scytala significat lignum crassum, oblongum, ac teres, sive ut *Geometræ* vocant, cylindrum seu columnam rotundā. His, ut dicemus, utebantur veteres ad ingentia onera de loco in locum vehenda. Sed tunc in earum extremitatibus relinquebant margines duos aliquantulum prominentes, ceu binas rotas, cum ipsis tamen scytalis seu cylindris continuos & immobiliter connexos, ut cum ipsis convolutis simul convolverentur, non tanquā rotæ circa axem. Hujus scytalæ hanc accipe Figuram, Colligitur hoc ex *Aristotele*, quæst: 11, aut 12, *Mechanica*, ubi, ut paulò antè dixi, quærit, cur onera facilius gestentur scytalis, quàm curribus, cum tamen currus magnas habeant rotas, scytalæ autē pusillas: respondetq; id accidere, quia in curribus onus impositum premit axem, & axis rotas, & sic rotarum volutatio difficilis redditur; at in scytalis id nō contingit. Ex quo sequitur, scytalarum rotas non fuisse volutas circa ipsas scytalas velut circa axem. Moderni nostri *Architecti* & *lapidæ*, qui scytalis utuntur, nullas relinquunt rotas in extremitatibus, sed secundum totam longitudinem æqualiter rotundas reddunt.

Vide Iconif. XIV. Fig. VI.

Quæritur nunc, quomodo Veteres fuerint usi scytalis ad onera portanda. *Bancanus* citatū *Aristotelis* locum explicans, existimat eos binas scytalas invicem æquidistantes, & aliquantulum semotas, invicem sic disposuisse, ut efficerent Instrumentum vectorium currus instar; additque. & fortè veteres utebantur hū scytalis eo modo, quo nunc *Architectores* utuntur duobus illis lignis longū ac rotundis, quæ vulgò dicuntur *Ruccioli*. Traham intelligit *Blancanus*, quod, ut *Kircherus* testatur to. 2. *Oedipi Classe* 8, cap. 2. §. 2. etat vehiculi genus, consistens duabus ingentibus trabibus parallelis,

Scytalarum usus in vehendis oneribus ex Kirchero.

Trabæ vehiculi generis.

quæ

quæ radijs transversis firmiter connectebantur, & infernè laminis ferreis perpolitis inductæ erant, cornibus aliquantulum incurvatis & repandis. His superimponebant ingentia saxa, & sic ingenti hominum aut jumentorū multitudine rudentibus applicatâ, ad destinatum locum deducebant. Huic interpretationi non assentior, quia non congruit menti & verbis Aristotelis, qui supponit scyталas habuisse rotas pusillas, ut ex textu patet. Dubium tamen non est, antiquos trahâ hujusmodi fuisse usos, in devehendis oneribus, uti ex Philone Byzantino docet Kircherus loco cit:

Ex Monantholio.

Monantholius eundem Aristotelis locum explicans, ait, scyталâ esse lignum ferrumvè cylindricum oblongum, in extremis rotulas habens, intra annulos currui affixos versatiles, ut est figura *AB* (quam ibi apponit) quæ scyтala mota jugo rotis annexo, contra quam in curribus, in quibus non rotis, sed currui adnectitur, omnibus suis partibus movetur duobus motibus simul, circum circa, & antrosum; quod causa est ut levius vertatur, quam rota in curru, ut cujus axis procedendo tantum antrosum moveatur, non autem circum circa vertatur: unde fit ut axis etiam premat magis, & veluti rotam affigat plano, sicq; remoretur; contra in scyтala rotæ, dummodò majores sint: quam ut terrâ obruatur, à subjecta plantie infernè ipsam circumferentiam asserente impelluntur; superne etiam ab onere cylindrum premente. Ob has itaq; causas scyтala commodior erit & expeditior ad onera convehenda, licet minores quam currus habeat rotas. Addit ibidem Monantholius, scyталam posse esse illud curriculi genus, quod a li vocant *Traineau*, Itali *Strascino*, Latini *traham*. Ex qua inconstantia colligo, eum nescivisse quid Scyтala Aristotelica fuerit.

Alij dicunt, Kirchero teste in citato Oedipi loco, veteres scyталis tabulas ligneas politas & leves instravisse, & onere impoŭto vectibus ad stationem desideratam eas versasse. Addit, hoc non intelligendum de magni spatij itinere, quia fuisset valde incommoda, perpetua illa scyталarum agitatio, tabularumque ijs superinjectarum ferè in singulos quindecim passus mutatio. In parvo tamen spatio oneri devolvendo non exiguum usum præstare potuisse.

Aristotelis
sententia
de scyталis.

Ego ut meam sententiam exponam, ipsum Aristotelis locum adduco ex Nicolai Leonicensi interpretatione, quâ cum ferè prorsus convenit interpretatio Monantholij. *Cur super scyталas facilius portantur onera, quam supra currus, cum tamen ipsæ magnas habeant rotas, il-*
la

le verò pusillæ? An quoniam in scythalis nulla est offensatio, in curribus autem axis est, ad quem offendant? Desuper enim illum premunt, & à lateribus. Quod autem est in scythalis, ad isthæc duo movetur, & infernè substrato spatio & onere superimposito. In utrisq; enim ijs revolvitur locus circulus, & motus impellitur. Ita Leonicen. Monacholius sic habet. Cur onera facilius gestantur scythalis, quàm curribus etiam magnas rotas habentibus, cum ipse parvas habeat? An quia onera in scythalis ad nihil offendant, in curribus verò habent axem, ad quem offendant? Supernè enim premunt ipsum, & in obliquum. In scythalis verò ad hæc duo moventur, & infernè scilicet substrato spatio, & onere superimposito. In utrisq; enim his locis revolvitur circulus, & concitatus impellitur.

Ex his hæc statuo. I. Scythalas fuisse ligneos cylindros, seu columnas rotundas, habentes in extremitatibus adnexas & immobiliter coagmentatas rotulas, velut extantes ac prominentes quosdã margines, uti suprà ex Blancano. Ratio est, quia Aristoteles meminit rotarum in scythalis, & ait eas non premi à scythalis, sicuti rotæ curruum premuntur ab axibus, & præterea insinuat scythalas unà cum ipsis rotis moveri antrorsum, & in circulum simul II. Puto super plures hujusmodi scythalas inter se æquales, fuisse stratas tabulas inter se connexas, quæ scythalas tantum, & non scythalarum rotas premebant; tabulato deinde fuisse superimpositum onus, ac tandem complanatâ viâ scythalas ac rotas fuisse vectibus seu sudibus propulsas, eo profusum modo, quo nunc à nostris Architectis propelluntur subinde scythalæ non rotatæ cum tabulato & onere superimposito. Moveor, quia hæc ratione scythalæ unà cum rotis moventur in gyrum & antrorsum; & nullus mihi commodior modus occurrit. Nec verò tam lentè promovetur hæc ratione onus, ut aliquis putare possit, & mutatio illa scythalarum præponderat alijs incommodis in alijs modis promovendi pondera. Si quis melius quid suggererit, cum grati animi testificatione acceptabo. Cerrè in hodiernum adhuc diem Architecti nostri scythalis sine rotis promovent hæc ratione pondera ingentia, per longa viarum spatia; & vidi ego Panormi ingentes columnas marmoreas eodem artificio adductas.

Auctoris
sententiæ
de scythalis

MACHINA II.

Ingeniosa Ctesiphontis & Methagenis ratio ad gravia onera ducenda.

Machina
Ctesiphon-
tis ad gra-
via onera
ducenda.

DEscribit eam Vitruvius lib: 10. cap. 6. his verbis. Non est alienum etiã Ctesiphontis ingeniosam inventionẽ exponere. Is enim scapos columnarum ex lapicidinis cum deportare vellet Ephesum ad Dianæ sanum, propter magnitudinem onerum, & viarum campestrum mollitudinem, non confusus cariis, nè rotæ devoraretur, sic est conatus. De materia trientali scapos quatuor, duos transversarios interpositos duobus longis, quanta longitudo scapi fuerat, complecti & compogit, & ferreos chodaces, uti subscudes, in capitibus scaporum implumbavit, & armillas in materia ad chodaces circumdãdos infixit, item baculis ligneis capita religavit. Chodaces autem in armillis inclusi, liberam habuerunt versationem tantam, ut cum boves ducerent subjuncti, scapi versando in chodacibus & armillis sine fine volverentur. Cum autem scapos omnes ita vexissent, & instarent epistylorum vectura; filius Ctesiphontis Methagenes transulit eam rationem & scaporum vectura etiã in epistylorum deductione. Fecit enim rotas circiter pedum duodenium, & epistylorum capita in medias rotas, eãdem ratione, cum chodacibus & armillis inclusit. Ita cum trientes à bubus ducerentur, in armillis inclusi chodaces versabant rotas. Epistylia verò inclusa uti axes in rotis, eãdem ratione qua scapi, sine mora ad opus pervenerunt Exemplar autem erit ejus, quemadmodum in palæstris cylindri exæquant ambulationes. Neq; hoc potuisset fieri, nisi primum propinquitas esset: non enim plus sunt ab lapicidinis ad sanum, quam millia passuum octo, nec ullus est cirvus, sed perpetuus campus.

Vitruvij lo-
cus explica-
tur.

Hæc Vitruvius. Quæ Philander, Barbarus, & alij valde jejunè explicant, dicentes clara esse. Per scapos quatuor de materia trientali, intelligunt scapos crassitudinis quatuor pollicum: Per ferreos chodaces, ferreas rotundas parte exteriori subscudiculas, in extremis scaporum, vel axiũ capitibus implumbatas, adactasvè, per quas in armillis (quo nomine accipiunt ferreos annulos, & veluti umbilicos in arrectarijs, aut transversarijs) scapi, aut axes, etiã torni versantur. Aliud nihil addunt Interpretes. Vitruvius ait, exemplar hujus rei esse cylindros, quibus in palæstris exæquantur ambulationes. Scimus autem, cylindrorum capitibus seu capitum centris infigi chodaces ferreos, & chodacibus infigi armillas seu annulos ferreos, & annulis adnecti fu-

nes & jugum, & in tractione ab hominibus aut jumentis factâ circumrotari perpetuò cylindrū, & pondere suo premere atq; cœquare substratam terram, aut arenam. Eodem ergo modo scapi columnarum à bobus tracti in casu proposito volvebantur. Ineluserat nimirum Ctesiphon scapos singulos quatuor scapis ferreis trientalibus, duobus super columnæ longitudinē extensis, & duobus transversis super columnæ capita, qui duos priores utrimq; complecterentur atq; constringerent. Per hos transversarios scapos, & simul per columnarum centra, adegit ferreos chodaces, hisce chodacibus inseruit armillas ferreas seu annulos; in extremitatibus chodacum fecit subscudes, nè annuli exciderent; iisdē extremitatibus alligavit funes, funibus juga, jugis boves, qui dum traherent, columna unâ cum chodacibus intra annulos versabatur, & ad locum destinatum volvebatur. Hæc mea est sententia. Kircherus in Oedipo suo to: 2. Classe 8. c. 2. §. 2. citans Vitruvium, ait Ctesiphontem singulis columnis jam factis axes æneos (quos chodaces cum Vitruvio nos appellavimus) columnarum axibus correspondentes implumbasse, deinde ingentibus rotis axes dictos indidisse, & sic tandem onus rotarum ope ad arbitrium architecti devolutum fuisse. Quod est omnino contra mentem Vitruvij, qui exemplo cylindri terram complanantis volutatione suâ rē explicat. Adhibuit quidem Methagenes rotas, pro peristylijs devehendis, quoniam inæqualis crassitiei erat eorum ambitus; sed ipsa peristylia simul cum rotis & chodacibus intra annulos seu armillas in gyrum versabantur, nō secus ac antea columnæ, nisi quòd terram non attingerent & premerent, sicut columnæ eam premebant.

ANNOTATIO.

Vitruvius citato cap. 6. Libri 10. mentionē facit alterius modi magna pondera transvehendi, quem Paconius excogitaverat; sed irruo effectu. Nostrâ, inquit, memoriâ, cum eoloffici Apollinis in sano basis esset à vetustate diffracta, & metuentes nè caderet ea statua, & frangeretur; locaverunt ex iisdem lapicidinibus basim excidendam. Conduxit quidem Paconius. Hæc autem basis erat longa pedes duodecim, lata pedes octo, alta pedes sex. Quâ Paconius, gloriâ fretus, non uti Methagenes apportavit, sed eadem ratione

Machina
Paconii ir-
rita.

alio genere constituit Machinam facere. Rotas enim circiter pedum quindecim fecit, & his rotis capita lapidis includit; dein de circa lapidem fusos sextantes ab rota ad rotam, ad circium compegit, ita uti fusus à fusis non distaret pedem unum. Deinde circa fusos funem involvit, & bubus junctis funem ducebat; ita cum explicaretur, volvebat rotas. Sed non poterat ad lineam viam rectam ducere, sed exibat in unam vel alteram partem. Ita necesse erat rursus retroducere. Sic Paconius ducendo & reducendo pecuniam contrivit, ut ad solvendum non esset. *Per fusos sextantes intelligit, Philandro & Barbaro interpretibus, crassas duos pollices & regulas, à rota ad rotam per unumquemque ambitum, ut æquo inter se spatio distarent, ductas, & affixas, quas ideo fusos appellat Vitruvius, quod ut è fusis muliebri cum trahitur involutum filium, effundi videtur, & vertitur fusus; ita involutus circum has regulas funis cum traheretur, explicabatur, exolvebatur, & effundebatur, atque eo pacto versabatur machina, sed non semper eadem lineam rectam, quoniam non semper è medio fusorum, sed nunc ad dexteram, mox ad sinistram eorum funis explicabatur, non secus ac filium è fusis muliebri.*

MACHINA III.

Chemmin Aegyptij ratio ingentes saxorum moles terram vehendi.

*Machina
Chemmin
Aegyptij ad
onera deve-
henda.*

Chemmin Aegyptius, antiquissimus ultra tempora Pythagoræ in Aegypto Architectus, & admirabilium operum fabricator, ex quo sua pleraque acceperunt Hero Alexandrinus, Philo Byzantinus, & Pappus Alexandrinus, Kircherus teste in Oedipoto. 2. Classe 8. cap. 2. §. 1. in trahendis vehendisq; longo spatio saxis immanibus parasse dicitur duas scybalas seu cylindros ponderi vehendo proportionatos, strato super eos facto ex solidissimis arboribus, ita tamen ut cylindros non attingerent, & hisce saxa firmiter compacta imposuisse, & tantum cylindrorum axibus funibus adjunctis, magnam hominum multitudinem ad statuum locum per coacervatorum aggerum veluti montes quosdam pertraxisse: & ne in via quidpiam impedimenti occurreret, omnes lacunas & inaequalitates semitarum, per quas saxa devehenda erant prius lapidibus, arenâ, terrestribusq; molibus oppletas fuisse. Hoc eodem artificio Ctesiphontem, & Methagenem filium ejus, in columnis Ephesino templo destinatis ad vehendis usum esse, Vitruvius tradit. Hæc Kircherus. Ctesiphontis & Methagenis artificium jam antea ex Vitruvio vidimus; quod certè longè diversum est ab hoc quod Kircherus Chemmino attribuit;

buit, in quo non video, quomodo super duas scytalas stratum ex arboribus fecerit, quod tamen scytalas non attigerit. Nisi fortassis velit, scytalarū rotas non attigisse, sed solum reliquū scytalarum inter rotas utraq; interjectū. Credibilis est, plures scytalas fuisse strato facto ex arboribus & tabulis firmissimis successivè subjectas, eo modo quē in Machina I. explicavimus.

MACHINA IV.

Pappi Alexandrini Chelone.

Pappus Alexandrinus lib. 8. Collect. Mathemat. in fine, agens de ijs quæ in solo per machinas ducuntur, commendat machinam quam chelonem vocat, cujus formam & usum sic describit ex tertio Heronis libro. *Quæ igitur in solo ducuntur, ut inquit Hero, in chelonis ducuntur. Chelone autem machina est ex quatuor lignis compacta, quorum extrema sunt resima. His onera imponunt, & ad earum extrema sive polyspasta, sive funium capita religantur; hæc autem vel manu trahuntur, vel in ergatas referuntur; quibus circumactis, chelone in solo trahitur suppositis scythalis, vel sanidibus. Si enim parvum sit onus, scythalis: si magnum sanidibus uti oportet, propterea quod hæc non facile trahuntur, scythalæ enim conversæ periculum subeunt, cum onus impetum susceperit. Aliqui verò neq; scythalis, neq; sanidibus utuntur sed rotas solidis chelonis adhibentes agunt.* Machinæ schema reperies apud Pappum loco citato, & paulò distinctius apud Kircherum lo. cit. in præcedenti Machina, s. IV. tit. Polyspastus Ægyptiacus, in qua H H D est machina imposita scythalis R E, axibus suis R R intra polos, aut si placet, intra rotas adjunctas versatilibus. K est polyspastus, seu quaternæ trochleæ, quarum binæ utrimq; duobus manganis seu loculamentis I & K insertæ sunt. Horum unum K alligatum est firmissimæ trabi V in terram defixæ, alterum I alligatū est funibus H L H machinæ, cui impositum est onus. Trochleis circumductus est funis, cujus extremitas S alligata est cylindro ergatæ N O P Q, cujus vectes N Q si vel ab hominibus, vel à jumentis circumducuntur, convolvitur funis circa cylindrū ergatæ, loculamentum I appropinquat loculamento K, & machina unà cum onere imposito attrahitur versus V. Quantæ

Chelone, & eius usus.

Chelonis forma.

Eiusdem vires.

gata, & Trochlea. Vidi Romæ simili artificio trahi per subjectâ ad D. Petri in Vaticano aream ab unico equo ergatæ applicato ingentem columnam lapideam. Hoc solum incommodum habet hæc Machina, quòd si per longum spatium trahendum est onus, subinde mutare oportet stationem trabis V& ergatæ. Hujus machinæ ope putat Kircherus templum illud prodigiosum, cujus Herodotus, & ex ipso Kircherus mentionem facit lo: cit: cap: I. s. 2. ad destinatum locum fuisse tractum. Erat id ex integro & solido saxo, fuitq; trium annorū spatio, ope duorum millium hominum, ex urbe Elephantina Saim usque, viginti dierum itinere distante advectū. Fusiùs de illo agemus in Magia Architecto. Figuram non appono, ut sumptibus parcam.

MACHINA V.

Satyri Architecti industria in Obeliscis terrâ devehendis.

Obeliscus
Nectabani
Alexandria

Ptolemæus Philadelphus, *Plinio* teste lib: 36. cap: 9. statuit Alexandria Obeliscum ex uno & solidissimo lapide 80. cubitorum altitudinis, Regis Nectabis, aut ut Kircherus eum appellat, Nectanabi jussu ex rupe Thebaica olim excisum; magisque laboratū fuit in eo devehendo, statuendoque; inquit Plinius, quàm in exscindendo. Satyrus Architectus, ut aliqui apud Pliniū volunt, aut Phoenix quidam Callixeno teste apud eundē, eum devexit hac ratione. Fossam profundissimam, sub ipso Obelisco in terram prostrato initium ducentē, ad ipsum usq; Nilum effecerunt, quæ deinde aquis repleta, non tam fossam, quàm flumen ingens referebat. In hac fossa duas naves in latitudinem patulas, atq; amplissimas ordinarunt, easq; lapidibus ex eadem rupe excisis in tantum onerarunt, ut pondus lapidum Obelisci pondete duplo majus esset. Connexas deinde firmiter naves, inter se parallelas, & quantum satis erat distantes, sub ipsum Obeliscum extremitatibus suis in ripis utrimq; pendentem remis subegerunt, subeuntesq; paulatim lapidum exoneratione alleviarunt, donec tandem intra aquam assurgentes Obeliscum exciperent, & exceptum per fossam in Nilum, ex Nilo Alexandriam deducerent. Schema totius Machinæ vi-

Quomodo
illuc trans-
latus.

de apud Kircherum in Obelisco Pamphilio fol. 90. Ratio patebit ex dicendis infra in Magia Hydrostatica. Simili industriâ haud dubiè à majoribus per traditionem acceptâ, reliquos ex posteris in alijs Obeliscis, magnisq; molibus devehendis, usos fuisse, non incongruè conijcit Kircherus. Alexandria autè, & alijs ex locis Ægypti, ijdem Obelisci post modum, Romanorum Imperatorum jussu Romam advecti sunt navibus ingentibus, in eum usum fabricatis, uti ex Plinio, Ammiano Marcellino, & alijs constat.

ANNOTATIO.

IN omnibus modis hæcenus enumeratis interveniebat etiam usus vectis, de quo libro superiore *Syntagm.* 2. Stat ventres enim, inquit Pappus, de Vecte agens in extremo libro 8. *Collection. Math. mat.* quidam magna pondera movere, quoniam primùm à terra attollere oportet, anas autem non habebant, quòd omnes partes batis ipsius ponderis solo incumbere; paulùm suffodientes, & ligni longi extremitatem subijcientes sub onus, adducebant ex altera extremitate, supponentes ligno prope ipsum pondus lapidem, qui hypomochlium appellatur. Cùmq; illis visus esset hic motus valde facilis, exitimaverunt fieri posse, ut hoc pacto magna pondera moverentur.

Vectis usus in magnis ponderibus movendis.

CAPUT QUINTUM.

De Machinis Veterum quibus Pondera ingentia in altum attollebant.

DE ijs fusè tractat *Vitruvius* lib. 10. cap. 2. 4. & 5. quorum aliæ in ponderibus non adeo magnis, aliæ in majoribus & colossicoteris, ut *Vitruvius* loquitur, ponderibus in altum attrahendis adhibebantur. Ex his unam solam exponam, addamq; alteram, ex *Kirchero*; reliquæ apud *Vitruvium* legi possunt.

Machina Veterum quibus pondera in altum attollebant.

MACHINA I.

Trochlea cum tignis & succula, seu ergata.

Prima Machinæ *Vitruvianæ* est Trochlea, tignis alligata, & succula aut ergata adjuncta. Fam sic describit *Vitruvius*. Tigna tria ad onerum magnitudinem ratione seu proportione expediuntur, & à capite fibulâ conjuncta (aut etiam fune, ut inferius divaricari possint,) & in uno di-
varicata eriguntur; funibus in capitibus collocatis, & ijs item

Trochlea cum tignis & succula, apud Vitruvium.

circa dispositis, erecta retinentur. Alligatur in summo Trochlea, quam etiam nonnulli rehamum dicunt. In trochleam induuntur orbiculi duo, per axiculos versationes habentes; per cujus orbiculum summum Trajicitur ductarius funis, deinde demittitur, & traducitur circa orbiculi imum, Trochleae inferioris, refertur autem ad orbiculum imum trochleae superioris, & ita descendit ad inferiorem, & in foramine ejus caput funis alligatur. Altera pars funis refertur inter in. as machinee partes. In quadris autem signorum posterioribus, quo loci sunt divaricata, figuntur chelonia, in quae conjiciuntur succularum capita, ut faciliter axeo versentur. Ea succulae proximè capita habent foramina bina, ita temperata, ut vectes in ea convenire possint. Ad rehamum autem imum ferres forcipes religantur, quorum dentes in saxa forata accommodantur. Cum autem funis habet caput ad succulam religatum, & vectes ducentes eam versant; funis se involvendo circa succulam extenditur, & ita sublevat onera ad altitudinem & operum collocationes. Quae de tignis superius fabulâ (aut fune) colligatis, & inferius divaricatis, & per funes capitibus alligatos atq; extentos firmatis, habet Vitruvius, clara sunt, & passim in usu à nostratibus etiam Architectis. Trochlearum constructio & usus, patet ex dictis libro superiori Syntagm: 4. de Trochlea. Succulae forma & usus, patet ex dictis eodem libro Syntagm: 3. de Axe in peritrochio. Chelonia, in quae conjiciuntur Succularum capita, sunt falera erecta, in quorum foramina induuntur succularum extremi axes, ut intra ea velut intra annulos aut armillas rectantur. Reliqua, si quae obscura sunt, intelligentur ex dicendis postea ex Kircherò, & ex schemate ibidem apponendo. Forcipibus ferreis ad saxa utrimq; non nihil excavata apprehendenda, utuntur passim etiamnum nostri, maximè in Italia, ubi saepe vidi ingentes lapides hujusmodi forcipibus apprehesos attolli in altum ope trochlearum & ergatae, aut succulae, ab uno aut altero homine. Si leviora pondera sunt sublevanda, non est opus succulâ, aut ergatâ, sed alterum funis extremum manibus apprehensum trahitur vel deorsum, vel sursum; prout dispositi sunt orbiculi trochlearum, juxta dicta loco cit: de Trochlea. Illa cujus mentio fit in hac Machina à Vitrovio, est Trochlearum spastus primi generis.

*Chelonia
quid sint.*

MACHINA II.

Polyspastus Ægyptiacus ad onera in altum trabenda.

Hanc Machinam describit Kircherus loco sæpe citato Oedipi, apud quem eam vide.

CAPVT QVINTVM.

De Machinis quibus erectus fuit Obeliscus Vaticanus Romæ, jussu Sixti V. P. M.

Quam insano gloriæ studio, & quàm immensis impendijs, Obelisci
Ægyptiorum Ægyptiorum Reges antiqui altissimos olim, & ex uno coactiq; durissimo exciso lapide Obeliscos crexerint in Ægypto varijs in locis; quanta deinde divitiarum ostentatione ac jacturâ Romanorum Imperatores, Ægyptum spoliantes, corum maximam partem Romam transferri, & ibidem ad nominis sui gloriam perpetuandam erigi curarint; quàm barbaro furore Gothi in Romanæ Urbis devastatione eos in terram prostraverint, confregerint, & vastatæ Urbis ruinis sepeliverint; quàm deniq; ingenti animo & ausu Sixtus V. Pont. Max. eorum quatuor maximos, in æternum Urbis & nominis sui decus, erigi curaverit, fusè scribunt Auctores varij, Herodotus, Plinius, Ammianus, Galestinus, Bargæus, Mercatus, ac novissimè P. Athanasius Kircherus in Obelisco Pamphilio, & in Oedipo Ægyptiaco to. 3. ubi omnium quorquor Romæ, Constantino- poli, Memphis, & alibi supersunt, & quorum notitia ad ipsum pervenit, descriptionem, ac interpretationem novam, & hucusq; intentatam, juxta sensum physicum, tropologicum, mysticum, historicum, politicum, magicum, medicum, mathematicum, cabalisticum, hermeticum, sophicum, theosophicumque, ex omni Orientalium doctrina ac sapientia demonstratam offert. Quibus porrò Machinis olim in Ægypto ac Romæ deductæ tantæ moles & erectæ fuerint, vix præter conjecturam, exceptis pauculis illis quæ in præcedentibus insinuavimus, quidquam Obeliscus
Vaticanus. habemus. Qua verò arte, quibusq; instrumentis ac machinis Romæ quatuor illi præterito sæculo Sixti V. ætate, translati de

loco in locum, & reerecti fuerint, depingit ac describit accurate in erectione Vaticani Obelisci (qui solus ex omnibus integer permanserat post Gothicam vastationem) ejusdem erector Dominicus Fontana ex pago Miliagri Novocomensis, & Sixti V. Architectus, calamo ac scalpro, sermone Italico, & typis æri incisus, primò quidem compendiosius in duobus solis folijs majoribus invicem adglutinatis, fusiùs deinde in pluribus folijs. Ex hoc igitur Auctore, simulq; ex Athanasio Kirchero to. 3. Oedipi, Syntagm: II. cap. 2. breviter totam rei historiã & artificium ob oculos animosq; Lectoris ponere decrevi. Quod autem mirandum maximè videtur, in tanta molis vastatione, tractatione, dejectione, & erectione, aliæ machinæ non sunt adhibitæ, quàm trochlex & ergatæ. Ut vel hinc colligas, quanta earum sit virtus ac potentia.

Obelisci Historia.

A quo in
Ægypto e-
rectus, &
Romam
translatus.

Obeliscus Vaticanus, sic dictus à campo Vaticano, in quo est, fuit olim in Ægypto à Moncoreo Rege (alij Nuncoreum, alij aliter appellant) Sesostris seu Sesostridis Regis filio & successore regni, erectus; deinde Romam à Cajo Caligula Cesare advectus, & in C. ro Vaticano à se constructo, erectus, atq; Augusto & Tiberio Imperatoribus, cognatis & antecessoribus suis, dedicatus. Hic in Gothica vastatione cum à barbaris, sive ob molis vastitatē ac firmitatem, sive aliam ob causam, in terram ut alij omnes, quorū tunc Romæ erant, dejectus & in frustra diffractus non fuisset, mansit ad Sixti V. Pont. Max. ætatem usq; terrâ semisepultus, retro templum S. Petri in Vaticano. Complures ante Sixtum Pontifices desiderârunt quidem, ut erutus, & sedes suâ avulsus in alium illustriorem locum transferretur; sed qui rem tentaret, inventus est nullus, omnibus vel operis duritiâ, vel sumptuum magnitudine, vel architectorum peritorum penuriâ deterritus. Tandem Sixtus V. æternâ memoriâ dignissimus Pontifex, & ad ardua quæq; splendidæ, feliciter consummandæ natus, Anno præteriti seculi, M. D. LXXXVI. Pontificatus sui II. eum à sede sua avulsam, collocavit in area Vaticana, è regione portæ majoris & phrontisterij Basilicæ S. Petri, operâ Dominici Fontane Architecti, de quo paulò antiè. Est hic post Lateranensem Obeliscum, omnium qui visi sunt in hunc diem, sive Romæ, sive in Ægypto, maximus, ex uno integro lapide, quod marmoris est genus, varijs coloribus guttatim veluti aspersum, duritie propè indomabile, & porphyretico minime cedens, ob idq; à Græcis πορφύρεος, ab Italis granito rosso dicitur, à Latinis verò The-

A quo Roma
reerectus.

Eius mate-
ria.

baica petra, quod è saxifodina Thebis vicina sit erutum. Rarus omnino est, & nullis hieroglyphicis notis, ut alij pleriq; ornatus; ideo fortassis, quod Rex Moncoreus, qui eum exscindi atq; erigi curaverat, & post erectionem hieroglyphico apparatu cohonestare decreverat, morte præventus, aut alijs implicatus negotijs, id perficere non potuit. A primo suo erectore fuit Soli consecratus, à Cajo Caligula Imperatoribus Augusto & Tiberio dicatus, à Pontifice deniq; divino cultui, & sanctissimæ Crucis honori (cujus nunc signum ex ære inaurato in summo ejus fastigio rutilat) addictus.

Cui dedicatus.

Magnitudo & pondus Obelisci.

Tanta est hujus Obelisci moles, & altitudo, ut nunquam trium annorum spatio quavis ferè hebdomade sine admiratione eum aspicerè potuerim. Est solus Obeliscus, absq; sustentaculis basi subjectis, & absq; cruce alijsq; ornamentis summo ejus fastigio impositis, à base usq; ad pyramidis initium, altus palmos Romanos 107½, pyramidium verò est altum palmos 6, adeoq; totius Obelisci altitudo, à base usq; ad pyramidij summitatem, est palmorum 113½. Basis inferioris duo latera sunt lata palmos 12, reliqua duo palmos 13, (Kirchero teste, Fontana verò dat cuilibet lateri pal. 12. m. 5.) Superiora verò latera ad pyramidion sunt singula ferè palmorum 8, eodem Kirchero teste, Fontana verò sunt pal. 8. m. 5. Ex quo patet basin infimam non esse quadratâ, sed par allelogrammâ, ex symmetria Kircheri. Totam hanc molem sustentabant, cum adhuc retro Basilicam S. Petri semisepulcra stabat, præter fundamentum profundissimum & firmissimum, quatuor abaci sibi mutuò superpositi. Primus abacus fundamento immediate impositus, erat ex marmore candido, altus palmos 4½: sequebatur hunc ex pyrite Thebaico (ex quo & ipse Obeliscus, ut diximus) sustentaculum altum palmos 4½: hoc substituebatur alteri abaco 13 palmis alto, circumdato cimatio 4 palmorum altitudinis, ex eodem pyrite: hic deniq; excipiebat ultimum 11 palmorum abacum: post quem super quatuor astragalos ex ære inaurato 1½ palmorum, standè erectus erat Obeliscus 113½ palmorum. Erat itaq; tota altitudo Obelisci, à plano horizontali usq; ad verticem, quem pila inaurata ornabat, 151½ palmis altus.

Eius altitudo.

Eius abaci seu sustentacula antiqua.

Nunc idem Obeliscus, ejusdemq; ut antea altitudinis, sustinetur ex tria fundamentum tribus sustentaculis seu abacis, & in vertice pyramidij gestat tres montes, & supra montes stellam (quæ sunt Pontificis Sixti V. insignia) & supra stellam ex ære inaurato crucem. Primus abacus fundamento immediate impositus, ex marmore candido, est altus palmos 4½: secundus abacus palmos 13, cui coronis imposita est alta palmos 4: tertius abacus altus est palmos 11½: super hunc impositi sunt quatuor leones ærei, qui suffulciunt obeliscum, spatiumq; interjectum est palmorum 4½ altitudinis. Tota ergo hæc abacorum stru-

Eiusdem sustentacula nova.

Elura, à pavimento usq; ad basin Obelisci, est palmorum 37½; totus verò Obeliscus à pavimento usq; ad ultimum pyramidij punctum, altus est palmos 150½. Huic altitudini accedit altitudo Crucis cum montibus & stella, palmorum 26. unde tota altitudo à pavimento usq; ad ultimum punctum Crucis, est palmorum 176½. Kircherus habet 178½.

Soliditas
eius.

Soliditas solius Obelisci, à basi ejus usq; ad pyramidion inclusivè, est ex Fontane calculo, palmorum cubitorum 11118. Ponderis unius palmi cubici, est librarum 80; unde pondus totius Obelisci est librarum 956148.

Evulsio Obelisci è loco vetere.

Evulsio è
loco vetere.

HÆc tantæ altitudinis & ponderis moles ut è loco vetere ad locum novum, ante Basilicam S. Petri in Vaticano electum, transferretur, ibidemq; erigeretur, nullis sumptibus parcendum ratus Pommifex, animavit Architectum Fontanam, ac serio huic negotio incumbere jussit, asserens, si decies centena aureorum millia in sumptus non sufficerent, toride alia se daturum, aut quotquot opus forent, dummodo quod desiderabat, executioni mandaretur. Quibus verbis animatus Fontana serio cogitare cepit, quæ industriâ, quibusq; machinis, Obeliscum primum à sede sua avelleret, deinde in terram reclinarer, ad locum destinatum, mille pedibus ab antiquo distantem traheret, tandemq; ibidem reerigeret. Cum autem nullas machinas commodiores huic operi judicasset quàm trochleas & ergatas, de earum potentia & numero necessario statuere cepit, quod tamen non poterat, quin prius Obelisci, & eorum quæ Obelisco in avulsione, transvectione, erectioneq;, necessario adjuncta esse debebant, pondus cognitum haberet atq; per spectum. Quod pondus ut indagaret, simulq; avulsioni sese accingeret; sic processit.

Priò, Obeliscum detexit, terrâ circumegestâ, ut locum haberet ad machinas per circuitum disponendas cum operarijs & equis necessarijs.

Castellum
circa Obeliscum.

Secundò, castellum ligneum Obelisco altius, quod Obelisco & armando, & avellendo, & reerigendo serviret, circumædificavit hoc ingenio. Hinc & inde ex duobus oppositis Obelisci lateribus fundavit octo validissimas columnas ligneas quatuor scilicet ab utroq; latere, (Figurâ, ut sumptibus parçâ, omitto, eam vide apud Kircherum lo: cit.) inter sese æquidistantes, eâ tamè proportionè, ut mediæ duæ ex utroq; latere distantia suâ à se invicem adæquarent Obelisci latitudinem ea in parte, ubi latissimus est. Singulæ columnæ habebant latitudinem quatuor palmorum, altitudinem tantam, ut fundatæ super arerit altitudinem Obelisci sex palmis. Quoniâ verò tantæ latitudinis & altitudinis trabes non suppetebant, singulæ columnæ compactæ erant ex quatuor trabibus ferreis rectmaculis & funibus cannabinis strictissimè colligatæ,

gata, ut ad onus pendens postmodum ex ijs Obelisci sustinendum forent sufficientes. Quia tamen solis hinc columnis architectus non fidebat, quaternas utrinque firmis alij trabibus transversis colligavit; & insuper in summitate octo columnarum alias quatuor trabes ordinavit, quae binas ex utraque parte columnas correspondentes arctè commissurâ connectebant, quarum officium erat, Obeliscum pendentem sustinere. Et ut tota haec machina adhuc majus robur acquireret, & contra omnem casus aut inflexionis periculum firmaretur, columnae singulae utrinque alij trabibus veluti arietibus quibusdam ad motus fulciabantur, & haec iterum cum columnis connectebantur alij transversis trabibus. Tota haec machina erat validissimis clavibus ferreis, & plurimis retinaculis à capite ad calcem religata, funibusque undequaque constructa. Clavi verò retinaculis ita erant infixi, ut eximi iterum sine trabium sauciacione possent, & structura tota, ubi opus foret, dissolvi, iterumque componi. Erat in medio tota machina pervia, ut mira ipsam Obeliscus libere stare ac pendere posset. Atque haec est castelli structura.

Tertio, constructo castello circa Obeliscum, armare atque munire eum capit contra omnem lesionem, hac ratione. Duodecim longissimas ac robustissimas ferreas perticias eum circumdedit, quarum tres à singulis lateribus in longum Obelisci proindebantur. Hinc transversim alia ferrea cingula crassissima singulari industriâ circum circa uncis ferreis, & validis retinaculis, quae longioribus perticis annexa erant eo sine, ne cingula loco moveri possent, arctè inseruit. Ferreae autem perticae non uno continuo constabant ferro, sed ex multis frustis invicem commissis erant compactae. Et ne Obeliscus ferrea hac armaturâ cinctus quidquam detrimenti acciperet, dum tractaretur; infra ferream hanc vestem indusio è storeis contexto erat involutus. Armatura haec una cum trochleis, funibus, tabulis, aliisque Obelisco adjunctis, pertingebat fere ad 50000 librarum pondus; quae additae ponderi Obelisci 956148 librarum constitutebant pondus librarum 1006148. Statuit itaque Architectus, requiri ad minimum 40. ergatas cum suis trochleis, quarum singulae à duobus agerentur equis; quoniam experientiâ didicerat, singulas ergatas potentiam habere quasi 33000 librarum.

Armatura
eius.

Quarto, antequam Obelisci avulsionem aggrediretur, fundamentum & abacum preparavit pro nova ejusdem erectione ante S. Petri Ecclesiam. Fundamentum igitur solidissimum fecit quadratum, cujus unum latus triplum erat lateris obelisci, nempe palmorum 36. In medio hujus quadrati fundamenti, extra profundum, ad planitiem deducti, positus fuit abacus; supra hunc basis quadrata cum omnibus ad Obeliscum sustinendum necessarijs, ejus altitudinis, quam supra definivimus.

Fundamentum novum
Obelisci.

Quinto, stratum preparavit à primo Obelisci situ usque ad locum Obelisco

Agger cui Obeliscus fuit reclinat^{us}. Erigendo preparatum. Eratis agger ex aggesta terra, utrimq; trabibus tabulisq; ligneis firmiter, nè cedere posset, constructus, & ita dispositus, ut semper altiori & altiori ductu usq; ad basin, cui Obeliscus insidere debebat, extolleretur.

Lectus Obelisci, seu trabae ejusdē.

Evulsio Obelisci è loco vetere, quomodo peracta.

Sexto, lectum preparavit Obelisco jacenti, & de loco ad locum trabendo, accommodatum, qui erat ex quatuor ingentibus arboribus, alijsq; transversis trabibus in formam craticulae insertis, scythalisq; subtus dispositis concinnatus; cui Obeliscus impositus, ergatarum ope per prædictum aggerem ad constitutum locum devotveretur.

Septimo, Hisce omnibus preparatis, Obelisci avulsionem est aggressus in hunc modum. Ergatas 40. locis opportunis dispositas firmissime plantavit, nè loco dimoveri possent. Deinde trochleas 40. singulas duobus orbiculis instructas, in superioribus castelli trabibus suspendit: totidem ad cingula ferrea Obelisci, ex ea parte, quæ columnas respiciebat, unico orbiculo instructas appendit, totidemq; alias, unico itidem orbiculo instructas, in radice castelli disposuit. Hisce tribus trochlearum ordinibus ritè dispositis, suos singulis rudentes attribuit, in hunc modum. Rudentes ad capita trochlearum Obelisci alligabantur, indeq; ad trochlearum castelli orbiculos superiores ascendebant, iterumq; descendebant ad orbiculos trochlearum Obelisci, & iterum ad trochlearum castelli orbiculos inferiores ascendebant, tandemq; descendebant, ad trochleas radicis, indeque ad ergatas derivabantur. Habebant ergatae quatuor vestes longas, quibus ope partim hominum, partim equorum machinæ in gyrum ductæ, rudentes trochleis circumplicatos trahebant, & obeliscum alligatum paulatim in altum elevabant. Nè verò in opere tanti momenti ergatae inæquali motu agitantur, ad sonum tubæ omnes ad machinam agitandam commonebantur; & ad campanæ castello affixæ pulsus, agitationem inceptam unà omnes sistebant. Quod si una ex ergatis, fune lentescenze, non laborare deprehendebatur, omnibus reliquis quiescentibus hæc sola, donec alijs æquitensum rudentem nancisceretur, agitabatur. Omnia ad nutum Praefectorum, quorum singuli singulis ergatis præerant, fiebant, qui ad sonum tubæ aut campanæ motu molitionem per homines & equos urgebant. Primo impetu ferrea quedam lamina, quæ machinam Obeliscum ambientem religabat, disrupta est; sed hac unius horæ spatio restituta, decem demum impulsibus duos palmos ac dimidium in altum Obeliscus elevatur. Nè tamen tantâ mole pendente sinistrum quid accideret, cunei statim ac ligna valida, quibus inniteretur, supposita, & abaci, quibus antea insitebat, remoti.

Deposito, transvectio, & nova erectio Obelisci.

Hæc prima ad avellendum molitio acerrima cum feliciter successisset, magnum ad reliquas aggrediendas adjecit animum. Itaq; ergatae, trabes

bes, funes ductarii, cæteræq; ut conveniebat, mutata, atq; in diversam formam disposita, & ima pars Obelisci pendentis quatuor ergatarum viribus, quæ à tergo movebantur, cæteris quæ à fronte erant, funes remittentibus. trahi paulatim cepit, & apex leniter demitti, suffulcientibus interim trahibus obeliscum, quæ cum ipso reclinante simul pededentim reclinabantur; donec tandem famosissima moles omnino integra, ac sine ulla jactura humi super stratum ac lectum suum decubuit, ingenti omnium gaudio & applausu. Atq; hæc secunda molitio fuit. Postea mutatis iterum, aliterq; dispositis ergatis, Trochleis, ac funibus ductariis, per præparatum antea tumultum sex ergatarum viribus trahi captus fuit Obeliscus unâ cum lecto suo scyralis impo-
 sito. Et quia huic spectaculo intererat ipse summus Pontifex, suâq; præsentia operarum moras instigabat; citius quàm sperabatur in destinatum locum pertractus fuit. Fuitq; hæc tertia molitio. Post quam ad aliquot dies, nè funes nimio calore conflagrarent ob motum, & æeris eo tempore æstum, cessatum est. Interim castellum dissolutum, & denuo circa nova fundamenta & sustentacula ædificatum fuit. Tandem ultimo die Aprilis Anni 1586, invocato primùm divini Numinis auxilio, erigendo Obelisco initium datum fuit, adhibitis ergatis 40, equis 80, & amplius, hominibus 900 partim præfectis, partim fabricis, & ergatarum aliarumq; machinarum impulsoribus. Trochleæ eodem modo ut antea erant dispositæ. Post multas tandem ergatarum circumvolutiones (648 numerat Kircherus) moles supra quatuor leones basi obelisci prius implumbatos, ad architecti directionem & arbitrium, eo situ, quem hodie cum admiratione intuemur, fuit constituta. Atq; hæc ultima fuit molitio. Post quam 26. die mensis prædicti, gloriosissimo huic triumpho delectâ à Pontifice, facto prius per Episcopum Amerinum ad D. Petri altare Missæ sacrificio, & circa Obeliscum frequenti supplicatione peractâ, & Cruce ex ære inaurato benedictâ, tradita ea fuit Diacono sacris adhuc vestibus induto, ab eoq; in Obelisci fastigio collocata. Quo temporis momento cuncta sormentorum bellicorum genera, quæ in S. Angeli arce erant, festivos & continuos edidère bombos.

Atq; hic est modus, quo Obeliscus Vaticanus, ac cæteri deinceps Romæ, in Urbis ornamentum æternum, à Sixto V. immortalis memoriæ Pontifice, ac deinde ab Innocentio X. fuerunt erecti. Nullius tamen difficilior fuit erectio, quàm Vaticani, quia hic integer, reliqui omnes diffracti in frusta fuerunt. Inscriptiones Obelisci, & alia huc pertinentia, vide apud Kircherum loco suprâ citato.

Deposito
Obelisci supra lectum suum.

Transve-
ctio ejusdẽ.

Erectio eius
nova.

ANNOTATIO.

De anulfione & reerectione columnæ marmoreæ Constantinopolitaneæ.

Columna
marmoreæ
Constanti-
nopolitaneæ
erectione.

Haud ab simili ferè modo, quo Obeliscum Vaticanum à sede sua pristina demissum, & in novâ erectionem diximus, vidit Constantinopoli Petrus Gyllius Gallus, refertq; in Topographia urbis Byzantiæ lib: II. cap. IX. avelli à machinatoribus Byzantiensium columnam ingentem marmoream à sedibus suis, sitâ in dorso Vallis Constantinopolitaneæ, & alio in loco erigi. Nam circa columnam, aliquo tamen interpolito spatio, trabes ingentes crebras in quadrum dispositas, in solo defixas, columnâ ipsâ excelsiores, erexerunt, paribus intervallis inter se distantes: supra trabes imposuerunt transversâ tigna, omnia inter se firmissimè revincta; ex quibus trochleas creberrimas appenderunt, per quas trajecerunt validos funes, ab imo columnæ scapo ad summum surgentes, ad columnam strictissimè alligatos densis funibus, ut se contingerent, & transversis rectos veluti tramis stamina secantibus, formatâ textilij operis representantibus, extra quadraturam trabium similitudinem turris quadratæ gerentium. Ergatæ utrimq; multæ in terram defixæ erant, versatæ à multitudine robustissimorum juvenum, funes ipsos validos, quibus columna cingebatur, trahentium tam diu, quoad columnam à sedibus subtraxerunt; deinde sensim detrahentes in terram dejecerunt, & curribus impositam firmissimis, quos rotæ crassissimis ferris cinctæ sustinebant, traxerunt incolumem in collem tertium ad Solimani Regis ædem ornandam.

CAPVT SEXTVM.

Machina Ferdinandeæ, jussu Ferdinandi III. Cesaris constructa Augustæ, pro Chinensi Missione Societatis IESV.

Machina
Ferdinan-
deæ.

Iam sæpe in præcedentibus mentionem fecimus Machinæ cujusdam, quam Anno 1655. Augustæ Vindelicorum fieri curavit Augustissimus Imperator Ferdinandus III. deputavitq; pro missione Chinensi Patrum Societatis nostræ, qui inibi Evangeij lucem spargunt, offerendam suo nomine Vastissimi illius regni Monarchæ. Eam hîc paucis describere placet, nullo tamen schemate apposito, ad sumptus evitandos.

In tres partes divisa est Machina, quarum infima continet artificium harmoniæ automatæ atq; autophônæ variæ; media con-

con-

conclave catoptricum, & columnas varias ad Perspectivæ regulas dispositas; suprema deniq; Horologium Chinense sphaeramq; Astronomicam, cæli motum & stellarum cursum exhibentem. Structura machinæ ex Architecturæ præceptis elaborata affabrè est, insigni symmetriâ, eboreq; & testudinum cortice exornata. Prima pars, quæ musicam autophônâam continet, & undecim diversas cantilenas exhibet fistulis, tibijs, clavicymbalis, harpis, tympanis, alijsq; instrumentis, Machinæ abacum constituit. In catoptrico conclavi, quod supra abacum est, apparet David Rex, harpâ instructus, quam ad horologij sonum digitis in suavissimam melodiam concitat. Hujus conclavis parietes speculares disponi possunt in varios situs singulari artificio vectium foras prominentium ad eum modum, quo in organis pneumaticis prominent registra, ut vocant. Dicitur conclave in parte anteriore habet duas portas; eburneam alteram, quâ totum conclave claudi atque operiri potest; alteram crySTALLINAM seu specularem, cujus obductu res quælibet intus dispositæ augeri catoptrico, seu potius dioptrico incremento possunt. Supra conclave hoc, est Chinense horologium, cujus index & sonus duodecim distinguit horas, quarum quælibet duabus nostratibus æquivaleret. Quoties horaria sphaeræ index tangit punctum novæ horæ, David harpâ personat velut prælusurus horæ sono; mox horæ indicatæ pulsus auditur, simulque Angelus Davidi supereminens tripudianti similis toties in gyrum se vertit, quot horæ pulsus fuerunt auditi. Supra horologium, altiori loco, visitur Sphæra Astronomica, ad elevationem poli Chinenensis accommodata; quæ 24. horarum nostratium spatio convertitur. Sphæra adjunctus est Zodiacus, cujus eclipticam percurrens Sol, indicat cælestis Solis quovis tempore ortum & occasum, altitudinem supra horizontem, locumque in cæli Zodiaco. Addita est pyxida magnetica, ut vocant, ad sphaeram astronomicè situandam. Hæc in genere. Sequitur nunc accuratioꝝ partium & artificiorum enumeratio.

Harmonia automata Machine.

*Eius har-
monia au-
tomata.*

Organum, ut dixi, Machinæ abacum seu basim occupat, va-
ris registris adornatum, ad quorum tactum seu attractum
nunc organi pneumatici, nunc clavicymbali, nunc harpæ aut
tiorbæ, nunc tympani auditur sonus. Undecim habet registra
organum, ut supra dicebam, pro undecim diversis diversorum
instrumentorum cantilenis; ac prima quidem duo registra pro
tympanis sunt, reliqua novem pro aliis sonis. Pulsatur orga-
num, quoties, ut dixi, horarius index horæ unius spatium per-
currit, ac præterea quoties libitum fuerit, modò ab artificii
conscio laxetur in sonum, vel separatim singulorū instrumen-
torum, vel duorum pluriumvè simul. Artificium automati
atq; autophôni hujus organi, & aliorum instrumentorum, non
est absimile illi, quod fuscè ex Kircherò descripsimus in Mecha-
nica nostra Hydraulico pneumatica part: 2. Classe 3. Machina I.
& seqq. & iterum in hujus Operis Par: 2. lib. 6. Syntag. 5. & 6. nisi
quòd hîc cylindrus phonotacticus chalybeis pinnis circum-
agitur.

Perspectiva Catoptrica Machine.

*Eius Perspe-
ctivæ Ca-
toptrica.*

Supra abacum harmoniæ autophônæ deputatum occurrit
conclave catoptricum, ut supra dicebam; cujus porta ubi
aperitur, concamerata occurrit aula, cujus fornicem eburneū
sustentât duodecim speculares parietes, dodecagonum cavum
efformantes, ornati columnis, floribus, auro atq; argento. Pa-
vimentum quoq; eburneum est, tessellis è testudinum cortice
variegatum, Vide quæ diximus Parte I. hujus Operis libro 6.
Syntagm: I. cap: 2. de catoptrico Theatro, perspectiva, gazophy-
lacio, aliisq; similibus artificiis. Habet hoc conclave registra
sua instar organi, ut diximus supra, quorum ope parietes &
columnæ in varios situs statui, & in varias perspectivas possunt
mutari, David Rex suum habet locum stabilem; quanquam e-
jus loco statua quæcunq; alia collocari queat, aut alia quævis
figura. Parietes speculares ita disponi possunt, ut inter tot spe-
cula una sola statuæ prædictæ imago appareat; item ut post sta-
tuam

tuam duellantium formæ repræsententur. Si ante conclave speculari apertum disponantur, supra peristylîi coronidem figuræ variæ ex cera, aut serico; apparebunt in speculis horti, sylvæ, urbes, regiones, aliq; similia. Vide quæ diximus loco proximè citato de cista catoptrica. Si crystallinum aut speculari ostium obvertitur statuz intus erectæ, apparebit ea ad aliquot passus remota non minor viri staturâ.

Quæ ad Sphæram astronomicam, & horologium pertinent, sufficienter explicata sunt suprâ. Multa alia quæ de Machinæ directione dici possent, omitto. Quæcunq; dixi, habui ex ore P. Alberti Curtii è Societate nostra, operis directore dum Augustæ construeretur, pridie quàm Monachium ex Italia appulisset post absolutam Machinam, quæ inde Viennam missa fuerat.

CONCLUSIO LIBRI.

ET lubens, & inuitus calamum cohibeo, & ab infinitis aliis quæ dicenda erant, abstineo: lubens, nè in molem nimiam creiscat liber, & ut sumptibus parcam in tot figuris æri incidendis, sine quibus tamen Mechanica, præsertim Thaumaturga, nec potest tractari, nec debet: inuitus, quia fidem quam variis in locis obligavi, promittendo multa quæ huc spectant, solve-re nequeo. Solvam tamen, Si DEO placuerit, & si ab alio doctore ac feliciore calamo non præveniar, in Mechanica Vniuersali, seu Thaumaturgo Mechanico. Nunc ad staticam pergamus.



LIBER QVARTVS. DE MAGIA STA- TICA;

Sive

De occultiore ponderandi ratione, etiam
sine ponderatorijs Instrumentis.

PROOEMIUM.

*Statica
quid sit.*



*MagiaSta-
tica quid.*

*Staticam pleriq; cum Mechanica confun-
dunt. Ego sejungo, & Mechanicam gra-
vium movendorum, Staticam eorundem
ponderandorum scientiam appello. Certè
cùm aliud sit, gravia movere ex arte, effi-
cereq; ut exigua potentia magno equipon-
deret, aut etiam preponderet ponderi; aliud gravium pon-
das explorare, & notum facere; alia pro utroq; constitu-
enda est seu Ars, seu Scientia. Si quis tamen à sua decedere
sententia non volet, per me licet, si modò quid ego Staticam
nuncupem, intelligat. Magia itaq; Statica aliud non erit,
quàm occultior ponderandi ratio, sãmp per ponderatoria In-
strumenta, quàm sine illis. Nec mirum videri debet, sta-
ticam seu ponderandi rationem in Magia nostra univer-
sali locum reperire, cùm apud ipsum rerum omnium condi-
torem DEVM vel in prima Mundi molitione locum in-
nerit,*

venerit, ut qui omnia in Numero, Pondere, & Mensura creavit. De ejus præstantia & necessitate qui plura vollet, legat Prafationem Partis 9. to: I. Deliciarum Mathematicarum: Georgii Philippi Harstorfferi Norimbergensis Patrii. Nos rem ipsam aggredimur, & more nostro theoriam cum praxi conjungentes, tradimus primò Statica Elementa, secundò Statica seu Ponderatoria Instrumenta, tertio Staticas Praxes. Erimus breviores in hoc, quàm in tribus precedentibus libris, quoniã multa quæ huc etiam spectant, imbi sunt tradita. Si vulgaria quædam afferemus, lucem ea præferent minùs vulgaribus.

SYNTAGMA PRIMVM.

De Staticæ Magiæ Elementis.

Hæc alia non sunt, quàm ipsiusmet Staticæ, & Statica Elementa.
 complectuntur definitiones seu terminorum explicationes, Axiomata, & Posulata seu Hypotheses.

CAPVT PRIMVM.

Definitiones Staticæ,

Sive

Terminorum in statica usitatorum explicatio.

DEFINITIO I.

Statica est ponderandi scientia. Ponderate autem est gravium Ponderare quid sit.
 Spondera seu gravitates in nota ponderum mensura explorare. Quemadmodum verò Mechanica, quæ gravium moven-

dorum est scientia, non solum gravia corpora movet, sed etiam Instrumenta prescribit, quibus moveantur, & gravitatum rationes, ac cum potentijs motricibus proportionales scrutatur; sic à Statica alienum non erit, ponderandi Instrumenta prescribere, & ponderum rationes affectionesque varias considerare. Quid porro sit grave, quid gravitas, per quam lineam seu viam ad gravium centrum tendant gravia, aliaque similia; jam in precedentibus explicatum fuit.

DEFINITIO II.

Aequiponderantia corpora quid sint.

Corpora ejusdem aut equalis ponderis, seu gravitatis sunt, quae in eodem medio equali nisi deorsum tendunt, sublatis impedimentis. Hæc lib: 2. Syntag. I. Cap. I. Definit. 9. appellavimus æquiponderantia, & distinximus ab æquilibribus corporibus. Aliqui ejusdem aut equalis ponderis corpora appellant, quæ in eodem medio descendendo, equali tempore æquale spatium conficiunt. Non placet, quia plumbea librili lamina & sphaera, equalis sunt ponderis, nec tamen per aquam descendendo conficiunt equali tempore æquale spatium, ut experienciâ constat. Idem sine dubio in aëre contingit, licet minus sensibiliter. Verum erit quod dicunt, si cætera omnia sint paria, etiam figura corporum. Eadem corpora equalis ponderis aliqui vocant corpora equalis potentiae, quia pondus seu gravitas corporum est potentia eorumquæ deorsum moventur.

ANNOTATIO.

Corpora equalis ponderis possunt esse diversae molis, si diversae sint speciei, ut patet in libra plumbi & libra lane, quæ equalis sunt ponderis, sed inæqualis molis. Imò ejusdem speciei æquiponderantia corpora possunt esse inæqualis molis, quoniam nec omnes aquæ, nec omne aurum, argentum, oleum, aliaque similia, mole equalia sunt etiam pondere equalia. Sed de hac re alibi.

COROLLARIUM.

EX dictis patet, quid sint corpora inæqualis ponderis seu gravitatis, seu inæqualis potentiae.

DEFINITIO III.

Graviores speciei quæ sint.

Corpora speciei ponderosiora seu graviora sunt, quæ sub minori mole æquiponderant, aut præponderant alijs majoris molis. Sic plumbum dicitur

dicitur ponderosius in specie sua quam cera, aut lana, quia minor massa plumbi est æqualis, imò majoris ponderis, quam major massa ceræ, aut lanæ.

DEFINITIO IV.

Corpus noti seu dati ponderis aut gravitatis est, cujus ponderositas certo numero exprimitur. Vt cum dicimus, corpus sex librarum, duorum centenariorum &c. Hæc dicuntur etiam definitæ ponderositatis, seu gravitatis. Ex quo patet, quid sit data seu definita gravitas, datum seu definitum pondus.

Gravitatis nota corpus quid sit.

DEFINITIO V.

Corpora æquilibria sunt, quæ suspensa ex diversis libris, statere, velis, &c. brachijs, faciunt æquilibriū, hoc est, constituunt scapulum libris &c. horizonti parallelum. Differunt ergo æquiponderantia, & æquilibria corpora, quia æquiponderantia possunt esse non æquilibria, si nimirum ex diversis à centro Instrumenti ponderatorij distantijs suspendantur.

Æquilibria que sint.

DEFINITIO VI.

Pondus elevans dicitur, quidquid est causa ponderis ex ponderatorio Instrumento suspensi in altum elevati. Tale non solum est corpus aliud ponderosum, sed impetus etiam, & quidquid impetum Instrumento ponderatorio imprimit, ut suis locis videbimus.

Pondus elevans quid sit.

CAPVT SECVNDVM.

Axiomata Statica, seu Communes Notiones.

Hæc pertinent tria Axiomata Mechanica, quæ suprâ lib: 2. Syntagm: 1. cap: 2. attulimus; quæ vide.

Statica Axiomata.

CAPVT TERTIVM.

Postulata Statica, seu Hypotheses.

Nonnulla ex Postulatis Mechanicis loco proxime citato cap: 3. allatis & explicatis, ad Staticam etiam pertinent. Quare explicatio eorū, si quæ hîc repetentur, inde est petenda.

Statica Postulata.

POSTVLATVM I.

Æqualia pondera æquali utrimq; brachio ponderatorij Instrumenti appensa sunt in æquilibrio. Quia nulla est ratio cur unum alteri præponderet, cum æquiponderantia esse supponantur.

POSTV-

POSTVLATVM II.

Inequalia pondera equali hinc inde brachio appensa, non æquiponderant, sed gravius præponderat. Si enim æqualia dicto modo suspensa æquiponderant, necesse est inæqualia non æquiponderare.

POSTVLATVM III.

Æqualia pondera inæquali distantia suspensa, non æquiponderant, sed præponderat suspensum ex majori distantia. Explicatum est lo: cit: Postulato 2.

POSTVLATVM IV.

Si ponderum ex quibuscunq; distantijs æquiponderantium alteri adjiciatur aliquid, non æquiponderant amplius, sed præponderat id cui adjectum est aliquid. Explicatum est ibidem Postulato 3. Similiter, Si gravium ex quibuscunq; distantijs æquiponderantium alteri dematur aliquid, æquilibrium perdunt. & præponderat id cui nihil est ablatum. Explicatum est ibidem Postulato 4.

POSTVLATVM V.

Si pondera ex quibusdam distantijs æquiponderant, etiam ipsi æqualia, seu revera, seu secundum proportionem, ex iisdem æquiponderant. Explicatum est cit: lo: Postulato 5. quoad distantias æquales; sed eadem est ratio quoad quascunq;

POSTVLATVM VI.

Inequalia pondera inæqualibus brachijs librata faciunt æquilibrium, si sit eadem proportio brachiorum, que ponderum, permutando. Explicatum ac demonstratum est fuse lib. 2. Syntagm. I. cap. 4. Proposit. 5. Multa alia eodem capite explicata huc referri possunt tanquam Postulata, aut Hypotheses, ideo nolo esse longior.

SYNTAGMA SECVNDVM.

De Instrumentis Staticis seu Ponderatorijs.

Ponderatoria Instrumenta duo.

Duo sunt præcipue statica seu ponderatoria Instrumenta, Libra, & Statera. Utriusq; formam, usum, & proprietates trademus,

CAPVT PRIMVM.

De Libra, ejusq; forma, differentijs, fabrica, & proprietatibus.

HÆc omnia hoc capite breviter quidem, at, quantum fieri poterit, clarè explicare conabimur.

PROPOSITIO I.

De natura & forma libræ ordinariæ.

Libra est organum seu Instrumentum, ad examinandam corporum gravitatem aptum, assumpto alio notæ gravitatis corpore: si enim notum pondus uni lanci impositum, & corpus examinandum alteri lanci commissum, in æquilibrio constituunt libræ, tunc arguitur eorum æqualitas secundum gravitatem, si libræ brachia sint æqualia; si verò non constituunt in æquilibrio, sed una lanx magis deprimitur quàm altera; inæqualitas arguitur. Sed hæc paulò pòst melius explicabuntur. Et hanc vocamus libræ ordinariæ.

Forma libræ ordinariæ, quoad substantiam saltem (varijs enim modis, pro artificum libitu, formari solent) est, qualem monstrat apposita Figura: in qua A B vocatur libræ, jugum, & scapus libræ; AC & BC brachia, librilia, radij; C centrum; CE lingula, trutina, examen, argumentum; CF ansa, spartum, angina; G & H lances; AI & BK pendula, funiculi. Lingula CE connexa est scapo immobiliter ad angulos rectos. Ansa CF sustinetur axiculo trajecto per centrum C, & per foramina ansæ utrimq; centro correspondentia. Balances G & H, cum pendulis AI, & BK, solent esse æqualis ponderis; & præterea pendula æqualis longitudinis, Brachia AC, BC, æqualis solent esse longitudinis, crassitie, & gravitatis. F est annulus, quo vel manibus apprehenditur, vel è clavo suspenditur totum instrumentum in ejus usu.

Septem ergo ad libræ ordinariæ requiruntur, nimirum scapus seu jugum, lingula seu trutina, centrum in jugo, lances, pendu-

R r

pendu-

*Libra quidæ**Libra forma.*

Vide Fig. VII. Iconif. XIV.

Libra partes septem.

pendula, anfa, & axiculus per centrum & anfam trajectus, quem diximus appellari aginam.

PROPOSITIO II.

De æquilibrio libræ ordinariæ,

Diximus, tunc argui æqualitatem inter pondus notum & ignotum diversis libræ lancibus impositum, quando libram constituunt in æquilibrio, si libræ brachia sunt æqualia. Explicandum ergo, quid requiratur, ut libra dicatur constituta in æquilibrio.

Libra æquilibrium quodnam.

Dico itaque, quando brachia, & pendula, & lances libræ ordinariæ sunt æqualia quoad longitudinem, & gravitatē, tunc libram in æquilibrio esse constitutam (hoc est, tam jugū libræ, quàm lances ex jugo suspensas, esse parallelas horizonti) quando lingula, jugo ad angulos rectos affixa, stat immota intra anfam, in neutram partem propendens. Ratio est, quia ut ex dictis Lib: I. de Magia Centrobaryca constat, grave suspensum liberè, non quiescit, nisi linea directionis transeat per centrum gravitatis corporis suspensi, simulque per punctum suspensionis; quando ergo liberè suspensum quiescit, signum est, lineam directionis transire per dicta puncta.

Quando itaq; in libra sunt omnia æqualia, brachia, pendula, lances, & consequenter vacua suspensa liberè stat in æquilibrio; si & onerata in æquilibrio stat, signum est pondera imposita utrinque esse inter se æqualia, quia linea directionis per centrum gravitatis totius compositi ex libra & ponderibus impositis transiens, dividit totum compositum grave in duas æqualiter graves partes, ut ex dictis lib: I. patet. Rectè ergo diximus, tunc argui æqualitatem inter pondus notum & ignotum lancibus impositi, quando libram in æquilibrio constituunt.

ANNOTATIO.

Oriigo & genesis libræ debetur duabus illis propositionibus, quas concedi nobis postularimus Syntagm: precedente, cap: 3. Postulato 1. & 2. Libræ ordinariæ fabricam docet Casimirus Siemienovvicz Eques Lithuanus in *Arte magna Artilleria parte I: lib: I. c. 2. sed valde operoso modo,*

qui

qui nescio an unquam ab artificibus seruetur. Brevius ac planius idem docet ante ipsum Simon Stevinus lib: 3. Staticæ proposit. 2.

PROPOSITIO III.

Cur, & quando libra ab æquilibrio dimota, ad illud redeat;

Sive

De tribus speciebus seu differentijs librae.

Iam diximus, libram, ut & alia gravia liberè suspensa, non quiescere, nisi punctum suspensionis (quod etiam centrum morus appellari potest, quia brachiorum extremitates motu suo describunt circa illud velut centrum circulos, aut circulo-
Libra tres
species, &
differentias.

Prima species librae.

Primo enim potest punctum suspensionis coincidere cum puncto seu centro gravitatis, ut quando centrum gravitatis capi A B est in puncto medio C, & ex eodem puncto C suspenditur scapus ex axiculo, aut fune, per foramen in C factum trajecto. Et in hoc casu, si librile A B dimoveatur à situ A B horizonti parallelo, & constituatur in situ D E; non redit ad parallelismum cum horizonte, sed manet in eodem situ. Ratio est, quia cum brachium C E tantundem ponderet, quantum CD, non est ratio cur DC descendat, & sursum trahat CE. Ad di potest & hæc ratio, quòd ut librile DE rediret ad sitū AB, deberet vis descendendi ex D in A major esse, quàm repugnantia ascendendi ex E in B; quod tamen non contingit in hoc casu, quia brachia C D, C E supponuntur esse æqualia quoad gravitatem, ac proinde & resistentia unius est æqualis virtuti motivæ alterius, hoc est, quantum inclinatur D ad motum deorsum, tantum repugnat E motui sursum. Præterea in hoc casu eadē est ratio ac in vecte; nam axiculus in puncto suspensionis C, habet rationem hypomochlij, & brachia æqualia utrimq, sunt

Vide Fig. IX. Iconif. XIV.

Libra à parallelismo remota, quando non redeat ad illum.

distantiæ vectis ab hypomochlio: in vecte autem ut potentia seu pondus uni extremo applicatum moveat aliud alteri extremo applicatum, debet vel unum prævalere alteri in pondere, vel si æqualia sunt, debet esse major proportio distantiarum, & consequenter motuum futurorum, quàm ponderum reciproce uti ex dictis de Vecte lib: 2. Syntagm: 2. constat: hinc autem & pondera sunt æqualia & distantia ab hypomochlio æquales, & motus, ut consideranti patet.

ANNOTATIO.

*Q*uod diximus hinc, intelligi debent de solo scapo seu librili habente in medio punctum suspensionis coincidens cum puncto seu centro gravitatis: nam si ex scapo suspensæ sunt lances, semper redit ad parallelismum. Causam postea aperiemus.

Secunda species libræ.

Vide Fig.
X. iconif.
XIV.

*S*ecundò potest punctum suspensionis esse supra centrū gravitatis, ut si in libra MN centrum gravitatis sit O, punctum verò suspensionis, per quod axiculus seu agina transit, & libram sustinet, sit in P supra O. Et in hoc casu si libra dimoveatur à parallelismo cū horizonte, hoc est, à situ MN, & ponatur in situ IK, sive à pondere, sive ab impetu; cessante impetu, aut pondere remoto, redit ad situm MN. Ratio est, quia quando est in situ MN, linea directionis PQ transit per centrum gravitatis O & per punctum suspensionis P: at quando est in situ IK, centrum gravitatis non manet in linea directionis P Q, sed transfertur in R, ideoque pars IPQ major & gravior est, quàm pars KPQ; necessariò ergo illa debet descendere, hæc ascendere, cessante vi extrinsecâ, donec punctum R reducatur iterum ad punctum O, & quiescat in linea directionis P Q.

ANNOTATIO.

*Q*uod diximus, intelligi debet & de solo librili, & multò magis de librili cum lancibus annexis; nam tunc centrum gravitatis totius compositi non est in O sed infra O. Ex quo patet ratio illius quod in præcedente Annotatione advertimus, quia quando librili adjunctæ sunt lances, centrum gravitatis totius compositi non est in medio librili, sed infra,

COROL.

COROLLARIUM.

Colligitur hinc, cur omnes libræ quibus communiter utimur, si ponderibus impositis dimotæ fuerunt à parallelismo, sublatis ponderibus redeant ad eundem, quia nimirum licet centrum suspensionis & axiculus seu agina sit in medio scapi, & coincidat cum centro gravitatis scapi, non tamē coincidit cum centro gravitatis totius compositi ex librili & lancibus, sed hoc semper est inferius illo. Atq; hoc bene notandū est.

Libra ordinaria à parallelismo remota, cur semper ad eum redeat,

Tertia species libræ.

Tertio, potest punctum suspensionis esse infra centrum gravitatis, ut si in libra EF centrum gravitatis sit in G, punctū verò suspensionis sit infra in A. Et in hoc casu, si libra dimoveatur à parallelismo horizontis, & propter impetum aut pondus acquirat situm CD, non redit ad parallelismum. Ratio est, quia in hoc situ centrum gravitatis G migrat in M, extra lineam directionis RS, & pars RAD major & gravior est quàm pars RAC; non potest autē ascendere major, & descendere minor, ac proinde non potest libra redire ad parallelismum, ablato pondere,

Vide Fig. XI. Iconiff. XI V.

ANNOTATIO.

Sed num ablato pondere, aut impetu cessante, manet libra in situ CD? Respondeo I. si de solo librili aut scapo CD sermo est, non manet, sed pars gravior RAD movetur deorsum, donec centrum gravitatis M sit in S; tunc enim quiescit, quia centrum gravitatis S, & punctum suspensionis A, sunt tunc in eadem linea directionis RAS. Respondeo II. si librili adjunctæ sunt lances, fieri potest ut ablato pondere, aut impetu cessante, maneat in eodem situ CD, quia fieri potest ut centrum gravitatis totius compositi sit in linea directionis RAS, infra punctum suspensionis; quo casu necessario debet quiescere. Quòd si centrum gravitatis totius compositi est extra lineam directionis, si ve ad dexteram, si ve ad sinistram, movebitur unum brachium sursum, alterum deorsum, donec sit in linea directionis, & manebit in tali situ.

MONITIO AD LECTOREM.

Aristoteles in Mechanicis qq: quest: 3. querit, Cur, si in libra sursum fuerit spatium seu agina, & pondus ac presserit libram, ea rursum ascendant, hoc est, ad æquilibrium redeat, si verò spatium fuerit deorsum,

Aristotelis questio de libra,

non redeat sursum, sed maneat. Eandem questionem, unà cum alia, cur si spatium est in medio libræ, ea retineat quemcumque situm datum, fuisse disputant Jordanus de ponderibus, Cardanus lib: I. de subtilit: Tartalea in Scientia nova Italice conscripta, Guidubaldus in Mechanica sua tract: de libra, Keplerus in Astronomia Optica ad Proposit. 20. caput I. Merfennus in Phenomenis Mechanicis Proposit: I. Ioannes Baptista Benedictus in Mathematicis speculat. quæst. de hacre, Aristotelis Commentatores Blancanus, Piccolominicus, Monantholius, Baldus, & alii. Hi Auctores miris modis inter se digladiantur in explicando Aristotele, & salvando phenomeno. Alij dicunt, textum græcum esse corruptum, latinum verò corruptissimum; alij Aristotelem errasse, & contra sensum locutum; alii Aristotelis solutionem dissimulant; alii non candidè produciunt in medium. Pleriq; etiam tales construunt libras pro questionis solutione, quales in usu non sunt, qualesq; fortassis nec Aristoteles, nec ipsi unquam viderunt: constituunt enim centrum motus libræ in extremitate lingule supra aut infra scapum perpendiculariter erectæ. Ego constituo centrum motus libræ nunc in medio, nunc supra, nunc infra medium scapi secundum longitudinem, hoc est, in centro gravitatis, aut supra, infra vè illud, & phenomenorum eandem reddo rationem quam illi, ac præterea ostendo quomodo, aliquando saltem, maneat libra in secundo Aristotelis casu, dimota ab æquilibrio, & remoto pondere. De primo autem casu à nobis & alijs posito, nihil habet Aristoteles. Non vacat, nec operæ pretium est Aristotelis locum asserere, & examinare. Hoc solum dico; Aristotelem loqui in casu, quando spatium seu ansa libræ est supra aut infra libram; citati autem auctores pleriq; in diagrammatibus suis non spatium sed solam lingulam collocant supra aut infra libram, & centrum motus constituunt in extremitate lingule. ut dixi.

CAPVT SECVNDVM.

De Statera, ejusq; forma, usu, & proprietatibus.

AD parva pondera examinanda, in quibus vel grani differentia observatur, utimur communiter librâ; ad majora verò, in quibus exigua differentia exigui est momenti, staterâ utimur. De hac igitur non nihil agendum.

PROPOSITIO I.

De Statera eorumuni.

STatera communis, quâ nunc utimur, est quasi libra in æqualium brachiorum. Ejus forma est, qualem præfens Figura repræsen-

Statera
communis
quid sit.

præsentat. Partes ejus sunt quatuor, AB scapus, seu teres, seu in
 tria, quatuor, & quotquot artificii placuerit, latera efformatus; Vide Fig.
 C D ansa seu spartum, scapum inæqualiter dividens, eiq; affixū XII. Ico-
 non secus ac in libra; B E harpago, seu uncus, seu etiam lanx; nis. XIV.
 F pondus seu æquipondium, appendiculum vè, scapo appensū,
 & huc atque illuc mobile, unde & cursor appellatur. Itali Ro-
 manum vocant pondus hoc mobile, nescio quâ de causâ; alij
 facôma, vel antifacôma. Centrum stateræ est, ubi ansa est per
 cujus foramina & centrum stateræ transit axiculus. Immediatè
 supra centrum, intra ansam, erigi potest perpendiculariter tru-
 tina, quamvis id in majoribus stateris fieri nõ solear. Scapi lon-
 gitudò major dividitur in partes varias, æquales minori lon-
 gitudini; & quælibet illarum subdividitur iterum. De modo
 faciendi divisiones postea aliquid dicemus.

Vsus Stateræ frequentissimus est in Sicilia, & tota Italia. *Statera*
 Consistit in eo. Unco B E appenditur res cujus pondus inquiri- *us.*
 tur, aut si ibidem loco unci est lanx, imponitur lanci: deinde
 pondus F movetur versus ansam, & ab illa removetur, donec
 scapus in æquilibrio sit. Numerus sub quo pendet facôma F, in-
 dicat pondus rei unco B E appensæ; quod quidem ad facôma se
 habet semper reciprocè seu permutatim, ut distantia à facôma se
 usq; ad ansam, ad distantiam ab unco ad ansam. Ratio desu-
 mitur ex dictis lib. 2. Syntagm. 1. & 2. eadem nimirum quæ in
 vecte, quia statera, cum libra sit inæqualium brachiorum, idem
 est ac vectis, in qua axis per centrum transiens est hypomochli-
 um. Stateram Germani vocant, *ein Schnewag* / Itali *la statera*,
 Siculi *la staria*, Galli *Romaine*, & Crochet, ob uncum appensum.
 Sacôma F debet esse notæ ac determinatæ gravitatis, v. g. unius
 libræ. Quod pondus si sub numero 1. facit æquilibrio cum
 mercibus appensis, pendunt hæ unam libram; si sub numero 2,
 duas; si sub numero 3, tressi sub 4, quatuor libras pendunt. Quò
 autem longius erit majus brachium supra missus, eò majori
 ponderi in unco appensi æquivalere potest idem facôma, atq;
 adeo ad eò majora pondera ponderanda adhiberi potest sta-
 tera.

ANNOTATIO I.

Statera fabrica.

Libra & Statera comparatio.

Fabricam perfectissimæ Stateræ docet Stevinus lib. 3. Staticæ Propositio 5. Rivius, Ioannes Buteo peculiari tractatu, & supra citatus Calimirus locut: Utilior porrò est libra, quàm Statera, ad parva pondera, in quibus minima differentia magni est momenti, examinanda; quia vix sperare potest Stateræ fabrica adeo sedulum & accuratum artificis studium, qui longioris brachij divisiones cû diligentia & accurate efficiat, ut paucorum granorum infra drachman differentiam exhibeat. Illud tamen incommoium habet libra præ staterâ, quòd alia atq; alia nota pondera habere debeamus, ut eorum additione ac detractioe demum exploremus, notamq; faciamus ignotam gravitatem; Statera autem, cû sit libra quædam infinita brachiorum inæqualium (potest enim brachium longius magis ac magis in infinitum produci, vel brachium brevius magis magisq; decurtari;) unico pondere plurium corporum inæquales gravitates investigamus.

ANNOTATIO II.

Solent præterea in stateræ scapo fieri duæ trutinæ, una sursum, altera deorsum tendens; & duo unci, unus similiter sursum, alter deorsum tendens; & tam laus scapi sursum respiciens, quàm laus deorsum tendens dividit solent in certas ac determinatas partes, sed differentes inter se, in uno nimirum latere majores, in altero minores. Et majores quidem divisiones, cum trutina & uncino suo, serviunt pro majoribus ponderibus explorandis; minores verò pro minoribus.

PROPOSITIO II.

De Statera antiquorum, num ea fuerit diversa à nostra.

Statera antiquorum qua

Aristotelis locus de Statera.

P Josephus Blancanus in locis Aristotelis quæst. 20. Mechan. existimat, stateram antiquorum fuisse longè diversam à nostra, idq; putat se colligere ex textu Aristotelis locut. Verba Aristotelis, ex interpretatione Nicolai Leonicensi, hæc sunt.

Cur Statera, quæ carnes ponderantur, parvo appendiculo magna ponderat onera, cûm alioqui tota, dimidiata existat libra? Vbi enim, onus in ponitur, solum suspenditur lance; in altera verò parte sola est statera. An quia simul libram & vectem ipsam contingit esse stateram? Libram quidem, ubi spatiorum quodcumq; sit centrum: in altera enim parte lancem, in altera autem pro lance æquipondij appendiculum habet, quod libræ incumbit cussis quis alteram apponeret lancem, & illi pondus imponderet. Manifestum enim, quòd

quod tantundem trahit ponderis ei, quod in altera jacet lance. Quomodo autem si una libra multæ sint libræ, sic talia in sunt sparta multa in ejusmodi libra; quorum uniuscujusque quod in iri secus est ad appendiculum, statera est dimidium: & omnino istuc libra est, unam quidem habens lancem, in qua pondus appenditur, alteram verò ubi in statera æquipondium. Quamobrem appendiculum ad alteram sui partem est statera. Hujusmodi autem existens multæ sunt libræ, totque quot fuerint sparta. Semper autem quod lanci propinquius est spartum, appensque oneri, majus trahit pondus; quoniam sic quidem omnis statera existens, pondus verò, id quod lanci inest &c.

Ex hoc Aristotelis loco colligit Blancanus, stateram antiquorum de qua Aristoteles loquitur, fuisse hastam oblongam AB, ex cujus altero extremo B pependit appendiculum, ex altero verò lanx, in qua merces ponderanda ponebantur, æqualis ponderis cum appendiculo; in medio verò paribus intervallis plures fuisse trutinas, & ex singulis modo hac, modo illâ, prout pondus emptoris postulabat, suspensam fuisse, atque interim tantum mercis lanci impositum, donec æquipondio æquaretur: singulas autem trutinas ad aliquod determinatum pondus trutinandum fuisse constitutas, v. g. unam ad sex libras, alteram ad octo &c. singulisque notam fuisse insculptam, ut nosceretur quæ cui ponderi esset destinata. Quod quâ ratione fieri possit, declarat his verbis: *Ponamus æquipondium esse 12 librarum; dico, quod trutina C dabit in lance pondus mercis 12 librarum, si ex eo fiat æquilibrium; est enim ut AC ad CB, ita permutatim æquipondium 12 ad mercem: sed AC ipsi CB est æqualis; ergo etiam æquipondium 12 erit merci æquale, hoc est, utrumque erit 12 librarum. Similiter si fieres æquilibriū ex trutina D, esset ut AD 3, ad DB 9, ita 12 ad 36. Tandem trutina E æquilibrante, esset ut AE 9, ad EB 3, ita 12 ad 4. Si igitur trutina C notetur 12 numero, trutina D numero 36, trutina E numero 4, & idem de cæteris; statim facile erit quodlibet pondus per hujusmodi stateram exhibere. Unde videas, contrario ab illis modo in nostris stateris æquipondium totam hastam percurrere, in illis verò manente æquipondio trutinam quodammodo per hastam moveri. Ita Blancanus.*

Aliquam, fateor, habuit Blancanus occasionem hanc stateram antiquorum comminiscendi ex Aristotele, quoniam is multorum spartorum in una statera meminit. Voluit tamen fortasse Aristoteles esse in eadem statera plura sparta eo modo,

Vide Fig.
XIII. 1. o.
nif. XI V.

Blancani
sententia
de Statera
antiquorū.

Aristotelis
sententia
de eadem.

quo in nostra sunt plerumq; duo, unum pro majoribus, alteri pro minoribus divisionibus, atq; ideo unum propius, alterum remotius à lance. Fortassis etiam voluit, esse plura solum virtute, nimirum unum quod discurreret per scapum inter lancem & æquipondium fixum. Et in hoc casu non fuisset diverfi statera à nostra, quoad rem ipsam, quia perinde est, si ve spartum accedat & recedat ab æquipondio, si ve æquipondium à sparto

*Blancani
error circa
stateram an-
tiquorum.*

Sed quidquid sit de Aristotelis mente, contra Blancanum hæc habeo. I. Falsum est, trutinam C dare in lance A pondus mercis duodecim librarum, si ex ea fiat æquilibrium, quia cum æquipondium ponatur duodecim librarum, & lanx æqualis ponderis cum æquipondio; sola lanx faciet æquilibrium cum æquipondio. Falsum etiam est, trutinam D dare pondus mercium 36 librarum, quia lanx cum mercibus dat tunc 36 libras, ideoq; merces sola dabunt solum 24 libras. Similiter, & eadem de causâ, falsum est tertium exemplum. II. Statera prout à Blancano fingitur, fuisset magna ex parte inutilis. Nam si æquipondij gravitas æqualis est gravitati nudæ lancis, in nullo sparto inter C & B potest fieri æquilibrium, quia merx lanci imposita unâ cum lance semper constituit maius pondus quàm æquipondium, & præterea ex majori brachio dependet. Melius ergo fuisset, si lanx ad sacomâ habuisset minorem aliquam rationem, & non æqualem, ut sic additâ merce potuisset fieri æquilibrium etiam ex spartis inter C & B. III. In hujusmodi Statera non fuisset habita ratio ponderis ipsius scapi, sed solius ponderis lancis & sacomatis, perinde ac si scapus linea esset carens omni gravitate; quod omnino falsum est in usu, prout experientia quotidiana docet. Deinde momentum brachiorum semper fuisset mutatum, propter spartorum mutationem; aliud enim momentum habet brachium DB, aliud CB, aliud EB &c.

*Statera
nostr. com-
modior est
quàm Sta-
tera Blan-
cani.*

Longè ergo commodior est statera nostra, in qua utimur unico sparto manente ad eandem partem, & æquipondio jugè percurrente; sic enim momentum brachij longioris idem semper manet. Et si momentum brachij minoris unâ cum uncino seu lance æquale fuerit momento brachij longioris, tunc fiet

exqui-

exquisitissima statera, Si enim in superiori fig. pondus unci E, cui adnectendæ sunt merces, unà cum momento brachij minoris DB, æqualia fuerint momento brachij longioris AD, ita ut dempto æquipondio F, statera AB, suspensa ex trutina CD, maneat in æquilibrio; tunc exactissime fieri poterit divisio brachij longioris in partes æquales distantie DB, & istæ iterum in minores particulas subdividi. Assumpto enim F sacomate noti & dati ponderis, v.g. unciarum octo, ex distantia Ds æquiponderabit uncijs octo mercis ex E appensæ; æqualia enim pondera ex æqualibus distantijs æquiponderant, per *Postulatum I. cap. 3. Syntagm: I.* ex alia autem parte supponitur DB æquiponderare brachio AD; æquiponderantibus autem si æquiponderantia addantur, tota erunt æquiponderantia, per *Axioma III. Mechanicum libri 2.* Idem dicendum in quacunq; alia remotione sacomatis: Vt enim se habent distantie reciproce sumptæ, ita etiam sacoma ad pondus, per *Proposit: V. capitis 4. Syntagm: I. lib. 2. præcedens.*

Vide Fig.
XII. Iconis.
XIV.

Ex quo patet, in statera tot esse libras, quot sunt puncta ad quæ potest constitui æquipondium. Quod si alia æquipondia dupla, tripla, aut in alia qualibet ratione habeas, illa etiam exhibebunt æquilibrio cum duplo, triplo, aut alterius rationis pondere ad pondus, cui æquiponderat in eadem distantia æquipondium Funciarnm octo.

Statera est
multiplex
libra-

CONSECTARIUM.

Libra itaque stateræ comparata videtur minus exposita deceptioni, propter æqualitatem brachiorum, & lancium, quam artifices facilius assequuntur, quàm proportionem brachiorum stateræ, computatis momentis ipsorum brachiorum. Statera autem utilior est quàm libra, spectatâ ponderrum multitudine, quæ unico æquipondio possunt per stateram examinari.

Libra exactior quàm
Statera; at
hec utilior,
quàm illa.

SYNTAGMA TERTIVM.

De varijs & occultis ponderandi rationibus, etiam sine ponderatorijs Instrumentis.

Raras ex multis ponderandi rationes seu pragmatias rariores & occultiores afferemus; quarum nonnullæ licet satis sint notæ, quia tamē causa ignoratur, raræ meritò & occultæ appellari debent. Ex allatis porrò exemplis ingeniosus Lector occasionem sumet plura inveniendi.

PRAGMATIA I.

*Magna pondera communi & mediocri Statera
examinare.*

*Statera
mediocri
ponderare
magna pō-
dera.*

Sæpe contingit ut ingens pondus, v. g. campana, tormentum bellicum majus, & similia sint ponderanda, nec tamē apta Statera ad sit, nec alius communiter modus sciatur id præstandi, nisi ut trabem ex alia trabe suspendamus, & alteri extremo pondus examinandum alligemus, alteri verò plura minoræ pondera notæ gravitatis adnectamus, donec æquilibrium factò, & singulorum minorum gravium ponderibus in unam summam redactis, quæ sita propositi ponderis gravitas innotescat. Modum hîc præscribimus, quo possimus per communes & mediocres stateras, quibus ad alia communiter utimur, ingentium gravium pondus cognoscere, desumptum ex Mechanica manuscripta P. Pauli Casati, insignis Mathematici, Philosophi, ac Theologi, & dum hæc scribo, in Romano Collegio Societatis nostræ Theologiæ Professoris.

Vide Fig.
XIV. lco-
af. XIV.

Detur igitur ingentis ponderis dolium A, cujus gravitas sit examinanda per stateram communem FG, Accipiatur tigillus

gillus ponderi ferendo proportionatus DE, in cuius extremo D fit uncus, cui adnectatur dolium A, & assumatur valde parva distantia DL, sitq; L punctum ex quo tigillus suspendatur, ac fiat DL ad LE, ut v. g. rad 20: alius item tigillus MH sumatur, & in eo prope punctum M, quod respondeat puncto E prioris tigilli, infigatur axis in I, circa quem converti possit, sitque MI ad IH, ut rad 10. v. g: demum stateræ uncus H subiiciatur extremo H tigilli MH, & æquipondium à sparto B paulatim removeatur, donec fiat æquilibrium, v. g. in puncto G notâ librarum 12. Dico, dolium ponderare in tali casu libras bis mille quadringentas. Probatur. Quia si punctum G deberet moveri deorsum, descenderet duodecuplo velocius, quàm F, hoc est, quàm H ascenderet; H verò decuplo velocius ascenderet, quàm M, hoc est, quàm E descenderet; at E vigecuplo velocius descenderet, quàm D, hoc est, quàm A ascenderet: Ergo velocitas motus ipsius G ad motum A esset, ut 2400 ad 1. Cum igitur fiat consistentia, & æquilibrium, necessariò erit ut momentum ipsius G ad momentum ipsius A, ita pondus A ad pondus G. Quòd si æquipondium G magis à sparto removeatur; jam præponderabit, & attollet magis pondus A; ac proinde jam majus pondus eadem Staterâ examinari poterit.

ANNOTATIO.

Hæc est praxis. Ingeniosus Staticus eam multis modis facilitare poterit. *Æquipondium in Statera E G supponitur esse tantum unius libræ. Quòd si majoris ponderis fuerit, quantum pondus examinari hac arte poterit? Procurandum tamen, ut omnia sint proportionata ponderi ferendo. In summa ineunda debet haberi ratio impedimentorum, quæ motum trabium circa axes suos reddunt difficilem; uti & funium alligatorum. Loco axium adhibet. p. sunt funes ex quibus tigilli suspendantur. Praxis hæc non est ab similibus illi quam attulimus libro superiore de vectibus infractis.*

PRAGMATIA II.

Aliter communi Staterâ examinare magna pondera.

Aliter communi staterâ simplici, sine tigillis adjunctis, uti possūmus ad magna pondera examinanda, dummodò

Aliter idem efficere.

jugum Stateræ sit satis forte ad pondus appensum sustinendum, & reliqua sint eidem proportionata. Modus ex eodem P. Paulo Casato hic est.

Vide Fig.
XII. Iconis.
XIV.

Sit communis Statera suprà posita AB, cujus ansa CD, & æquipondium in extremo A (ubi plus potest quàm in ullo alio loco) possit solùm 8 libras sustentare. Sit datum pondus G, & notum sit præter propter quàm multiplum sit respectu totius ponderis ab æquipondio in B sustentabilis; quod supposuimus esse 8 librarum. Accipiatur pondus aliud, quod ad æquipondium habeat eandem rationem, sed unitate multatam. Vt si notum sit, pondus G datum esse ferè sexduplum ponderis ab æquilibrio sustentabilis, accipiatur pondus æquipondij quintuplum, & in extremo A appendatur: deinde æquipondium adducatur ad illud jugi punctum, ubi sit æquilibrio. Nam si ratio ponderis in A ad æquipondium ducatur in numerum librarum à statera examinabilium (ut si in casu posito ducantur 5 per 8, fiunt 40) & producto addatur numerus librarum quas æquipondium notat, & sint v. g. 7; tota ponderis G gravitas librarum 47. innotescet.

ANNOTATIO.

Ratio hujus Pragmatice est, quia pondus in extremo A potest quinquies plus quàm æquipondium; ac proinde potest 40; æquipondium verò ad notam numeri 7 promotum potest septem libras; ergo simul cum pondere appenso in A potest 47. Quòd si in nullo puncto collocaio æquipondio fieret æquilibrio, sed pondus G præponderaret; deberet assumi majus pondus, quòd ad æquipondium haberet majorem rationem, quia signum esset etiam pondus G ad pondus à tota Statera sustentabile habere majorem, quàm assumpta fuerat, rationem.

PRAGMATIA III.

Fallacias libra dolosa, quæ tamen justa videatur, detegere.

Multis modis contingere potest, ut libra aliqua sit fallax, quæ tamen justissima alioquin appareat, & nullam fraudis suspicionem ingerat. Nam

I. Aristoteles quæst. I. Mechanica meminit doli quo utebantur vendentes purpuram, & alias res pretiosas, in quibus modica mercis quantitas emptori subtracta magnum inferebat damnum. Hi enim utebantur librâ quæ non omnino æqualibus constabat brachijs, ita tamen constructa erat, ut hæc inæqualitas non se ingereret oculis. Constat autem ex antè dictis, mercem ex longiori brachio pendentem habere plùs momenti ad æquilandum majus pondus ex minore brachio. Ut autem lateret dolus, scapum seu jugum libræ ex ligno ita constructebant, ut non esset secundùm gravitatem uniforme, quamvis secundùm molem non appareret diversitas, sciebant nimirum, ejusdem ligni partes nodosas, aut radici arboris propiores, utpote densiores, magis ponderare, quàm reliquas partes à radice remotiores, & nodis carentes; ideo partem illam graviorem brachio breviori deputabant, leviolem verò longiori, ut eâ ratione jugum in æquilibrio maneret, etiamsi ansa non esset in medio. Vel si materia jugi uniformis erat, breviori brachio aliquid plumbi infundebant, ut materiæ gravitate suppleta momentum, quod deerat ratione situs, appareret æquilibrium lancium & jugi in nuda & vacua libra.

*Libra dolo-
sa quot mo-
dis possit ef-
se.*

*Primò ra-
tione ina-
qualitatis
brachiorum*

II. Etiam si libra habeat brachia exactissimè æqualia, & trutinam perpendicularem, & lances æqualis gravitatis, & funiculorum pondera æqualia; si habeat tamen funiculum alterum altero longiorem, incumbatq; plano horizontali impositis æqualibus ponderibus; non apparebit æquilibrium, si punctum suspensionis fuerit in centro gravitatis, vel infra, sed videbitur præponderare ad illam partem, quæ habuerit breviorum funiculum. Ratio est, quia cum libram attollimus, & brevior funiculus jam extensus est, longior adhuc languescit, ac proinde pondus lanci impositum adhuc non resistit sursum trahenti, donec funiculus sit extensus; quare libra ex hac parte ascendit sine resistentia, & ex alia breviorum funiculum habente, invenit resistentiam: pars igitur, quæ sine resistentia est, ascendit, reliquâ adhuc manente; extenso verò utroque funiculo, attollitur utraq; lanx, sed quia omnia ex hypothesi sunt

*Secundò ra-
tione ina-
qualitatis
funiculorum.*

æqualia quoad pondus, vel remanent in eodem situ, si centrum gravitatis congruat puncto suspensionis; vel pars inclinata ulterius descendit, si spartum sit infra positum, quia tunc plùs quàm dimidia pars jugi est extra lineam directionis, ex ea parte qua demissius est brachium. Hinc pondera lancibus imposita, apparent inæqualia, quamvis revera æqualia sint, & sæpe fit ut monetæ aureæ tanquam justò leviores rejiciantur, quamvis revera sint justì ponderis, quia libræ quibus earum gravitas examinatur, peccant hac funiculorum inæqualitate, etiam si libra in aëre suspensa appareat justissima. Quòd si libra hujusmodi haberet spartum supra centrum gravitatis, ab initio imposita pondera non apparerent æqualia, quia unum brachium esset demissius altero, sed demum libra se ad æquilibrium restitueret, si verè omnia, quoad pondus, sint æqualia, ut hypothetis vult, quia linea directionis debet totum compositum ex jugo, funiculis, lancibus, & ponderibus, æqualiter quoad gravitatem dividere, quod in jugo non fieret, si unum brachium esset ac maneret demissius altero.

Tertiò ratione plani inclinati cui incumbunt lancee

III. Si libra sit exactissimè facta, & omnia planè sint æqualia in pondere, & longitudine, incumbat ramen plano non horizontali; imposita pondera æqualia non constituent æquilibrium, sed videbitur præponderare lanx quæ incumbet parti depressiori plani. Extentis enim funiculis æqualibus libræ, jugum est parallelum plano cui incumbunt pondera; & linea directionis, quæ secundum aginæ seu jugi longitudinem cadit ad horizontem perpendicularis, sicut cum subiecto plano, ita cum jugo facit angulos inæquales; trutina autem est ad jugum perpendicularis: cum ergo linea directionis versus partem plani depressiorem, faciat angulum majorem recto, ad illam quoque partem trutinæ inclinatur; igitur sublata librâ in altum, vel manebit in eodè situ non æquilibri, vel ulterius ad eandè partem inclinabitur, prout spartum seu punctum suspensionis habuerit in centro gravitatis iugi, vel infra. Quòd si illud habuerit supra, constituent se in æquilibrio ipsa pondera æqualia.

Ratio

Ratio eadem est quæ antea, & pendet ex dictis supra de triplici specie libræ, & ex Magia Centrobaryca.

IV. Alia fallacia fieri potest ope magnetis, si lances libræ sint ferreæ & infra tabulam cui lances incumbunt, abscondatur magnes magnarum virium, eiq; incumbat lanx cum mercibus: magnes enim vires suas etiam per tabulæ spissitudinem exerens, trahet ad se lancem ferream; unde licet merx fuerit minor quàm pondus oppositum, videbitur tamen illo major, quia lancem suam magis deprimere videbitur, quàm pondus. Si emendæ sint merces, & imponatur lanx cum pondere magneti abscondito, apparebunt merces leviores pondere, etiam si æquales sint, ideoque augendæ erunt ut æquales appareant, & lancem cum pondere elevent.

Alterius libræ fallacis descriptionem ac delineationem vidi Romæ inter Adversaria P. Athanasij Kircheri, missam ex Germania ab insigni Mathematico, adhuc dum hæc scribo, superstitite; sed non recordor benè artificij: hoc solum scio, quòd libra suspendatur infra tabulatum seu tectum alicujus conclavis, & supra tabulatum disponuntur trochleæ, funes verò, ex quibus lances dependent, occultè transeunt per brachia libræ excavata, & per trutinam, pertinguntque usque ad trochleas, quibus implicantur tali pacto, ut licet vacua libra videatur stare perfectè in æquilibrio, imposito tamen uni lancium pondere, alteri æqualis ponderis mercibus, lanx cum pondere minùs deprimatur, quàm lanx cum mercibus, ideoque hæc graviores videantur, ac diminui debeant, ut libra æquilibrium acquirat.

Omnes porrò hæc fraudes, & si quæ sunt aliæ, deteges factâ ponderum in lancibus permutatione: si enim illud quod priùs æquibre erat in dextera lance, adhuc in sinistra lance positum, servet æquilibrium; signum est libram exactam esse: quòd si contingat, ut ex hac lancium permutatione eadem pondera nunc quidem æqualia, nunc verò inæqualia appareant; manifestum est libram esse dolosam & injustam.

Quarid, ope
magne-
tis.

Libra fal-
lax alia.

Librarum
fallacia quo-
modo dete-
gantur.

ANNOTATIO.

EX his patet, non licere brachiorum libræ inæqualitatem quoad longitudinem, compensare funiculorum aut lancium inæqualitate quoad gravitatem, ad procurandum libræ vacuæ æquilibrium. Posset quidem contingere, brachiorum æqualium secundum longitudinem non esse æqualem gravitatem; & tunc posset lancium inæqualitas quoad gravitatem compensare brachiorum gravitatem, ut fieret æquilibrium; sed melius & securius est, si omnia sint æqualia inter se, brachia brachijs, lances lancibus, funiculifuniculis.

Aliter.

Dolus libræ habentis inæqualia quoad longitudinem brachia, ultra modum jam traditum per ponderum permutationem, deprehendi etiam potest circino, mensurando utriusque brachij distantiam à centro motus libræ. Hujus doli, præter Aristotelem, meminit Leurechon, Schvventerus, Rivius, Cardanus, Baldus, Nonantholius, Harstorfferus, Merfennus, & alij multi.

PRAGMATIA IV.

Paucis ponderibus seu sacomatis magna gravitatis corpora ponderare.

Ponderare magna pondera paucis ponderibus.

NOta satis est hæc Pragmatia, & multi Auctores ejus meminerunt, ut P. Leurechon, Schvventerus, Ens, Daniel Mögling I. Parte Mechanicæ post Propositionem 13. Rivij, & alij. Fit hoc, eligendo pondera seu sacomata excedentia se mutuo in proportione dupla, & in proportione tripla; sed compendiosius per hæc, quàm per illa. Vtriusque dabimus exemplum.

Praxis prima.

I. Fiant pauca pondera, excedentia se in tripla proportione, quorum primum sit libræ 1, secundum 3 librarum, tertium 9, quartum 27, quintum 81, sextum 243 &c. poterunt ijs ponderari corpora tot librarum, quot unitatum est summa collecta ex additione numerorum qui dicta pondera exprimunt. Sic tribus ponderibus librarum 1, 3, 9, quorū summa est 13, possum ponderare 13 libras, quatuor ponderibus 1, 3, 9, 27, quorū summa est 40, possum ponderare 40 libras; quinque ponderibus 1, 3, 9, 27, 81, quorū summa est 121, ponderare possum 121 libras; sex ponderibus 1, 3, 9, 27, 81, 243, quorum summa est 364, ponderare possum 364 libras, Eadem ratione ulterius progredi possum, Praxis.

con-

consistit in hoc. Si unam libram mercium volo, impono uni lanci pondus unius libræ, alteri lanci merces, & æquilibrium dat mihi unam libram. Si duas volo libras, impono uni lanci pondus 3. librarum, alteri pondus, libræ, & huic addo merces donec æquilibrium fiat. Tres mercis libras dat pondus 3 librarum; quatuor mercis libras, pondus 3 & 1; pro quinque libris impono uni lanci 9, alteri 3 & 1, & hisce addo merces donec æquilibrium fiat. Sic si volo merces librarum 2 1, impono uni lanci pondera 27 & 3, alteri 9, & huic addo merces donec æquilibrium fiat. Si 20 libras volo, impono uni lanci 27 & 3, alteri 9 & 1, cum mercibus superadditis; & sic de reliquis.

II. Fiant pauca pondera excedentia se mutuò in proportione dupla, sic: 1. 2. 4. 8. 16. 32. 64. &c: poteris horum tribus, quatuor, quinque &c: ponderare tot libras, quot exprimit summa ponderum addita. Sic quatuor ponderibus ponderabis libras 15, quinq; ponderibus libras 31, sex ponderibus libras 63 &c. Praxis non est diversa à præcedente: nam unam & duas libras dabunt pondera 1 & 2 singulatim; tres libras dabunt 1 & 2 simul; quinque libras pondera 1 & 4 &c.

Secunda
praxis.

ANNOTATIO.

QUod diximus de libris, intelligi debet de uncijs, semiuncijs, seu lotonibus, Pondera in
granis, & quibuscunq; ponderibus que in usu sunt Simon Iacobus Co-
burgensis in Arithmetica sua aliter progreditur in ponderibus adsignandis: dupla pro-
utrum bene, an malè, non vacat nunc examinare. Qui librum non habet, portione se
legat Schvventerum in Delicijis Mathematic. Part. 9. quest. 11. qui etiam excedentia,
notat & benè facilius esse, & magis ad captum vulgi, habere pondera in permissa in
dupla solum proportione se excedentia, quam in tripla, quia in prima praxi
manent omnia pondera in una lance, & facile potest eorum summa iniri; in
secunda verò praxi sepe in utraq; lance collocantur pondera que debent à se
in vicem subtrahi, ideoq; facile in fraudem induci possunt simpliciores & cal-
culandi artis ignari. Merito ergo pondera per triplam proportionem pro-
gredientia sunt in circuitibus prohibita, pondera verò per duplam progre-
dientia proportionem permissa.

PRAGMATIA V.

*Vno pondere notæ gravitatis idem quod antea per-
agere.*

*Ponderare
magna one-
ra uno pon-
dere.*

VNO etiam pondere notæ gravitatis, v. g. unâ librâ (& eadem est ratio de uncijs, femiuncijs, & aljs notæ gravitatis ponderibus minoribus aut majoribus) mensurare possumus quotlibet libras, etiam in infinitum excrecentes; v. g. pondere unius libræ ponderare possum integrum cumulum salis, alteriusve rei, extrahendo ex eo quotquot liberit libras. Nam si unam volo libram, pono in una lance pondus, in altera salem, donec æquilibrium fiat; si duas libras, pono in una lance pondus & salem unius libræ, & in altera lance habebō duas libras salis; si tres libras, pono in una lance pondus & duas libras salis; si quatuor libras, pono pondus & tres libras; si quinque libras, pono pondus & quatuor libras salis; & sic in infinitum. Si novem libras alis volo, aut decem; pono in una lance quatuor & quinque libras salis antea inventas, aut quinque & quatuor & unam &c. Res facilis est, nec indiget majori explanatione.

ANNOTATIO.

*Ponderum
pharmacopolarum
usum*

VSum ponderum pharmacopolarum, ubi quatuordecim parvis ponderibus ab uno grano usque ad 23040 grana ponderanda, hoc est, usque ad quatuor libras pharmacopolarum progredi possunt, vide apud Danielem Mögling, 1. Parte Mechanicæ post Proposit. 13. Revij, ubi in tabula proponit dictorum ponderum usum, docetque quæ & quot pondera sola in una lance, quæ & quot in altera cum mercibus sine collocanda, proposito quocunque numero granorum, drachmarum, unciarum, librarum, usque ad libras quatuor.

PRAGMATIA VI.

Quanti ponderis sit percussio pugni, mallei, securis, aut alterius cujuslibet rei, explorare librâ.

PIoannes Leurechon Lotharingus, qui auctor est Recreationum Mathematicarum Gallico Idiome editarum, ut etiam

tiam alibi notavi, Problem: 3, & ex ipso *Daniel Schvönerus* in *Delicijs Mathematicis* Par: 9. quæst: 18. *Gaspar Ens* in *Thaumaturgo Mathematico* Problem: 3, & alij, referunt ex *Iulio Scaligero* *Exercitatione* 331 in *Cardanum*, Mathematicum *Maximiliani Imperatoris* quodam die proposuisse eandem quæstionem, & promississe solutionem. Apud *Scaligerum* loci citi reperio hæc verba. *Memini præceptorem meum Ioannem Lucundum &c. apud Maximilianum Cæsarem multa præclara proficientem. Id inter cætera, quod pondus proportionem haberet pugnus hominis ferientis cum seipso, non feriente comparatus. Sed & hæc, & alia tunc ille demonstrabat, quæ fortunæ servitiâ postea interiêre. Hæc tantum Scaliger in hanc rem.*

Quæstionem solvit *P. Leurechon* his verbis. *Prenez une balance, & laissez poser le poing, le marteau, ou la hache, dessus un plat, ou sur un bras de la balance, & mettez dans l'autre bassin autant de poids, qu'il en faut, pour contrepeser; puis surchargeant toujours le bassin, & frappant dessus l'autre costé: vous prouverez experimenter combien chascun coup pourra faire lever de poids, & conséquemment combien il vaut pesant.* Hæc *Gaspar Ens* paraphrasticè sic interpretatur & explicat. *Primo, in bilanciis cratere uno malleo, aut aliud quidpiam aptum ad impetum efficiendum natum colloca: & hoc facto, lances in fulcro subterposito quiescentes effice. Secundo, sublato malleo, vel alio, cujus impetum vis ponderare de sua lance, certus jam esto alteram lancem, etsi quiescat in fulcro, tanto tamen esse alterâ graviolem, quantum est pondus inibi relictum. Tam malleo sublato, ferio extremum antennæ in ea parte bilanciis, ex qua malleus sublatus fuit. Si impetus mallei efficit ut pondus oppositi crateris subsuliet, gravior est ictus quam pondus oppositum; itaq; ponderi eidem tot pondus tam diu addito, donec ponderum auctorum gravitas mallei vel pugni percipientis (percussioni) adæquetur, hoc est, donec pervenias ad id pondus, quod mallei aut pugni percussorem attollat: atq; sic mallei vel pugni percipientis pondus cognosces.*

Pondus percussoris pugni aut mallet ponderare.

ANNOTATIO.

Hæc methodo invenitur quidem aliquo modo pondus seu momentum percussoris mallei, securis, alteriusve instrumenti, quia explorari prius potest pondus solius instrumenti, & deinde pondus seu momentum percussoris

sionis; at nequaquam invenitur pondus seu momentum pugni, aut brachij percutientis, quia horum pondus separatim non potest haberi. Potest tamen haberi differentia inter pugnum simpliciter deprimentum primum, deinde cum impetu & percussione deprimentem lancem vacuum, cujus lancee opposita onerata est. Potest etiam eadem arte explorari differentia unum duorum aut plurium hominum conantium deprimere lancem vacuum, sive simplici conatu, sive adhibitâ percussione. Dixi, aliquo modo, quia qui percutit, nec semper eodem conatu, nec cum eadem velocitate, nec cum equali elevatione brachij percutit; quæ tamen omnia percussorem ab eodem factam valde variant.

PRAGMATIA VII.

Fumum ex quolibet corpore combusto exhalantem ponderare secundum aliquos.

*Ponderare
fumum.*

PROBLEMA hoc proponit paulò antè citatus *Leurechon Problem: 13.* & ex ipso *Schvventerus lo: cit: quæst: 20.* & *Gaspar Ens loco etiam cit. Problem. 13.* qui distinctiùs illud in hunc modum solvit. *Cognosce rei ante combustionem pondus, tunc ipsam exure, & cineres post combustionem remanentes lance explora, inventumq; in ijs pondus ex totius corporis ante combustionem cognito pondere subducas; residuum erit fumi ponderositas. Verbi gratiâ, facti pondus 500 librarum fuit; cinerum remanentium post ejus combustionem, 50, tum 50 ex 500 subtrahes, & remanebunt 450, qui est numerus librarum, quem sumo adsignabis.*

ANNOTATIO.

Resolvitur.

NON sumi pondus, sed cinerum & rei combustæ differentia quoad gravitatem hæc ratione invenitur. Quis credat fumum ex sano 500 librarum combusto ponderare libras 450? Fumus est quidem corpus, & gravitatem habet; at rarus est, & calidus, & utroq; ex capite levissimus. Sed nunquid tota materia facti, exceptâ illâ quæ sub cinerum forma latet, est sub forma fumi? Ita sanè, sed alias habet dispositiones quàm antea, ideoque aliam gravitatem ac levitatem, quoniam materia ex se nec levis est, nec gravis, sed ratione dispositionum seu accidentium. Aliam præxim ex *Cusano* afferemus infra *Pragmatia 12. in Annotatione.*

PRAGMATIA VIII.

Magnetis vim attractivam ad libram expendere.

Multi modum ad id faciendum præscribunt, at primus omnium quod sciam (post Nicolaum Casanum, quem postea citabo) Ioannes Baptista Porta lib. 7. Magiæ Natural. cap. 19. his verbis. *Magnetis frustum in lancem ponimus, in alteram tantundem ponderis alterius rei, ut æquè pendeant lances: mox ferrum supra tabulam jacens accommodamus, ut magneti in lance appposito hæreat, & secundum eorum omnia puncta ut perfectissimè cohercant. In alteram lancem arenam paulatim injicias, idq; donec lanx à ferro separetur. Sic arenæ pondus expendendo, quæsitam magneticam vim habebimus. Possimus & ferrum in lance affixum accommodare ad magnetem in terra jacentem. Ita Porta & Haritorfferus to: I. Deliciarum Mathemat. par. 9. quæst. 23. Gaspar Ens Problem. 110. & alij.*

Magnetis vim attractivam perdetare.

Idem paulò aliter efficere docet P. Athanasius Kircherus lib. 2. de Magnete Par. 1. ubi de Statica magnetica proposit. 10. his verbis. *Magnetem in lancem alicujus libræ ex ære confectæ disponas, ut polus borealis magnetis foramini in medio lancis relicto exactè respondeat. Deinde ponatur in alteram lancem tantundem ponderis alterius rei, ita ut utraq; lanx stet in æquilibrio perfectè. Quo factò, accipe obelum chalybeum, quem unà extremitate filo alligabis alicui infra lancem tabule, & in altero extremo obelum oppones polo magnetis, ita ut se mutuo tangant. & in hoc tactu nullam vim à filo, cui ferrum alligatum est, patiantur, neq; filum etiam laxum sit, sed extensum sine ulla violentia, quæ omnia te ipsa docebit experientia: si enim plus a quò tensum esset, jam nullum eà extensione attractioni decederet; si verò nimis laxum, jam quoq; majus verò incrementum susciperet vis attractiva: ita igitur ferro alligatum sit filum, ut nec tensum, nec laxum sit, sed medium teneat. His igitur ita constitutis, in alteram lancem paulatim tantum arenæ injicias, donec ea præponderando ferrum magneti adimat. Quo factò, arenam injectam pondera, & pondus arenæ vim attractivam magnetis quæsitam manifestabit. Non intelligo causam, cur obelicaligati una extremitas magneti applicari debeat ita, ut filum nec nimis sit laxum, nec nimis tensum. Imò puto hoc potius impedire accuratam virtutis at-*

Aliter ex P. Kirchero.

tractivam

tractivæ & integram inventionem : Nam quò perfectiùs applicatur ferrum magneti, eò perfectiùs id ad se trahit, & apud se retinere nititur; quò verò imperfectiùs applicatur, eò trahit ac tenet imperfectiùs; atque adeo in primo casu integra virtus reperitur per ponderationem, in secundo verò non nisi inadæquata & imperfecta. Itaque meliùs est, meo iudicio, si magnetis polus, magnete lanci perforatæ imposito, contingat immediatè ferrum validum, & quod à magnete non possit elevari, sed tantùm magnetem ad se allicere, & allectum retinere queat.

ANNOTATIO.

*Aliter ex
Cusano.*

Alter procedi jubet Nicolaus Cusanus Cardinalis in Dialogo de Staticis experimentis, his verbis. Puto quòd virtus magnetis ponderaretur, si posito in libra ferro in una parte, & magnete in alia, usque ad æquilibrium, deinde amoto magnete, tanti ponderis alio gravi in locum ejus posito, magnes supra ferrum teneretur, ita quòd ferrum in bilance eo sursum ad magnetem moveretur; quo moto extra æqualitatem, in alia parte pondus aggravaretur, quò usque ferrum ad æqualitatem rediret, magnete immoto remanente: puto quòd per hoc pondus retrahens virtus magnetis proportionaliter ponderata dici posset. Similiter etiam virtus diamantis venaretur ex hoc, quòd magnetem prohibere dicitur nè ferrum attrahat; & aliarum aliorum lapidum virtutes suo modo, atque etiam ex diversitate magnitudinis corporis, cum in majori corpore sit major virtus. Si bilanx una cum ferro, & altera cum arena v. g. stant in æquilibrio, & posito supra bilancem ferro onustam magnete, bilanx una cum ferro attrahitur sursum; utiq; altera bilanx cum arena descendit. Ut itaq; bilances ad æquilibrium redeant, debet descendere ferro onusta, & à magnete detenta, & altera debet ascendere: in bilancem ergo ferro onustam, & detentam à magnete, debet imponi pondus donec abstrahatur à magnete devinente, & descendens redeat ad æquilibrium cum altera. Utiq; hoc vult dicere Cusanus, alioquin errat. In idem recidit, si magnes applicetur infra lancem ferro onustam (lance prius perforatâ) ut ea attrahatur à magnete & descen-

descendat, altera verò ascendat; & deinde alteri sursum late rancum ponderis, v. g. arenæ injiciatur, donec descendat, & lancem cum ferro à magnete abstrahat: quantum enim erit pondus super additum, tantæ erunt vires magnetis.

CONSECTARIUM I.

Quantò plus trahat polus magnetis borealis, quàm Australis, staticè explorare.

DOcet id Kircherus, & sequitur ex dictis. Si enim poli borealis vi uno aut altero ex prædictis modo exploratâ, verfo magnete exploretur eisdem etiam modis vis poli australis (qui debilior est quàm borealis) differentia inter duas arenas, aliavè pondera, quibus utraque virtus explorata fuit, manifestabit differentiam inter utriusque poli virtutem. Debet autem in hac secunda ponderatione non supponi magneti idem ferrum, quod antea suppositum fuerat; quia cum hoc imbibere virtutem à polo boreali sibi communicatam, non jam trahetur, sed repelletur à polo australi.

Magnetici poli borealis virtutè ab australi discernere pondere.

CONSECTARIUM II.

Quantum magnes vitiatus sit, staticè cognoscere.

Sequitur præterea, quâ ratione deprehendamus, uter de duobus magnetibus mole æqualibus majorem habeat vim attractivam; & si ex eadem vena sunt eruti, uter sit vitiatus, seu ratione heterogenæ materiæ admistæ, seu alio ex capite. Et licet hoc etiam sciri possit sine prædicto statico artificio, per solam applicationem ad ferrum æqualis molis attrahendum; non tamen potest sciri, quantum unus præ altero sit vitiatus, nisi per explorationem staticam virtutis utriusque.

Magnetis vitium potest discernere exploratione.

CONSECTARIUM III.

Magnes armatus quantò plus trahet eodem inermem;
explorari, & lancè.

Magnes ar-
matus quã
ed p'us tra-
hat, ponde-
re explora-
re.

CONSTAT ex Magneticis, & dicemus in quarta Parte hujus Operis in Magia Magnetica, magnetem ferro aut chalybe armatum, majores habere vires attractivas, quàm inermem. Quantò ergo majores sint vires illius, quàm hujus, uno ex prædictis modis explorari potest: Nam differentia ponderum qui utriusque virtutem indicant, dabunt etiam differentiam virtutum.

PRAGMATIA IX.

Librâ sphygmicâ celeritatem & tarditatem pulsuum
absq; errore explorare.

Librâ sphy-
gmicâ.

SANCTORIUS, Celebris Medicus Parisiensis, in Medicina sua Statica describit instrumentum quoddam, quod ab effectu sphygmico seu sphygmatico appellat, quo certò & infallibiliter pulsuum celeritas & tarditas deprehendi potest, & colligi num naturalis sit, & sanitatis index, nec nè; & num, ac quantum in eodem homine, seu sano, seu ægrotò, diversis temporibus varietur. Idem Instrumentum describit, ejusque usum explicat, atq; demonstrat mathematicè, doctissimus vir *Marcus Marci*, Medicus Pragensis in Bohemia, libro quem de proportionibus motus, seu Regulam sphygmicam intitulat, Proposit: 41. his verbis. *Regula hæc nullo apparatu, sed hæc arte simplici confit, si ve ex ligno, si ve ex qualibet alia materia. Hujus longitudo AB unus cubiti, aut ad placitum; quò enim major, eò plures differenties tarditatis indicabit: nam ad velocitatem summam indicandam quælibet magnitudo sufficit. Latitudo verò, quæ chordam seu filum capiat cum numerorum notis eidem adscriptis. Filum porrò eo modo, quo sidi bus aptatur, parte superiore trochleâ versatili convolutum, parte vero inferiore foramine transmissum, globulum habens dependentem, qui eidem rectitudinem præstat & pondus. Tota longitudo regulæ, quæ continetur inter foramen & trochleam, æqualiter secetur in partes quotlibet, v. g. sexaginta, aut centum, quæ*
trochleâ

Fine con-
structio.

Vide Fig.
 I Iconis.
 XV.

Trochleâ laxatâ nodulus Q, globulo interea descendente, percurrit, suoque contactu quot ejusmodi segmenta contineat longitudo ejusdem fili cum suo globulo à foramine penduli, ostendit. Cùm ergo per dictum instrumentum pulsus celeritatem indagare volas, Trochleam versando filum eò usq; laxa, dum globulus in E v. g. aut in G descendat: quem ex G, in quo naturaliter à motu quiescit, in I, vel O dimotum inde recurrere sinas: interea, dum globulus per arcum CD ultra citraq; G excurrit, pluresq; recursus facit; agitationem quidem arterie manu, motum verò perpendiculi visu explora, atque unum alteri compara. Quòd si tardior arterie motus; perpendiculum Trochleâ laxatâ producas, si celerior, contrahas. Equato demum utriusque motu, quam sit celeritatis ratio, ex numerorum divisione, quem nodulus cum filo depressus indicabit, facile cognosces. Quin & quamlibet mutationem ad singula momenta ex collatione ad hujusmodi numeros facta consicies. Vbi ergo mensuram pulsus quam maximè naturalis hâc viâ deprehendes, divisionis intervallum, quod nodulus indicabit, diligenter nota; ad cujus motum reliquos pulsus comparando, illorum excessus & defectus facile obtinebis. Ostendit deinde mathematicè, ex antea demonstratis à se, hujusmodi Regulam metiri celeritatem & tarditatem pulsuum absq; errore. Demonstrationem lege apud ipsum, quæ clara est, posito quòd ejusdem perpendiculi cursus ac recursus omnes, etiam inæquales quoad spatium, sunt æquidistanti, seu æquales quoad durationem. Qua de re alibi.

Ejus usum

ANNOTATIO I.

Vir doctissimus Nicolaus Cusanus Cardinalis, in eruditissimo Dialogo de staticis experimentis, diu ante præfatos Auctores, alium modum præscripsit, ex pondere pulsuum sanguinis, urinae, respirationis, de status sanorum & ægrotantium dijudicandi. Nonne putas, inquit, liquam ex stricto foramine clepsydre fluere in pelvim permitteres, quòdusque sani adolescentis pulsuum centies sentires, & similiter ageres in adolescente infirmo, inter aquas illas ponderis cadere differentias? Quis dubitat? ex pondere igitur aquarum ad diversitatem pulsuum in juvene, sene, sano & infirmo perveniretur, & ita morbi veriore[m] notitiam, cum aliud pondus in una infirmitate, aliud in alia, necessariò eveniret. Vnde

Pulsuum prædicare.

perfectius fieret indicium ex experientiali pulsum tali differentia & pondere urinæ, quàm tactu venæ, & colore urinæ tantum. Adhuc si spiritum seu anhelitum per inspirationem & expirationem jam dictâ ponderum aquæ habitudine attingeret, nonnè adhuc præcisius indicium faceret? fateor certè. Si enim fluente aquâ ex clepsydra centum numeraret expirationes in puero, & similiter in sene; non est possibile, aquas ejusdem ponderis evenire. Sic dico in alijs diversis ætatibus & complexionibus. Vnde quando Medico constaret pondus expirationis sani, aut pueri, aut adolescentis, & similiter ægrorantis variâ infirmitate; indubiè tali experimento ad notitiam sanitatis & casus ab ipsa, atque ad dosim remediorum certius perveniret. Imò etiam ad conjecturas periodi. Si enim reperiret in sano adolescente pondus senis & decrepiti, conijceret illum certius moriturum, & tales faceret admirabiles conjecturas. Adhuc si in febribus per similem modum paroxifimos calidos & frigidos, per ponderum aquæ differentiam annotaret; nonnè morbi efficaciam, ac remedii opportunitatem veriùs attingere posset? Indubiè posset: experiretur enim victoriam unius qualitatis super aliam, caloris super frigus, aut è converso, & secundùm repertam habitudinem medelas applicaret. *Hæc, & multa alia Cusanus; quæ tamen omnia faciliùs & rectius per dictum sphymicum Instrumentum deprehendi possunt.*

ANNOTATIO II.

Anhelitum
ponderare.

AD praxin, anhelitum per pondera deprehendendi, præscriptam à Cusano quod attinet, non est illa contemnenda. Aliam, sed meo iudicio prorsus ineptam præscribit Sanctorius citato suo libro. Iubet enim accipi speculum, & ponderari; ac deinde ante os & nares teneri, ad halitum excipiendum; demum colligi guttas aquæ speculo post halitum exceptum adhaerentes, & similiter ponderari, uti & denuò speculum, cui adhuc aliquid de halitu adhaeret. Sed quid post hæc omnia seditulus Staticus sciet? quantum ponderet speculum, & quantum gutta ex aëre pariter exspirato, partim ab exspirato ad speculum propulso; ac halitu autem nihil. Deinde quando

Do instituenda est hæc operatio? hyeme, an æstate & in hypocausto calido, an extra? Equè ridicula sunt quæ docet idem Auctor de modo ponderandi quantitatem evaporationis e corpore humano.

PRAGMATIA X.

Aëris gravitatem librâ aut staterâ expendere.

Aërem esse simpliciter gravem, & tantum secundum quid levem, scilicet respectu corporis levioris supra se, sive id æthera appellare lubet, sive putatum ignem, sive materiam cælestem; vix est jam qui dubitet, propter varias & frequentes experientias accuratissimè in hunc finem factas, ut aëris gravitas deprehenderetur. Quod adeo verum est, ut *P. Franciscus Mendoza* in Viridario suo Problema proponere audeat, num navigari in aëre queat; quod sequenti libro solvemus. Varij porrò sunt modj, pondus aëris librâ, aut staterâ, aut alijs ponderatorijs Instrumentis explorandi. Aliquos reculimus in *Mechanica* nostra *Hydraulico pneumatica Parte I. Prothoria 4. Cap. 6. Proposit. I. Nempe I.* si vesica bovina prius flaccida, deinde bene inflata, ponderetur librâ, *P. Ioannes Baptista Ricciolus* reperit differentiam duorum granorum inter eandem vesicam flaccidam & inflatam. *II.* Si ponderetur *Æolopila* primùm aëre in statu suo naturali plena, & deinde calefacta & aëre rarissimo plena, *Marinus Mersennus* reperit inter utramque *Æolopilam* quatuor granorum differentiam. *III.* Si *Sclopeta* pneumatica, aliaque similia Instrumenta, primùm aëre non constipato, deinde constipato plena ponderentur, utique similis differentia inter utraque reperietur. *IV.* *Galilæus Galilæi* usurpavit hunc modum in examinanda aëris gravitate. *Accipi, inquit, lagenam vitream satis amplam, cui os obduravi diligenter, præterquam quod inserui digitale coriaceum, cui juncta erat strictissimè utriusque foris animula; quæ deinde, instrumento ad id apto maximam aëris quantitatem intrusi; & quia facile condensatur, due aut tres aëris lagene intrudentur, præter eum aërem, quo primùm*

Aër gravis est.

Aërem ponderare varijs modis.

plena erat. V. Ioannes Chrysoſtomus Magnenus in Democri-
to ſuo hanc præſcribit artem. *Præparetur lagena vitrea cum ani-
mula uris, & violenter intrudatur aqua abſque aëris exitu, qui, ut irru-
ent: aquæ locum det, neceſſario debet comprimi; & ſanè poterit etiam plus
quàm dimidium aquæ inſuſſari in lagenam. Quòd autem maior ſit aëris
quantitas, quàm ut librè medium lagenæ occupet probatur, quia ſi ex ætè
ponderetur cum arenæ granulis, levior erit, cum locus datus eſt aëri, quàm
dum compreſſus erat ille aër. Eadem experientia fieri poteſt fon-
te illo Hydraulicò-pneumatico, quem deſcribimus loco ci-
tato parte 2. Claſſe I. cap. 2 Machina 8. & in Annotationibus
ad eandem Machinam. VI. Alium modum ponderandi
aërem vide apud Harſtorfferum to. I. Deliciarum Mathemat.
Par: 9. quæſt. 14.*

Sed omnibus hiſce praxibus aëris gravitatem pondere de-
prehendendi, nulla eſt certior, & luculentior, adde etiam &
ingenioſior, quàm illa quam fuſè deſcripſimus in fine Mecha-
nicæ noſtræ citatæ in Experimento novo Magdeburgico, ex-
cogitata à Viro Ampliſſimo Ottone Gericke, Magdeburgen-
ſis Urbis Conſule, & fautore meo ſingulari. In alijs enim
omnibus ponderatur aër non in ſuo ſtatu naturali, ſed vio-
lento conſtitutus, nimirum aut vehementer compreſſus, aut
vehementer rarefactus; in hoc verò aër in ſtatu ſuo naturali
conſtitutus ad libram examinatur. Lege quæ ibi diximus.

PRAGMATIA XI.

Aliter aërem ponderare, ex Cuſano.

*Aërem ali-
ter ponde-
rare.*

Nicolaus Cuſanus in citato paulò antè Dialogo, de Staticis
Experimentis, ait: *Si quis in libra magna, parte unâ appende-
ret multam lanam, & ſiccam, atque adunatam, & aliâ parte lapides neque
ad æquilibrium in loco & aëre temperato; experiretur aëre ad humiditatem
declinante pondus lanæ crefcere, & aëre ad ſiccitatem tendente decreſce-
re. Vnde hic tali differentiâ aërem ponderaret atque veriſimiles conje-
cturas de temporum mutatione faceret. Alias præces paulò poſt ſub-
jungens, ait: Nonne ſi quis ex alta turri lapidem cadere ſueneret, ſueneret*

ex stricto foramine aqua in pelvum, aquam interim effluxam ponderando; & similiter ligno aequalis magnitudinis cadente idem fecerit; ex diversitate ponderum aquae ignis & lapidis, posset ad aeris pondus devenire? Respondet: Si quis in diversis aequalibus turribus & diversis temporibus hoc faceret, posset tandem ad conjecturam pertingere. Citius tamen ad aeris pondus pertingeret per figurarum varietatem in aequalitate gravitatis, ut si libram plumbei in figura sphaerica de turri cadere sinerem, aquam ex clepsidra colligendo, & deinde libram similis plusibi in figura lata emitterem, similiter aquam colligendo, ex diversitate ponderum aquarum pondus aeris attingeretur. Exprimatur enim, aves extensis alis fixius manere, quia plus de aere occupant, sicut & in aqua citius descendit grave compactum in sphaeram, quam in quadratum extensum.

ANNOTATIO.

TRES praxes praescribit his verbis Cusanus. Primam deprehenditur quidem aerem nunc graviores, nunc leviores esse, ac nescitur quantum certa ac determinata aeris quantitas seu moles ponderet. Idem iudicium esto de secunda praxi, quam immediate quidem diversis temporibus venit in cognitionem majoris aut minoris densitatis ac levitatis aeris, mediate vero in cognitionem majoris aut minoris ponderis, quoniam aer densior plus, rarior minus ponderat: ac non scitur quantum tanta aut tanta aeris moles gravitatem habeat.

Ex tertia praxi, quomodo aeris pondus colligatur, non video. Verum tamen est, Cusanum his praxibus suis nihil aliud velle, nisi diversorum locorum aut temporum aeris pondus, & consequenter densitatem aut raritatem deprehendere per ponderationem.

PRAGMATIA XII.

Adhuc aliter aerem ponderare, ex Cusano.

PERGIT Cusanus loco cit: & sequentem aeris ponderandi praxin assignat. Et forte adhuc videtur facilius posse ponderari aerem, ut si implerentur aequales folles aequaliter in diversis temporibus & locis: ex motu enim illorum aequalium follium per aequam altitudinem stillata

Aerem adhuc aliter ponderare.

aqua

aquâ per clepsydram tempore motus, & eâ ponderatâ, ex proportione ponderis aquæ ad aquam variorum locorum aut temporum, id agnosci posset facile: secundum enim proportionem excessus ponderosioris aquæ, esset excessus levitatis aëris illius follis super aëris aquæ minus ponderantis levitatem. Imò ponderatâ clepsydram, in venioque pondere ejus unius libræ, quæ aëre plena, obdurato cerâ superiore foramine, in fundo aquæ sit detenta, si pondus libræ præcisè superpositum clepsydram in fundo detinet, præcisè aër clausus bilibralis est levitatis. Sic potes scire aëris ad aërem, in diversis locis, temporibus, & regionibus, satis propinque levitacum proportionem.

Quod hîc ultimo loco dicit Cusanus, si pondus libræ præcisè superpositum clepsydram in fundo detinet, præcisè aërem clausum bilibralis esse levitatis, omnino falsum est: solum enim colligitur, juxta dicenda libro sequente de Magia Hydro-statica, totum compositum ex clepsydram aëre plena, & pondere librili superposito, gravius esse, quàm aqua æqualis molis,

ANNOTATIO I.

Fumum ponderare.

Fumum
ponderare.

Simili ingenio putat Cusanus ponderari posse fumum per follem, si nimisrum in iura fumum compresso folle aërem expellamus, & aperiendo follem in fumo repleamus, & ex eadem altitudine demittamus follem cum fumo, & follem cum aëre, & interim permittamus fluere clepsydram, ac deinde aquam utriusque casu separatim durante ponderemus.

ANNOTATIO II.

Ignem ponderare.

Ignem
ponderare.

Posses & ex motu fumi, pergit Cusanus, stillatis aqueis clepsydram guttis, ex motu ignis sursum, stillatis itidem aquæ clepsydram guttis, levitatem ignis super fumum & aërem conjecrare. Quæ ideo hîc adduco, ut curioso Lectori occasionem dem meliores praxes

praxes ad similia faciendâ excogitandi. Hoc tamen univèrsaliter notandum, instrumentum sphygmicum, quod supra ex Marco Marci descripsimus, & accuratè etiam describitur à P. Ioanne Baptista Ricciolo in Almagesto suo Novo, & ab alijs multis, qui perpendiculum aut pendulum illud appellant, longè aptius esse ad similes experientias faciendas, quàm clepsydram aquaticam, aut arenariam. Res experientiâ constat. Multa alia experimenta statica adducit Cusanus citato supra à Dialogo, quæ vide apud ipsum.

PRAGMATIA XIII.

Sine statico Instrumento deprehendere, quot salis uncias aut semiuncias contineat quævis aqua salsa.

PRaxin docet Daniel Schvwennerus in Delicijs Mathematicis Par: 9. quæst. 30. Ex ligno duro & ponderoso fiat bacillus teres mediocris crassitie, longitudinis verò pedalis aut bipedalis circiter, sitque versus unam extremitatem crassior quàm versus alteram. Fundo seu basi partis crassioris nonnihil excavatæ infundatur parum plumbi, ut dum aquæ immittitur bacillus, perpendiculariter erectus hæreat, & non procumbat in latus. Accipitur deinde vas aquâ plenum, eique injicitur salis semiuncia; & dum liquefactus omnino est sal, & toti aquæ perfectè commixtus; bacillus erectus immittitur intra aquam, & notatur quousque mergatur, & immersionis terminus notatur lineâ per bacilli circuitum factâ, & adscribitur numerus 1. Injicitur deinde eidem aquæ alia salis semiuncia, & dum perfectè ut antea liquefactus est sal, immittitur iterum bacillus perpendiculariter erectus. Et quia aqua jam gravior est quàm antea, minùs profundè quàm antea subsidit bacillus. Notatur igitur circulari lineâ, ut antea, terminus immersionis, & adscribitur numerus 2. Eodem modo successivè injicitur intra eandem aquam tertia, quarta, quinta, & quotquot libuerit semiuncie salis, bacillusque immer-

Salis quantitatem in aquis salis reperire.

giture, & lineis ac numeris notatur ut antea. Et quia aqua ex majori salis copia injecta semper fit gravior, semper minus & minus descendit bacillus. Oblatâ jam quâcunque aquâ falsâ, si experiri lubet quot salis uncias aut semiuncias contineat, immittitur bacillus præparatus perpendiculariter erectus; qui descensu suo usque ad certum circulum, & numerum adscriptum, momento temporis indicat quantum sit falsa aqua. Eodem ergo instrumeto deprehendi potest, quæ aqua magis, quæ minus sit falsa. Accuratorem descriptionem ex Cæbeo dabo libro sequenti de Hydro- statica Magia, ad quam propriè spectat.

PRAGMATIA XIV.

Ponderatione eligere arcam auro refertam, relictâ eâque plumbo, vel alio metallo plena est, tamen si utraq; ejusdem sit formæ, magnitudinû, ac ponderis.

PIoannes Leurechon, de quo supra Pragm: VI. Libro ibi citato Problem: 44. & ex ipso Daniel Schronnerus in Delicijs Mathemat. Par: 9. quæst: 22. & Gaspar Ens in Thaumaturgo Mathem. Problem. 47. solvere nituntur Problema. At quoniam Ens vertit illud ex Gallico solum paraphrasticè, & non omnino ad mentem Auctoris; placet ipsa Gallica verba adducere, & de verbo ad verbum interpretari, ut Lector sincerius judicium de mente Auctoris formare queat. Omissis itaque præambulis, hæc habet Leurechon.

L'experience, & la raison nous montre, que deux corps metalliques de la mesme forme, & egale pesanteur, ne sont pas d'egale grandeur; & que l'or, estant le plus pesant de tous les metaux, occupe moins de place; d'où il s'ensuyt, que mesme pesanteur de plomb occupera plus de lieu. Soit donc que en presence deux globes, ou coffres de bois, ou autre maniere semblable, & egaux, dans l'un desquels, & au milieu y ait un autre globe, ou corps de plomb, pesant 12 livres (comme C.) & au milieu de l'autre un globe, ou

semblable corps d'or, pesant 12 liuras (comme B,) le tout fait en sorte, que la boîte, & la contenu d'un costé, soit égal, & de mesme pesanteur à la boîte, & contenu de l'autre. Pour sçavoir auquel des deux est l'or, prenez un instrument en forme de compas crochu, & pincez avec les pointes d'iceluy vne partie du coffre, comme vous voyez en D: puis fichez dans le mesme coffre, au milieu des deux pointes du compas, vne aiguille, ou autre chose semblable de certaine grandeur, come E K; au bout de laquelle mettez un poids G, tellement, qu'il soit en equilibrium, & qu'il contre-balance, en forme de pexon, le premier coffre suspendu en l'air sur les pointes du compas. Faites tout le mesme en l'autre coffre. Or tandis que le compas ne comprendra rien des metaux enfermez, vous verrez, qu'il ne se trouuera aucune difference entre les distances du poids, suspendu à l'aiguille de chascun coffre. Mais aduanceant le compas, & prenant plus auant avec les pointes, il se pourra faire, que vous compreniez aussi partie du metal enfermé, ou bien les pointes seront justement sur l'extremité de l'or, comme pour exemple en D; & posons que le poids G soit en equilibrium avec tout le reste: il est certain qu'en l'autre coffre, où sera le plomb, les pointes estant de mesmes ouuerture, & autant aduancées, como au point F; comprendront vne partie du plomb, à cause qu'il occupe plus grande place quel'or, & celle partie de plomb entre F & N, aydera au poids H, & diminuera de l'autre costé C; qui sera cause, que pour rendre H en equilibrium avec C, la distance NI ne sera si grande que E K, parce qu'en ces deux balances, le poids B, qui est tout l'or, est plus pesant d'un costé du centre, & des pointes qui supportent la balance, que le poids C, qui n'est qu'une partie du plomb. Partant il faudra que le contre-poids G soit plus reculé d'autre costé, que le contre-poids H. Et par cette pradicque nous concludrons, que là, où sera la plus petite distance entre le contre-poids & le coffre, là dedans sera le plomb, & en l'autre l'or.

Hæc ad verbum verè ita verito, interserendo nonnulla explicationis gratiâ diverso caractere. *Experientia, & ratio ostendit nobis, quod duo corpora metallica ejusdem formæ, & æqualis ponderis, non sint æqualis magnitudinis; & quod aurum, utpote gravissimum omnium metallorum, occupet minus loci, unde sequitur quod æquale pondus plumbi plus loci occupet. Offerantur ergo duo globi concavi, aut cistæ ex ligno, aut alterius similis materiæ, & inter se æquales, intra quarum unam, & quidem in medio, sit alius globus, aut corpus plumbeum librarum 12. (velut C;) & in medio alterius sit globus aut simile priori corpus aurum librarum etiam 12. (velut B) omniaque sint ita facta, ut cistæ, &*

Vide Fig.
II. Icon.
nis. XW.

contentum intra cistam, sint ab uno latere equalia, & ejusdem ponderis cum cista & contento alterius, hoc est, ut cistæ cum eo quod intus est medietas anterior, superior, dextera, sit æqualis medietati posteriori, inferiori, sinistra. Verbo, centrum, gravitatis totius compositi ex cistis & globis inclusis, sit in medio cistarum. Ad cognoscendum igitur, intra quam duarum sit aurum, accipe Instrumentum formatum ad instar circini introrsum incurvati (tastatorem vulgò appellant) & punctis ejus extremis arripe partem cistæ, prout vides in T. Deinde insige eidem cistæ, medio loco inter bina circini puncta, acum, aliudvè simile quid certæ ac determinatæ magnitudinis, ut EK, cujus extremitati appende pondus G, ita ut sit in æquilibrio, & æquiponderet, ad instar libræ, priori cistæ suspensæ liberè in aëre punctis circini. Idem prorsus efficies circa alteram cistam. Iam quamdiu circinus nihil metalli inclusi comprehendit, videbis nullam inveniri differentiam inter distantias ponderis suspensi ex acu utriusque cistæ, quia utrumque pendet ab extremis punctis acuum aut styliorum EK & NI, & neutrum facit æquilibrio cum cista sua. At promovendo circinum magis versus puncta B & C, & apprehendendo cistas ulterius & magis versus medium earum cum circini punctis; poterit contingere ut comprehendas etiam partem metalli inclusi, aut ut puncta circini sint exactissimè supra extremitatem auri, ut v. g. in D, & ponamus quòd tunc pondus G sit in æquilibrio cum reliquo cistæ & auri inclusi; certum est, quòd in altera cistæ, ubi erit plumbum, puncta circini æqualiter aperta, & tantundem promota versus cistæ medium, ut v. g. ad punctum F, comprehendenti partem plumbi, eò quòd hoc occupet majorem locum quàm aurum; & hæc pars plumbi inter F & N, comprehensi, augebit pondus H, addendo ipsi majus momentum, & diminuet alterius lateris C ponderitatem; quòd causa erit, ut ad constituendum H pondus in æquilibrio cum C parte cistæ & metalli inclusi, distantia NI non sit tanta, quanta est distantia EK. Ideo in his duabus bilancibus, seu ponderationibus, pars seu pondus B, quòd totum est aurum, gravius est à parte centri, & punctorum quæ sustinent bilancem (quia intra illam partem B, à punctis suspensionis ad finem cistæ, reperitur centrum gravitatis auri) quàm pars seu pondus C, quòd non est nisi una pars plumbi: propterea necesse erit ut facom. a seu contra pondus G sit magis remotum ab altero latere cistæ, quàm facom. a seu contra.

contra pondus H. Et per hanc praxin concludimus, quod ibi seu in illa cista, ubi erit minor distantia inter sacoma & cistam, sit plumbum, & in altera aurum.

ANNOTATIONES.

Cista circino introrsum incurvato suspensa, debent haerere liberi, ut sacomata G & H ex acubus seu stylis suspensa, possint efficere cum reliquo pondere aequilibrium: punctis itaque circim ab utroque cistarum latero respondere debent cavitates quaedam, intra quas huc atque illuc discurrere possint dicta puncta, donec desideratum aequilibrium inveniantur.

Melius, meo iudicio, & facilius esset, si statim à principio cistis inclinatis metalla minus latentia ad unum latius devolverentur, ubi B & C v. g. & oppositius lateribus infingerentur stylis E K, & N I, appensoque pondere ab extremitate K pondere G, circino apprehenderetur & elevaretur cista, tam diuque huc atque illuc versus alteruterum latius promoveretur, donec haberetur aequilibrium ponderis G cum cista; & deinde in aequali distantia inter duo latera alterius cistae applicaretur iterum circinus, & pondus H è stylo N I dependens tam diu huc atque illuc moveretur, donec similiter reperiretur aequilibrium. Tunc enim certum esset, aurum esse in illa cista, à qua magis remotum esset pondus in suo stylo.

Aliter & facilius idem facere.

Ratio explicatae hactenus Pragmaticae est, quia compositum ex cista, metallo incluso, stylo infixo, & appenso pondere, non potest haerere aequilibrium à circino (posito quod circa curva circini crura tanquam circa cardines hinc & inde infixos moveri liberè possit) nisi puncta suspensionis in utroque latero inventa, & centrum gravitatis totius compositi, sint in eadem linea directionis tendente ad centrum mundi, ita ut si secundum illam lineam secaretur totum illud compositum, secaretur per centrum gravitatis ipsius. Quoniam igitur circinus in utraque cista dividit totum illud compositum in duas medietates aequaliter graves, & medietas illa, in qua pondus G è stylo E K appensum, est magis remotum à centro gravitatis, habet majus momentum ratione situs, quam medietas in qua pondus H è stylo N I appensum, est minus remotum; sequitur etiam alteram medietatem versus B habere majus momentum ratione gravitatis, quam medietas versus C; ac proinde cum cistarum medietates aequaliter ponderent, ut supponitur, inferitur necessario majus pondus metalli esse intra medietatem B, quam

Ratio dictae operationis

Vide Fig. II. Iconiis. XV.

intra medietatem C, atque adeo in medietate B vel esse totum metallum, & in medietate C solum partem; vel in medietate B esse majorem partem quam in medietate C. Si ergo in medietate B est plus metalli quam in medietate C, minus spatium occupat seu replet illud in tota cista, quam hoc; aurum ergo illud est, hoc plumbum.

Schrvenerus in sua interpretatione ostendit se intellexisse Problema propositum, Gaspar Ens in sua paraphrastica interpretatione id non ostendit, meo saltem iudicio.

PRAGMATIA XV.

Vide Fig.
III. Iconis
XV.

Duorum globorum ponderis equalis, & metalli diversi (ut cupri & auri) positorum in oblonga pixide BG, ex puncto E suspensa, & per pondus H in equilibrio constituta, uter ex amini D E propior sit, statim explorare.

*Alia similis
Pragmatia.*

Problema hoc proponit idem P. Leurechon, & ex ipso Gaspar Ens, & bene; ideoque hujus solum verba latina affero. Sic ergo cum Leurechon solvit quaestionem Ens. Duo isti globi in pyxide conclusi, ad eam solummodo pixidis partem volvendi sunt, in qua pondus H appensum est, & ponans ad aliam partem, ubi prius erant globi, transferendum; eruntque globi in K, & pondus in N. Tunc si aureus globus, qui minor est, prius ex amini D E propior fuit, loco mutato longius distabit, ut videre est: atque propterea centrum gravitatis utriusque globi simul sumpti, magis a dicto examine, quam prius elongabitur. Examine ergo semper medium tenente, pondus N augendum foret si equilibrium conservandum. Vnde colligitur, si in hac mutatione locorum pondus levius est, aureum globum, nunc ab examine longius distare, priusque ad examen propius accessisse. Si vero per mutationem locorum pondus fieret gravius, contrarium evenire judicandum est.

ANNOTATIO I

Hæc praxis, in rigore Mathematico vera est, quia verum est quod mutato loco globorum & æquipondij, & manente eodem examine D E,

mutetur æquilibrium ideo, quia centrum gravitatis compositi ex duobus globis tantum, est nunc propius examini, nunc remotius ab illo. Quia igitur in presenti casu pixis cum examine habet rationem libræ equalium brachiorum, ut supponitur, & ex una parte globi semel hinc, semel inde è brachijs suspensi (vel, quod perinde est, brachijs impositi) gravitant præcipue supra gravitatis suæ centrum, & secundum lineam è centro illo ad centrum terræ ductam tendunt deorsum, per Postulatum 14. cap: 3. Syntagm: I. Lib: 2. præcedentis; ex alterâ verò parte eò magis gravitat idem grave, quò magis centrum gravitatis ipsius remotum est ab ansa libræ; sequitur Propositionum.

ANNOTATIO II.

Questio hæc, ejusq; solutio, visa est obscura Schœvntero, ideoq; ipse alium excogitat casum, ac resolvit bene, ut sequitur.

PRAGMATIA XVI.

Si duo globi, equalis ponderis, sed diversa molis, ut ex auro unus, alter ex cupro, intra duas similes & omnino quoad magnitudinem & gravitatem æquales cistulas absconditi essent, staticè explorare in quâ aureus globus lateat.

Pixides sint ABCD, & LHIG, in quarum prima sit globus cupreus P major, in secunda aureus S minor, quoad molem. Quærat in utraque punctum medium E & M; infingantur clavi aut annuli, & suspendantur funiculis EF, & MQ; promoveantur globi ad latera BC, & NI: quæ quia deorsum propendebant propter globorum pondus, suspendantur ex alteris lateribus pondera L & K, donec cistulæ in æquilibrio sint, & bases DC, & GI, habeant horizonti parallelas. Dico, in illa cistula esse globum aureum, ex qua pendet majus pondus æquilibrium causans, ut si pondus K majus est quàm pondus L, erit globus aureus in cistula LI. Ratio eadem est quæ antea.

Vide Fig:
IV. Icon:
nismi XV.

Nam

Nam quia globus cupreus P major est quàm globus aureus S; erit centrum gravitatis globi cuprei P propius ansæ EF, nempe in linea PN; centrum verò gravitatis globi aurei S remotius erit ab ansâ MQ, nempe in linea SO: majus ergo momentum habet aureus globus quàm cupreus, propter majorem ab ansâ distantiam illius quàm hujus. Quoniam igitur pondus K majus est pondere L; erit etiam globus prope HI gravior globo prope BC; non ratione gravitatis absolutæ, secundùm quam æquales esse ponuntur; sed ratione situs, hoc est, ratione distantia à linea suspensionis seu ab ansâ. Tantum de Statica Magia, Nunc ad Hydrostaticam.



LIBER QVINTVS. DE MAGIA HYDRO- STATICA,

Sive

De mirabilibus phænomenis atquè affe-
ctibus eorum, quæ librantur, vehuntur, mer-
guntur in aquis.

PROOEMIUM.

A *R* tam liquida librandi, quàm so-
lida in liquido ponderandi, commu-
ni nomine Hydrostatica appellatur,
Speciem loco generis sumendo, Et a-
que vocabulo quævis intelligendo li-
quida. Partes habet præcipuè duas; quarum unam,
quæ de gravibus aqua innatantibus agit, Bareoco-
lymbiam; alteram, quæ de iisdem in aqua mersis tra-
ctat, Bareodyssiam vocant earum rerum Scriptores.
Utraquè sua habet elementa seu principia propria,
de quibus ipse etiam tractat Archimedes eo in libro,
qui περιττων δρυμενων, hoc est, de Insidentibus in humido

Hydrosta-
tica Magia
quid sit.

inscribitur, Utraquè innatantium ac mersorum causas, effectus, mensuram, aliaquè phenomena considerat. Nos solum rariora quadam, & qua praxin potius concernunt, quàm theoriam, in medium hoc loco proferemus. Quare merito Hydrostatica Magia titulo librum hunc cohonestamus. Quoniam verò dicendorum mirabilium phenomenorum atquè effectuum causas, ut aliàs semper, explicare, aut insinuare saltem cupimus; pauca ex multis, quæ principiorum vim hac in re habeant, afferemus. Ducem sequemur Archimedem, qui omnibus in hoc stadio palmam præripuit; nec negligemus Magistræ rerum experientiam, quâ sine vel Archimedes ipse frustra invenit cursum.

SYNTAGMA PRIMVM.

De Hydrostaticis Elementis seu Hypothesibus.

Hydrostatica
elementa.

EX multis pauca, ut dixi, afferam, eaque solum, quæ vel naturali lumine sunt nota, vel experientia irrefragabili evidentia, vel ab Archimede, aut à Simone Stevino, egregio Hydrostaticæ Scriptore, sunt

sunt evidenter probata. Vocentur autem Hypotheses. His unam aut alteram Definitionem interferemus.

HYPOTHESIS I.

Omnne humidum habet pondus. Docent hoc ipsimet sensus, etiam loquendo de aëre, cum plus ponderent utres inflati quam flaccidi; plus phialæ densæ, quam raro aëre repletæ; eadem plus ante, quam post extractum ex parte aërem, ut multis experientijs probavimus libro præcedente, & in Mechanica Hydraulico-pneumatica, præsertim ubi explicavimus Experimentum novum Magdeburgicum. Humidi porrò nomine hîc intelligimus, & in toto hoc libro, omne liquidum & permeabile ab alio corpore, etiam argentum vivum, æs, plumbum, & similia.

Hypotheses hydrostaticæ.

Humidum omne pondus habet.

HYPOTHESIS II.

Non omnia humida sunt ejusdem gravitatis. Quod intellige de humidis tam ejusdem, quam diversæ speciei. Est enim aqua gravior vino, vinum gravius oleo: & aqua marina, & quælibet alia falsa, gravior quam dulcis; frigida ejusdem fontis aut fluvij gravior quam calida. Idem judicium esto de alijs. Excessum aut defectum aliquorum liquidorum supra alia, vide apud Ghetaldum in Archimede promotum, & apud alios.

Humida non omnia sunt ejusdem gravitatis.

HYPOTHESIS III.

Solida cum liquidis comparata quoad gravitatem, & ipsa etiam liquida cum alijs liquidis, posita paritate molis, aut sunt æqualis ponderis inter se, aut ponderosiora, aut leviora. Sic unus aquæ cubus palmaris est æqualis ponderis cum alio cubo palmari ejusdem aquæ, unus autem cubus terræ aut lapidis gravior, & unus cubus ligni abiegni levior quam aquæ cubus, uti experientiâ constat.

Corpora specie graviora, & specie leviora quam aqua, quantâ sunt.

DEFINITIO I.

Corpora porrò gravia, sive ejusdem, sive diversæ speciei, quæ magnitudine & ponderitate æquantur, vocabimus specie æquiponderantia; quæ magnitudine æqualibus præponderant, specie graviora;

quæ magnitudine æqualibus pondere cedunt, specie leviora. Stevīnus vocat hæc eadem, materiâ æquiponderantia, materiâ ponderosiora, & materiâ leviora. Iisdem vocabulis nos etiam aliquando utemur. Atquæ hæc vera sunt, sive solida comparerentur cum solidis, sive liquida cum liquidis, sive cum solidis liquida, & vicissim.

DEFINITIO II.

Solidum corpus.

Solidum corpus est, cujus materia non est fluxa. Tale est aurum, argentum, æs, lapis, lignum, & similia. Argentum autem vitrum, & æs ac plumbum liquefactum, liquida sunt.

HYPOTHESIS IV.

Aqua locū in aqua datum servat.

Aqua data datum sibi intra aquam homogeneam locum servat. Demonstrat hoc Stevīnus lib. 4. Staticæ Proposit. I. quia alioquin daretur motus perpetuus: nam sicut ejusdem aquæ homogeneæ pars una expelleretur ab alia aqua circumassistente, sic etiam pars subsequens primæ, & pars subsequens secundæ, & sic in infinitum, cum non sit major ratio cur pars una potius servet locum sibi datum, quàm alia. Quod diximus de aqua, de quovis alio liquido homogeneo intelligi debet. Quod etiam in omnibus sequentibus intelligendum est.

HYPOTHESIS V.

Corpora gravia que mergantur in aqua, & que non.

Quando corpus aliquod solidum ponitur supra aquam, si corpus illud dicitur paritate molis est gravius aqua, mergitur, & ad fundum usque descendit; si est levius, partim mergitur, partim aliquam sui partem eminet; si est æque grave, descendit usque dum suprema ipsius superficies coætuetur cum suprema superficie aquæ. In idem recidit, si dicas, solidum corpus specie seu materiâ levius quàm aqua, non omnino mergi, sed eminere aliquam sui partem; specie verò seu materiâ gravius, ad fundum usque demergi, specie denique seu materiâ æque grave, mergi quidem totum, sed non submergi. Patent hæc experientia, & demonstrantur ab Archimede loco supra cit. proposit. 3, 4 & 7. Idem contingit, si solidum ponatur in alijs liquoribus. Verba Archimedis hæc sunt, Propositio III. *Solidum*

datum

darum magnitudinum quæ æqualem molem habentes æquè graves sunt atque humidum, in humidum consistens demissa, merguntur, ita ut ex humidi superficie nihil extet; non tamen adhuc deorsum ferentur. Propositio V. *Solidarum magnitudinum quæcunquè levior humido fuerit, demissa in humidum manens, non demergitur tota, sed aliqua pars ipsius ex humidi superficie extabit.* Propositio VII. *Solidæ magnitudines humido graviore, demissa in humidum, ferentur deorsum; donec descendant.* Eadem demonstrat Stevinus lo. cit. Proposit. 2. & 3.

HYPOTHESIS VI.

COrpus solidum æquè grave ac aqua molis æqualis, datum in aqua locum servat. Demonstrat Stevinus lo. cit. Proposit. 4. & sequitur ex Hypothesi IV.

HYPOTHESIS VII.

Solidum corpus aquâ levius, in aquam demissum, usque eò mergitur, donec tanta pars sit intra aquam, quanta est moles aquæ æqualem habens gravitatem cum toto corpore. Demonstratur ab Archimede lo. cit. Proposit. 5. qui his verbis eam proponit. *Solidarum magnitudinum quæcunq, levior humido fuerit, demissa in humidum, usq, eò demergetur, ut tanta moles humidi, quanta est partis demersæ, eandem quam tota magnitudo gravitatem habeat.* Idem vult dicere Stevinus lo. cit. Proposit. 5. ubi hanc format Propositionem. *Corpus solidum materie levioris quàm aqua cui innatat, ponderitate æquale est tantæ aque moli, quantiâ sui parte demergitur.* Ex his fit, ut corpore solido sui parte notæ magnitudinis in aquam cognitæ ponderitatis immerso, totius solidi pondus inveniri possit, ut benè deducit ac demonstrat Stevinus lo. cit. Proposit. 6. Exempli gratiâ, si pars navis immersa sit 10000 pedum cubicorum, & pes aquæ cubus sit 70 librarum; si 10000 multiplicentur per 70, habebis libras 700000 pro pondere totius navis cum omnibus in navi contentis, vel illi innixis. Idem dicendum de reliquis ponderibus; & idem de reliquis humidis est intelligendum. Ex iisdem fit, si sumatur aqua æqualis magnitudine cum parte corporis solidi demersâ, aquam illam æquè gravem esse ac totum corpus solidum aquæ ex parte immersum

HYPOTHESIS VIII.

Corpus gra-
ve in aqua
levius est
quam in
aëre.

Corpus solidum in aqua levius est quam in aëre, pondere aquæ magnitudine sibi æqualis. Prima pars patet experientiâ, secundam demonstrat Archimedes lo. cit. Proposit. 7. & Stevinus lo. cit. Proposit. 8. In idem recidit, si dicas, grave intra aquam tanto minus ponderare, quantum ponderat aqua cujus locum occupat. Exempli gratiâ, pes cubicus lapidis alicujus ponderet libras 22, & pes cubicus aquæ cui immerfus est lapis, ponderet libras 20; ponderabit lapis intra aquam duas libras minus, hoc est, viginti libras tantum. Idem intelligendum est de solidis in alijs liquoribus. Hinc sequitur, lapidem illum descendere solum vi ponderis 20. librarum.

HYPOTHESIS IX.

Corpus gra-
ve intra a-
quam de-
mersum,
quantâ ei
feratur sur-
sum.

Corpus solidum aquâ levius, infra aquam vi demersum, fertur sursum tantâ vi, quanto aqua molem habens corpori demerso æqualem, gravior est ipso corpore. Demonstrat Archimedes lo. cit. Proposit. 6. cujus hæc sunt verba. Solidæ magnitudines humido leviores in humidum impulsæ sursum feruntur tantâ vi, quanto humidum molem habens magnitudini æqualem, gravius est ipsâ magnitudine. In idem recidit, si dicas, corpus solidum minus grave intra humidum magis grave vi detentum, si liberum demittatur, ascendere sursum vi ponderis, quo exceditur ab humido magis gravi. Exempli gratiâ, pes cubicus ligni ponderans quinque libras, detineatur vi intra aquam, cujus pes cubicus ponderet viginti libras, & demittatur liber; ascendet vi quindecim librarum quâ gravitas ejus exceditur à gravitate aquæ.

HYPOTHESIS X.

Gravia ho-
mogenea se
habent in
mole ut in
pondere.

Corpora gravia, sive solida, sive liquida, ejusdem rationis seu homogenea, habent se ad invicem in mole, sicut in pondere; & è contrario. Itaque si duo ejusdem ferri v. g. frusta sunt æqualia in mole, sunt etiam æqualia in pondere; & si in pondere sunt æqualia, sunt etiam æqualia in mole. Patet hoc naturali lumine, & demonstratur à Marino Ghetoaldo in Archimede promoti Proposit. 2. & 3.

SYNTAGMA SECVN- DVM.

De Hydrostaticis Phænomenis, ac Pragmatijs.



Hydrostatica praxes hoc præ alijs Mathematicis habent, quòd omnes, aut ferè omnes ingeniosa & stimal & mirabiles sunt, atq; ad varios humana vitæ usus utiles. Optandum propterea vehementer ut magis excoleretur tam fecundus Admirandorum Mathematicorum, seu magis Physico-Mathematicorum ager, præsertim hoc tempore, quo nec Ghetaldi desunt, nec Stevini, nec (ausim dicere) Archimedes. Scio multa olim à viro doctissimo, & verè magno Geometra, P. Gregorio à S. Vincentio ad præsentem materiam pertinentia Praga fuisse conscripta; sed in tot Urbis cladibus ac direptionibus perière omnia. Scio ibidem delitescere adhuc quæ in eandem rem commentatus est insignis Mathematicus. Quæ utinam lucem aliquando viderent; uti & ea quæ alius Romæ typis non ita pridem præparavit.

Hydrostatica Pragmatica.

PRAGMATIA I.

Proposito quocunque corpore solido quod sit gravior aquâ, invenire gravitatem aquæ eidem in magnitudine æqualis.

*S*it propositum quocunque corpus solidum quod sit specie seu materiâ gravior aquâ, hoc est, quod demergatur in aqua,

Pondus cujuscunque aquæ in qua

nive per
corpus a-
quâ gra-
vius.

aqua, cujuscunque sit materia, figura, & magnitudinis; oporteatque invenire quanta sit gravitas aquæ cujuscunque, æqualis magnitudinis cum corpore proposito. Explora bilance (aut statera) exactissimè dati corporis solidi pondus, idque in partibus quantum fieri potest minimis, nempe in unciiis, semi-unciiis, drachmis, granis. (Sufficit autem explorare pondus partis quantumvis parvæ talis corporis solidi, ut infra Pragmatia s. dicitur.) Cognito pondere, suspende ipsum corpus cruce equino ex una lance libræ; in altera verò lance colloca æquale omninò pondus, quod in aëre faciat cum ipso corpore æquilibrium. Corpus ita appensum ex lance, demitte in aquam illam, cujus gravitatem vis inquirere in paritate molis cum corpore solido, & ita tene ipsam suspensum, ut immergatur quidem penitus aquæ, sed fundum non attingat. Procurandum autem est, ut neque lancem cui appensum est corpus, neque aliam in qua sunt pondera, contingat aqua. Hoc corpus ita suspensum in aqua, erit levius in aqua, quàm erat extra aquam, *per Hypothesin VIII.* & quidem tanto erit levius in aqua, quanta est gravitas aquæ magnitudine æqualis ipsi corpori solido, *per eandem Hypothesin VIII.* Explora igitur iterum exactissimè in partibus minutissimis pondus ipsius in aqua, & vide quot partibus sit factum levius, sive quantum sit diminutum ipsius pondus. Dico, istam diminutionem ponderis dare gravitatem aquæ magnitudine æqualis ipsi corpori solido. Cum enim, *per dictam Hypothesin VIII.* corpus aquâ gravius, fiat in aqua tantò levius præcisè, quantum est pondus aquæ magnitudine æqualis corpori demerso; erit in casu posito pondus molis aquæ corpori demerso æqualis tot partium, quòt partibus diminutum est pondus ejusdem corporis in aquam demersi; & quidem præcisè, & æqualitate omninò mathematicâ. Quare si corporis solidi propositi gravitas sit extra aquam ut 24. v. g. intra aquam verò ut 20; erit gravitas aquæ æqualis molis cum corpore solido ut 4.

ANNOTATIO I.

Eadem prorsus ratione explorabis pondus omnium aliorum liquorum, ciam
in omnibus sit par ratio, ut supra diximus.

ANNOTATIO II.

Dixi, corpus esse suspendendum è lance crine equino, quia ferè equa-
lis gravitatis esse dicitur cum aqua, nihilque in ista ponderare. Quod
si corpus ponderandum fuerit ita grave, ut crine simplici sustineri non queat,
appende ipsum pluribus simul junctis; & nè aliquid gravitatis crinium con-
junctio addat corpori ponderando, pone in altera lance totidem aut ferè toti-
dem crines.

Crines è
quini aqua-
lis ponderis
cum aqua.

ANNOTATIO III.

Quod si propositum fuerit aliquod corpus solidum magni ponderis, ita ut
difficiliter possit ponderari in aqua, & tamen nota sit gravitas corpo-
ris, quæ sit v. g. 4000; accipe parvum aliquod corpus ejusdem rationis, cujus
gravitas sit v. g. 10. & quare modo jam dicto gravitatem aquæ magnitu-
dine equalis corpori parvo gravi ut 10, quæ sit v. g. ut 2, & dic per Regu-
lam Auream: ut 10 ad 4000, ita 2 ad aliud: vel, quod idem est, ut 10 ad 2,
ita 4000 ad aliud; & invenies 400. Gravitas igitur aquæ magnitudinem ha-
bentis æqualem corpori solido gravi ut 4000, erit 400. Ratio hujus reifunda-
tur in Hypothesi X. Quid faciendum, quando pondus solidi magni dati non
est notum, nota tamen est magnitudo; dicitur infrà in Pragmatia 8.

PRAGMATIA II.

*Differentiam inter gravitates aquarum quarum-
cunque invenire.*

Inventâ per præcedentem pragmatiam gravitate alicujus
liquæ, inquire eadem prorsus ratione aliarum aquarum qua-
rumcunque gravitatem. Confer deinde ad invicem pondera
aquarum inventarum, & scies, quæ aquæ sint æqualis gravita-
tis, quæ majoris, quæ minoris, datâ paritate molis. Si enim
pondus corporis in aquas diversas demersi æqualiter diminui-
tur, habebunt aquæ illæ æquale pondus sub æquali magnitudi-
ne; si inæqualiter diminuitur, non habebunt æquale pondus,
sed illa erit gravior, in qua minuitur magis; illa verò levior, in
qua minuitur minus. Et hæc praxis longè certior & accuratior
est, quàm si diversæ aquæ in eodem vase ponderarentur in aëre.

Aquarum
differentias
in aqua in-
venire.

ANNOTATIO.

Quod dixi de aquis collatis ad invicem, intelligendum est etiam I. de qui-
buscunque liquoribus ejusdem speciei collatis ad invicem. II. de qui-

*huncunq; liquoribus diversa speciei collatis inter se. Apud Gbitaldum ex-
sas tabella quâ liquores diversi inter se conferuntur: sed huic ego non cenfeo
fidendum sine scrupulo, quia non omnium locorum liquores ejusdem generis
sunt inter se aequalis ponderis.*

PRAGMATIA III.

*Mixtionem argenti in aurea corona, ad imitationem Ar-
chimedidis invenire.*

S. I.

*Modus Archimedidis ad inveniendam aquarum quantita-
tem &c.*

*Mixtionem
argenti in
aurea coro-
na invenire*

*Archime-
des quomo-
do depre-
henderit
argentum
coronae au-
reae mixtū.*

Hieros (verba sunt Vitruvij lib. 9. cap. 3.) Syracusis auctus regiâ potesta-
te, rebus bene gestis, cum auream coronam vocivam Dijs immortalibus
in quodam sano constituisset ponendam, immensi precio locavit faciendam, &
aurum ad sacôma appendit redemptori. Is ad tempus opus manufactum
subtiliter regi approbarvit, & ad sacôma pondus coronae visus est praestitisse.
Posteaquam inditum est factum, dempto auro tantundem argenti in id co-
ronarum opus admixtum esse; indignatus Hiero se contemptum, neq; in-
veniens quâ ratione id furtum deprehenderet, rogavit Archimodem ut in se
sumeret de eo cogitationem. Tunc vî cum haberet ejus rei curam, casu ve-
nit in Balneum, ubiq; cum in solum descenderet, animâ ad vertis quantum cor-
poris sui in eo insideret, tantum aquae extra solum effluere. Itaq; cum ejus
rei rationem explicationis offendisset, non est moratus, sed exiliens gaudio
motus de solio, & nudus vadens domum versus, significabat clarâ voce, in-
venisse quod querebat: nam currens identidem græce clamabat, εὕρηκα, εὕ-
ρηκα. Tum verò ex eo inventionis ingressu duos dicitur fecisse massas æ-
quo pondere, quo etiam fuerat corona, unam ex auro, alteram ex argento.
Cum ita fecisset, vas amplum ad summa labra implevit aquâ, in quo demis-
sit argenteam massam; cujus quantâ magnitudo in vase depressa est, tan-
tum aquae effluxit. Ita exemplâ massâ, quantò minus factum fuerat, refu-
dit sextario mensus, ut eodem modo, quo prius fuerat, ad labra aquaretur.
Ita ex eo invenit, quantum ad certum pondus argenti certa aquae mensura
responderet. Cum id expertus esset, tum auream massam similiter pleno
vase demisit, & eâ exemplâ, eâdem ratione mensurâ additâ, invenit ex a-
qua non tantum defluxisse, sed tantum minus, quantum minus magno corpo-
re eodem pondere auri massa esset, quàm argenti. Postea verò repleto va-
se, in eâdem aquâ coronâ demissâ, invenit plus aquae defluxisse in coronam,
quàm in auream eodem pondere massam; & ita ex eo quod plus defluerat
aqua

aque in corona, quam in massa, ratiocinatus, deprehendit argenti in eura
mixtionem, & manifestum furtum redemptoris. Hæc Vitruvius.

S. II.

Difficultates contra modum Archimedis.

Modus hic, quo Vitruvius ait usum Archimedes ad inve-
niendam illam aquæ mensuram, quæ ad certum pondus
auri, argenti, & coronæ responderet, non caret difficultate, &
majori diligentia indiget, quam quæ ab hominibus adhiberi
posset, inquit *Martinus Ghetaldus* in Archimede promotæ Propo-
sit. 17. Impossibile enim esse videtur, exemptâ coronâ, vel au-
reâ massâ, vel argenteâ, tantum aquæ refundere ad vnguem,
quantum ex vase effluerat. Nam imprimis repositâ aquâ in
vase, non possumus affirmare ipsum vas esse plenum, nisi aqua
incipiat effluere; sæpe autem antequam effluere incipiat, collig-
itur in medio in cumulû; qui cumulus cum aliquando fran-
gatur pluribus in locis, aliquando verò in uno tantum loco, fit
ut aliquando plus, aliquando minus de cumulo illo effluat. Itaq;
vel plus aquæ additur eo quod defecit, vel minus, nisi conjecturis
agere velimus; at verò conjecturæ pro veritate non recipiuntur.
Deinde exemptâ coronâ, vel aureâ massâ, vel argenteâ, exi-
mitur etiam simul cum ipsa aliquantum aquæ quæ circum
ipsam remanet; unde non tantum colligitur aquæ, quantum
defecit in vase. Præterea per collectionem quaesita aquæ men-
sura inveniri non potest: æquè enim impossibile est universam
illam aquam colligere, quæ extra vas effluit, quando corona, vel
aurea massa, vel argentea in ipso vase deprimitur: nã pars aquæ
adhæret vasi illi ex quo effluit, pars verò vasi illi in quod influit.

Has, aliasque difficultates movent *Ghetaldus* loco cit. *Galileus*
in Discursu circa hanc rem, *Ioannes Baptista Todierna Siculus* in
Annotat. circa dictum Discursum, *P. Nicolaus Cabaus* in lib. 2.
Meteoror. Aristor. tex. 25. q. 5. & alii: qui propterea induci
non possunt ut credant, Archimedes hac usum fuisse metho-
do ad aurifabri furtum patefaciendum. Negare tamen non
possunt, prædictum modum esse ingeniosissimum, & specula-
tivè loquendo certissimum ad desideratas aquæ qualitates in-

*Difficultas
contra eura
modum.*


veniendas. Addo ego, eundem modum non solum speculativè, sed practicè etiam certissimum esse, illoque de facto Archimedes fuisse usum existimo, & omnes prædictas difficultates, pluresque alias prævidisse, & i has suo perspicacissimo ingenio præcavisse; quamvis nobis non constet quâ id effecerit viâ: non enim quia nescimus nos prædictos evitare scopulos, debemus aut fidem derogare Vitruvio, aliisque præstantissimis auctoribus id ipsum asserentibus, aut credere eodem Archimedes evitare nequivisse. Fateor tamen, stantibus prædictis difficultatibus non posse sine sensibili errore in praxin deduci prædictum modum. Alia ergo inquirenda est via inveniendi præcisè aquas magnitudine aquales coronæ, aureæq; & argentæ massæ, unâ cum earundè aquarum gravitate, aut mensura.

S. III.

Aliorum modus,

*Aliorū
modi ingenio-
si.*

Auctores paulò antè citati, & ante ipsos *Ioannes Baptista Benedictus* Theoremate Arithmet. 126. afferunt sequentem modum, similem prorsus modo in Pragmatia I. tradito. Accipiuntur duæ massæ æqualis omninò ponderis cum corona, una ex argento purissimo, altera ex auro purgatissimo. Tria hæc corpora, nempe corona, aurum, & argentum, singulatim crine equino suspensa ad bilancem demergantur in aquam ita, ut in aqua quidem pendeant, sed fundum non contingant, juxta dicta Pragmatia I. Et quia hæc tria corpora leviora sunt in aquâ, quàm extra aquam, juxta Hypothesin VIII; vide quantum quodlibet ex ipsis fiat levius in aquâ. Diminutio ponderis, quo leviora fiunt ista corpora in aquis, est per eandem Hypothesin VIII. pondus præcisissimum aquæ quæ æqualis est magnitudine singulis illis corporibus, quæque ab iisdem corporibus eiceretur è vase exactissimè pleno in singulis immersionibus, si juxta modum à Vitruvio enarratum institueretur operatio. Sit A corona, B aurum, C argentum, æqualis omnia ponderis, inæqualis tamen molis. Diminuaturn corona in aquâ libris 7, aurum libris 5, argentum libris 9. Erit ergo pondus aquæ, æqualis coronæ, librarum 7, æqualis auro librarum 5, & æqualis argento librarum 9.



Nec

Nec tamen necesse est accipere massam auri & argenti æqualis ponderis cum corona, sed adhiberi potest quantumvis exigua auri & argenti particula, juxta Annotationem III. Pragmatia I. Sit enim coronæ gravitas 100. librarum, & oporteat invenire gravitatem aquæ magnitudinem habentis æqualem auro 100. etiam librarum. Accipiat parva aliqua auri particula, cujus gravitas sit 10. librarum, (aut etiam quantumvis minor,) & inveniatur gravitas aquæ magnitudine æqualis auro 10. librarum, sitq; talis gravitas aquæ v.g. 2. librarum: si dicas per regulam auream Arithmeticæ, ut 10. ad 2, ita 100 ad aliud; invenes gravitatem aquæ magnitudinem habentis æqualem auro 100 librarum, esse 20. librarum. Eâdem ratione invenes ex particula exigua argenti gravitatem aquæ molem habentis æqualem argento 100 librarum.

Ingeniosissimus sanè est hic modus, nec Archimedes latere potuit, eoque ipsum de facto usum fuisse contendit Giliæus & Cabæus. Ego crediderim, ipsum primo prius, deinde hoc posteriore fuisse usum, Vitruvium verò solius prioris meminisse, utpote notioris, & ad caprum vulgi accommodatioris.

Etiam Archimedi notus.

§. IV.

Quo ratiocinio Archimedes invenerit, quantum argenti esset auro mixtum.

Vidimus modum quo Archimedes vel invenit, vel invenire potuit aquas magnitudine æquales coronæ, auro, & argento, & consequenter gravitates hujusmodi aquarum. At quæ ratiocinandi methodo, quæ Arithmeticæ regulâ idem Archimedes ex cognitione dictarum gravitatum deprehendit, quantum præcisè argenti, quantumque auri permixtum erat coronæ? Hoc neq; Vitruvius, neque ullus ex antiquis docet. Recentiores tamen varios excogitarunt modos, quibus verifimile est Archimedes fuisse usum. Alij enim utuntur Regulâ proportionum, quam Regulam Trium communiter appellant, & apud Mathematicos Regulæ aureæ nomen meruit, ob immensam ejus utilitatem. Alij adhibent Regulam Falsi, alij Regulam Algebrae omnium ingeniosissimam, alij deniq; Alligationis Re-

Ratiocinia ad inventum dum argentum auro mixtum in corona.

gulam, quâ utuntur Arithmetici, quando res diversi pretij, magnitudinis, ponderis, reducere volunt ad pretium, magnitudinem, pondus medium inter extrema, idcoque Regulam Mixtorum vocant. Nonnullos modos referam,

s. V.

Ratiocinium per Regulam proportionum.

Ratiociniū
per Regulā
Trium.

Inter alios qui proportionum Regulam adhibent ad inveniendam argenti & auri portionem in corona, sunt Ioannes Baptista Benedictus, & Marinus Ghetaldus.

Benedictus Theoremate Arithmet. 122. & 128. ita procedit. *Primo* assumit tria corpora æqualis omnino ponderis, nempe aurum purum, purum argentum, & coronam ex auro & argento mixtam. *Deinde* ex his tribus corporibus (quæ sunt necessario inæqualia in magnitudine) invenit tres aquas, tribus prædictis corporibus respondentes; quæ quidē aquæ sunt inæquales inter se, tam magnitudine, quàm pondere, ut ratio exigit. *Tertio*, ex his tribus aquis colligit gravitates prædictis tribus corporibus debitas, si æqualia forent in mole, & consequenter inæqualia in pondere. Quâ autē ratione hujusmodi gravitates inveniuntur, vide apud ipsum. *Tandem* inventis tribus corporibus in mole æqualibus, at inæqualibus in pondere, accipit primo differentiam inter gravitatem puri auri & puri argenti; secundo gravitatem solius puri auri; tertio differentiam inter gravitatem puri auri & coronæ. Hæc tria disponit in Regula Trium sic, ut primum locum habeat differentia inter gravitatem puri auri & puri argenti, secundum locum gravitas solius puri argenti, tertium locum differentia gravitatum puri auri & coronæ; & factâ operatione invenit gravitatem argenti quod est in coronâ, quam gravitatem deinde subtrahit à tota gravitate coronæ, & remanet gravitas auri quod est in eadem corona. Idem aurum quod est in corona, inveniret, si in Regula Trium poneret secundo loco gravitatem auri, tertio loco differentiam gravitatum puri argenti & coronæ.

Exemplum
Benedicti
per Regulā
Trium.

Exemplum *Benedicti* hoc est. Ponit pondus auri esse 234, argenti 156, coronæ 216. Detrahit nunc pondus argenti à pondere auri,

auri, & remanēt 78, quod vocat primam differentiam. Detrahit etiam pondus coronæ à pondere auri, & remanent 18, quod vocat secundam differentiam. Ponit ergo in Regula Trium primo loco 78, secundo loco 156, tertio loco 18, & multiplicat secundum numerum per tertium, productum verò dividit per primum, & invenit 36 pro gravitate argenti quod est in corona. Detrahit tandem 36 ex 216, & remanent 180 pro gravitate auri quod est in corona. Sic ergo stabit exemplum.

Pondus auri	--	--	--	--	234.
Pondus argenti	--	--	--	--	156.
Pondus coronæ	--	--	--	--	216:
Prima differentia	--	--	--	--	78
Secunda differentia	--	--	--	--	18

Vt 78. ad 156. ita 18. ad 36. gravit. argenti in corona.

Pondus coronæ -- 216.

Argentū in corona 36. subtracta, à pondere coronæ, relinquit Residuum -- -- 180. pondus auri in corona.

Si poneret primo loco in Regula Triū 78, secundo loco gravitatem auri 234, tertio loco differentiam inter gravitatem argenti & coronæ, quæ est 60; inveniret 180 pro gravitate auri in corona; quæ 180 si detraheret à gravitate coronæ 216, remanerēt ut antea, 36, pro gravitate argenti quod est in corona. Reliqua unā cū demonstratione hujus praxis, vide apud Auctore lo: cit.

Vt vides, Benedictus procedit per ambages, utendo Regulā Trium. Eadem Regulā Trium utitur etiam *Gberaldus* in Archimede promotus Proposit. 18 & 19. sed viâ compendiosiore incedit in hunc modū. Primò accipit, vel intelligit tria corpora æque gravia, unum aureum, alterum argenteum, tertium mixtum ex auro & argento, quod est corona. Deinde invenit tres aquas tribus prædictis coporibus in mole æquales, simulque invenit gravitates trium dictarum aquarū. Tertio, accipit primò differentiam inter gravitatem aquæ auri & aquæ argenti; secundo gravitatem communē trium corporum, seu gravitatem unius ex illis, tertio, differentiam inter gravitatem aquæ auri & aquæ coronæ. Has tres gravitates ita disponit in Regula Trium, ut

*Exemplum:
Gberaldi
per regulā
Trium.*

primum

primum locum obtineat differentia inter gravitates aquarum auro & argento deuitarum, secundum locum gravitas communis trium corporum, tertium differentia inter gravitates aquarum auro & coronæ deuitarum. Factâ operatione, invenit gravitatem portionis argenti in corona; quam gravitatē subtrahit à tota gravitate coronæ, & remanet gravitas auri in eadem corona. Demonstrationem vide apud ipsum.

Si in Regula Trium ponat tertio loco differentiam inter gravitates aquarum auro & coronæ deuitarum, invenit gravitatem portionis auri quæ est in corona; & subtractâ gravitate portionis auri à gravitate totius coronæ, remanet gravitas portionis argenti in eadem corona.

Exemplum ponit Ghetaldus in numeris fractis huiusmodi, Sit coronæ gravitas 95 librarum, sicut & gravitas auri, atque argenti. Sit præterea gravitas aquæ debitæ auro 5, librarum, & gravitas aquæ debitæ argento $9\frac{6}{11}$ librarum, denique gravitas aquæ debitæ coronæ sit 6 librarum. Fiat ut differentia inter 5, & $9\frac{6}{11}$ quæ est $4\frac{6}{11}$, ad 95, ita differentia inter 5 & 6, quæ est 1, ad aliud; invenies $22\frac{17}{20}$ pro gravitate portionis argenti quod est in corona; quâ detractâ ex totali gravitate coronæ, reliquum est $72\frac{3}{20}$ pro gravitate portionis auri.

Vel si pro tertio proportionis termino sumatur differentia inter 6 & $9\frac{6}{11}$, quæ est $3\frac{6}{11}$; tunc quartus terminus $72\frac{3}{20}$ erit gravitas portionis auri; quæ si dematur ex totali gravitate coronæ, remanebunt $22\frac{17}{20}$ pro gravitate portionis argenti.

Exemplum
aliud.

Exemplum aliud in numeris integris est huiusmodi. Gravitatis communis auri, argenti, & coronæ sit 100, gravitas aquæ auri sit 5, aquæ argenti 10, & aquæ coronæ 7. Differentia ergo inter gravitatem aquæ auri & argenti erit 5, & differentia inter gravitatem aquæ auri & coronæ erit 2. Fiat ergo, ut 5 ad 100, ita 2 ad aliud; invenies 40 pro gravitate argenti in corona, remanebuntq; 60 pro gravitate auri in eadem corona. Si fiat, ut 5 ad 100, ita 3, hoc est, differentia inter gravitatem aquæ argenti & coronæ ad aliud; invenies 60 pro gravitate portionis auri, & 40 pro portione argenti in corona.

S. VI.

Ratiocinium per Regulam Falsi.

P *Christophorus Clavius* in Arithmet. pract. cap. 23. quæst. 24. & *Gemma Frisius* etiam in Arithmet. pract. parte 3, capite de Regula Falsi, inquirunt quantitatem argenti admixti coronæ per Regulam Falsi duplicis positionis. Exemplum *Clavij* hoc est. Ponatur v. g. coronam illam fuisse 100 librarum (sive) iliterque massam puri auri, & puri argenti; eaque imposita in vase, effluxisse 65 libras aquæ; imposita verò massâ puri auri effluxisse 60 libras aquæ; imposita tandem massâ puri argenti, effluxisse 90 libras aquæ. Finge ergo primò, aurificem abstulisse 40 libras auri, totidemq; libras argenti substituisse, ita ut in corona fuerint 60 libræ auri, & 40 libræ argenti. Vide jam, an corona ita confecta eiciat 65 libras aquæ. Hoc autem scies per Regulam Trium bis institutam, dicendo primò; si 100 libræ auri ejiunt 60 libras aquæ; 60 libræ auri quantum aquæ ejiunt? dicendo secundò; si 100 libræ argenti ejiunt 90 libras aquæ; 40 libræ argenti quantum aquæ ejiunt? Invenies in utraque operatione 36 libras aquæ, quæ simul faciunt 72, ita ut corona modo à te confecto effecta eiciat 72 libras aquæ; debebat autem in rei veritate eicere tantum 65 libras. Aberrasti ergo à veritate per excessum numeri 7. Pone ergo numeros primò confectos, unà cum hoc errore seu excessu 7, & cum dictione plus ante cruce[m], ut hîc vides.

Finge secundò, aurificem surripuisse 30 libras auri, ac proinde in corona fuisse 70 libras auri, & 30 libras argenti. Vide ut antea, an corona ita confecta eiciat 65 libras aquæ, dicendo primò; si 100 libræ auri expellunt 60 libras aquæ; 70 libræ auri quantum aquæ expellent? dicendo secundò; si 100 libræ argenti ejiunt 90 libras aquæ, 30 libræ argenti quantum aquæ ejiunt? Invenies in priori operatione 42 libras aquæ, in posterio[re] verò 27, quæ simul efficiunt 69 libras aquæ, ita ut corona hoc modo à te confecto effecta expellat 69 libras aquæ; debebat autem expelle-

Ratiociniū
per Regulā
Falsi.

Aur. 60		70. Aur.
Arg. 40	X	30. Arg.
plus		plus
	7	3
		4
	Divisor.	

pellere tantum 65 libras. Aberrasti ergo rursus à veritate per excessum numeri 4. Pone ergo numeros secundâ vice confictos unâ cum hoc errore seu excessu 4, & cum dictione *plus*, post crucem, ut hîc vides.

Operare jam per Regulam Falsi duplicis positionis tali pacto. Primò, quoniam in utraq; falsa positione aberratum est à veritate per excessum, subtrahe minorem errorem à majore, nempe 4 à 7, & numerum 3 relictum serva pro Divisore. Secundò, multiplica numerum librarum argenti primò positum per secundum errorem, nempe 40 per 4; & numerum librarum argenti secundò positum per primum errorem, nempe 30 per 7; & invenies 160. & 210. Tertio, productum minus detrahe ex producto majore, nempe 160 ex 210, & remanent 50. Quarto, residuum hunc numerum 50 divide per divisorem jam antea inventum, nempe per 3, & quotus inventus erit numerus librarum argenti in corona, nempe in casu posito 16 $\frac{2}{3}$; quæ si auferas à 100, remanent 83 $\frac{1}{3}$ libræ pro auro quod est in corona. Quod ut probes, dic: si 100 libræ auri ejiciunt 60 libras aquæ, quantum aquæ ejicient 83 $\frac{1}{3}$ libræ auri? Item, si 100 libræ argenti ejiciunt 90 libras aquæ, quantum aquæ ejicient 16 $\frac{2}{3}$ libræ argenti? Invenies pro priori operatione 50 libras aquæ, pro posteriori verò 15 libras aquæ, quæ simul conficiunt 65 libras aquæ, quas posuimus coronam eiecisse.

PRAGMATIA IV.

Quantum argenti sit auro mixtum, cognoscere, ex Porta: item quantum auri sit in vase deaurato; & quantum æris in moneta argentea.

Porta praxin ad metallorum mixturam invenientiam.

Iohannes Baptista Porta lib: 18. Magiæ Natur: cap. 8. aliam præscribit praxin, ad cognoscendam portionem argenti auro mixtam, & universaliter ad quamcunq; metallorum mixturam deprehendendam, quæ si vera esset, priori longè præstaret, propter facilitatem. *Habeas, inquit, exactissimam stateram, vel lanceas; in altera earum quodvis metallum appone (cujus scilicet mixturam indagas) in altera tantundem ejusdem metalli, sed in sua specie pur. Simi-*

& cum lances in aëre æquibres erunt, eas in vaso aquæ pleno impones, & sub aquam immerges circiter semipedem. Tunc mirabilis quædam res erit. Nam lances, quæ in aëre æquibres erant, in aquis variabunt naturam, & inequales erunt: nam impurum metallum summa petit, sincerum ima. Cujus ratio hæc est, quòd aurum purum cum ea specie gravius est omni impuro auro, quia purum aurum minorem locum occupat; ergo gravius pendet ex superiori ratione. Vnde si scire voluerimus, quantum argentum in eo auro sit, pone tantum auri puri in altera lance, quantum sufficit ut lances sub aquis pares sint; æquatas in aëre sustollito, & pondus quòd in aquis addideras, erit mistionis pondus.

Si scire velis, quantum auri fuerit in deauratione alicujus vasis; pone vas in altera lance, & in altera tantum argenti purissimi, quantum sufficit ut æquibrent in aëre lances: mox in aquis mergas, & vas descendet; pone in altera lance tantum auri, quòd sub aquis æquponderet; extrahes, & pondus erit auri deaurationis. Idemque de argento, ære, ferro, plumbo albo, nigro vè facies.

Sed si scire quæris, utrum in numismatibus argento sit æs admistum, vel si pecunia ex superflua æris admistione adulterata sit; pone numisma in altera lancium, & in altera tantumdem argenti purissimi, & in aëre æquibrans sub aquis merge; descendet numisma; adjungo tantum æris, ut æquibres sit; extrahes, & adjunctum pondus erit mistura. Hæc Porta; circa quæ tamen sequentia noto.

ANNOTATIO.

Predicta praxis supponit, auro admixtum esse argentum, argento æs; & Examina-
tur. ratio praxeos, si legitima est (quod postea examinabimus) pendet ex tribus. Primum est, quòd aurum sit gravius argento, & argentum gravius ære. Alterum, quòd hinc sequitur, est, quòd aurum & argentum æqualis ponderis (eadem est ratio de argento & ære) non sunt æqualis molis, sed major est moles argenti, quàm auri. Tertium, quòd ex hoc secundo sequitur, est, quòd aurum ejusdem cum argento ponderis, sed minoris molis, occupet minorem locum in aqua, quàm argentum, hoc est, quòd aurum excludat minis aquæ, quàm argentum ejusdem ponderis, quia utrumque excludit aquam suæ molis æqualem. Ex his tribus, & simul ex Hypotbesi 8. sequitur, quòd si aurum & argentum æqualis molis lancibus imposita, faciant in aëre æquilibrium, & unâ cum lancibus demittantur intra aquam, non retineant æquilibrium, sed aurum magis subsiat in aquâ, quàm argentum æqualis ponderis: nam cum utrumque tanto minus ponderet in aqua, quantum est pondus aquæ iisdem æqualis in mole; aquæ autem moles æqualis ar-

gento major ac ponderosior sit, quàm aqua moles equalis auro; necessariò fieri debet levius argentum quàm aurum, adeoq, aurum magis quàm argentum subsidere debet. Oportet tamè adhibere talem libram, cujus lances & pendula sint exactissimè equalia quoad materiam, pondus, longitudinem, & omnia alia; alioquin error contingere potest in ponderando tam extra, quàm intra aquam. Hæc eadem arte, si vera esset ac legitima, deprehendi posset facillimè & sine ullo Arithmeticæ calculo, an, & quantum argenti admixtum esset coronæ, alterrève cuiuscunque aureo vasi.

Falsa est.

Verum errat Vehementer Porta in eo, quòd existimet, pondus additum intra aquam lanci nimis depressæ, donec æquilibrium acquirat libra, esse pondus metalli admixti quòd queritur. Verum quidem est, aurum, quia gravius est argento, magis subsidere intra aquam, quàm argentum equalis ponderis extra aquam. propter rationem paulò ante insinuatam; & ut argentum cum auro intra aquam obtineat æquilibrium, addi debere ipsi argento majus pondus; at qui probat Porta, hoc pondus additum argento puro esse æquale ponderi argenti admixti auro adulterato? certè neque ex Hydrostatica, neq, ex Philosophia, neq, ex ulla alia scientia id constat. Imò si verum esset, si queretur etiam aurum purissimum esse argento mixtum. Sumatur enim purissimi auri massa quantævis ponderis, & alia ejusdem extra aquam ponderis ex argento purissimo, & utraq, lancibus imposita demittatur intra aquam modo à Porta præscriptio; subsidet magis aurum cum lance sua, quàm argentum cum sua: addatur huic lanci tantum auri, donec æquilibrium fiat alteri: ajo, vel pondus auri denuò additi esse pondus argenti auro purissimo mixti, vel falsam esse Portæ praxim, uti revera falsissima est, & experientia repugnans.

Potest quidem deprehendi per prædictam Portæ praxim, utrum aurum, aliudvè metallum adulteratum sit; & fortassis etiam, quòd genus metalli levioris se admixtum habeat, si sciatur aliunde per experientiam propriam, aut alienam. proportio quam habent inter se gravitates metallorum extra & intra aquam (quas proportionones Chetaldus & alij in tabulam redegerunt;) at quantum præcise admixtum sit sciri minimè potest.

PRAGMATIA V.

Mixturam metallorum quamcunq, notam facere, & monetarum ligaturam explorare, ex ponderis diminutione in aqua.

Monetariorum
mixtura III.

Praxis præcedente Pragmatiâ III, proposita, ad mixturam argenti in aurea corona cognoscendam, procedit præcipue

præ per pondus aquæ quam corpora demersa eijciunt, aut eijcere debent; hæc quæ sequitur, procedit per diminutionem ponderis eorundem corporum intra aquam demersorum; estque universalis ad quamcunque mixturam quorumcunq; metallorum, & etiam ad ligaturam, ut vocant, monetarum; nec speculativa tantum, sed practica, & sæpe in praxin redacta à P. Nicolao Cabæo, qui eam tradit loco supra cit. nec aliud requiritur quam accurata libra, aut statera, & aqua communis. Et sane mirum est, ac proorsus magicum, metallorum quorumcunq; mixturam, & cujuscunque monetæ ligaturam, sine ullo lydio lapide adhibito, nullâ aquâ regiâ ac corrosivâ, nullo igne, nec monetam aut rem aliam artefactam dissolvendo, aut corrumpeudo, aut radendo, sed solâ aquâ communi, ex diversitate ponderis quod habet in aëre & aqua, tam exactè & sine errore, modò calculus arithmeticus, & ponderatio benè instituantur, deprehendi posse, idque, ut dixi, non speculativè tantum, sed practicè, & à quolibet qui calculare novit. Exempla ponam primò in moneta, deinde in ære campano, quoniâ in ipsis Cabæus praxin instituit: quare ipsiusmet Cabæi calculum, & totum procedendi modum retinebo.

Sit igitur proposita moneta argentea, cujus ligaturam inquiris. Primum omnium inveniantur tria pondera omninò æqualia, ut vitentur difficultates numerorum: unum ex his ponderibus sit moneta ipsa; alterum sit argentum purissimum, & probatum omni experimento, & ut dicitur in Italia *di copella*; tertium sit ex ære puro, quoniam hoc admisceri solet argento pro ligatura, ut suppono. Et hæc tria pondera sint exactissimè æqualia, ad majorem facilitatem, ut dixi; vel certè sit nota illorum magnitudo in partibus minutissimis similibus. Singula ex his ponderibus singulatim crine equino ad bilancem suspendantur, & aquâ suppositâ in eam demersa pendeant. Et quia leviora sunt, dum in aqua dependent; graviora, dum in aëre; vide quantum quodlibet ex ijs fiat levius in aqua. Invenies, argentum purum fieri magis leve certis ac determinatis minutis partibus, v. g. 97, æs verò purum æquale argento fie-

notam f
cere hydr
staticè.

Modis præ
cedendi ex
Cabæo.

Primum
exemplum.

ri levius 105 ex iisdem ponderum partibus; monetam denique ipsam fieri leviozem in iisdem partibus 99. Hoc de facto invenit *Cabeus* in certa moneta, certis partibus, bilance exacta, opere exquisito. Scito igitur, hoc pondus quo leviora fiunt metalla, ex Hypothesi esse pondus exactissimum aquæ quam eicerent illa tria corpora, si in vas plenum aquâ immitterentur: est enim pondus aquæ quæ aqualis sit in magnitudine singulis illis corporibus: unde 97 est pondus aquæ æqualis argento, 105 est pondus aquæ æqualis æri, & 99 est pondus aquæ æqualis monetæ. Sumatur ergo hæc quantitas aquæ pro aqua ejecta ab illis tribus corporibus. Atq; hanc de facto invenit *Cabeus* in experimento suo, quando indagavit ligaturam monetæ sibi oblata. Quia ergo argentum solet ligari cum ære in partibus 12, ponantur partes illorum corporum 12 in singulis, ut inveniatur ligatura, & adhibeatur Regula Algebræ cum *Cabeo*; quam ita clarè ac facilè proposuit ipse, ut ab omnibus percipi possit, dum modò communem numerandi & calculandi rationem satis notam habeant.

*Calociniū
per Regula
Algebra.*

Fiat ergo per Regulam Auream, si 12 argenti puri dant aquæ 97, quantum aquæ dabit argentum purum quod est in moneta? Et quia nescio quantum in moneta sit argenti (hoc enim est quod inquiri;) dicam, illud argentum quod est in moneta, ex partibus illis esse 12 partes, exceptis illis partibus quæ in eadem moneta sunt ex ære; quas æris partes quia similiter ignoro, dicam esse 1. Rad. & notabo hoc caractere 1. Rad.; quæ nota supponit mihi numerum partium æris existentis in moneta, quæcunq; tandem sit. In moneta ergo sunt 12 partes argenti minus 1. Rad. æris. Et ad faciliorem descriptionem, numerum demendum notabo, more Algebristarum, virgula tali, —; sicut numerum addendum ignotum notabo signo hoc, +. Dico ergo, si argenti puri 12, dant aquæ 97; argentū monetæ 12 — 1. Rad. quid dabit? Multiplicò secundum per tertium, & fiet 1164 — 97 Rad.; qui numerus productus quia juxta Regulam Trium debet dividi per primum, loco divisionis subscribatur primus, sic enim est ac si esset divisus; & habeo, ut 12, ad 97, ita

12-1. Rad. ad $\frac{1164}{97}$ Rad. & ista est aqua quam ejecit argentum purum quod est in moneta; & quam vis nesciam adhuc quanta sit ista aqua, est tamen hæc ipsissima, & postea scietur determinatè quanta sit.

Similiter ad inveniendum æs purum quod est in moneta, dico, si 12. puri æris dant aquæ 105; quid dabit æs quod est mixtum in moneta? Et quia nescio quantitatem istius æris, pro illa quantitate ignota suppono hanc notam, 1. \mathcal{R} . hoc est unum numerum partium, quicumque tandem sit. Dicatur ergo ut antea, si 12. æris puri dant aquæ 105; 1. \mathcal{R} . æris monetæ dabit $\frac{105}{12} \mathcal{R}$. quia tamen nescio quantum sit illud æs quod est in moneta, ideo neque scio quid significet iste numerus; interim tamen significat veram aquam à vero ære monetæ eiectam; sicut primus numerus ignotus significabat veram aquam à vero argento monetæ eiectam. Iungantur ergo isti duo numeri, $\frac{1164}{97} \mathcal{R}$. & $\frac{105}{12} \mathcal{R}$; & quia in illo primo sunt minus illæ 97 \mathcal{R} ; debent detrahi ex 105 \mathcal{R} & ita fiet summa, $\frac{1164}{97} \mathcal{R}$; & ista est aqua eiecta à vero ære, & à vero argento monetæ, & consequenter à tota moneta. Quia autem scio, aquam eiectam à tota moneta esse 99, consequenter scio, ipsos duos numeros, $\frac{1164}{97} \mathcal{R}$. & 99. esse æquales: & quia ex his numeris alter est integer, alter est fractio; ideo ex regula generali numerorum fractorum subijciendo integro unitatem, multiplico per crucem $\frac{1164}{97} \mathcal{R}$. & 99, fient 1164 \mathcal{R} . & 1188, æquales. Iam si ab æqualibus æqualia auferas, quod remanet, erit æquale. Deme ergo ex primo, 1164, & totidem ex secundo; remanebunt ex una parte 8 \mathcal{R} . ex altera 24, æquales; & si 24 dividantur per 8, proveniunt 3, & consequenter 1. \mathcal{R} . æqualis est 3. Ergo quando posuisti in moneta esse æris 1. \mathcal{R} . posuisti esse 3; & cum posuisti argentum in eadem esse 12-1. \mathcal{R} . posuisti esse 12 minus 3, hoc est, 9. Ergo in illa moneta sunt 9 argenti, & 3. æris, ex 12 partibus; quod erat inveniendum.

Vt autem conflet hoc esse verum, præterquàm quòd ex ipsa operatione mihi videtur satis constare, sic ostendo cum Cabao. Si 12 argenti dant 97, 9 dabit $72 \frac{2}{9}$: & si 12 æris dant 105, 3 dabit

26 $\frac{1}{12}$; quæ duo si jungantur, fient 99, quæ est aqua ejecta à moneta.

Secundum exemplum.

Alterum exemplum ponit Cabæus in moneta Iuliorum (moneta est Italiæ, æquivalens ferè medio capitello moneta nostræ) quam etiam examinavit Invenit ergo primùm omnium aquam ab argento puro ejectam, similiter à puro ære, & à moneta, datâ paritate ponderum, modo supra explicato examinando singula corpora horum trium metallorum in aqua communi. Fuit autem aqua monetae 495, argenti 489, æris 561. Dixit ergo: Si 12 argenti dat 489, monetae 12--1. Rad. dabit $\frac{489}{12}$ R. Item, si æs 12, dat 561, æs monetae 1. Rad. dabit $\frac{561}{12}$ R; qui numeri juncti sunt $\frac{489}{12} + \frac{561}{12}$ Rad. æquales $\frac{1050}{12}$, hoc est, 5868 $\frac{1}{2}$ R, æquales 1940; demptis utrimque 5868, remanent 72 Rad. æquales 72; & sic in illa moneta ex 12 uncijs, 11 sunt argenti, 1 æris. Fiat jam: si argenti 12 dant 489, 11 dabunt 448 $\frac{1}{2}$; item, si æris 12 dant 561, 1 æris dabit 46 $\frac{1}{12}$: quæsi jungantur, fient 495; & hæc est aqua ipsa monetae.

Tertium exemplum.

Tertium exemplum ponit Cabæus in quadam mixtura æris campani antiqui, ex ære & stanno compositi, quæ ipsi oblata fuerat. Posuit pro partibus metalli 60; & tales invenit aquas, & ex aquis talem mensuram, ut sequitur.

Æs 60. 146 aquæ.

Stan. 60. 113 aquæ.

Mixt. 60. 142 aquæ.

Æris 60, aquæ 146. 1. R. $\frac{146}{60}$ R.

Stanni 60, aquæ 113. 1. R. $\frac{113}{60}$ R.

$\frac{6780}{60} + \frac{33}{1}$ Rad. æqualia 142

6780-33 R æqualia 8520.

33 R. æqualia 1740.

1 R. 52 33

In ære igitur illo campano mixto ex ære & stanno, ex 60 partibus illis mixtis, 52⁴ erant ex ære, reliquæ ex stanno.

ANNOTATIO.

INomnibus his tribus exemplis potuit etiam adhiberi Regula Falsi, ut ipsemet Cabæus advertit. Qui plura desiderat circa hanc praxin inveniendi metallorum mixtorum pondus, legat quæ habet P. Iacobus de Billy apud Merfennum in Phenomenis Hydraulici: Proposit. 51. & Rivaldus commentario in Archimedes pag. 534.

PRAGMATIA VI.

*Ex gravitate auri cognoscere ejus qualitatem hydrostaticè,
per aquam communem.*

AVrum aliud dicitur purum, aliud non purum, sed alijs metallis mixtum. Aurum purum appellatur aurum 24 partium, & in Italia oro di ventiquattro caratti: aurum non purum appellatur aurum tot vel tot partium, pauciorum tamè quàm 24. Quæ quidem mixtio quoniam varia esse solet, ideo varia etiã est qualitas auri non puri (puri enim una tantum est qualitas, nempe 24 partium:) nam qualitas auri in quovis corpore proposito exprimitur partibus auri puri quæ sunt in ipso corpore, non in magnitudine, sed in gravitate sumptis, qualibus totum corpus constat 24: ita ut si corpus aliquod aureum sit 24 unciarum, quarum 20 sint aurum purum, 4 alterius metalli; aurum illud appelletur aurum 20 partium, sive di 20 caratti. Similiter si ex massa aliqua aurea, aureovè quocunque corpore, sumatur particula 24 unciarum, & expurgetur, reductaque ad aurum purum amittat ex pristina gravitate 4 uncias, & remaneant solum 20 unciaæ auri puri; dicitur massa illa aurum 20 partium, sive di 20 caratti: particula verò illa purgata, & ad aurum purum redacta, dicitur jam aurum 24 partium; antea verò erat aurum 20 partium, licet ipsius pondus fuerit 24 unciarum.

Inter varias autem auri permixtiones, quibus cum alijs metallis alligari potest, eam retinere artifices, quam diuturnâ experientiâ deprehenderunt omnibus alijs esse commodiorem, & solius argenti & æris permixtione perficitur, ita tamen ut argenti & æris partes semper sint æquales in pondere. Quando

Aurum purum & non purum.

Aurum non purum cum solo argento & ære misceri solet.

ergo aurifices volunt producere miscendo aurum cujuscunq; qualitatís, accipiunt tot partes auri puri, quot partium volunt esse aurum producendum, pauciores tamen partibus 24, & reliquas partes quæ defunt ad 24, explent argento & ære, sumendo ex utroq; metallo partes æquales in gravitate; & aurum tali ratione permixtum denominant à partibus auri puri in mixtione assumpti.

Auri non puri mixtura quomodo exploretur ab aurificibus.

Quot porrò partium sit aurum quodcunque propositum, ita explorant aurifices. Abcindunt ex toto auro particulam exiguam, cujus pondus sit 24 partium minutissimarum: expurgant deinde particulam illam; & si quidem pondus remanet idem quod erat antea, totum aurum est purum; si minuitur partibus v, g. quatuor, est aurum 20 partium; si minuitur parte unâ, est aurum 23 partium &c. Similiter particula illa expurgata jam quidem est aurum purum, antea verò erat aurum 20, aut 23 partium &c.

Quomodo hydrostaticè explorari possit.

Hydrostaticè verò per ponderationem solam auri propositi in aqua communi, ejus qualitas exactissimè cognosci potest ex gravitate sic. Primò, ponderetur in aëre aurum propositum non purum, & accipiatür massa puri auri, item massa corporis mixti æqualiter ex argento & ære, quarum utraque sit æqualis omnino ponderis cum auro non puro proposito. Deinde tres hæc massæ separatim ponderentur in aqua, & inveniuntur gravitates trium aquarum tribus prædictis massis æqualium in mole. Postea inveniatur primò differentia inter gravitatem aquæ puri auri, & corporis ex argento & ære mixti, secundò differentia inter gravitatem aquæ auri non puri, & corporis ex argento & ære mixti. Tandem adhibeatur Regula Trium, & fiat, ut differentia inter gravitatem aquæ puri auri, & aquæ mixti corporis ex argento & ære, ad gravitatem auri non puri propositi; ita differentia inter gravitatem aquæ auri non puri & aquæ mixti ex argento & ære, ad aliud; & quartus numerus indicabit partes auri puri in auro proposito; quæ reductæ ad partes vigesimas quartas, dabunt qualitatem auri.

Exemplum primum.

Exemplum sit aurum non purum propositum unciarum, alia-

aliarumvè partium 24 in pondere, similiterq; aurum purum, & mixtum ex argento & ære sit totidem unciarum, aut aliarum partium in pondere. Sit præterea aqua auri puri uncia 1, aqua auri non puri unciarum 2, aqua deniq; mixti ex argento & ære unciarum 3. Erit differentia inter primam & tertiam aquam 2, differentia verò inter secundam & tertiam aquam erit 3. Fiat ergo, ut 2 ad 24, ita 1 ad aliud; prodibit aurum 12 partium. Si prima aqua ponatur unciarum 2, secunda unciarum 3, tertia unciarum 5, fiatque, ut 3 ad 24, ita 2 ad aliud; prodibit aurum 16 partium. Si iterum prima aqua ponatur 2, secunda 3, tertia 6 unciarum; fiatque, ut 4 ad 24, ita 3 ad aliud; prodibit aurum 18 partium.

ANNOTATIO.

Eadem qualitas auri cognita hæcenus per Regulam Trium, cognosci etiã potest per Regulam Falsi, Regulam Alligationis, & Regulam Algebræ. Sed non libet diutius immorari.

PRAGMATIA VII.

Differentiam ponderis inter corpora solida, quæ aquâ sunt graviora, invenire hydrostaticè per aquam.

Pertinaci labore, & obstinatâ industriâ, possunt fortassis fieri ex ferro, ære, lapide &c. duo corpora spherica, cubica, alteriusvè materiæ, æqualia in mole, & pondera illorum conferri ad invicem; licet vix de æqualitate illorum certus esse possis unquam, vel de consimili figurâ, propterea quòd physica æqualitas, & quæ ab instrumentis physicis dependet, æqualitatē mathematicam (qualem inquirunt, qui solidorum differentiam ad efficiendas proportionum tabulas inquirunt, datâ paritate molis) minimè assequatur. Omissò igitur tali labore, expeditissimè cujuscunque corporis, quod in aqua mergatur, differentiam ponderis, datâ paritate molis, poteris invenire hydrostatico artificio, tali methodo.

Same quotecunq; corpora, ferrum, æs, stannum, argentum &c. pura tamen in sua specie, cujuscunq; sint figuræ, & bilance exactissimâ adhibitâ fac, ut corpora illa sint inter se omnino æqualia pondere, quod non est impossibile, nec operosum, si ni-

Hydrostaticè invenire differentiam ponderis inter corpora solida.

hil cures de figura. Pone autem pondus esse 100 v. g. unciarū, aut scrupulorum, aliarumvè minutissimarū partium, in quas libra distingui solet. Tum singula corpora ex crine equino suspensa, & in aquam demersa, iterum examina eādē librā intra aquam, & observa quantum minuatur uniuscujusque pondus, dum in aqua est: habebis enim per hoc, quanta sit cujusque corporis moles & magnitudo: erit enim imminutio illa ponderis, ut sæpe jam dictum fuit, mensura ponderis aquæ quæ æqualis sit in magnitudine demerso corpori. V. g. appensum aurum, antequam in aquam mergatur, sit 100 unciarum; tum per crinem demerso auro in aquam, & iterum appenso, non erit amplius 100 unciarum, sed v. g. 95: ex hoc colliges, aquam æqualem magnitudine & mole illi auro, esse quinque unciarū. Appende iterum plumbū suspensum ex crine equino in aqua, & vide quantum ejus pondus imminuatur: antequam in aquā mergeretur, erat 100 unciarum; dum est sub aquis, erit v. g. 92 tantum: & ex hoc similiter colliges, quantitatem aquæ prorsus plumbo æqualem, nempe 8. unciarum. Ergo jam habebis duo illa corpora, aurum, & plumbum, cum sint æqualia in pondere, non esse æqualia in magnitudine & mole: nam aqua æqualis auro, est 5 unciarum, & aqua æqualis plumbo, est 8 unciarum; ergo quoad magnitudinem sunt ut 5 ad 8, dum sunt æqualia in pondere, quia aqua quæ mensurat utrumque, est ut 5 ad 8. Et idem obtinere poteris in quotcūq; corporibus solidis quæ in aqua mergi possunt. Et sicut quæ æqualia sunt pondere, sunt magnitudine ut 5 ad 8; ita quæ æqualia sunt magnitudine, erunt pondere pariter ut 5 ad 8. Et hæc est expeditissima ratio, quæ proportionem corporum in magnitudine & pondere poteris obtinere, nec aliam puto esse aut meliorem, aut magis accuratam quæ ad praxin deduci possit, ut Cabæus etiam fatetur in Meteoris loco supra cit:

ANNOTATIONES.

*Non omnia
metalla æ-
qualia pon-
dere in ea-
dem specie,
sunt aqua-
lia mole.*

I. *Non omnia metalla ejusdem speciei, nec fortassis æquè pura, æqualia pondere, sunt etiam æqualia mole; unde non licet ex uno metallo ferre judicium omnium ejusdem speciei. Discrimen tamen est minutissimum nec nisi summâ diligentia invenitur.*

II. Vix datur aurum, aut argentum purum. Nam argentum ex cineribus seu copella, ut vocant Itali, non prodit usquequaque purum, nisi bis, ter, quater, & amplius in cineritio ponas. Quocumque enim facto experimento, dum in cineritio frigescit, resurgit sal plumbi ex ipso cineritio, & putabitur perfectum argentum, cum erit undecim, duodecim &c. tantum partium: & ex omnibus probatoribus vix unum aut alterum invenies, qui det tibi argentum purum. Deinde nisi aqua experiaris, periculum est, ne aliquid auri habeat admixtum. Aurum etiam vix purum invenies, in quo nihil penitus sit ligaturæ; certè aurei Veneti non sunt usquequaque puri, inquit Cabens.

Aurum & argentum purum vix invenitur.

PRAGMATIA VIII.

Pondus cujuscunque corporis quod in aqua demergitur, invenire per aquam, cognita corporis magnitudine.

SIt corpus aliquod solidum ingens gravius aqua æqualis magnitudinis, ut obeliscus, columna marmorea, aut simile quid, quod mensurari quidem possit mensurâ cubicâ, at non possit ponderari, eò quòd suspendi nequeat è ponderatorio instrumento. Dupliciter inveniri potest pondus talium corporum, primò extra aquam, secundò per aquam.

Pondus cujuscunque corporis invenire extra aquam.

Primus modus, at valde operosus, hic est. Fiat ex eadem, aut ex simili prorsus materia, ex qua constant hujusmodi corpora, cubus palmaris (aut uncialis, aut alterius determinatæ mensuræ, in qua nota est eorum magnitudo) eâ, quâ fieri potest, diligentia accuratè quadratus: deinde hujus cubi pondus exactissimâ librâ aut staterâ exploretur: tandem numerus cuborum palmarium aut uncialium, quos continet corpus propositum, multiplicetur per pondus cubi præparati, & summa resultans dat pondus totius corporis. Atque hac arte fuit inventum pondus obelisci Vaticani, de quo suprâ lib. 3. cap. 5.

Modus hic ingeniosus quidè est, ut dixi, at valde operosus, quia oblato quocumque corpore alterius materiæ, oportet facere novum cubum ex eadem aut simili materia cujus est corpus de novo oblatum, quod utiq; laboriosissimum est. Pretium ergo operæ fuerit, inquirere rationem, quâ semel habito ex quocumque metallo, vel saxo, perfecto cubo, possimus cujuslibet gravis corporis, cujus magnitudo sit nota, pondus reperire. Talis autem est, qui sequitur, omnino mirabilis, & ingeniosus.

stem per a-
quam.

Secundus igitur modus hic est, Fac ex quacunq; materia quæ gra-
vior sit aquâ, nempe ex ferro, plumbo, lapide &c: cubum per-
fectum palmarem (aut semipalmarem, aut etiam uncialē &c:) Hujus cubi pondus explora exactissimè in aère, deinde in aqua,
modo dicto suprà Pragmatia I. & nota diligenter, quantum
diminuat^r pondus ipsius in aqua. Diminutio ponderis in a-
qua dabit tibi pondus cubi aquei magnitudine æqualis solido
tuo cubo. Sit v. g. solidus tuus cubus in aère appensus 100 partiū
determinati ponderis, v. g. librarum, unciarū, drachmarū &c:
in aqua verò 88, ita ut diminuat^r pondus ipsius in aqua 12;
erit cubus aqueus æqualis cubo tuo solido, 12. Quotiescunque
igitur habebis frustum aliquod cujuscunq; solidi aquâ gravio-
ris, cujus pondus extra aquam inventum diminuetur intra a-
quam 12 partibus ejusdem denominationis, quibus diminutus
est tuus cubus solidus; certum est, aquam æqualem illi frusto
esse etiam æqualem cubo aqueo, ac proinde & cubo tuo soli-
do, ideoque certissimè concludes, frustum illud esse æquale, &
mole & pondere, cubo.

Hoc posito, si solidi cujuscunq; propositi, cujus notam habes
magnitudinē in cubis, pondus explorare vis, excinde ex cor-
pore illo, aut ex materia ejusdem rationis cum tali corpore,
frustum aliquod cujuscunq; figuræ, illudq; imminuendo aut
augendo paulatim eò redige, donec differentia pōteris ipsius,
dum in aère primū, deinde in aqua appenditur, sit 12 partiū.
Hoc autem facilè obtinebis per Regulam Trium, ubi semel
exploraveris differentiam illius frusti, dum appenditur in aë-
re & in aqua: si enim invenias primâ vice in aère v. g. 100, in
aqua 80, ita ut differentia sit 20; si dicas, 20 oriuntur ex 100 in aère,
12 ex quo oriuntur? statim habebis pondus in frusto extra aquâ
appenso requiritur ad hoc, ut diminutio in aqua fiat 12. Inven-
tâ hac differentiâ, constat ex modò dictis, frustum illud, licet
non sit cubicæ figuræ, esse tamen omnino æqualis magnitudi-
nis cum cubo tuo solido, quia aquæ moles correspondens tã
frusto, quàm cubo tuo, est æqualis cubo aqueo. Multiplica jam
numerum ponderis talis frusti in aère appensi cum numero
cubo.

cuborum quos in corpore ponderando reperisti, & habebis pondus totius corporis propositi. V.g. Si corpus propositum est 100 cuborum palmarium, & frustum est 20 librarum; multiplica 100 per 20, & invenies corpus propositum esse 2000 librarum.

PRAGMATIA IX.

Ex noto pondere alienius solidi corporis aquâ gravioris, notam facere ipsius magnitudinem.

SIt saxi alicujus ingentis nota gravitas, cujuscunq; sit figura. *Pondere corporis noto, invenire eius magnitudinem hydrostaticè.*
 Si ex ipso saxo, aut ex simili, frustum abscindas, & per dicta Pragmatia precedentè efficias, ut frustum hoc sit æquale in magnitudine tuo cubo solido, hoc est, ut pondus ipsius in aqua sit 12 partibus minus quàm in aëre; & deinde pondus talis frusti examines in aëre, inveniasque esse v. g. 66. librarum: si totum saxi pondus divides per 66, scies quot cubos æquales tuo contineat illud saxum.

PRAGMATIA X.

Datis duobus aut pluribus corporibus aquâ gravioribus, ejusdem aut diversæ speciei, æqualibus in pondere, invenire utrum sint æqualia in mole.

SInt duo corpora metallica, v. g. duæ monetæ, æquales in pondere, sed vel ex diverso metallo, vel ex diversâ ligatura; vis scire num, & quantum una sit major alterâ. Appende singulas crine ad bilamem in aqua, & nota quantum diminuatur ipsarum pondus: si enim æqualiter diminuitur, sunt æquales in magnitudine, quia tanta erit utriusque moles, quanta moles aquæ ipsis æqualis, quas in casu posito æquales esse necesse est, uti ex dictis pragmatia 8. constat. Si verò inæqualiter diminuitur utriusque pondus in aqua, inæquales erunt in magnitudine; illaque erit major, cujus pondus magis diminuitur; nam signum est, huic respondere molem majorem aquæ quàm alteri.

COROLLARIUM.

H*Ac arte poteris scire, utrum moneta aliqua sit adulterata: nam adulterata major est quàm non adulterata. Suppono tamen te habere monetam non adulteratam, cum qua alteram compares.*

Invenire gravitatem cujuscunque aquæ, mediante corpore quod sit aquâ levius.

Pondus cuiuscung, invenire per corpus aquâ levius.

SVprà Pragmatia I. & II. docuimus, quâ ratione cujuscunque aquæ gravitas, & gravitatis diversarum aquarum differentia, inveniri queat mediante solido corpore quod sit gravius aquâ; nunc docebimus, quâ idem ratione fieri possit mediante corpore quod sit levius aquâ.

Pone igitur corpus levius aquâ, in diversis aquis, & nota quantum in qualibet mergatur: in qua enim plus mergitur, illa aqua levior est; in qua verò mergitur minus, illa aqua gravior est. Ratio patet ex dictis Hypothesi VII: cum enim corpus aquâ levius, in aquam demissum, cum in gravitate rationem habeat ad humidum æqualis molis, quam pars corporis demersa habet ad totum corpus; clarum est, humidum illud, in quod idem corpus minore sui parte immergitur, esse gravius altero humido, in quod maiore sui parte immergitur. In quo erravit Mercennus in phænomenis Hydraulicis Proposit: 50. ubi contrarium dicit, utique calami lapsu, aut in considerantiâ. Itaque ex majori vel minori parte corporis demersi colligi potest, quanto gravior aut levior est aqua una quàm altera, uti ex Annotatione III. sequente constabit.

ANNOTATIO I.

Item per corpus aquæ grave ac aqua.

SI globulo cereo, vel melius cereo cubo aut parallelepipedo addas tantum plumbi, ut in humido propositio nec supernatet, nec descendat, sed ubique in eousque ad supremam superficiem mergatur; signum est tantum aquæ, quantum est aggregatum ex cera & plumbo, esse æqualis ponderis cum tali aggregato. Iam si in alio quovis humido positum tale cereum corpus descenderit, id erit priori humido levius; si verò supernataverit, erit id gravius; si deniq; mergatur usque ad supremam solum superficiem, erit æque grave.

PORISMA.

ITaque etiam mediante corpore æque gravi ac aqua, inveniri potest aquarum diversarum gravitas.

ANNOTATIO II.

Eodem cereo corpore experiri poteris, eandem aquam modò graviorem esse, modò leviozem, pro ambientis aeris frigore, aut calore. Imò videbis, si aqua

si aqua frigida tepescat non nihil per manuum immersionem, cerum illud corpus descendere, cum antea non descenderet, quia aqua tepida levior est quam frigida.

ANNOTATIO III.

SI quis cylindrum aliquem concavum æneum, aut argenteum (lingnei enim aquam imbibunt) vel melius parallelepipedum ex eadem materia, constructum curaret, eam symmetriam cum aqua, ut in ea ad horizontem perpendiculariter erectus nataret, & aliquam sui partem supernataret; pars ejus immersa, vel emersa, doceret aquam, vel alterius humidi cui imponeretur, gravitatem; si tamen semel quis illo instrumento exploraverit, quantæ sit humidum aliquod gravitatis, vel ipsius instrumenti gravitatem in aere noverit. Nam si tota instrumenti longitudo dividatur crebris lineis per circuitum ductis, & basi parallelis, in partes æquales parum inter se distantes, & notetur usque ad quam lineam immergatur; certum est, humidum illud cui immersum est, æquale toti instrumento quoad molem, eam in gravitate ratione habere ad totum instrumentum, quam habet totum instrumentum ad partem sui immersam. Si igitur instrumenti pondus in aere est unius uncie v. g. & mergatur dimidia sui parte, aquæ moles toti instrumento æqualis erit duarum unciarum: Si mergatur ad tertiam sui partem, aqua toti æqualis erit trium unciarum &c. Id tamen incommodi, ut bene notat Merfennus, habet prædictum instrumentum, quod vix ac ne vix quidem deprehendi possit ab oculo quantumvis acuto, num aquæ limbus extremus lineam instrumento inscriptam, vel insculptam attingat, vel superet; quandoquidem in aqua & lineæ confinio idem ferè contingit quod in confinio luminis & umbræ, in quo lumen ab umbra distinguitur agerrimè, cum aqua diaphana ipsius instrumenti colorem induere videatur. Præstat igitur, ad liquidorum gravitatem accurate explorandam, uti modis ante præscriptis in hac, & in I. Pragmatia,

Item per cylindri cum corpus ad id paratum.

Cylindrus: ad aquarum gravitates invenienda.

PRAGMATIA XII.

Quantum salis contineat qualibet aqua salsa, hydrostatico artificio cognoscere.

Libro præcedente Syntagm. 3. Pragmatia 13. descripsi modum idem efficiendi, dixique me eum olim in Cabæo legisse. Cabæus ait, se eam praxin reperisse in libello germanicè à Ioanne Tholden de Sale scripto. Locus apud Cabæum est lib. 2. Meteor. tex. 26 quæst. 2.

Salis quantum contineat qualibet aqua salsa reperire.

Fiat tubus seu fistula gracilis AB ex ebore, aut vitro, in cuius extremo sit sphaerula D, prout in figura apposita apparet. Sit

Vide Fig. V. Iconis XV.

totum instrumentum longitudinis palmaris, aut paulò brevioris; & ut sphaera aliquantò crassior & major debet esse, ita fistula debet esse gracilis omnino & levis. Accipe deinde aquam puram omnino, in qua certò scias nihil penitus inesse salis (qualis est aqua per alembicum sublimata;) & in hanc aquam instrumentū tuum impone, & paulatim adijunge ad sphaerulam inferiorem, ubi B, pondus aliquod, sive extra appendendo, sive intus infundendo, donec adjunctum pondus ita deorsum trahat sphaerulam extremam, ut solum summum fistulae orificiū A emineat supra aquam; quod orificium claudere debes, nè aut injectum pondus, si fundo non adhæret, egredi possit; aut aqua ingredi, si casu invertatur, aut mergatur. Parato sic instrumento, ita ut quoties immittitur in aquam purissimam, demergatur usque ad extremum ferè fistulae, jam nulla est necessitas explorandi pondus aut injectae materiae, aut adjunctae (ut aliqui crediderunt) aut totius instrumenti; sed cujuscunque sit ignoti ponderis, vel exigui, æquè potest deservire. Post hæc sume vas plenum aquâ purissimâ, in qua totum hoc instrumentum demergi possit, & consequenter profunditas hujus vasis sit aliquantulum major quàm longitudo instrumenti. Imple vas aquâ, ut prorsus scias exactissimè pondus hujus aquae; & in hac cognitione ponderis hujus aquae exacta totâ diligentiam collocare debes. Totum hoc pondus hujus aquae divide in partes 1200; sic enim ista aqua, cujuscunque sit ponderis, supponetur esse librarum 100; & una pars illarum 1200, erit uncia illarum librarum 100; idem enim est ac si divideres datam aquam in partes 100, & singulas partes in 12. uncias. Sume deinde sal bene præparatum, & exsiccatum, in quo scilicet nulla sit extranea humiditas quæ pondus illius proprium variet; & ex illo sic præparato, & in pulverem subtiliter redacto, exactè reponere particulas unciales ad rationem tuæ aquae, id est, divide particulas salis, quarum pondus sit æquale uni ex illis 1200 partibus aquae.

Instrumenti divisio.

Iam impone paratum instrumentum AB in purissimam illam aquam explorati ponderis, & in fistula nota exactè ad quâ usque

usque partem demergatur, notando in fistula circulum C, ita ut deleri non possit: mox in aquam injice unciam unam salis, hoc est, unam ex paratis particulis 1200, & fac ut in aqua sal ille dissolvatur; videbis statim instrumentum assurgere, ita ut major jam pars fistulæ emineat ex aqua. Nota diligentissimè in fistula signum partis eminentis ex aqua, ita ut deleri non possit. Aliam similiter unciam salis tui impone in aquam, ut dissolvatur; iterum magis assurget instrumentum, & major pars fistulæ eminebit ex aqua; & tu exactè pariter nota signum indelebile partis jam eminentis ex aqua. Mox tertiam imposito unciam salis in aquam; quâ dissolutâ tertio assurget instrumentum, & major pars fistulæ eminebit; & tu eâdem diligentia nota partem eminentem; & sic deinceps procedito, quoad usque instrumentum sphaerulæ pondere erectum manebit, & non obliquabitur, aut sternetur super aquas. Et si quidem fistula erit teres, & æqualis crassitiei, ad singulas uncias salis injectas æqualiter assurget.

Vbi cò deveneris, ut vel tota fistula emerferit ex aqua, vel certè ut instrumentum non maneat amplius erectum, quia summitas fistulæ suo pondere ipsum obliquat; ut instrumentum producas, & usum longiorem habeas; para tibi pondus plumbeum, & uncinulo appende ad B, & paulatim pondus plumbeum imminuendo, pone instrumentum in tuam illam aquam, inquam hæctenus salem injecisti, & fac ut pondus valeat ipsum detrahare in aqua illa salsa, ut mergatur præcisè usque ad C; & iterum uncias salis addendo, non obstante adjecto pondere, assurgit per singulos gradus 1, 2, 3, 4 &c. Adde jam alterum pondus, quod in aquam bis salis detrahat instrumentum usque ad C; & sic deinceps; & habebis instrumentum perfectum, quo dignoscere possis quantum salis sit in unaquaque aqua salsa, quocunque sale sit salsa.

Quotiescunque enim hoc instrumentum in aquam pones, statim ex fistula emergente ex aqua videbis quantum salis sit in singulis 100 libris aquæ illius: sive enim aqua sit in magna quantitate, sive in parva, etiamsi hoc instrumentum collocaveris in

*Instrumentum
in usum.*

medio mari, siue in uno cyatho tantum, affurget pro ratione salis in aqua existentis: ut enim se habuit illa pars 1200 salis ad illam aquam, ita se habet cujuscunque ponderis sal ad similem aquæ partem, ut videmus contingere in omni exploratione minerarum, & exactè consideranti patebit. Si ergo custodias semel tibi elaboratum instrumentum A B, dummodò non varietur pondus illius quo primò instrumentum parasti; habebis quomodo statim cujusque falsi fontis abundantiam vel inopiam salis possis pronuntiare, & ita Principes non decipies, nec tibi blandieris, sed scies ex libris 100 aquæ datæ quantum salis extrahere possis.

Et quia consuevère sapienter, ubi aquam falsam exficcare non possumus, illam motu, agitatione, dissectione, dissipatione, deflatione ventorum, quantum fieri potest, exficcare, ut minore labore, minoreque lignorum dispendio igne absumatur; potest hoc eodem instrumento cognoscere, quantum jam aquæ in illo motu & agitatione consumptum sit, & quantum tibi profuerit tua industria, & poteris illam evidenter probare Principibus. Si enim aqua falsa deprehendatur habere, dum in fonte profilit, v. g. 18 uncias salis, & post motum habeat 20, aut 30; videbis quid tibi profuerit agitatio.

Hoc instrumento, imò experi mētis habemus, aquam marinā longè aliquando minùs esse falsam, quàm sint aquæ fontanæ.

Hoc eodem instrumento poteris diiudicare statim, quænam aqua potabilis sit levior: si enim instrumentum in tua aqua pura descendat usque ad C, in alià verò aqua magis descendat; illa alia aqua erit levior & purior quàm tua aqua; si in alia minùs descendat, illa erit gravior & impurior.

Ratio & causa hujus instrumenti hæc est. Res levior aquâ in specie, in aquam demergitur tantum, ut pars demersa sit æqualis parti aquæ quæ in pondere sit æqualis toti corpori aquis imposito, hoc est, parti demersæ & parti non demersæ simul sumptis, per Hypothesin VII: quia ergo si aquæ puræ sal miscetur, totum illud corpus aquæ fit magis grave, datâ paritate molis; hinc fit, ut si ad constituendum corpus aquæ æquale in magnitudine

*Instrumenti
ratio seu
causa.*

itudine tuo instrumento, ex aqua pura tantum aquæ requirebatur, ex aqua salsa minor requiratur aqua; & quò magis salsa, eò minor requiratur, utpote quæ gravior est, datâ paritate molis. Et hinc est quòd instrumentum in aqua salsa minus demergatur; æqualiter autem demergatur, sive aqua sit in magna quantitate, sive in parva, quia demergitur aquæ ratione sibi respondentis, ut dictum.

ANNOTATIO.

HÆc ferè Cabæus, multis quidem verbis, ut solet, at clarissimè tamen. Liber germanicus quem citat, est Haligraphia Ioannis Thölden Hessi, ubi par. 2. cap. 1. prædictum instrumentum describit, sed ita seipsum, ut nec ipsum ejus usum intellexisse videatur.

PRAGMATIA XIII.

Super aquas lacuum ac fluminum ambulare, hydrostaticâ arte.

FIt hoc cingulorum pneumaticorum ope, quæ describit *Schvventerus* ex Francisco Rösler, par: 12. Deliciarum Mathematicarum, q. 16. & *Morsennus* in Phænomenis Hydraulicis Proposit. 49. Coroll. 1. Parantur in hunc modum. Ex corio bubalino aut taurino fit cingulum latum sesqui palmo circiter, aut amplius, longitudinis tantæ, ut lumbos circumdare, & claudi arcu suis fibulis queat. Hinc & inde ab utroque lumborum parte assumuntur cingulo duo ex canina pelle utres in vesicarum modum effecti, eâ arte, ut nec aqua penetrare, nec aër intus conclusus exire possit. Vtriq; utri infigitur fistula lignea, cujus interioris orificium platismatio seu ventili, ut vocant, instruitur, exterius cuncolo seu obturamento exemptili. Hæ fistulæ tantæ debent esse longitudinis, ut cingulo præcincti os ad orificia exteriora applicari, & inspirato aëre vesicæ inflari queant. Hisce ita constructis, qui pneumatici cinguli ope supra aquas, vel potius intra aquas ambulare desiderat, eo lumbos præcingit; utres seu vesicas assutas inflat per fistulas, fistularumque orificia obturat; pedum solcis plumbea pondera certâ proportione alligat, ut erectum in aquis corpus perseveret, nec depronetur in latus prævalente extantis corporis ac capitis pondere; & ut quam-

*Ambulare
super aquas
hydrostaticâ
arte.*

*Cingulum
pneumaticum.*

cunq; in partem vertere se queat, talos pinnulis quibusdam ceu remis obarmat; sicque instructus flumina, lacus, aliasque quas-cunque aquas consistentes, & à fluctibus liberas, sine periculo tranat, anseris, anatis, cygni, mergi, aliusvè aquaticæ avis instar, adeo ut caput galeâ, bustum militari thorace munire, tormentarium pulverem, sclopetum, hastam gestare queat. Ratio desumitur ex dictis Hypothesi V. Cùm enim cingulum prædictum plures aëris pedes cubicos capiat, vixque reperiatur ullus qui duobus aquæ pedibus cubicis æquiponderet, Merfeno teste; fieri nequit ut illo cingulo nixus immergatur, nisi usque ad ipsum cingulum. Possunt præterea crura ocreis ad umbilicum usque pertingentibus contra aquæ humiditatem defendi. Apparatu hæcenus descripto armatus nescio quis Daniæ Rex, unâ cum aulico quodam ad milliare integrum per lacum ambulavit, Schvventero teste.

ANNOTATIO I.

Possunt pneumatica hæc cingula fieri tantæ latitudinis, & utros vento ferri tantæ capacitatis, tantâq; aëris mole onerari, ut aqua moles totum hominis pondus hujusmodi cingulo obarmati longè superet gravitate, ac proinde non solum hominem aquæ aliquo usq; immersum ac veluti sedentem, sed etiam erectum & toto ferè corpore extra aquas extantem teneat, seu jacere lubeat, seu sedere, seu ambulare. Possunt præterea eadem cingula seu utros eorum laminis ferreis vestiri, ut Sagittis vel Sclopetis resistent.

ANNOTATIO II.

Schvventerus loco citato ex eodem Francisco Rössler docet modum præparandi ex corio thoracem ad modum campanæ efformatum, supra clausum, infra apertum, antè fenestellis instructum, quo lectus quispiam, & ponderibus plumbeis certâ proportione libratus, in aquam se demittere, infra eâ huc illuc ad libitum discurrere, legere, scribere, aliæque sine submersionis periculo peragere queat. Artificium vide apud ipsum.

PRAGMATIA XIV.

Naves, aliæq; magni ponderis in mari aut fluminibus submersa extrahere, hydrostatico artificio.

Naves submersas extrahere.

Artificium describit Cardanus lib: 1. Subtilitatum, appposito etiam schemate, quod omitto, solis litteris quibus utitur, appo-

appōsitis. Fundamentum artificij latet in Hypōthēsi nostra 8. & 9. supra allatis. Verba Cardani hæc sunt. *Cum naues freto merguntur, quas eruere consilium est, cymbæ onustæ saxis per funes alligantur navigio submerso ab urinatoribus, sicut funes quantum fieri potest tendantur; inde totidem cymbis vacuis lapides ex prioribus detracti excipiuntur; quo fit ut alleviata cymbæ navigium submersum paululum ex profundo secum trahant. Nam aër cymbas, quæ pondere lapidum fermè mergebantur, cum aqua subesse nolit, in superficiem aquæ accollit, unde navigium submersum fermè pro cymbæ altitudine superius trahitur. Trahatur igitur ex A in B; tunc cymbæ quæ plene sunt lapidibus, illi navigio annexantur funibus, transfusisq; lapidibus navigium trahetur in C. Rursus priores cymbæ, in quas lapidos transfudisti, necitentur tensis funibus navigio in C existenti, trahentque deductis lapidibus ipsum in D, atq; perpetuâ transmutatione ad aquæ superficiem tandem deducetur. Sed dicis: plurimis cymbis opus erit ad irremem educendam. Verum est. Sed ratio sic constat. Quælibet navis aut cymba tantum ferre potest ponderis, quantum est pondus aquæ quam continere potest. Velut si irremis capiat in flumine mille amphoras aquæ, quarum pondus sit decem millium talentorum; irremis illa in flumine decem millia talenta feret. Quod si eadem in mari capiat, ut dixi, easdem mille amphoras, quarum pondus sit duodecim millium talentorum (nam aqua maris gravior est quam fluminis) eadem in mari duodecim millia talenta ponderis feret. Atq; eâ ratione manifestum est, cur navigia appellare soleamus à mensurâ, ut navem mille vel quingentarum amphorarum: idem est ac si dicas, quæ ferre potest mille aut quingenta ponderis talenta: nam qualis est capacitas, ut dixi, navis ratione aquæ, tantum est pondus quod ferre potest, scilicet quantum est pondus aquæ. Manifestum est igitur ex hoc, quod diversa pondera eadem navis in diversis aquis feret, quoniam & aquarum ipsarum diversa sunt pondera. Iuxta verò hanc rationem liquet ponderis magnitudinem esse pro ratione impellentis aquæ. Nam si, ut gratiâ exempli dicam, cymba viginti amphoras sustinet, hoc est, quia aër inclusus ab aquæ amphoris viginti superius impellitur, ut aqua illa, scilicet quæ in navis contineretur, locum suum recipiat. Bellè igitur convenit hoc experimentum cum ratione quæ superius dicta est, scilicet vesicam aëre plenam ab aqua sursum pelli, quod vesica aquæ locum occupet: Quare pondus pro magnitudine aquæ quam vesica continere potest, in aëre sustinebit, id est, ita vesicæ pondere superimposito, ut ipsum pondus totum in aëre sit, non in aqua. Verum pondus quod in aqua est (ut ad navigium eruendum rursus veniam) tanto levius*

Naves quæ
cum pondus
ferre possint
in aqua.

redditur, quāto aqua ipsa gravior exiterit; unde paucioribus cymbis opus erit, quā quae pondus demersi navigij ferre possens. Duplici verò ratione navigia ex gravioribus aquis facilius extrahuntur, quā ex levioribus, atq; ideo ex mari, quā ex fluminibus, vel lacubus: altera, quòd cymba in mari plus sustinent ponderis; reliqua, quòd navigium in ea aqua minus grave est. Oportet autem hanc ob causam animadvertere, cum, ut dictum est, navigium gravius reddatur in aquae superficie (quia partim est in aère) quā in imo; ut quāto magis elevatur à cymbis, eò plures ac majores cymbae alligentur, nè decipi hac ratione nò solum denuò mergatur, sed & impetu.

Hactenus Cardanus, clarissimè, & optimè, ac planè ex hydrostaticis principiis. Solùm addendum est, cymbas debere esse instructas polyspastis, aut ergatis, seu succulis, quibus funes alligari per vices, & tendi prout oportet, queant. Dubitavit autem aliquis, subjungit Cardanus, cur exoneratis cymbis B, impletis autem aliis quae per A significantur, non descendat navis quae elevata fuit ab A cymbis vacuis? Non enim plenae possunt sustinere pondus. Causa est, quia factis jam funibus aequalibus cymbarum A & B, cum jam vacuum seu inane, vel aër qui in cymbis continetur, potentior sit navis pondere, plus trahet inane cymbarum B, quā remittat gravitas aucti ponderis cymbarum A. Itaque hac ratione perpetuò navis ascendet; hoc duntaxat observato, ut plenarum cymbarum funes eò sine vacuarum cymbarum funibus breviores, quāto pondus lapidum eas cymbas deprimis. Quod ut facilius ac citius fiat, debent omninò adhiberi machinae tracturae quas dixi.

ANNOTATIO.

EX dictis hac Pragmatia patet ratio illius methodi, quā libro 3. cap. 4. Machina 5. diximus satyrum Architectum obeliscos navibus impositos terrae derivasse.

PRAGMATIA XV.

Navem sub aquis natantem fabricari, ex Mersenni phantasia.

Mersennus
vir doctus.

Marinus Mersennus, ex Ordine Minimorū quem S. Francisci de Paula vocant in Italia, vir adeo fuit doctus, ut cum alioquin moderato valde ac demisso fuerit animo, seque ac sua minimè laudare consueverit, dixerit tamen Romae P. Athanasio Kirchero, Amico suo intimo, putare se, nullam sibi quaestionem à quoquam in quavis materia proponi posse, quam

quam non consideret te soluturum. Is inter alia multa præclare à se inventa, & libris commendata, in opusculis suis quæ *Cogitata physico mathematica* appellat, libro 2. de arte navigandi, post tractatum de Magnetis proprietatibus, subjungit modum construendi navem sub aquis natantem; qui tamen viris doctis adeò impossibilis, imò & ridiculus videtur, ut dubitari possit utrum seriò loquatur; & ego Romæ aliquoties in congressu virorum doctorum audivi, cum rem aliquam ingeniosè quidè excogitatam, at factu difficilem aut impossibilem vellent significare, dicerent esse instar navis Mersenni. Quoad impossibilitatem rei sum in eadem cum alijs sententia, ideo supervacaneum judicabam artificium ab ipso propositum hìc adducere: at quoniam pauci fortassis dicta Opuscula habent, & nihilominus artificium scire desiderant, narrationè ejus totam in breve compendiù contractam attexere non gravabor. Sic ergo discurrit.

*Navis sub-
marina
Mersenni.*

Primò, supponit ex hydrostatica, navem ita posse onerari, ut sit proximè ejusdem cum aqua ponderis, stetque propterea in quovis aquæ loco, si aqua à superficie usque ad fundum sit ejusdem gravitatis. Et quia nimis est difficile, ita librare corpus aliquod in aqua, ut ubique sub ipsa maneat, & datum locum fervet; supponit remorum motu & agitatione suppleri posse dictam æqualitatem.

Secundò, nil interesse ait, cujus sit materiæ navis natatura sub aquis, cum semper levior futura sit quàm ut immergi possit, etiamsi fuerit ænea, ob magnam aëris inclusi molem. Quapropter suburranda erit, varijsq; ponderibus deprimenda, donec sit ejusdem ferè cum æquali aquæ mole gravitatis, & parvo negotio possit vel ad superiorem aquæ superficiem redire, vel fundum petere: Super quo fundo, si quando satis firmum & rectum fuerit, ait posse navem suppositis rotis curruum instar circumducì; cum autem fundum id non permittit, posse remis inter aquas moveri.

*Eius mate-
ria.*

Tertiò, ligneam navim ait fortè commodiorem fore. Eam verò ita exactè claudi ex omni parte debere, ut aqua ingredi non queat, nisi fortè guttatim; & tunc eam facillè posse ex nave

*Mare in
profundi-
tate liberè
à fluctibus.*

ejici. Porrò neq; fluxum & refluxum, neque tempestates huic navi timendas esse asserit, cum ex tres aut quatuor profunditatis sexpedas minimè superent, ideoq; tutos esse, ac in perpetua tranquillitate eos, qui distant à maris superficie sex, decem, & quæ deinceps sunt, sexapedis.

Hæc eadem quæ hætenus ex Merssenno retulimus, in sinuaverat idem jam antea in Phænomenis Hydraulicis Proposit. 49. Coroll. 2 Pergit, &

Eius urinatores navium dirigentes.

Quarto, hujuscemodi urinatores supponit, qui navim comitentur, ut respirandi modum sub aquis per mensem integrum sciant, & sub nave degentes, illam quocunq; necesse fuerit, dirigant, ad fundum pertrahant, aut è fundo ad quamlibet altitudinem erigant. *Cum enim, inquit, funem cui plumbi massa, vel anchora, aut aliud quocumque pondus alligatur, in fundum demittent; navis levior facta, versus aquæ superficiem, quantum placuerit, ascendet, descendetque tractione ponderis. Quod & fieri poterit comis, & remorum palmulis peculiari modo constructis & motis.*

Quoniam autem plurimæ difficultates occurrunt quibus obviam eundum, puta circa varias egestiones, & quæcunque nocent oculis, aut odoratui, ejicienda; item circa homines extra navem, quoties opus fuerit, emittendos, aliosque in eam admittendos, circa cibos etiam & advehendos, & coquendos, tormenta bellica in pisces majores explodenda, & alia hujusmodi, putat his omnibus difficultatibus, omissis alijs modis, occurrere posse ut sequitur. Et quidem egestiones ac sordium ejectiones quod attinet, *parentur, inquit, & effingantur coria, quæ nullam aquam admittant, quæq; de versis canalibus ad aquam pervenientibus adhuc beantur, & comprimuntur, dilatariq; possunt. Cum enim sordes expurgandæ, ejiciendæq; fuerint, ex canalibus, quorum epistomia reserabuntur, in coria ad aliorum canalium modum efformata, & in extremo prope aquam fortiter alligata, primum ejicientur; deinde clausis epistomijs canalium, solvetur illud corium extremum, ut sordes in aquam decendant. Eandem sordium ejectionem putat fieri posse dolijs duplex aut triplex fundum habentibus, si delapsis sordibus ad primum fundum, id auferatur, & iisdem delapsis ad secundum restituatur, & hoc secundo ablato sordes in mare decendant.*

Quomodo purganda à sordibus.

Ad hominum è navi emissionem quod attinet, putat eam institui posse per alios canales capacitatis unius dolij: per hoc enim canales similiter ingredi & egredi tot homines posse putat, quod necessarium fuerit; qui ad aquæ superficiem ascendentes, ut vos cibos, aquam, & alia secum advehant, & alia si opus fuerit, revehant: statim enim atque per epistomia canalium in coria predictis similia descendunt, clausis iterum epistomijs post coriorum solutionem, nè quidem aquæ gutta in navem ingredietur. Idem dicendum putat de dolijs diversorum fundorum. Quisq; porro ingredietur vel egredietur, veste coriaceâ induendum asserit, & ea pondera cruribus ac alijs partibus corporis adhibenda, quæ vel in fundo corpus detineant, vel impediunt nè velocitate nimia superficiem aquæ petat, ob pericula navis occurrentis, & alia vitanda, nè caput illidatur, aut machina urinaria frangatur.

Quomodo
homines
mittendi
&
intromit-
tendi.

Quod ad tormenta spectat, suis etiam corijs alliganda censet; sic enim non poterit per fenestras aqua, neq; per ora tormentorum, ut pote clausa ante explosionem, ingredi: sed cum post explosionem aqua subito in illorum ora ingredietur; ad summum ejiciendum fuerit tantundem aquæ, quantum tormenti concavo continetur. Corium verò fenestras tormentorum ita claudat, ut foras promoveri, & retrahi possint, ob corij mobilitatem & obedientiam; quod in retractione invertetur instar manicæ.

Quomodo
tormentis
bellicis in-
struenda.

Quinò, licet navis pars inferior aperiretur, putat non posse aquam in eam ascendere nisi ad paucorum pedum altitudinem, cum aër quo plena est navis, non possit cedere. Confirmat hoc exemplo vitrei scyphi, lagenæ, & aliorum vasorum inverforum in aquam, quæ suum aërem ita conservant, ut in eo, licet sub aquas profundissimas immerso, flammam nutriant. Addit, se multoties expertum, candeæ sebaceæ unius uncie flammam in laterna, cujus concavum ^{vs} pedis cubici, sub aquis merulam, 25 secundis, vel triente minuti horarij durare: quare si laternæ concavum fuerit unius pedis cubici, tantòque majore flammâ nutriatur, quantò major fuerit laterna; putat flammam sex minutis horarijs duraturam; atque adeo vas decem pedes cubicos habens conservaturam flammam per integram horam. Ex quibus facile concludi posse ait, quanta de-

Quomodo
ignem,
flammas ca-
delurum, &
aërem ad
respirandû
conservet.

beat esse navis, ut quisque suâ flammâ vel igne data quantitatituratur. Atque hâc ratione, aperiendo videlicet in navis parte inferiore fenestras, licet fortassis sufficiens remedium inveniri queat ad fovendum in navi submarina ignem, ad coquendoscibos, & ad respirandum; asserit nihilominus se ex Pneumaticis tam facilè effecturum ut ignis ad cibum coquendum, & flamma ad videndum nunquam desit, ut navem citiùs nemo possit construere, quàm ut ei conservandæ sub aquis flammæ modum ostendat.

*Quomodo
aliter sor-
des ejicien-
dæ homines
omitten-
do &c.*

*Urinator
excellens.*

In fine libri 4. Harmoniæ Monito V asserit, jam in usu esse fenestram navium, quas *pontones* appellant, in fundo navis, per quam sordes in altum mare solent ejici; ideoque duplicibus illis fundis, vel dolijs, de quibus paulò antè, minimè opus esse in submarina nave, cum tot fenestræ in navis fundo, seu tot foramina fieri possint, quot ad omne sordium genus ejiciendum, vel ad homines extra navim mittendos, aut pisces, & alia quæpiam in eam admittenda necessaria fuerint: ac præterea funum ignium, & candelarum varijs artificijs per illa foramina posse in mare dispelli, haustisque etiam aquam dulcem in fundo maris occurrentem, in navem trahi. Ibidem ait, egregium urinatorem Joannem Barriem ex urbe Pertusio tribus leucis ab Aquis Sextijs distante oriundum, invenisse artem quâ facilè in fundo quolibet maris per sex aut plures horas respirare ambulare, naves demersas extrahere, & quidvis aliud præstare valeat. Item laternam, candelæ lumen, quàm diu liberit, conservantem, quæ diversis usibus infra aquam adhibeatur, v. g. piscationi quorumlibet piscium. Et cum alijs urinatoribus nè quidem decem pedes cubici aëris ad respirationem ad dimidiam horam sufficiant, eundem uno duraxat aut altero pede cubico ad sex horarum respirationem uti, & laternam vulgariam magnitudinem vix superantem, ad flammam sub aquis perpetuò conservandam adhibere.

Sexto, navem hanc suam submarinam asserit terrenum ambi-

ambitum, nemine cæterorum mortalium conscio, unius aut alterius anni spatio conficere posse; eamque, si maris profundum non desit, tantæ magnitudinis esse posse, ut unius anni victum centum hominibus suppeditet. Sed cum multa loca possint occurrere minùs profunda, satius iudicat minorum navium submarinarum classem apparare, quarum aliæ panem, aliæ vinum, aliæ aquam ferant.

Navis, velocitas, & capacitas.

Septimò, jubet plures urinatores habere domunculas seu castella navibus extrinsecùs adhærentia, in quibus excubent, navium incolas monituri de singulis quæ in fundo maris occurrerint, ut quæ voluerit Architalassus, in naves inferantur, & novæ observationes scriptis committantur; v. g. num aliqui pisces lumen laternarum quæ collocatæ fuerint in fundo maris, fugiant; an omnes ad illud accedant; quantò velociùs suber, uter inflatus, aut quodlibet aliud corpus aquâ levius, ad superficiem aquæ superiorem ascendat; quodnam corpus eadem in aqua velocitate ascendat, quâ plumbum in aqua, vel etiam in aère descendit; quantum iter globus tormenti militaris in aqua percurrat, & alia similia.

Eiusdem domuncula pro urinatoribus.

Octavo, ait aquæ dulcis scaturiginem sæpius in fundo maris occurrere, quibus nautæ submarini feliciter uti, & eam in naves instrumentis hydraulicis attrahere possint. Motum autem aëris, sive condensatione, sive quovis alio modo, puta ex lignorum combustione, & in cineres conversione, ex nautarum in navim reditu, & ex eadem exitu, ex aère inspirato extra navem emisso, ex victuum transportatione, & sordium ejectione, & ex mille alijs rebus oriundum, permittit uniuscujusque cogitationi.

Aëris in eam motus quomodo procurandus.

Nonò, Ad navis figuram quod attinet, iudicat omnium optimam fore, si piscium figuram æmuletur; puppim tamen ac proram ait posse in acumen æquale desinere, ut quodcunque libuerit, navis agitari possit remis; quarum palmulas hac arte construere vult, ut in omnem partem converti, & statim acie suâ, non latiori parte possint ad libitum aquam dividere,

Figura navis.

tum ut navim antrorsum & retrorsum, tum ut sursum ac deorsum moveas: hac enim ratione quaslibet obvias rupes & montes superare, vel ad eorum radices adnatare poteris. Remis etiam adhiberi vult harpagones & uncinos majores, quorum attractione & impulsione navis ascendat aut descendat. Fundo etiam & lateribus navis affigi vult retia diversa, ad pisces occurrentes capiendos.

*Artor quæ
in ea exer-
ceri possunt.*

Decimo, addit quod nulla ferè sit ars, quæ non possit in ea nave exerceri, nullum opificium, quod non in ea peragi: in particulari verò ait, posse in ea tenuari metalla in stamina chalybeis plagulis, omnia molarum genera usurpari, furnis æneis vel ferreis panes coqui, libros in ipsa navi conscriptos excudi, & alia similia.

*Navicula
majori navi
adiuncta.*

Vndecimo, vult plures naviculas abiernas, aut alterius ligni aquâ levioris majori navi alligari, quibus solutis aquæ superficiem prohibitu repetas, tum ut polorum altitudinem capias, tum ut cujuslibet occurrentis Insulæ incolas agnoscas, & ea in majorem navem referas quæ detexeris, quæquæ ad vitium aut voluptatem pertinent. Novis enim ponderibus navicula quæ suo pte nutu ascenderat, deprimetur, continuoque nauta quispiam è mari poterit egredi, prout opus fuerit, aut liberit. Majores etiam naves non solum remis, sed etiam prædictis naviculis ad superiorem aquæ superficiem revocari posse existimat, ut lignis oneretur ad navim iterum demersam reficiendam intra ipsam aquam.

ANNOTATIO I.

De vanitate hujus navis Mersennianæ.

*Navis Mer-
senniana
vanitas.*

Vides, Lector, quàm mira ac portentosa hic Auctor, è quantâ præfidentia sibi promittat de nave sua submarina. Audierat, vel legerat, naviculam à Cornelio Drebellio in Anglia constructam, quæ sub aquis depressa natabat, ut ipsemet refert loco supra citato ex Phænomenis

nis Hydraulicis; putabatque, si verum est quod de Drebellij navicula narratur, eundem successum habituram quantumvis magnam navem: que si construeretur, & mari committi ab ipso Mersenno deberet, vereor nè responderet quod Rhodiensibus respondit Callias architectus, de quo Vitruvius in peroratione & calce Operis sui de Architectura. Erat Rhodiensibus Diognetus Rhodius architectus, & ei de publico quotannis certa merces pro arte tribuebatur ad honorem. Venit quidam architectus ab Arado, nomine Callias, & acroasin fecit, exemplumque protulit muri, & supra id machinam in carchesio versatili constituit, quæ helepolim ad mœnia accedentem corripuit, & transtulit intra murum. Hoc exemplar Rhodij cum vidissent, admirati ademerunt Diogneto quod fuerat ei quotannis constitutum, & eum honorem ad Calliam transtulerunt. Interea Rex Demetrius Rhodum obsidet, & mœnibus admoveat helepolim immanibus sumptibus, & summâ industriâ ac labore fabrefactam, cujus altitudo erat pedum 125, latitudo pedum 60, & ita cilicij & corijs crudis confirmata, ut posset pati plagam lapidis balistâ immissi pondo 360, ipsa autem machina erat pondo 360000. Cum autem Callias rogaretur à Rhodijs, ut contra eam helepolim machinam pararet, & illam, uti pollicitus erat, transferret intra murum; negavit posse. Non enim, inquiebat, omnia eisdem rationibus agi possunt, sed sunt aliqua quæ exemplaribus non magnis, similiter magna facta habent effectus; alia autem exemplaria non possunt habere, sed per se constituuntur. Nonnulla verò sunt quæ in exemplaribus videntur verisimilia; cum autem crescere cæperunt, dilabuntur, ut etiam possumus hinc animum advertere: terebratur terebrâ foramen semidigitale, digitale, lesquidigitale; si eadem ratione voluerimus palmare facere non habet explicationem; semipedale autem, majusvè, nè cogitandum quidem videtur omnino. Sic item quemadmodum in nonnullis parvis exemplaribus factum apparet, in non valde magnis fieri posse videtur; non tamen eodem modo in majoribus id consequi potest. Ita videlicet responderet Mersennus parvam naviculam infra aquas librari, huc illuc pro libitu impelli, aërem & alia intromitti atque emit-

Callie va-
ua promissio
Rhodis
facta.

Helepolis
Demetrii.

ti, flammam in ea nutriri, aliaque multa perfici circa eam posse, circa majorem navim non posse. Sed irritis conatus exemplum proferamus.

ANNOTATIO II.

De vanitate navis Roderdamensis.

Navis Rotterdamentensis.

Roma cum essem, missa fuit à Belgio ad P. Athanasium Kircherum forma navis ari incisa, quam construxisse dicebatur Rotterdami in Hollandia Gallus quidam ingeniosissimus (cujus nomen mihi excidit) Anno 1653; & paulo post ex eodem Belgio Romam appulere nobiles quidam, qui asserabant se navim vidisse. Longitudo ejus dicebatur esse pedum 72, altitudo pedum 12, & latitudo pedum 8. Eâ promittebat auctor se velle destruere die uno naves hostiles centum, ita ut neque ab igne, neque à tormentorum globis, neque à tempestatibus, neque ab alijs quibuscunque sinisterioribus casibus pati quidquam posset, nisi Deus id modo peculiari permitteret. Et licet naves hostiles intra portum conclusæ, probèque custoditæ forent, spondebat tamen eas à sua navi non fore securas seque nihilominus sine impedimento cum ea accessurum. Et licet prodiiione quadam in manus hostium veniret (alioquin enim esse impossibile asserabat ut interciperetur) à nemine tamen præterquam à se solo eam dirigi posse, ideoque hosti prorsus inutilem futuram. Unde meritò fulmen maris eam appellari posse dicebat. Tantam præterea velocitatem ejus futuram asserabat in mari, quanta vix avis ullius in aère; adeo ut intra diem unum ex Hollandia in Galliam navigari, indeque in Hollandiam renavigari; intra sex verò hebdomades in Orientalem Indiam penetrari posset. Hæc cum legissem & audivissem Roma, ingens me desiderium incessit de navis eventu aliquid certiùs experiendi: asserabat enim Kircherus, impossibile esse ut successum haberet; & jam fama adventarat, eam mari commissum statim præ nimio pondere submersam fuisse.

Quam-

Quamprimùm ergo Herbipolim appuli, ab amplissimo hujus urbis Consule, Domino Michaële Schaupp Petiui, dignaretur per notos & familiares in Hollandia in id inquirere: quod & pro sua humanitate fecit, & Amsterodamo per litteras intellexit, navim nunquam fuisse mari commissam, utpote ab omnibus inutilem ad promissos effectus consequendos estimatam. Venit paulò post navis Auctor huc ad Eminentissimum Principem nostrum, etque suam operam obtulit; & cum de variis machinamentis à se inventis magnificè se laudasset, nihil de navisua dixit. Inter alia asseruit, construxisse se tubospicillum, quo Lunam non solum cavernosam, ut alii, sed alicubi prorsus diaphanam ac per viam deprehendisset, & per patentia foramina cælum ipsum ac stellas perspexisset. Risit princeps hominis jactantiam, jussitque Collegium nostrum accederet, & eum viris doctis de inventionibus his tam egregiis conferret: at deprehensum se animadvertens, neque ad nos venit, neque ad Principem rediit. Atque hæc de navibus phantasticis sufficiant. Navis Rotterodamensis schema, quod penes me habeo, non appono, quia pretium opera non est. De navis submarina Drebelly lege Harstorfferum in Deliciis Mathemat. Par. 13. quest. 8.

PRAGMATIA XVI.

Maris profunditatem metiri Hydrostaticâ arte.

P Josephus Blancanus lib. 5. Sphæræ cap. 4. ex Leone Baptista Alberto, modum docet explorandi profunditatem maris absque bolide; qui tamen fallacissimus est, ut videbimus. Jubet accipi globulum gallæ, aut suberis D, habentem infixam ansulam ferream C; & ex ansula appendi jubet uncinum plumbeum ABF, cujus major sit pars BF, quàm AB, & unâ cum globulo demitti ad fundum maris, & eodem momento verti clepsydræ: statim enim ac per F impinget in fundum maris, reclinabitur uncinus, & exibat ab ansula C; quare galla, aut suber revertetur sursum ad superficiem aquæ, utpo-

Maris profunditatem metiri.

Vide Fig: VI Iconismi XV.

Modus Leonis Bapristæ Alberti.

Ecc

te aquâ

te aquâ levius: quo reverso, fisti jubet clepsydram, & metiri tempus; deinde maris illius, in quod demissus erat globulus, profunditatem explorari bolide, quæ sit exempli gratiâ pedum 300, & tempus illud fuerit 10. minutorum unius horæ. His positis, ait, si ejusdem ponderis uncinus, & suber, in aliud mare ignotæ profunditatis demittatur, & tempus descensus simul ac ascensus numeretur per clepsydram, aut aliâ ratione; sciri poterit illius profunditas absque bolide: nam ut 10. minuta ad pedes 300, ita tempus hoc secundum inventum ad quæsitam profunditatem.

*Et Nicolai
Gusani.*

Similem modum docet *Cusanus* in Dialogo de staticis Experimentis, his verbis, *Cum plumbo fieret* (hoc est, inveniretur maris profunditas) *formato ad instar Luna octo dierum, ita amens, quod cornu unum sit ponderosius, & aliud levius; & in leviori pomum, aut aliud leve tali instrumento appendatur, quod plumbo in fundo pomum trahente, & primo cum ponderosiori parte terram tangente, & se sic successivè inclinante, pomum de cornu liberatum sursum revertatur, habitâ scientiâ per simile plumbum & pomum in alia aqua nota profunditatis: nam ex diversitate ponderum aqua ex clepsydra, à tempore projectionis plumbi, & reversionis pomi, in di-*

*Sed uterque
falsus.*

Verum, ut optimè advertit *Cabani* lib. 2. Meteor. tex. 6. quæst. 15. & *Ricciolus* lib. 2. Almagesti cap. 5. num. 111. hic modus omnino fallax est: nam supponit, eandem esse profunditatis rationem ad profunditatem, quæ est temporis ad tempus prædictum; & præterea, aquas maris ubique ejusdem esse crassitie & densitatis; quorum utrumque falsum est. Nam certum est; non omnes aquas marinas esse ubique æquè salas, ac proinde nec æquè graves ac densas, quia magis salæ sunt magis graves ac densæ.

*Maris aqua
non ubique
æquè salsa
Et in funda
fortassis den-
siores*

Probabile etiam valde est, aquas maris circa fundum graviores ac densiores esse; quàm circa superficiem, quoniam expertissimus quidam Archicolymbetes apud Mersennum loco citato præcedente Pragmatiâ testatur, se cum 60, aut 80 sex-

pedas

pedas in profundum descendisset, ulterius non potuisse descendere, donec novo pondere demergeretur; cumque super fundo ambulanti fossa profundior aquâ plena occurrisset, in eam, utpote magis resistentem, non potuisse descendere: quod non possis explicare, inquit Merfennus, nisi aqua versus fundum gravior & gravior evadat. Certum præterea est, gravia ac levia ascendere ac descendere naturali suo motu velocius ac velocius versus finem, atque adeo difformiter. Fallax ergo est prædictus modus explorandi maris profunditatem, & alius est excogitandus.

Perique bolide vtuntur, ponderi videlicet funi alligato, & intra mare demisso, donec fundum attingat; ex Spatio enim demersi funis colligunt profunditatem maris. Sed & hic modus potest esse fallax, nisi certa adhibeatur cautela. Nam vt bene aduertit Cabæus loc. cit. cum Leone Baptista Alberto, potest tanta esse maris profunditas, vt datâ bolide mensurari non possit, etiamsi funis non desit; si nimirum pondus dati plumbi aut ferri vnâ cum fune leuius sit; quam moles aquæ æqualis moli funis & plumbi simul; tunc enim funis non trahetur deorsum perpendiculariter à fune, sed fluitabit huc illuc, & undulatim natabit. Appendendum ergo est funi tantum pondus, vt certus sis ad fundum vsque perpendiculariter descendere, alioquin nunquam eris certus de profunditate maris. Quantum porro pondus hîc & nunc appendendum sit, docet P. Ricciolus lo. cit. in hunc modum.

Esto superficies maris MR, & bolis EGR, cuius funis EG sit pedum mille; queraturque pondus plumbi GR, idoneum ad retinendum funem EG in recto situ lineæ perpendicularis sub aqua. Accipe funem decempedalem eiusdem speciei & orassitudinis, cuius est EG, & probe medefactum aquâ marinâ illum pondera, sitque exempli ergo librarum 3; cui appende plumbum GR grave in aëre libras $2\frac{1}{2}$, sed in aqua maris ponderatum sit librarum tantummodo 2, vt differentia sit scilicet libra, & aggregatum ponderum in aëre sit librarum 5. His notatis in scheda, demitte totum funem decempedalem EG, cum plumbo illo

Modus ordinarius per-bolide m e-tiam fallax esse potest.

Cautela adhibenda in bolide, ex Ricciolo. Vide Fig. VII. Iconismi. XV.

GK, infra superficiem aquæ marinæ MR, & statera expende utrumque: sitque pondus illorum simul libræ unius, exempli gratiâ: subtracto igitur pondere libræ unius, ab aggregato pondere illorum extra aquam, restant libræ $4\frac{1}{2}$; tanti ergo ponderis est aquæ profunditas illa, cujus moles equalis est moli totius bolidis EGK: dempta autem selibrâ, quæ fuit differentia inter pondus plumbi, & pondus funis, à libris 4^1 , restant libræ 4, quæ competunt profunditati aquæ equalis soli funi EG; qui numerus vocetur argumentum profunditatis aquæ. Quo argumento, sic reliquum problematis expedies. Multiplica per argumentum prædictum, nempe in nostro casu per 4, numerum pedum funis dati, qui erat millenarius, & fiunt 4000; quo divisio per 10, restant 400. Dic ergo, si pedes 10, talis funis pendet libras 3, ergo funis pedum 1000, pendet libras 300; quibus demptis à libris 400, restant libræ 100 plumbo appendende funi mille pedum, ut rectè à deorsum trahatur; alioquin si pondus plumbi sit minus, & mare profundius mille pedibus: fluitabit funis obliquè, nec tali bolide explorari poterit profunditas maris. Hæc Ricciolus. Lege etiam Merfennum Phænomenis Hydraulicis propositis, 52.

ANNOTATIO I.

Riccioli calculus videtur esse falsus.

ETiam hæc regula, seu calculus ejus supponit aquam maris, cujuscumque profunditatis, ejusdem esse gravitatis versus fundum & versus superficiem: nam sicuti aquæ moles equalis funi decem pedum, est versus superficiem, ubi sit prima ponderatio, quatuor librarum; ita putatur eandem molem aquæ versus fundum esse similiter quatuor librarum, cum tamen probabile sit esse graviorem. Deinde posito quod aqua per totum sit ejusdem gravitatis, non valet hic modus, nisi in casu quo profunditas minor est quàm longitudo dati funis; si enim major est profunditas, non poterit sciri quanta ea sit, sed solum quod major sit quàm longitudo funis dati. Præterea non video, cur detrahetur differentia inter pondus funis trium librarum, & pondus plumbi duarum librarum cum dimidia, nempe selibræ, residuum pondus quatuor librarum indicet pondus aquæ molis equalis soli funi. Quod ergo

ergo faciendum, si in aëre pondus funis est aequale ponderi plumbi appensi? Taceo alias difficultates contra hunc eundem modum occurrentes. Dicendum ergo, modum explorandi maris profunditatem per bolidem, ordinariè securum esse, quia ordinariè non est tanta profunditas ut pondus funi appensum non pertingat usque ad fundum; infallibiliter tamen non esse certum, propter rationem ex Cabao & Alberto adductam.

ANNOTATIO II.

Similem modum affert Schwenkerus in Deliciis Mathem. par. 13. q. ult. ex Christophoro Puchlero, & Rivio; qui propterea easdem patitur difficultates.

PRAGMATIA XVII.

Vitreas auiculas, aliasque cuiuscunque formæ icunculas ex vitro in aqua librare, sursumque ac deorsum pro libitu molitare.

PRaxin tradidimus in Mechanica Hydraulico-Phneumatica Parte 2. Classe I. cap. 5. Machina 6, quam appellavimus *Hydrotechnicum tubum, varia Ludentis Spectacula exhibentem.* Præscripsimus autem duos modos,

PRIMVS MODVS.

Primum modum vocauimus *Experimentum Florentinum*, quia Florentiæ primum fuit inuentum, quo globulus vitreus leuissimus, intus cauus, habensque collum exiguo osculo peruium, tubo vitreo aquâ pleno includitur, & tubus clauditur. Globulus enim intus susceptâ, subsidit ad fundum vsque tubi, ibique hæret immotus: tubi verò fundo aquæ frigidæ im-

Auiculas vitreas libere rare in aquis.

Experimentum Florentinum.

merso, & aquâ non nihil frigefactâ, ascendit illicò globulus, & in suprema hæret superficie: calefacto tubo vel manuum, vel aquæ, vel ignis calore, descendit iterum globulus, tantò magis minusuè, quò magis minusuè fuerit aqua tubi calore alterata. Causam horum motuum globuli adsignauimus ibi ex Hydrostaticis principijs, quia nimirum globulus vnà cum aëre & aquâ inclusis, est nunc grauior, nunc leuior, quam æqualis moles aquæ.

SECUNDVS MODVS.

*Experimen-
tum Ro-
manum.*

SECUNDUM modum appellauimus *Experimentum Romanum*, quia Romæ inuentum, quo phialæ seu tubo vitreo angustioris, quod pollice contegi queat, aquâ penitus pleno, inijcitur prædictus globulus, aut incunula aliqua vitrea intus caua, & exiguo osculo alicubi aperta; qui quidem globulus (aut incunula) cum sit aëre plenus, hæret circa tubi collum, pressâ verò aqua pollice, descendit, magis aut minùs, iterumque ascendit, quò magis aut minùs aqua premitur. Huius etiam causam ex Hydrostaticâ petiuimus, quia videlicet aqua pressa insinuat se per osculum in globulum, eumque constituit nunc magis, nunc verò minùs grauem, quàm sit æqualis ipsi moles aquæ.

*Experimen-
tum Mag-
nani de an-
sere vitreo
natante.*

Simile, vel potius idem cum Romano Experimento proponit *Emanuel Magnan* in cursu suo Philosophico to. 4. c. 17. Proposit. 3. num. 8. vbi docet, quâ ratione ex vitro formandus sit anser intra aquam doliolo vitreo inclusam natans, his verbis. *Ad lucernæ flammam arte vitrariâ formatur è vitro globosa ampulla ciceris aut cerasi magnitudine, collo seu tubulo prætenui, ac non ad modum longo, ea Proportione, quâ solet in phialis majusculis, cum solâ magnitudinis differentiâ. Nihilominùs ad elegantiam operis potest artifex ampullula jam formata coaptare & annexere velut anseris caput, & alas, & caudam, ita tamen, ut prædictus ampulla tubulus inferiorem teneat locum, & sit in ansere quasi loco pedum; quorum similitudinem faciliùs obtinebit, si eius orificio (quod tamen de-*

bet manere apertum) circumponat, & ad ignem, ut dictum, lucerna coagulet particulas vitri tot ac tanta molis, ut figurâ simul & pondere duplex obeant munus, nimirum anserini explicati pedis formam referant (quod est ad operis venustatem,) & prægravent eundem tubulum ad hoc ut in aqua, dum vitreus anser fluitabit, aut mergetur, locum inferiorem constanter teneat more pedum. Insuper debet tota hæc machinula particulis vitri hinc inde in modum pinnarum, aut alios ad elegantiam dispositis ita onerari, ut cum aqua, cui imponitur, ad æquilibrium reducat, nempe ut non quidem sponte mergatur ad imum, sed quovis exiguo (velut duorum vel trium arena granulorum) addito pondere mergi queat. Sic instructus vitreus anser committitur aqua contenta capaciiori albo vitrea maiuscula ampulle dolioli Specie, ut videre potes in Fig. (hæc enim forma visa est percommoda, Vide Fig. quamvis & alia commoda sint) cuius ex latere positum orificium pos- VIII. Ico- sit imposto pollice facile occludi; & sit omnino plenum aquâ doliolum, nisimi XV. ut pollex orificium occludens aquam tangat. Tunc verò si pollice aquam premas subsidet ad imum anser; euadet autem in altum si paululum remittas pollicem: (caue tamen ne sic remittas, ut aqua possit effluere.) & iterum si premas aquam, desiliet illic anser: & quod magis mirère, si ad quantam tibi propositam premendi mensuram premas, digito constanter ad eam mensuram premente, perstabit anser immotus in medio aqua ad quodvis optatum signum in linea perpendiculari, v.g. in A, vel in B, vel in C, ac descendet ascendetue ad quod volueris, prout impacto pollice vim adhibueris premendi maiorem vel minorem: ita ut requiratur pressio vehementior, ut ad inferius punctum C, anser consistat, & lenior, ut ad punctum superius A; mediocris verò, ut ad umbilicum B.

Hæc Magnan. Causam Experimenti eandem adsignat Causa Ex- perimenti. quam nos, nimirum quia pro variâ pressione aquæ anser assumit variam gravitatem, nunc maiorem, nunc minorem, nunc æqualem aquæ ejusdem cum ipso molis. Hoc autem quomodo contingat, ita ipse explicat, diverso modo à nostro, ut primâ fronte apparet. *Aqua prementi pollicis cogitur concedere locum, quia non patitur condensari se pressu illo, & ideo qua-*
rit

rit alibi locum aequalem ei quem invadit atque occupat pollex pre-
mens: & cum non inveniatur, propter parietes dolioli benè firmos at-
que inuios, solum superest sub anseris pede tubulus apertus ampullule:
cum enim tota anseris aluus, nempe ampullula, plena sit aëre, & aër
nō difficulter patiatur se densari: dū aqua premitur à pollice, premitur
aër ab aqua ad os tubuli instante, atque densatur, & ad locum angustio-
rem redigitur intra dictam aluum, & partem loci totalis quem pri-
us occupabat, permittit aqua sese per tubulum insinuanti, & sic intra
anserem aqua admittitur plus minusuè, secundum quod plus minusuè
premitur à pollice. Tunc autem quia moles vitrei anseris, prout preci-
se constat vitro & aëre, minuitur, ut patet; adeoque minorem in a-
qua locum occupat: consequenter fit respectu eius gravior, ex demon-
stratis ab Archimede lib. de his vehuntur in aqua. At verò cum
remittitur digitus, minuiturque eatenus vis premendi, aër precedenti
vehementiori pressu in alvo anseris præter naturam densatus,
adeoque vim passus, arreptà facultate levioris pressus, laxat iterum sua
spatia, & reslituit se in pristinum locum excluditque ex eo aquam;
& eatenus tota iam anseris moles, prout suo vitro & suo
constat aëre, locum occupat in aqua majorem, unde et fit respec-
tus eius levior. Diversitas apparens hujus modi à nostro consi-
stit in eo. Nos volumus, globulum seu anserem solo aëre ple-
num, superiorem aquæ locum petere, quia levior est quàm a-
quæ moles quam excludit: eundem globulum seu anserem
aëre plenum & aquâ, descendere penitus, vel in dato per pres-
sionem loco hære, quia gravior est, aut æquè gravis, quàm
aquæ moles quam occupat: ideo autem esse graviolem nunc,
quàm antea, quia antea solum aërem includebat, nunc unà
cum aëre includit aquam. Putamus itaque, aquam intra glo-
bulum contentam, addere ipsi globulo & aëri pondus. Mag-
nan verò vult, globulum seu anserem unà cum aëre totam
aluum occupante occupare majorem locum in aqua, hoc est,
plus aquæ excludere, quàm globulum seu anserem unà cum
aëre intra aluum condensato; quod quidem verissimum est:
ex quo infert, in primo casu leviolem esse aquâ quam tunc oc-
cupat

cupat & excludit, in secundo casu graviorem aquâ quam nunc occupat & excludit. Hoc secundum est verum, si aqua intra globulum recepta non addit illi pondus falsum, si addit; vel saltem non convincit, quia non constat tunc an gravitas sufficiens ad descensum sit â solo vitro & aëre condensato, an simul etiam ab aqua inclusa.

TERTIVS MODVS.

Alium modum librandi anserem vitreum, aliasque aviculas, & icunculas quascunque, vidi Romæ apud quendam artificem Germanum, qui icunculas illas ad lampadis flammam elaborabat; & Augustæ apud Joannem Wisel, cujus memini supra 1. par. lib. 10. Syntagm. 1. cap. 3. Efformant hi anserem, aut aliam avem, ex vitro, intus cavam, & aquâ levio-
*Experimen-
 tum Augu-
 stanum.*

rem, ac proinde eidem supernatantem: deinde globum aut ampullam vitream rotundam, aut cujuscunque alterius figuræ, replent ad duas aut tres partes aquâ lymphidissimâ, & anserem injecto claudunt vitro liquefacto ad eandem lampadem. Hoc factò, quamcunque in partem verteris aut everteris ampullam, semper anser supernatat. Res non est magni artificii. Majoris esset, si ita effingeretur anser, additis aut detractis hinc inde particulis, ut æqualis esset gravitatis cum aqua ejusdem molis, & consequenter datum quemcunque locum in aqua servaret, & tamen semper erecto corpore intra aquam consisteret: Tunc enim si ampullæ aquâ penitus plenæ includeretur, semper in aqua natate conspiceretur. Quâ verò ratione corpora aliqua possint dicta ratione in aqua librari, paulò post dicemus.

PRAGMATIA XVIII.

Quatuor humores intra spheram vitream ita librare, ut mundum elementarem referant.

*Spheram
quatuor E-
lementorum
repræsen-
tare.*

Elementorum ordinem naturalem hunc esse, à DEO rerum Auctore indictum, constat, ut terra, ut pote gravissima, infimum & universi centro vicinissimum locum occupet; supra terram sit aqua, ut pote terrâ levior; supra aquam aër, ut pote adhuc levior aquâ; supra aërem denique putatus ignis, seu æther, omnium levissimus. Quatuor hæc elementa, eorumque ordinem, æmulantur nonnulli quatuor diversæ gravitatis seu levitatis humoribus, intra vitream spheram seu oblongam ampullam inclusis; qui licet inter se motu & agitatione confundantur, ac veluti in chaos redigantur, unusquisque tamen mox propriam sedem ac veluti spheram sibi debitam repetit. Hujus modi ampullam cum liquoribus suis vidi Romæ, non sine delectatione. Humores porro quatuor, qui quatuor elementa quoad gravitatem ac levitatem, & consequenter quoad situm intra ampullam referunt, quibusque elementarem mundum aliqui æmulantur sunt sequentes.

*Liquores
quatuor E-
lementave-
ferentes.*

Pro terra antimonium crudum, vel etiam colorem illum cæruleum, quem smaltum vulgò in Italia vocant, exactè depuratum, loco infimo ampullæ inferunt. Supra hunc, pro aqua spiritum tartari infundunt. Supra hunc pro aëre infundunt spiritum vini tertio rectificatum, qui & colore aërem refert. Supremo denique loco, pro igne seu æthere affundunt oleum de been, ut vocant Chymici, quod colore, levitate ac subtilitate dictum elementum refert. Hi quatuor liquores ejus sunt naturæ, ut quomocunque illos & quantumcunque permiscueris inter se agitatione, inversione, & confusione, singuli tamen ad proprias & à principio sibi attributas sedes, veluti ad spheras

Sphæras suas redeant. Lege Kircherum lib. 3. Magnetis par. 2. cap. 3. Experim. 5. ubi ait, posse similes quatuor liquores, quatuor elementorum veluti similes, ex una & eadem simplici substantia chymico magisterio extrahi; & se octo diversos liquores, quorum unus alterum continuâ serie transcendebat, ex diversis oleis & spiritibus fieri aliquando curasse, & iis octo cælorum orbitas retulisse, & in iisdem planetarum & fixarum stellarum corpora, magneticâ arte in orbem, ad exemplar Naturæ, rotasse.

Liquores
octo cælos
referentes.

ANNOTATIO I.

Vtrum huiusmodi liquores eâ arte preparari atque includi possint, ut unus alterum spherico complexu circumdet.

Hoc facere se posse, asserit Cornelius Drebellius in Epistola de perpetui mobilis inventionem, ad Angliæ Regem, his verbis. Cæterum ut magis confirmem, me intelligere causam motus rerum sursum & deorsum, & quid terram & aquam in medio aëris portet: ita in vitro clauso terram in medio aquæ, aquam in medio aëris, atque aërem in medio ignis suspendo, ut unum elementum aliud ambiat, velut circulus alius alium: aut è diverso, statuo aërem in medio aquæ instar globi, & aquam in medio terræ, ita invicem se amplectentes, ut aër hunc terrarum orbem. Atque hoc modo altum humile, humile altum, leve grave, grave leve facio. Kircherus lo. cit. ait, si de unico humore in medio alterius conglobato sermo sit, se non negare id fieri posse, & se certum quoddam olei genus scire, quod cuidam aquæ super affusum, in globum mox se, ut videlicet hoc situ singule olei partes à violenta corrosione aquæ melius sese defendant, contrahit. Difficile tamen esse arbitratur, plures humores ita constituere, ut unus alterum spherice, circumdet. In centro tamè terræ & uni versi id fieri posse, imò necessario ita fieri debere existimat. Unde, ex Kirch. mète. si quis supra dictos quatuor liquores circa mundi centrum ita disponderet, ut in ipso centro collo-

Liquores
plures an
possint se
mutuo in-
cludere
spherice.

In centro
Terra id fe-
ri posse putat
Kircherus.

cares antimonium, deinde affunderet spiritum tartari, tum spiritum vini, actandem oleum de been; antimonium conflueret in globulum Mundi concentricum, & circa hunc reliqui conglobarentur; tum quia ad loca decliviora sublati impedimentis (qua ibi nulla forent, ut supponitur,) confluerent, tum quia secundum omnes suas partes equaliter à centro Mundi distare affectarent, prout humidorum natura requirit. Atque hæc ipsa humidorum natura est causa, cur idem extra Mundi centrum in Terra superficie apud nos fieri non posse existimet Kircherus. Cum enim omnis humidum consistens sphericam habeat extimam superficiem, habentem idem centrum cum uni verso, ut Archimedes demonstrat in lib: de Insidentibus humido; clarum est, si extra Mundi centrum, in Terra superficie, unus humor circumdaret alterum sphericè, nullam habere extimam superficiem suam equaliter à dicto centro distantem, quandoquidem superficies homisphærii superioris magis distaret à centro, quam superficies homisphærii inferioris, ut ibidem apodicticè demonstrat Kircherus.

Non verò
extra cen-
trum.

Contrari-
um sentit
Auctor.

Ego existimo, licet naturaliter fieri non possit ut plures humores se mutuo sphericè circumdent, propter causam adsignatam; arte tamen id fieri non repugnare, alioquin nec unum oleum intra aquam aliquam conglobari posset, quia non haberet extimam superficiem equaliter undique à centro uni versi distantem. Sicut ergo arte fieri potest, ut oleum propter causam aliquam conglobetur intra certam aquam, ita etiam fieri potest ut hæc ipsa aqua conglobetur intra aliam, propter eandem aut similem causam. Quà verò arte id fecerit, aut facere voluerit Drebellius, nescio. Refert Kircherus ex Theatro chymico, Empiricos quosdam promittere, se posse magisterio quodã admirando totum creationis Mundi opus ob oculos ponere simili arte, nimirum certo quodam liquore vitream implendo spheram, eique instillando oleum, quod ipsi benedictum appellant, & subito hac infusione ceu chaos quoddam causando moxque aliud oleum priori super affundendo. His enim factis, ajunt in momento chaos illud abyssale, ceu diuinâ voce percussum, in lucem assurgit, elementa in sphas suas discernuntur, puriore hujus molis parte in caelos, parte aliâ in
plane-

Empirico-
rum figmen-
tum.

planetas & lucidissima sidera abeunte, ita ut totum denique opus, ceu $\mu\eta\gamma\alpha\lambda\lambda\omicron\sigma\mu\omicron\varsigma$ quidam, elementis, motu, luce, stellis, ceterisque mundi partibus $\mu\epsilon\gamma\alpha\lambda\lambda\omicron\sigma\mu\omicron\varsigma$ perfectè referat. Hoc tamen jactabundorum Empiricorum seu chymistarum merum figmentum esse arbitratur Kircherus; addens se olim Francofurti ad Manum hujus rei solum rudimentum quoddam apud insignem Medicum vidisse; qui dum affundebat liquorem liquori, e vestigio liquorem dilutum in quaedam scintillas ceu stellulas abiisse, quæ tamen non diu durarint; ceterum nullam liquorum conglobationem notare potuisse.

ANNOTATIO II.

Similem praxin diversos liquores eidem vitro infundendi, ut ^{Liquores plures per} unus supernatet alteri, docet Daniel Schwenterus in ^{Deliciis mistos in vi-} *Mathematicis* par. 13. quæst. 49. lubet accipi vitrum cylindricum, ei- ^{tro include-} que infundi primo loco lac ad altitudinem duorum circiter digito- ^{re.} rum. supra lac oleum, aut butyrum liquefactum; supra hoc poni segmen panis instar orbiculi rotundum, æqualis ferè cum vitro diame- tri; supra panem infundi cerevisiam, & supra hanc iterum oleum aut butyrum liquefactum, ac panis segmentum; supra hoc vinum album, rubrum, spiritum vini, & alios liquores, ita tamen ut semper oleum aut liquefactum butyrum cum panis orbiculo intercedat. Res est nec magnorum sumptuum, nec magni laboris, non modica tamen admirationis pro inexpertis.

PRAGMATIA XIX.

Globulum solidum in medio liquore hydrostaticè libratum suspendere.

EX Hypothesibus supra Syntagm. 1. positis constat, solida ^{Globulum solidum in} humido graviora descendere usque ad fundum; liviora ^{medio liquo-} partim mergi, partim extare extra supremam superficiem; æ- ^{re suspensio-} ^{re difficili,} que

quæ gravia denique datum quemvis locum intra humidum fervare. Hoc postremum tamen verum sit, difficulter tamen solidum aliquod æqualis cum aqua gravitatis ita intra eam librariac suspendi potest, ut diu datum locum servet, & non vel ascendat, vel descendat penitus: nam vel minimus aquæ mucus hujusmodi solido accidens atque adhærens, id præponderare ac descendere facit; uti & quælibet vel levis aëris ambientis mutatio, & ex ea consequens aquæ alteratio aut calore, aut frigore, idem vel sursum trudit alleviatum, vel deorsum mergit aggravatum. Certè P. Kircherus in defesso studio, & pertinaci labore in hujusmodi librandi rationem olim incubuit, nihil tamen unquam stabile ac diu durabile efficere potuit, ut ipsemet fatetur lib. 2. Magnetis par. 2. Proposit. 8. Diu itaque cum in homogeneis humidis rem istam frustra tentasset, ad homogenea se convertit, & tandem incredibili mentis oblectatione sequentem modum invenit, & publici juris fecit lo. cit. Pragmatia 3. his verbis.

*Quâ arte i-
fecerit Kir-
cherus.*

Aquâ fontanâ, aut alio liquore à face turbida, quam semper admistam habet, per longam decoctionem repurgato, spheram vitream ad medietatem impleto: huic alium quempium heterogeneum humorem, è vino, ter ebitho, baccis-been, vel simili materiâ aliis incommissibili, dummodo ejusdem cum substrato humore coloris sit, arte chymicâ extractum, affunde. Ego spiritum tartari spiritui vini, cui misceri nescit, conjungere soleo. Vasi itaque hujusmodi humoribus repleto, spherulam magnete factam immittes. Dico spherulam prius ad humores libratam, usque ad medium spheræ seu vasis humoribus prædictis repleti descensuram, ibique constituram. Cum enim spherâ immissa humore superiore sit gravior, & levior inferiore, ergo infra descendet usque ad superficiem inferioris, in hujus verò, utpote gravioris, superficie ipsa levior persistet; ergo globus consistet in medio, humido inferiore graviore, nè descendat levius, impediente; & gravitate spheræ, nè per levius se medium elevet, retardante.

*Sphærola sic stabit mediis immobilis undis,
Non secus ac medio Tellus immobilis orbe.*

Quod

Quod spectaculo cum primum exhibuissem, dici vix potest, quantum admirationis, etiam iis qui Philosophi haberi volunt, id pererit, dum non caperent, qui tam stabiliter sphaera in centro suo librari posset. Cum enim diversitatem humorum ex identitate coloris dignoscere non possent, haerebant, nec nisi manifestato mysterio rem concipere poterant; praesertim cum à suo centro amotam sphaerulam, idem semper adeo constanter repetere viderent, ut nulla arte & industria ejus ad medium nisi sus eludi posset. Quam quidem stabilitatem eâ, quae sequitur, ratione ei induces. Magnetem fundo, vel orificio vasis, humores praedictos, cum sphaerulam magnete factam continentis ita adaptabis, ut poli magnetis horisonti equidistant. Hoc peracto, trahetur sphaerula magnete facta à magnete jam memorato in medium vasis centrum, ut se poli magnetici corporis sphaerula inclusi, supra positi aut infra positi magnetis poli conforment, nec unquam hunc situm, quantum vis violenter à centro dimoveatur, relinquet. Haecenus Kircherus.

PRAGMATIA XX.

Discumbentes illudere, ut pro vino aquam bibant.

PRaxin proponit Porta lib. 18. Magiae Naturali, cap. 2. in hunc sensum. Fiat scyphus infundibuli forma, habens patulum os supra, infra verò paulatim in pyramidem definat, & Augusto ori pilam vitream adnexam gerat. In hujusmodi scyphum infundatur primò aqua, inspectante illo cui illudere vis, donec pila repleatur; deinde adjungatur paulatim vinum, donec repleatur scyphus; quod quoniam levius est aqua, ei non miscetur Propina mox Amico; & vinum metacumbibes: porrige deinde amico; & primò vinum merum, deinde diluram, tandem puram aquam bibet. At si Amicus ad idem certamen te provocabit, & volet ut tu primò bibas; reple pilam cyathi vino, & aquam superaffunde, ipso etiam inspectante, & antequam bibas, eum variis colloquiis remorator; nam interim per Augustum os inferius scyphi aqua paulatim descendet, & tantumdem vini

Discumbentes illudere ut pro vino aquam bibant.

vini ascendet; videbisque, si attendas, per aquã vinum ascendere, & aquam descendere per medium vini, & ima petere, pilamque replere. Ubi aquam descendisse noveris, vinumque ascendisse; bibe tu, & hauries vinum: porrige deinde siphonum amico, & hauriet aquam dilutam, deinde puram.

ANNOTATIO I.

UThac fraude illudatur etiam iis, qui vinum diluere non consueverunt, necesse est siphonum cum pila inferius adjuncta non esse ex vitro, sed ex alia materia non pellucida; & præterea ut aqua ipsis non videntibus in primo casu infundatur. In secundo autem casu fraus locum apud ipsos vix inveniet, quoniam neminem provocabunt ad vinum dilutum sibi propinandum.

ANNOTATIO II.

Ratio hujus praxis per se patet, quoniam aqua gravior est vino, ideoque illa inferiorem, hoc superiorem affectat locum. Ex quo etiam evenit, inquit porta, ut non sine maximo bibentium incommodo, cum vinum cretaceis in vasculis, vel æneis, malè clausis puteo immergimus, refrigerandi causa, aqua gravior, per minimum spiraculum subiens, vinum egredi cogat, expellatque, parvoque temporis momento vas aqua repleatur, vinum evanescat, ut nè aqua tantillum vini respiciat: ob id os solertiùs claudatur. *Experientiam vidi sæpius in sicilia, adeo ut ob eam causam putei aut cisternæ fuerint destructæ, aquis vini sapore infectis.* Merfennius in fine phænomenorum Hydraulic. Monito 2. ait, aquam vino infusam, cum fundum petere deberet, ut pote vino gravior, innatare, neque posse sine artificio ad fundum precipitari, quod equidem miror. Ibidem asserit, olea fundum aqua petere.

Quærent nonnulli, utrum præset aquam vino, an vinum aqua infundere. Germani nostri responderent, neutrum expedire. Porta tamen contra eos invehitur, qui bibentes prius aquam, postea vinum infundunt; nam quia vinum leuius est, aqua grauior, vix misceri possunt; vnde principio vinum meracius bibunt, mox dilutius, postremò aquam. In magnatum mensis vinum prius in cyatho porrigunt, aquam mox infundunt, vt sui ponderis aqua cum vino remista descendat, & æqualem gustui saporem repræsentet. lubet Theophrastus prius infundi vinum, mox aquam. Idem vs fiat, suadet Cardanus lib. 5. subtilit. Itali, & maximè siculi, apud quos vinum generosius, in hac re non sunt scrupulosi, & plerumque infusus cyatho prius tribus aut quatuor aquæ partibus, quartam demum aut quintam vini superaffundunt.

Vino aqua
an aqua vi-
num infun-
dendum.

ANNOTATIO IV

Ex hoc quòd vinum leuius est aqua, imponi alia ratione potest bibacibus, vt aquam pro vino bibant, si nimirum scypho aqua semipieno affundatur paulatim & quasi guttatim vinum, donec repleatur; adeo enim tunc vinum superminet aqua, vt sola linea liquores determinet, vnde epoto vino aquam tandem bibentes, hauriunt. Cardanus loc. cit. ait, si aqua panis crustulam prius superimponens, super crustulam sensim effundas vinum, etiam detracta crustula apparere vinum aqua supernatare. Eadem de causa quòd leuius est vinum quàm aqua, qui vinum citius frigidum reddere que-
runt intra aquam inquit porta, phialam vino plenam in vas aqua plenum submergunt, obturato & inverso ore phialæ, & dum sub aquis est, phiala inuersa os aperiuunt: tunc enim, partim ob vacui metum, partim quia vinum ob leuitatem descendere intra aquam, & aqua ob grauitatem ascendere intra vinum non potest, hæret vinum in phiala vt nè gutta effluat; & quia aqua attingit immediatè superficiem vini intra collum phiala contenti, hoc citius refrigeratur. Evacuato igitur collo, extracto, & iterum repleto, iterum refrigeratur.

Aliter illud
dere cupi-
am, vt pro
vino aquam
bibas.

Vinum quo-
modo citò re-
frigeran-
dum.

PRAGMATIA XXI.

*Vt quis putet aquam in vinum convertis
efficere*

*Aquam con-
vertere in
vinum.*

Quia aqua gravior est quàm vinum, & infra vinum descen-
dere appetit, fit, vt si phialam vitream (aut alterius cuius-
cunque materiæ) longiusculum & gracile collum, angustiusque
osculum habentem, aquâ repleas, & inversum collum vino im-
mergas; aqua suo pondere descendat intra vas vino plenum, &
vinum suâ leuitate ascendat intra phialam, & aquæ succedat,
nec cessatur donec tota descenderit aqua, & tantundem ascen-
derit vini: & hoc adeo fit manifestè, vt si vinum rubrum sit, vi-
deas vinum per medium aquæ ascendere, usque ad fundum
phialæ inversæ, & aquam descendere properanter ad fundum
vasis vinum continentis Hoc supposito, si cui illudere vis, &
persuadere te posse aquam in vinum convertere: immerge
collum oblongum phialæ aquâ plenz infra foramen superius
doliij vino plenî, & post aliquod temporis spatium extrahe:
invenies phialam vino plenam, putabiturque ab ignaro myste-
rij: aquam in vinum conversam *Porta lib. 18. Magia Natu-
ral. cap. 3.*

ANNOTATIO.

Quod de vino ascendente, & aqua descendente diximus, ait Scwen-
terus in *Delicijs suis part. 13. questione 34.* tentari posse vino
rubro & albo. Sed nisi unum sit altero notabiliter leuius, vix succe-
det.

PRAGMA-

PRAGMATIA XXII.

Aquam à vino separare ex principiis Hydrostaticis aliisque modis.

EX principiis hydrostaticis id fieri potest, & alijs etiam modis. Aliquos hinc referam, licet non omnes ad hydrostaticam pertineant. Iisdem porrò modis experieris, num vino sit aqua permista.

PRIMVS MODVS.

Ioannes Baptista Porta lib. 18. Magiæ Natural. cap. 3. varios modos affert experiendi, num vino permista sit aqua, & vnum ab altero separandi, quorum primus & secundus tantum ad hydrostaticen spectat. Ac primus quidem idem est cum eo quem Pragmatia præcedente tradidimus. Secundus, ex iisdem principijs desumptus, adeo intricatis verbis atque sententijs à Porta traditur, vt quid dicere velit, dispicere haud valeam. Iussissima ejus verba adnumerabo, vt qui perspicacioris sunt ingenij, ejus mentem expitcentur. Sic ergo ait. *Sit inferius vas vinum repletum ex aqua misto, & volumus aquam à vino separare. Sed oportet sit primò vas quod integrè capiat vinum, quod in subiecto vase remistum sit. Et si quantitas ignoretur, conijciatur quantum esse possit, vel saltem minor. Inde prædictum vas aqua compleatur, idg. supra vas inuertatur, ubi vinum aqua remistum sit: & summa pars inuersi vasis, summa ora inferioris liquoris liber, nè aër ingredi possit. Nam tunc illic aqua descendet, in subiectum vas & leuior commisti pars ascendet, & aqua subsidet: & si totum vinum ascendet, vel tantillum vini in aqua remanebit, Scito tandundem aqua in puro vino fuisse remistum: quod ex odore & sapore facile conijci poterit, si bene operatus fueris. Tunc*

Aquam à vino separare varijs modis.

Porta locus obscurus.

accipito vas majoris capacitatis ejusdem liquoris, & ponatur in vas subiectum, quòunque totum hauriet; unde ex proportione ascensi vini & aquæ, scire facile quis poterit, quanta aquæ portio in vino remissa sit. Sed commoditatis gratia phiala, quæ aquam continebit, rotundi alui sit, & foramen non admodum magnum: & subiectum vas quod vinum habeat, sit obstrictioris, ut rotundum superius aptius coniungi possit cum inferiori, nè aër intercedat. Sed quia interdum euenire solet ut pila superior, postquam omne vinum hauserit, nec replebit suam capacitatem, & nos aquam è vino separare voluerimus; pilam manibus capiendo obvolvamus, ut os cæolum aspiciat; tunc illico vinum reuoluetur, & veniet in superior em partem: quod penicillo contacto, totum foras euocatur, ut postea dicetur. *Tu sedulus inspicitò: cum vinum hausisse vides, moue penicillum, & remanet aqua pura.* Hæc Porta loco cit. & lib. 3. Pneumaticorū cap. 4. Æstimo eum duo docere velle; primò quâ ratione cognoscamus vtrum vino admista sit aqua; quod fit, procurando per præcedentem pragmatiam, ut vinum ascendat, aqua descendat: secundò, si fortè cum vino ascendit etiam aqua quomodo eam iterum à vino separare debeamus, modo scilicet postea meliùs explicando. Ad primum igitur quod attinet, iubet primò accipi phialam rotundi alui, & angustioris, & repleti aquâ purâ: secundò, impleri vas aliud stricti etiam oris vino illo, cui aquam admistam esse suspicamur; tertio, ponere phialam cum aqua inuersam supra vas subiectum, ut os respondeat ori, & liquores se mutuò contingant, ita tamen, ut aër per ora penetrare non possit. His enim factis, aqua ex phiala descendet, & vinum ex subiecto vase descendet. Vbi ex odore & sapore constiterit, totum vinum è subiecto vase ascendisse, & solam aquam relictam; videndum, num plùs aquæ in subiecto sit vase, quàm fuerit antea in phiala superposita; hoc enim manifestum erit signum, excessum aquæ fuisse vino admistum. Quòd si cum vino ascendit etiam aliquid aquæ, quod deinde penicillo laneo separatur; etiam illud fuit vino admistum. Vides itaque, in quo consistat hydrostaticum artificium. Nunc ad alia artificia pergamus.

Explicatur.

SECUNDVS MODVS.

Sequentem modum tradit idem *Porta* loc. cit. cap. 4. & diu antea etiam tradiderat cap. 13. libri 2. ex quatuor quos de *Magia Naturali* adhuc puer scripserat. Verba eius priori loco hæc sunt. Nos idem prestabimus alio modo, non leuitate & grauitate, vt diximus, sed tenuitate & densitate. Nam aqua humorum omnium subtilissima est, quia simplex est; vinum autem cum coloratum sit, & color ex mixtione elementorum, corpulentum magis est. Vt igitur vinum ab aqua separemus, materiam habeamus paratam oportet foraminulentam seu porosam, ex qua formemus vas, in quod vinum cum aqua iniectum foras exstillet: nam aqua foras elabitur per poros materiei; quod permixto & corpulento referatur. Et si ligna multa esse possunt, hederæ optima erit, quia porosa, multisq. interpates rimulis. Vnde si ex eo cyssibium paratum habeas, id est, vas hederaceo ligno formetur scilicet viridi, & in eo vinum aquam mixtum injicias; aqua breui tempore foras exstillabit. Quod contrarium antiquos omnes & recentiores sensisse video; cui tum ratio, tum experientia reclamant. Ait enim *Cato*. Si volueris scire vtrum vino aqua addita sit, nec nò, vasculum facito de materia hederacea; vinum quod putabis aquam habere, eodem mittito; si has bibit aquam, vinum effluet, aqua remanebit: nam non continet vinum vas hederaceum. Et *Plinius* ab eo. Hederæ mira proditur natura ad experienda vina: si vas fiat ex ligno eius, vina transfluere, ac remanere aquam, si qua fuerit mixta. Vnde, duplici errore vterque notandus erit, quod dicat ex hederæ vi mira prouenire, cum lignum foraminulentum id facere possit. Præterea dicit vinum foras effluere, & aquam remanere; quod contrarium euenit. Sed melius & probabilius *Democritus* sensit, qui non vase hederaceo usus est, sed quodam foraminulento. In ollam, inquit, nouam nondum imbutam infundunt & per biduum suspendunt; percolabit enim olla, si aqua fuerit admixta. Ad idem opus alio artificio usus est *Democritus*. Quidam spongiâ nouâ, oleo imbutâ, osculum vasis obturant, & inclinant, & effluere sinunt: si aquam habet, sola effluit aqua. Quo etiam experimento in oleo vtitur. Spongia enim foraminosa est, & satis aperta, & oleo imbuta impedit nê liquor foras exstillet tam facile. *Africamus* aliud addit.

Hederaceo
vase aquam
à vino separe
ratur.

in dolium vini mittito, deinde spongiâ oleo imbuta osculum obtura, & inclinato, effluere sinito: sola enim aqua effluet. Alumen enim constringit liquores ut modia permeent. Hæc omnia porta. Locus ex Plinio citatus est lib. 16. Natural. Hist. cap. 35. & loquitur de hedera quæ smilax vocatur, Quod porta docet de hederaceo vase, & de Alumine liquido in dolium injecto, adscribit Weckerus lib. 5. cap. 7. etiam Alexio Pedemontano: quod ego tamen nullibi apud eum in Italico exemplari inuenio.

TERTIVS MODVS.

micillo li-
ro vel laneo
quam à
vino separa-
e.

HVNC etiam modum habet Porta loc. cit. cap. 5. his verbis. *Fiat lineū, vel potius laneum penicillū, uel ex gossipio, & dolio immerge quod aquam & vinum remistum habeat, & penicillum extra liquorem supernatet, & ascendat supra, deinde cadat pendulum extra vas: leuior enim liquor ascendet per penicillum, & foras exstillabit. Sed ubi leuius ascendit, attrahet quoque graue: ob id ubi color immutari videtur, remoue vas: nam profluet alioquin etiam aqua. Clarum est enim, quod cum vinum sit leuius, semper in superiorem vasis partem ascendet, & per penicillum effluet, etsi omnes oenopole contrarium dicant, foras enim penicillo aquam effluere, & intus vinum remanere existiman. Quod Porta hinc penicillum vocat, nos in Mechanica Hydraulico-pneumatica par. 1. prothcor 1. c. 2. propriet. 8. appellauimus filtrū; nihilq; aliud est, quam panni linei aut lanei lacinia stricta & longa, aut ex gossipio contortus funiculus instar ellychnij. Vbi etiam diximus, partem quæ extra vas pendet, debere esse longiorem seu demiffiorem quam liquoris in vase contēti suprema superficies: alioquin nihil ex vase effluet. Lege ibi dicta. Eundem modum docuerat antea porta lib. 2. ex quatuor, cap. 13. eumque adscribit Weckerus lo. cit. Alexio Pedemontano: quem tamen apud eum non inuenio Cardanus lib. 5. subtilit. hoc modo contrarium fieri docet his verbis. *Quod si linteum vino aque misto imponatur, promineatque extra vrceum; aqua è vase tota ascendit per linteū, sincerumq; relinquit in calice vinū. Quo experimento proditur lymphatū à puro: nec posset, hoc fieri si vinū & aqua misceren-**

miscerentur. ad quem locum Cardani Mastix Scaligeri Exercit. 101. num. 4. ait: *Cave verò, Cardane, ne amplius vinum lymphatum dicas: memini enim mihi preceptores meos, viros exactissima in benedicendo diligentia, se vulam minitari, si vinum amentie dissimularem, quod esset aqua temperatum. Nam meracum $\nu\mu\phi\omicron\lambda\eta\pi\omicron\iota\epsilon\iota\varsigma$ efficit, dilutum verò sapientes. Soli indocti Grammatici vinum bibunt lymphaticum. At hoc parum ad rem. Quod Cardanus habet, ducet etiam Schwenterus in Delicijis Mathemat. par. 13. quæst. 15.*

QUARTVS MODVS.

Possimus & aliâ ratione leuitatis, inquit Porta lo. cit. cap. 7. *vinum* Distillatione
vinum ab
aqua sepa-
rare. ab aqua separare, ratione distillationis. In distillatione enim leuius primò ascendit, dein graue, dum maiore vi ignis non vrgetur; & sic rationi consentaneum est. Ut igitur liquor ascendat oportet prius in tenues vapores attenuari, & leuius fieri. Vinum igitur, quia aqua tenuius, in stillatorio vase ponemus in balneo aqua paulatim ascendit leuissimus vini vapor, & in subiectum vas prolabitur: videbis ergo in receptaculo aquam vitæ, recipies, & ex quantitate illius argumentaberis proportionem aqua vino remissa. Non videtur operæ pretiû, tanto impendio rem experiri.

QVINTVS MODVS.

Eolem capite prosequitur Porta, & ait: *Et hoc artificio sciemus,* Congelatio
ne vinum
ab aqua
parare. *quanta in dolio aqua remissa sit. Accipiatu vini quantitas, & phiala indatur vitrea, & phialam in aquam frigidissimam expones, ut quid quid in phiala sit, congelietur, ut docuimus. Si vinum sincerum est, difficilius & tardius congelabitur, si aqua plusculum habuerit, citius conuertetur. Vbi vinum congelatum erit, frangatur phiala supra patinam; glacies paulatim liquecet; primò vinum, quia calidius; postremo aqua remanet congelata, separata a vino, quia tardius soluetur. Ex cuius proportione conicies, quanta aqua pars in dolio coniecta sit. Hic modus potius seruit ad cognoscendum, vtrum vino admista sit aqua, quàm quanta sit admista, & ad illam separandam. Lege etiam Mizaldum.*

PRAGMATIA XXIII.

Vtrum vino admista sit aqua , cognoscere.

Vino an admista sit aqua cognoscere.

PRæter nonnullos modos ex præcedentibus, brevis ac facilis est sequens, quem tradit *Porta* loc. cit. cap. 6. his verbis. *Pone vinum, de quo dubitas vtrum aque admistum sit, in vase aliquo, & in eo pone malum, aut pyrum: si mergitur pomum, vinum erit impermistum; si verò superfluitabit, vinum permistum erit, quia vino aqua leuior est.* Hæc porta, addens *Democritum* contrarium falsò docuisse his verbis: *Malum quidam in vas injiciunt; melius autem pyra silvestria, alij locus stans, alij cicadam: & si quidem innatauerint hæc purum est vinum: si verò merguntur, aquam habeat.* Contrarium vtique verum est, propter rationem à porta adsignatam, & ex Hydrostaticis principijs desumptam. *Democriti errorem sequitur etiam Weckerus* loc. cit. & *Alexius Pedemontius* Par. 2. secretorum fol. mihi 173. his verbis. *A conoscere se il vino hà dentro aqua. Pliiglia pere crude, & mondale, & tagliale per mezzo: over more; & gittale nel vino: & se nuotano di sopra dal vino, il vino è puro & netto; mà se scendono al basso, il vino è meschiato con ac qua.* Hoc est, ad dignoscendum, vtrum vinum habeat in se aquam. *Accipe pyra cruda & decontica illa, & seca per medium, aut certè mora: & conijce illa intra vinum: & si quidem natant supra vinum, purum ac sincerum est, si verò descendunt ad fundum, vinum est mixtum aqua.*

PRAGMATIA XXIV.

Mustum an habeat admistam aquam , deprehendere.

Mustum an habeat admistam aquam cognoscere.

EXperiendi modus idem est cum præcedenti, sed effectus contrarius: vinum enim purum & sincerum, quia defæcatum, tenue est: mustum verò quando recens, & nondum defæcatum,

catum, crassum est & viscosum: ideo si in mustum mala vel pyra sylvestria inieceris, & mustum fuerit purum atque sincerum, supernatibunt; at si aquam habuerit admistam, mergentur, & fundum petent, ita *Porta* ex sortitione velcio quo. Alium experiendi modum habet *Wakerus* loco supra citato ex *Georgio Valla Plascentino*, dicens: *Si voles experiri an musto remixta sit aqua, orum imposito: si statim descendit, aquosum est; sin contra, putum.*

ANNOTATIO.

Occasione hujus Pragmatia querit *Porta*, in fine cap. 6. loco citato, quæ pars musti aqua diluti (aquatam vocant Itali) sit melior, superiorne in dolio an inferior: respondetque superiorem esse meliorem inferiore, quia aqua cum tempore suscit & ad fundum descendit, vini partes subtiliores ascendunt & supernatant: unde qui ex superiori dolij parte depromit aquatam illam, minus aquæ deponit, quam qui ex inferiore parte haurit.

PRAGMATIA XXV.

Vt lignea statua supra aquam ambulet, efficere

PVerorum hic lusus est, at non iniucundus, & huius loci. Lignum accipiunt feres & oblongum, rotundæ columellæ formam habens, maius minusve, prout statuæ quantitas & pondus requirunt. Huius columellæ basi superiori imponunt firmiter atque affigunt statum, columellam aquæ immergunt ad perpendiculum, itaque librant appenso infra lapidis aut plumbi pondere, donec mergatur ad plantas vsque pedum statuæ superpositæ. His factis, si vexillo aut expanso velo instruxeris statuam lacui impositam, à vento quamvis in partem impelletur: si cuppæ aquâ plenæ imposueris eandem, & vel in statua, vel in columella ferri frustum absconderis; applicato occultè ad latera cuppæ magnetè valido, atque circumducto, duces quòs

eūque liberit statuam. Hac arte plura & iucunda hydromanticea spectacula exhiberi possunt, vt ieuuncularum digladiatio, hircorum cornibus se petentium congressus, & similia.

SYNTAGMA TERTIVM

De selectioribus Hydrostatices Erotematibus

Hydrostatica
Erotemata

Quæ ad praxin spectant, precedenti syntagmate expeditimus: quæ ad theoriam, huc reservauimus:

Ex multis pauca afferemus, lectori curioso fortassis nec ingrata, nec inutilia.

Sit ergo.

EROTEMA I.

Vtrum nauigari possit in aëre.

Nauigari in
aëre an possit.

VTRUM, & quâ arte intra seu infra aquas nauigari possit ex aliquorum mente, supra vidimus: Similem quæstionem de aëre, *utrum parte aliqua sit nauigabilis*, hoc est, utrum etiam intra ipsum nauigari artificio aliquo possit, proponit *Franciscus Mendosa* in *Viridario* lib. 4. Problem. 47: aitque, propositum problema eius generis esse, vt vel ipsi pueri in consulto *Magistro* audeant sine hæsitatione illud decidere, ac respondere, fieri non posse vt navis vlla, aut agitata vento, aut impulsâ remis, aut vtraque simul adiuta beneficio, aërem non secus ac aquam scindat. *Primò*, quia si id fieri posset, iam dudum modus fuisset inuentus. *Secundò*, quia quæcunque materies, ex qua fabricari potest navis (nisi fortè ignea sit, aut cælestis) est aëre ipso naturâ suâ grauior; ergo ex ea constructa navis consistere

Negatiua
sententia
argumenta.

istere

stere nequaquam in aëre potest, non solum onusta, sed nè vacua quidem. Tertio, quia experiëntiâ constat, leuissima quæque, eria paleas, in aëre sublatas decidere in terram; quanto ergo magis nauis?

Problema hoc iam dudum tetigit *Albertus de Saxonia* lib. 3. *Affirmati-
ua senten-
tia argu-
menta.*
physic. quæst. 6. art. 2. conclus. 3. apud *Mendozam* lo. cit. Cùm enim ostendisset, ignem esse aëre subtiliorem, ratiorem, ac leuiorem; vt consecrarium colligit, aërem, vbi igni contiguus est, (siue verus ille sit, siue putatus, hoc est, æther) nauigabilem esse, vti aqua, vbi est aëri contigua. In huius sententiæ gratiam ait *Mendoza*, si quanauis supra convexam aëris superficiem poneretur, sustinendam in ipso aëre, & impelli remis, nisi aliud obstatet, posse. Probat experiëntia, quâ videmus res naturâ suâ grauiores aquâ, aëre tamen plenas, aquæ innatare, quæ alioquin non repletæ aëre facillè demerguntur, vt patet in pelui & quocunq; alio a heneo aut ferreo vase, quod dum aëre repletur, extat in summa aqua, nec demergitur, licet sit aquâ grauius naturâ suâ. Ex hac experiëntia huiusmodi argumentum conficit *Mendoza*.
*Vas æreum plenum aëre, aliter demergendum, in summa aqua sustentatur cùm eâ sit naturaliter multò grauius; ergo nauis lignea, aut cuiuscunq; alterius materia, in summa aëris superficie constituta, & elementari igne repleta, supra aërem sustinebitur, nec prius in ipso aëre submergetur, quàm nauigij grauitas superet leuitatem ignis quo plenum est. Nec obstat vehemens ignis natura, quæ ligna possit comburere, quia ille ignis ob suam raritatem non habet efficaciam ad comburendum, vt ingenuè fatentur Philosophi, qui communi placito in concauo Luna ignem collocant. Con-
firmat sententiã, quia ligna pleraque innatant aquæ, quâ tamen grauiora sunt secundum bonos Auctores, non alia de causa quàm quia pouros habent, quibus aër recipitur, & ita leuitate suâ lignorum grauitatem superat, vt ea non sinat demergi. Idem ergo contingere poterit nauis materiã illã igneã plenã.*

Hæc Mendoza, nec improbabilet, siue supra aërem ponatur ignis elementum, siue, quod probabilius, æther, hoc est,

defæcatiffimus aër; sicut enim, licet lignum aliquod, ferrum, suprum, plumbum, & similia, sint aquâ grauiora æqualis molis, ac proinde per se solitariè sumpta mergantur in aqua, elaborata tamen in concauam figuram, & repleta aëre nostro impuro ac ponderoso, natant supra aquas, & apta sunt vt exijs nauis construatur, & aqua sine mersionis periculo sulcetur; ita licet eadem corpora sint grauiora in specie quam aër noster, elaborata tamen in cymbas, & repleta materia illa leuissimâ, natant in aëre, & apta fieri ad nauiculas constituendas, eò quòd totum compositum ex nauicula illa & aëre leuius esse possit, quàm æqualis moles aëris nostri impuri, etiam in suprema regione. Loquor semper cum Mendoza de naue constituta in suprema superficie aëris immediatè infra aëthera, vt repleti aëthera illa materia possit. Quod autem apud nos prope terram, aut in media aëris regione prope aut supra nubes, & vniuersaliter intra sphaeram aëris nostri faculenti & crassi, non possit institui similis navigatio, causa est, quia deest materia illa aëthera qua nauis constructa repleatur. Si potentia aliqua p'ius quàm humana impletur vas aliquod ligneum, aut æneum subtilissimæ laminæ materia illa, & in aëre nostro constitueretur; dubium nullum esse debet, quin sine mersionis aut casûs periculo ibidem sustentaretur, & non secus ac infra aut supra aquam naues nostræ, huc illucque propelli remis ac velis possent.

PROTEMA II.

Quæ causa nubes in media aëris regione suspendit?

Nubes quo modo suspendantur in aëre.

Ratio dubitandi est, quia nubium materia vapor est multa exhalatione permixtus & contaminatus, vt ex aquæ pluriæ & niualis impuritate liquet; vnde definiri solet *vapor exhalationi mixtus, circiter mediam aëris regionem, frigore citra congelationem densatus vapor autem essentialiter aqua est, aqua grauior est quàm aër nubes ergo aëre grauior, quomodo in eo suspenditur.*

Scaliger Exercit. 79. vbi de cometo agit, vi quadam magne-
 rica à sole suspendi credit, vt cometa à stellis. *Sustinet igitur*, in-
 quit, eum (Cometam) *Stella, vt ita dicam, parens eius, quasi cum à sole nu-*
bes suspenduntur. Sed hoc manifestè falsum est, quia sic nocte v-
 niversæ nubes reciderent in terram, desertæ à Sole occidente,
 & ad antipodas properante, vbi dum existit, nequit hemisphæ-
 rij nostri nubes in aëre sustentate, quia nequit illuminare, tra-
 here, & suspensas tenere. Nec minùs falsum est, quod Meuserus
 dicit apud *Fromodum* lib. 5. Meteoror. cap. 5. art. 1. asserens à Deo
 suspendi, quia Deus tales effectus non solet sine causis secundis
 producere. Iste *Fromondus* ait, & bene non aliter nubes suspen-
 dià sole, quàm quia ab ipso rarefit humor, & leuitatem ad scan-
 dendum, & in sublimi consistendum, accipit; adeoque easdem
 librationis leges, quibus grauiora alia in medioliquido suc-
 cumbunt leuioribus, tenere nubes in aëre. Probat exemplo om-
 nium quæ aquâ vehuntur ita vt supernatent: lignum enim, & v-
 niversa quæ natant, ideo non merguntur, sed supernatant, quia
 minùs ponderis obtinēt quàm humidum paris molis, in quo su-
 stentantur, vt in Hypothesi V. diximus. Nā hinc est, vt calculus exi-
 guus defloat in aquæ fundum, non trabs ingens, infinitò pænè
 illo ponderosior; quia calculus grauior est aquâ illâ cuius præci-
 sè locum occupat, seu occuparet, trabs non item. Hinc etiam si
 humores inæqualis ponderis, v. g. vinum & aquam in vnum
 confundas, grauior semper subsidit, vt sæpe iam diximus, & do-
 cet experientia quotidiana. Si alibi vbique Natura seruat hanc
 legem, nubes & aër ab ea exlex non erit, vt loquitur *Fromondus*.

Sed nunquid densiores sunt nubes aëre? solem enim nobis ex-
 ripiunt; quod aër non facit: densitatem autem maiorem sequi-
 tur maior grauitas. In validum argumentum, alioquin probaret
 nubes ponderosiores esse totâ aut magnâ saltem profunditate
 maris, quoniam vrinatores infra aquas constituti solem vident,
 infra nubes constituti non vident. Opaciores sunt nubes aëre,
 non densiores: opacitas enim in re qualibet à densitate distin-
 guitur. Vitra & crystalla densissima sunt; non tamen opaca; con-
 trà,

*Nubes quo-
modo sus-
pendantur
in aëre.*

*Nec à solo
Deo.*

*sed leuitate
suâ.*

*Nubes non
sunt densio-
res aëre, sed
opaciores.*

*Densitas ex
opacitas dist
inguuntur.*

trâ, pumices, suber, & plurima genera lignorum rariora; opaca sunt: grauitas autem non opacitatem, sed densitatem sequitur. Nubes igitur plûs opacitatis & caliginis, quàm aër infimæ regionis, cui incumbunt, habent; minùs tamen densitatis, & grauitatis. Ratio est, quia aër inferior vaporibus densioribus, sed pellucidis, in crassatur & pinguescit, vt ita dicam: *quidquid enim in nubibus, inquit Fromondus, rorulentum est, molliter redensatum, aut continuum, aut guttatim diuisum in aërem subiectum, victo aequilibrio, leuiter defluit; alia verò vaporum pars rarior, & tenuiori quodam modo filo contexta, caliginosis terræ & corporum mixtorum fumis permixta, stat in sublimi pendula. Vnde opacitas nubium præcipua non in puro aquæ vapore, sed exhalationibus corporum grauium opacorum consistit; quod ex nebula intelligi potest, quæ est sterilis & fumosa nubis portio: hæc enim ad nos vsque delapsa, etiam è vicino insignem opacitatem & caliginem ostendit. Nubes autem quò longius ab oculo absistit, eò opacior & tenebrosior apparet* *Lege Cabæum lib. 1. Meteoror. tex. 45. quæst 13.*

Nebula quid sit.

EROTEMA III.

Vtrum in aqua consistente partes superiores premant actu inferiores.

Aqua partes superiores an premant inferiores,

Negatiua sententia argumenta.

IN Mechanica nota Hydraulicæ pneumaticæ par. 1. Protheoria 4. cap. 1. Propriet. 5. id negauimus, propter has rationes: *Primo*, quia alioquin partes inferiores essent densiores superioribus, eò quòd compressæ ac condensatæ essent. *Secundo*, quia vrinatores infra aquam existentes non sentiunt pondus aquarum sili incumbentium. *Tertio*, quia herbæ leuissimæ in fundo aquæ crescentes, & in altum affurgentes, non sternuntur ab aqua super incumbente. *Quarto*, quia corpus graue fune alligatum, & infra aquam, demersum, sustinetur à manu, & extrahitur, tantâ facilitate, quanta sustineretur & extraheretur, si nulla aqua ipsi incuberet, imò maiori etiam facilitate, quoniam grauiam minùs ponderant intra quàm extra aquam. *Quinto*, quia situla aqua plena, leuior est intra, aquâ, quàm extra nec plûs ponderat plena intra aquâ, quàm vacua extra eâ, imò minùs, propter causâ iâ dictâ; ergo aqua

qua fitulæ, quia intra aquam est, nō grauitat, adeoque nec fitulæ, nec aquam fitulæ subiectam deorsum premit. Hæc in Mechanica. Adde nunc. *Sexto*, quia crines equorum, qui eiusdem grauitatis cum aqua esse creduntur, seruant quemcunque locum in aqua datum, nec deorsum deprimuntur ab aqua superincumbente. *Septimo*, quia alioquin omnes aquæ partes inferiores essent in perpetuo motu, & perpetuò à superioribus expellerentur, iuxta dicta supra Hypothesi IV. *Ratio* porrò à priori huius sententiæ videtur esse, quia res non dicitur grauitare, nisi quatenus habet infra se corpus leuius se in speciè.

Neque huic sententiæ videtur aduersari *Archimedes* lib. 1. de Insidentibus in humido, supposit. 1. vbi ait, humidam esse naturam, vt partibus ipsius æqualiter iacentibus, & continuatis inter sese, minùs pressa à magis pressa expellatur; & vnâquamq; partem eius premi humido supra ipsam existente ad perpendicularum: addit enim *Archimedes*, *si humidum sit descendens in aliquo aut ab alio aliquo pressum*. Itaque quando humidum non est descendens in aliquo, aut non est ab aliquo aliopressum, sed consistit in suo situ naturali; vna pars non premit alteram, vt lo. cit. in Mechanica etiam dixi Propriet. IV. Lege etiam quæ dixi ibidem in Coroll. Præposit V.

Contrariam sententiam acriter & mordicùs defendit *Emanuel* *Affirmatiua*
et Mignan. to. 4. *Cursus Philosophici* cap. 17. *Proposit* 3. vbi post *sententia*
alia argumenta alibi allata, adducit duo experimenta, quæ putat *argumenta*.
omnino rem convincere. *Primum Experimentum* est. Phialam vitreâ longi ac prætenuis colli thermometrâ (qualè descripsimus in *Experimentum*
Mechanica Par 2. Classe. 1. cap. 3. *Machina* 3.) aère plenam, & *Mag-*
summo tubuli spiraculo libero & extante sub aquam frigidam *nani*.
demersit, ac demersam tenuit donec aër intus conclusus induisset frigus quantum ab ea aqua poterat recipere. Postquàm factis ref. igit (ait ipse) dictus aër interior, condensatusque alium externum, quantum opus fuit, admisit; globum phialæ in fundo aquæ manu sinistra tenens, & dextera orificium tubuli tergens, tubulum inclinauit; hic verò vt sub aqua esse cæpit apertus >

apertus cepit etiam aquam admittere (nullâ tamen aëris exclu-
 sâ particula. vt constitit tum ex eo quòd nulla apparuit bullula
 tum ex eo quòd postea contigit. vt videbimus) & quidem maiori
 & maiori copia, prout profundius sub aquam os eius apertum
 descendebat; & cùm ad duos sub aquam palmos pervenisset, ap-
 paruit aqua plenus ferè vsq; ad medium, id est, sesqui palmo, ab
 aperto ore versus globum. qui totus cum residuo tubi sesqui pal-
 mo erat solo aëre plenus; mox autem paulatim elatus tubus resi-
 dente globo eiecit quoq; paulatim susceptam priùs aquam, &
 totam expulerat cùm ad summum ventum est. Ex hoc experi-
 mento ita stabilire conatur sententiam suam. Tubus inclinatus,
 & infra aquam depressus, aquam non alia de causa admittit, re-
 ce-
 to ex parte aë e, n. si quia rarus aër fuit ab aqua incumbente de-
 pressus, vt patet ex eo, quòd quando plus aquæ incumbebat, ran-
 tò magis aër, ob maius aquæ pondus premens: recedebat, & è cõ-
 trà prout minuebatur aquæ incumbentis altitudo & pondus, eò
 magis pressus aër pristinum locum ac statum paulatim repetes-
 bat. Facta hac hypothesi, diuidit mète totam aquæ altitudinem in
 decem, gratia exempli; partes mole & gravitate inuicem æqua-
 les, & sic argumentatur. Decima & infima pars p'ùs premit aë e,
 quam nona, quia plùs recedit aër ad pressionem decimæ, quàm
 nonæ & recessus maior maioris pressionis est effectus. ergo de-
 cimæ pars non premit sola, sed premit etiam nona, quia decimæ
 solitar. è acceptæ moles & gravitas non est maior, quàm nonæ, vt
 supponitur. Et quia etiam plùs premit quàm octaua, ob eandem
 causam, dicendum etiam nonam non premere solam, sed iuuari
 ab octaua, & hanc à septima & c. vsque ad primam, quæ iuuet, ses-
 cundam, & ambæ tertiam, & tres simul quartam, atque ita de-
 inceps. Hinc autem infert, primam premere secundam, & hanc
 premere tertiam & c. vsque ad nonam quæ premit decimam, &
 hæc reliquarum nouem simul sustinens pressiones, aërem sibi
 immediatè subiectum premit vna ex omnibus collecta pressio-
 ne decem partium, sua nimirum propria partiali, & alijs nouem
 partialibus in se deriuatis atque collectis. Et hanc consequentiã,
 quòd

*Argumen-
 tum inde-
 sumptum
 pro gravita-
 te aqua in-
 tra aquam.*

quòd una premat alteram sequentem, & hæc reliquas sequentes, putat esse optimam, quia nullo modo cogitabili potest premens ad premendum juvari ab alio, nisi eo tantum premente: cum ergo decima pars premens immediatè aërem, juvetur ab aliis novem ad magis premendum, quàm premere posset se solà; consequens est ut illæ novem premant etiam ipsæ aërem: & quia non premunt immediatè (alioquin per saltum premerent, & daretur actio immediata indistans) ergo premunt solummodò mediatè, nempe aliæ per alias, id est, nona per decimam, & octava, per utramque &c: ergo decima suscipit in se immediatè pressionem nonæ, & nona octavæ &c: atque adeo una pars gravitat supra aliam.

Nec aliam putat esse causam, cur è dolio pleno infra aperto vinum eductum longiùs erumpat, quàm è non pleno; & cur fontium jactus in sublime eò altius vibrentur, quòd aqua per tubum & fistulam subministrata è loco altiori derivatur, nisi quia quòd altior est humor, eò magis premit & urget partes subjectas.

Confirmat hæc alio simili experimento, quia si Mercurius (cujus gravitas est ad gravitatem aquæ ut 14. ad 1.) ponatur in uno crure siphonis retorti, & aqua in altero, premunt se mutuò. Nam si in uno crure ponatur Mercurius ad altitudinem unius palmi, in altero aqua ad altitudinem quatuordecim palmorum; aqua suspellit Mercurium, donec fiat æquilibrium, & aquæ superficies suprema sit in eodem horizonte cum suprema superficie Mercurii: si autem stante æquilibrium, in uno crure ponatur Mercurius ad altitudinem majorem, assurgit aqua in altero crure, & perdit æquilibrium: eodem modo, si stante æquilibrium, in uno crure ponatur plus aquæ, assurgit in altero Mercurius, & perditur æquilibrium. Idem contingit, si sola aqua in utroque crure ponatur, sed inæqualis altitudinis; altior enim premit minùs altam, & cogit assurgere, donec fiat æquilibrium.

Experimentum aliud Magnani simile priori.

*Non con-
vincit a-
quam pre-
mere intra
aquam.*

Hoc est primum Experimentum Magnani; cui respon-
deo, in primo casu aquam premere aërem in tubo, quia est
corpus levius se, & natura aquæ exigit esse infra ipsum. Aqua
igitur indicto casu non est consistens, hoc est, non est in situ
suo naturali, quem ejus natura exigit. Nos autem loquimur
de aqua consistente. Utrum autem tunc partes superiores
aquæ premant inferiores sibi immediatè subjectas, an verò
tota columna aquea aëri incumbens per modum unius, sicuti
tota columna marmorea decem palmorum altitudinis premit
subjectam humum per modum unius, & non una pars alteram
(alioquin inferiores essent magis compressæ ac densiores, &
si verteretur columna, & partes quæ antea superiores erant,
& minùs pressæ, fierent inferiores; comprimerentur, etiam
sensibiliter, si sensibile esset pondus columnæ, quale est Obe-
liscorum Romanorū) hîc non disputato, quia nihil ad rem no-
stram facit: si enim premunt se mutuò partes, est, quia infra se
habent corpus levius. Et licet dum non habent infra se corpus
levius, retineant eandem gravitatem & aptitudinem ad pre-
mendum; actu tamen non premunt, sed solùm aptitudine,
quia deest conditio ad actualem pressionem requisita, nempe
corpus levius infra se. Et hoc est quod diximus in Corollario
seu Porismate loci suprâ citati ex Mechanica nostra. In secun-
do etiam casu de Mercurio & aqua in siphone retorto, mirum
non est, quòd gravius premat minùs grave, tum quia hæc est
natura gravium, tum quia minùs grave potest cedere magis
gravi, & cedendo vincit solùm corpus levius se. Præterquam
quòd tunc, antequam fiat pressio actualis, humida illa non
consistunt. Postquàm verò ad statum consistentiæ deventum
est, cessat actualis pressio.

*Experimen-
tum alte-
rum Mag-
nani, ad
probendam
aquam intra
aquam gra-
vitationem.*

Alterum Experimentum desumit Magnan ex ansere vitreo
intra doliolum, aquâ plenum incluso, de quo suprâ Pragmatia
17. Nam anser, inquit, non potest immotus consistere in pun-
cto A, quin in specie sit æquè gravis ac est aqua quæ circa
punctum A residet: & similiter dic quod alia puncta B & C.

Et

Et quia ubicunque gravitas anseris est æqualis gravitati aquæ, ibidem etiam gravitas aquæ est reciprocè æqualis gravitati anseris; consequenter major est aquæ gravitas in C quàm in B, & in B major quàm in A, quia gravior est anser in C quàm in B, & in B gravior quàm in A: Sed non est in C gravior ratione sui, seu singularum suarum partium seorsim consideratarum, cum secundùm se homogenea sit, & non habeat majorem gravitatem in C, quàm in B, aut A; ergo ratione partium sibi incumbentium; ergo superiores premunt inferiores. *Uterius*, si orificio dolioli, de quo supra lo. cit. applicetur fistula vitrea, aut arundo excavata, trium vel quatuor palmorum in longitudine, & ita ei jungatur, ut cum eam aquâ impleveris simul cum doliolo, possis ipsam ad placitum erigere atque inclinare (quod fiet, si segmen intestini veruecini, alteriusvè similis, tres quatuorvè digitos longum, arctè ex una parte circumliges osculo dolioli exterius, & ex altera parte fistulæ aut arundini) & fluitante intra doliolum aquâ plenum anserem, erigatur arundo pariter aquâ plena, sive usque ad summum, sive saltem usque ad aliquem terminum qui sufficiat; statim subsidit anser, sicut subsidit ad pressionem pollicis; si verò arundo inclinetur usque ad horizontem, anser superiora petit; & eò magis vel minùs subsidit aut assurgit, quò magis vel minùs arundo elevatur. Ergo cum anser ideo subsidat, quòd aqua pressa intra alium recipitur, & ibidem aërem comprimit; signum est aquam dolioli ab aqua arundinis premi; ergo aqua arundinis supra aquam dolioli gravitat, eamque premit; ergo superiores partes aquæ premunt inferiores.

Hoc est secundum Experimentum. Ad cuius primam partem *Respondeo*, partes inferiores aquæ in doliolo premi à superioribus, quia hæ à pollice premuntur; cessante autem pressione pollicis non premuntur amplius inferiores, quia superiores non amplius premuntur; cuius rei signum est, quòd

*Neque hoc
probat gra-
vitationem
aqua intra
aquam.*

pressione cessante statim anser superiora petit. Ad secundam verò partem *Respondeo*, etiam in illo casu premi inferiores dolioli partes à superioribus, quia hæ premuntur ab aqua fistulæ aut arundini inclusa; premit autem aqua fistulæ aquam dolioli, tum propter impetum quo erectâ fistulâ cadit supra illam, tum quia aqua fistulæ continuata cum aqua dolioli, non est in statu & situ suo naturali, sed est altior quàm aqua dolioli, ac proinde nititur deorsum ad loca decliviora, ut coæquet superficiem suam supremam cum suprema superficie aquæ dolioli; quâ coæquatione factâ, statim cessat pressio. Frustra ergo laboravit Magnan, quia nos loquimur de aqua consistente, & non pressa ab extrinseco.

Confirmo nostram sententiam, quia aqua vino superposita descendit, eò quòd gravitas supra vinum, id est, deorsum nititur; ergo si partes superiores aquæ gravitant supra inferiores, id est, deorsum nituntur, deberent descendere infra illos, & sic daretur perpetua circulatio.

EROTEMA IV.

Cur hominis corpus ad quantumvis magnam profunditatem immersum aquæ, non sentit aquæ supra positæ pondus?

Aqua immersus homo cur non sentit pondus aquæ in eumbentis. Stevini sententia non placet.

EXperientia est certa, causa non item. *Stevinus* lib. 8. staticæ Proposit. 3. ait causam esse, quòd illo pressu aquæ superincumbentis & ambientis nulla corporis humani pars luxetur, & hoc ideo, quia ex omni parte urgetur corpus æqualiter, ideoque nulla pars ejus extra suum locum extendi potest. Sed non satisfacit, quia si jaceat homo in fundo vasis alti & angusti, plus aquæ habet supra se, quàm ad latera; si autem in amplo & parum alto vase jacet, plus habet ad latera, quàm supra se; ergo si premitur ab aqua circumstante, non urgetur undique

dique æqualiter; & tamen in neutro casu sentit onus aquæ.

Emanuel Magnan loco cit: in præcedente Erotemate, ubi loquitur de urinātoribus, respondet illos, etiamsi premantur ab aqua superincumbente, non sentire tamen illud pondus, & eo non sensibiliter aggrari, quia quantum sustinent aquæ superioris, tantumdem ipsi sustinentur à sibi inferioribus, atque adeo sine molestia totum sustinent quasi nihil sustinentes, quatenus totum sustinent viribus non tam suis, quam aquæ subjectæ, æquale pondus sustentaculum subministrantis. Sed hoc minus satisfacit: primò, quia etiam homo incumbens terræ, & pressus à terra superposita, sustentatur à substrata terra, & tamen sentit terram superpositam. Secundò, si in fundo jaceat homo, & nullam aquam supra se habeat, non sentit aquam superiorem, & tamen non sustentatur ab inferiore.

Alii apud *Mersennum* in Phænomenis Hydraulicis Proposit: 49. ajunt, corpus hominis (vel aliud quodcunque immersum aquæ) tantam aquæ molem è loco suo pristino eycere, quanta est moles corporis sui; hanc autem aquam ejectam versus fundum premere, nè suam à centro distantiam immutet, & augeat; à quo fundo cum resilire cogatur, sursum nitens insidentis aquæ conatum repellit. Sed hoc adhuc minus satisfacit: esto enim aqua à corpore hominis immerso pulsa niteretur sursum, & repelleret conatum aquæ incumbentis; tamen hic nisus & hæc repulsio non duraret semper, sed solum tam diu, donec inter ipsam & reliquas aquæ partes fieret nova coæquatio & velut libramentum. Deinde, si quis supra fundum vasis aut lacus vacui se collocaret, & paulatim aquam vas illud aut lacus repleteretur; adhuc non sentiret pondus aquæ incumbentis, & tamen nullam aquam expulisset quæ sursum tenderet.

Omissis igitur aliorum placitis, aio, genuinam causam cur hominis corpus infra aquam positi non sentiat pondus aquæ superincumbentis, esse, quia, ut præcedente Erotemate

*Magnani
sententia
non placet.*

*Aliorum
sententia
non placet.*

*Nostri sensus
sententia*

probavimus , aquæ consistentis partes superiores non premunt inferiores, nisi infra inferiores sit corpus levius in specie quàm aqua : quoniam igitur corpus humanum in specie gravius est quàm aqua, non premitur ab aqua incumbente , quoniam hæc non conatur esse infra corpus humanum. Quod si in fundo vasis esset foramen apertum , & infra foramen aër, & homo esset collocatus supra foramen , ita tamen ut effluxum aquæ non impediret ; tunc sentiret supra se tantum pondus aquæ, quantum est pondus columnæ aquæ , cujus basis esset foramen, altitudo perpendicularis à foramine usque ad supremam aquæ superficiem. Qui aliam hujus rei causam adsignant, errant, & alios decipiunt.

EROTEMA V.

Cur glacies supernatat aqua ex qua concrevit.

*Glacies cur
supernatet
aqua*

Iuxta hydrostatica principia respondendum est, ideo supernatare illi etiam aquæ , ex qua concrevit, quia datâ paritate, molis levior est quàm aqua, hoc est, palmus cubicus glaciei levior est, palmo cubico aquæ ex qua concrevit glacies illa. Si ulterius quæritur , quare levior sit glacies quàm aqua æqualis molis, respondent communiter, quia rara est, & plena poris & eavitalis aëre plenis. Si urgeatur ; ergo aqua dū frigore concrevit, rarefit, & non condensatur ; hærent, propter communem persuasionem Philosophorum, quòd calor rarefacit, frigus autem constringit & condensat.

*Gila aqua
congola scit
inglaciem.
eam rare-
facit.*

Dico, contra communem persuasionem , aquam vehementi frigore & congelatione rarefieri , & non condensari. Probo *primò*, quia glacies supernatat aquæ ex qua concrevit ; ergo levior est aqua æqualis molis ; ergo rarior quàm aqua. Probo consequentiam primam, quia si non est levior, ergo vel æquè gravis, vel gravior : si secundum, ergo mergitur , & petit fundum ; si primum, ergo quemcumque datum in aqua locum

ser-

servat, & detrusa non enatat. Probo secundam consequentiam, quia est major quam antea erat aqua, ut patebit ex dicendis in quinto argumento. *Secundo*, quia vas vitreum, aut fictile, aqua plenum, & clausum, si aqua congelet, diffringitur, uti frequenti experientia constat; utique non alia de causa, nisi quia aqua rarefcit, & majorem locum petit. *Tertio*, quia si vas fortius est quam ut diffringi facile possit, aqua gelans in medio assurgit in clivum seu humorem, non alia iterum de causa, nisi quia rarefcens petit plus spatii, quod quia intra vasis margines non invenit, supra illud quaerit. *Quarto*, quia pilae etiam lapideae, aqua plene, si aqua congelascit, aliquando rumpuntur; cujus rei alia causa adsignari non potest, nisi quia suprema aquae superficies jam concreta, impedit reliquam inclusam aquam, dum frigore rarefcit, ne in altum assurgere queat, unde necesse est pilam diffringi. *Quinto*, aquam gelu non stringi, sed dilatari & augeri, adeoque & rarefcere, probo duobus evidentibus experimentis. Primum fecit praeterita hyeme Anni 1657, P. Melchior Cornaeus Collega meus. Globum vitreum, cui oblongum collum & strictum adhærebat (qualia sunt thermometra seu themoscopia) aqua ad aliquam usque colli partem replerint, eumque aquae marginem filo circumligato diligenter signavit, & aëri rigido, cum gelaret, exposuit; eo fine, ut experiretur num revera augetetur aqua, dum frigore congelat. Nec se fellit expectatio. Quamprimum enim ingruente gelu aqua gelavit, ad latitudinem digiti unius supra filum notatum assurrexit. Hocque experimentum non semel, sed quinquies & sexies repetitum, eodem profus semper eventu. Rem totam describit citatus Auctor in Curriculo Philosophiae lib. 4. Physicorum Disput. 3. de Loco & vacuo, quaest. 4. sect. 2. & nos ex ipso, antequam liber impressus esset, in fine Mechanicae nostrae hydraulico-pneumaticae §. 9. Experimenti Magdeburgici, Dub. 5. in fine. Alterum fuit factum in Italia Anno 1647. in aestate, in frigidando aquam amphorae vitreae inclusam per immisionem & agitationem convenientem intra praeparatam glaciem contusam. Quod dum fieret,

Experimentum quo probatur aquam congelatam rarefcere.

Experimentum aliud, idem probant.

fieret, primò aqua visa est ad minus spatium restringi, relictâ parte colli quam ante inchoatam frigoris actionem occupabat; deinde verò progrediente ab ambiente frigido alteratione, cæpit dilatari, ut non solum spatium relictum repletet, sed exundaret, aliquot ejus partibus ex amphora defluentibus; cum assurgerent interim intra aquam majores bullæ, quæ ad superficiem accurrentes, postquam supernataissent, rumpebantur; crebrescant verò minutiores multæ, quarum extimæ, adhærentes passim amphoræ, spectabantur. Rem hanc describit *P. Nicolaus Zucchi* in *Philosophia Nova de Machinis* par. 4. Experiment. 4. aitque virum ingenio, eruditione, & libris impressis celebrem, qui id Romam perferipit, adjecisse se apparentium in illo causas inquirentem eò devenisse, ut nec inventas, nec inveniendas arbitraretur.

Ex his omnibus patet, in congelatione aquæ fieri rarefactionem: quod licet sit contra communem sensum, negari tamen non potest. *P. Nicolaus Cabanis* lib. 1. Meteor. text. 56. quæst. 1. fatetur ingenuè, dum in aqua fit congelatio, augeri corpus, & ex crescere, ac proinde in congelatione videri quod fiat rarefactio, idque suaderi ex eo, quòd aqua congelata in vase ad densum sursum ex crescat, etsi ex crescere non potest, vas ipsum toto impetu dirumpat, ex quacunque materiâ sit; nihilominus putat non recedendum à communi sensu, dicendumque congelationem etiam aquæ communis fieri per condensationem. Probat *primò*, ex communi sensu etiam non vulgarium, qui putant glaciem esse quid magis densum quàm sit aqua resoluta, *Secundò*, quia omnes aliæ concretiones humidorum quæ frigore fiunt, ut olei, & similium, fiunt densatione humidi, non rarefactione. *Tertiò*, quia glacies durior est quàm aqua; durities autem illa, ex communi sensu, inferre videtur densitatem. *Quartò*, denique, quia argumenta in contrarium adducta non convincunt glaciem fieri per rarefactionem totalem totius materiæ, esto aliquæ partes in congelatione rarefiant. Sed sive tota materiâ rarefcat, sive aliquæ tantùm ejus partes,

Contrari-
um putat
Cabanus.

partes, negari tamen non potest, glaciem esse rariorem & majorem quam erat aqua ante congelationem, aut quam sit aqua post glaciem solutam. Valet ergo communis persuasio, quia erronea; & respondeat ipse ad contraria argumenta, quia Philosophus.

Quæ diximus hæcenus de raritate glaciæ, confirmantur aliâ experienciâ, quam fecit eodem tempore *P. Cornæus*, de quo paulo antè. Accepit is glaciæ libras 14 ad bilancem accuratissimè expensas, easque ipsemet ad focum assidens, nè quis quidquam adderet aut demeret, observavit, donec paulatim liquatæ in undam solverentur; quo facto, ad eandem bilancem sedulo & exactè expendit aquam, & reperit nè vel pilo uno plus minusvè ponderare. Ex hoc ita arguo. Glaciæ æqualis ponderis est cum aqua ex qua concrevit, & tamen posita intra aquam homogeneam non mergitur, nè quidem usque ad supremam superficiem suam, sed solum una pars mergitur, altera enatat; ergo levior est quam æqualis moles aquæ ipsi respondens; ergo aquæ moles ipsi respondens, major est quam aqua illa quæ concrevit in glaciem; ergo & glaciæ ipsa major est quam eadem aqua quæ in glaciem concrevit; ergo rarefacta est illa aqua per frigus; ergo glaciæ rata est.

Experimentum tertium proponens glaciæ rarietatem.

EROTEMA VI.

Cur corpora hominum viva merguntur, & post duos aut tres dies enatant?

Questionem proponit Cardanus lib. 8. varietat. cap. 44. aitque, quod enatent, causam esse flatum qui inter peritoneum & omentum gignitur, dum infra aquam jacent. Atque hoc ita esse, ostendit, inquit, tumor ille immensus ventris præ cæteris. Videtur autem & tota cutis inflari, sed & pectus; at hoc non sufficit: neque enim mergerentur contento Spiritu. Causa verò

Cadavera Christiana enatant ex aquis.

quærenda est, cur adeo venter in tantam molem excreſcat, flatum enim conſtat eſſe; flatuſ autem ex humido generatur, cum à calido diſſolvitur; calidum autem ex putredine; putredo verò, quoniam pingue multum aqueo mixtum eſt. Quoniam igitur inflatum & tumidum corpus majus eſt, quàm non tumidum, quale eſt vivum; majorem locum occupat in aqua cadaver, quàm corpus vivum: quâ quidem aquâ quia graviuſ eſt corpus vivum, ideo mergitur; at quia leviuſ eſt cadaver, ideo enatat. Lege *Henricum Salmuth* Comment. in par. 2. Pancirolli tit. 11. pag. 242. ubi citat. Rhodiginum, aitque, virorum cadavera imerſa jace- re ſupra aquam ſupina, feminarum prona; quod quia mihi non conſtat, ideo ejuſ cauſam non inquirò.

EROTEMA VII.

Cur lamina plumbea, vel aurea, gravior aquâ æqualis molis, ſupernatet tamen aliquando aquæ?

*Plumbea cur
ſupernatet
aquæ.*

QUòd lamina plumbea, ærea, aurea, aut cujuſcunq; alteriuſ materiæ aquâ æqualis molis gravior, ſupernatet aquæ, ſi in concavam figuram inſtar naviculæ aut lancis efformetur, mirum non eſt, quoniam ex lamina illa concava, & aëre intra concavitatem contento, componitur una moles, quæ levior eſt aquâ æqualis molis, cœquatis ita inter ſe gravitate & levitate utriuſque, ut quantum excedit lamina aquam in gravitate, tantò & ampliuſ aqua excedat aërem in eâdem gravitate. Atque hæc cauſa eſt, cur naves etiam multis mercibus onuſtæ non mergantur, quia videlicet totum compositum ex nave, mercibus, & aëre cavitatem reliquam navis replente, leviuſ eſt quàm æqualis moles aquæ.

Mirum igitur, ut dicebam, non eſt, quòd lamina concava aquæ impoſita, licet in ſpecie gravior per ſe ſola, quàm aqua, datâ

datâ paritate molis, non mergatur. Magis mirum est, quòd lamina planissima & levissima, etiam plumbea, aut aurea, ac proinde certissimò & sine ulla controversia gravior in specie quàm aqua, ita tamen aquæ, si optimè tersa & sicca cautè ac dexterè ei superponatur, incumbat, ut scaphulæ instar innatet aquæ, & huc atque illuc impellatur. Experientia visa est sæpe. Quæritur hujus rei causa. Plerique putant, figuram laminæ planam & minùs aptam ad scindendam aquam, simulque aquæ resistantiam, ejus rei causam esse. At errant. Nam *primò*, si eadem lamina humore vel leviter imbuatur, aut in latus vel levissimè inclinetur, non natat ampliùs, sed fundum petit; non ergo figura, aut resistantia medii, natationis est causa. *Secundò*, eadem lamina, si infra aquam paululùm demergatur, levior fit, quàm dum aquæ incumbit, & tamen nec figura ejus, nec aquæ resistantia, impedire possunt quò minùs ulteriùs descendat, & fundum petat; ergo neque dum gravior est, eadem figura, & medii resistantia, demersionem impediunt, sed alia ad signari debet causa. *Tertiò*, quæ sunt ejusdem gravitatis cum aqua, non obstante figurâ, planâ, & medii resistantiâ, merguntur usque ad supremâ superficiem aquæ; ergo etiam quæ sunt graviora aquâ in specie, non obstante eâdem figurâ planâ, & medii resistantiâ, mergi debent ad fundum usque, prout natura eorum, quæ graviora sunt quàm aqua, exigat. *Quartò*, si ex cera, aut ex ligno in specie leviore quàm aqua, fiat conus aut pyramis, statim ex parte mergitur, sive secundùm verticem aquæ imponatur, sive secundùm basim quantumvis planam; ergo &c. Hac ergo opinione rejectâ, ajo, causâ, cur lamina bene tersa ac sicca, & dexterè, ac sine majore in unam quàm alteram partem inclinatione, aque superposita, fundum non petat, esse, quia dum aquam scindit, & mergi incipit, aqua siccitatem fugiens, circumcirca assurgit in aggerem, & quasi puteû constituit, cujus fundû lamina, parietes sunt aqua quod adeo clarè intuentibus atq; observantibus rem (quam primum observasse dicunt Galilæum) apparet, ut agger ille aquæus sit ter, quater,

Figura lamina, eademque resistantia, non est causa hujus rei.

Causa genuina.

& ampliùs altior, quàm sit laminæ crassitudo. Puteus autem hic cùm plenus sit aëre, constituitur ex lamina & aëre intra aqueos parietes incluso corpus aquâ in specie levius; quod proinde mergi nequit, juxta Hypothesim V. suprâ positam.

EROTEMA VIII

Cur lamina plumbea plana aquis innat at?

*Lamina
plumbea cur
innatet
aqua*

IN Mechanica nostra Hydraulico pneumatica par. 2. Classe I. cap. 6. Machina 13. Experimentum adduximus à P. Athanasio Kirchero Romæ sæpe exhibitum; causam solùm indicavimus, non explicavimus; quæ quoniam ex hydrostatica dependet, hîc explicare lubet.

Experimentum hoc erat. Laminam plumbeam rotundam, optimè lævigatam confecerat, & è centro ejus filum suspenderat; laminæ deinde superimposuerat vas vitreum inversum, campanæ instar efformatum, cujus fundus sursum spectans perforatus erat exiguo foramine; per quod foramen traduxerat filum è centro laminæ suspensum. Totum hoc hydrostaticum systema, è lamina & vitreo vase compositum, & è filo manu apprehenso suspensum, demittebat dexterimè intra vas aquâ plenum, ita ut erectum perpendiculariter insisteret supremæ aquæ superfici ei, neque in unam plùs quàm in alteram inclinaret partem. Quo factò, filoque laxato, lamina cum campana vitrea superposita supernatabat aquæ aliquamdiu, deinde paulatim subintrante inter laminam & campanam incumbentis labrum aquâ mergebatur, & mersa etiam jam magnâ ex parte aquis adhuc innatabat, nec fundum petebat antea, quàm curiosorum desiderio fecisset satis.

Causa cur principio aquæ aliquamdiu supernatabat, erat, quia totum compositum ex lamina campana vitrea, & aëre incluso, erat levius, quàm æqualis moles aquæ; mox quia prop-

propter aquæ frigus densabatur aër intra campanam, aliumque admittebat aërem, augebatur pondus totius compositi paulatim, & paulatim mergi incipiebat, laminæ figurâ, & aquæ densitate impredientibus nè toto impetu mergeretur: opertâ deinde laminâ aquis, & ocluso exitu aëri inter laminam & campanæ labrum, is non nisi lentè egrediebatur è minuto foramine fundi superioribus, ideoque non nisi lentè minuebatur moles ex lamina, campana, & aëre, quantò verò magis minuebatur aër, tantò gravius reddebatur reliquum compositum, quàm æqualis moles aquæ; ideo paulatim mergebatur, donec tandem excluso penitus aëre fundum peteret. *Legesolutionem sequentis erotematis.*

E R O T E M A IX.

Cur naves, & alia vasa concava, quæ aëre plena supernatant aquis, ingrediente aquâ merguntur.

Ratio dubitandi est, quia cum aqua intra aquam non gravet, nullum videtur addi pondus navi & vasis per ingressum aquæ, præsertim si aqua per fundum aut latus ingrediatur, & consequenter suprema superficies aquæ intra navim & vasa non sit altior, imò humilior, quàm suprema superficies aquæ cui navis innatat.

*Navis cur
mergantur
ingrediente
aquâ.*

Respondeo, si sermo sit de vasis quorum materia gravior est quàm aqua æqualis molis, causam hanc esse. Dum vas concavum, & aëre plenum, ex parte immersum est aquis, suprema aquæ ambientis extrinsecus superficies altior est, quàm fundum vasis: aperto igitur foramine in latere, ingreditur aqua pondere suo tendens ad loca decliviora, nec cessat ingressus, donec aquæ internæ superficies coætuetur superfici ei aquæ externæ; aperto verò foramine in fundo, ingreditur eadem

aqua æquilibrii amore, hoc est, ut habeat superficiem undique æqualiter à centro universi distantem. Interim minuitur moles ex vase & aëre, quia minuitur aër ab aqua repulsus; & quia materia vasis gravior est quàm aqua in specie, paulatim ad tantam diminutionem molis devenitur, ut vas cum residuo aëris gravius sit quàm aqua æqualis molis: necessariò ergo tunc mergi debet vas per Hypothesin nostram V.

Si verò sermo sit de vasis ligneis, aut navibus ex ligno compactis, major difficultas est, si lignum sit levius aqua æqualis molis: si enim aqua in vasa illa recepta, non gravitat intra aquam, ut supponitur communiter, quantumcunque minuat, moles ex ligneo vase & aëre, semper manebit vas cum aëre, & multò magis sine aëre, levius in specie quàm aqua. Quomodo ergo tandem demergitur, uti demonstrat experientia? Quid alii respondeant, nescio. Ego *Respondeo* primò si vas ligneum (seu navis illa sit, seu alterius generis vas) habet fundum integrum, ita ut aqua infusa aliunde, ipsumque ad summum usque replens, non continuetur cum aqua cui vas innatat; aqua illa tamdiu degravat vas, & unà cum ipso deorsum tendit, quàm diu superficies suprema aquæ intra vas contentæ altior est, quàm superficies suprema aquæ cui vas innatat, & hoc non quia compositum ex aqua & vase gravius est quàm aqua æqualis molis, sed quia aqua non impedita tendit naturâ suâ ad loca decliviora: quoniam igitur in casu posito nullum est impedimentum quò minus tendat deorsum, eò quòd aqua liquida cedat vasi innatanti; mirum non est, si deorsum tendat, nec cesset motus, donec superficies coæquantur. Factâ autem coæquatione superficialium, vel evertitur vas, & enatat, vel simul cum aqua contenta subsidit, & manet in fundo; subsidit quidem, propter impetum in motu immersionis conceptum; manet verò in fundo, quia tunc vasis fundum sustinet tantum pondus, quantum est columnæ aqueæ cujus basis est vasis fundum, altitudo perpendiculum à fundo usque ad supremam aquæ superficiem, *Respondeo* secundò, si aqua ingreditur per fun-

fundum, aut per foramen lateris, quia tunc aqua externa continuatur cum interna, non cessat ingressus, donec superficies utriusque coæquantur; & tunc quidem vel evertitur vas & enarat, vel subsidit & manet in fundo, propter causas paulò at-
tè dictas.

EROTEMA X.

*An verum sit quòd aqua libralis possit sustinere ce-
ram aut lignum centum & plurimum
librarum?*

P Nicolaus Cabanus lib. 1. Meteororum tex. 46. quaest. 13. a-
gens de vi & causa suspendente nubes in aëre, ait, posse contingere ut lignum gravissimum 100 pondo stet supra aquam unius libræ, imò unius uncie, ut supra illam aquam modicissimam natet, nec toto suo illo pondere illam extrudat; ad quod probandum, adducit tale experimentum. *Same vas fœtile, vel ex alia simili materia, quod aquam continere possit, & sit intus levigatum, & talis figura, ut in parte superiore semper magis dilatetur: deinde sume massam ceræ, quantum vas capit, etiam si esset 100 librarum; liquatam ceram vasi infunde; quò repleto, & congelatâ, cerâ, modico calore tepesacto vase, ceræ massam erue ex vase; jam enim illo calore modico ceræ vas relinquet; tum infunde in vas modicissimam aquam, puta libram, & iterum congruè repone ceræ massam in vase, ut prius. Videbis, 100. libras illas à libra aquæ sustentari natantes, nec ceræ ad fundum vasis descendet, extrusa aquâ, quam vis sit tantò illa gravior. Quòd idem contingeret, si loco ceræ lignum solidum, & affabrè factum, quòd vas expleret prorsus, super libram aquæ infusam cautè imponeres; tam enim lignum, quàm quòlibet ex illis corporibus, quæ solent aquis supernatare, ab illa aqua vel unica libra sustentaretur: nec enim attenditur*

Experimentum Cabai, probant aquam libralem sustentare ceræ massam centum librarum.

quan-

quantitas aqua quae infra corpus est; re enim vera illa aqua non sustentat, quamvis communiter etiam illi, qui putant se doctiores, id existiment: non sustentatur ab aqua illa, quasi illa debeat esse gravior corpore sustentato; & qui aliter sentit, non diversam habet opinionem, sed errorem, & ignorantiam rerum: re enim vera non gravitat illud corpus supra aquam sibi suppositam, sed attenditur solum gravitas in specie, quod illud corpus sit tale, & data paritate molis, sit levius aqua. Hæc Cabæus. Similia habet P. Ioannes Leurechon in Recreatione. Mathemat. Problem. 88. num. 13. & ex ipso Schwenterus in Deliciis Mathem. par. 13. q. 22. & Gaspar Ens in Thaumaturgo Mathem: Problem. 39. num. 13.

Non est universaliter verum.

Quæritur, utrum hoc sit universaliter verum. Respondeo, ex Hypothesi VII. supra posita constare, solidum corpus aqua levius, in aquam demissum, usque eò mergi, donec tanta pars sit intra aquam, quanta est moles aqua æqualem habens gravitatem cum toto corpore. Si ergo tanta est aquæ profunditas, ut possit immergi corpus ad dictam quantitatem, antequam fundum attingat; natabit, quantumvis modica sit aqua, & quantumvis magna ac ponderosum sit corpus: si autem minor est aquæ profunditas; corpus petet fundum quantumvis magna sit aquæ copia, & latè diffusa. Hac de causa naves aliquando in fluminibus latissimis tundo insident, quæ tamen in augustis fluviolis, sed profundioris aquæ, natant. Hinc etiam cubus ligneus cubitalis in lacu spatiosissimo, sed humilis aquæ, fundum tangit; in cuppis aqua plenis natat. Hinc denique, ut alia taceam exempla, baculus decempalmaris altitudinis, demissus perpendiculariter erectus intra lacum aut fluvium, cuius aqua uno solum palmo est alta, fundum tangit; demissus verò eadem ratione intra dolium, cuius aqua sex aut octo palmis est alta, fundum non tangat sponte, sed supernatet.

Naves in fluminibus latissimis insident, tamen in augustis fluviolis, sed profundioris aquæ, natant.

EROTEMA XI.

*Cur lignum majus aquâ levius in specie, depressum
infra aquam ascendit velocius, quàm mi-
nus ejus rationis.*

Accipe baculum trium palmorum in longitudine, levio- Lignum
majus est
velocius
enatæ
ex aqua,
quàm mi-
nus.
rem aquâ in specie, & divide in duas partes, quarum una
sit dupla alterius; detrude utramque partem infra aquam, &
fuste in fundo detine; remoto deinde fuste relinque utram-
que eodem momento temporis liberam: videbis bipalmarem
partem velocius ascendere, & citius ad supremam superficiem
aquæ pervenire, quàm palmarem. Quæritur hujus rei causa.

Cardinalis *Cusanus* Dialogo de staticis Experimentis vi-
detur velle, causam esse, quod majus lignum intra aquam levi-
us sit quàm minus. Sic enim ait. *Et accepto ligno levi, cujus pondus
ut tria, & aquæ ejusdem magnitudinis ut quinque, ipsum in duas di-
visit in æquales partes, quarum una habuit duplam magnitudinem,
alia simplam: ambas in cuppam altam posuit, & cum fuste tenuit, ac
aquam superfudit. & fuste retracto ascenderunt ligna ad aquæ super-
ficiem, & majus lignum citius quam minus. Ecce tu vides diversita-
tem motus in idenditate proportionis ex eo evenire, quia in levibus
lignis, in majori est plus levitatis.*

Respondeo, causam esse desumendam ex Hypothesi no-
stra IX. ubi ex Archimede diximus, *Corpus solidum aquâ levius,
infra aquam vi demersum, ferri sursum tantâ vi, quantum aqua mo-
lem habens æqualem corpori demerso, gravior est ipso corpore. Quo-
niam igitur vis aquæ molem habentis æqualem ligno mi-
nori, major est quamvis aquæ molem habentis
æqualem ligno minori; patet ratio propo-
siti phænomeni.*

EROTEMA XII

Cur Insulae quaedam natant in aquis?

*Insulae na-
tantes va-
riis in locis.*

Variis in maribus & lacubus Insulas reperiri natantes, res est omnino indubitata. Ut alias taceam, est in occidentali regione Scotiæ lacus multas continens Insulas habitatas; inter quas una flante vento agitur ut navis, & huc atque illuc natat, & ob id solum pascendis gregibus idonea, non habitationi. Aliæ sunt in agro Ferrariensi in Italia, in quibus cum eas armenta hominesque aluntur, ut *Cabeus* Ferrariensis testatur loco mox citando. Memini etiam P. Athanasium Kircherum mihi narrare, in lacu quodam Italiæ (in fallor, prope Tybur, Italicè nunc *Tivoli*) nistuisse se multis inspectantibus in hujusmodi Insulam natantem, & impetu littori impresso à continente avulsam, in medium agitate lacum, cum què solliciti omnes essent de suo in continentem reditu, pallium expandisse ad motum veli, & feliciter ad littus navigasse.

Cum natent

Quæritur, quo pacto fluctuent hujusmodi Insulae, & aquis innatent? *Cardanus* lib. I. varietat. cap. 7. loquens de Insula Scotiæ paulò antè commemorata, ait eam fluctuare, quòd terra fungosa & levis sit, ac tenax, nec Insula fundo annexa: nam nisi fungosa terra esset, nec tenax, motu dissiparetur; & nisi esset ab imo avulsa, moveri non posset. *Cassparus* *En*, in *Thaumaturgo* *Mathemat.* Problem. 93. num. 14. ex *P. Ioanne Leurechon* in *Recreationibus* *Mathemat.* Problem. 88. num. 14. & ex eodem *Schwenkerus* in iisdem *Recreation.* par. 13. quæst. 23. ajunt, eas aut in modum navigii esse cavatas superius, ut aërem continere possint, & componere cum ipso molem leviolem aquâ æqualis molis; aut ex leviori & spongiosa terra constitutas, ut *Cardanus* dicebat; aut subterraneis concavitatibus denique, magnâque lignorum aquis submersorum vi abunda-

re. Ca-

re. *Cabæus* lib. 1. *Meteoror.* tex. 69. quæst. 1. ubi agit de exsiccatione paludum, ait, in paludibus arundines, papyros, juncos, & alias hujusmodi herbas aquatiles nasci, easque ita invicem conjungi, & complicari, ut postea, dum folia decidunt, & marcescunt, simul hæreant complicatae in superficie aquæ; & cum simul junctæ marcessunt, excepto semine, quasi iterum in illa superficie nasci, reviviscente anno, simul cum aliis herbis; & dum alia super alia decidunt folia, longo annorum decursu fieri plexum quendam radicum, herbarum, & foliorum, & arundinum, & quandam massam bene simul coagmentatam, quæ supernatet aquis, nec solum supernatet, sed sustineat etiam homines, & animalia, imò & armenta, & casus; nec solum herbas alere, sed & magnas arbores; & tantam fieri aliquando molem, ut ad aliquot milliaria excurrat; dumque aquæ intumescunt, eas moles, perinde ac si essent rates, elevari, & aquis imminutis deprimi, & partes aliquando aliquo accidente separari à toto, & ventorum flatu ductas per paludem navigare; & fortasse istiusmodi esse Insulas nantes quæ variis in locis reperiuntur. Hæc *Cabæus*, Nec in paludibus solum, sed in mari etiam, & Oceano, ac multò magis in fluminibus similia fieri, quotidiana docet experientia. Vidi ego in mari Mediterraneo circa Siciliam, maximè Panormi & Drepani, loca prope portus & littora, ædibus ac templis magnificè constructis frequentia, ubi antea, Patrum memoriâ, mare fuerat; & utrobique in iisdem locis aquarum scaturigines nunc sunt, Drepani quidem in Patrum Capucinorum horto aliquandò salfarum, Panormi verò dulcissimarum simul ac saluberrimarum, è duabus venis largissimè erumpentium; ubi etiam inter varias Inscriptiones (ut ibi appellant) magnificis ædificiis fonti utriusque circumædificatis incisas, hos versus me legisse memini, ab ingenioso & celeberrimo apud Panormitanos Poëta venero compositos:

*Surgunt in nostris miracula sedibus, Hospes:
Terra, ubi pontus erat; Lympha, ubi dura silex.*

In utroque loco alga marina vento & fluctibus ad scopulos temerè adgesta, pontum in terram mutârat. Imò duorum annorum spatio, quibus Drepani habitavi, tantum algæ ad littus ingentibus saxis armatum simul ac ornatum ejecit, ut saxis sepultis, & mari exsiccato, ad magnum spatium intra mare supra siccas & jam condensatas algas excurrere licuerit. Volui hæc referre, ut confirmarem probabile esse, quod Cabæus de ortu Insularum natantium retulit.

EROTEMA XIII

Quid sentiendum de natatu minorum Mundi systematum in majore.

*Planetarum
natus
in cælo li-
quido.*

A Pud *Mersennum* in Phænomenis Hydraulicis Proposit. 48. in corollario, credunt nescio qui, liquidam totius Mundi materiam esse diversæ densitatis, atque adeo diversi ponderis; & in ejus medio, juxta Copernicanorum opinionem, solem constitutum partes materiæ sibi viciniores ita calefacere, & rarefacere, ut tellus, & planetæ juxta proportionem suarum densitatum magis aut minus ad solem accedant, eo modo, quo varii globuli in phialam diversis liquoribus plenam varia loca pro suis densitatibus occuparent. Si enim quinque v. g. liquores sumerentur ejus generis, ut unus esset gravior cæteris, & reliqui se invicem ordine sequerentur semper leviores (prout diximus suprâ in Pragmatia XVIII. præcedentis Syntagmatis, loquendo de quatuor liquoribus quatuor elementorum æmulis) & quinque globuli pararentur, atque ita librarentur ac temperarentur eorum pondera, ut singulis liquoribus singuli innatarent; quantumvis illos liquores turbares, & globulos vi
ad

ad fundum detrunderes, aut adduceres ad superiorem liquorum illorum superficiem, statim ad pristina loca suo pre nutu restituerentur. Eodem modo philosophari nos posse judicat ille de Mundi materia liquida, & planetarum corporibus intra illam meris, reditura nimirum omnia ad eundem ordinem in quo nunc sunt, etiam si susque deque omnia verterentur. Atque hanc natatus cogitationem magno viro ita placuisse affirmat Merfennus, ut non solum inde concluderet planetarum circa solem loca, & motus, sed etiam (in sententia sua & Copernicanorum) majorem & minorem Telluris & eorundem planetarum ad solem accessum & recessum, & tam perigæa, quam apogæa commodè satis per hunc modum explicari posse putarit. Cum enim, inquit, sol spatio 28 dierum suam circa proprium axem periodum absolvat, & reliquam circa se Mundi materiam liquidam usque ad Saturnum celerius aut tardius moveat, juxta diversas distantias; planetas in illis distantis occurrentes circa se movere eodem motu, quo materiam ibidem occurrentem; hoc est, Mercurium tribus mensibus, venerem novem, tellurem, anno, Martem biennio, Jovem duodecim annis, & Saturnum annis triginta. Stellæ verò fixas ab istius materiæ motibus eximit, quippe quæ forsitan nova systemata efficiant. Et ut probabiliorem rem faciat, unicuique planetæ suam propriam materiam liquidam tribuit ei tam arctè coherentem, ut nunquam ab eo divellatur, & ad eum undequaque vergens spheram efficiat, quæ solaris systematis liquidæ materiæ innatet, aut si mavis, subnatet, ac velut urinetur, ut in oceano urinatores: aërem verò terrenum cum vaporibus à sole ita rarefieri supponit, ut exitum è solaris materiæ spheræ querens, & ad majus spatium contendens, montes & valles sibi occurrentes, quibus includitur, & impeditur, impellat, & toti terræ motum conferat, qui continuo crescens tandem ad diurnum perveniat, cujus fortè solius sit capax.

Hæc nescio quis apud Merfennum, qui ait se ea obiter tantum indicare voluisse, ut appareat corporum natationem

Non videtur probabile.

ad scientias non esse inutilem, cum etiam possimus (*inquit ipse*) urinatores appellari, quorum videlicet terrena domus aëri, vel alteri Mundi liquido innatat; & cum nesciamus, an aliquo motu recto totus Mundus dextrorsum, vel sinistrorsum, supra vel infra moveatur, aut ipsi vacuo innatet, cum nec experientia, neque ratio de ea re quidpiam certò & evidenter concludere valeat. Ego nolo hanc novam philosophandi rationem hoc loco examinare; erit fortassis locus aliquid dicendi infra suo loco in Magia Uranologica. Interim hoc solùm dico, si per materiae liquidæ, cui planetae & terra innatant (quod non nego) majorem aut minorem à sole causatam raritatem motus fieret eorundem corporum, eum non posse non esse valde irregularem, uti ex irregulari & in constante aëris & vaporum circa Terram nostram alteratione constat, Præterquàm quòd non video, quomodo eâ ratione Saturnus & Jupiter circa solem, & circa Saturnum & Jovem eorum comites eodem tempore moveri queant, nisi & in hac nova Phylosophia ad Intelligentias motrices recurrere velimus.

EROTEMA XIV.

Quid sentiendum de doctrina Stevini proposit. X. lib. 4. & proposit. 2. lib. 5. staticæ?

Stevini
theoremata
hydrostaticæ.

Simon Stevinus lib. 4. staticæ, seu 1. Hydrostaticæ, proposit. 10. hoc proponit ac demonstrat Theorema: *Aqua fundo horizonti parallelo tantum insidet pondus, quantum est aquæ columnæ, cujus basis fundo, altitudo perpendiculari ab aquæ superficie summa, ad imam demissa equalis sit.* Probat, quia non plùs premit fundum prædictum, nec minùs, quam pondere dictæ columnæ aquæ; ergo tantum. Ex hac propositione deducit quinque consectaria, quorum ultimum deinde lib. 5. stati-

statica, seu lib. 2. Hydrostatica, propositione 2. conatur illustrare quinque exemplis, omnino mirabilibus; quorum primum hoc est. *Fundus AB fundo CD similis esto & equalis, itemque altitudo EF altitudini GH; sed pars IE insistens subjecta aquae KLBA minor sit, quam pars ipsius GCD sibi respondens, pendatque aqua EAB 7. lib. GCD. 10. lib. sitque GCD cylindrus; is igitur ipsius EAB erit decuplus; hujus tamen in fundum AB impressum esse tantum asserimus, quantum sit totius GCD in fundum CD.* Hujus exempli doctrina videtur omnino mirabilis, cum ex ea sequatur, unam libram aquae super fundum vasis alicujus tantum gravitare posse, quantum mille librae, imò quantum totus Oceanus super fundum alterius vasis. Si enim vas fieret GCD Oceani capax, & aliud vas EAB unius tantum librae capax, cujus tamen altitudo EF esset æqualis altitudini GH; & fundum AB æquale fundo CD; & utrumque vas aquâ impleretur, tam validè premeretur fundum AB à sua aqua, quam validè fundum CD à sua. Memini, cum Panormi in Sicilia in disputatione publica meus quidam in Mathematicis discipulus demonstraret, Terram non ad quamlibet novi ponderis ex parte una additionem, & inde secutam centri gravitatis mutationem, titubare, nec locum mutare, nisi fortassis accederet pondus hemisphaerii Terraquei pondere non minus (ut supra libro 1. Syntagm. 1. capite 2. demonstravi;) memini inquam, virum doctissimum P. Joannem Carolum La Faille, Serenissimi Joannis ab Austria nunc Belgii Gubernatoris tunc verò Siciliae Proregis Mathematicum, opposuisse hoc Stevini Exemplum (uti & alterum de Libra, de quo mox) asseruisseque, summâ omnium admiratione, vel unam libram aquae vasi prædictâ ratione efformari conclusam sufficere, ad globum Tarraqueum loco suo dimovendum. Aderat disputationi illusterrimus Dominus Carolus Vintimiglia, Eques Panormitanus nobilissimus, & eximius Mathematicus, & statim absolutâ dispu-

Corollari-
 um mirabi-
 le ex illo.

Vide Fig:
 IX. Ico-
 nis XV.


disputatione fieri curavit duo vasa prædicto modo efformata, & me præsentè experimentum fecit, sed sine ullo effectu: manifestè enimprehendimus, vas ABE, cum aqua sua non gravare tantum manum, aut bilancem sustentantem, quantum eam gravabat vas GCD, unde conclusimus, nec fundum utriusque æqualiter premi ab aquis inclusis. Fatebatur ingenuè dictus P. La Faille (quod etiam fatetur *Mersennus* lib. 1. Hydrostaticæ seu Artis navigandi Proposit. 13.) nos in bilancibus vel manibus non totum illud vasis pondus sentire fundum tamen illo premi; sed non persuadebat, repugnante manifestâ experientiâ.

*Theorema
verum est,
sed falsum
corollarium*

Ajo itaque, Propositionem, illam X. Stevini, prout ab ipso ibidem proponitur & explicatur, veram esse, & bene ab ipso probari, & confirmari etiam experientiâ; at falsum esse allatum exemplum, & ex propositione illa nequaquam deduci, & insuper experientiæ manifestò repugnare Legatur proposito apud ipsum, & cum ea conferatur exemplum.

*Experimentum
Stevini de Libris
Hydrostatica.*

Confirmare nititur Stevinus loco citi; libris. exemplum prædictum aliâ experientiâ, quam ibidem adducit, & nos ex ipso adduximus in *Mechanica* Hydraulicæ pneumaticæ parte 2. Classè I, cap. 6. Machina II. & appellavimus *Libram Hydrostaticam mirabilem*. Eandem experientiam in citata paulò antè disputatione afferebat P. La Faille, Experientia est verissima, & ab aliis sæpius probata; sed non est ad rem: nec enim fundum lancis libræ premit tam validè modica aqua, sed impetus ab aqua cylindro ligneo impressus, & à cylindro in aquam & fundum lancis reflexus, ut ibidem nos explicavimus. Quòd si scivisset Stevinus, nunquam experientiam in exempli sui confirmationem adduxisset. Atque hic finis esto *Magiæ Hydrostaticæ*, nunc ad *Hydrotechnicam* pergamus.



LIBER SEXTVS.
DE MAGIA HYDROTECHNICA,

SIVE

DE ABDITIS, ADMIRANDIS, UTILISSI-
MIS, AC JUCUNDISSIMIS AQUARUM
ARTIFICIIS, AC SPECTACULIS.

P R O O E M I U M.

HYDROTECHNIA, hoc est, ^{Hydrotech-}
ars aquaria seu aquatica, quâ tam
mirapassim artificia, spectacula tam
iucunda, tam utilia, & hominum
usui necessaria Inventa ubique exci-
tari videmus, non minore gustu, quàm fructu, ad
tria præcipuè capita revocari posse videtur, ad aquas
nimirum vel è profundo hauriendas, vel deducen-
das per planiciem, vel educendas in altum per fistu-
las ac tubos, formandos in fontes, aliâq; Hydraulica
Mmm Tech-

Technasmata, ut in Mechanica quoque Hydraulico Pneumatica notavi Præloquio ad Lectorem. Quæ de causâ, ut ibidem docui, Machina aquatica triplicis sunt generis. Aliæ enim iumentorum, hominum, ponderum, ventorum, fluviorum ope, rotis variè inter se se implicatis, quin & sine rotis simplicissimo artificio, moventur, & aquas ad Commemoratos paulò antè usus subministrant, cuius modi sunt Tympana, Antlia seu Etesibica machina, cochlea, tollerones, globulorum catena, haustrorum rota, aliæq; similia, quæ passim multis in locis spectantur, & à Variis Auctoribus graphicè depinguntur, ac describuntur. Et hisce machinis eleuantur aqua ac sursum eleuantur, vel per vasa seu haustra, vel per tubos; & vasa vel sunt unica in singulis machinis, vel multiplicata & simul in vicem connexa in modum perpetua vasorum catena, vel ita disposita, ut subinde ex uno in aliud vas aqua effundatur, donec tandem ad supremum locum perveniat. Aliæ solo aquarum lapsu naturali fontes exhibent amenissimos, & omnis generis hydraulica spectacula, seu ludicra ad oculorum oblectamentum, seu serica ad hortorum domorumq; privatos ac publicos usus. Huc revocamachinas illas, quibus aquarum libratio, seu ut nunc loquuntur, libellatio instituitur, ad eas de loco uno in alterum per lon-

Machina-
 rum aqua-
 ticarum
 tria gene-
 ra.

longissima etiã viarum spatia, & montibus, collibus, vallibus, fluviis, aliisq; obstaculis asperata atq; discissa deducendas; quam artem Hydragogiã Græci nos deductionem aquarũ dicimus. Alia deniq; Aquaticæ machine inclusi intrusivæ aëris violentiã, ejusdẽq; aut aquæ rarefactionis ope, vel alterius ab altero vehementi pressione eiaculantur aquas in altum, tibias ac tubas inflant, volucrũ cantus exhibent, tonitrua emulantur, aliãq; tam mira præstant, atque exotica, vix ut ab humano ingenio præstari posse credantur.

De tertii generis machinis fusè atq; ex fundamentis egimus in Mechanica Hydraulico Pneumatica, quibus non nullas etiam primi & secundi generis interseruimus. De iisdem, & universum de omnibus aliis seu theorematibus, seu problematibus, quæ ad Hydrotechniam quoquo modo spectant, hic iterũ, utpote loco suo, fusè ac distinctè agendum, esset, ac verò etiam à nobis ageretur, ni opus hoc in nimiam molem auferi timeremus. Ad tria ergo Syntagmata breviter coarctabo, quæ hoc libro proponam: in primo Hydragogiam seu libellandarum aquarum artem tradam: in secundo unam aut alteram tantum machinam ad primum machinarum genus spectantem, explicabo, quia novæ sunt, & apud alios non reperiuntur: in tertio denique paucas

De quibus
hoc libro
agendum.

Machinas, solo naturali aqua lapsu exhibitas, indicabo. Tertii porro Machinarum generis fundamenta seu principia, in Mechanica tradita & explicata, in sequenti Libro ad incudem revocabo, illud praesertim, quod vim Attractivam appellaui, & ad vacui metum retuli; videboque num alio etiam modo explicari, aut aliam in causam referri queat praedicta attractiva vis. Adjungam unam aut alteram aequalem machinam in mechanica non explicatam. Atque hanc appellamus hoc loco Magiam Hydrotechnicam, quoniam quaecumque complectitur, à magicis & ingeniosis effectis non sunt aliena.

SYNTAGMA PRIMUM

De Hydragogia, seu aquarum libellatione.

*Hydragogia
quid,*

HYDRAGOGIA seu aquarum perductio, iisque perducendis praevia libratio, seu libellatio, ut recentiores appellant, non tam facilis est, ut negligenda à mathematicis sit, solisque practicis libratoribus & Hydragogis, ut plurimum a geometris, relinquenda. Committunt enim hi non raro enormes in librationibus errores, saepeque contingit, ut post ingentes sumptus à Principibus & Rebus-publicis factos, aquae minime confluant quò derivanda erant. Quamvis non negem, aliquos subinde reperiri, qui litteris nullis instructi, nedum mathe-

*Libellatores
practici a-
quarum.*

mathe-

mathematicis præceptis imbuti, longâ solum experientiâ edocti, citissimè & felicissimè, hâc in re præstent, quod vel Doctissimi Geometrae longo tempore, vix præstarent. Vidi ego in sicilia simplicissimum hominè, ac Idiosam prorsus, qui à parente a què simplici ac amuso instructus, campum ingentem chorobate pænè carie corrosa facillimè librabat, & abveo factò exiguis sumptibus, per eam aquam felicissimè deducebat, derivandas supra rotas molendini novi eo loco construendi. Ab utrisque ergo discendum est, & utrorumque præcepta audienda, ut illorum theoria cum horum praxi conjuncta feliciorè res sortiatur exitum. Quoniam igitur ingeniosa est non minus, quàm utilis, ac necessaria Hydragogia seu aquarum libratio de ea hoc loco non nihil agere decrevi. Materiam eandem fusius per tractatum in Pantometro Kircheriano lib. 9. At quoniam dictum opusculum, in decem libellos digestum, lucem nondum vidit, ejus morâ, cui jam dudum traditum suis sumptibus excudendum (à quo vix tandem extorsi denuo vel alteri tradendum, vel cursui Mathematico inferendum, ex parte saltem) ideo nonnulla ex dicto libro 9 decerpta huc transferam, Lectori fortassis nec ingrata, & utilia.

CAPUT PRIMUM.

De Hypothesibus Hydragogicis.

ANrequam de ipsa libellandi seu librandi praxi tractemus, Hydragogica Hypotheses. idque tam ex communi Practicorum, quàm singulari Mathematicorum sententiâ, ut majori cum fundamento & èr med c-

depos procclamamus, præmittere lubet varias libratorum hypotheses, quas in praxi velut indubitatas supponunt Practici, hoc est, Libratores Ordinarii & Ageometræ, imò & Geometræ etiam, easque breviter examinare, non contradicendi studio, sed veritatis inquirendæ amore. Easdem pœnè verbis iisdem tradimus in Pantometro loc: citato c. 5.

SUPPOSITIO PRIMA.

Terra & aqua rotunda sunt.

Terra & Aqua Terra infusa ac circumfusa, maribusq; ac lacubus præcipuè comprehensa, unicum constituunt globum, unicâ atque continuâ superficie, licet montibus ac vallibus asperatâ, contentum, quem ob id Terraqueum appellant. recentiores. Conveniunt in hoc plerique Philosophi ac Mathematici, explodentes, ac tantum non ridentes aliquos, quos inter Anaximander statuebat Terram similem columnæ, Leucippus Cylindro, seu tympano bellico, Cleantes cono seu turbini, Heraclitus scaphio, Democritus disco cavo, Anaximenes & Empedocles mensæ planæ utex Aristotele, Plutarcho, & Laërtio refert P. Joannes Baptista Ricciolus tom: 1. Almagestinovi, lib. 2. c. 1. Argumenta pro Terraquei globi rotunditate vide apud Ricciolum & spheræ scriptores quos citat & apud nos in cursu Mathematico, tract: de spheramundi.

SUPPOSITIO SECUNDA.

Terraquei globi centrum est centrum gravium.

Terra seu terraquei globi centrum est Centrum commune omnium gravium, quò videlicet omnia gravia (saltem sublunaria) per se tendunt appetitu naturali, ac per lineas rectas, & quidem nisi impediuntur, brevissimas, hoc est, directè & sine ambagibus ad dictum centrum tendentes. Quia igitur aqua omnis est gravis, tendit appetitu innato ad centrum terre, eoque fertur, nisi impediatur, per rectam ac brevissimam lineam modo dicto. Admittuntur

tuntur à pleiſque, etiam ab iis qui terram non ſtatuunt in medio univerſi, niſi ad ſenſum, & nos etiam admiſimus in Mechanica Hydraulico Pneumatica, parte I. Protheoria 4. cap. 2. ſuprà libro I. cap. I. Propoſit. 10. Centri porro nomine hoc loco intelligimus centrum magnitudinis, ſeu centrum medii: quod licet à centro gravitatis Terræ differat, tam partim tamen in hoc rerum ſtatu ab illo abeſt, ut idem cenſeri cum illo, ſaltem phyſice & ad ſenſum, poſſit. Vide quæ diximus in Mechanica loco citato, & ſuprà loco citato, propoſitione I I.

Aqua tendit ad centrum Terræ.

SUPPOSITIO TERTIA.

Aqua ſuapte naturâ fluit, ablatis impedimentis, ad loca decliviora, hoc eſt, centro, Terræ viciniora. Et quidem ſi rectus ac perpendicularis pateat ipſi aditus, fluit eò per lineam rectam breviffimam, nempe perpendiculararem, & quâ directè ad centrum Terræ tendit: ſi minus, fluit eò per lineam obliquam. Patet hoc experientia quotidiana, nec alia indiget probatione, ut diximus etiam loco citato in Mechanica Propriet. I. Notandum hîc, loca decliviora non ſumi hîc in ordine ad Horizontem, ſive Aſtronomicum, ſive Phyſicum, ſed in ordine ad centrum univerſi, quod eſt omnium inſimum in mundo, diciturque abſolutè & ſimpliciter inſimum. Sed de hac re iterum in ſuppoſitione quinta.

Aqua fluit ad loca decliviora.

SUPPOSITIO QUARTA.

Aqua conſiſtentiſ ſuprema ſuperficies & æquilibrata, ſeu aque alta. Indiget explicatione. Conſiſtens aqua appellatur, quæ ſitum obtinet naturalem, ut explicavimus in Mechanica

Aqua conſiſtentiſ ſuperficies extrema & æquilibrata.

*Aque sunt
naturales
quæ sit.*











*Libratum
dupliciter
sumitur.*

in Mechanica loco cit: & passim insinuavimus in libro præcedente. Situs autem seu positio naturalis aquæ est, ut ibidem diximus, quem sponte assumit aqua, tam in superficie superiore, quam in inferiore, & in lateribus, contenta quibuscunq; receptaculis seu vasis. Itaque situs aquæ, quem habet intra vasa violenter constricta, non semper est aquæ naturalis, saltem quoad superficiem superiorem. Libratum seu æquilibratum sumi potest dupliciter. Primò pro eo, quod est horizonti parallelum seu æquidistans, prout sunt plana ad libellam constituta, hoc est quæ ex una parte non magis attolluntur aut deprimuntur quam ex altera, sed instar libræ æqualium brachiorum ac ponderum consistunt velut in æquilibrio, unde & librata seu æquilibrata dicuntur. Et in hoc sensu falsum est, aquæ consistentis & naturaliter quiescentis supremam superficiem esse æquilibratam, seu æquè altam. Cum enim spherica sit, ut diximus in Mechanica loco cit: propriet: 2. & demonstrat Archimedes, alijque communiter; non potest esse horizonti parallela, neque secundum omnes suas partes æquè alta, hoc est, æquè supra horizontem elevata, ut manifestum est. Secundo sumi potest æquilibratū pro eo, quod æqualiter, secundum omnes suas partes, distat à centro Terræ. Et in hoc sensu verissimum est, aquæ consistentis supremam superficiem esse æquilibratam, secundum omnes suas partes æquè altam, hoc est, æqualiter distantem à centro Terræ.

In vasis tamen, & exiguis receptaculis, uti & in lacubus non magnis, adeo exigua & insensibilis est sphericitas supremæ superficiæ aquæ, ut sensus judicet esse planam, meritoque supponi possit esse talem, ut advertendum etiam loco citato.

Et de hisce aquis vera est prædicta Libratorum suppositio, quo ad sensum, non quoad Mathematicam

αἰετὶ βεβαίον.



BU
LLE

Fig. XVII.




Fig. XVI.






Fig. XV.





SUPPORTIO QUINTA.

Aqua in plano librato non mouetur, hoc est, non fluit, si naturæ suæ relinquitur. Vnde si aqua per planum aliquod mouetur non est planum eiusmodi libratum, sed de vexo & pendens: si verò aqua quiescit in plano, planum est libratum. Hæc etiam supportio indiget explicatione.

*Aqua in
plano librato
non mouetur.*

Si enim plani librati nomine veniat superficies æqualiter secundum omnes partes suas distans à centro terræ globi, hoc est, superficies spherica est dicto globo concentrica; vera est, quia tunc nulla pars plani illius est decliuior quàm altera, ac proinde non est ratio, cur ad unam partem potius, quàm ad alteram partem fluat aqua in tali superficie extensa. Dico in tali superficie extensa, quia si aquæ origo sit eleuata supra huiusmodi superficiem, potest per illam fluere, donec ipsi origini exæquetur quoad distantiam à centro Terræ. Si verò plani librati nomine intelligatur planum horizonti parallelum (eius modi sunt plana ad libellam constituta) supportio absolutè non est vera, quia tale planum non distat æqualiter secundum omnes suas partes à centro Terræ. Vt si Terra sit BCD , eius centrum A , horizon intelligibilis CD , planum horizontale, simulque horizon sensibilis, EBF : erunt puncta E & F remotiora à centro A quàm punctum contactus B , quod est omnium propinquissimum centro; quò verò magis receditur à puncto B , versus E , aut F , eò magis receditur à centro A , quòd eò longiores fiant lineæ rectæ à centro ad lineam EF ductæ ut ex Euclidis elementis patet. Fluere ergo aqua per planum libratum, & quidem in casu hîc posito ab E aut F versus B .

Vide Figuram Iconismi XVI

Si tamen sensum spectemus, per plana horizontalia non magna, scilicet paucorum pedum, aut passuum, non mouetur aqua motu sensibili. Esto enim EF planum seu linea horizontalis contingens superficiem Terræ in puncto B ; erit, per *proposit.* 18. *lib. 3. Elem. Euclidis*, angulus ABF rectus. Ponatur BF mille passuum geometricorum, sive vnius milliaris Italici, & supponatur in-

Quo sensu sit verum.

terim semidiameter Terræ AB non maior 3036 milliariū (quem tamen Tycho ponit milliariū 3440, alij verò adhuc maiorem.) erit AF milliariū $3036\frac{1}{6072}$. Etenim quadratum AB est milliariū 9217296, quadratum verò BF est unius miliaris, ac proinde duo quadrata AB, FB simul iuncta, sūt milliariū 9217297; quibus æquale est quadratum AF, per 47 primi Euclidis Ergo recta AF, latus illius quadrati 9217297, est proxime milliariū $3036\frac{1}{6072}$, vt patebit calculanti. Quocirca punctum Ferit altius seu remotius à centro Terræ, A particulâ sexies millefimâ septuagesimâ secundâ unius miliaris. Quæ quidem particula continet digitos tredecim, & quintam circiter digiti partem. Nam milliare unum (cùm contineat mille passus, & singuli passus quinque pedes, & singuli pedes quatuor palmos, & singuli palmi quatuor digitos) erit 8000 digitorum; quem numerum si diuidamus per 6072, exhibunt digiti $13\frac{1}{2}$ circiter, ut dicebam. Si igitur planum horizontale passuum mille tangens Terræ superficiem, non est ex illâ parte, quâ non tangit, altius quàm digitis tredecim cum vna quinta digiti parte; erit planum trium passuum, vix quadragesimâ parte vnus digiti altius in vnâ, quam in alterâ parte, in qua tangit Terræ sphericitatem; si autem eandem tangat in medio, vix octuagesimâ parte vnus digiti elevatus erit in extremitatibus. Quare merito cõseri potest sphericum, Terræque concentricum, ac proinde idem de tali plano dicendum est, quod diximus de plano Terræ concentrico, physicè loquendo.

ANNOTATIO.

Quando dicimus aquam in plano Terræ concentrico non moveri, nec fluere, si natura sua relinquatur; intelligendum est, si aqua inter planum illud sit inclusa: alioquin si libera est effluet extra margines, tendens ad partes decliuijores.

SVPPOSITIO SEXTA.

S I sit canalis non excedens in longitudine pedes circiter quinque (qualem *Aquinca-*
 ponit vitruvius in suo Chorobate, de quo postea) cuius erecta supra bas *nali quando*
 sem latera sunt æque alta in toto circuitu, immissaque aqua distet aequaliter *librata cen-*
teatur.
 à supremis labris laterum: libratuſ est huiusmodi canalis, hoc est, horizon-
 ti est parallelus: si vero unâ parte aqua propior est summo labro, quàm
 ex altera parte; non est libratuſ canalis, sed ex qua parte altior est aqua, de-
 pressior est canalis, ex altera vero parte est altior. Hæc suppositio secun-
 dum sensum, & ad usum librandi, vera est; secundum consideras-
 tionem Mathematicam falsa est; quoniam suprema aquæ
 superficies in vasis etiam parvis spherica est, & non plana, vt
 suprâ diximus in suppositione 4. Est tamen differentia inter
 superficiem illam sphericam aquæ in casu posito de canali quin-
 que pedibus longo, & inter superficiem libratam tam exigua,
 in rigore mathematico, vt censeri possit omnino indiu-
 sibilis. Esto enim superficies spherica aquæ canali con-
 ductæ ADB, cuius centrum, itemque centrum Terræ, sit C; *Vide Fi-*
 ducta que AB horzontiparallelâ, quæ tangat superficiem *guram II.*
 Terræ in E, ducatur recta CE, quæ producta cadat in D, ut *Iconismi*
 differentia distantia duarum superficierum à centro Terræ *XVI.*
 sit DE. sit præterea maioris euidentiæ gratiâ canalis EB quin-
 que pedum, & ducatur CB. Ponatur semidiameter Terræ
 miliarium Italicorum solummodò 3036, ut suprâ dicebam. Erit
 itaque eadem semidiameter pedum 15180000, ac proinde qua-
 dratum eius erit pedum quadratorum 23043240000. Cùm ve-
 rò EB sit quinque pedum, erit eius quadratum pedum 25 qua-
 dratorum. Quocirca quadratum rectæ CB, subtendentis angu-
 lû, rectâ est pedum quadratorum 23043240000025 per 47 primi
Euclidis; cuius quadrati latus, nempe CB, erit, si radix quadrata
 extrahatur, pedum simplicium 15180000 $\frac{25}{30860000}$, quæ minutia
 ad minimam denominationem reducta, erit $\frac{1}{3274500}$ vnus
 pedis.

pedis. Et quoniam pes vnus est 16 digitorum, erunt 16 digiti 1214500 dictarum particularum: singuli ergo digiti erunt earundem particularum 75906. circiter: tot enim proveniunt, si 1214500 partiamur per 16. Si itaque secetur digitus, nempe sexta decima pars pedis, in partes 75906, vna ex illis erit excessus quo BC maior est, quàm CE; ac pròinde ED erit vnus digiti pars septuagies quinquies millesima, nongentesima, sexta.

SUPPOSITIO SEPTIMA

Perpendiculus non quiescit nisi in linea directionis.

S i filum cum perpendiculo ex aliqua stabili re appendatur, non quiescit sup-
optenutu, nisi cum fuerit in recta linea ab appensionis puncto ad centrum
Terra ducta. Explicatum ac demonstratum hoc fuit suprà lib. 1. c.
4 propositione 2. quem locum vide, una cum schemate ibi cita-
to. Atquè hæc suppositio absolutè vera est.

SUPPOSITIO OCTAVA.

Regula longa quando censetur librata.

Vide Fig. III. Iconis, XVI:

S i regula rectangula, seu longa, seu brevis, dividatur bifariam lineâ ad
angulos rectos latera parallela secante, atque à supremo puncto linea eius-
modi secantis filum cum perpendiculo appendatur, demissamque liberè filum
lineam ipsam secantem occupet; est regula illa librata. Esto regula rectan-
gula (vel potius unum latus huiusmodi regulæ) ABCD, quæ
bifariam dividatur rectâ EF, secante ad angulos rectos vtram-
que rectarum, AB, CD, appendaturque ex puncto E filum cum
perpendiculo G, occupetque filum demissum rectam EF, &
& quiescat. Dicunt, regulam ABCD esse librata; hoc est, hori-
zonti parallelam. Quoniam enim, per præcedentem suppositionem,
filum cum perpendiculo EFG, non quiescit, nisi in linea trans-
eunte punctum suspensionis E, & centrum Terræ. Sit itaque
dictum centrum H; ex quo si ad intervallum HG describatur
circulus Terraque globo concentricus, faciet linea HGF E
cum linea LM, dictum circumulum tangente, adeoq; ad Terræ hori-
zontem parallela, angulos rectos HGM, HGL, per 18, lib. 3. Euclid.

sed etis

sed etiam cum lineis AB , CD , facit angulos rectos HFD , HFC &c. ut supponitur; Ergo, per 28. primi Euclid. rectæ AB , CD , parallelæ sunt rectæ LM , & consequenter horizonti. Librata ergo est regula $ABCD$, Vera est absolutè hæc suppositio. Et eadem est ratio, si ad latera AB , CD , ducatur perpendicularis AC , & ex puncto A suspēdatur filum cum perpendiculari, demittaturque ut liberè quiescat filum, & cadat præcisè supra lineam AC regulæ, ut mox dicetur.

SUPPOSITIO NONA.

Si fuerit regula, in qua ad extremitates ducantur lineæ ad parallela latera recta, & ab eiusmodi rectarum & perpendicularium linearum summis ratibus pendeant fila cum perpendicularibus, atque ita collocetur regula, ut fila libero perpendicularorum motu perpendiculares ipsas lineas occupent; erit regula librata. Sit ut antea regula $ABCD$, atque lineæ AC , BD , perpendiculares sint ad parallelas AB , CD , & ex punctis A & B pendentur fila cum perpendiculari G , occupentque fila liberè pendentia perpendiculares AC , BD . Dicunt, regulam esse librata. Hæc Hypothesis in rigore mathematico implicat, quia nunquam potest accidere, ut utrumque filum cum perpendiculari cadat præcisè supra lineas perpendiculares AC , BD , in prædicto situ regulæ, sed vel supra unam solū, vel supra neutrà. Esto enim ut antea centrum Tertæ H , è quo describatur circulus Terræ concentricus, quem tangat linea LM in puncto G , & huic lineæ LM æquidistant regulæ latera AB , CD ; ducaturque recta GA per punctum contactus G , secans regulam in FE ; & aliæ duæ HA , HB . Erunt igitur per 18. lib 3. Euclid. anguli HGM , HGL , &, per 29 lib 1. anguli HEB , HEA recti, anguli vero $HA E$, HBE , acuti, per 17. primi. At fila cum perpendicularibus & punctis A & B suspensa, & liberè demissa, cadere debent supra lineas AH , BH , per dicta suppositione 7. Eadem est ratio in quocunque situ regulæ, in quo recta HG secat ipsam intra rectas AC , BD . Neutrum ergo filum in hoc situ cadit supra perpendiculares AC , BD . Si regula $ABCD$, ita collocaretur, ut recta AC esset in rectâ HG producta.

Regula oblonga aliter librata quâdo censetur.

Vide Fig. III. Icon. XVI.

ducta versus regulam, caderet quidem filum unum cum perpendiculari supra lineam AC, at alterum minimè caderet supra lineam, BD, propter rationem iam dictam. Eadem est ratio, si recta HG, transeat per rectam BD. Nunquam ergo poterit prædictum filum utrumque cadere supra utramque lineam, AC, BD. Si tamen sensum spectemus, vera est prædicta suppositio, & ad praxim sufficiens. Volo dicere, fila cum perpendicularibus libera demissa in dicto situ regulæ tam parum aberrare à dictis lineis perpendicularibus AC, BD, ut censi merito possit, supra illas præcise cadere ac proinde concedi sine vilo errore potest, regulam esse libratam, si fila cadant supra prædictas lineas. Demonstrationem non addo, quia necessaria non est.

SVPPOSITIO DECIMA.

*Dioptrica
Instrumenta
quæ.*

Quæ per instrumentum Dioptricum libratum conspiciemus, ea sunt æquè alta cum oculo, at inter se. Dioptrica Instrumenta (de quibus postea) sunt illa, per quæ visus transit restrictus, ut ita dicam, siue transeat restrictus per rimam, siue per canaliculum, siue per pynnacidia. Hæc suppositio, si loquatur de altitudine simpliciter & proprie accepta, quæ æquè alta dicuntur illa, quæ à centro Terræ æquè distant; altiora, quæ ab eodem magis distant; humiliora, quæ minùs, falsa est. Sicut enim planum horizontale non est æquè altum secundum omnes sui partes, ut vidimus suppositione quinta: ita quæ sunt in eadem linea visuali æqui librata, hoc est, plano horizontali æqui distante, non sunt omnia æquè alta, seu æquè remota à centro Terræ; sed minùs alta sunt, quæ sunt propinquiora oculo; magis alta, quæ sunt remotiora ab oculo. Omitto demonstrationem, quia ex dictis locis est, intelligi potest. Si verò suppositio loquatur de altitudine: supra horizontem, siue sensibilem, siue rationalem; vera est, quia omnia puncta, quæ occurrunt visui per Dioptricum instrum

mentum libratum transpicienti, æqualiter distant ab eodem plano horizontali, secundum lineas rectas ei plano perpendiculares: cuiusmodi sunt in loco citato puncta E, B, F, respectu horzontis CAD.

SUPPOSITIO VNDECIMA.

Qua puncta æqualibus perpendicularibus absunt à linea visus transeunte per Dioptricum instrumentum æquilibratum, sunt æquè alta: & quæ inæqualiter absunt, in æqualiter sunt alta: scilicet altiora, quæ longioribus absunt perpendicularibus: minus, verò alta, quæ absunt brevioribus. Sit Dioptricum instrumentum NO, linea visus per ipsum transiens ABCD, à qua æqualibus lineis perpendicularibus distent Puncta E, F, G, H: longioribus I & L: brevioribus, K & M. Dicunt puncta E, F, G, H, esse æquè alta: puncta K, M, altiora; puncta I, L, depressiora. Hæc vera sunt in ordine ad horizontem falsa in ordine ad centrum Terræ vt patet per se, & ex tam dictis.

Vide Fig.
IV. Icon.
XVL

SUPPOSITIO DVODECIMA.

A Equales, in æqualesque distantie punctorum infra lineam visus æquilibratam, aut supra plannum horzontale, rectè mensurantur perpendiculari filo. Vt in præcedenti figura E, F, G, H, infra lineam visus AD, aut supra horzontem, sive sensibilem, sive intelligibilem, rectè mensurantur filo cum perpendiculari appento: & tunc dicuntur esse æquales, quando fila perpendicularum à linea visus addicta puncta demissa sunt æqualia: tunc verò sunt maiores, aut minores distantie quando eadem fila sunt longiora, aut breviora. Hæc Hypothesis, geometricè & exactè loquendo, est falsa, quia fila cum perpendicularis demissa,

Vide Fig.
IV. Icon.
XVI.

demissa, non sunt perpendicularia ad horizontem, sed tendunt ad centrum Terræ, ut patet ex Suppositione septima, unde vnum solum potest esse perpendicularare horzonti, illud nimirum, quod cadit in punctum contactus, in quo horizon sensibilis tangit Terræ superficiem sphericam. Non ergo recte sumuntur perpendiculari ope perpendicularares prædictæ in usu libellæ, si geometricè procedamus. Secundum sensum tamen nullus in ea re committitur error, etiam in lineâ librata unius milliarj, quoniam differentia inter perpendicularem quamcunque ex illa demissam ad horizontem, & inter perpendicularum tendens ad centrum Terræ, est omnino insensibilis, ut ex dictis colligitur, & facilè demonstrari potest.

SUPPOSITIO DECIMA TERTIA.

*Libella quæ
do censetur
librata.*

Vide Fig.
V. Iconis.
XVI.

Si supra aliquam regulâ longâ, aut supra planum, seu Instrumentũ aliquod Dioptricum, erigatur Norma seu Libella ABC , & filum cum perpendiculo liberè demissum cadat supra lineam CD ; librata est regula, aut planum, aut Instrumentum; si cadat intra AD , aut intra BD ; non est librata regula, aut planum, aut Instrumentum. Geometricè Suppositio vera est solum tunc quando punctum D Normæ congruit puncto contactus, quo regula aut planum tangit superficiem sphericam Terræ; in reliquis casibus falsa est. Practicè tamen loquendo, & in usu librando, vera est in omni sensu, si regula, aut planum, aut Instrumentum libratum, non excedant longitudinem unius milliaris, ut patet ex dictis suppositione præcedenti. Sed de hac re iterum agetur infra.

CAPVT SECVNDVM.

Quidnam sit libellatio, & Quinam de illa scripserint.

*Libellatio
quid sit.*

Libratio, seu mavis libellatio, nihil aliud est, quàm descriptio seu designatio lineæ rectæ horizonti parallelæ, ut vel iuxta illam

lāplanum aliquod dirigatur, atque libretur, vel utrum libratum sit cognoscatur, vel loca quælibet in eādē supra horizontem altitudine constituantur, constitutione dignoscantur. Hic est enim finis libellationis. *Hydragogia quid.* Hydragogia verò seu aquarum libellatio atque perductio, est inquisitio atque inventio lineæ supra horizontem extensa, iuxta quam aut alveos effodere, aut aquæ ductus, Canales, tubos, similesque aquarum meatus disponere debeant Hydragogi seu aquarum Perductores, ut per illos aqua de vno ad alium locum derivari atque deduci naturali fluxu possit.

De librationis non solum modo sed substantia quoque dissident (quod in mathematicis rarum est) viri etiam docti, nedum vulgares libratores; præsertim si de aquarum librationibus sermo est, uti ex dicendis patebit. De Hydragogiâ porro, totâque libellandi ratione agunt (quantum quidem constare mihi potuit) vitruvius lib. 8. c. 6. & 7. eiusque commentatores, Guilhelmus Philander, Cæsar Cæsarianus Architectus Mediolanensis Italico, sed prorsus babaro idiomate, Daniel Barbarus Italico & latino idiomate; Iulius item Frontinus libello de aquæductibus: Plinius lib. 31. cap. 6; Leo Baptista Albertus lib. 10. Architect. c. 7. Petrus Appianus in Quadrante suo Astronomico parte 3. proposit. 13. & in Horoscopo parti 3. problem. 13, Nicolaus Tartaglia lib. 3. scientiæ novæ italico idiomate Proposit. 7. Christophorus Clavius lib. 3. Geometriæ practicæ Problem. ultimo; Adrianus Metius in Geometriâ practica part. 2. c. 2. præcepto 6. in corollario; Levinus Hulsus tract. 1. mechanicorum instrumentorum cap. 49. & 50. Petrus Drongsius Veglia lib. 3. Geometr. pract. proposit. 26. Petrus Cataneus in Geometr. pract. versus finem; Salamon Caus lib. 2. Hydraulicorum Problem. , ultimo; Vincentius scammozzus parte 1. de Architect. cap. 26. & 27. Benedictus Castellus in libello singulari de mensura aquarum currentium; Athanasius Kircherus lib. 3. Lucis & umbræ par. 1. cap. 4. Ioannes Antonius Maginus in libro de arte mensurandi parte penultima; Nicolaus Cabæus lib. 2. in meteora Aristot. text. 6. *Hydragogicæ scriptores.*

quæst. 4. & alibi in eodem Opere; Ioannes Baptista Ricciolus tom. 1. Almagesti novi lib. 2. cap. 4. numero 9. & 10 item cap. 13. num. 7. Ioannes Baptista portalib. 3 spiritualium, capite ultimo Hyeronimus Cardanus in practica Arithmetica & Geometria cap. 63. num. 45. ac novissimè scipio Claramontius in libello post humo de usu speculi pro libella.

CAPVT TERTIVM.

De libellaticis Instrumentis à vitruvio enumeratis, videlicet Dioptra, Libra aquaria, & Chorobate.

Libratur aqua vel potius spatium per quod deducenda est aqua varijs iustrumentis, quorum tamen alia alijs sunt meliora, commodioraque. Vitruvius lib 8. cap. 6. enumerat tria, Dioptram, Libram aquariam, & Chorobatem; hunc tamen alijs præfert. *Libratur autem, inquit, dioptris, aut libris aquarijs, aut chorobate; sed diligentius efficitur per chorobatem, quòd Dioptrae libraque fallunt.* De singulis breviter ordine agemus.

DE DIOPTRA.

*Dioptra
quid sit,*

Dioptra ergo, præterquam quòd est, teste Suida, μηχανικός τεχνόργημα, ἢ ἔσσι γεωμέτρα ἀπηκρίβαν τὴν τῶν ἐπαλξέων ἐκδιασηματος ἀναμέτρησι. *Instrumentum mechanicum, quo Geometra ex intervallo explorant dimensionem propugnaculorum, turrium & universim quarumcunque distantiarum; significat etiam, inquit Philander Comment. in citatum Vitruvij locum, Instrumentū libranda aquis accommodatum. Quale temen, & quomodo constructum sit huiusmodi instrumentum, non explicat, neque indicat, nisi quòd dicat, Dioptrae frequentem esse mentionem apud Ptolemæum, Theonem, Proclum, & etiam apud Plinium lib. 2. cap. 69. Quibus videtur minuere Dioptram Hyparchi, cuius illi memi-*

meminerunt; quæ tamen nihil habet eum Libella Commune. *Scipio Claramontius* ait, Dioptram esse oblongam, rectamque Regulam, per quam transpicimus, sive quòd intus sit uniformi ductu excavata secundum totam longitudinem, sive quòd habeat pinnacidia apposita, per quæ transpicimus. Dicitur enim Dioptra ἀπό τῆς διοπτεύειν, id est, ab inspiciendo, explorandoque; non verò ἀ δύο ὀπταί, quòd sit instrumentum habens duo foramina, ut *Eius etymologia.* ineptè putat *Cæsar Casarianus* Comment. in dictum Vitruvij caput 6. ubi etiam alias duas non minùs ineptas huius vocabuli etymologias affert. Recentiores tamen Mathematici Dioptras appellant in Astrolabijs, Quadrantibus; Quadratis, similibusque vranometricis, Geometricisque Instrumentis, transversas ac mobiles diametros illas (alchidas vocant Arabes) quæ pendent ex illorum centris, & in quarum extremis erecta sunt pinnacidia perforata, per quæ fit prospectus in corpora cælestia, aliavè objecta. Imò sola pinnacidia perforata, sive dictis diametris seu Regulis pensilibus affixa sint sive ipsorummet Instrumentorum lateribus, aut dorsis alijsquè locis adhæreant, Dioptras nonnulli appellant. Ex his constat, quid sit apud Vitruvium Dioptra, omne videlicet Instrumentum quo visualis radius per foramina, pinnacidia, Canaliculos transmissus dirigitur in rectam lineam.

DE LIBRA AQUARIA.

Quid Vitruvius intelligat nomine Libræ aquariæ, sià Dioptrici instrumentis fuit diversa comperire certò non licuit, quoniam Interpretes omnes silent, nisi quòd *locundum* antiquus Vitruvij Commentator, eam explicet schemate singulari. *Scipio* verò *Claramontius* ait esse regulam longam AB, in vniformis canalis modum excavatam, & supra fulcrum in E positum ita, ut circa axem M intra medium regulæ, atque adeo infra centrum gravitatis, sit versatilis. Si enim canalis impleatur aquâ & vertatur Regula circa axem M, donec per se quiescat, ex neutra

parte deorsum decidens, erit librata Regula, id est, instar libræ ad horizontem parallela: aqua enim hinc inde à centro æqualiter divisa erit, unde sibi mutuò æqui ponderabit, adeoque habebit rationem libræ.

DE CHOROBATE

Chorobates. **C**Horobates quid sit, & quomodo constructus, recitat *Vitruvius* lib 8. cap. 6. his verbis. *Chorobates autem est Regula longa circiter pedum viginti. Ea habet ancones in capitibus extremis, equali modo perfectos, inque Regula capitibus ad normam coagmentatos: & inter Regulam & ancones à capitibus compacta transversaria, qua habent lineas ad perpendicularum rectè descriptas pendentiaque ex Regula perpendiculara, in singulis partibus singula; qua cum regula fuerit collocata, eaque tangent æque ac pariter lineas descriptionis, indicant librata collocacionem. Sin autem ventus interpellaverit, & motionibus linea non potuerint certam significationem facere; tunc habeat in superiore parte Canalem longum pedes quinque; latum digitum: altum sesquidigitum, eoque aqua infundatur. Et si aequaliter aqua Canalis summa labra tangat, scietur esse libratum &c. Ac licet ex hisce *Vitruvij* verbis satis clarè colligi possit, quâ ratione chorobates constructus fuerit, tamen *Scholias* *Vitruvius* tam diversis eam modis depingunt vt nullus cum altero conveniat.*

Eius schema genuinum.

Vide Fig. VII. Iconis, XVI:

Aliud enim schema ponit *Cæsar*ianus, aliud *Barbarus*, aliud *Ios eundus*, aliud *Porta*, aliud *Claramontius*, aliud alij, *Genuinum* schema inferuorat *Vitruvius* operi suo; sed id temporis injuriâ deperditum fuit. Ego puto compositum fuisse chorobatem, vt aparet in apposito diagrammate, in quo AB est regula longa pedes viginti; C & D sunt ancones, in capitibus extremis Regulæ, ad normam seu angulum rectum, erecti; E, F, G, H, sunt transversaria inter Regulam & ancones, compacta à cardinibus seu clavis teretibus E, F, &c: E I, F L, G K, H M, sunt lineæ perpendiculares, & perpendiculara pendentia ex regulâ nempe singula in singulis transversarijs, NO est canalis longus pedes quinque &c: in superiore parte chorobatis.

Eius in comoda.

Habet chorobates hoc incommodi, quòd in ejus usu oportet
at li-

at libellatorem deferre secum aquã per campos, vt Canalis NO identidem repleri de novo possit. At occurri huic in commodo potest, si supra canalem NO, erigantur duo vitrei tubi PN, QO, & tam tubi, quàm canalis operiantur, vt aqua effluere non possit, dum circumfertur instrumentum. Si enim in dictis tubis fiant colore aliquo circuli, Regula AB paralleli, & æqualiter ab ipsius planitie distantes, & infusã per apertum tubulum B Naquã repleatur canalis NO ita, vt aqua pertingat ad coloratos circulos vsque, iterumque claudatur tubulus, eadem aqua semper, vel longissimo saltem tempore, seruire poterit.

CAPVT QVARTVM.

De alijs instrumentis libellaticis à varijs Auctoribus usurpatis.

H Actenus de instrumentis libellaticis à Vitruvio enumeratis, nunc de alijs, à varijs Auctoribus usurpatis, breuiter aliquid dicendum, eiusmodi sunt quæ sequuntur.

*Libellatica
Instrumenta
varia,*

DE QVADRANTE, QVADRATO, ASTROLABIO, ET PLANIMETRO.

Nicolaus Tartaglia loco suprã citato utitur Quadrante Geometrico: Petrus Apianus locis item suprã citatis quadrante Astronomico, eã dem formã quã priùs elaborato; & heroscopio in Quadrantis formam effictò: Clavius Quadrato Geometrico stabili: Veglia & Maginus, Quadrante & Quadrato: Hulsius iisdem, uti & instrumento suo planimetro in semicirculi formam elaborato, quod describit ipse loco suprã citato: Metius semicirculo Astrolabij dorso inscripto, & mobili diametro cum Dioptra instructo, uti & Quadrante, atque Quadrato eidem Astrolabio, inscripto; Cataneus, Porta. & alij, cho-

robate: alij alijs instrumentis, quæ varijs modis construi possunt.

Quomodo Quadrans & Quadratum construantur, sive in Astrolabio, sive extra illud constat plerisque, & passim in multis libris est obvium. Planimetrum Hulsij conficitur è duro ligno, aliâve materia solida, ferè unius pollicis crassitie in forma semicirculi, magnitudine libitâ.

DE LIBELLA ORDINARIA.

Libella ordinaria.

Possunt etiam uti instrumento illo, quo omnes passim Architecti, Cæmentarij, Arcularij similesque utuntur Artifices, & à scriptoribus Italis Libella (vulgo *linella*) appellatur. Construitur ut apposita figura monstrat, ex asserculis, quorum alter CD perpendicularis est alteri AB: & ex centro C pendet filum cum pondere D, quod, ut liberius pendeat filum vel subintrat foramen in asserculo AB factum apud D, vel pendet infra dictum asserculum. Ut verò Libratoribus aquatum inservire possit hæc libella, debent lateri Regulæ AB insigi pinnacidia E & F. GH est regula longa, ejus supra memini suppositione 13.

Vide Fig. VIII. Icon. XVI.

DE REGULA OBLONGA.

Regula oblonga.

Potest quoque achiberiad libellandum regula longa ac lata ABCD, in qua ad extremitates ducantur linea AC, BD, ad parallela latera AB, CD, perpendiculares; ab eiusmodique rectarum ac perpendicularium linearum summitatibus A & B, pendent fila cum perpendiculis, AG, BG; atque ita collocetur instrumentum supra fulcrum aliquod, ut fila libero perpendiculorum motu perpendiculares ipsas lineas AC, BD, occupent: erit enim tunc Regula librata, & horizonti parallela: Vnde si Dioptras seu pinnacidia in figas Regulæ, & per ea dirigas radium visualem; erit is quoque horizonti parallelus. Potest etiam in latere prædictæ Regulæ oblongæ duci per medium linea EF, perpendicu

Vide Fig. IX. Icon. XVI.

dicularis lineis AB, CD, & in summitate E affigi filum cum perpendiculo EG, omiffis perpendiculis AG, & BG. Si enim Regula collocatur ut dictum, & perpendiculum EG congruit exactè lineæ EF, erit fimiliter inftrumentum libratum, feu horizonti parallelum, ac proinde & radius per Dioptras proiectus, & linea fecundum hunc radium ducta, erunt eidem horizonti paralleli.

DE VASE AQVARIO.

Solent nonnulli Hydragogi Romæ, alijsque in locis, ut ipse ^{Vas aquarium.} vidi, & fatetur *Vincentius Scammozzius* parte I. Architect. lib. 3. cap. 27, adhibere in librândis planis, per quæ aquas deducere cogitant, sequens artificium, & quidem optimo successu, Concham, aliudvè vas latiusculum superius, cuiuscunque figuræ, & magnitudinis proportionatæ, aqua implent ad summum vsque labrum. Deinde in duobus Diametraliter oppositis conchæ locis aquæ imponunt duo lignea trigona prismata (qualia hîc apposita Figura monstrat) eiusdem materiæ, ejsdemque omnino densitatis, ac ponderis, ita vt superficies CDEF incumbat aquæ, angulus verò solidus AB, supra aquam emineat. Demum posito supra scamnum aliquod è terra non nihil elevatum vase, quiescentè que aquâ cum prismatibus ligneis, dirigunt radium visualem versus locum cuius altitudinem depressionemvè explorare volunt, ita vt prædictus radius radat exactissimè supremum utriusque prismatis angulum solidum AB: hoc enim factò, statim vident utrum locus ille, quo dirigitur radius, sit altior, aut humilior loco, è quo dirigitur. Ratio hujus rei est, quia aquæ suprema superficies semper, vbicunque & quomodocunque collocetur vas cuiuscunque illud figuræ sit, æquilibratur, hoc est, parallela est horizonti, seu Astronomico, seu Physico, tametsi mathematicè loquendo sphericam affectet figurâ, ut Archimedes demonstrat, & Sphæræ Mundi

Vide Fig.
X. Icon.
XVI.

Mundi scriptores docent, ac nos etiam insinuavimus in Mechanica Hydraulico-pneumatica par. 1. Protheoria 4. cap. 1. Propriet. 2: & suprâ cap. 1. suppositione 4. Ergo radius visualis prædictam aquæ superficiem, vel potius solidos angulos *A B*, superfici prædictæ parallelos contingens ac radens, similiter est horizonti parallelus: ergo terminus ejusdem radij indicat, utrum locus alius sit hoc loco altior aut depressior, prout locus ille fuerit infra aut supra prædictum radij terminum. Hæc tamen intelligenda sunt juxta sensum dictum suprâ cap. 1. suppositione 5.

Eius præstantia.

Atque hoc instrumentum ego iure merito appellaverim Libram àquariam seu aquaticam, quoniam aqua in eo contenta pefectissimè libratur, & mediante illa librantur, aliæ aquæ, & maria quæcunque. Utuntur eo passim Hydragogi Romani, ut dicebam, & sæpissime mihi asseruit P. Kircherus, nullum se unquam expertum fuisse magis exactum, magisque ad librandum aquas commodum: tamen non nihil in commodum sit ut circumferatur.

Alius eius usus.

Alij tamen aliter utuntur vase aquario. Vas enim poculi instar instrumento cuiquam libellatico, præsertim Dioptræ capite præcedenti ex Claramontio descriptæ imponant, ac ferruminant, aut ligant, poculumque seu vas laborum æquè actorum undique statuunt: aliqui etiam intus circulum à summa vasis ora æquè distantem delineant. Deinde elevant deprimuntque ram diu instrumentum libellaticum, quòvique aqua poculo infusa undique, aut descriptum intus circulum, aut summa vasis labra æqualiter attingat: hoc enim factò, instrumentum libratum dicunt, & ad libellæ usu constitutum. Transpiciunt tandem per Dioptram, aut instrumenti pinnacidia, & reliqua peragunt, ut dicemus intrâ suo loco. Sed prior usus facilior est.

Sunt qui pro pinnacidij, aut foramine, rimanicè ad transpiciendum, in iam memorata oblonga Regula Dioptrica, utuntur aquæ summitate seu suprema superficie in binis vitreis vasculis Regulæ antedictæ, alterivè, tabula aut asseri impositis.

Cùm

Cum enim aquæ quiescentis suprema superficies semper sit librata (saltem ad sensum, & quantum spectat ad usum, licet revera sit spherica, ut supra diximus) lineæ virtualis, ipsam in utroque vasculo æquè alto contingens seu radens, est etiam librata.

DE LIBELLA EXTEMPORALI.

Accidit nonnunquam, ut plani alicujus librandi, aut aquæ libellandæ occasione oblata, omni destituamur libellatico instrumento. Quo casu extemporalem Libellam, ac velut *αὐτοχέδιον* quoddam ita construes. Accipe Regulam AB, saltem ad sensum rectum, eique affige aliam Regulam CD, ad angulos sensuum judicio rectos. In huius Regulæ media planitie duc rectam lineam CD, & è puncto C suspende filum cum pondere, quod perpendiculari officium subeat. Hoc facto, colloca instrumentum erectum, ut hîc vides, supra planum aliquod, quod sensuum judicio sit æquilibratum; & in Regula CD nota lineam quam designat filum perpendiculari libetè pendens; quæ sit vel CD vel CE. Hoc etiam facto, verte instrumentum ita, ut, A dextram, B sinistram respiciant, quæ antea contraria respiciebant loca; & perpendicularo liberè cadente, nota iterum lineam, quam perpendiculari filum designati quæ quidem erit vel CD, vel CE. Si filum in hoc secundo situ instrumenti cadit supra lineam CD, eandem videlicet supra quam ceciderat in primo situ; erit illa perpendicularis ad lineam AB, atque adeo parata erit Libella. Et si lateri regulæ AB infigas Dioptras, aut erigas aculeos G & H æqualis altitudinis; habebis Libellam extemporalem, librands planis & aquis non inutilem.

Libella extemporalis.

Vide Fig. XI. Icon. XVI.

DE LIBRA, SEV BILANCE.

Libra seu Bilanz potest etiam servire pro Libella, illa præsertim, cujus centrum versionis est supra centrum gravitatis, modo supra libro 4, explicato. Si enim libra sit exacta, & brachia,

Libra ad aquas libranda utilis.

chia, appendiculaque æqualia in mensurâ & pondere, & libra statuatur perfectè in æquilibrio, respiciaturque vel supra iugi dorsum, vel per pinnacidia, aut aculeos æqualis altitudinis iugo infixos; erit visionis linea librata, atque adco libra pro libellâ deserviet. Eodem modo uti poterimus staterâ.

DE LIBELLA KIRCHERIANA ET

CLAVIANA.

Libella Kircheriana.

Illochertimum est & ad quævis plana libranda commodum, multa que alia perficienda aptissimum, instrumentum illud, quod fusè describit & explicat *Athanasius Kircherus* lib. 3. Lucis & umbræ parti cap. 4. vocatque ob id Libellam. Idem instrumentum ræos simplicius descripsimus in *Pantometro Kircheriano*, lib. 5. cap. 4. lege alterutrum locum.

Libella Clavianna.

P. Christophorus Clavius lib. 3. *Geomet. pract.* Problem. 45. aliud affert instrumentum pro librationibus planorum, quando non sunt valde magna, per commodum; atque illud excogitasse Ioannem Ferrerium Hispanum, Nobilem Architectum, & Mathematicum. Constructionem vel usum lege apud ipsam loco citato, vel æpud nos in *Pantometro*, loco item citato.

Inter omnia etiam libellatica instrumenta præclarissimum usum habet *Pantometro Kircherianum*, uti multis proplematis ostendimus, ac demonstramus cit. libro 9. cap. 11. hîc autem paucis explicare non possumus, ideoque omittere cogimur.

CAPVT QVINTVM.

De Vulgari Libratorum praxi in librandis locorum distantijs, ad perducendas aquas.

EXponam hoc capite praxim vulgarem ac ordinariam, quã vtuntur Libratores communiter omnes etiam ageometræ, in librandis duorum locorum distantijs dum ab uno ad alterum perducere volunt aquam, ut sciant, uter illorum sit altior, uter depressior.

Vt sciant igitur Libratores, utrum aqua è fontis origine, aliòvè ex loco, ad locum alium ut Urbem, Arcem, Hortum &c. deduci possit naturali cursu; primùm omnium indagant, an originis locus altior sit, quàm locus in quem deducenda est aqua, hoc est, utrum locus iste sit magis supra eandem horizontalem lineam elevatus, quàm hic. Si enim inferior fuerit locus originis loco alto, aut in eodem horizontali plano cum illo, statim pronuntiant aquam naturaliter deduci eò non posse. Si autem superior fuerit, & planam inter utrumque locum interiectum potuerit habere sufficientem declivitatem, seu ut ipsi loquuntur, pendentiam; aiunt deduci posse. Videndum igitur est, quomodo ipsi explorent per Libellatica instrumenta, quis locus sit altior, quis humilior, quis æquè altus. Sic ergo procedunt Libratores-

Si è loco fontis seu scaturiginis aquæ conspici potest locus, ad quem deducenda est aqua; collocât juxta fontis locum instrumentum Libellaticum, quodcunque illud sit, è terra elevatum, hoc est, vel imponunt illud alicui sustentaculo, vel suspendunt è praticâ, vel manu tenêt. Deinde illud æquilibrant aliquo ex modis

suprà dictis, nempe vel perpendicularis, vel aquâ, vel Norma seu Libellâ vel aliter. iudicant verò æquilibratum esse Instrumentum, cum linea, juxta quam dirigendus est visus, æquidistat secundùm omnes suas partes horisontii instar Libræ æqualibus ponderibus librata. Hoc factò, in loco illo ad quem derivanda est aqua eigunt perpendiculariter signum conspicuum tantæ altitudinis, quanta est à loco Originis aquæ usque ad Dioptras instrumenti librati. Hoc etiâ factò, transpiciunt vel per rimâ, seu canalem instrumenti, vel per pinnacidia, vel per aquæ supremam superficiei, vel per dorsa triangulorum solidorum aquæ impostorum, prout diximus suprâ cap. 3. & 4. Et si quidem in loco ad quem deducenda est aqua, erectum occurrat in eâdem lineâ visionis, pronuntiant illum locum esse æquè altum, cum loco scaturiginis: si supra lineam visionis fuerit signum, aiunt locum esse altiorem: si infra, declivior: solumque in hoc ultimo casu aiunt posse eò deduci aquam, si adsit sufficiens declivitas, de qua postea.

Vide Fig. XII. Icon. XVI. Sit exempli gratiâ explorandum Quadrato, aut Quadrante, aliove instrumento libellatico quocunque, utrum ex loco A deduci possit aqua, ad locum B, aut M. Erigunt instrumentum in A, illudque librant, ita ut latus CD, in quo sunt Dioptræ, sit horisontii parallelum. Metiuntur deinde altitudinem CA, nempe distantiam loci oculi C à loco aquæ A. Post hæc in B, aut M, erigunt baculum, aut hastam BF, aut MF, quantum vis altitudinis habentem signum aliquod conspicuum F, distans à B, aut M, quantum distat C instrumenti ab aqua A. tandem per Dioptras seu pinnacidia CD transpiciunt, & dirigunt lineam visualem CDG, versus B, aut M. Et si quidem linea visualis CDG, cadit supra signum F, ut sit apud locum B; aiunt, aquam ex A perducì posse ad B, si adsit sufficiens pendentia. Si verò linea visualis CDG, cadat in signum F, aut infra ipsum, ut sit apud locum M; aiunt aquam A non posse perducì ad locum M. Ratio ipsorum est, quia in primo casu locus B est demissior, hoc est, centro terræ propinquior, quàm aqua A; & quidem tantò demissior, quanto magis

magis F est infra lineam visualem CDG : in secundo vero casu locus M altior est, hoc est, à centro terræ remotior, quàm aqua A ; & tantò altior quantò magis F est supra lineam visualem CDG.

In idem recidit, si dicas, tunc locum A , in exemplo posito esse æqualis altitudinis cum loco B, aut M, si per latus CD instrumenti æquilibrati conspici potest signum F, tunc verò locum A esse altiore loco B, aut M, quando latus CD deprimendum est versus signum F, ut videatur ; tunc denique locum A depresso rem esse loco B, aut M, quando latus CD elevandum est, versus signum F, ut videri possit.

Si è loco scaturiginis aquæ non possit videri locus, ad quem deducenda est aqua, quia interjectus est mons, sylvæ, aliudvè simile impedimentum; ut si ex loco B deducenda esset aqua ad locum M & interjectus esset Mons A; ita procedunt. In loco B collocant instrumentum supra suum sustentaculum, & æquibrant. Et deinde in loco M perpendiculariter erigunt perticam cum signo F conspicuo, ut antea, tantum à terrâ distante, quantum distat à loco æque latus CD instrumenti. His factis, ex loco B dirigunt visum per latus CD instrumenti, versus locum E, in monte, & notant signum aliquod G, ad quod terminatur linea visualis CDG. In loco deinde G, collocant instrumentum æquilibratum, ut latus CD correspondeat puncto G, & respiciunt versus K, notando aliud signum G, ad quod terminatur linea visualis. Post hæc collocant instrumentum in loco K, ut latus CD instrumenti æquilibrati correspondeat iterum puncto G, & respiciunt versus M. Si linea visualis cadit in signum F, locus M erit æquè altus cum loco B, si cadit supra aut infra F; erit locus M altior, prout antea dictum fuit.

Aliter procedunt in collocandis hastis seu perticis, & in instrumento hastæ applicato elevando, aut deprimendo ; sed nulla fit mutatio in substantia rei.

Si denique in loco ejusdem scaturiginis aquæ non potest videri locus, ad quem aqua deducenda est, propter nimiam dif-

Vide Fig.
XIII. Ico-
nismi
XVI.

Vide Fig.
XIV. Ico-
nismi
XVI.

tantiam, etiam si spatium interiectum sit planum, aut quasi planum; procedunt eodem ferè modò, quo iam diximus, quando mons est interiectus. Vt si è loco A perducenda est aqua ad locum B, distantem passibus 400 circiter. Dividunt distantiam in plures stationes, A, E, F, distantes à se invicem 100, aut 150 passibus; & in stationibus intermedijs, ut in E & F, erigunt hastas cum signo conspicuo mobili, quod videlicet altiori aut depressiori loco hastarum affigi possit, eiusmodi signum est, v.g. charta alba, quæ cerâ molli possit affigi hastis. His factis, collocant instrumentum in A, prope scilicet locum aquæ elevatum à terra, seu à superficie aquæ, pedibus septem. Aequilibrant deinde instrumentum, & per Dioptras CD transpiciunt versus hastam E dirigendo in ipsam hastam radium seu lineam visualem EDG, & in puncto G jubent affigi chartam, quæ sit elevata suprâ terram pedes v.g. quinque, quantum scilicet elevatum est punctum terminans lineam visualem. Detrahunt quinque à septem, remanent duo; pronuntiant ergo, locum E altiorem esse loco A pedibus duobus. Iterum collocant instrumentum in E, æquilibrarum, & elevatum ut antea, pedes septem; & projiciunt visum per Dioptras in signum hastæ F, elevatum supra terram pedes quatuor. Detrahunt 4 à 7, remanet 3; aiunt ergo, locum F esse altiorem loco E pede vno, & consequenter loco A pedibus tribus. Tandem collocant instrumentum in F, & dirigunt visum in hastam B, conspiciuntque signum elevatum è terrâ pedes 13; detrahunt 3, à 13 remanent 10; aiunt ergo locum B esse inferiorem loco F pedibus 10, ac proinde loco E pedibus 9. loco vero A pedibus 7.

Reliqui libellationem factam à loco fontis ad alterum, repetunt ab altero loco ad locum fontis, ut videat num bene libaverint, quoniam modicus error in instrumento, est maximus in linealibrata. Vtrum rectè, nec nè agant patebit ex capite sequent.

COROLLARIUM.

Colligitur hinc, quomodo planum secundum eandem lineam horizontalem in pluribus vibrationibus modo dicto inventam complanari possit, si nimirum spatium depressius repleatur terra aggesta, clatius egesta depressatur.

CAPVT SEXTVM.

De vraxi libellandi tradita à Patre Nicolao Cabeo.

P Nicolaus Cabeus lib. 1. in Meteora Aristotelis tex. 62. quæst. 2. & lib. 2. tex. 6. quæst. 3. in fine, & quæst. 4. per totum, mirum in modum exagitat vulgarem Libratorum praxim in librandis locorum distantijs & aquas deducendas; aitque illos non intelligere, quid sit Libella; nec cognoscere, quam lineam, seu quas lineas per libellationem designent; nec clatis percipere, quid sit libellare. Ait dum dicunt, ad derivandas aquas vt feliciter & satis velociter fluant, satis esse, si singulis mille passibus inclinetur cursus, seu lineas cadentiæ, per vncias quatuor; illos valde errare, & hanc assertionem luculentum satis ignorantia testimonium præbere. Si enim, inquit, libellatio unica fieret mille passuum, si fieri posset, & Libella ex vno capite milliatis constitueretur; etiam si in altero extremo capite lineæ libellatæ sumeretur punctum sex imò & octo uncij infra punctum visum, aquam ex puncto Libellæ non motum iri ad punctum visum per talem lineam, sed potius à puncto viso ad Libellam cursuram. Monet proinde Principes & Rerum publicarum Gubernatores, ut videant diligenter, dum huius modi Libellatores adhibent, quibus pecuniam fidunt.

*Libellatores
exagitat
Cabeus.*

Ipsè autem Cabæus, ut suam exponat sententiam, ac praxim, supponit libellationem nihil aliud esse, quàm descriptionem seu designationem lineæ rectæ tangentis Terram seu circum Terræ concentricum, in illo præcisè puncto, in quod cadit perpendiculum Libellæ. Totum enim artificium Libellæ & libellationis, inquit, consistit in hoc, ut constituatur per ipsam lineam rectam Terram contingens, super quam si cadat perpendiculum in puncto contactus, si perpendiculi faciat angulos rectos hinc & inde cum illâ lineâ. Ut si sit lineam seu Regulam EF super terram extensa; ea tunc dicetur constituta ad libellam, cum ita fuerit disposita, ut si ipsi super imponatur libella CAB , perpendiculum CD , cadens super illam, faciat angulos CDA , CDB , rectos. Quod quidem, ut ipse monet, & nos supra diximus *cap. 1. supposit. 9.* non fit nisi in puncto contactus.

*Libellandi
praxis Cabæi.*

*Affertio prima
Cabæi.*

Hoc alijs quæ apud ipsum leges, suppositis, ait *primò*, ubi unicâ libellatione exploramus loci alicuius altitudinem, vel declivitatem, non esse Libellam in vno loci illius extremo collocandam, & per rimulas, vel aliâ ratione, dirigendam lineam rectam ad aliam extremitatem. Rationem dat, quia loca quæ per talem libellationem inveniuntur in eadem lineam æquilibrata, non sunt vera in eadè altitudine, hoc est, æqualiter remota à centro terræ, sed altior à Libellâ remotus, quàm Libellæ proximus. Probat ratione mathematica, quâ supra adduximus *cap. 1. supposit. 5.* Vbi diximus, punctum F magis distare à centro terræ A , quàm punctum B . Ex quo infert Cabæus, ut duo loca per libellationem in eadem lineam æquilibrata inventa, dici possint esse in eadem altitudine, debere Libellam collocari in medio inter duo illa loca, & derigi visum ad utrumque locum: ad unum quidem ex una Libellæ extremitate, ad alterum verò ex altera: tunc enim si duo illa loca occurrant in eadem lineam visuali, signum est, illa esse æquè à centro terræ distantia. Sic si inter duo loca E & F ponatur Libella in puncto B , & uterque occurrat visui in eadem lineam EF ; erit uterque æquè altus, hoc est, æqualiter distans à centro A . Et ratio est, quia cum lineam EF sit tangens circum

Vide Fig.
I. Iconis,
XVI:

culum descriptum ex A, & B ponatur punctum contactus, rectæ iue BE, BF, ponantur æuales; erunt etiam rectæ AE, AF, æquales, per 18. *proposit. 3. Euclid. & proposit. 4. lib. 1.*

Si quis dicat, hanc esse speculationem mathematicam, ac proinde in physicâ praxi libellationis non attendendam, cum terræ superficies sphærica, in qualibellatio fit, & linea tangens protenditur, adeo sit magna, ut elevatio lineæ tangentis post unum milliare non sit sensibilibiter altior, seu remotior à centrò terræ quam in loco contactus Respondet Cabeus, hoc omnino falsum esse. Si enim constituta Libella in B, fiat Libellatio spatij BE unius milliariis (si fieri potest) cum linea BE sit linearecta, & superficies terræ circularis; si describatur circulus è centro terræ, cujus semidiameter sit AB, passuum 3500000, & linea BE sit passuum 1000; erit linea EG (ait Cabeus) pedis unius & unciarum decem circiter, hoc est, locus E erit altior loco B. uncijs 22. ac proinde aqua ex B non fluat ad E, sed potius ex E fluat ad B. Ex quo infert, quàm parum sit fidendum vulgaribus Libratoribus. Ad dit, ex hujus rei ignorance procedere, quòd huiusmodi Libratores nunquam inveniant altitudinem, nec, ut ipsi loquuntur, claudant spatium & quòd èo magis, errent, quòd fuerint illâ in re diligentiores. Si enim, inquit, constituas Libellam primò in B, & dirigas lineam fiduciæ in E, ac deinde deferas Libellam in E, & convertas directionem ad B, nunquam, adhibitâ quâcunque diligentia, revertetur directio ad B, sed supra B cadet, nempe in H: etsi revertatur directio ex E ad B, signum est libellationem non fuisse legitimè peractam.

Ait, *Secundo* Cabeus, si pluribus libellationibus explorare velis regionem aliquam, v.g. ABC; non esse sic explorandam,

Affertio secunda Cabii.

ut positâ Libellâ in A, dirigas $\frac{A \quad B \quad C}{\text{visum}}$ ab A in B, & puncto B exactè notato, ibi colloces iam Libellam, & ex B invenias per aliam Libellationem punctum C, &

C, & sic deinceps; sic enim non pergis in eadem altitudine, seu distantia à centro terræ, sed semper ascendis, & elevaris eò magis, quo longiores libellationes producis ab A ad B, & a B ad C. &c. ut patet ex dictis, & patebit melius ex dicendis sequenti Assertionem. Et quamvis procedas semper per puncta exactissime inventa, non tamen procedis per puncta æquidistantia à centro; quia, ut ostensum est, in prima libellatione magis distat à centro Terræ quam A; & C adhuc magis quam B; & sic deinceps; & in magna longitudine valde sensibilis est ista elongatio à centro. Licet ergo non ita recedas pluribus libellationibus in eodem spatio repetitis, ac si unicâ solùm totum spatium libellasse; tamen semper sequentia puncta magis ac magis remouentur à centro Terræ; & in longitudine multorum milliarium, recessus à centro Terræ erit non iam unciarum, pedum, & passuum, sed decempedarum. Et si repetas libellationem, incipiendo à fine versus principium, similiter operando ut prius; senties enorme discrimen. Et hoc discrimen te docebit, utrum error in huiusmodi praxi sit sensibilis, nec nò.

*Assertio
tertia.*

Ait tertio, dum pluribus libellationibus exploratur regio aliqua, vel dirigitur planum ædificij magni; illis pluribus libellationibus non constitui unam rectam lineam, nec fieri plures lineas eidem horizonti parallelas, sed semper fieri lineas mutuò secantes & produci polygonum, circa peripheriam Terræ. Ratio est, quia singulis libellationibus fit linea tangens circulum Terræ concentricum (non eundem, sed semper diversum, & quidem majorem); cuius lineæ extremitates, hinc & inde à Libellâ remotæ æqualiter, distant à centro Terræ æqualiter; & omnes se mutuò intersecant, ut apparet in appositâ Figurâ, in qua linea B F intersecat lineam FI, & lineam FI lineam IK &c. Hinc si longam porticum (*subiungit Cabens*) construas, puta trecentarum aut quadringentarum decempedarum, & per exactissimam Libellationem singula-

Vide Fig.
I. Icon.
XVI.

rum

rum columnarum peristilia , seu capitella disponas , & primam columnam cum secunda exactè colloques ad Libellam , & secundam cum tertia , & sic deinceps ; non erunt omnia capitella in eadem recta linea , ita ut si oculus in uno capite constituas , & lineam visualem in directum projicias sint omnia capitella in eadem recta linea visuali : hoc enim non erit , sed columnæ procedent quasi circulariter , capita elevando , & rectam lineam capitella excedent valde notabiliter , pro longitudine porticûs. Hujus rei addit rationem Cabeus , quæ tamen omnino est falsa , & planè contraria ijs , quæ hæcenus dixit. Dum ergo (*concludit Cabeus*) porticum aut fenestratum ædificium dirigere vis , ut omnia sint in linea recta ; non per Libellam replicatis vicibus exactè adhibitam id consequeris , sed unica operatione in medio consistens , hoc habebis per radium visualem.

Ait *quartò* , si diversis continuatis libellationibus exactè explorare velis regionis alicuius , vel ædificij , æquilibrium ; hæc esse observanda. Primò , ut semper te cum Libella constituas exactè physicè in medio inter extrema cujusque libellationis ut æqualiter distes ab utroque extremo. Secundo ut si per lineam visualem punctum æquilibrij investigas , distantia sint valde moderata in singulis operationibus , ut distinctè punctum visum notare possis. Hæc autem distantia non deberet esse major quàm quadraginta aut quinquaginta decempedarum , quamvis acuto visu polleas. Exemplum ponit tale. Sit explorandum æquilibrium duorum punctorum A & E. Sume primo spatium ad quinquaginta decempedarum , & erectis hastis AH , IB , KC , colloca libellam in S. Tum conversus ad hastam AH , nota exactè in hasta punctum H , in quod collimat Libella , seu oculus per Libellam transpiciens : & nota in charta ex una parte dextera v. g. distantiam , qua punctum H distat ab A. Converso deinde visu per Libellam ad hastam IB , & invento puncto B , nota in eadem charta ex parte sinistra distantiam ,

*Affertio
quarta.*

Vide Fig.
XV. Icon.
XVI.

quâ punctum B distat à plano inferiori ad locum I. Sumo deinde distantiam IK, si fieri potest, physicè æqualem priori distantiæ AI, & erectâ aliâ hastâ KC, constitue Libellam in medio ubi F; & converso visu per Libellam versus hastam IB, nota punctum, in quod collimat Libella, seu oculus, sive sit punctum B, sive infra, sive supra B; & in parte chartæ dexterâ, nota distantiam illius puncti visi à plano I. Converso deinde oculo in hastam KC, nota in eâ punctum C, & describe in parte chartæ sinistra distantiam puncti C visi à puncto K plani I. Sume distantiam KE, priori æqualem, & erectâ aliâ hasta DE, constitutaque Libella in medio, ubi G, dirige visum primò in hastam KC, deinde in hastam DE; & visi puncti distantiam à plano K nota in chartæ dextera parte, puncti verò visi distantiam à plano E, nota in chartæ parte sinistra. Eodem prorsus modo procede, si alia supersint spatia, usque ad terminum ultimum destinatum, notando semper distantias dexteras in charta dextera, & distantias sinistras in charta sinistra. Finita tota libellatione, iunge simul omnes distantias dexteras, & summam iniro; idemque fac cum sinistris distantijs; & deinde summam minorem subduc de maiori, & residuum dabit tibi differentiam distantiæ à centro Terræ primi & ultimi, seu dextri & sinistri puncti A & E; quod enim habebit residuum distantiæ, erit demissius seu propius centro Terræ. Sic ergo stabit exemplum; ideoque locus E altior erit quàm locus A, quatuor pedibus verbi gratia.

Ratio hujus praxis est, quia eùm in primâ libellatione fiat linea tangens Terram in puncto S, seu ipsi æquidistans, nempe linea BH, cujus extrema puncta H & B æqualiter distant à puncto contactus, ut supponimus; distabunt eadem duo puncta H & B æqualiter à centro Terræ, ut probavimus suprâ pau-

Exemplum.	
Sinistra	Dextra
8	10
5	9
9.	7
Sum. 22.	26.
Subtr.	22
Differentia	4.

lò post initium huius capituli in assertione prima Cabeii.

Cognita ergo utriusque puncti distantia à plano, hoc est, à punctis *A* & *I*, scietur etiam utrum ex duobus punctis *A* & *I*, sit demissius, & utrum altius. Similiter propter eandem rationem scietur per secundam, tertiam, & reliquas libellationes, quomodo se habeant inter se puncta *I* & *K*, *K* & *E* & c. quoad maiorem vel minorem altitudinem, sive distantiam à centro Terræ. Et quamvis in secunda libellatione oculus non collimet in punctum *B*, hastæ *BI*, in quod collimaverat in prima libellatione, sed cadat suprâ, aut infrâ: hoc nihil refert, quia etiam punctum *C* in eadem secunda operatione cadit supra aut infra idem punctum *B*, cum æqualiter distet à centro Terræ cum puncto in hasta *BI* notato. Idem dicendum est de alijs operationibus. Subductis ergo rationibus distantiarum dexterarum & sinistrarum in charta notatarum, scietur præcisè habitudo primi puncti ad ultimum.

CAPVT SEPTIMVM.

Examinatur sententia & praxis Cabeii in libellandis aquis.

HÆc Cabeii sententia & praxis optima quidem est, si aliqua excipias in quibus errat; at non multum differt à praxi vulgariæ Libratorum, saltem peritiorum, & qui scriptis libris suas tradiderunt praxes. Paucis ergo illam examinabo, ut veritas elucescat, & quid tenendum sit, constet.

Asserit Cabeus in prima sua Assertione, ut vidimus capite præcedenti, si Libella in puncto aliquo Terræ ritè disposita projiciatur linea horizontalis, v. g. in apposita Figura linea *BF*, eaque extendatur in directum per unum milliare,

Cabeii sententia circa libellandis praxin examinatur.

Vide Fig. I. Iconis, XVI:

milliare, seu mille passus: Punctum extremum F esse altius atque remotius à centro Terræ A, quàm punctum B, pede uno & uncias decem, posita Terræ semidiametro passuum 3500000, seu miliariorum 3500: adeoque vult lineam FG continere pedem unum & uncias decem, seu uncias 22.

*Eius error
detegitur.*

Quia re enormiter hallucinatur contra Geometriam, ex cuius regulis dicta linea FG, non est nisi digitorum $11\frac{2}{7}$, seu unciarum $8\frac{2}{7}$, ac paulò etiam minor; quod sic ostendo. Triangulum ABG est rectangulum ad B, per 18. lib. 3. Euclid. ideoque quadratum AF æquale est, per 47. lib. 1. quadratis AB, BF. Latus AB, utpote semidiameter Terræ, est miliariorum 3500, & latus BF miliaris unius. Quadratum ergo lateris AB est miliariorum quadratorum 12250000; & quadratum lateris BF, est miliaris quadrati unius: ac proinde ambo quadrata simul, hoc est, quadratum lateris AG, est miliariorum quadratorum 12250001. Ex hoc numero si extrahas radicem quadratam, inuenies pro latere AF miliaria simplicia $3500\frac{1}{7000}$, paulò minùs. Erit igitur recta AG, quæ æqualis est rectæ AB, miliariorum 3500; recta verò GF continebit $\frac{1}{7000}$, hoc est, unam septies millesimam partem unius miliaris; quam minutiam si reduces ad digitos, inuenies digitos $11\frac{2}{7}$; si ad uncias, inuenies uncias $8\frac{2}{7}$. Etenim unum milliare continet digitos 80000, qui si diuidantur per 7000, prouenient $11\frac{2}{7000}$, seu $11\frac{2}{7}$. Iterum unum milliare continet uncias 60000; quæ si diuidantur per 7000, prouenient $8\frac{2}{7000}$, seu $8\frac{2}{7}$.

*Idem error
regitur.*

Idem error Cabeii colligitur etiam ex dictis suprâ cap. 1. supposit. §. Vbi diximus, & probavimus, si semidiametro Terræ tribuantur miliaria 3036, Latus AF fore miliariorum $3036\frac{1}{6072}$, ideoque rectam GF fore $\frac{1}{6072}$ unius miliaris, hoc est, digitorum $13\frac{1}{4}$, circiter seu unciarum $9\frac{5}{8}$. Quòd si eum Tychone tribuamus semidiametro Terræ miliaria 3440, erit latus AF miliariorum $3440\frac{1}{6880}$, ideoque recta

GF

GF continebit $\frac{1}{8880}$ hoc est, unam sexies millesimam, octingentissimam, octogesimam unius milliaris partem; quæ minutia reducta ad digitos, facit digitos, $11\frac{1720}{8880}$; ad uncias reducta, facit uncias $8\frac{1720}{8880}$. Quæ omnia patebunt ritè calculanti, & radicem quadratam extrahenti. Idem Cabeus error ostendi potest ex tabulis sinuum, tangentium, atque secantium; sed nolo esse longior.

Esto igitur extremum punctum spatij unius milliaris Libellatores faciunt frequentes stationes. altius sit primo puncto uncijs, non viginti duabus ut Cabeus asserit, sed octo, vel novem, si unicâ libellatione res peragatur; practici tamen ac prudentiores Libellatores nunquam extendunt lineam æquilibratam per unum milliare, si aquas deducere volunt; sed solum per 100, aut ad summum 150 passus, ut expressè præscribit Cardanus in Arithmet: & Geomet. pract. cap. 65. numero 45. Vbi agit de deducendis aquis: ait enim: *Dividenda autem est distantia inter loca, si magna sit, iterando operatinem omnibus centum aut centum quinquaginta passibus.* Idem expressè advertit Leo Baptista Albertus libro 10. cap. 7. Petrus Cataneus in fine Geometriæ practicæ, ubi tractat de libellatione aquarum, & alij. Et ego vidi Libellatorem, qui chorobate librabat spatium omnino ferè planum, & circiter quatuor milliariorum; & tamen ad singulos 40 aut 50 passus instituebat novam operationem, dispositis per campum hastis, cum affixa charta, & adhibito socio, qui chartam ad nutum ipsius elevabat aut deprimebat; per quem deinde campum felicissimè deducebatur aqua, per fossam seu alveum factum. Si autem repetitis operationibus libellatur spatium unius milliaris, vltimum punctum non ita recedit, à centro Terræ; & tantò minùs recedit, quantò sæpius intra illud spatium repetitur operatio, ut etiam Cabeus fatetur, & patet ex dictis suprà capite præcedente in secunda assertionem Cabeus. Propter hunc autem qualem-

cun.

cunquò elevationem linearum libratarum , dant Librator-
res singulis mille passibus ut plurimum uncias quatuor declivi-
tatis seu pendentix, & ut experientia docet, aquas feliciter de-
ducunt. Quod ergo præteribit Cabeus de repetendis libellatio-
nibus in spatio aliquo magno librando, iam ante semper fuit ob-
servatum à Libratoribus.

Quod asserit in Assertionem tertia, verum est, si per repe-
titalibellationes exploretur magna aliqua regio multorum
milliariorum : at quando dirigitur planum alicujus ædificij
magni, est omnino falsum; nec nunquam fuit visum; Ar-
chitectos aut Cementarios in dirigendo fenestrato artificio,
ut omnes fenestræ sint in eadem linea recta, constituere Libel-
lam in medio inter locum fenestrarum, & radium visualem
hinc atque inde per Libellæ Dioptras projicere, & secundum
illum radium fenestrarum altitudines constituere : sed om-
nes jactis fundamentis muri etiam longissimi, constituunt
Libellam in una muri futuri extremitate. lineamque visualem,
aut chordam iuxta Libellam libratam extendunt usque ad al-
terum extremum, omnesque fenestras ad chordæ altitudinem
construunt : quæ deinde omnes in eadem recta linea visuali
apparent, sive ab hoc, sive ab illo extremo, aut in medio
constitas, & radium visualem æquilibratum iuxta unius
fenestræ altitudinem projicias. Longitudo Aulae Accademi-
cæ Collegij nostri Panormitani in Sicilia est, in palmis pa-
normitanis, palmorum $122\frac{2}{7}$ latitudo $47\frac{1}{4}$, Aulae Collegij Romani
longitudo est palmorum Romanorum 138, unciarum 7, Scru-
pulum 3: latitudo palmorum 57, unciarum 3. Curritori-
um seu Ambulacrum supremum seu quintum collegij Romani
à Septentrione ad Meridiem, demptis muris, est longum palmos
Romanos 550, meos passus 177: & quia 65 palmi Romani faci-
unt 48 pedes Romanos antiquos, (est enim pes Romanus an-
tiquus ad palmum Romanum modernum, ut 65 ad 48) longitudo prædicti curritorij erit pedum Romanorum antiquo-
quorum $406\frac{2}{3}$; in quibus continentur quinque pedes geome-
trici

Aula Aca-
demica Pa-
norm. & Rō.
Societ. Jesu
longitudo.

trisi, seu passus geometricus, 81 (octuagies semel) & supersunt pes $1\frac{2}{3}$: unde constat dictam longitudinem esse plus quam unam partem duodecimam milliariis: toties enim continentur passus 81 in 1000, & supersunt 28. In his tamen omnibus locis alijsque multò longioribus, ut est Basilica vastissima & sumptuosissima S. Petri in Vaticano Romæ, Bibliotheca Vaticana ibidem, & longissimum Ambulacrum ante dictam Bibliothecam, omnes fenestræ in eadem apparent linea visuali æquilibrata, ubicunq; Libellam, & oculum applicaveris.

CAPVT OCTAVVM.

De alveorum atque Canalium, per quos aqua decurrit, necessaria de livitate, in perdendis aquis.

HIdragogi, ut vidimus in præcedentibus, & suprâ etiam cap. 1. supposit. 4. insinuauimus, afferunt, aquam per lineam horizontalem, atque adeo per alveos & canales horizonti æquidistantes, non moveri atque decurrere naturali fluxu, sed requiri necessariò aliquam decliuitatem seu inclinationem, vel ut ipsi loquuntur, pendentiam. Quam quidem decliuitatem alij appellant libramentum canalium & alveorum. Quæritur nunc, quanta debeat esse hujus decliuitas, seu quantum debeat esse altior alveus versus locum, è quo deducitur aqua. quàm versus locum ad quem deducitur. Qua in re diversæ sùnt Auctorum opiniones.

Vitruuius lib. 8. cap. 7. requirit pro millenis distantie pedibus, pedes quinque altitudinis ex vna, decliuitatis ex alterâ parte; ait enim: *solumqueri libramenta habeat fastigiata, nec minus*

R r r

*Pendentia
necessaria ad
aquarum
cursum,
iuxta vari-
os Auctores.*

minus in centenos pedes semipede. Vnde *Keplerus* in *Astronomia Optica* pag. 135. Dixit *Vitruvium* requirere in aquæ ductibus ducentessimam decursi spatij partem in libramento, hoc est, pedem integrum in ducentos pedes, seu semipedem in pedes centenos. *Andreas Palladius* libro 9. *Architect.* cap. 11. requirit quindecim pedes pro millenis pedibus: ait enim, de canalium structura loquens; *Si per planum veniat inter sexagenos aut centenos pedes sensim reclinetur structura in sesquipedem, ut vim possit habere currendi.* At bene conjicit *Ricciolus* libro 2. *Almag. Novi* cap. 13. numero 7. legendum esse, *semipedem*: quo modo enim sensim curret aqua si canalis in pedes centenos haberet declivitatem sesquipedum, & in pedes millenos quindecim pedum seu trium passuum? esset enim intollerabilis ista rapiditas, imò præcipitantia aquæ, inquit *Ricciolus Leo Baptista Albertus* libro 10. *Architect.* cap. 6 pro mille passuum distantia, non requirit plusquam pedis unius declivitatem. Verba Alberti sunt: *his addunt Geometra &c. rectam lineam quæ Terræ globum contigerit, si à puncto contractus, ad mille passus in longum producat, fore ut intervallum illud, quod inter eam, & maximum Terræ ambitum sit, non plus denos excedat digitos: eâ resulco aquario aquam non moveri, sed stagnari nisi in singulis octonis peractis stadijs (hoc est in singulis miliaribus) vado sit de pressiore pedem integrum, quàm fuit locus unde incisa ripa fuit.* Idem sentit *Daniel Barbarus* comment. in cap. cita. *Vitruvij*, ubi Alberti verba refert non tamen ut apud ipsum leguntur. Cum Alberto sentit etiam *Iosephus Cereus* discursu 1. de modo elevandi aquas in altum, dicens, *Geometras* asserere, dum propter figuram sphericam Terræ, quæ singulis miliaribus elevatur decem digitos circiter, tum propter libramentum ad motum aquarum, non minus quàm ad motum cæterorum gravium necessarium, requiri singulis octonis stadijs, seu singulis miliaribus, ad minimum pedem unum declivitatis.

Minorem tamen declivitatem sufficere ait *Guilhelmus Philander*, & *Cæsar Cæsaritanus* Comment. in suprâ dictum *Vitruvij*

truvij locum *Longe aliter*, inquit Philander, *nostra ætatis Libratores*: nam in sexcentos pedes unum tantum pollicem deprimunt. Vnde Cæſarianus ſuſpiciatur, locum Vitruvij requirentis ſemipedem in centum paſſus eſſe corruptum, cum multi moderni (*inquit*) per longam diſtantiã non faciant libramẽtum, niſi unius vnciæ in centum trabuchos, ut ipſe appellat.

Hieronimus Cardanus in Arithmetica & Geometria paræ. ca 63. numero 45. poſt medium requirit pro mille paſſibus unam quartam partem unius paſſus, ſeu digitos 20. verba ejus ſunt: *his cognitis debes ſcire, quòd ad deducendam aquam, ut docet Leo Baptiſta Albertus, requiritur pro omni milliari, ut locus ad quem deducitur aqua, ſit declivior decem digitis, & ſunt $\frac{1}{8}$ unius paſſus; nam paſſus continet 80 digitos. Sed ad maiorem ſecuritatem dico, quòd locus ad quem aqua debet de-ferri, debet eſſe $\frac{1}{4}$ paſſus pro milliari declivior loco à quò educitur. Si igitur ſit deducenda per milliaria 20, oportebit quòd locus à quo educitur, ſit altiõ quinque paſſibus ſaltem, quàm locus ad quem educitur.* Hæc Cardanus. Ex quibus etiam patet, ipſum non intellexiſſe Albertum. Idem tamen Cardanus lib. 1. ſubtilit. ait: in ſingulis millibus paſſuum locum à quo, altiõrem palmo eſſe debere loco ad quem, ut in decem millibus paſſuum decem palmis. Libro verò 1. Variet. capi. 6. ait: *Illud etiam animadverſione dignum eſt, aquam non fluere, niſi humiliõ ſit locus ad quem deſluit. Antiqui hoc diſcrimen in centenos pedes, ſeſquipedem conſtituebant; noſtrã atate ſubtiliõre ratione, ſed ad irrigandum ſolum opportunã, in ſingula ſpatia pedum 600 ſolum pollicem unum. Sed tunc aqua neque ſatis refrigeratur, propterea alterum decentius, reliquum generalius.*

Petrus Catanus libro 2. Geometriæ præct. in fine, ubi de libellatione aquarum tractat & alij communiter jam a-
iunt requiri quatuor unciarum (uncia autem eſt duodecima

pars pedis libramentum in singulis milliariis, ut fiat motus aquarum phisicus ac sensibilis ab vno loco ad alterum, ita ut si sit aqua stagnans, quæ debeat fieri fluens, vel fieri debeat aquæ ductus, in spatio unius eujusque milliariis, ita debet disponi aquæ ductus, ut quatuor uncis sit inferior, ac centro Terræ vicinior terminus ad quem, quàm à quo; & iterum in altero milliari subducendæ sunt ex libellatione quatuor uncis. atque hoc est receptum communiter à Libratoribus, tanquam Axioma, ut testatur etiam Cabeus loco suprâ citatò.

Nolo hîc silentio præterire Auctores Latinos interpretandi modum cujusdam scriptoris Itali. Is est Vincentius Scammozzi, qui cùm in Opere suo Italico de Architectura parte 1. libro 3. cap. 27. dixisset, sufficere unum pedem pendentiæ pro singulis milliariis, seque hoc observasse in aliquibus aquæ ductibus antiquis, addit Cardanum tamen libro 1. de subtilit. & alios requirere unum passum mirantique se valde Vitruvium, quòd lib. 8. de Architect. cap. 7. requirat. 25 pedes Romanos cadentiæ pro singulis milliariis, cùm tamen ipse observaverit fluvios Polesinorum non habere nisi dimidium pedem cadentiæ, maximè si habeant aquam sequentem. Verba Italica Scammozzi sũt; *Nel condur Pacque ò sopra, ò sotto terra, è bisogno darle qual he poco di caduta, il che basta un piede per ogni miglio. come trahiamo osservato in alcuni acque dotti antichi; se bene il Cardano & altri vorrebbon darle on passo Az: è da maravigliarsi non poco di Vitruvio, che voglia, ch' elle habbino di de caduta venticinque pidi Romani per ogni miglio; enoi habbiamo osservato: fiumi de' Polesini, che vanno con mezzo piede di caduta massime se hanno sequito di acqua.*

Vides quanta sit Auctorum diversitas circa declivitatem necessariam in aquæ ductibus, ut naturali cursu aquæ fluant de loco in locum. Ego existimo, credendum esse Practicis, qui communiter asserunt, requiri & sufficere quatuor uncias cadent-

Auctoris
sententia.

eadentiæ pro singulis milliaribus. Addo tamen, aquam è fonte ac fluvio derivatam faciliùs currere, cæteris paribus, quàm derivatam è lacu, aliove loco ubi stagnavit. Hinc est, ut aliquando major declivitas requiratur, quàm Practici Ordinariè requirant, aliquando verò minor sufficiat: nullam enim omnino requiri, nullus hætenus dixit.

C A P V T N O N V M.

De cautelis nonnullis in libellatione adhibendis

Verissimum est, aquarum Libratores ingentia damna Principibus ac Rebus publicis inferre posse, si munere suo non rectè fungantur. Verissimum errari multis modis posse, etiam ab ijs qui instructi scientiâ, nullam omittunt diligentiam, ob negotij lubricitatem. Verissimum denique, errorem parvum in principio, maximum evadere posse in fine hujus negotij. Maxima ergo cum cautelâ procedendum. Nonnullas hæc indicabo.

C A V T E L A I

Dum per Dioptram libellatico Instrumento affixam (sive pinnacidia Cautela in libellatione aquarum servanda illa sint, sive canaliculus secundum instrumenti longitudinem excavatus, sive extantes opices sive cylindruli, sive aliud quodcumque) visus dirigitur per signum aliquod: notari debet punctum signi quàm potest fieri minimum, sive circa medium signi visi, sive circa partem eius superiorem, sive inferiorem. Explico. Dum oculus applicatus Instrumento libellatico dirigit visum in chartam v. g. hastæ affixam: obijcitur ipsi tota charta quoniam totius illius chartæ radij seu speciei visibiles per veniunt ad oculum per modum conij, cujus basis

est ipsa charta vertex verò est in oculo; quare si in uno prospectu per Dioptras notaretur supremum signum, in altero infimum, aut medium, linea visualis in primo altior esset supra horizontem, quam in secundo.

C A V T E L A. II.

Si foraminibus utimur in Instrumento libellatico, procurandum ut foramina in utroque pinnacidio sint equalia; & ut oculus in utroque prospectu aequè applicetur ad proximum sibi pinnacidium. Alioquin si foramen oculo proximum est magnum, alterum verò remotum ab oculo est parvum. & radius visualis in uno prospectu caderet superiorem partem foraminis magni, in altero inferiorem; esset in primo casu longè altior supra horizontem, quàm in secundo. Similis cautela observanda est, etiam si non utamur foraminibus; sed vel canaliculo, vel dorso prismatis trigoni, vel supremâ superficie aquæ vasi infusæ; aut similibus. Inspice appositam Figuram.

Vide Fig.
XVII. I.
conif.
XVI.

C A V T E L A III.

Instrumentum libellaticum sit quàm exactissimè libratum. Parua enim deviatio ab æquilibrata seu horizontali linea; magnum errorem inducere potest, præsertim si signum in quod collimatur, sit remotum ab Instrumento. Librantur autem, ut ex dictis constat, Instrumenta libellatica his potissimùm modis. Primò, usu perpendiculi; Secundò, usu aquæ; Tertiò usu normæ; Quartò, usu ponderum, seu ex æquali distantia brachiorum in Libra, seu ex inæquali in statera. Vbi cunque autem, & quomodo cunque adhibetur perpendiculum, curandum est primò, ut pondus filo appensum sit adeo grave ut & filum perfectè extendat, & non facilè à vento dimoueat; deinde ut filum sit tenuè, quò facilè notari possit utrum eum
lineâ

Libellatica
instrumenta
quot modis
librantur.

lineâ perpendiculari Instrumenti congruat : demum ut tam lineâ perpendicularis , quàm filum sit quantum fieri potest longum, quò facîle notari possit quævis minima deviatio.

CAVTELA IV.

*I*nstrumenta parua, in quibus aut canalis seu aquâ plenus , seu perforatus, brevis est aut pinnacidia sunt sibi invicem valde vicina, fallaciora sunt, quàm magna, in quibus contraria conditiones observantur. Ratio est, quòd radius visualis per foramina pinnacidiorum remotiorum, aut per canales perforatos longiores transiens , minùs deviare potest à lineâ horizontali, etiã si negligentius tatur , quàm si transeat per foramina propinquiora , canalesvè breviores , ut meliùs explicavimus in Pantom. Kircher. libro 9. cap. 13. Docum. 3. & 4.

ANNOTATIO.

*H*Æc de Hydragogia 3 sufficiant; in qua quem usum habeat speculum planum (quod ante hac ignoratum fuit) explicavimus breviter ex Claramontio in Pantometro Kircheriano. lib. 9. cap. 12. Quares cum plus ingenij habeat, quàm utilitatis, fortassis etiã certitudinis; hic omittimus, præsertim cum sine schematis explicari non possit.

SYN-

SYNTAGMA SECVN.

DUM.

De novis nonnullis, alijsque ingeniosis machinis
ad aquam in altum elevandam.


AD primum Machinarum aquaticarum genus, in quibus Hydrotechnitarum ingenium elucet vel maxime, revocavimus supra in huius libri Proœmio, illas Machinas, quibus per varia artificia, ac precipue per varias rotarum implicationes aqua in altum attolluntur Harum multas apud Augustinum Ramellum, Georgium Agricolam, Iacobum Bessonum, Ioannem Brancam, Robertum à Fluctibus, aliosque quos in Proœmio Mechanice nostræ Hydraulico-Pneumaticæ adduximus, reperies fuse & ingeniosè lescriptas. Nos omnibus omisis, ut sumptibus parcamus, novas quasdam primo loco in medium proferemus, easque ingeniosas, deinde circa unam aut alteram Veterum nova quædam: n notabimus,

MACHINA. I.

Insulense Molendinum & Antlia.

*Insulense
molendinum
& antlia,*

CUM Romæ degerem, narratum mihi fuit à quodam Religioso è societate nostra Belgâ, Insulano, extare Insulis, in Collegio nostro Machinam insignem & ingeniosam, à Fratre quodam



BU
LILLE

quodam nostro in varios ejusdem Collegij usus fabricatam, præcipuè ad molendum frumentum, cribrandam farinam, attollendam aquam in usum braxatoriz. Petivi ut scriberet ad dicti Collegij Patres, machinæque delineationem ac descriptionem impetraret; quod & fecit. Cùm enim dictus Frater, cognomento Masse, à quo id petiuerat, frustra rem tentasset; quidam è Collegij Patribus, earum rerum peritissimus, Machinam totam delineavit, characteribus distinxit, & singularium partium nomina expressit, in eum, qui sequitur, modum Tres autem præcipuæ sunt Machinæ partes, Molendinum, Cribrum, & Antlia. Partes Molendini notatæ sunt litteris latinis majusculis, partes Cribri litteris Græcis, & partes Antliæ numeris. Non servantur in delineatione rerum magnitudines, sed indicantur illæ in notis, quando necessarium videtur: In etypo ad me misso adiuncti erant diversi colores; & nigro colore picta erant quæ ad molam, ligneo colore quæ ad cribrum, cæruleo quæ ad Antliam spectant. Omissus est & ædium prospectus, externus internusque, aliaque minutiora, ut partes ad Machinam necessariæ meliùs appareant.

Partes enim tres sunt.

PARTES AD MOLENDINVM SPEC- TANTES.

- A** Rota aquaria, diametri 14 pedum. *Partes ad molendinum spectantes.*
- B** Rota minor, diametri 8 pedum, cum dentibus 48. quæ eodem axe cum aquaria, medio pariete, rotatur.
- C** Laterna seu Tympanum striatum diametri pedis, $1\frac{1}{2}$, cum baculis seu strijs 12. Itaque ter circumvertitur laterna, dum rota B semel gyrum suum perficit. Vide Iconisimum XVII.
- D** Virga ferrea quadrangula, Palmaris crassitiei, longitudinis 6 pedum, quæ est axis Laternæ C, & molarum E.
- E** Molæ, inclusæ loculamento ligneo.
- F** Receptaculum, ex quo leni agitatione, ut solet fieri in Molen-

- Molendinis, triticum in molas defluit.
- G. Asser mobilis, cujus elevatione abundantius triticum in molas labitur.
- H. Canalis, per quem ex granatio triticum in receptaculum F sensim confluit.
- I. Foramen in angulo pavimenti granarij, ubi congeritur triticum quod sensim labitur per canalem H, in receptaculum F.
- K. Receptaculum farinae, altitudinis sex pedum, latitudinis 4, profunditatis 3.
- L. Canalis per quem defluit farina.
- M. Foramen, è quo farina in saccos educitur.
- N. Figura representans extremitatem axis D, latentem in mola superiori, qua extremitate sumitur initium motus cribri vt mox dicetur.

PARTES AD CRIBRVM SPEC-
TANTES.

- Partes ad
cribrum
spectantes.
- α . Virga ferrea, longitudinis 7 pedum.
- β . Extremitas inferior dictæ virgæ ferreæ bifida, vt applicata ad extremitatem N axis, eam arctè stringat, & cum eo axe vertatur.
- γ . Rotula diametri pedalis, cum dentibus 16.
- δ . Ferrum recurvum, cum foramine in medio, cui inseritur virga α ,
- ϵ . Rotula diametri pedalis, cum dentibus 16.
- ζ . Virga ferrea longitudinis 60 pedum.
- η . Sustentacula perforata, per quæ virga transit, & in rectitudine servatur.
- θ . Rotula diametri pedalis, cum dentibus 16.
- ι . Rota diametri pedis $1\frac{1}{2}$, cum dentibus 16, cujus axis est etiam axis cribri, & retro habet rotulam adhzrentem cum dentibus 4, quibus agitatur baculus ξ .

- κ. Triangulum ex tribus virgis ferreis; in superiore virga sunt commissuræ, ut virga ζ in anteriore posita desinat tangere dentis rotæ ι, quæ cribrum movetur.
- λ. Canalis, quo farina ex granario defluit.
- μ. Receptaculum farinæ.
- ν. Bacilli duo firmiter affixi ad latus armarij, quibus per funiculos alligatum est receptaculum μ.
- ξ. Bacillus mobiliter affixus lateri armarij, qui agitatur per rotulam retro adhærentem majori rotæ ι, & sic provocat lapsum farinæ ex Receptaculo μ, cui alligatus est funiculo.
- ο. Armarium.
- ω. Cribrum.

PARTES AD ANTLIAM SPEC-
TANTES.

1. Axis recurvus, cujus extremitas describit circulum duorum pedum, & jungitur virga 2, ita ut verti possit.
2. Pertica decem pedum, utrimque instructa virgis ferreis.
3. Cylindrus diametri pedis 1, longitudinis 6 pedum, cum duobus brachijs 4 & 5, ad lineam centralem in eo fixis.
4. Brachium longitudinis 3 pedum, cujus extremitati jungitur virga 2, ita ut in ea verti possit.
5. Brachium longitudinis pedum $3\frac{1}{2}$, cuius extremitati inferitur virga Antliæ 7, quam suo motu elevat, ac deprimit.
6. Manubrium cui inferi potest Virga antliæ 7 ut manu agitetur.
7. Virga Antliæ longitudinis 5 pedum.
8. Figura extremitatis virgæ antliæ 7, in qua est cylindrus

*Partes ad
Antliam
spectantes.*

palmaris longitudinis, sub quo inter lamellas ferreas aliquot particulæ spissi corij apprimuntur. Atque hæc omnia foraminibus quadratis in virgam eatenus quadratam inserta sunt.

9. }
10. } Affaria dico. 9 aperitur, 10 clauditur, cum elevatur antlia; è contrà 9 clauditur, 10 aperitur, dum Virga antliæ 7 deprimitur, atque ita aqua sursum per canalem 11 protruditur.
11. Canalis, per quem aqua protuditur ab antliâ in Receptaculum 14.
12. Foramen, quo aqua in receptaculum 14 illabitur.
13. Via, quâ elabitur aqua, si superfluat.
14. Receptaculum aquæ in granario,
15. Canalis ad exhauriendam aquam è fundo.
16. Epistomium, cujus interior constitutio postea explicatur.
17. Figuratus tubi cui inseritur Epistomium. Est tubus palmaris habens in ambitu tria foramina, æqualibus spatijs inter se opposita.
18. Figura Epistomij, quod non est perforatum, sed excavatum ex una parte.
19. }
20. } Tubi varij, ad aquam Receptaculi 14 variè dispensandam.
21. }
22. }

*Epistomium
antlia Insu-
lensis.*

E Pistomium 16 & 18, cum suo tubo 17, cui inseritur, est valde artificiosè fabricatum, & egregios habet usus. Nam ita facta est cavitas tubi 17, ut per convolutionem epistomij 16 clauso uno foramine, duobus alijs pateat via ad transmittendam aquam. Hinc si clausum sit foramen tubi 21, patebit via à tubo 22, in tubum 19, ideoque beneficio antliæ per canales II, 22, & 19, aqua immediate defertur in vasa braxatoriz.

Item

Item, cessante antliâ, Receptaculum 14 exonerari poterit in eadem vasa braxatoriâ, per tubos 15, 20, 19. Si clausum sit foramen respiciens tubum 19, nihil utile habetur, nisi quòd exonerari poterit Receptaculum 14 in vasa braxatoriâ per tubos 15, 20, 19. Si clausum sit foramen tubi 22, patebit via à tubis 15 & 20, in tubum 21, non verò in tubum 19, quia orificium 19 est altius quàm summa altitudo tubi 21. Hoc itaque casu duo præcipuâ habentur: Primò, quòd aqua superrefluens per viam 13, vel etiam ex fundo Receptaculi demissa per canales 15 & 20, deijciatur in tubum 21, ubi aquæ perduntur: Secundo, quòd aqua beneficio antliæ per canalem 11 protrusa, nec inveniens exitum per tubum 22, in Receptaculum 14 ascendat per foramen 12. Hoc paulò latiùs, quòd illa cochlea seu epistomium magni fiat. Multa minutiora, quæ ad praxim faciunt, ut consideranti patebit, operarum industriæ permittuntur; aliàs res nimis cresceret, & multitudine confunderetur. Hæc de Machina Insulensi.

ANNOTATIO.

Machina huius delineationem, coloribus, characteribus, & numeris expressam, atque distinctam, totamque explicationem allatam, Romam misit è Collegio Insulensi 24 Februarij Anni 1655, P. Guilielmus de Venderville, acceptam ab uno è Patribus eiusdem Collegij, earum rerum peritissimo, ut supra dicebam.

MACHINA II.

*Romana situla automata, spontaneo
atque perpetuo motu aquam in
altum attollentes.*

*Romana
situla auto-
mata.*

IN Mechanica nostra Hydraulico-pneumatica parte 2. classe
2. Machina 10, & 11, duplex artificium dedimus, quo-
rum primum appellavimus, *situlas automatas spontaneo atque per-
petuo motu aquam haurientes*; alterum *Finugianam Industriam, per-
petuo motu situla unice, è puteis aquam hauriens*; utrumque exco-
gitatum, sed in praxi non reductum, ab Hieronimo Finugio,
Viro in Machinariâ arte excellentissimo. Hic aliud simile
artificium damus, non solum ingeniosè excogitatum, sed e-
tiam feliciter opere ipso exhibitum Romæ in conventu S. MA-
RIÆ de Victoriâ Fratrum Carmelitarum Discalceatorum,
à quodam ejusdem loci Religioso; quod quia motu suo per-
petuo Fratrum quietem orationis tempore interdium, & somni
noctu interturbabat, destructum deinde fuit. Machinam
ruditer delineavit, satis clarè descripsit Italico idiomate, Auctor
ipse, à quo illam accepit D. Gegerius Crisanus, Sacerdos,
Illyricus qui eandem mihi Romæ communicavit.

*Machinae
partes &
schemata
tria.*

Duas situlas continet Machina, eodem ex fonte imple-
das, quarum una ascendit altera descendit: illius aqua in usus
domesticos cedit, hujus effunditur ac perit. Proportio u-
triusque quo ad motus velocitatem, & quo ad capacitatem; po-
test esse varia, pro locorum oportunitate aut pro benepla-
cito Artificis. Potest enim ascendentis situlae motus esse du-
plo, aut quadruplo, octuplo, aut quoties libuerit, velocior
ac ma-

ac major quàm situlæ descendētis : at quāto major est motus ascendētis, & minor descendētis, eo minor aquæ quantitas attrahitur sursum, ac major effunditur deorsum. Nos cum Authore Machinæ proponemus hic tres combinationis modos : in primò ad duplo majus spatium ascendit una situla, quàm descendit altera ; in secundo ad quadruplum ; in tertio ad octuplum : at in primò duplo plus aqua deperditur, quàm attrahitur ; in secundo quadruplo, in tertio octuplo. Schemata delineavit Auctor valde ruditer ; nos ea emendavimus. Explicatio magna ex parte ipsiusmet Auctoris est, Italice conscripta, ut suprà diximus.

EXPLICATIO SCHEMATIS

PRIMI.

IN primo schemate seu figura modus proponitur attollendi aquam ad spatium duplo majus, quàm sit spatium aquæ descendētis, ita ut si situla una descendit spatio 50 palmorum, altera ascendat spatio palmorum 100: attamen si libræ v.g. 50. attolluntur, descendunt ac pereunt libræ 100. Schematis hujus explicatio communis est reliquis etiam duobus sequentibus schematibus ; quæ tamen præter hanc habebunt etiam suas peculiare explanationes. Itaque numeri, litteræ, & quæcunque alia hîc apponuntur, in ijs etiam apposita intelligantur. Multas habet partes Machina, & unius explicatio ab alterius explanatione pendet. Tota itaque priùs percurrenda est explicatio, deinde ad singularum partium explanationem redeundum.

A Vas seu situla minor quæ ascendit. Hæc plena minùs ponderat, quàm plena situla M, quæ descendit, at vacua illa ponde-

*Schematis
primi expli-
catio.*

Vide Fig.
I. Iconif.
XVIII.

ponderat plùs quàm hæc. Hinc fit, ut dum utraqz simul repletur ex vase S, fitula M descendat, & pondere suo sursum trahat fitulam A: è contrario verò, dum utraqz simul evacuatur, fitula A descendit, & pondere suo trahit sursum fitulam M.

- B** Palatistmatium (animellam seu animulam vocant Itali, Vètile seu valvulam nostri) alligatū vècti D funiculo. Vèctis hic, circa axem C versatilis, dum sublatâ in altum fitulâ impingit in trabem ZZ, aperit platistmatium, & exitum præbet aquæ per canaliculum E intra vas X. Dicitur platistmatium B sit grandiusculum, quo citiùs evacuari possit fitula; sit fundo non nihil excavato suppositum, nè eacuationem omnimodum impediât; sit pinguedine unctum, ut meliùs aquam cohibeat.
- C** Bacillus transversim fitulæ coagmentatus, & vècti D in nexus, cujus ideo axem paulò antè appellavimus.
- D** Vèctis cum rotula seu trochleola *d* vertici annexa, cujus inferior extremitas funiculo alligata est platistmatio B, eo fine, ut dum fitula A ascendit versus trabem ZZ, in eamque impingit vèctis, aperiatur platistmatium, & aquæ exitum præbeat.
- E** Canaliculus seu tubulus, fundo fitulæ coagmentatus, ita ut orificium platistmatij foramini respondeat. Per eum evacuatur fitula infra vas X orificium & cavitas eius non sit minor platistmatij foramine.
- F** Annuli ab utroque fitulæ latere, quibus inseruntur fila ferrea aut chordæ.
- G** GG; quæ fila aut chordæ sint quàm firmissimè extentæ, nè situla in ita ac reditu, ac præcipuè dum vèctis D in trabem ZZ, impingit, & platistmatium laxat, deviet in latus.
- H** Trabecula cui dicta fila ferrea aut chordæ alligantur; quæ quidem chordæ descendere debent à trabecula ZZ, usque ad trabeculam H, omnino perpen-

pendiculariter, & tanto spatio inter se distare, ut insertæ situlæ annulos non nisi levissimè stringant, adeoque situla liberè & sine violento affectu ascendat ac descendat.

L. Funis cui alligata est situla A, transiens supra rotulam seu trochleam K, & infra trochleam L, indeque pertingens usque ad trochleam fictam Ke, cujus vertici allegatur ut apparet.

K. Trochlea trabizz inserta. Magna ea sit oportet, multis de causis, foramen verò in medio, et axis per foramen transiens, exigua sint, quantum situlæ & aquæ pondus permittent.

Ke Trochlea ficta, id est, non volubilis circa axem, sed immobilis, vel potius quarta pars trochleæ. Debet æqualis esse semidiametri cum semidiametro trochleæ K, ideo, ut motus situlæ M maneat uniformis, hoc est, semper in eodem perseveret perpendicularo (ut postea iterum dicetur) alioquin si variaret perpendicularum, funis situlæ M raderet ac violenter fricaret foramen transversæ trabeculæ PP. aut annuli FF ejusdem situlæ M raderent fila ferrea aut chordas GG annulis insertas, sicque liber ac facilis situlæ motus impediretur.

L. Trochlea alia, quæ dum funem I utrimque detrahit, efficit ut ascensus situlæ A sit duplo velocior, quàm descensus situlæ M, adeoque ut illa duplo plùs spatii eodem tempore percurrat, quàm hæc; qua de causa pondus situlæ M aquâ plenæ duplo majus esse debet, quàm pondus situlæ A plenæ. E contrario verò, situla A, licet minor quàm situla M, vacua majoris debet esse ponderis. Debet tamen excessus esse mediocris, ac tantus præcisè, quantum sufficit ut A vacua descendendo trahere queat M vacuum sursum.

M. Vas seu situla major, quæ descensu suo trahit sursum alteram minorè A, Habet platismatium B, & canaliculum

- È in fundo, annulos FF in lateribus, fila ferrea seu chordas GG, ut prior situla A; vectis tamen diversi modè applicatus est.
- Nn. Vectis transversim situlæ M suprapositus, cujus extremitati *n* adnexus est baculus *n* a pendulus. Hic baculus dum extremitate sua A, situlâ M descendente, terram tangit, elevatur vectis *n* N, aperiturque platismatium B, eodem tempore, quo aperitur platismatium situlæ A.
- Oo. Funes bini, supra alligati situlæ M, infra trabeculæ Y, aut terræ, eo fine, ut nec M ascendat ultra limites suos, nec A descendat ultra suos.
1. 2. 3. Pondera plumbea, aut alterius materiæ, ad motus im-
4. 5. &c. petum frangendum; in descensu quidem, dum successivè terræ incumbunt, & situlæ cui alligata sunt, pondus minuunt; in ascensu verò, dum successivè è terra elevantur, & novum pondus eidem situlæ adjungant. Possunt esse plura aut pauciora, prout necessarium fuerit.
- P. Trabecula transversa paulò supra situlam M, habens foramen in medio, per quod transit, & libere ac sine affricu descendit funis cui alligata est situla, usque ad nodum Q; qui nodus dum ad trabeculam P pervenit, motum situlæ M sistit, impeditque nè descendendo allidatur terræ, nec situla A ascendendo trahi ZZ.
- Q. Nodus jam dictus. Innecti ei potest transversus bacillus, qui solvi facile ac variari queat, ubi necessarium fuerit.
- R. Nodus alius cum transverso bacillo, qui à priori nodo quantum distare debet, quantum est spatium descensus situlæ M usque ad terram ferè. Hic modus fungi potest officio funium Oo, si pondera 1. 2. 3. &c. necessaria non forent.
- S. Vas recipiendæ aquæ è fonte derivaræ destinatum. Habet platismatium & canaliculum in fundo, ut situlæ A &

- M. Canaliculus tamen ab utroque latere eiicere debet aquam, & eodem ferè tempore implere simul situlam A & M, ideoque quia hæ situlæ sunt diversæ capacitatis, inæqualem aquæ quantitatem eiicere debent dicti duo canaliculi è vase S. Hoc non debet esse in medio inter duas situlas, sed retro post illas.
- T. Vectis, alligatus fune, platismatio vasis S, ad id aperiendum, in vertice adjunctam habeat tabula latiusculam *f*, ut baculus V. securè in eam impingat ac elevet.
- W. Baculus affixus firmiter lateri situlæ M, cum rotula seu trochleola in vertice. Hic baculus cum rotula sua elevat vectem T, aperitque platismatium vasis S, donec impletis situlis, descendat M situla, & cum eâ baculus V, sicque demittatur vectis T, iterumque claudatur platismatium; usque dum evacuatis infra supraque situlis, revertatur M cum baculo V, elevetque denuo vectem T, & platismatium ut antea aperiat.
- X. Vas ad recipiendam aquam situlæ A. Tanto spatio debet esse infra trabem ZZ, ut dum vectis D impingit in trabem, canaliculus E intra ipsum exoneret aquam situlæ A.
- Y. Trabs, truncus, aut lapis, aliudvè quid simile, cui alligantur funes. Oo.
- Z. Trabs cui insertæ aut affixæ sunt trochleæ K, & Ke. Affixam habeat ad rectos angulos tabulam *b*, in quam impingat rotula vectis D, & muro appropinquet, secumque trahat situlam A versus murum, ut canaliculus E immineat vasi X. Quamvis aliter etiam fieri potest, ut idem canaliculus eidem vasi immineat.

ANNOTATIONES.

1. **A** Mba situla sufficientes sint capacitatis, & situla major M sit tamen capax, ut plus aquæ recipiat quam sufficiat ad præponderandam situla A: sic enim, ubi opus fuerit,

fuerit, adjunctâ aquâ superari poterunt difficultates & impedimenta orta ex affrictu, rubigine, aliisque vitis rotularum seu trochlearum, aliarumque rerum, quæ vix unquam debitam perfectionem ab artificibus nanciscuntur. Machinæ illius, quam supra dixi constructam fuisse Roma in Conventu S. MARIÆ de victoria, situla minor plus quàm unam integram aqua continebat; prius verò, dum minores adhibebantur situla, successum non habebat.

II. Trochlea K & L tantæ sint magnitudinis, tantumque inter sedissent, ut situla A & M è funibus suis pendentes, non contingant se mutuo.

III. Tametsi qualibet trochlea, per se loquendo, conditiones habeat perfectæ & equalium brachiorum libræ, ita ut si utrimque equalia pendeant pondera ex equalibus funibus, adjuncta alterutri ponderi qualibet minima gravitas, illud deorsum trahat; in praxi tamen vix unquam id contingit: quod quidem, uti experientiâ constat, oritur ex trochlearum foramine & axe, affrictu & pressione mutuâ impredientibus gyrationem. Expedi igitur ut tam foramen, quàm axis, sint quantum fieri potest, minima, & quàm maximè ac perfectissimè rotunda; sic enim minor pars caucitatis foraminis minorem axis partem continget ac premet. Lege quæ diximus supra lib. 2. Syntagm: 4. cap. 2. in analectis de Trochleis num. 4.

IV. Situla A prius evacuari debet, quàm situla M, alioquin & proprio, & aquæ adhuc contentæ pondere prægravata, descendet cum nimio impetu. Platismatii ergo foramen, & canaliculi cavitas, ita temperanda sunt, ut id contingat.

V. Platismatia cujus sint materia, magnitudinis, & formæ, ut aquam intra situlam, antequam aperiantur, omninò & perfectè cohibeant. Quæ in vasis ac situlis Machinæ Romanæ supra dictæ erant, palmarem longitudinem habebant, ac paulò etiam majorem, latitudinem verò semipalmarem. Materia erat plumbum, tam quoad lingulam, quàm quoad tabulam seu lamellam, in quâ foramen erat, & à lingula claudebatur; ac nè gutta quidem aquæ effluebat, cum tectum erat foramen. E ligno facta platismatia non adeo felicem successum habent.

VI. Trochlea L. tantam habeat dimetrum, quanta est distantia inter Trochleam veram K & fictam Ke. Ex ea pendens situla M, aequali conatu trahit funem trochleis K & Ke implicatum. Quare dimidia pars hujus virtutis, atque conatus frustra esset, nisi compensaretur per id, quod duplo majori velocitate sursum traheret situlam A, quam ipsa M descendit; quod tamen sine dicta trochlea non fieret, nisi pondus situla M duplo majus esset pondere situla A, quoniam tanta est resistentia unius libræ v.g., ad motum sursum per duos palmos, quanta est inclinatio duarum librarum ad motum deorsum per unum palmum, tempore eodem.

VII. Funes Oo, cum adnexis ponderibus 1. 2. 3. &c: ideo præcipuè adhibentur, ut reprimant impetum descendens situla A. Etenim duabus de causis dicta situla nimio impetu descendere potest. Prima generalis est, & communis omni motui naturali gravium descenditium, qui postquam incepit, & obstacula vicit, augetur in via eò magis, quo longius provehitur. Altera particularis est, & casui præsentii propria, nempe quia dum situla A pervenit usque ad trabem ZZ, totum pondus funis I (aut catena, si ea adhibeatur) pendet ab altera Trochlea K parte, augetque pondus situla M; dum verò utraque situla evacuata est, & situla A, utpote gravior quàm situla M unà cum pondere funis, incipit descendere ac trahere secum funem I; accedit ipsi paulatim pondus dicti funis, & tantundem demitur situlae M, ac proinde quanto plus uni accedit, & alteri detrahitur, tanto magis crescere deberet impetus ac velocitas descensus. Hunc autem impetum frangunt pondera funi Oo affixa, dum paulatim è terra elevantur. Tantam ergo necesse est esse gravitatem horum ponderum, quanta est gravitas funis I, qui cum situla A descendit. Notandum tamen semper est, propter trochlearum dispositionem in hac machina, singulas libras funis I. tracti à situla A, æquivalere duabus libris ejusdem funis tracti à situla M.

VIII. Cavendum nè funes à pluvia, aut ab aqua, dum situla implentur & evacuantur, madefiant; alioquin enim contraherentur, & debita mensura variaretur.

IX. Vectium D & I distantia à puncto C, & funiculo T, versus rotulam d & tabellam E, sit longè major quàm altera ab eisdem punctis versus finem. Conducit hoc ad facilitandam apertionem platarum: nam ut patet ex dictis lib. 2. Syntagmate 2. ubi de vecte, ejusque viribus egimus, si major vectium D & T distantia est quadruplo v.g. longior, quàm minor distantia; etiamsi aqua platismatis incumbens resisteret ut quatuor apertioni, tamen potentia paulò major quàm ut unum sufficiet ad eam resistentiam superandam.

EXPLICATIO SCHEMATIS SECUNDI.

*Schematis
secundi
explicatio.*

Vide Fig:
II. Ico-
nismi
XVIII.

SECUNDUM schema seu figura proponit modum elevandi aquam ad altitudinem quadruplò majorem, quàm ex altera parte descendat, ut usi descendat hinc ad palmos 50, inde ascendat ad 200 palmos. Aqua tamen quæ attollitur in altum, ad aquam quæ descendit, atque effusa perit, proportionem habet reciprocam, ut si elevantur libræ 50, descendunt ac percipiunt libræ 200.

Quæcunque posita sunt in prima figura, intelligi debent etiam hic posita. Itaque explicatio illius figuræ communis est & huic, ut ibidem etiam diximus. Solùm ergo quæ huic sunt propria ac peculiaria, remanent explicanda.

In hac ergo secunda figura, A est funis pendens è trochlea L: cujus funis unum extremum in præcedente modo alligatum erat situlæ M, & pari celeritate cum situla descendebat; at in hoc secundo modo ducitur funis infra trochleam B, dictumque extremum alligatur trabi Y. Hinc autem fit, ut situla M mota deorsum unius palmi spatio, sursum trahat quatuor palmos funis I, ideoque ascensus situlæ A quadruplo velocior est descensu situlæ M, quoniam singulis palmaribus spatiis descensus respondent quadrupalmaria spatia ascensus.

Dicta trochlea K non est necessaria in trabe Y. quia perpendiculum funis a pendentis à trochlea L, semper manet idem & invariatur. At in trabe ZZ necessaria est dicta trochlea ficta, quia funis I currens in trochlea K, per c, d, e, f, non tra-

trahitur atque extenditur recta versus trochleam I ab eodem semper puncto contactus, sed in principio motus à puncto *c* v. g. deinde à puncto *d*, post ab *e*, tandemque ab *f*, aliòve puncto in *f*. Quæ variatio contactus si non fieret in fune deorsum ab altera parte tracto utique perpendicularis linea funis *a* variaretur, declinando semper magis magisque versus murum ac trabem *Y*, impingeretque funis situlæ *M* in latus foraminis trabeculæ *PP*. Causa verò cur dicta perpendicularis linea funis *a* non variatur, est; quia pondus quod deorsum trahit trochleam *L*, facit ut funis *a* semper medius in cedat intra aut infra duo puncta infima contactus funis *I* cum trochleis *K* & *Ke*, dum à pondere trahitur versus *L*, posito quòd dictæ trochleæ sint æqualis magnitudinis. Quòd si in æquales essent trochleæ; aut abesset trochlea *Ke*, solumque variaretur successive punctum contactus in trochlea *K*, necesseario variaretur perpendicularum funis *a*, & declinaret versus *y*; ut consideranti patet; & tantò major fieret variatio, quantò major foret trochlea *K*. In figura posita propter trochleatum parvitatem non potest notari dicta variatio, sicuti notatur in machina reipsa exhibitæ.

EXPLICATIO SCHEMATIS TERTII.

Tertium schema seu Figura modum representat elevandi Vide Fig. aquam situlæ *A* ad spatium octuplo majus, quam descēdat *III*. Ico- situla *M*, ita ut hæc descēdit 50 palmos, illa ascēdat palmos nismi. 400. Tantò tamen plus aquæ descendere ac perire debet per XVIII. situlam *M*, & tantò minus per situlam *A* ascendere, quanto major est ascensus, quam descensus, ita ut aquæ habeant proportionē permutatam seu reciprocam cum motibus sitularū. Schematis tertii explicatio.

Explicabo breviter quæ sunt huic modo propria, reliqua enim quæ communia cum præcedentibus duobus modis sunt, jam explicata sunt. Funis *P*, qui in præcedente secundo modo, alligatus erat situlæ *M*, in hoc tertio modo transit infra trochleam *N*, & alligatur trabi *M*. Hinc autem
fit,

fit, ut situla M descendens uno palmo, trahat mediante trochleâ N duos palmos funis P, & consequenter quatuor palmos funis A, mediante trochleâ B, & octo palmos funis I mediante trochleâ L. Suboctoplus ergo est descensus situlæ M, ad ascensum situlæ A. Si infra trochleam N adjungeretur alia, infra quam funis circumductus alligaretur alteri trabi infra trabem M; uni palmo descensus situlæ M responderent 16 palmi ascensus situlæ A; etsi adhuc alia adjungeretur trochlea & trabs, pro uno palmo descensus haberentur palmi ascensus 32; si adhuc alia trochlea, palmi 64 haberentur; & sic in infinitum.

Hæc vera sunt, loquendo in rigore mathematico, & exclusis difficultatibus ortis ex imperfectione trochlearum, affricu funium, & similibus. Tametsi enim in rigore mathematico loquendo, & exclusis aliis impedimentis, situla A vacua paulò majoris ponderis, quàm libræ unius, traheret situlam M vacuum octo librarum; nihilominus propter dictas ac similes difficultates non sufficit exiguus aliquis excessus in situla A, sed requiritur excessus notabilis. Notabiliter ergo pondus vacuæ situlæ A debet esse plùs quàm suboctuplum respectu ponderis vacuæ situlæ M. Similiter tametsi in rigore mathematico in situlâ M, sufficerent octo libræ aquæ, & paulò amplius, ad trahendum sursum unam libram aquæ in situla M; tamen propter eadem impedimenta requiritur notabilis aliquis excessus inter dictas aquas. Addendum ergo est situlæ M tantum aquæ supra octuplum, quantum experientia ipsa monstraverit necessarium esse. Sufficientis ergo capacitatis sit situla M. Et quia hoc pondus aquæ adjunctum situlæ M, amovibile est (effunditur enim tota aqua, postquàm situla M descendit usque ad terram RR, & situla A ascendit usque ad trabem ZZ;) ideo nihil præjudicat continuitati motûs reciproci ac perpetui sitularum: tametsi enim situlæ M adderentur 100 libræ aquæ ultra debitam proportionem ab arte requisitam; postquàm tamen utraque situla evacuata fuerit, A non debet prævalere nisi soli ponderi. M.

MACHINA III.




Antlia Pragensis, perpetui motus idea.

ANte annos plures reperi Romæ in Museo P. Athanasii Kircheri, erectam in collegio Romano Societatis nostræ, Machinam Etesibiam, seu Antliam, perpetui motus æmulam; quam & delineatam ac descriptam novæ Romanæ Artis Magnetice editioni Anni 1654 interui post caput 3. lib. 3. part: 2. Machinamento 5. Appendicis Hydraulicorum Machinamentorum. Eandem machinam adduxi in Mechanica Hydraulico pneumatica par. 2. class: 2. Machina 8, velut æmulam motus perpetui; & in Annotatione addidi, me non dubitare, quin artificium sagacitate atque industriâ, ex Machinatorum Mathematicorum consilio, facilitari adeo possit motus rotæ & antliæ, ut exigua aquæ quantitas sufficiat ad motum illi imprimendum; unde si temporis tarditas compensaretur elevatione aquæ vel per plures tubos, vel per unum tubum capaciorum, judicavi posse fortassis tantum aquæ elevari continuo, quantum interim tempore eodem decidit. Quod si haberetur, asserui habitum iri motum perpetuum purè artificialem, tam diu quæsitum.

Dum adhuc sub prælo sudabat Mechanica, misit ad me Romæ P. Valentinus Sranfel Societatis nostræ sacerdos, P. Athanasii Kircheri in re litteraria socius, & meus in eodem officio successor, insignis Mathematicus, & antehac Mathematicum in Universitatibus Pragensi & Juliomontana Professor, similem Machinam à se olim excogitatam, & doctissimorum virorum publicæ disceptationi in Carolinæ Universitatis aulâ Pragæ propositam. Quâ quidem Machinâ putat exhiberi posse motum perpetuum, si vim artificii spectemus, & à materia abstrahamus; quia fieri posse existimat, ut tantum aquæ ascen-

dat per antliam illius Machinæ, quantum defluit in rotam; ideoque vocat *ideam motus perpetui*; totumque negotium dependere ait à proportionem vectis primigenis, sive radorum in vecte ad pondera proportionem, ex principiis Aristotelis & Archimedis, de quibus supra lib: 2. Syntagm. 1. & 2. fusè tractatum fuit. Addit exhibuisse se eam aliàs multis, & neminem voluisse discursus vitium aut paralogismum sibi aperire; quare meum etiam iudicium exquirat. Eandem Machinam inseruit *Novæ, & ameniori de admirando fontium genio Philosophiæ* vir doctissimus *Jacobus Dobrzensus De Nigro Ponte*, Boëmo Pragensis, Philosophiæ ac Medicinæ Doctor, quam eodem tempore quo ego Herbipoli Mechanicam Hydraulicam Pneumaticam typis evulgavi, ipse Ferrariæ in Italia luci publicæ proponere cepit; & antequam prælum eluctaretur opus integrum, desiderio ac petitioni meæ satisfacturus, folia illa ad me misit, in quibus dictæ Machinæ delineatio ac descriptio continetur. Quam quia dignissimam iudico, quæ locum inveniat in Magiâ Hydrotechnicâ, eodem schemate, iisdemque verbis, quibus eam proponit, in medium proferre, meumque de eâ iudicium (quod P. Stansel, ut dixi, & dictus *de nigro ponte* exquirere, pro humanitate & singulari modestiâ suâ sunt dignati) interponere volui. Sic ergo habet *Jacobus de Nigro Ponte* parte 3. *Novæ & Amœniori de Fontibus Philosophiæ* proposit. 15. paginâ 113.

Non possum hic te silente stylo præterire, quo dudum adeundus eras, amicorum candidissime, P. Valentine Stansel, cujus mihi à teneris annis singularis primùm favor, tum animi candor, demum & amicitia, & singularis in immeritum propensio, fuit semper testatissima, prorsusque singularis, cui inquam disciplinarum Mathematicarum si non prima, at pænè prima & plurima lineamenta, nè dicam harum cogitationum ideas me debere, libenter fatebor. Licebit mihi proinde bonâ, Vir modestissime, veniâ tuâ motus perennis abs te olim ingeniosissimè tentati, ab aliis probati, & in Vni-versitat. aulâ publicâ luci & disputationi dati, fabricam huc inserere, non tuis quidem omnino



omnino verbis qua ad purpuram (Eminentissimos enim auscultatores & approbatores habuisti) non erubescerent, sed amici stylo, si non sat accurato, & ad votum tuum, amicâ tamen dictione, & qua pondus habeat amici manu. Rude item eujusdem schema & ideam adfero, non qualem Pragensis Collegii parietine, & frequentissimus hospes demiratur, sed qualem & praesens occasio, & rudis artifex potuit ad umbrare. Sic igitur habet.

Esto aquae receptaculum, seu vas cupreum ABC in formam parallelogrammi efformatum; in quo Columellis quatuor insistenti statuatur vas minus DE, supernè patulum, infernè tubulo ab imo fundi prodeunte VT instructum. In C v. g. plantetur organum etesibiû, modiolò, embolò, & assariolò probè adornatû, ex quo infernè prodeat tubulus si ve siphon ad P v. g. ad ferruminatus, ascendat que per medium fundi vasis DE in altum extra vas, puta P QRS, quemadmodum passim fieri solet. Tum in latere vasis DE, in clavo solidè adherente appendantur vectis, si ve statera IK, habens hypomochlion in H; in cuius radiis, in proportione infra describenda signatis, appendatur embolus O, & volabilis cum haustriis suis rotæ axis L. Plantabitur autem rota in vase ABC sic, ut decidua per canalem VT aqua rectò tramite in haustra destuere possit. Impletis demum vasis ABC, & DE, aquâ, dato que motui principio; aqua per tubulum VT egressa, & in rotæ subjectæ haustra decidens, eam in gyrum impellet, & consequenter axis L unâ in orbe n circum actus radium stateræ KH sursum deorsu n aget, nunc attollendo, nunc rursus deprimendo, atque ita embolus O pariter pressus & assurgens, aquam ex vase ABC hauriet, & in tubulum P QRS compulsam per ostiolum S in subjectum vas minus DE refundet; sic semel sic semper; hac porrò aqua per tubulum VT infernè exiliens, in rotam impinget, & jugem rotæ motum, unaq; vectis seu stateræ agitationem causabit, unde perennem motum (quantum quidem ad vim artificii spectat,) prodire necesse est.

Quod verò obiici posset, plus aquae ex VT destuere, quam embolus per tubulum sursum educat, proindeq; tandem motum substitutum defectu potentiae rotæ agentis; ingeniosè occurrit difficultati huic Auctòr, & meo quidem iudicio, totum quod obiici potest, Ar-

Ejus constructio.

Vide Fig. I. Iconifini XIX.

Per eam videtur posse exhiberi motum perpetuum.

chimedais fultus principiis eludit, ostendens, minorem potentiam ratione prolongati vectis longè majus pondus attollere posse se ipsâ. Sic enim discurret. Hic subjungit ex Auctore Machinæ principium mechanicum, in quo fundari asserit rationem, tantum aquæ euehendi per Antliam, quantum defluit in rotam antliæ agitatricem, estque illud quod nos supra libro 2. de Magia Mechanicâ, Syntagm: 1. cap. 4. proposuit, 5. & Syntagm, 2. proposuit, 3. & 4. fusè explicavimus ac demonstravimus ex Aristotele, Archimede, Guidubaldo, Guldino, Stevino, Herigonio, & aliis, nimirum si potentia vecti applicata eandem ad applicatum pondus proportionem habet, quam distantia ponderis ab hypomochlio ad distantiam potentia ab eodem; fit equilibrium seu quies, & potentia sustinet pondus. Si verò in vecte distantia potentia à fulcimento ad distantiam ponderis ab eodem, habuerit majorem proportionem quàm pondus ad potentiam: potentia movet pondus. Lege quæ locis citatis diximus. Hoc principio præmissio tanquam verissimo, & apodixi Mathematicâ demonstrato, irrefragabilique experientiâ comprobato, ac proinde ab omnibus admisso, sic cum Auctore Machinæ concludit D. De nigro Ponte. Fiat ergo major proportio radii seu distantia KO, (litteras adjungo claritatis gratiâ) ad distantiam IH in statera KHI, quàm sit ponderis ad pondus reciprocè; necesse est ab aqua modica, puta duarum librarum v. g. plus aqua semper attolli, hoc est, libras 100 v. g. atque ita semper restabit quod effluat per præfatum in Machina tubulum VT, cum plus semper attrahatur, quàm effluat. Motum ergo perennem Hydrostatica nostra, quantum quidem ad vim consequentiæ (à materia enim præscindimus,) invenit; quod erat faciendum. Post quæ verba, hæc alia subjungit. Ita ferè ille, non minùs feliciter, quàm ingeniosè; mundus videat, utrum, quod ajunt, rem acu tetigerit, tuleritque punctum: mihi hætenus Organicè non licuit rem experiri; faciam tamen majori otio præditus: hoc solum ajo, ex omnibus, quæ equidem videre potui, motuum perpetuorum ideis, hanc mihi præ omnibus præbatam arrisisse.

Quòd si ulterius urgeatur, verum esse, potentiam minorem elevare posse majorem, vi vectis seu stateræ; in casu tamen posito fieri non posse, ut minor aqua defluens è tubulo VT, atrollat majorem aquam per tubum PQRS; eò quòd dum aqua defluit per tubulum VT festino lapsu, aqua alia per antliam & dictum tubum PQRS valde tardè ascendit in vas DE; ideoque non infunditur tantum intra dictum vas, quantum ex eodem interim effluit: cessabit ergo tandem motus rotæ NM; quia deficiet aqua intra vas DE, & deficiente aquâ cessabit lapsus ejusdem supra rotam. Quòd si inquam ita urgeatur, respondet ex Auctore Machinæ D. de Nigro ponte, compensari posse hanc tarditatem ascensûs aquæ, *primò*, si tantum aquæ post interruptionem quamlibet factam euehatur simul in altum, quantum interim sine interruptione eodem tempore defluxit in rotam; hoc autem ut fiat, nulla est implicantiã, quandoquidem hâc Machinâ, quovis minimo aquæ pondere supra rotam labentis elevari potest quodvis maximum ejusdem aquæ pondus, per antliæ tubum, si fiat proportio major distantia majoris ad minorem in vecte seu statera IHK, quàm reciproce ponderis ac pondus aquæ. Hoc paulò post melius explicabitur in confirmatione. *Secundò*, si manente æquali fluxione ex VT, per plures minutos vectes, sive rotularum pluralitatem, acceleretur motus. *Tertiò*, si loco antliæ adhibeantur Archimedæ helices seu cochleæ, (de quibus egimus in Mechanica loc: cit. Suprà Machina I.) per has enim minori difficultate, & majori copiâ attolli potest aqua eodem tempore, & ab eadem aqua in rotam defluente, quàm per antliam.

His tamen, aliisque similibus aliunde assumptis adjumentis, minimè opus esse ad sufficientem aquæ copiam euehendam, sed ipsam vel nudam Machinam sufficere, ipsemet confirmat D. de Nigro Ponte, ex viri cuiusdam Illustrissimi, cujus nomen reticet, auctoritate, in hunc sensum. Aqua ex tubulo VT in rotam MN defluens, habeat tantum ponderis, ut rotæ vim impertiatur ad antliam agitandam, & decem v.g.

Libras aquæ per tubulum PQRS elevandas intra vas DE. Hoc posito, vel decem illæ libræ sufficiunt, ut dicatur tantum aquæ fuisse sublatum, quantum interim defluit in rotam; vel non sufficiunt: si primum, ergo jam habetur motus perpetuus per dictam Machinam, quia nunquam deficiet aqua defluens in rotam, nunquam aotliæ agitatio, nunquam aquæ ascensus intra vas DE: si secundum, prolongetur ergo vectis brachium KH, & consequenter vas DE cum suo rubulo VT, & vas AB cum sua rota MN elongentur versus eandem partem vectis elongati, & vel coarctetur osculum T tubuli VT, ut minor aquæ copia defluat; vel laxetur capacitas tubi PQRS, ut major aqua ascendat; & hæc elongatio atque coarctatio laxatiove tam diu fiat, donec tot libræ præcise ascendant eo tempore, quot libræ in rotam decidunt, eamque in gyrum agunt. Posse autem hæc fieri, ex dictis constat: nam quo magis elongatur brachium KH vectis, eò minor aquæ quantitas è tubulo VT defluens in rotam sufficit ad eam vertendam, & eandem quam antea aquam attollendam; & eò minor aquæ copia elevari potest per tubum PQRS, manente eadem fluxione aquæ, ut antea, supra rotam.

ANNOTATIONES ET HALLUCINATIONES CIRCA HANC
MACHINAM.

*Est machi-
na valde
ingeniosa.*

I. **M**achina hæc ingeniosissima est, & ego nullam hæcenus vidi, legi, audi vi, quæ majorem probabilitatem præferat ad motum perpetuum pure artificialem (qualis queritur) efficiendum, quam hanc sistendo in theoria, & abstrahendo à materia, à qua Mathematici Machinatores præcindere semper debent, quoniam ea multis modis vitari, & mentis conceptui reluctari potest ac solet. Quare ad probandum fieri posse perennem motum artificialem, sufficit talem assignare Machinam, in qua mens nullum vitium artificii, nullum

nullum discursus paralogismum reperiat. Hujus conditionis utrum sit hæc Machina, paulo post videbimus.

11. Si per hanc Machinam tantum aqua potest ascendere per tubulum P QRS intra vas DE, quantum eodem tempore interim ex eodem vase DE defluit in rotam, eamque vertit in gyrum; sine dubio exhiberi per eam potest motus perpetuus quæsitus, quantum ad theoriam spectat. Patet ex dictis, quia his positis, nunquam, speculative loquendo, deficiet descensus & ascensus aquæ, nunquam gyratio rota, nunquam antlia agitatio. Quod verò aqua cum tempore evaporet, aut mucum contrahat, quòd tubi mucò aut rubigine obducti coarctentur, quòd rota & antlia axes vitium contrahant, & motum reddant difficiliorem non operis artificio, sed materiae ascribendum est. Utrum verò hæc conditio impleri queat, jam discutiemus.

111. Ad tentandum ut per hanc Machinam tantum aqua in altum eveatur, quantum descendit eodem tempore, non debet attendi (immediate saltem) ad proportionem ponderis inter aquam ascendentem & descendentem, sed ad proportionem ponderis inter aquam vertentem rotam, & embolum elevatum. Ratio est, quia vertens suo pondere rotam est potentia applicata uni extremo vectis; aqua verò quæ elevatur per pressionem emboli, non est pondus elevandum immediate à vecte. Dixi immediate, quia remotè saltem debet etiam attendi ad pondus aquæ elevandæ, ut postea videbimus.

112. Ad tentandum ut tantum aquæ evehatur in altum, quantum eodem tempore defluit, non sufficit attendere ad proportionem ponderum aquæ descendentis, & emboli elevati, sed præterea debet attendi ad capacitatem tubi P QRS, ut nec plus aquæ capiat quàm ab embolo suspelli possit, nec plus aut minus quàm eodem tempore defluat. Possit enim tam laxus esse tubus ille, & tam altus, ut pondus ac pressio emboli non sufficeret ad illam suspellendam; pondere enim suo nititur aqua tubo illi inclusa deorsum, & obnititur embolo prementi. Præterea possit tam laxus aut angustus esse idem tubus, ut aut plus, aut minus successivè caperet, ac sursum mitteret aqua, quàm interim eodem tempore continuè in rotam deflueret.

Videtur ali-
quo tempore
posse ascen-
dere per
eam tantum
aqua, quan-
tum descen-
dit.

V. Non videtur repugnare, per hanc Machinam, tantum aquæ ascendere aliquo determinato tempore, quantum interim eodem tempore descendit in rotam. Ponamus enim unam rotæ gyrationem integram ab aqua decidua haustri excepta procuratam, & ad unam emboli elevationem ac depressionem requiri decem minuta horaria, & durante emboli pressione ascendere unam libram aquæ, ac in fine depressionis & ultimi minuti erumpere ex osculo S; potest ita temperari capacitas osculi V, ut intra eadem decem minuta effluat præcisè una libra aquæ; nulla enim in hoc apparet repugnantia. Quod autem fit semel intra decem minuta temporis, potest fieri iterum, ac tertio, & quarto. Quòd si perpetuò ita fieret, perpetuò tantum aquæ ascenderet, ac proinde daretur motus perpetuus per hanc Machinam. Quia tamen non quævis aquæ quantitas ex osculo V effluens supra rotam, nec quævis distantia rotæ ab hypomochlio H, sufficit ad vertendam rotam, ut intra determinatum tempus determinata quantitas aquæ suspellatur ab embolo; ideo hæc ratio non convincit.

Videtur
non posse
semper af-
cendere tan-
tum, quan-
tum des-
cendit.

VI. Dato etiam, quòd aliquo determinato tempore possit ascendere per hanc Machinam tantum aquæ: quantum interim descendit; videtur non posse per eandem longo tempore elevari tantum aquæ, quantum interim eodem tempore descendit; ac proinde nec quantum ad vim artificii spectat & abstrahendo à materia, poterit per eam procurari motus perennis. Ratio est, quia rota non potest perficere integrum gyrum, sine saltu, ob impetum ab extrinseco receptum: nam postquam pondere aquæ super eam labentis descendit per Nusque ad V, secumque traxit deorsum hastam LK, & depressit brachium KH, elevavitque brachium IH, & appensum embolum OX; quàm primum ab T ascendere incipit per M, embolus pondere suo decidit cum impetu intra modiolum, eodemque impetu vertit rotam, & ejus axem ab T per M: durante autem hoc impetu rotæ impresso (non enim statim perit,) rota huc illuc aliquandiu nutat circa axem suum, durante nutatione, non omnis aqua interim defluens excipitur haustri aquæ obversis, sed pars aliqua decidit non excepta haustri: ut ergo iterum una libra effluat supra rotam, eamque iterum vertat (tantum enim supponimus requiri ad unam integram gyrationem) plus temporis requi-

requiritur quàm decem minuta, & consequenter antequàm perficiatur una integra gyratio, effluit ex tubulo VT plus quàm una libra; intra quod tamen totum tempus, solum una libra ascendit. Quod autem contingit semel, contingere potest iterum, ac tertio. Non ergo tantum aqua ascendere posse videtur, quantum descendit eodem tempore, saltem continuè. Quia tamen fortassis ab arte procurari potest, per trochlearum dispositionem, vel alià ratione, ut embolus non descendat cum impetu & per saltum, sed uniformi motu, & consequenter ut & rota uniformi gyratione, sine saltu & nutatione convertatur; non convinci potest ex hoc capite, non posse tantum aqua ascendere, quantum descendit eodem tempore etiam continuè, posito quòd semel aliquo tempore fieri possit.

VII. Sed quidquid sit de his, utrum nimirum ab arte procurari possit, ut vel aliquo determinato tempore, vel continuè ascendat tantum aqua, quantum interim descendit, negari certe non posse videtur, fieri facillime per hanc Machinam posse, ut plus aqua ascendat, quàm descendat. Nam manente eodem pondere aqua, & eadem laxitate tubi P QRS. potest semper magis ac magis elongari brachium KH; quo magis autem hoc elongatur, eò minor aqua copia supra rotam delapsa elevare potest embolum, & eandem aquam suspellere, quae antea suspellebatur: coarctari ergo potest tubulus VI tam diu, ut longe minus aqua descendat, quàm ascendit, & nihil omninus aqua descendens vectat rotam, & agitet antliam, ac sursum propellat aquam. Hoc factò, poterit pars aquae superfluae delabi aliunde intra vas AB, reliqua verò defluere supra rotam. Hoc autem casu nunquam deerit aqua in vase DE quae in rotam defluat, quia supponimus minus defluere quàm ascendat, & superfluam aliunde defluere eà moderatione, ut vas permaneat plenum. Ad huc ergo poterit exhiberi motus perpetuus hanc Machinam. Sed quia contra hoc eadem difficultas, quae antea contra dicta Num. VI. mota fuit, militat; neque haec ratio convincit ac probat possibilitatem motus perpetui per hanc Machinam. Sed omisis velitationibus, nostram statuamus sententiam.

PER HANC MACHINAM NON
 POTEST EXHIBERI MOTUS
 PERPETUUS.

*Per eam non
 potest exhi-
 beri motus
 perpetuus.*

UT hoc probem, Præmitto I. embolum OX in hac Machina, quia pressione ac pondere suo sursum pellit aquam intra tubum PQRS, non posse suspellere majus pondus aquæ, quàm sit pondus ipsius emboli, unâ cum impetu ipsi adjuncto; imò nec æquale, sed solùm minus. Ratio est, quia embolus & aqua tubi sunt in hoc casu velut duo pondera duobus libræ aut stateræ brachiis applicata, quorum utrumque deorsum suo pondere nititur, & alteri obnititur: ergo nec minus potest majori, nec æquale æquali prævalere, sed solùm majus minori. Minus ergo debet esse pondus aquæ tubi, quàm emboli.

Præmitto II. Non totam aquam tubo PQRS inclusam, unico emboli descensu ac pressione expelli extra osculum S, sed tantum solummodò quantum infra ab embolo intruditur, illâ unicâ pressione; quod autem intruditur, longè minoris est ponderis quàm ipse embolus, quando quidem totum, quod in tubo continetur, minoris est ponderis quàm embolus, ut diximus suppositi: I alioquin minus pondus emboli pelleret sursum majus pondus aquæ, contra proximè dicta.

Præmitto III. Quò magis embolus supra fundum modioli aquæ implantati elevatur, eò plùs aquæ ingreditur intra modiolum, & eò ad majorem altitudinem aqua ascendit intra ipsum modiolum, nempe usque ad fundum emboli; quò verò major est elevatiò atque distantia fundi emboli à fundo modioli, eò plùs aquæ ab eodem intruditur intra tubum PQRS, si Embolus usque ad modioli fundum descendat, quia solùm id quod in modiolo est, intruditur, & non amplius: è contrario, quò minor est illa elevatiò & distantia & consequenter, quò minor descensus emboli, eò minus aquæ intruditur, quia solum id quod in modiolo est, intruditur & non amplius: quò
 autem

autem minùs infra intruditur, eò minùs suprà expellitur, quia per proximè dicta suppositi, II, non potest expelli suprà plus quàm F infra intruditur.

Præmitto IV. Dum aqua labitur supra rotam MN ex tubulo TV, rotæ pars superior non incipit descendere versus N, se cumque deprimere hinc extremitatem K, inde elevare extremitatem I, & consequentur embolum, nisi tanta sit aqua in haustribus rotæ, ut prævaleat ponderi emboli: & quia dum haustra plena prævalente pondere vertunt rotam, ac versus N descendunt, aqua paulatim effunditur; non potest continuari ascensus emboli, nisi continuò tantum sit aquæ in aliis atque aliis subsequenter haustribus, semper ut prævaleat ponderi emboli; idque tamen diu durare debet, donec punctum L axis pervenerit ad Y. Ratio ex Mechanicis patet, quia quàm diu durat resistentia emboli vincenda ab aqua labente supra rotam, tam diu durare debet potentia seu pondus aquæ vincens illam resistentiam; hæc autem durat, quam diu embolus ascendit; ergo & ille tam diu durare debet. Et nihilominus dum embolus descendit iterum, & punctum L axis movetur per M sursum; adhuc continuatur fluxus aquæ ex tubulo TV, tantâ copiâ, quantâ antea æquali tempore effluebat.

Præmitto: V. & principaliter. Quò magis prolongatur brachium KH, & consequenter quò minor aquæ copia supra rotam defluens sufficit ad illam vertendam, & emboli resistentiam vincendam, eò minùs elevatur embolus à fundo modioli, ac proinde eò minor aquæ copia intruditur intra tubum PQRS, per dicta supposit: III; & quod inde sequitur, eò minùs aquæ effunditur suprà ex osculo S. Patet ex dictis ac demonstratis suprà lib. 2. Syntagm. 1. cap. 4. proposit. 7. & Syntagm. 2. cap. 1. proposit. 5. ubi hæc demonstravimus: *Graviũ ex distantiiis suspensorũ motus circa idem centrum, sunt ut distantia, quoad spatiũ, & velocitatem.* Item: *Si potentia pondus per vectem moveat, spatiũ potentia motæ ad spatiũ ponderis moti est, ut distantia potentia à fulcramento ad distantiam ponderis ab eodem.* Itaque si brachium KH est æquale brachio IH, extremũ I cum embolo appenso tantũ

ascendit, quantum descendit extremum K: si verò brachium KH longius est, quàm brachium IK, minùs ascendit extremum I cum embolo, quàm descendat extremum K: & tantò minùs ascendit I, quàm K, quantò longius est brachium KH quàm brachium IK: ut si illud est duplo, triplo, quadruplo &c. longius quàm hoc, extremum I duplo, triplo, quadruplo &c: minùs ascendit, quàm extremum K.

His præmissis concludo: *Nunquam per hanc Machinam potest ascendere tantum aqua intra vas DE, quantum descendit eodem tempore intra vas AB, ideoq; per eam motus perpetuus exhiberi non potest.* Sit enim primò distantia KH æqualis distantia IH. Ut rota incipiat verti, & embolus elevari; necesse est, ut pondus aquæ in rota sit majus pondere emboli, ut probavimus lib. 2. Syntagm. 2. cap. 1. proposit. 4. ut si pondus emboli est unius libræ, pondus aquæ debet esse majus, quàm libræ unius. Tribuamus tamen aquæ unam libram præcisè, & excessum tribuamus impetui, quo aqua in rotam ruit. Quoniam verò rota non perficit integrum gyrum in instanti, nec embolus in instanti ascendit ac descendit, sed in tempore, dividamus, totum tempus unius integræ gyrationis rotæ in tres solum partes æquales inter se, & duas tribuamus ascensui, unam descensui emboli: certum est, in qualibet parte temporis illius æqualem aut ferè æqualem aquæ copiam delabi supra rotam: Si ergo aqua primo tempore delapsa debet esse æqualis ponderis cum embolo, aqua toto tempore delapsa erit tripla primæ, & pondus ejus triplum ponderis emboli, id est, trium librarum. Et quoniam aqua ab embolo extrusa ex osculo S, est longè minoris ponderis, quàm ipse embolus; ponamus eam esse solum duplo minoris ponderis; erit ergo sub sextupla aquæ in rotam toto illo tempore delapsæ, id est, dimidiæ libræ. Si igitur distantia veteris IHK æquales sunt, pro tribus libris aquæ effluentis è vase DE, influit solum dimidia libra. Sit secundò distantia KH dupla distantia IH: sufficiet dimidium prioris aquæ ad rotam vertendam, & embolum elevandum, nempe lib. $1\frac{1}{2}$, seu uncia 18. At quoniam embolus dimidio minùs elevatur quàm antea,

per

per dicta Hypothesi VI. etiam dimidio minus aquæ ab eo extrudetur, nempe quarta pars libræ, seu uncia 3. Pro unciis igitur 18 quæ descendunt, ascendunt solum 3 uncia. Sit tertio distantia KH quadruplo major, quàm distantia IH: sufficiet quarta pars trium librarum aquæ ad vertendam rotam, nempe 9 uncia. Quoniam verò emboli elevatio est sub quadrupla primæ, etiam aqua extrusa erit sub quadrupla primæ, nempe quarta pars libræ, seu uncia 1. Itaque pro 9 unciis quæ descendunt, ascendit uncia 1.

Simili ratione si ulterius progrediamur, & brachium KH elongemus, tubulumque TV coarctemus ad diminuendum fluxum aquæ, quantum libuerit; semper inveniemus plus effluere aquæ ex vase DE, quàm ascendat, eritque semper aqua descendens ad minimum sextupla aquæ ascendentis. Vitium ergo discursus, & paralogismus ad probandam possibilitatem motus perpetui per dictam Machinam, in eo consistit, quòd creditur, idem pondus & eandem copiã aquæ posse per hanc Machinã elevari minore ac minore pòdere & copiã aquæ supra rotam labentis, ratione elongati ve&is; quod tamen falsum est; solum enim verum est, idem pondus emboli posse elevari à minore & minore aquæ supra rotam labentis pondere, non idem pondus aquæ ab embolo expulsæ extra tubum PQRS. Hæc mea est sententia: si erravi, errorem dedoceri cupio. Poteram aliter & magis Mathematicè rem demonstrare, sed quia ab omnibus etiam non Mathematicis intelligi volo, hæc methodo uti malui.

ANNOTATIO.

D*Um hæc scribo, litteras accipio Basileã à viro Humanissimo Ieremia Mitz, quibus significat, Hollandum quendam Dortracensem, Dominum Calthof, Hydrotechniam novam excogitasse, quã, cum alioquin in aliis hydraulicis machinamentis pondus totius aquæ tubis aut siphonibus contenta, aut attrahere, aut propellere sursum oporteat,*

teat, idem pondus tantâ facilitate suspellitur, ac si tertia solum pars totius aquæ suspelleretur, & quidem eâdem velocitate, seu tempore eodem, quo alioquin per alias Machinas id efficitur. Addit, eundem Dominum Calthof in ultimis ad se datis litteris asserere, se aliud jam longè facilius ac melius reperisse Machinamentum, quo octava tantum pars ponderis aquæ evehende sentiatur, & intra horæ spatium urnas aquæ triginta ad altitudinem quindecim pedum Geometricorum attolli posse; nolle tamen dictum Calthof artem suam cuiquam manifestare. Quasi vera sunt, utique nova sunt, & præclara, & aliorum technas mata hæcenus reperia longè superant, nec desperandum fortassis de perpetuo mobili reperiundo, uti bene advertit supra dictus Dominus Ieremias, Attollere aquam, uti & alia pondera, sursum eâ facilitate, ac si pars tertia solum, aut octava, aut minor etiam attolleretur; novum non est: at eadem copia, eademque velocitate, ut alias, attollere, suspiciendum est, & qui artem reperit, habet quod gloriatur, & quo benè de humano genere mereatur.

MACHINA IV.

Tubus triangularis Herigonii, motus perpetui
æmulus.

Vide Fig.
II. Ico-
nifini
XIX.

Herigonii
tubus tri-
angularis,
motus per-
petui æmu-
lus.

Simon Stevinus lib. 1. Staticæ propos. 19. proponit tale Theorema: Si triangulum horizonti est perpendicularare, & basis eadem horizonti parallela, reliquis autem lateribus globi singuli addantur æquilibres; erit quemadmodum trianguli latus dexterum ad sinistrum, ita sacoma globi sinistri ad antisacoma globi dexteri. Ut si sit planum triangulare CAB, erectum perpendiculariter supra horizontem, ita ut basis AB sit horizonti parallela, & latus AC sit duplum v.g. lateris CB utrique verò imponantur globi D & F æquilibres, colligati funiculo trochleæ C superposito, & globis addantur pondera, quæ deorsum eos trahant, & in æquilibrio teneant; erit pondus seu sacoma globi F,

bi F; ad contrapondus seu antifacoma globi D, ut latus AC ad latus BC. Probat ac demonstrat hoc Stevinus ab absurdo seu impossibili, quia sequeretur alioquin posse fieri motum perpetuum globorum circa triangulum, prout fufe ibidem ostendit.

Ex quo sequitur, si globi lateribus impositi, & funiculo, ut dictum, colligati, non sunt æquibres, sed pondera eorum eandem habent proportionem quam latera trianguli; eos fore situ æquibres: & si æquibres situ sunt, eos eandem in pondere habere proportionem, quam latera trianguli.

Ex his Petrus Herigonius tom: 3 Cursus Mathem. tractat. de Mechanica proposit: 8. format hanc propositionem: *Si recta à vertice trianguli ad basin, ducta sit perpendicularis horizonti; pondera super lateribus trianguli habentia eandem proportionem quam latera, æquiponderant.* Demonstrat id primò Geometricè, deinde per reductionem ad impossibile physice, tali pacto. *Si pondera, habentia eandem proportionem, quam latera trianguli, non essent situ æquilibria; sequeretur fieri posse motum continuum circa triangulum: Atque hoc est absurdum, cùm natura nihil suscipiat, quod non exequatur; igitur pondera habentia eandem proportionem quam latera trianguli, sunt situ æquilibria.* Motum autem continuum fieri posse, si pondera habentia eandem proportionem quam latera trianguli, non essent situ æquilibria, perspicuum fiet sic. Fingatur BC AEB esse tubum ejusdem crassitie, plenum aqua, vel alterius materia, cujus contactus non impediat ejus fluxum. Cùm enim latus AB, ex Hypothesi, sit horizonti parallelum, aqua tubi AEB erit in æquilibrio, & gravitas aqua tubi AC, ad gravitatem aqua tubi CB, erit ut longitudo lateris AC ad longitudinem lateris CB, quòd aqua sit corpus homogeneum, & tubi cavitas ponatur esse ejusdem amplitudinis. Iam si præsupponamus potentiam descensus aqua unius lateris exempli gratià lateris AC, esse majorē potentia descensus aqua alterius lateris CB, aqua tubi AC descendet, & aqua tubi

BC succedet in ejus locum, & sic tubus AC erit semper aqua plenus, majoremque potentiam descensus perpetuo habebit quam aqua tubi CB, ideoque motus erit continuus; quod est absurdum. Cum igitur aqua tubi non perpetuo moveatur, necesse est potentiam descensus aqua tubi AC, esse aequalem potentiae descensus aqua tubi CB, quod erit demonstrandum. Haec tenus Herigonius.

ANNOTATIO.

Argumentum à motus perpetui impossibilitate desumptum, nullam vim habere videtur in eorum sententiâ, qui possibilem eum judicant, stando in constructione Stevini: dicerent enim Adversarii, ex dicta constructione motum perennem probari, quantum est ex vi constructionis ac artificii, & abstrahendo à materiâ; non sequi autem de facto talem motum, ratione materiae, quod globorum pondus ac funis trochleam C premens, & axiculo apprimens, lateraque & angulos trianguli radens, impediatur motum omnem, ne dum perennem. Majorem fortassis vim habet in Herigonii constructione, in qua aquae fluxus non impeditur à materia. Ex eo tamen, quod stante constructione & situ trianguli, ut ab Herigonio requiritur, aqua non moveatur, convinci non videtur, quod pondera se habentia ut latera, equiponderent, nec in casu posito de aqua lateribus inclusa, nec in aliis casibus. Nam in aliis casibus, etiamsi pondera lateribus imposita se habeant ut latera, si tamen basis AB non est horizonti parallela, sed elevatur versus B, & versus A deprimitur; pondera non manent aequilibrata, sed moventur versus A: at in casu Herigonii, quantumcunque elevatur B, & deprimitur A, imò etiamsi totum triangulum evertatur, ut C infra E supra statuatur; nihilominus nullus fit motus aquae, sed qualibet pars aquae manet in eo loco triangularis tubi, quem à principio occupavit, posito quod totus tubus sit exactè plenus. Quòd si non sit exactè plenus, quacunque ratione eam vertas, tamdiu tantum movetur aqua, donec aequilibrium acquirat. Adde quòd etiamsi tubus AC esset centies capacior quam tubus BC, nihilominus nullus sequitur motus aquae; & tamen pondera aquarum tunc non se habent
ut al-

ut latera. Quòd ergo in Herigony constructione aqua quiescat, non est ex eo quòd aquarum pondera se habeant ut latera. Quòd ergo non moveatur aqua, quando plenus est tubus triangularis, ideo est, quia libera non est, sed tubo quasi vinculis constricta: quando autem plenus non est, fluit, donec utrimque in equilibrio consistat, quia libera saltem ex parte est.

MACHINA V.

Cochlea Archimedea usus, & utilitas uberius explicata.

IN Mechanica Hydraulico Pneumatica par. 2. class. 2. Machinâ 1. descripsimus & explicavimus nobilissimum illud ac Archimedeas cochlea. facillimum instrumentum ad aquas in altio rem locum evehendas, quod ab Auctore Cochleam Archimedeam appellant. Hæc fit tubo metallico, circa cylindrum ligneum spiraliter circumposito, prout in appositâ ibidem Figura apparet. Si enim cylindri axis utrimque promineat, aut cylindri utrumque extremum polis instruatur, & poli annulis suis inserantur, ut converti faciliè intra illos possint; ac cylindrus ipse erigatur intra aquam non perpendiculariter, sed ad horizontem inclinatus, ita tamen ut inferior extremitas tantùm aquæ immergatur, superior extra aquam emineat, ac deinde vel hominum aut jumentorum ope, vel à præterlabente fluvio, vel aliâ quâcunque ratione cylinder circumvolvatur; haurietur aqua per os inferius tubi, & per superius effundetur: licet enim semper deorsum feratur aqua in partibus spirarum inferiorum horizontem respicientium; semper tamen ascendit, usque ad summum. Demonstrationem vide apud Cardanum, lib. 1. subtilit. & Marium Bettinum Apiario 4. Progymnas. 1. proposit. 11.

Vir doctissimus Guidubaldus à Monte dicitur librum De ea qui scripserint. scripsisse de hac Archimedea cochlea, & egregiis demonstra-

tionibus totum Instrumentum illustrasse; qui liber quia post humus erat, & ultimam manum ab Auctore suo non accepit, nactus est similis ingenii & Doctrinæ virum alium Alphonsum ab Iseo nobilem Parmensem, qui teste Nicolao Cabeo lib. 1. Meteor. tex. 62. quæst. 3. totum opus correxit, ac perfecit, additis, & ubi opus erat, immutatis demonstrationibus; sed liber, quòd sciam, lucem publicam non aspexit, licet aliquoties apud aliquos ejus mentio fiat. De eadem Archimedeæ Cochleæ, ejusque compositione & utilitate, tres egregios Discursus Italico Idiomate scripsit Josephus Ceredus, Medicus Placentinus, ut in Præloquio ad Lectorem Mechanicæ narraui. Multa etiam citatis locis habent Cardanus, Bettinus, & Cabeus, ex quibus hæc noto ad praxim Instrumenti spectantia.

Annotationes circa eandem.

Primò, non unico tantum tubo spirali ter circumposito cylindrum instrui posse, ut in Mechanica etiam dixi loco antea citato, sed duobus, tribus, ac pluribus. Dicti tubi possunt duobus modis circumponi. *Primò*, si circa cylindrum teretem describantur plures lineæ spirales parallele inter se, & tubi lineis spiralem delineatis superponantur, ac paruis asseribus circumpositis tegantur, inferiore tantum modò & superiore osculo, quantum satis judicabitur, prominente, ac deinde asserculi columnam formantes obducantur bitumine contra aquæ corrosionem ac penetrationem. *Secundò*, si circa cylindrum spiraliibus lineis antea delineatum, cavitates facias secundum linearum ductum, & illis tubos in similes spiras contortos imponas, & deinde asserculis, ut dictum, contegas, & bitumine linias. Adverte hæc, quia quòd levior est cylindrus cum tubo suo, eò facilius cæteris paribus, vertitur. Nec timendum propterea à fractura. Cum enim Machina non trahat aquam metu vacui, neque profundat vi compressionis, sed devehat & quasi naturali pondere promoveat eam; nullus infertur illi impetus, nulla concussio, aut alia violentia, nulla subsultatio partium; ideoque satis est ut pondus aquæ sustineant parietes tuborum. Et etiam si modica aqua efflueret à fissuris

furis tuborum, vitio aliquo factis, nihilominus reliqua aqua intus contenta ascenderet, & Machina usum haberet.

Quod porro asserit P. Christophorus Grünbergerus a- Grünbergeri nota circa eandem examinatur.
 pud Bettinum loco citato proposuit: 11. Scholio. 3. & in Manuscriptis Notis quas penes me habeo, ut loco cit: Mechanicæ memini, scilicet si unus spiralis tubus totum cylindrum circumscribat, talem cochleam simplicem tantum aquæ effusuram, quantum plures, & aliquid amplius, eò quòd plures spirales tubi ob crassitiem, debent in cylindro occupare plùs loci, quàm crassities unius; minimè verum existimo: tantum enim sequitur, quòd plùs aquæ capiat, non quòd plùs effundat, quia in singulis conversionibus tantum semel effundit aquam cochlea simplici tubo instructa, alia verò sæpius pro numero tuborum circumpositorum. Verba Grünbergeri in Manuscriptis Notis circa Archimedis Cochleam à Patre Mario Bettino descriptam loco suprà citato, hæc sunt. *Id quod hic dicitur (unicum tubum minùs aquæ effundere pluribus) verum est, si unicus canalis cylindro circumducatur, non occupans totam cylindri superficiem; hic enim dubio procul minùs aque effundet, quam plures. Si verò una spira cylindro circumscribatur, eaque tota superficies cylindrica contegatur; putarom dicendum, talem cochleam simplicem tantum aquæ effusuram, quantum plures, & aliquid amplius, plures enim spiræ, ob crassitiem, quæ carere non possunt, debent in cylindro necessariò plùs loci occupare quàm crassities unius spiræ.* Puto eum velle dicere, in uno canali modo dicto spiraliter circumducto plùs aquæ contineri potest, quàm in pluribus sibi contiguis; & si utraque cochlea repleatur aquâ, & circumvertatur, donec tota ex utraque effundatur, plùs effusuram simplicem, quàm compositam.

Secundò noto, meliùs esse, ut spiræ circa cylindrum non sint adeo compressæ, sed per majora intervalla circa eum serpant: nam sic in æquali longitudine cochleæ aquam

altiùs elevabunt, quia poterit cochlea erectior constitui, nam satis est ut præcisè cochlea tantum inclinetur, quantum sufficit ut spiræ cadentes inferiùs cadant ad horizontem, ut sic aqua in iisdem cadere, ac descendendo ascendere queat. Quare ex hoc etiam capite præstat plures tubos eidem cylindro circumplicare, quàm unum solùm, si majori copiâ vehenda est aqua. Quò autem magis erecta, seu inclinata minùs est cochlea, (dummodò sufficienter inclinata sit, ut aqua in spiris cadere possit) eò faciliùs, cæteris paribus, intra cardines seu annulos suos vertitur, & eò minorem violentiam à potentiâ motrice patitur, quia non ita à pondere prægravante curvatur.

Tertiò noto, quò crassior est cylindrus, eò perfectius esse Instrumentum, tum quia spiræ magis obliquè cadere possunt; tum quia plures excipiet canales seu tubos, & majores; tum quia melius resistet incurvationi. Si diutissimè duraturam cochleam construere desideras, compone eam ex laminis æreis subtilissimis, & stanno ferrumina, vel aliâ arte, dummodò à nimia gravitate caveas. Si loco cylindri conum adhibeas, sed conum satis acutum, utilitatem majorem habebis; tum quia cochlea circa conum constructa potest constitui ferè ad perpendiculum erecta, manentibus nihilominùs spiris inferioribus sufficienter inclinatis, tum quia non faciet vitium curvatis nam vix poterit curvari conus tam parùm inclinatus, & in inferiori parte magis, quàm in superiore, crassius ac gravis. Præterea majorem aquæ copiam euehere potest conica, quàm cylindrica cochlea; possunt enim commodiùs in conica, quàm in cylindrica, spiræ inferiores fieri laxiores, ac proinde majorem aquæ copiam bibere, & ad superiores transmittere effundendam. Verum quidem est, quòd si superiores spiræ angustiiores sunt, quàm inferiores, impetum aliquem ac violentiam ab aqua ab inferioribus communicata eas pati, unde sequitur difficultas aliqua in versione; sed utilitates aliæ hoc incommodum longè superant. Meritò ergo Battinus loc: cit: proposuit: 11. Coroll, 3. Hisce tamen reclamat Grünbergerus in Ma-

*Conicam
Cochleam
anteponis
cylindricam.*

in Ma-

in Manuscriptis Notis, ubi hæc reperio. *Qui expertus est utriusque Cochleæ fabricam, credo non tanti emet cochleæ conicæ præstantiam, quanti venditur. Primò præfertur conica, quia ob plures canales, plus aquæ attollat. Sed pluralitas canalium communis est cono & cylindro. Deinde tam in cono, quàm in cylindro, puto simplicem, eandem aquam effundere, ut dictum est annotatione proximè antecedenti. Secundo præfertur, eo quòd conica altiùs attollat aquam. Sed quando una imponitur alteri, necesse est, ut receptaculum, unde haurit aquam alia cochleæ superior, sit profundius. Tertio, in conica, aqua primæ spiræ impellit aquam fortius insequentem. Ego quidem impulsus aliquem agnosco sed non alium quàm in cylindro, ubi libramentum in altiori loco cochleæ non fit sine aliqua impulsione partium, sicut in cursu fluminis: quia tamen aqua quasi semper est librata, & partes aquæ non impellunt, nisi minus libratas, hoc est, superiores inferiores, sitque in hac parte par ratio utriusque cochleæ, puto huiusmodi impulsione non esse notabilem. Si tota aqua quam primò hausit prima spiræ, tota effunderetur simul ultimâ gyratione cylindri, tunc indicium esset majoris impulsione: sed expertus sum in cono trium spirarum integrarum, in tertiæ revolutione non effundi totam (loquor de infusâ, non haustâ) sed opus esse aliis duabus gyrationibus, ut tota effundatur. Signum igitur est, in prima & secunda spiræ adhuc aliqua aquæ remansisse, dum tertiâ spiræ effundit suam, quæ tamen majoris est quantitatis quàm duarum sequentium. Caterum quando Cochleæ continuè hauriret aquam, tunc procul dubio singulis gyrationibus effunderet eandem aquæ copiam, eamque fortassis majorem, quàm cochleæ cylindrica, cæteris paribus. Video tamen desiniri vix posse, quæ sit ista quantitas. Quartò, conica se ipsam exhaurit, id quòd negatur cylindricæ; sed falsè: si enim non sit aliunde impedimentum, etiam cylindrica necessariò revolvitur: centrum enim gravitatis aquæ in omnibus spiris semper est ex alterâ parte plani per axem ad horizontem recti. Hæc Grünbergerus; ad quæ quid respondendum, ex jam dictis patet.*

Conicæ cochleæ pluribus spiralibus circumvolutæ Auctorem se facit Alphonfus Hæus, de quo suprâ, Bettino recte

cit. loc: Grünbergero tamen probabile videtur, Archimedem eam non ignorasse, sed tamen Cylindricam tantum propalasse, eamque maluisse, ut simpliciore ac parabiliorem:

Quarto, procurandum ut quàm minima pars cochleæ inferiùs aquæ quam haurire debet, immergatur, alis quin gravaretur in utiliter Instrumentum, & longè difficiliùs circumvolueretur; præterquam quòd minùs aquæ educeretur: cum enim solùm pars inferior spirarum, quæ horizontem respicit, sit illa quæ deorsum vergit, & in quam suo pondere illabatur aqua; pars superior quæ respicit cælum, debet esse plena aëre, ac proinde si sit in aqua submersa, non concipiet aërem liberè, sed tumultuabitur aër & aqua. Experientia hæc docebit, etiam ocularis, si tubum vitreum cylindro spiratum circumponas: videbis enim quâ ratione aqua ingrediatur inferiùs per spiras; delabatur primùm in conversione cylindri ad spiras inferiores; mox ascendat ad superiores, & locum faciat aëri. Modus ergo disponendi cochleam totam in flumine præterlabente (extante solùm parte superiore) quam Cardanus proposuit lib. 1. subtilit. minùs commodus est. Meliùs erit, si in aqua fiat rota cum dantibus, qui apprehendant strias seu paxillos inferiori cochleæ parti circumpositos, & aquæ aliquò usque immerfas, ut apparet in Figura apud Bettinum loc. cit. proposit. 10. & apud nos in Mechanicâ loco etiam citato Machina I.


MACHINA VI.

*Augustana Hydrotechnica, quâ aqua in Turres
sublata per urbem inde dispensan-
tur.*

*Augustana
Hydrotech-
nica.*

PER cochleam unam non potest elevari aqua, nisi ad medio-
crem aliquam altitudinem, quoniam non nisi mediocris
longi-

longitudinis esse potest Machina, nè pondere proprio & aquæ inclusæ curvetur, & in utilis reddatur. Per multiplicatas tamen cochleas ad magnam etiam altitudinem attolli potest, imò ad datam quamcunque, etiam in locis angustiis, ut in turri, Tali arte olim Augustæ Vindelicorum (quæ urbs est Germanicæ nobilissima ac nitidissima) aqua è fluvio ad altissimam turrim elevabatur, indeque ad varia urbis loca dispensabatur in usus publicos ac privatos, constructis variis ac magnificis per fora & præcipuas plateas fontibus, Cardano ac Bettino testibus, qui artificium satis accuratè depingunt ac describunt. At nunc longè aliâ ratione id efficitur, ut mox dicam. Cùm enim Augustanam hydrotechniam, de qua multa inaudieram & absens, & præsens, dum Anno 1655 illac transirem; huic loco inferere cuperem, utpote dignissimam quæ in multorum notitiam veniret; ut majori cum fundamento procederem, scripsi ad Virum Humanissimum ac Doctissimum Lucam Schröckium, Medicinæ Doctorem, ut pro sua humanitate, & in Rempublicam litterariam affectu, significare dignaretur non nihil de dicto artificio, ejusque auctore, simulque de aquæ origine, nomine, quantitate aliisque ad rem pertinentibus circumstantiis. Neque enim ego, dum præsens eram, ob temporis angustias, & negotia alia, artificium inspicere, & in dicta inquirere potui. Suscepit is perlubenter in se rei curam, & distentus negotiis aliis commisit partem negotii viro æquè humano, ac docto, Domino Emanueli Stenglino, qui accuratissimam totius rei historiam Germanico Idiome exararam, ad me mittendam ipsi tradidit. Ipsos igitur loquentes audiamus.



LITTERÆ EXCELLENTISSIMI DOMINI
 LVCÆ SCHRÖCKII,
 MEDICINÆ DOCTORIS
 AUGUSTANI.

S Al. pl. & officia paratissima. Tardius scribo, Vir admodum Revere-
 rende, Clarissime, Humanissime, quàm aut expectatio Tua &
 a viditas ferebat, aut officium meum requirebat. Sed nolim ne-
 gligentia nomine Reverenda Tuæ dignitati suspectus teneri, cum alia
 aliis subinde superveniant onera, & frequentia circa ægros studia,
 quæ me scripturientem sæpe retrahunt, calamumque invito è mani-
 bus excutiunt. Nè dicam de potiori tardioris hujus mei responsi cau-
 sa, dum adventum libri Dobrzenskyani avidè expectarem, ut hoc
 comite tanto jucundius, & acceptius istud redderem; quod tamen
 necdum apparuit: unde bene volas Tuas fores solus pulsare, ni penitus
 omnis urbanitatis stupidus videri voluisssem, coactus fui. Negotium
 quod Reverenda Tuæ dignitas mihi commiserat, de inquirendo arti-
 ficio, quo mediante aqua nostræ civitatis in sublime altæ turris fasti-
 gium propellitur, atque exinde per urbem latè & variè diffunditur,
 curæ cordique mihi fuit, ut desiderio gratificarer, & accuratam Ma-
 chinarum delineationem consequerer; est Amplissimorum Domino-
 rum Aedilium provida nimis (pro meo quidem captu) sollicitudo, ad
 præcavendam artis pro palationem, viam præclusit, quò minus hac in
 parte Tuam complere expectationem, meam verò in serviendo cupi-
 ditatem declarare potuerim. Reliquis forsàn satisfaciet quasitis ad-
 jectâ scheda Domini Stenglini, in nobili Mathematica scientia non
 mediocriter versati. Huic palmam apud nos præripit Nobilissimus
 Dominus Koch à Gailenbach, Patritius Augustanus, quia studia sua,
 incognitus licet attamen Reverenda Tuæ dignitatis, à me ipsi de præ-
 dicata, amicus communis, si recipere placuerit, mecum futurus, offi-
 ciosè per me deferre jussit, Eximius hic, recondita in arte, & multi-
 pli-

plici subtilique disciplina Mathematica apprimè exercitatus vir, modos demonstravit varios, quibus vel hic vel ille artifex usus fuisset ad extollendam altissimè aquam; præcipui sunt, quos describit Marius Bettinus Apiar. IV. Progymnasim. 1. Proposit. 12. Marinus Mersennus Phenomen. Pneumat. proposit. 38. Ioannes Iacobus Weckerus de Secretis lib. 12. pagina 475. ubi expressè de Machina Augustana, sed antiqua, agitur. Novissimè autem & elegantissimè de Hydraulico hoc artificio differere mihi visus est Ioannes de Laët in Vitruvio Pollione de Architectura lib. 10. cap. 12. & 13. Ego, ut in aliis, sic præsertim in hoc scientiarum genere meam ingenuè profiteor tenuitatem, nè dicam ruditatem. Caterùm præterire nolo, quæ R. P. Do: Carolus Stengelius, quondam Abbatia Anhusana præfectus constitutus, in rerum Augustanarum Commentario (non per omnia sibi constante) de auctore & inventore nostræ aquariæ turris & Machinarum obiter notavit, dum cap. 57. pag. 232. hæc scribit: Eodem (nimirum C¹7 CDXVI) anno Augustæ constructa est Aquaria turris, & Machinæ confectæ sunt, per Joannem Felber civem Ulmensem. Et porrò. Is est aquæ ductus publicus, quo aqua sabubris & limpidissima tantâ copiâ ducitur per canales adeo capaces, ut in ipsùm Castellum sive Receptaculum Aper & Dama delata sint. Aqua singulari artificio in fastigium altæ turris propellitur, atque inde per minores canales rectâ mensurâ in loca publica, privatorum quoque, qui eam sibi compararunt ædes dirigitur. Hæc ille. Ego verò præterea nihil, nisi ut suasor sim, si exactiorem hujus decantati operis aquarii cognitionem nancisci velis, Præclarissime Domine, ipse ad nos excurras, & structuram univèrsam limatiori iudicio perpendas, oculisque intentis singula perlustres. Veni, non longa via est; & in hac urbe Augusta augusta & rara quædam cerne. Offero dexteram, & eam hospitem; offero officia, quæ à candido pectore & ἰκανοποιῶν colente expectari possunt. Iterum dico, veni, vide, & vale. Augusta 11 d. Octobr. A. R. O. 1657.

Reverenda Tuæ Dignitatis

ET

Magnæ Celebritatis

Studiofissimus

Zzz

LUCAS SCHRÖCK Doctor.

Sequitur Narratio Domini Stenglini, in qua accuratissimè recensentur loca omnia urbis per quæ transit aqua, & ad quæ derivatur; quæ tamen ut plurimum omitto, brevitatís causâ. Artificium quo aqua elevatur, obiter tantum indicatur, ob causam jam dictam, & mox iterum dicendam; qui tamen in Hydraulicis, & Hydrotechnicis versati sunt, faciliè rem intelligunt.

INSTRUCTIO CIRCA HYDROTECHNIAM AUGUSTANAM.

*Augustano
Hydrotech-
nicæ narratio
D. Stenglini*

A quo tempore Aquarium artificium Augustanæ urbis, & à quo inventum fuerit, in Chronico Marci Velseri videri potest. Origo ejus ad 200 circiter annos extenditur. Primis temporibus Machina erat extra urbem; sequentibus deinde intra eam translata fuit. Turres Aquariæ, in quibus aquæ in altum sublata colliguntur, quinque sunt, duæ nimirum ad portam rubram urbis, una in urbis medio ad plateam novam mediam, quarta ad Jacobi portam, quinta ad latum propugnaculum. Aqua appellatur Lycus fontanus seu fontium. Oritur ex diversis scaturiginibus, in prato cis Lycum infra *Haus Stetten* nuncupatum, unâ horâ ab urbe. Unico alveo derivatur versus urbem; prope quam, ante superius cæmeterium, in duo dividitur brachia quorum unum rotas vertit, alterum supra turres propellitur, magnâ celeritate, adeo ut diebus singulis, centenæ aliquot urnæ intra ahena in turribus disposita propellantur, indeque in diversa urbis loca deriventur, idque toto anno tam hyeme, quàm æstate, quoniam aquæ istæ fontanæ non faciliè congelant frigore. Quòd si tamen contingat, ut machinæ unius operatio à glacie inferiore impediatur, aqua per aliam refunditur, nè cives, & qui aquam in ædibus habent, incommodum pati cogantur. Qua etiam de causâ Aquarii, quorum curæ commissa est custodia ac directio operis, interdium ac noctu vigilare atque attendere tenentur. In prima turre duo

duo sunt aëna. Ex primo deducuntur aquæ per ingentes tubos, viri crassitie, & 700 pedum longitudine, supra civitatis mœnia in superius ac medium pomœrium. Inde descendit ante S. Annæ templum in plateam D. Kreutzeri, unumque brachium pergit ad diversa fora, *quæ ibi nominat Stenglinus*. Diversa habet epistomia distributória; interque ea unum quod solum incendio aliquo exorto laxatur. Ex secundo aëno derivatur aqua ad diversa iterum fora & plateas ab Auctore nominatas. Tertium aënum secundæ turris, nec non turris tertiæ, quinta, eadem ratione per loca varia ibidem nominata distribuit aquas suas, ultra Machinas in quinque turribus dispositas, adhuc variis aliis locis ab Auctore recensitis, variæ rotæ aquariæ sunt.

Ad Machinas apertas, quibus aqua in altum propellitur, quod attinet, triplicis sunt generis; quas facilius est delineare, quàm describere verbis: quia tamen publicæ sunt Machinæ, non ausus fuit sine Magistratus consensu eas delineare. Genus antiquissimum minimorum est sumptuum consistit in rota dentata, quæ pistilla cum embolis elevat. Secundum genus consistit in parvis quibusdam rotis, quibus super inducta est catena ferrea, quæ pistilla alternatim sursum ac deorsum trahuntur. Tertium genus est omnium pretiosissimum, quoniam pistilla & emboli unà cum modiolis (*Stifsel*/hoc est, ocreas vocant Germani) è metallo sunt, uti & axis cum pinnulis suis, qui perpetuò circumvolvitur, & pinnulis suis alternatim pistilla elevat; ideoque hoc genus Machinæ præ cæteris durabile censetur. Hæc Dominus Stenglinus de Machina Augustana, non simplici & unius generis, ut multi putant, sed multiplici ac varia. Qui in Mechanicis versati sunt, intelligunt ejus mentem; qui secus, longiori discursu & Figuris indigent, quas ipse non submitit, nec mihi integrum est eas industria propria apponere.

ANNOTATIO.

De Machina Aquaria Herbipolensi.

Herbipolen-
sis machina
aquaria.

DUm hac scribo Herbipoli, adificatur ad rivam Mœni præterla-
bentis, ipsamque radicem montis altissimi, cui arx magnificen-
tissima simul ac munitissima est imposita, molendinùm; in quo præter
molas multiplices, variaque alia artificia jam pene perfectâ construi-
tur Machina Aquaria ad aquas fluvii, usque ad ipsam Arcis arcem
elevandam, altitudine plus quàm quingentorum pedum in perpen-
diculo. Elevabitur autem aqua ope Antlia pressoria, cujus pistilla
& embolos rota à fluvio inter angustias coarctato circumacta attol-
let ac deprimet, & aquam intra tubos plumbeos protrudet infra, su-
prâ extrudet, non ad necessitatem modò, sed etiam ad delicias, eructa-
tam marmoreis leonum statuis intra concham, ac per hortum Arcis
lateri orientali adhaerentem variè derivandam. Hactenus submi-
nistravit aquam Arci, primùm fons ex alto monte (Goesberg) plus-
quàm quatuor passuum millibus distante, per canales ac tubos, ad
Arcis usque arcem derivatus, indeque per varios fontes diversis
locis dispositos divisus; deinde puteus in media Arcis area intra ru-
pem effossus, ad 408 pedum profunditatem. Extrahitur aqua duabus
situlis, quarum una ascendit, altera descendit, fune circumvoluto
axi quem rota calcatoria, qualem suprâ lib. 2. Syntagm. 3. cap. 5. de-
scripsi, vertit à binis viris calcata, & intra hoc spatium non nisi duæ
extrahuntur situle, ac tres urnæ aquæ; singule enim sesqui urnæ sunt
capaces. Iam alius non minoris profunditatis puteus
extra arcem, at intra cortinam quæ septentrio-
nem respicit, effoditur.



MACHINA VII.

Spiralis rota, motus perpetui emula.

IN Mechanica nostra parte 2. classe 2. Machina 2. dedimus ex Mario Bettino Apiario IV. progymnasm. 1. proposit. 13. & 14. Machinâ, quam *tubum spiralem in plano, aquam attolentem, & motum perpetuum emulantem appellavimus.* Spiralis rota motus perpetui emula. Consistit in eo Machina, ut plano circulari spiratim à circumferentia versus centrum circumponatur tubus utrimque apertus, qui semper magis ac magis à circumferentia versus centrum dilatetur, ut majorem aquæ copiam continere queat. Hæc rota si ex axe per centrum transeunte erigatur verticaliter, ut facile converti possit: aqua per os tubi ad circumferentiam infusa, serpet pondere suo per ipsum ad os usque centrale, indeque effundetur, vertendo interim rotam ipsam. Eadem hæc rota, si intra vas aquâ plenum erigatur modo dicto, putat per eam exhiberi posse facillimè motum perpetuum, dum rotatione suâ semper novam ac novam aquam hauriet, eandemque iterum in subiectum vas effundet iterum hauriendam.

Similem rotam, non uno tantum, sed pluribus tubis spiraliibus vestitam, proponit P. Nicolaus Cabaus lib. 1. Meteoror. textu 62, quæst. 3. eamque miris effert laudibus, quia facillimam putat, & omnium ferè simplicissimam, ad aquam in altum tublevandam magnâ copiâ, licet non ad majorem altitudinem, quàm quæ est à rotæ circumferentia usque ad centrum, è quo hausta inferius aqua effundi debet. Et Quoniam non nova solum, sed magni etiam artificii ipsi videtur Machina, & in credibili facilitate simul ac simplicitate attollere aquam, & in multis Archimedeam Cochleam superare; multis eam exponit, & demonstrat quâ ratione construenda, quâ industriâ tubi seu spiræ circumponendæ, ut magis semper ac magis versus centrum dilatentur; quomodo aqua per eam ascendit,

dit, dum descendit sola sua gravitate versus centrum, nullo impellente, nullo trahente, nullo evehente.

Eandem Machinam putat idem Cabeus aptissimam esse, si nulla alia, ad motum perpetuum efficiendum, eò quòd simplicissima est, & nullæ ferè in ea sunt fricationes, quandoquidem aqua dum defluit pondere suo per spiras, non fricatur, nec atteritur, & solum pars illa quæ demergitur, ut aquam hauriat è subjecto vase, aut lacu, cui implantari debet, fricatione aliqua motum nonnihil retardat, quam tamen facilè superari posse putat, adjuncta rota sitularia. Hanc tamen suam de motu perpetuo per eam efficiendo existimationem non explicat uberius, quia vellet priùs exactius experiri, quam fecerat, quod utrum deinde expertus fuerit, nescio.

*Per eam
motus per-
petuus ex-
hiberi non
potest.*

Ego existimo, per hanc Machinam, maximè si construatur ut Cabeus præscribit, & pluribus spiris in centro coëuntibus tota vestiatur ac tegatur, multùm aquæ, & magna facilitate, attolli posse ad suprà indicatam altitudinem, si ab aliqua potentia extrinseca convertatur; ideoque commoda foret ad siccandas paludes, si ita iis implantaretur, ut suspensa è trabe perpendiculariter erecta posset semper magis ac magis deprimi, ut decrecenti aquæ semper esset aliquò usque immersa, & nihilominus ut antea circa axem suum verteretur, ab adjuncta potentia. Motum tamen spontaneum etiam exigui temporis, nedum perpetuum, per eandem procurari posse, pernego, propter rationem in Mechanica loco citato contra Bertini, Machinam allato: quamprimùm enim aquæ inferius immersa, eam intra spiras suas admittit, & sibi permittitur, nec ab extrinseca potentia ampliùs impellitur in gyrum; immota persistet, propter causam inibi dictam, desumptam ex centro baryca, & ex Mechanica, Experire, & videbis.

MACHINA VIII.

*Rota Blancani, aquam in altum ac in circumulum
proiciens.*

P *Nicolaus Cabeus lib. 1. Meteoror. tex. 17. quæ st. 8. ubi explicat, quomodo rotæ proiciant sibi adhærentia per motum circulem, & utrum si terra moveretur motu diurno vertiginis, gravia terræ superposita proicerentur, proponit illa occasione Machinam quandam, à præceptore suo in Mathematicis P. Josepho Blancano Zarmensi excogitatam ad hauriendam aquam, quoniam apta videtur ipsi ad difficultatem propositam enodandam. Quæ Machina tametsi parum fortassis utilis est ad aquam in altum attollendam, quia tamen ingeniosa est; & causa occulta; & fortassis ab aliis ingeniosioribus usum aliquem in Hydraulicis majorem potest nancisci; placuit eam hæc proponere ipsis Cabeus verbis, & sequitur.*

In axe aptato ita, ut possit commodè circumvolvi, constituto perpendiculariter, apta circumulum paruum horizontaliter in parte inferiori; & similiter circumulum in parte superiori longè majorem, pariter horizontaliter: Applicentur his rotis seu circumulis fistule plumbeæ, æneæ, vel ex simili materia; quæ fistula coeuntes in parva rota, in magna expandantur: demergatur in aquam Machina, ita ut extremitates inferiores tuborum sint sub aqua. Si axis hujus rotæ vel Machina perpendiculariter stantis velociter rotetur, rotantur & circumuli; & insistentes tubi; & aqua per tubos ascendet in motu illo; & proicietur ex parte superiori; & projectio fiet spiritaliter &c.

Quæritur hujus rei causa, Ego existimo aliam non esse, nisi quia sicut quando rota aliqua velociter rotatur; ea quæ adhærent rotæ, & ab ea separabilia sunt, proiciuntur extra rotæ circumferentiam, ut apparet manifestè in rotis curruum, quæ velociter motæ proiciunt limum à se extra circumferentiam; ita dum hæc Machina unà cum aqua inferius fistulis inclusa velociter movetur aqua deberet proici extra ipsam
rotam

roram ad latera, si fistulæ versus exteriorem partem paterent; at quoniam via hæc occlusa est, sicut, & via ad motum deorsum, ubi aqua est, solumque patet via sursum versus; ideo ascendit aqua, & alia nova, quæ continuò partes fistularum inferiores aquæ immerfas denuò implet, succedit, & superiorem expellit; expulsa autem in circulum spargitur, hoc est, arcum circuli, describit, quia impetum ad motum circulem conceperat, dum ad huc tubis seu fistulis continebatur.

MACHINA IX.

Hydracontisterium Norinbergense ad extinguenda incendia.

Norimbergensis Machina, ad incendia extinguenda.

CUM Anno 1655 Româ redux, & Norimbergam transiens, officii causâ convenissem Prænobilem & Amplissimum virum Georgium Philippum Hartstorferum, illius urbis tunc Patricium, postea Consulem; inter alia multa, quæ pro sua singulari humanitate in ea urbe mihi ostendit, duxit me ad ædes cujusdam opificis Joannis Hautsch nomine, ubi Machinam illam, cujus mentionem feci i. part. lib. i. cap. 6. a dicto opifice confectam vidi. Idem opifex aliam Machinam prægrandem & insignem, cujus formam hic subiicio à se etiam confectam mihi monstravit, quâ dicebat tantâ se aquæ copiam, & ad tantam altitudinem, ejaculari posse celeritate maximâ, ut quodcunque incendium in quantumvis alta domo exortum, in subjecto foro aut platea consistens, extinguere vellet. Utque re ipsâ, quod asseruerat, monstraret, confestim ultra triginta viros, ac juvenes qui in vicinis ædibus opificia exercebant, convocat, Machinam aqua implet, viros applicat, & in momento fere aquam ad ædium altissimarum fenestras ac recta spargit, tantâ copia ut urnas cælum depluere videretur. Jussit deinde spectatores ad alteram post ædes plateam concedere;

dere; ubi cum essent, eadem, ac majori etiam copia ac velocitate aquam supra rectum ad aliquot cubitorum altitudinem ejaculatur, & plateam cum adjunctis ædibus copiosissimâ pluvia perfundit. Ipse interim opifex Machinæ fistulam utrâque manu apprehensam dirigebat in quamcunque partem, & aquam ad quodcunque signum velut scopum ejaculabatur, machina inferiore immota manente.

Machinæ forma est quam figura monstrat. Duobus aut tribus ad summum equis celerrimè ac facillimè, quò postulat necessitas, trahi potest. Traho, cui imposta est machina, est longa pedes 10, & lata pedes 4. Aquæ receptaculum 8 pedum habet longitudinem, 4 altitudinem, & 2 latitudinem. Dux hastæ à 28 hominibus agitantur, extrahendo ac intrudendo. Aquea columna, quam fistula eijcit, unciæ unius Diametrum habet, & ad 80 pedum altitudinem ascendit. Machinam totam cū dicta partium symmetria curavit auctor in æs incidi, & per Germaniæ urbes spargi, promittens se, quotquot postularæ fuerint, tolerabili pretio confecturum, ac modum edocturum emptores, quo eâ interdiu ac noctu, hyeme ac æstate utendum.

Artificium (quod Auctor prodere tunc mihi noluit,) consistit sine dubio in antlia: intus enim in cista absconditi sunt modioli bini horizontaliter prostrati, habentes in fundis platismatia; quæ platismatia, dum extrahuntur hastæ cum embolis suis, aperiuntur, & aquâ modioli implentur; dum verò hastæ intruduntur, platismatia clauduntur, & aqua pressa expellitur per alia foramina, platismatiis etiam suis instructa, intra fistulam modiolis cohærentem, & vertebra suas, ut in quamcunque partem dirigi possit, habentem.

ANNOTATIO.

HÆc Machina non est nova, nam ante hac etiam in aliis urbibus fuit in usu, & ego ante annos quadraginta unam vidi in patria mea,

mea, quamvis longè hâc minorem. Embolorum hastæ possunt decurrari, & inter eas disponi rota dentata, quæ dentibus suis apprehenderet utrimque hastarum dentes consimiles: si enim rota hæc manubrio axi rota adjuncto alternatim verteretur ad dexteram & ad sinistram, alternatim extraheret atque intruderet hastas. Et posset hæc rota ab uno aut altero solùm viro agitari. Aliud genus Machina ad incendia restinguenda vide apud Heronem cap. 27. spirital. & aliud apud Iacobum Bessonum in Theatro Instrum: pag. 52.

SYNTAGMA TERTIUM

De Machinis, quæ aquæ lapsu naturali suas exhibent operationes.

*Machinarum
aquaticarum
varia
genera.*

PRæter Machinas Aquarias tractorias, de quibus præcedente Syntagmate, reliquas omnes quæ aquas in altum attollunt, ad quatuor genera revocavimus in Mechanica nostra Hydraulico Pneumatica. Quædam enim fiunt attractione, ad vacuum vel fugiendum, vel replendum: Aliæ expulsionem, ad corporum penetrationem evitandam: Aliæ Rarefactionem, ad majorem locum occupandum: Aliæ denique fluxu naturali aquæ, æquilibrium affectantis, & ad originis suæ altitudinem tendentis, Lege Proximum I. Partis Mechanicæ citatæ. Trium priorum generum Machinæ, quoniam vel omnes, vel pleræque non nisi aëris ope perficiuntur, potiùs Hydraulico Pneumatica, vel Pneumatico Hydraulica appellandæ sunt; sola verò ultima hydraulicarum nomen merentur. De ultimis igitur solùm hîc aliquid dicemus, de reliquis in libro sequenti, qui de Magia Pneumatica erit, agemus.

CAPUT

CAPUT PRIMUM.

De variis aquæ naturaliter fluentis proprietatibus.

Quæ de fluxu aquæ naturali, quem quartū Hydro-Pneumaticarum machinarum principium constituimus in Mechanica nostra, breviter ibidem parte I. Protheoria 4. scripsimus, fusiùs in hoc loco explicare constitueramus: At nè Liber hic in nimiam excrescat molem, abstinere cogimur, & vel ad Philosophiam Hydraulicam, vel ad Mechanicam universalem differre, quæ hîc explicanda erant. Sufficiant ergo pro hoc capite, quæ citato loco Mechanicæ nostræ tractata sunt; quem vide.

CAPUT SECUNDUM

De Ascensu aquæ æquali descensui.

Inter alias aquæ naturaliter fluentis proprietates loco proxime citato ex Machanica recensitas, octava proprietas hæc est. *Aqua naturaliter non ascendit ad locum altiore suâ origine: imò nec fluit naturaliter ab uno ad alterum locum, nisi terminus à quo altior sit, quàm terminus ad quem.* Utrumque patet experientia, & posterius etiam ex dictis supra Syntagm: 1. Addo nunc, aquam aliquando tantum ascendere, quantum priùs descendit. Patet id in tubis seu siphonibus recurvis atque inversis, in quibus scilicet ambo crura sursum erecta sunt: sive enim crura æqualia sint, sive in æqualia, quoad longitudinē seu capacitatē; si alterutri aqua infunditur, descendit ea per id crus, & per alterū ascendit, nec cessat unquā ascēsus, donec suprema aquæ superficies in utroq; crure sit quoad sensum in æquilibrio, hoc est, in eadem recta linea horizonti parallela, quamvis Mathematicè

Aqua ascendit tantum, quantum descendit.

Vasa conjugata seu concordia.

Aqua cur ascendit tantum, quantum descendit.

loquendo, non recta, sed curva, & centro Mundi concentrica linea utraque superficies terminetur. Vide quæ diximus in *Mechanica* part. I. *Protheoria* 4. cap. 2. proposit. 2. Idem contingit in vasis conjugatis, quæ vasa concordia aliqui appellant, & nihil aliud sunt quàm duo vasa internè per tubum communicantia; siue enim ea æqualia sint, siue inæqualia quoad altitudinem & amplitudinem; aqua tamen alterutri infusa, communicatur alteri per tubum jungentem, nec quiescit descendere hinc, & inde ascendere, donec superficies aquæ ascendentis respondeat ad libellam superficiem aquæ descendentis. Ex quibus constat, rationem hujus rei, quòd nimirum ascensus aquæ in his & similibus casibus æqualis fiat descensui, non esse petendam ab æquipondio seu ab æquilibrio in hoc sensu, quòd aqua in uno vase seu crure tantum ponderet, quantum in altero (hoc enim manifestè falsum est in siphonibus & vasis conjugatis in æqualium crurium & vasorum quoad capacitatem) sed ex eo, quòd omnis aquæ continua superficies superna spherica est, & spheræ terræque concentrica; & hoc ideo, quia gravis ac fluida est aqua, ideoque ratione gravitatis suæ tendit ad loca decliviora, & centro Mundi viciniora: & si liberè potest fluere, ratione fluiditatis suæ ad decliviora loca tendit; quod tamen non fieret, si in uno crure aut vase altior maneret quàm in altero, ut consideranti patet.

Ex hac aquæ proprietate collegimus loco citato *Mechanicæ*, qua ratione aquam fontanam è vertice montis per dorsum ac vallem descendentem elevare possimus usque ad verticem alterius oppositi montis, modò hic mons non sit, altior priore. Item quomodo ex latere unius montis derivare possimus aquam per vallem, ad latus alterius montis, dummodò terminus ad quem non sit altior quàm terminus à quo. Præterea qui cognosci queat, quātus sit liquor residuus intra dolium, foramine superiore clauso manente. Demum qua ratione implere possimus dolium per foramen infra factum. Lege ibidem dicta, nos ad finem hujus materiæ properamus.

CAPUT TERTIUM.

De variis Fontibus ac Machinis lapsu aquæ naturali institutis, obiter indicatis.

PRÆter Machinas plurimas in Mechanica nostra part. 1. class. 2. cap. 4. & alibi passim allatas, quæ lapsu naturali aquæ fiunt, multas alias hîc adducere possem quas ibi omisi; sed ut tempore & sumptibus parcam (explicari enim pro dignitate sine multa schematum supellecile non possunt) aliquas solum indico, apud alios legendas.

Tympanum, seu Aquarium Automatum Marii Bettini, & Francisci Eschinardi.

P. Marius Bettinus è Societate JESU in fine Tom. 2. Aerarii Mathematici describit fusillimè simul ac clarissimè Horologium hydraulicum, quod à parte ejus præcipua Tympanum appellat.

In eo, ut ipse ait: sublati operosissimis tot rotarum denticularum compactionibus & implexionibus, sine ullis rotis, præsertim ferreis, aut aliter æreis, solâ aquâ inclusâ solida ac tenuis lamina tympano, & adducto equipondio, horæ ostenduntur, atque etiam pulsantur, mirificâ quidem, atque ingeniosissimâ, simplicissimâ tamen arte. Addit, Strepitu etiam carere, nec ærugini, ut rotata horologia, expositam esse Machinam, nec majori curâ egere quàm automata rotata & dentata, facillè parari ac reparari: præter multa alia, quæ in ejus commendationem enarrat. Auctor tamen Machinæ non est Bettinus, nec, ut ipsemet fatetur, nupera est ejus inventio. Nam præter unam quam Bononiæ in cubiculo suo habebat, vidit alicubi alias, quæ adeo antiquita-

Tympanum
aquarium
automatum
Bettini.

*Fusus explicatum
ab Eschinardo.*

tem olebant, ut colores usu quasi penitus oblitterati circa eos vix apparent. Eodem tamen tempore quo Aerarium Bononiæ typis mandabatur, Romæ P. *Franciscus Eschinardus* ex eadem societate J E S U de eadem Machina multa conscripserat, typis proximè mandanda, quæ ipse non sine diuturno labore atque experientia commentuserat, etiam per artifices facienda curaverat. Quæ nè interciderent, cum eodem Bettiniano Tympano iterum separatim paucis foliis recuso edidit. In iis explicat nonnulla à se observata, & Machinæ usum longè universaliorem, ac utiliorem facit, mirificeque ejus utilitatem commendat. Eadem mihi Romæ ore tenus explicavit. Sed ut quod sentio, edicam liberè, machina nec tam simplex est, nec tam facilè parabilis, nec tam utilis; ut ab his duobus Auctoribus prædicatur. Est in super valde incerta, quia multis vitiis obnoxia, cum ligna vix exiguo tempore permaneant in eodem statu, sed cum tempore nunc atrescant nimium, nunc nimium intumescant. Testis experientia est, quam duo viri docti, & in Mechanicis peritissimi Romæ fecerunt, quorum unus cum Machinam non paucis hebdomatibus in cubiculo asservatam concinnasset, & nunquam ad stabilem & æquabilem cursum reducere potuisset, alteri desperabundus tradidit; qui cum non minus laboris in ea concinnanda ac derigenda, sed frustra impendisset, ut in utilem planè abiecit.

Hydraulicum Horologium Nicolai Foresti.

*Horologium
Hydraulicum
cum Foresti.*

Nicolaus Foresti in Florilegio Mathematico tract: 7. sect: 11, aliud dat, & quidem facillimum, Hydraulicum Horologium, tale nimirum quale descripsimus nos in Mechanica Part. 2. Classe 1. cap. 4. Machina 13. & appellavimus *Hydraulicum Horolabium*, *facillimum*; nisi quòd addat Campanulam cum malleo. Vide ipsum,

Vasa floribus immittendis perforata.

Solent in Italia, Romæ præsertim, ubi hortorum ac florum cultura viget vel maximè, hortenses messorum seu hortulani, flores, dum maturuerunt, decerptos artificiosè componere in fasciculos, ac floreas strues varias, varièque effigiatas eâ solertiâ, quam eleganter perscribit *P. Ioannes Baptista Ferrarius* è Societate *J. E. S. U.*, lib. 4. Floræ, seu florum culturæ, cap. 1. Hujusmodi moles operosâs ac peramænas, nè citra copiosi assiduique humoris opem facîle atrescant, & mox elanguescens atque dilabidæ floræ pulchritudinis ruinosa sepulcra, & brevîa Mausolea fiant, sed ubivis locatæ, aquam petent, ac diutius durent; novo artificio & opportunam, & lepidam excogitavit Machinam *P. Horatius Grassus* ex eadem Societate nostra Mathematicus insignis, & ad huc, dum Romæ essem, in vivis, at nunc vitâ defunctus. Quo quidem invento in quamcunque figuram possunt vasa deformari ad aquam floreis struibus suppeditandam, quæ toto licet corpore perforato sint, nulla tamen ex parte aquam effundant. Machinam & schemate & verbis elegantissimè expressam vide apud Ferrarium loc. cit.

Vasa floribus immittendis perforata.

Machina Hydraulico Catoptrica.

Construe è speculis planis theatrum catoptricum eâ arte, quam tradidimus *I Parte* hujus operis lib. 6. part. 2. cap. 2. Proposit. 9. aut 10. aut 11. In medio fonticulum aliquem ex iis, quos in *Mechanica* descripsimus, statue; & videbis in speculis densissimam quasi fontium salientium sylvam. Ingeniosus artifex variè & eleganter combinare poterit multas alias hydraulicas Machinas cum catoptriciis.

Machina Hydraulico catoptrica.

Varia alia Machina.

*Machina
Hydrauli-
ca variis.*

Eodem aquæ naturalis lapsu machinula fieri potest, aquæ plurimos rubei & albi vivi radios variè inter sese permixtos diffundat circumquaque in orbem, si nimirum è duobus vasis duo vini genera continentibus deriventur ac demittantur tubi, qui inferiùs sibi invicem implexi crebris perforentur oculis ac tubulis. Res est facilis, & pro artificis ingenio variè disponi potest. Hâc arte rota in Moguntini Archiepiscopi Insignibus concinnari posset, ut vinum rubrum ex unis, album ex aliis rotæ radiis exprimeretur.

Posset item eâ arte repræsentari Melchisedech panem & vinum offerens altissimo, ob victoriam Abrahami. Item Sanctus Joannes Eleemosynarius, potum præbens pauperibus.

Fontes Salvatoris passim ita exhibentur, Crucifixi nimirum imago fundens è quinque vulneribus sanguinem. Omitto alia. Quæ ad Machinas ut attra-

ctiva & expulsiva institutas pertinent,
in sequenti libro examina-
buntur.





LIBER SEPTIMVS

DE MAGIA AËROTECHNICA,

SIVE

De rarioribus atque mirabilioribus artificiis ac machinis hydro-pneumaticis, aliisque effectibus aëris seu spiritus ope exhibendis.

P R O O E M I U M.

Aërotechnicam, seu magis, Pneumaticam Magiam hoc loco illam appellamus ^{Aërotechnica Magia.} Artem, quâ aëris seu spiritus opes tales producuntur effectus per varias & artificiosè constructas machinas, quas non vulgus tantum & omni doctrinâ destitutum hominum genus, sed summi etiam Philosophi demirantur, dum causâ ignorant. Et certè vix ullâ in re major ^{Ejus Excellentia.} Natura majestas, major Artis elucet pompa, quàm in Pneumaticis Experimentis; ut non immeritò Magnum, si

Bbbb huma-

humanousui utilia, si admiranda, si aeternitati consecranda cum nominis fama immortalis, vestigare, ac in lucem prodere querit, his insistere, hæc speculari, ac reipsâ exhibere oporteat, ut in Pneumaticis suis Porta notavit. Hæc ipsa Etesibio Alexandrino, qui, ut apud Vitruvium legimus, multas Pneumaticas rationes adinvenit; hæc Heroni, qui & sua, & aliorum inventa litteris consignavit; hæc Portæ, qui tres Pneumaticorum libros, & Magie Naturalis decimum nonum de Pneumaticis Experimentis scripsit, tantam apud Posterios laudem peperere. Similia non pauca inseruit Partii tertiæ Speciminum Philosophiæ Cartesianæ Daniel Lipstorpius, ubi de aëre, eiusque usu in Mechanicis agit; maiorem apud doctos gratiam initurus, si rerum schemata apposuisset. Cum igitur tam mirabilia sint, quam jucunda, utilia, penè necessaria, pneumatica seu aërotechnica artificia atque inventa; nemini mirum videri debet, tametsi de iis nec breviter, nec negliger, in Mechanica nostra hydraulico-pneumatica scripserimus, si hic iterum de iisdem agamus. Quod eò facio libentius, quoniam post editum librum inveni longè aliam aliquos assignare causam earum Machinarum, quibus per Attactivam vim aquas attolli, ad vacuum vel fugiendum ex propria,

vel

vel ad replendum ex aliena sententia, dixi; quorum proinde opinionem hoc loco examinare non erit ab instituto alienum.

SYNTAGMA PRIMUM

De Machinis & Experimentis pneumaticis, quæ Vi Attractivâ, ad vacuum fugiendum, instituuntur.

Primum è quatuor hydraulico-pneumaticarum machinarum principis seu fundamentis, quæ in Proœmio Partis primæ Mechanicæ ad numerandum, est vis attractiva, ad vacuum vel fugiendum, ut nos loquimur, vel replendum, ut Hero Alexandrinus cum antiquis nonnullis Philosophatur; quâ Vi Aqua, Elementum alioquin grave, & motui sursum repugnans, in altum tamen attollitur tantâ celeritate, ut sponte suâ ascendere velut tripudiabunda videatur. Principium ipsum fusiùs explicavimus Par. I. dicti Operis, Protheoria I, ubi etiam experimenta ejus rei adduximus; Machinas verò quàm plurimas, in quibus vis eadem attractiva ob metum vacui, ut communiter docti loquuntur, elucet, tradidimus Parte 2. Classe 1. cap. 1. & alibi passim. Quæ nè actum agamus, hîc repetere nolumus, nisi si quid circa non nullas peculiariter notandum occurrerit. Nova ergo non nulla in medium proferemus, simulque discutiemus, num aliter

Machina
quæ vi at-
tractivâ
instituun-
tur.

quàm nos explicavimus, dictarum ac similium machinarum causa ac fundamentum explicari queat. Quod ut fiat clariùs ac faciliùs, præmittendæ breviter sunt rationes, quibus moti Peripatetici tam constanter asserunt, vacuum tam esse Naturæ contrarium & noxium, nullis ut humanis viribus induci in Mundum queat.

CAPUT PRIMUM.

Experimenta ex quibus vacui impossibilitatem deducunt Peripatetici, & vim Attractivam metu vacui stabiliunt.

Experimenta varia, ad vacui impossibilitatem demonstrandam.

Vacuum Peripatetici vocant absentiam omnis corporis, aut æquivalentis corpori, à loco. Juxta hanc definitionem, si ab aliquo vase, conclavi, & loco quocunque, abesset omnis aër, & omne aliud corpus, & quidquid corpori æquivaleret seu vice corporis defungitur (cujusmodi sunt accidentia Eucharistiæ, quæ quia impenetrabilia sunt, in occupando loco corporis munere defunguntur; & esset Angelus, si in aliquo loco v. g. quem occuparet, sese impenetrabilem redderet.) revera diceretur in eo esse vacuum juxta Peripateticos. Contra hæc si obiiciatur; ergo vacuum esset in loco, quia ambiretur à loco, id est, à superficie corporis ambientis; negant sequelam: Nam esse in loco (ajunt,) non modò dicit superficiem realem corporis ambientis, verùm etiam aliquid reale quod ambiatur. Si iterum obiiciatur; ergo esset locus sine locato, quia intra superficiem ambientem nihil esset; iterum negant consequentiam; quia locus Aristotelicus (ajunt,) non dicit tantùm superficiem, sed etiam ambientem; in casu autem posito esset quidem ultima super-

superficies corporis, sed non esset ambiens; quia nihil ambiret.
Sed hæc Philoſophis relinquamus.

EXPERIMENTA.

EXperimenta, ex quibus arguunt Philoſophi oſores vacui, Naturam id abhorrere, & viribus humanis, imò & Angelicis fieri non poſſe, ſunt illa, quæ attulimus in Mechanica Par: 1. Protheoria 1. §. 3. aliaque ſimilia; nempe.

I. Si cavæ fiſtulæ, utrimque perviæ, altera extremitas in aquam demergatur, alteri oſ applicetur, & exſugatur aër interior; aërem exſuctum ſequitur aqua, & contra gravitatis leges ſuſum per fiſtulam aſcendit. Similiter ſi recurvi ſiphonis crus unum vaſi vinariò per foramen ſuperius immergas, ut vinum ingrediatur, & per alterum exſugas aërem; ſequitur extracto aëre vinum. Si fiſtulæ cavitas embolo repleta eſt, & ut antea extremitas una aquæ immergatur, ex altera embolus extrahatur; ſimul cum embolo aſcendit per cavitatem aqua, & quivis alius liquor cui immergitur fiſtula.

Experimentum primum, fiſtularum.

II. Folles contracti, obſtructo foramine fiſtulæ, & oſtio lateralitè ſeu platiſmatitè, diduci & explicari non poſſunt; etiam magnâ vi adhibitâ; quæ ſi plùs æquò augeatur, ipſi folles diſrumpuntur.

Secundum, Follium.

III. Duæ tabulæ perfectè planæ, & ſibi invicem impoſitæ, nullâ vi divelli poſſunt, ſi ex medio æqualiter trahantur: & ſi ſuperior anſâ in medio extante apprehendatur, & elevetur; ſequitur & interior, nullo licet glutino aut clavo affixa. Sic etiam pileus ex loco plano elevari non poſteſt, ſi limbus plano perfectè undequaque adhæret, & pileus perpendicularitè trahitur.

Tertium, tabularum planarum.

IV. Embolus ex fiſtula ſcolopetaria, occluſo probè foramine ignitio, non niſi magnâ vi tantulùm educitur, & poſtea nullâ vi ulterius educi poſteſt; ceſſante autem vi extrahen-

Quartum, ſcoloporum.

hente, relabitur cum impetu intra fistulam.

*Quintum,
scyphorum.*

V. Si scyphus vitreus (aut quodcunque aliud vas, & cujuscunque materiæ) aquæ immergatur, seu aquâ, seu aëre plenus, & intra eam invertatur, in versoque situ extrahatur ex parte supra supremam aquæ superficiem; sequitur simul aqua, & hæret suspensa intra scyphi cavitatem, elevata supra reliquæ aquæ superficiem supremam.

Sextum, cucurbitularum.

VI. Cucurbitulæ, si prius ardenti cereo cavitas earum admoveatur, & rarefacto aëre carni leviter à chirurgo fauciatæ imponantur, ita ut nullus aër de novo subintrare ex ulla parte queat, frigefacto paulatim aëre, & ad pristinam densitatem suam redeunte, & consequenter minus spatium intra cucurbitulas occupante, cutem cum carne sursum trahunt, & sanguinem eliciunt.

*Sepimus
vasi irvi-
gatorii.*

VII. Si vas fiat ex vitro, argilla, ferreis lamellis, aliâ vè materiâ qualibet, & fundus minutis foraminulis instar cribri perforetur, superior verò pars in collum gracile desinat, & aquâ vas repleatur, orificiumque pollice appresso claudatur, & perpendiculariter erectum teneatur; nihil effluit aquæ: amoto autem pollice incipit fluere, & ad inoto iterum desinit. Tale vas descripsimus in *Mechanica Par: 2. Classe 1. cap: 6. Machinâ 2.* & appellavimus *Cribrum Vestatum*. Similiter si dolii vinarii spiraculum superius claudas, & epistomium inferius aperias; nihil vini effluit. Si rectum aut tortuosum siphunculum, è vitro, stanno, aliâ vè quacunque materia factum, aperto dolii vino pleni superiore spiraculo, & vino immergas usque dum repleatur; tum superius orificium pollice appresso claudas, & extrahas; nihil effluit, nisi remoto pollice aëri superius ingredienti viam facias.

*Octavum,
Æolophilum.*

VIII. Si phalam cupream angustissimi osculi, qualem descripsimus loco cit: cap: 3. *Machina 6.* & *Pilam Æoleam* seu *æoloxilam* vocavimus, ad ignem calefacias, ut rarefactus aër ex parte exspiret, ac deinde aquæ frigidæ immergas,

gas, ut residuum aëris condensetur, & ad minus spatium se contrahat; attrahitur per osculum aqua, quæ alioquin non ingrederetur, etiam phialâ aquæ immerâ.

IX. Huc pertinent omnes Machinæ quas in Mechanica nostra descripsimus par: 2. classe 1. cap: 1. uti & Thermoscopium cap: 3. Machina 3, & Lucerna Grünbergeriana cap: 5. Machina 5. (quam alii Theodosii lucernam vocant,) & multæ aliæ sparsim toto illo Opere expositæ.

Nonnum, variarum machinarum hydro-pneumaticarum.

Ex his, aliisque similibus experimentis, quæ certissima sunt, & millies exhibita, possuntque à quolibet quotidie fieri, deducunt Peripatetici cum Aristotele, Naturam fugere vacuum. Ideo enim exsucto aëre ex fistula, & siphone recurvo, & educto embolo ex eadem, sequitur aqua, nè fistula & siphon remaneant vacui. Eadem de causâ folles compressi non possunt explicari, obstructo ore, & platismatio, quia aër non potest ingredi ad replendam follium inanitatem, & impediendum vacuum.

Vacuum Natura fugit.

Ideo duæ tabulæ planæ non possunt divelli, si ex medio trahantur æqualiter in contrarias partes per eandem rectam viam, quia si divellerentur, una tota simul recederet ab alia, & aër non posset occupare totum spatium inter utrumque medium simul, & impedire vacuum; nam spatium illud divisibile est, & aër non potest illud replere nisi ex latere per motum localem accedendo; qui tamen motus localis non potest fieri nisi per partes & successivè. Idem vacui metus in aliis etiam allatis Experimentis elucet, ut consideranti patet, & explicatum à nobis est citatis ex Mechanica locis.

Finis porrò propter quem, seu causa cur fugiat Natura vacuum, est, ut omnes universi partes sint unitæ, id est, vel continuæ, ut cælestes influxus per medium diffundi possint; qui cum per lineas rectas diffundantur, & in vacuo recipi non possint, non pervenirent ad corpus infra vacuum collocatum.

Causa huius rei.

Modus ejusdem rei.

Quo autem modo, quâ operâ, quo medio Natura vacuum fugiat, explicavimus in Mechanica Part I. Protheoria I. §. 4. nempe efficiendo ut ad recessum unius corporis è loco suo succedat aliud; vel ut aliud quoddam corpus, aut pars recedentis corporis, rarefcat ac dilatetur, & locum impleat quem totum antea corpus implebat; vel denique rumpendo vas è quo corpus violenter extrahitur, ut aliud possit succedere.

C O R O L L A R I A.

Vacuum non potest dari naturaliter.

Colligitur ex dictis I. *Non posse naturaliter induci vacuum in Mundum à potentia corporea.* Nam vacuum induci non potest, nisi corpus è loco educatur, in quem nullum aliud corpus succedat; sed hoc fieri à potentia corporea non potest, quia semper vel trahitur aliud corpus à corpore recedente, ut aqua ab embolo; vel rarefcat ac dilatatur aliquid, ut aër in educatione aliquali emboli è fistula sclopetaria, & in aliquali diductione follium; vel denique vasa rumpuntur, si major vis adhibeatur quàm sustineri queat à corpore rarefcente.

Ne quidem ab Angelo.

Colligitur II. *Neque angelum posse ita inducere vacuum, ut sit absentia tum omnis corporis, tum alterius cujuspiam rei impenetrabilis, si spectetur potentia pro ut subest providentiæ DEI ordinariæ, quâ Mundum ille gubernat, ejusque incolumitati prospicit: nam vacuum est toti Naturæ inimicum, & magnam perturbationem in Mundo causaret, quod ut fiat, divina providentia ordinata non permittit. Si autem spectetur potentia Angeli secundum se præcisè, probabile est eum posse inducere vacuum, quia non video, cur educendo corpus è loco non possit impedire successionem alterius.*

Colligitur III. *Fugam seu Metum vacui dici tantum metaphoricè de Natura*: neque enim propriè Natura fugit, aut timet vacuum. Est autem fuga, vel metus vacui in actu primo, vis illa, quâ Natura pollet ut vacuo resistere possit; quæ quidem vis non est activa, sed merè & purè resistens: in actu verò secundo est id, quo Natura actu resistit vacuo, vel impedit vacuum, ut sunt attractio, dilatatio; disruptio, & similia.

Colligitur IV. *Naturam resistendo vacuo pati aliquam violentiam*: dum nimirum gravia sursum trahuntur, dum corpora franguntur, dilatantur, separantur, resoluuntur, quorum nihil sine violentia extrinsecus illata contingit. Possunt autem ad quatuor capita reduci. quæcunque sustinet & patitur Natura vacuo resistens, ut bene notavit P. Honoratus Fabrii in Appendice de vacuo Proposit: 31. Primò, corpus non unitum formaliter attrahitur, adducitur, exsurgitur, elevatur; secundò, corpus grave sursum libratur, v.g. aqua superior aëre: Tertio, corpus dilatatur, majoremque, quàm exigat, extensionem acquirit: Quarto, frangitur vas ex quo vis externa corpus educere tentat, quod in eo continetur, ut vacuum inducat. Porrò aliquando unum tantum istorum sustinet Natura, aliquando duo tria, cuncta, ut notavit idem, & nos etiam in Mechanica Par: I. Protheor. 1. §. 4. Unum horum tamen aliquando cedit alteri: prius enim corpus attrahitur, elevatur, libratur, quàm dilatetur; & prius dilatatur, quàm frangatur. Hinc si magis resistat corpus tensioni, vel dilatationi, quàm elevationi; elevatur, sursumque libratur, sed non dilatatur: si verò major sit vis gravitationis, quàm resistentia, quâ dilatarî fugit; dilatatur. Nempe, ut Fabrii ait, resistentiæ vires comparari possunt cum viribus adversariis: nam illæ aliquando majores sunt, aliquando æquales, aliquando minores. V. G. sit fistula aquæ plena, obstructo foramine supremo, in situ verticali; si aquæ pondus est modicum, eò quòd modica sit altitudo

Vacui fuga seu motus metaphoricè dicitur de Natura.

Vacuo resistendo Natura patitur violentiam.

Vacuum quatuor modis fugit Natura.

Nec semper eodem modo.

fistulæ; aqua librata in cavitate fistulæ deorsum non descendit, quia major est resistentiæ vis, quâ dilatationi resistit, quàm gravitatio quâ deorsum tendit; si verò fistula est valde alta, & vis gravitationis est maxima; aqua subsidit, ac deorsum labitur, unde sequitur dilatatio aliqua. Est igitur in aqua fistulæ aliqua gravitationis mensura ratione altitudinis fistulæ, infra quam resistentia prædicta superat gravitationis vires, & supra quam ab iisdem superatur. Omnis vis resistentiæ, quâ Natura impedit vacuum, resistit potentiæ motrici, vel intrinsicè, vel extrinsicè; primò nè corpus moveatur; secundò nè sursum attollatur, vel libretur; tertio nè dilatetur; quarto nè frangatur.

CONCLUSIO.

Rectè dicitur, Vim Attractivam metu vacui esse principium Machinarum Hydro-pneumaticarum.

SI enim vacui metu seu fugâ sursum elevantur alia corpora gravia, ut vidimus; etiam aqua elevari potest eadem de causâ: & ita de facto contingit in omnibus Machinis & Experimentis à nobis in Mechanica allatis, in quibus diximus aquam elevari metu vacui.



CAPUT SECUNDUM

Proponitur & examinatur aliorum sententia de principio effectivo & impeditivo eorum motuum, qui vulgò dicuntur fieri vel impediri à Natura formidante vacuum.

Quidam recentiores, inter quos est Arriaga, Emanuel Magnan, Daniel Lipstorpium cum suo Cartesio, & alii, longè aliter explicant motus illos gravium corporum, adeoque & aquæ, sursum, quos Peripatetici metu vacui evenire dicunt, ut vidimus. Omnium fusillimè, & magis methodicè rem tractat ex fundamentis, ut putat, Emanuel Magnan cap: 20. Philosophiæ Naturæ per totum; ubi ut suam mentem declaret, ac opinionem suam demonstrat, sequentes format Propositiones; quas breviter examinare lubet.

PROPOSITIONES VARIE EMANUELIS MAGNANI EXAMINAN-

TUR.

I. *Quatenus gravia proprio natura impetu affectant, & pro viribus nituntur ad commune centrum gravium se sistere; eatenus quoque affectant & nituntur implere locum omnem intra gravium spheram. Verum est hoc, quia hoc ipso quòd nituntur ad centrum, nituntur etiam occupare locum sibi æqualem in centro, aut circa centrum; & eò ipso quòd deferuntur ad centrum, locum aliquem occupant. At ex hoc inferri non potest, gravia non occupare & implere locum in Universo, nisi quando & quia feruntur ad centrum; nam aqua & alia*

*Emanuelis
Magnani
propositiones
varie, &
falsæ.*

alia gravia dum ascendunt in Experimentis supra allatis, non tendunt ad centrum, & tamen locum occupant. Non est ergo ad rem prima Propositio.

II. *Dum gravia communi consensu nituntur ad centrum quàm proximè possunt accedere, & eatenus implere loca omnia quæ circa illud sunt intra propriam spheram; non propter locorum plenitudinem affectant centrum, sed è contra: vel potius plenitudinem non nisi ex obliquo, centrum directè amant, & propriè solum amant.* Non probat aliter, nisi quòd sicut vacuum in ratione vacui non est malum Naturæ, ita nec plenitudo universi in ratione plenitudinis est bonum Naturæ; ex quo concludit, eam non per se & directè intendi in motu gravium ad centrum. Sed falsum est antecedens, & illatio illegitima. Deinde dum ascendunt supra levia, ut locum repleant, non tendunt ad centrum, & tamen moventur ut locum impleant, atque adeo amore plenitudinis, non amore centri.

III. *Id quod in Natura vulgus vocat metum vacui, sapiens vocet metum absentie à centro propriae gravitatis, aut potius amorem ac studium adherendi centro, vel certe accedendi ad illud quàm proximè licet.* Falsò vocari metum vacui metum absentie à centro, patet ex Corollario III. capitis præcedentis; & ex eo, quòd dum gravia moventur sursum ad vacuum impediendum, aut inanitatem replendam, non id fit metu absentie à centro propriae gravitatis, seu amore adhærendi illi, quia ab eo recedunt.

IV. *Motus omnes quicumque in gravibus vulgò dicuntur fieri vel impediri à Natura formidante vacuum, phrasi meliori, quæ nimirum sit philosophica, dicuntur fieri vel impediri à Natura amante & quærente centrum commune gravitatis.* Cur ergo gravia ascendunt, & à centro recedunt, quando imminet periculum inanitatis? Cur eadem gravia in sublimi librantur, & non descendunt versus proprium centrum infra levia, ut dum aqua hæret suspensa in fistula, vase cribrato &c.?

V. *Ad vacuum arcendum è tota gravium sphaera, quantum inde naturaliter solet arceri, sufficit eorundem gravitas. At nunquid principium impeditivum vacui est illud idem, quod attrahit & detinet gravia supra levia? Hoc autem non est gravitas corporum attractorum & suspenforum.*

VI. *Frustra præter gravitatem queritur aliud motus effectivum aut impeditivum principium ad arcendum vacuum è tota non modo gravium, sed etiam universi Mundi sphaera, quantum inde naturaliter solet arceri. Imò necessariò aliud queri & admitti debet, quia gravitas non juvat, sed impedit potius motum ad vacuum impediendum.*

Vides, Lector, quàm aloga & falsa proferat hic Auctor, & non solum rationi, sed sensui etiam contraria, & tamen, ac si totam diremisset controversiam, & communem evertisset sententiam, ex jactis hisce fundamentis nititur explicare aliter, ac alii, Experimentorum supra relatorum, aliorumque nonnullorum, phaenomena, & dispellere quidquid apparentis (sic loquitur) rationis ex iis Peripatetici infæno-rem sui metus afferunt. Hoc ut faciat, proponit sequens.

EXPERIMENTUM AQUÆ ET MERCURII IN UNO, ET DUPLICI TUBO.

S I duo gravida fluida non commissibilia, & inaequalem habentia gravitatem in specie, ut sunt aqua & mercurius, mittas unum Vide Fig. III. Ico-
hinc, & alterum inde, in duo crura siphonis erecti, ac libere utrimque nismi.
aperti ABC; illa quidem initio, dum certatim nitentur ad gravium XIX.
commune centrum accedere, pellect sese ac repellent alternis vibra- Experimentum aque & mercurii in uno tubo.
tiunculis paulatim minuendis, donec tandem conquiescant: Sed ni-
mirum ita quiescent, ut suprema superficies gravioris minùs à gravi-
um cætro distet, quàm suprema alterius, pro ratione inaequalitatis in-
ter gravitates: videbis namque mercurium in crure CB pressum
ab aqua FD, recedere in crure BA, in eoque attolli supra horizontem

GD usque in E; ita ut superficies ejus in D sit vicinior centro gravium, quàm sit in E: ac præterea suprema superficies ejusdem in E sit vicinior eidem centro, quàm sit aquæ suprema superficies in F. Et id quidem patet experientiâ: ejus autem causa evidenter non est alia, quàm libramenti vis & necessitas, quod nimirum sit equalis virtus, & momentum æquale gravitatis composita ex aqua FD, & mercurio DB, in crure CB; & gravitatis solius mercurii BE, in crure AB.

Vide Fig:
IV. Iconi-
simi
XIX.
Item in du-
plici tubo.

Eâdem ratione si fuerint duo tubi, AB externus, latior, inferius clausus, desuper apertus, & ID internus, gracilior, apertus utroque ore: mittaturque mercurius in externum usque ad signum v.g. EF: perspicuum est, fore ut non solum in externo tubo, sed etiam in interno, dictum altitudinis signum obtineat mercurius; quandoquidem ex illo in istum ingressus per infernum os, ut dixi, apertum, ascendet statim ad eundem dicti signi horizontem. At verò si aquam desuper in exteriorem tubum fundas, quæ v.g. tres occupet in eo palmos altitudinis ab EF usque in AL; deprehendes, in externo quidem tubo mercurium descendisse aliquantulum, v.g. usque ad signum GH, sed è contra ascendisse in externo usque v.g. in C, nempe ad tertium fere tantum digitum supra priorem communem horizontem EF, ita ut jam interioris tubuli mercurius maneat elevatus totâ eâ altitudine, quæ est inter GH, & C, trium, ut dixi, digitorum, ubi trium palmorum est aquæ altitudo GH. Idem porro cum proportionem eveniet, si loco mercurii ponas aquam, & aquæ loco infundas oleum, vel si quosvis alios duos liquores adhibeas, dum modo non commiscibiles, & in æqualem habentes gravitatem inspec-
tæ.

Eorum cau-
sa ecc. Ma-
gari sen-
tentia.

Hujus Experimenti atque effectus causam ait Magnus esse pondus aquæ incumbentis, & mercurium in externo tubo AB prementis ab EF usque in GH; hoc ipso enim extrusus aliquantulum ab externo tubo mercurius, in interiori subit, atque in eo ascendit, donec in C fiat æqualitas secundùm libramentum interni mercurii IC cum externo GBH, & simul cum aqua HL. Ab aqua igitur mercurius inte-

interior supra GH usque in C elevatus tenetur, & non à solo externo mercurio: neque potest recuri ad metum vacui, cum tubi sint supra aperti, & aërem liberè admittant.

Hæc, & multa alia in eam rem, congerit Magnan ibidem, & addit, similem effectum secuturum, si loco mercurii ponatur aqua, & loco aquæ oleum, aut, aër, qui & ipse gravis est; dummodò adhibeantur cautelæ quas præscribit. Ex quibus deducit, mercurium in primo, & aquam in secundo casu ascendere intra tubum internum ID, non metu vacui, sed pondere aquæ aut aëris tubi externi. Sed hæc non sunt ad rem de qua agitur, sed solum serviunt ad explicandum effectum antliæ suæ quàm paulò post describemus ex ipso: nemo enim unquam dixit, prædictos effectus evenire metu vacui; nisi quando exfugitur aër ex tubo interno ID: tunc enim ascendit altius mercurius aut aqua intra dictum tubulum, quàm antea vi aquæ prementis ascenderat: non vi aquæ prementis, quæ nunc major non est quàm antea: ergo metu vacui, ejus periculum imminet aëre expulso.

Quæ tamen non est vel rem.

CAPUT TERTIUM.

An aqua per antliam tractoriam elevetur vi prementis aëris, an metus vacui.

EX præmisso Experimento conatur Magnan loc. cit: Proposit. 8, assignare causam elevationis aquæ per antliam, atque eam non esse metum vacui, sed gravitatem aëris incumbentis aquæ antliam circumstantis. In hunc autem discurret modum.

Vide Fig.

V. Ico-
nismi

XIX.

*Antlia tra-
horis Mag-
nani.*

Esto puteus AB 30, si vis, cubitorum altitudinis, in quo aqua sit alta 20 cubitos v.g. usque in O, & puteus aliunde non recipiat aliam aquam. In eo disponatur antlia, cujus tubus sit CD, ab imo putei ad marginem superiorem continuus, cylindricus, bene compactus, plumbeus aut ligneus. Adhibeatur etiam ferrea virga superius in E connexa idoneæ potentia, ut assolet, ac deorsum intra tubum dependens ad 20 ferè cubitos à putei fundo B, seu ab infimo tubi ore D: & ad extremitatem inferiorem virgæ hujus copuletur, ut assolet, assarium I, & assario animula, ut vocant, sive lingula, desuper coapretur, aperibilis quidem cum inducetur assarium intra tubum, optimè verò claudenda cum educetur; ut videlicet possit aqua subingredi intruso assario, & eodem sursum reducto attolli. Uult autem struem hanc animulæ & assarii poni in Tali quantulum sub O, nempe sub aquæ putealis superficie; quamvis bene noverit, construi sæpe antlias, quibus in imo sit assarium, v.g. inter F & D; & alias quibus altius, v.g. in P prope os putei, sed nunc ad futurum discursum optat, ut aqua in puteo sit sex v.g. digitis altior, quam sit assarium in tubo.

His positis, ait manifestum esse, aquam in puteo & in tubo ex vi naturalis libramenti habere unum communem horizontem, ab ejus liberum per aperibilem animulam subingressum; ideoque id aquæ quod supra animulam est, sex digitis altius esse ipsa animulâ; & illud idem aquæ attolli posse ad alios sex digitos ab I v.g. in Q, si tantundem attollatur assarium, quod ita factum esse supponitur, ut nihil aquæ possit ejus defectu elabi. Si iterum demittas assarium, alia mox aqua subingreditur, quæ juncta priori elevata efficiet cum ea in tubo supra assarium altitudinem aquæ duodecim digitorum, quando quidem aqua antea elata intra tubum, non relabitur, dum assarium demittitur, & aperitur animula ad aliam captandam, quia assarium subito ruit, & repentino suo lapsu facit ut aqua inferior quasi occupata atque intercepta, non habeat

habeat otium recedendi atque evadendi per inferius ostium D, sed hæreat, & elatâ iterum animulâ jungatur superiori, & tota simul sustineatur ab animulâ, suo & aquæ superincumbentis pondere clausâ; donec tandem post frequentes elationes ac depressiones assarij perveniat usque ad supremum os tubi in C, indeque effundatur. Interim tamen dum aqua intra tubum elevatur atque educitur, subsidit aqua in puteo (quandoquidem aliunde alia non subministratur, ut positum fuit,) primum usque ad N v. g. & deinde usque ad M. Quod dum fit, certum est aquam intra tubum non elevari ultra N & M, usque ad I, ubi assarium est, per libra mentum, vi solius ponderis aquæ externæ putealis; sic enim vi libramenti solius proprij esset aqua in tubo altior quàm in puteo; ascendis ergo ex vi gravitatis aëris aquæ puteali incumbentis, & pondere suo eam deprimentis, & intra tubum ad dictam altitudinem intrudentis. Addit tamen Magnanus, aquam intra tubum non posse elevari vi ponderis aëris aquæ puteali incumbentis ad quamvis altitudinem, sed solum ad certam ac determinatam, nempe ex aliquorum observatione ad altitudinem 18. solum cubitorum. Præterea requirit, ut è tubo educatur aër, alioquin aqua intra eum non elevabitur. Ex his infert, carnem etiam intra cucurbitulas medicas ascendere ac intumescere vi aëris extrinseci prementis carnem circumstantem cucurbitulas. Idem diceret contingere, quando educitur embolus è fistula aquæ inferius immersa, & sequitur aqua intra fistulam post embolum ascendens.

Hanc ait Magnanus esse germanam, & omni prosus excluso vacui metu sufficientem, imò necessariam physicam causam elevationis a quæ per antliam, & carnis per cucurbitulas medicas; & putat se id demonstrasse. Ego verò aio, hanc philosophandi rationem procedere ex præiudicio concepto contra metum vacui Peripateticorum, & minimè efficacem esse ad eum eliminandum. Nam primò aqua intra tubum non ascendit, nisi priùs educatur aër, quantum vis magna vis aëris aquæ puteali in cum bat, eamque, ut putat Magnanus, premat; quàm primùm

*Magnani
falsa sententia
effectu
antliae.*

verò educitur aër, ascendit aqua intra tubum post aërem extractum, & intra puteum subsidit aqua, & sequitur eam quæ per tubum ascendit. Si ergo quis dicat cum Peripateticis, aquam intra tubum sequi propter metum vacui, aërem extractum, & i. deo subsidere aquam putealem, quæ cum priori continuatur quomodo evincet Magnan contrarium? Dicit, quia aër premit aquam putealem, & cogit eam intra tubum ascendere. At de hoc disputatur, & negatur, donec probetur. Ait aërem aquæ puteali incumbentem, esse gravem, & actu gravitate, eamque deprimere. Sed hoc æquè facillè negatur, atque asseritur. Secundò, dato, & non concessio, quòd gravitet aër incubens aquæ puteali, is longè gravior ac ponderosior est quàm aër intra tubum interjectus inter assarium, aut embolum, & aquam subiectam; cur ergo non comprimit saltem aliquantulum aërem intra tubum, & aquam aliquantulum elevat? facillè enim comprimi potest aër. Dicit quia non potest deprimere aquam putealem, & nec consequenter elevare aquam intra tubum, eò quòd intra tubum continetur aër. Sed hoc ipsum est quod quæritur: si enim majus est pondus aë is incumbentis aquæ puteali, quàm aëris incumbentis aquæ tubi; cur majoris ponderis aër non deprimat suam aquam, & elevando alteram comprimit aliquantulum minoris ponderis aërem? Nimirum, quia falsum est, quòd aër comprimat aquam cui incumbit. Tertiò, si aër premit dorsum gestantis cucurbitulas, magis debet premere dorsum jacentis proni, quàm sedentis erecti quia major aëris quantitas incumbit dorso jacentis, quàm sedentis præsertim si in alto & angusto cōclavi sit; cur ergo caro non magis intumescit intra cucurbitulas jacentis, quàm sedentis? Quartò, si educatur aër ex tubo, ascendit aqua cæteris paribus, ad æqualem altitudinem intra eum, sive, magna & ad Lunæ concavum elevati aëris copia incumbat aquæ puteali, sive exigua, & non nisi ad rectum putei, aut domus in qua est puteus; signum ergo est, quòd non ascendat vi pressionis, sed aliâ de causâ nempe propter metum vacui. Quintò, si embolus educitur è fistula, aqua vi attrac-

Attractionis ascendit, & non vi pulsionis extrinseca: nam embolus difficulter educitur, si fistula inferius est aquæ immersa, licet alioquin facilè educatur quando est extra aquam; trahitur ergo ab embulo aqua, & non impellitur ab extrinseco, alioquin facilis deberet educi intra, quàm extra aquam, nã vis impellens aquam sursum intra tubum, impelleret etiam embolum sursum. Sexto, maxima compressio requiritur ad hoc, ut tota aqua putealis tubum circumstans depumatur ita, ut subsidat, & elevetur intra tubum; si ergo in casu nostro intervenit talis compressio, & provenit ab aëre: cur nos non sentimus talem compressionem? cur charta aut tela araneorum ori putei oppansa non rumpitur à pondere aëris prementis, cum non solum aër qui intra puteum est, sed etiam ille qui supra est, premat ut Magnanus concedit?

Omitto plurima argumenta alia, quæ contra Magnani sententiam fieri possent, & concludo, aquam intra antliam tractoriam elevato assario, intraque fistulam eductulo embolo, non elevari vi aëris prementis aquam externam, sed metu vacui. Multò minùs caro intra cucurbitulas medicas elevatur vi aëris prementis carnem, sed ob vacui metum. Confirmo hæc omnia. Si fistulæ pars inferior sit immersa va-
 si angustissimo aquâ pleno, & embolus educatur, adhuc sequitur aqua & tamen aqua circumstans non contingitur nisi à modico aëre; ergo non elevatur tunc aqua vi aëris prementis, ergo nec
 in alijs casibus.

Aqua intra antliam elevatur, non vi aëris circumstantis sed metu vacui

CAPVT QVARTVM.

An hydrargyrus intra fistulam vitream suspensus hareat metu vacui, an vi pressionis aëris circumstantis.

Experimentum hydrargyri intra tubum suspensi.

Qui de eo scripserint.

Varia de eo sententia.

HYdrargyri seu argenti vivi intra vitream fistulam ad aliquam altitudinem suspensi Experimentum, non multis ab hinc annis sive in Italia, ut ego existimo, sive alibi, ut non nemo de se scribit, repertum, & millies ab eo tempore ubivis locorum à viris eximijs repetitum, multorum ingenia excitavit & calamos, ut effectus tam mirabilis causam indagarent, & scriptis opiniones suas consignarent. Præcipui quos legi, sunt, P. Valerianus Magnus Capucinus (qui & Experimenti primum auctorem, reclamantibus alijs, se facit;) Patres è Societate IESV Athanasius Kircherus, Nicolaus Zucchius, Paulus Cosatus, Honoratus Fabrij; Patres è Minimorum Ordine Marinus Mercennus, & Emanuel Magnan; Georgius Philippus Hartorfferus Patritius Norimbergensis; Theologi Varsavientes apud Valerianum Magnum, D. De Robertuall apud eundem; David Lipstorpheus Lubecensis; Chytraeus Professor Philosophiæ Lipsiæ; ac novissimè P. Melchior Cornæus è Societate IESU in Curriculo Philosophiæ edito hoc eodem anno 1657. quo hæc scribo. Loca pleraque citavi in Mechanica Hydraulico-pneumatica Par. 2. Classet. cap. 6. Machina 6. uti idem Experimentum breviter descripsi. Hos omnes in varias video distractos sententias: alij enim parum solliciti de causa suspensi hydrargyri, vacui possibilitatem inde deducunt; alij contra ejusdem impossibilitatem inde confirmant, ajuntque vacui metu seu fugâ suspensum teneri mercurium; alij inanem atque ridiculum hunc metum existimantes, vi aëris circumprementis & æqui-
ponde-

ponderantis eundem mercurium elevari, ac elevatum teneri pronuntiant. Præter hos Auctores sunt nonnulli, nescio an Philosophi nomine digni, qui & hoc, & omnia alia Experimenta rejiciunt, & à Philosophia proscribunt, quasi scholis penitus indigna sint. At quisquæ ita sentit, Physicus non est; Physicum enim munus proprium est, effectus sensibiles & naturales, hoc est, Experimenta & quotidiana Naturæ Phænomena, ad suas causas physicas reducere. Turpe est viro in scholis & cathedris versato, ad minimum Experimentum ita hæere, ut vel illud, non sine probro rejiciat, vel non sine pudore, ejus causam occultam esse fateatur, vel eam afferat, quæ vel ipsi rei manifeste repugnat. Novi qui in Disputatione publica petitis argumentis à parallaxi; Cometarum sumpto, diceret eam esse Mathematicorum figmentum, non sine audientium offensione. Nec defuit sublimioris subfellij in Licæo Vir, qui è Mathematico quæreret, quid parallaxi nomine intelligerent Astronomi, adderetque animum sibi esse scripto libro ejus inanitatem ostendere. quo quid ineptius? Sed his omissis, quoniam de vi Attractiva Vacui metu, quod primum Hydro-pneumaticarum Machinarum principium statuimus, agimus, & eadem vi hydrargyri suspensionem in dicto Experimento fieri multorum est opinio; Experimenti historiam & varia phænomena primùm breviter referemus, deinde aliorum sententias proponemus & examinabimus, tandem nostram aperiemus mentem, & alijs examinandam subijciemus.

Experimenta omnia quidem explorant sed perperam.

§. 1. Experimenti historia, & varia Phænomena.

PRIMÒ, Accipe vas fictile, aut alius materiæ, oris ac fundi lateriusculi, ut H I (retineo sçehema Magnani, qui omnium accuratissimè rem per tractat) mercurio imple ad altitudinem quinque aut sex circiter digitorum transversorum v.g. usque ad lineam L M, mercurioque aquam superaffunde, ad totidem

Vide Fig. Ico. XIX. Experimenti hydrargyri historia.

digitorum altitudinem, aut minorem. Hoc tamen non est omnino necessarium, sed solum fit ad melius arcendum ingressum aëris intra fistulam, ut dicitur. Deinde accipe unam, duas, tres, quatuor, aut quotquot libuerit fistulas vitreas, diversæ longitudinis, capacitatis, figuræ, quarum extremitas vna vel protuberet in sphaeram concavam ut apparet in DP; vel clausa sit hermetico sigillo, hoc est, vitro liquato, aut certe (quod sufficere ajunt) vesicæ suillæ segmento optimè circumligato. Harum omnium brevissima CP debet esse ad minimum palmorum trium, & novem circiter digitorum (qualiâ in palmo vno continentur duodecim;) reliquæ verò possunt habere palmos quatuor quinque, sex, novem &c. ad placitum. Demum unam ex his fistulis, v.g. AN (quod de hoc dico, de reliquis etiam intelligi debet) cujus os A clausum, os N, apertum est, in versam imple argento vivo ad summum usq; & mox aperto ore N firmiter applica digitum indicem, & claude, nullo aëre ibi permisso; iterumq; inverte, ut os A clausum sit sursum, os verò N apertum, & digito obruratum, sit deorsum. Ita perpendiculariter erectæ fistulæ os N, digito adhuc obstructum, immerge infra aquam, & sub eum, qui in catino est, mercurium demitte usque ad fundum ZI; ac tunc amove digitum, & permitte fistulam ut ex parte quidem N fundo vasis insistat, ex alterâ verò parte consistat erecta perpendiculariter, sustentata vel manu, vel fulcro quopiam idoneo ad id ipsum dispositio. Eodem modo procede cum alijs fistulis. Ad experimenti substantiam sufficit unica ex dictis fistulis, dummodò longior sit quàm CB: sed ad omnia Phænomena, quæ recensebam, visu percipienda, requiruntur plures cum diversis conditionibus, nempe aliæ alijs longiores, capacioresque, & diversarum formatum.

Phænomena porrò præcipua, quæ hætenus à diversis, diversis locis ac temporibus, notata fuere, hæc præcipua sunt.

*Experimenti
hujus
versæ
Phæ.
nomina.*

I. Statim ac digitus ab inferiori fistularum ore amovetur, subsidit mercurius ijs inclusus, & deserit superiores partes A, B, D, E,

D, E, effluitque per inferiora ora N, O, Q, R, ut ad oculum patet, & auctus in subiecto catino mercurius indicat: non tamen totus è fistulis effluit, sed ad certum solum spatium descendit; quod eum attigit, assurgit iterum non nihil, iterumque subsidit, ac tandem post aliquot vibrationes quiescit manente parte superiore fistularum vacuâ ab ipso, inferiore verò usque ad certam altitudinem plenâ eodem.

II. In omnibus fistulis cujuscunque longitudinis, capacitatis, & figuræ, dummodò breviores non sint tribus palmis & novem digitis, descendit mercurius, eodem tempore & loco, ad unum communem horizontem, hoc est ad unum communem terminum, seu lineam, v. g. FG, ab inferioris mercurij horizonte LM intervallo trium palmorum Romanorum, & paulò amplius, ita ut tres palmi & paulò amplius cujusque fistulae pleni maneant mercurio, ab S, ab T, ab X, id est, ab inferioris in catino positi mercurij communi horizonte usque ad supradictum pariter communem mercurij in fistulis penduli horizontem FG.

III. Si fistula aliqua intra catini mercurium erecta pertingat vertice suo solum usque ad comunem superiorem reliquarum fistularum horizontem FG, qualis est fistula CP: ea nullatenus depletur, ne ullus ex ea mercurius effluit; effluit verò ex alijs, quæ horizontem FG vertice superant, quanta libet fuerint magnitudinis aut longitudinis; & componit se constanter in omnibus ad unum eundemque communem horizontem: non quidem ita, ut nunquam, in nullo loco aut tempore, obtineat vel altiorem, vel inferiorem illo, quem semel in uno loco aut tempore obtinuit: sed quòd sibi relictus, & cæteris paribus, non nisi unum habeat in omnibus pariter fistulis, sive in linea FG, sive supra, aut infra eam: habet enim aliquando supra, aliquando infra eam, ut dicetur.

IV. Si aliqua ex dictis fistulis, altior tamen horizonte FG, v. g. fistula AN, postquàm mercurius ad certum terminum descendit,
incli.

inclinetur; impletur illa paulatim iterum, sponte mercurio in eam è subjecto vase regrediente; eòque magis impletur, quò magis inclinatur, ita ut quando dicta fistula AN fuerit in ÆN, attingens vertice Æ horizonsem FG, sit jam omnino plena mercurio; quo & paulatim iterum depletur, dum iterum erigitur. Idem contingit in omnibus alijs, exceptâ fistulâ CP.

V. Statura seu altitudo mercurij in fistulis ex parte plenis, & ex parte evacuatis, major est in loco inferiore, quàm superiore, majorque in valle, quàm in monte. Experimentum fecit annis præteritis Gergoniæ in Gallia diligentissimè, ut magno eum apparatu, coram præcipuis ejus Urbis hominibus (ut propterea fides sit indubitata) nobilis & accuratissimus Vir Pererius, ut testatur Magnanus & habetur in dicti Viri Epistola ad Paschalem ea de re Parisijs anno 1648 edita. Primò enim in horto Conventus Patrum Minimorù mercurium deprehendit in fistula altum pollices 26, & lines $3\frac{1}{2}$, supra horizontem LM externi positi in catino mercurij. Secundò, in alio loco montis supra dictum hortum elevato viginti septem circiter hexapedis, altum deprehendit mercurium pollices 26, & lineam vnam: tertio, in alio loco, supra eundem hortum editiorem centum & quinquaginta circiter hexapedis, altum pollices 25: quartò demum in alto loco supra eundem hortum edito circiter quingentis hexapedis, nimirum in vertice montis, altum invenit mercurium tantum 23 pollicibus cum 2. lineis. Similem mutationem altitudinis seu stature mercurij intra fistulas deprehendit Romæ, non quidem in diversis locis, sed diversis in eodem loco temporibus, Magnanus.

VI Postquam è fistula erecta defluxit mercurius, & in suo horizonte FG quievit, si attollas fistulam sic erectam supra fundum catini, sic tamen, ut os ejus inferius apertum condatur adhuc sub ipso catini mercurio: mercurius qui in eadem fistula mansit quasi pendulus, non attollitur, sed suum constanter horizontem FG retinet, effluente interim per inferius os patens aliquâ mercurij quantitate. Et hoc quod dixi, semper contin-

git, quantumlibet à fundo catini attollatur fistula, dummodò os eius inferius & patens lateat temper subcatini mercurio. Crescit itaque in his casibus spatium vacuum fistulæ supra mercurium, & spatium plenum usque ad os decrescit.

VII. Si supra mercurium catini nulla est aqua, & fistulam cum suo mercurio pendulo attollatur supra dictum mercurium; ita ut os eius apertum extet in aëre supra horizontem L. M.; mirabilis pugna & tumultus oritur inter mercurium & aërem; nititur enim exire mercurius, naturalem sibi sub aëre leviori sedem requirens, sed obstat aër, qui & ipse pariter instat ad ostium apertum fistulæ, requirens naturalem sibi locum, donec commisso veluti prælio uterque vincat: egreditur enim guttatim mercurius & viam facit ingredienti modico aëri, qui quidem non sitatim & placidè, sed bullatim & cum tumultu inter fistulæ latus & mercurium pendulum ingreditur, novumque prælium auspicatus, mercurium occurantem vi magnâ sursum trudit, alliditque cum strepitu ad fistulæ eavum verticem, cumque nonnunquam diffringit, nec cessat talis lucta, donec totus egressus sit mercurius.

VIII. Si fistula est longior seu altior tribus palmis, & oris augusti, impletaque tota mercurio invertitur in aëre, ore inferiore liberè aperto; elabitur placidè & absque lucta mercurius, donec altitudo eius in fistula diminuatur usque ad tres palmos; tunc enim incipit pugna inter eum & aërem, ut antea, nec cessat donec totus effluxerit mercurius.

IX. Si supra catini mercurium affusa est aqua ad aliqualem altitudinem; tunc quam primum fistulæ os inferius extraxum è mercurio catini, ingreditur limites aquæ, similis lucta inter ipsam & mercurium fistulæ inclusum oritur: ascendit enim cum impetu aqua, & mercurium pellit sursum, qui tamen pondere suo illorum descendit, & dum aqua fistulam subit, elabitur.

X. Quando affusâ aquâ supra mercurium catini, fistulæ mercurio instructæ insistent fundo catini, assurgit in eis mercurius

rius supra solitum horizontem F G. eo altius, quò altior fuerit aqua supra horizontem L M.

XI. Si pannus calidissimus fistulæ intra cabinetum erectæ circumponatur eâ parte, quæ mercurio vacua est; mercurius qui pendulus in fistula quieverat prius ad horizontem F G. descendit aliquantulum infra eum, è contra vero ascendit, si apponatur pannus frigidus ex aqua aut nive.

XII. Si postquam in fistula erecta intra cabinetum, quiescit in ea mercurius ad solitum suum horizontem, v. g. F G. derelictâ parte superiore fistulæ, extrahatur fistula è subiecto mercurio ita cautè ut digito oricius, antequam extrahatur, supposito caveatur ne aliquid mercurii penduli è fistulâ elabatur, sed maneat in ea præcisè id solum, quod erat inter duos horizontes L M. & F G; item ne aër irruat in fistulam, mercurius in fistula adhuc pendulus, & digito supposito innitens, eum vix gravat, si Zucchio credimus, id est, digitus vix sentit maius pondus quàm solius fistulæ; cum tamen, quando in superiore parte fistulæ est aër ab initio relictus, & infra eum solum tripalmaris mercurius aut quando in fistula est solum tripalmaris mercurius, & supra eum aër, mercurius graviter supra digitum utrum verò, quando in fistula est solum tripalmaris mercurius, & supra eum aër, mercurius gravit Et supra digitum ait Magnan. se probè id examinasse, & nihil gravitationis potuisse deprehendere.

XIII. Si fistulam longiorem, instructam tripalmaris mercurio intra eum pendulo, supposito prius ori eius inferiori digito, ut dictum invertas, obstructo semper manente eius ore, ita ut mercurius ad fistulæ verticem deorsum fluat; sentitur adigè ac rapi violenter intra ipsam fistulam digito, ita ut caro eius introrapiatur sicut caro rapitur intra eucurbitulam medicam condensato intus aère antea rarefacto.

XIV. Si fistula dicto modo clausa digito, atque inversa,

sa, inclinetur, & mergatur sub aquam ad unum sive duos palmos, situ quasi horizontali, ita ut os eius digito adhuc clausam aliquantulo altius sit quam oppositus vertex, ad hoc ut ad eum verticem quasi ad locum inferiorem totus colligatur mercurius; amoto digito, statim ingreditur aqua, & totam ad mercurium usque fistulam implet: & tunc quando antea subingressum fuerat aliquid aëris, erumpit ille statim in bullam unam aut plures, & manifestè per aquam evolat: si autem nihil aëris fuit ingressum, nihil, erumpit.

XV. Si pisciculi cuiusdam vesicula subtiliter ita comprimatur digitis, ut nihil retineat aëris intus, & mittatur in fistulam dum est plena mercurio absque aëre, & fistula digito superposito claudatur, & invertatur, deponaturque in subiectum catini mercurium, ut supra dictum; tunc antequam à moveatur digitus ab inversæ fistulæ ore, erumpit in altum vesicula, cedens gravitati mercurii majori in specie, ascenditque ad fistulæ verticem; ac tum amoto digito, ut mercurius de more subsidat usque ad horizontem F G; vel certè donec fistulæ maioris D P. superior globus D. vacuetur saltem usque ad medium; vesicula innatat residuo mercurio, & turgescit quasi distenta ut prius erat.

XVI. Pendente mercurio in fistula, sicut vel levissimè perforetur in vertice, ut aërem recipiat, mox omnis mercurius in præceps ruit ac descendit.

Hoc est experimentum hydrargyri in fistula penduli, & hæc sunt eius præcipua phænomena, non omnia quidem simul eodem tempore ab eodem observata, sed diversis temporibus à diversis. Ad primum eius auctorem quod attinet, eum honorem sibi attribuit Valerianus Magnus, qui Anno 1647. Varfaniae in Polonia coram Serenissimo rege ac Regina primum, deinde coram multis Theologis ex diversis Religionum Ordinibus ad id spectandum & examinandum à Rege vocatis experimentum exhibuit, & scripto postmodum

*Experimen-
ti diſſi præ-
mus auctor
quis sit.*

libello vulgavit; sed à plerisque ei contradicitur, cum confectò id iam ab Anno 1643. fuisse in Italia vulgatum, & eodem Anno Romæ ac florentiæ celeberrimas inter eruditos de ea reviguisse controversias, teste D. De Roberval in Epist. ad Nobilem virum de Noyen, ubi ait, id Valerianum non potuisse ignorare, quippe qui circa eadem tempora in illis Regionibus degebat, ut ipsemet sponte concedit. Sed nolim ego huius controversiæ de primatu arbitri sedere: hoc solum dico, non repugnare plures eodem tempore rem eandem detexisse. Nunc quid de eo sentiant docti, videamus.

§. 2. Quæ præcipue viri docti circa dictum experimentum exagitant.

*De eo quid
disputent
docti.*

DVO præcipue circa hoc experimentum quærent atque exagitant docti: Primò, quid sit in parte fistulæ vacuæ supra horizontem F G, postquam eò usque mercurius descendit, & iam pendulus in parte inferiore quiescit: Secundo, quid mercurium d. & à ratione suspensum teneat, ne penitus descendat, & effluat intra subiectum vas. Circa primum tres sunt potissimum sententiæ: alii enim volunt in ea parte esse vacuum alii, in ea esse ærem, aut ætherem extrinsecus advenientem; alii denique esse spiritus quosdam subtiles, à mercurio suspensio exhalatos. Circa secundum, tres item sententiæ sunt: alii enim putant, suspensum teneri à solo corpore intus incluso, metu vacui; alii, à solo aëre extrinsecò æquilibrato cum incluso mercurio; alii denique partim ab incluso illo corpore, metu vacui, partim ab æquipondio extrinseci aëris. Singula examinabimus.

*Quid sit in
parte fistulæ
vacuæ à
mercurio.*

§. 3. In parte fistula vacua à mercurio non est vacuum,

*Non est ibi
vacuum.*

ALiqui putant, esse revera vacuum in ea fistulæ parte, excludo, omni prorsus corpore: & quoniam in ea parte movetur
sursum

Sursum ac deorsum mercurius, aër, & aqua intromissa, & lumen eam pervadit ut patet ad oculum; aiunt ibidem esse, *Locum sine locato, corpus motum successive in Vacuo & lumen nulli corpori inhaerens.* Et hanc vocat Valerianus *Demonstrationem ocularem* horum trium, nempe *Loci sine locato &c:* Argumentum præcipuum hoc afferunt. Dum fistula mercurio prius omnino repleta, & digito oclusa, ita ut nihil aëris inter mercurium & digitem intercedat, invertitur, & os eius inferius intra aquam & mercurium catini profundèmersum, aperitur remoto digito; nec aër, nec aqua per inferius os ingreditur, & per inclusum mercurium penetrans evadit usque ad superiorem fistulæ partem à mercurio vacuum relictam; tum quia omnis aditus aëri & aquæ interclusus est, eo quod os inferius immersum est mercurio; tum quia nullæ apparent bullæ intra fistulam ascendentes, quæ tamen alias copiosè apparent, quando vel una guttula aëris aut aquæ intromittitur, uti patet ex Phænomeno 7. s. & 9. nec adsignari potest quod aliud corpus in ibi sit, aut quæ viâ ingressum fuerit; Ergo revera vacuum ibi est.

Certissimum tamen est, vacuum ibi non esse; Primò, quia Natura id non permittit, ut patet ex dictis Cap. II. Secundò, quia potest adsignari corpus quod ibidem sit, & mercurium metu vacui suspensum teneat, ut patebit. Tertiò, quia ex hoc ipso experimento contrarium prorsus probatur, scilicet Naturam fugere vacuum & ad illud vitandum hære mercurium ita suspensum: nam si vacuum esset in fistula, & nullum corpus quod suspensum teneret mercurium; illico totus rueret deorsum, cum sit in statu violento ut nemo negare potest, & nulla adsignari possit alia causa eum suspendens, uti patebit ex confutatione opinionis dicentium eum ab extrinseco aëre æquilibrato teneri suspensum. Taceo quod in illa fistulæ parte sunt species visibiles, & lumen, quia cantelam accensam, & quodlibet aliud illuminatum ex opposita parte colloatum, videmus per ipsam fistulam; ergo corpus aliquod adesse debet intra fistulam, in quo recipiantur illæ species & lumen. Con-

trarium autem, nimirum esse in fistula illa lumen sine subiecto, asseri non debebat, nisi prius probaretur ibidem nullum esse subiectum; quod ex presenti experimento non probatur.

S. IV Nec in eadem fistula parte est aer, aut aether, à foris. Admissus.

Nec aer aut aether, à foris admittitur.

Alii existimant esse intra vacuum à mercurio fistulæ partem aërem, aut ætherem (hoc est, subtilissimam aëris substantiam, omnia facile pervadentem) vel per vitri poros admissum, vel per infernum os apertum furtivè illapsum. Addunt, non posse mercurium in fistula plus loci deserere, quam possit ab aëre aut æthere illo summè rarefacto impleri vibrationes porrò mercurii, antequam quiescat, ideo contingere, quia is pondere suo deorsum fertur, & aërem seu ætherem illum summè extenuatū secum trahit, aër porrò seu æther, quia ægre sustinet tantam extenuationem, retrahit se sursum, & secum rapit mercurium, donec tandem facta æqualitate inter vim mercurii deprimentis aërem, & vim aëris resistentem detractioni, cesset pugna.

Sed hanc sententiam validè, & meo iudicio, efficaciter impugnat P. Zucchius, & Magnan. Et quidem quodad aërem aut ætherem per poros ingressum attinet, licet vitro pori non negarentur, & spontè concederetur posse per eos ætherem saltem penetrare; tamen in casu nostro manifestè falsum est id fieri. Nam si per poros subingreditur æther, & fistulam implet à vertice usque ad horizontem FG. cur non ingreditur maior copia, & violento inclusi ætheris summè attenuati statui succurrit, efficitq; ut mercurius penitus descendat & sicut enim potest replere partem fistulæ, ita potest replere totam. Deinde cur in omnibus fistulis, cuiuscunq; longitudinis & latitudinis, ingreditur præcisè tantum solummodo ætheris, ut repleat locum vacuum usque ad horizontem FG. An fortè, quia quando

quando mercurius ad eum terminum descendit, non habet amplius pondus, nec amplius deorsum nititur, ideoque natura in æthere illo extenuato non patitur amplius violentiam? minime gentium; nec enim credo, quod supra in Phænomeno 12. asseritur. Certè si ætheri aura æri externo pateat vel per minimam rimulam aditus intra fistulam, illico mercurius omnis pondere suo delabitur; cur ergo si per poros eidem patet additus, non defluit eodem suo pondere, sed hæret ad multos dies in eodem statu? Mea argumenta vide apud Zucchium & Magnanum.

Quod vero ad ærem per os infernum fistulæ admissum furtive pertinet, dum ab eo ore digitus intra mercurium catini amovebatur; gratis id fingi, patet ex eo, tum quod nullus ær digitum comitari potuit, quia, ut supponitur, fistula fuit prorsus plena mercurio tum etiam quod quando ex incuria, aut alia de causa, ingreditur vel minima æris guttula per dictum infernum fistulæ os, id non potest fieri tam latenter, quin cernatur, ut patet ex Phænomeno 7. 8. & 9. Adde quod omni verisimilitudine caret, intra omnes fistulas, quolibet tempore & loco, & à quovis instructas, tantum præcisè æris furtive ingredi, quantum sufficit ad replendum vacuum à vertice usque ad horizontem FG.

S. V. In superiore parte fistulae spiritibus à mercurio extractus.

Quam primum aliquid de hoc experimento in Sicilia ante Sed est spiritus à mercurio extractus decennium, sub finem nimirum Anni 1647. audivi ab Illustrissimo Domino Carolo Vintimiglia, Equite Panormitano, qui Valeriani libellum de illo Venetiis excusum mihi ostendit; in eam deveni opinionem, ut dicerem, spiritus seu halitus quoddam è Mercurio defluente exhalari, qui sursum tendentes, vacuum à mercurio partem fistulæ relictam replerent. Eandem sententiam inveni postea in Philosophia Nova de Machinis. P. Nicolai Zucchii, quam Anno 1649. Romæ edidit, & ad me

& ad me in Siciliam misit; & præterea in Philosophia Fabryana, Appendice de vacuo. Eam etiamnum cum iisdem Autoribus tueor.

*Hydrargiri
tempora-
mentum.*

Suppono autem I. tanquam certum, & experientiâ ac ratione comprobatum, mercurio, qui mixtum quoddam ex quatuor elementis est, inesse multum terræ & aquæ, parum ignis, & parum vel nihil aëris. Quod multâ terrâ constet, probat eius summa gravitas inter omnia mineralia post aurum. Quod multâ constet aquâ, vel ex ipso hydrargyri nomine intelligitur, & patet primo ex eius liquiditate, quæ utique à multo humore est; deinde ex subtilitate, quâ faciliè corpora permeat, atque adeo ipsum aurum & alia metalla soluit: utique ratione humoris, qui cum figuram omnem induere faciliè possit, per poros faciliè sese insinuat laxatque meatus, & viam sibi facit: demum ex eo quod sit faciliè exhalabilis, utique ob humorem, qui faciliè exhalatur. Quod modico igne constet, patet ex liquiditate; nam multus ignis, si cum multa terra coniunctus sit, duritiem corporibus conciliat, non liquiditatem. Quod denique nullo ferè aëre constet, patet ex eadem liquiditate; nam liquida, cum poris careant, etiam aëre carent,

*Humor faciliè dilatatur
& rarefit.*

Suppono II. similiter ut certum, & eâdem experientiâ ac ratione confirmatum, humorem faciliè dilatari, rarefieri, extendi, resolvi. Nam cum aqua sit humida, ac proinde omnem omnino figuram induere possit, mirum non est, si faciliè rarefcat ac dilatetur; & ubi rarefacta fuit, faciliè avolet. Patet hoc apertissimè in spiritu vini, qui ubi vel calore, vel agitatione rarefcit, tot spiritibus & halitibus exspiratis replet conclave, ut ii inflammari queant. Quare si aliquod corpus ad evitandum vacuum, dilatandum sit, constetque ex partibus diversis, quarum aliæ facilius, aliæ difficilius dilatantur, & evaporant, v. g. ex partibus terreis & aqueis, ut in casu nostro mercurius; certum est, illas dilatari, quæ facilius dilatari possunt, nisi aliqua singularis ratio impediat.

His suppositis, sic formo argumentum. Pars illa fistulæ à mercurio deserta, non est vacua, sed plena aliquo corpore, ut probavi §. III. Atqui corpus illud non est aër aut æther extrinsecus per poros intro missus, aut per os inferius ingressus, ut probavi §. IV. aliud verò corpus præter mercuriales illos spiritus & habitus vapidos ad signari non potest, ut discurrenti per omnia patebit; hi vero spiritus facillimè è mercurio descendente extrahi queunt, & in altum ascendere, ut ex suppositis hoc §. V. allatis patet; ergo his plena est fistulæ illa pars. Octo alias rationes ad idem probandum affert Honoratus Fabrii in appendice de vacuo, quas vide apud ipsum. Obiectiones contra hos spiritus mercuriales solvemus postea.

§. VI. Mercurius in parte fistula inferiore suspensus, non retinetur ab aëre extrinseco æquilibrante.

E Manuel Magnan, & aliqui apud Zucchium, parum solliciti utrum pars fistulæ supra horizontem FG. sit omni prorsus substantiâ corporeâ vacua, aut subtilissimo aliquo corpore repleta, nec nè, & solum de causa mercurium infra horizontem FG. in fistula erectum ac suspensum tenente disputantes, existimant, veram, unicam, & a læquatam, ac ferè evidentem illius rei causam esse aërem extrinsecum mercurio catini incumbentem, (seu immediatè, seu mediante aquâ superfusâ) deumque pondere suo prementem, eaque rationè impediens nè totus è fistula mercurius effluat & infra horizontem FG. descendat, sed præcisè ad illum usque pertingat. Probat Magnanus id multis argumentis desumptis ex Phænomenis supra allatis, quæ putat hâc solum sententiâ positâ salvari & explicari posse.

Ego verò contendo, vanam ac prorsus confictam esse huiusmodi aëris gravitationem ac pressionem, & inde secutam mercurii suspensionem, idque probo argumento vnicò & con-

*Mercurius
in fistula non
tenetur sus-
pensus ab
aëre extrin-
seco.*

vinsente, ex hydrostaticis seu barostaticis desumpto, in hunc modum. Columna seu statura mercurii tripalmaris altitudinis (quantam pono gratiâ exempli ab horizonte L.M. usq; ad horizontem F.G.) cuius basis seu diameter maior, plus ponderat, & maiori nisu deorsum tendit, quam columna seu statura mercurii æqualis altitudinis, sed minoris basis seu diametri; quod nemo negare potest: ergo prior, ut maneat suspensa in fistula, & non descendat, indiget maiori æquipondio, quam posterior, posito quod utraque ab æquiponderante corpore extrinseco sustineantur; quod etiam nemo audeat negare: ergo utraque columna, eodē tēpore eodē loco, & intra eundē catinū suspensa, nō sustētatur ab extrinseco aëre incumbente aquæ aut mercurio catini tanquam æquipondio, alioquin non posset utraque servare eandem altitudinem sed gracilior deberet esse altior quam altera minus gracilis; vel si eandem altitudinem servant, uti Phænomena ostendunt, non sustententur suspensæ ab aëre extrinseco, qui respectu utriusque eiusdem est ponderis, sed adstringari debet aliud suspendens. In idem recidit, si dicas, mercuriū amplioris fistulæ gravitate & gravitatione suâ seu nisu deorsum, plus pollere ac repellere aërem extrinsecum suo descensui resistentem (si is resistat,) quam mercurium fistulæ strictioris, positâ utrimq; æquali altitudine mercurii; ergo magis descendere deberet vnus quam alter; quod tamen est contra phænomena. Omitto quod catino collocato sub dio, plus aëris incubat quâ posito intra conclave: nã in primo casu incumbit ipsi columna aërea usq; ad lunæ concavum, in posteriori verò casu columna solum usque ad conclavis rectum extensa.

*Responsionibus in cetera
viam respon-*
detur.

Nec possunt dicere Auctores huius sententiæ, columnas seu staturas illas mercurii æqualis altitudinis, sed inæqualis crassitici, invenisse in fistulis æquales resistentias ad ascendendū magis, indeoq; æqualiter ascendere seu propelli sursum ab extrinseco aëre incubente: nam per ipsos vel est vacuum in fistulis; quod non resistit: vel est corpus subtilissimū & rarissimum, quod facillimè comprimi potest, aut secundum ipsos expelli per poros vitri.

Nec iterū possunt dicere iidem Auctores, mercuriū suspen-

sum non gravitare: hoc enim aut falsum est, quia dato aëri aditu per verticem fistulæ, statim descēdit; aut si est verum, id non est propter aërem extrinsecū æquilibrantem, sed aliam ob causam; præterquam quod si non gravitat, nõ æquiponderat extrinsecus mercurio; quod tamen ab ipsis asseritur; & deberet ab extrinsecō incumbente pelli sursum, quia nullū invenit resistens in fistula; vel saltem nõ deberet sursum pelli æqualiter in omnibus fistulis quia non in omnibus invenit æqualem resistantiam. Si dicant dicant, aërem ingredientem per verticem apertum, etiam levissimè, & additum mercurio interno, æquiponderare aëri & mercurio extrinsecō, & ideo descendere mercurium internum, & eozquari externo; contra est primò, quia incredibile videtur, tam exiguum aërem & mercurium internum æquiponderare tam copioso aëri & mercurio externo. Contra est secundò, quia quando à principio impletur fistula ad medietatem tantum v. g. & altera medietas relinquitur aëre plena, ac deinde obturato orificio patente invertitur, & immergitur mercurio eatini, ut mercurius inferiorem, aër superiorem occupet partem; tunc remoto digito descendit mercurius vel penitus, vel saltem infra horizontem FG. & tamen non plus ponderat quam antea, nisi quantum est pondus modici aëris ipsi incumbentis intra fistulam: Ergo quod maneat suspensus excluso omni aëre, non est ab æquipondio aëris extrinseci, quod in utroque casu eiusdem est ponderis. Plura vide contra hanc sententiã in P. Nicolao Zuechio.

S. VIII. dem mercurius in partē inferiore fistula suspensus non sustentur partim ab extrinsecō aere æquilibrante, partim à metu vacui.

P. Melchior Cornæus, in sua de præsentī Experimento Diatriba ait, mercurium pendulum sustentari partim à metu vacui, partim ab æquipondio extrinseci aëris. Rationem adsignat quia neutrum eaput per se solum sufficit ad illum effectum,

Id. mercuri non tenetur suspensus in fistula partim ab aere extrinsecō, partim à metu vacui.

nec phænomena ex uno solo salvari possunt; ergo utrumque concurrat, cum constet aliunde, similes effectus ab alterutra causa aliquando pendere. At cum ex dictis præcedenti §. constet, extrinsecum aërem aut nullum, aut (si fortassis aliquod) non nisi levissimum Sacoma seu cont. a pondus addere mercurio intra fistulam suspensio; dici non potest universaliter, & in omnibus, phænomenis, dictam suspensionem esse partialiter etiam ab extrinseco aëre æquiponderante. Cur enim pondus aëris extrinseci sine metu vacui nihil prorsus elevat, aut elevatum tenet mercurium intra fistulam, & cum metu vacui elevat semper ad eandem altitudinem in diversis tubis, cuiuscunque sint altitudinis & capacitatis? Mihi certè omnino incredibile videtur, in omnibus casibus vim retentivam seu resistivam ob metum vacui, & vim elativam seu sustentativam ob æquipondium aëris extrinseci, ita attemperati, & ita inter se quasi in toto foedere conspirare, ut eandem semper metam attingant, illa attrahendo, hanc suspellendo. Omitto alia argumenta, quæ ex aliis phænomenis desumere possem, & pergo ad meam sententiam.

*§ VII. Mercurius in fistula suspensus
hæret metu vacui tantum, quia nimis
spiritus mercuriales resistunt
vel eductioni, vel dilationi*

*Sed tantum
metu vacui.*

ET enim videmus effectum suspensionis, & probavimus eum ab extrinseca causa non provenire sed intrinsecam vim retentivam ac suspensivam adsignari debere; al unde verò scimus, similes effectus à metu vacui dependere, ut quando aqua in vase irrigatorio suspensa manet aut in fistula extracto embolo, aliæq; similia contingunt quæ supra cap. I. enumeravimus; dicendum ergo, & in casu præsentis eundem effectum ab eadem causa pendere, præsertim cum omnia phænomena supra §. i. enarrata

rata

rata consentiant ut videmus. Suppono autem, vim illam spirituum resistitivam eductioni ac dilatationi metu vacui, non esse infinitam, sed vinci posse à pondere mercurii deorsum nitentis. Quare quando maior est gravitas mercurii quam vis retentiva sensus pensiva metu vacui, descendit mercurius usque ad certum terminum, donec nimirum pondus eius ita minuatur, ut ipsum & vim resistitivam metu vacui fiat æqualitas. Quando vero minus est pondus mercurii quam eadem vis resistitiva; aut ipsi æqualis; non descendit, sed hæret suspensus in fistula. Experientia porro docuit hæctenus, staturam seu columnam mercurii trium palmorum Romanorum & paulo amplius, habere pondus æquale virtuti resistitivæ metu vacui; staturam vero maiorem habere pondus maius. His positis, omnium Phænomenorum supra enarratorum causam adsigno. Nam

I. In omnibus fistulis longioribus quam tribus palmis & novem digitis, descendit aliquo est mercurius, & ascendit spiritus quia maior est gravitas ipsius, quam vis resistitiva prædicta. Descendit autem usque ad certum terminum, ibique quiescit, quia cum ibi est, æquatur pondus cum vi resistitiva spirituum. Non quiescit tamen nisi post nonnullas vibrationes sursum deorsumque factas infra & supra præfixitum à natura terminum, qui est horizon FG. v. g. Infra quidem eum trahitur, quia in descensu impetum concipit, qui cum tripalmari & tridigitali mercurio iunctus superat vim resistitivam; sursum verò reducitur, quia pondere mercurii minuto prævalet vis resistitiva, & rapiteum sursum ultra terminum, facitque ut pondus eius sit iterum auctum, ideoque iterum descendit, iterumque ascendit semper tamen minus ac minus donec æquatis viribus ponderis & resistentiæ, fiat consistentia & quies.

Phænomenorum omnium supra enarratorum causa assignatur.

II. In omnibus fistulis, cuiuscunque longitudinis & capacitatis, dum modo superent tres palmos & novem digitos, ideo descendit mercurius ac eundem semper terminum usque, nimirum usque ad FG. v. g. eumque non superat, neque excessu, neque defectu in eodem tempore & loco, quia omnis altitudo

mercurii supra illum terminum superat resistantiam quam habent spiritus mercurii ne educantur & dilatentur; omnis verò altitudo infra eum superatur à prædicta resistantia; altitudo verò usque ad illum terminum adæquat resistantiam

III. Quod verò in diversis temporibus ac locis non omnium fistularum mercurius descendens attingat præcisè eundem terminum seu horizontem FG. quem aliis temporibus ac locis attingerat, sed aliquando in omnibus infra, aliquando supra cõsistat, causa est minor aut maior quantitas subtilis humoris seu spiritus qui inest mercurio, & ex eo educitur: item magis vel minus alta immersio intra subiectum mercurium. Quod autem aliquando plus, aliquando minus spirituum insit, dubium esse non debet, quia ut alia mixta, ita & mercurius diversis temporibus & locis diversimode afficitur à circumstante aëre & aliis ambientibus. Quod etiam pro maiori aut minori immersione plus aut minus exhalet, causa est, quod non solùm à mercurio intra fistulam suspensio, sed ab eo etiam qui affluxit infra, huiusmodi humor ac spiritus extrahuntur. Hinc totus ille mercurius qui descendit, est minus exhalabilis quam antea erat. Cur verò è fistula, cuius vertex pertingit solum ad horizontem illum communem, ad quem usque mercurius descendit, nullus effluat, à diximus causam esse, quod gravitas eius non superat resistantiam spirituum quæ educationi ac dilatationi suæ resistunt. *Dices*, si vis resistiva spirituum mercurii in omnibus fistulis sufficiens est ad suspendendum tres palmos mercurii, nec plus, nec minus; ergo in omnibus est æquè dilatatus ac rarefactus quod tamen incredibile videtur. Respondeo, id verissimum esse, nec aliter fieri posse in eodem loco & tẽpore, posito quod omnibus fistulis infusus fuerit mercurius eiusdem qualitatis. Etenim in omnibus servatur eadem proportio. Nam si unus palmus mercurii descendens in vas subiectum, eam humoris ac spiritus prædicti copiam una cū incluso mercurio suppeditat, quæ necessaria est ad replendam cavitatẽ unius palmi in fistula; ergo duo palmi descendentes suppeditant, quantum satis est ad replendam cavitatem duorum palmarum;

palmorū; tres, trium &c. vides proportionem: Si igitur huiusmodi spiritus seu humor sufficiens est in prima fistula ad suspendendos tres palmos mercurii; etiam in reliquis fistulis sufficiens erit: Ecce salvatū phænomenū, quod insalvabile videbatur: Dissam clarius. Si tres fistulæ una quatuor altera quinque, tertia sex palmorū; ex prima effluit unus palmus, & vacuum manet unus etiam palmus ex secunda effluit duo palmi, & vacui manet duo palmi ex tertia denique, effluunt tres palmi, & vacui manent tres palmi: sicut ergo in primo casu tres palmi manentes intus eum uno effluente, sufficit ad replendū unum palmum spiritibus ita vis secundo casu tres manentes & duo effluentes sufficiunt ad replendos duos palmos spiritibus, & ita in tertio casu tres manentes & tres effluentes sufficiunt ad replendos tres palmos spiritibus.

IV. Phænomeni causa est, quod mercurius triū palmorū in fistula inclinata minus ponderet, hoc est, minus nitatur deorsū, quam in fistula erecta (ut patet in omnibus ponderibus iacentibus in planis inclinatis) & quidem quo magis inclinatur fistula, eo magis minuitur pondus tripalmaris mercurii; idēo vis resistiva dilatati spiritus, quæ antea æqualis erat ponderi mercurii, tunc semper magis ac magis fit superior ac fortior, ideoque remittēdo à violenta dilatatione, & reducēdo se ad minorem molem tandemque suæ origini se rerum commiscendo, trahit post se mercuriū tripalmare iam victū hic autem ne vacuum detur in fistula secum trahit mercurium è vase supposito.

V. Phænomeni causa patet etiam dictis: nā in diversis locis, proptereaeris ambientis diversam constitutionem, diversimodē afficitur mercurius, & cōsequenter humor ac spiritus eius, unde pondus triū palmorū mercurii suspensū, quod in loco inferiore æquabatur à æfflentia spirituum, in superiore superat illā; & consequenter ad suspensionem requiritur minus pondus, hoc est, minor mercurii altitudo.

VI. Phænomeni causa est, quia dū elevatur fistula, statura mercurii intra horizontē catini LM. & horizontē FG, tantū crescit & elevatur supra FG. quātū elevatur fistula supra fundū catini. Cū igitur

igitur spiritus inclusi non possint suspendere plus mercurii, quam quantum est inter LM. & FG. Ne tamen spiritus inclusi nimium dilatentur, ingrediuntur eodem tempore novi, & replent spatium à mercurio descendente relictum.

VII. Phænomeni causa patet ex ibi dictis: exoritur enim pugna, quia aer, ut pote levior mercurio, nititur ingredi, & laboranti Naturæ succurrere esseque supra mercurium se gravio-rem; mercurius vero, ut gravior aëre, nititur egredi, & esse in fra ipsum.

VIII. Phænomeni causa est, quia antequam evacuetur fistula usq. ad tres palmos, pondus mercurii vincit resistivam virtutem, & exhalat spiritus suos: postquam autem pervenit ad dictum terminum, æquata est gravitas cum resistentia; & tunc incipit pugna inter aë. em & mercurium, ob causam antea dictā.

IX. Phænomeni causa eadem est quæ septimi, quia scilicet mercurius nititur esse infra aquam.

X. Phænomeni causa fortassis est, quia sicut antea solū pondus mercurii fistulæ, qui erat inter superficiem supremam mercurii catini & inter horizontem FG. pugnabat cum virtute resistitiva & deorsum nitebatur (nam reliquum quod est inter dictam superficiem & fundum Catini, non nititur deorsum) ita affusâ aquâ, solum pondus illius quod est inter supremam superficiem aquæ & horizontem FG. pugnat cum eadem virtute resistitiva, & deorsum nititur: & quoniam pondus hoc minus est quam antea erat (quia brevior facta est statura mercurii inter utrumq. limitem, aquæ scilicet & FG.) ideo vis resistitiva spirituum vincit, & sursum trahit mercurium, donec tantum fiat pondus eius, quantum erat antea.

XI. Phænomeni causa est, quia tunc inclusi spiritus magis dilatantur aut contrahuntur, ideo vel expellunt, vel alliciunt mercurium.

XII. Phænomeni causa est, quia licet ex una parte mercurius pondere suo deorsum tendat, ex altera tamen parte sursum trahitur à spiritibus inclusis, & suspensus tenetur: mirū ergo non est quod pondus eius seu gravitatio supra digitū minuatur. XIII.

est quod pōdus eius seu gravitatio supra digitū minuatur.

XIII. Phænomeni causa per se patet: quoniam enim spiritus intus inclusi, sunt violētē dilatati, rapiunt ad se quod possunt.

XIV. Phænomeni causa etiam facilē patet: nam cum aqua sit gravis, & spiritus levissimi, ac nimium dilatati; cedunt hi aquæ ingredienti, & vel interim erumpunt, vel condensati resolvuntur in aquam vel mercurio iterum permiscetur.

XV. Phænomenum expresse probat non esse in fistula vacuum, sed corpus aliquod rarum, quo vesicula repletur.

XVI. Phænomenum probat, spiritus inclusos esse rarissimos & locum cedere aëri ipsi graviori ingredienti.

Hæc fusius diducere volui, ut videas, sine se sufficienti fundamento à Modernis recedi ab Aristotelica & Peripatetica doctrina de vacui impossibilitate; quæ sententia cum à tot iam sæculis in pacifica fuerit possessione, non erat sine evidenti ratione deserenda.

ANNOTATIO.

I. **Q**uod diximus §. VIII. præcedente, Num. III. in omnibus fistulis cuiuscunque altitudinis & capacitatis, non plus, nec minus spirituum suppeditari, quam sufficiat & necessarium sit, ad mercurium suspendendum; P. Honoratus Fabry, in appendice sua de Vacuo Num. 20 in hunc modum explicat. Idem prorsus accidit experimentum, siue fistulæ basis sit maior, siue sit minor, nempe ad eandē temper unius ulnæ altitudinē, metu vacui, mercurius subsistit, nec infra illam descendit: quia licet auctā basi augeatur pondus; augeatur etiam resistentia; nam perinde se habet fistula, cuius basis maior est, atq; adeo ipsa fistula crassior, atq; si essent plures fistulæ minores, simul iunctæ. Quod autē augeatur pondus in ea proportionē, in qua augeatur resistentia; manifestum est; quia fistula duplo crassior alterā, sitq; illa B. hæc C. utraque eiusdem altitudinis; certē pondus mercurii, qui continetur in fistula B. est duplum ponderis fistulæ C. ut patet; sed duplum illud pondus, debet dilatare totum illum humorem contentum in cavitate, quæ

superat superficiem mercurii fistulæ B. subduplum vëro, illum qui continetur in superiori cavitate alterius fistulæ C. est autem ille humor adhuc, ut cavitas ad cavitatem; sed cavitas superior fistulæ B. est dupla alterius; igitur humor ille duplus alterius; igitur resistentia dupla, ut patet; scilicet duplo plures partes eodē dilatationis gradu dilatatæ. Igitur sive subtilior, sive crassior sit fistula, ad eandem unius ulnæ altitudinem, metu vacui, subsistit mercurius. Hæc Fabry.

CAPVT QVINTVM.

An aqua in tubo Bertiano suspensa hæreat metu vacui, an vi libramenti extrinseci aeris.

Experimentum aqua intra tubum suspensa.

IN mechanica Hydraulico-pneumatica Par. 2. Classe 2. cap. 6. Machina b. descripsi breviter, & explicavi ex Kirchero & Zucchio, experimentum aliud, quo vacui p. stabilitatem aliqui stabilire conabantur; quod *Berti tubum vacuo vacuum* ibidem appellavi, ideo, quia à Gaspere Berto exhibitum inter alios fuit. Idē experimentum accuratissimè descriptum inveni postea apud *Emanuellem Magnanum* cap. 20. Philosophiæ Naturæ proposit. 10 in qua descriptione licet discrepare non nihil à Kirchero & Zucchio videatur, revera tamen non discrepat, quia sæpius & variis modis exhibitum fuit experimentum à Berto; & quæ ego citato loco mechanicæ scripsi, nō solū ex doctorū dictorū Auctorū scriptis hausi, sed oretenus etiā ab eisdē Romæ audiui, uti & à viro doctissimo Raphaelē Magiorto Florētino, qui ipsemet, uti & Kircherus & Zucchius, interfuit dū experimentum à Berto exhibebatur; Magnanus vero nunquam spectavit corā experimentum à Berto exhibitum, sed solum oretenus ab eodem narratum audivit, ut ipsemet fatetur. Nolo hic retexere historiam experimenti, quoniam apud multos extrat. Solū aio, quod suspensio aquæ intra dictum, non est propter libramentum extrinseci aeris, ut

In illo aqua nō suspenditur propter libramentum extrin-

vult

vult Magnanus, sed est propter metum vacui. Ratio est eade ^{seci aeris, sed propter me- eum vacui.} quæ prioris experimenti. Et confirmatur ex eo, quod postquam descendisset aqua ex superiore parte tubi, & stetit pendula in inferiore, clausum fuit os inferius, & relicta Machina in eo statu totâ nocte, & postero die repertum fuit os clausum partem aquæ prius delapsæ & coppâ subiectâ exceptæ, resorbuisse, utiq; quia humores subtilis aquei inanitatem tubi replentes, nocturno frigore condensati ad minus spatium se contraxerant; unde ne vacuum in tubo fieret, aqua violenter per subtilissimos meatus clausi oris fuit resorpta. Nam incredibile est, aërem circumstante nocturno frigore adeo fuisse reditum graviolem, ut aquâ coppâ contempram premeret tam validè ut etiam per clausum os tubi ingressam illa patefaceret. Argumentum cõtra aëris libramen- tum, quod §. VI. præcedentis capituli fecimus, huic Experimento accommoda.

Ad quantam porrò altitudinem aqua intra tubum suspendi ^{In quanta altitudine suspendi in eo possit aqua.} queat ac soleat metu vacui, vix potest geometricè definiri. Qui suspensionem illam fieri putant vi aëris prementis, ulnas seu cubitos decem & octo illi attribuunt. Idem asserunt nonnulli de suspensione metu vacui facta *Honoratus Fabrii* in Appendice de vacuo Num. 24. statuit hanc regulam, eamque ait certissimam esse nimirum altitudinem aquæ in hoc experimento, ad altitudinem mercurii in præcedenti experimento, esse, ut pondus seu gravitas mercurii, ad gravitatem aquæ, id est, prædictas altitudines esse, ut pondera permutando. Ideo si pondus mercurii ad pondus aquæ, datâ molis paritate, est ut 18. ad 1. erit altitudo mercurii ad altitudinem aquæ, ut 1. ad 18. Hoc si verum est, non tantum valet in aqua, sed in omni liquore. Vnde altitudo auri liquati, erit omnium minima tum altitudo hydrargyri paulo maior, tum plumbi, aquæ, vini, olei, aëris &c.

CAPVT SEXTVM.

*Qua virtute ascendat aqua intra tubum,
& phialam, in Experimento Magde-
burgico.*

*Experimen-
tum Magde-
burgicum
nouum.*

IN fine mechanicæ nostræ experimentum nouum Magdebur-
gicum dedimus, inventum non ante multos annos ab Ampli-
ssimo Domino Ottone Gericke, Magdeburgensis Reipublicæ
Consule, in quo extracto primum aëre per anthiam pneumati-
cam vel è sola phiala, vel è tubo longissimo & phiala simul, si os
inferius tubi aut phialæ aperitur intra aquam, ea tanto cum im-
petu irrupit, ut fontis instar in altû exiliat; & tantâ copia ut so-
lâ phialam penitus ferè. tubum verò solum ad altitudinē ferè 20.
ulnarum repleat. Quæ si uo loco citato, num extracto aëre sit in-
tra phialam aut tubum, reuera vacuum, an uerò corpus aliquod
summè rerefactum. Proposui utriusq; partis argumenta, & in
Peripateticorum sententiam de non vacuo non obscure ani-
mum inclinavi. Quâ uerò virtute aqua ascendat, & postquam
ascendit, suspensa maneat, et si leuiter insinuauerim, minimè ta-
men ibidem definiui. Hic ergo definiendum id est, quoniam
huc propriè spectat.

*Qua virtu-
te maneat a-
qua in eo
suspensa.*

Auctor experimenti in plurius litteris ad me frequenter da-
tis ait, ut ibidem etiam dixi, aquam per inferius tubi aut phialæ
os apertum, aëre prius extracto, ingredi, & intra tubum, dum os
sufficientis is longitudinis sit, ut 30. 40. aut plurimum vlna-
rum, ascendere, & postquam ascendit, suspensam hæere, prop-
ter pondus aëris tubum aut phialam circumstantis, & aquæ, cui
os infernum tubi aut phialæ immersum est, incumbētis, eamq;
intro pellentis ad tantâ altitudinem, si tubus, ut dixi, sufficienter
longus est, donec inter pondus aquæ intus contentæ, & pondus
aëris foris aquæ incumbentis, fiat æquilibrium quoad pondera.
Hanc autem altitudinē putat ipse, quâ tum ex iteratis operati-
onibus

onibus colligere potuit, esse 20 circiter ulnarum. Magnanus tamen diceret, ad 1 §. cubitorum altitudinem ascendere tantum, & non amplius, quia ad tantam altitudinem pondus aëris extrinseci eam elevare potest & non maiorem.

Ego vero propter difficultates allatas cap. 4. præcedente. §. VI. contra similem, vel potius eandem causam sustentantem mercurium intra fistulam, & propter alias mox afferendas, aio, aquam vi Attractivâ ingredi propter metum vacui, hoc est aërē subtilissimum, & ad summam raritatem redactum, ac phialam implentem, & ad statum suum naturalem se reducere nitentem, att. ahere ad se aquam aperto inferiori osculo.

Difficultates autem cōtra allatam de pondere aëris prementis opinionem, sunt sequentes, præter allatas antea citato loco.

I. Quia, ut loco proximè citato dixi circa experimētum hydargyri & insinuavi in mechanica §. VII. circa hoc præsens experimentum Magdeburgicum, aqua in omnibus tubis, cuiuscunq; capacitatis seu amplitudinis sint, & cuiuscunq; longitudinis (dum modò excedant ulnas 20. ad quas aqua ascendere solet, ut ait Auctor experimenti) ad eandem semper altitudinem ascendit, si aër prius extractus fuit ut Auctor fatetur, Ergo non ascendit propter gravitatem aëris extrinsecæ aquæ incumbentis tanquam propter æquipondium. Consequentiam probo quia idem pondus non potest æquiponderare diversis ponderibus, aut se maioribus, aut se minoribus, sed tantum ponderi sibi æquali, v. g. pondus decem librarum non potest æquiponderare & libris sex & libris viginti. sed tantum libris decem, nisi per machinam aliter & aliter applicetur pondus decem librarum, ut ex mechanicis patet: sed columna aquea 20, ulnarum intra tubum gracilem suspensa, & alia columna aquea totidem ulnarum intra tubum amplum suspensa, sunt diversi ponderis, aër vero circumstans, & aquæ incumbens, est unius & eiusdem ponderis eodem tempore; ergo non potest eodem tempore attollesse, tanquam æquipondium, utramque columnam. Alia ergo causa ascensionis & suspensionis adsignanda est.

Non vi prementis aëris extrinseci id fit.

*Responsioni
Auctoris oc-
curritur.*

Respondet Auctor Experimenti, uti loco cit: in mechnica dixi, posse eundem aërem attollere ad eandem altitudinem utramque columnam, quantumvis pondere differentem, idque probat à pari: si enim, inquit, è cuppa supra horizontem elevata ulnis v. g. 20. & aquis repleta, descendant duo. inæqualis capacitatis tubi usque ad horizontem, indeque curvati ascendant iterum ad altitudinem maiorem quam 20. ulnarum, aqua è cuppa in utrumque defluens, ascendit ad eandem præcisè in utroque altitudinem, tantam nimirum quanta est altitudo euppæ, non obstante inæqualitate ponderis aquæ in tubis. Eodem ergo prorsus modo, inquit aër in certo pōdere terræ & aquæ incumbens, ad eandem altitudinem in omnibus tubis aquam attollere debet. At hæc paritas non subsistit. Non enim aqua euppæ aut tubi descendens, pondere suo elevat aquam tubi ascendens. Tamen si enim tubus descendens strictissimus sit, & modicissimæ aquæ capax tribus vero ascendens sit capacissimus, & immensi ponderis aquæ capax, quantum nimirum toto Oceano includitur; adhuc tamen per hunc aqua ascendet ad altitudinem euppæ. Alia ergo causa est, cur aqua ascendat ad altitudinem suæ originis; quam explicavimus in mechnica Part. I. Protheoria 4. cap. 1. At in casu præsentis, aqua in utroque tubo propellitur sursum pondere aëris, tanquam æqui pondio, ut aiunt ipsi, & nos impossibile esse probavimus. Nulla ergo est paritas.

II. Quia si ex tubo non extrahatur aër, & os eius inferius immergatur aquæ, & superius os maneat apertum, non ingreditur aqua ad maiorem altitudinem quam eam, ad quam pertingit aqua exterior, hoc est, superficies suprema aquæ in tubo est æque alta cum superficie suprema aquæ extra tubum; & tamen idem manet pondus aëris aquæ externæ incumbentis; ergo nihil facit ad elevationem aquæ intra tubum etiam evacuatum pondus aëris extrinseci. Probo consequentiam, quia si aliquid faceret ad elevationem intra tubum vacuum, deberet etiam aliquid facere ad elevationem intra tubum plenum aëre; tamen si enim non elevaret ad tantam altitudinem in pleno, sicut in va-

cuo,

cro, deberet tamen elevare, ad aliquam, quia aër tubi potest egredi. Nec dicas, aërem tubo aperto incumbentem tacere æquipondium cum aëre externæ aquæ incumbentem: hoc enim falsum est, cum hic longè copiosior sit quam ille. Confirmo argumentum hoc experimento. Accipe vas cylindricum aquâ plenum, & aquæ superpone operculum rotundum quod perfectè expleat capacitatem vasis, hoc est, sit æqualis diametri cum vasis inanitate; operculum hoc perfora in medio, & perforamen intrude fistulam utrimque apertam, & vase altiore, quæ tamen perfectè impleat foramen operculi. His factis, aqua intra fistulam ascendit ad tantam altitudinem, ad quantam ascendit aqua extra fistulam, & non maiorem, quantumcunque aëris incumbat operculo. Deprimatur iam operculum, ut intra vas descendat; ascendet aqua intra fistulam, & effluet per os superius, non obstante aëre superiorem fistulæ partem vacuum antea replente; & hoc ideo, quia aqua premitur deorsum à pondere ipsi incumbente. Si ergo aër circumstans tanto pondere premit aquam, & etiam operculum aquæ vasis impositum; cur non propellit aquam intra fistulam sursum, ne hilum quidem.

III. Quia extracto prius aëre è tubo, & aquâ ad ulnas etiam 20. suspensa, si tubi pars superior in vertice, aut latere, modicissimo perforetur, ut aër solum statim ingredi queat; statim descendit aqua suspensa, & superficiem suam coæquat superfici ei aquæ externæ in vase; & tamen idem aër cum toto pondere suo adhuc incumbit aquæ externæ. Cur ergo si premit aquam externam, & sursum pellit atque suspendit intra tubum, cur inquam non sistit descensum, si non totaliter, saltem ex parte?

Plures occurrebant difficultates, quas omitto, ne longior sim, & ad alia pergo.

CAPVT SEPTIMVM.

Vtrum aqua in vase irriguo suspensa maneat metu vacui, an vi aëris subtus prementis.

Vas irriguum hortense.

Qua de causa in eo suspensa maneat aqua.

Hæcenus aërem deorsum prementem fecerunt Neo Philosophi, quod tolerabile utcumq; est: nunc eundem sursum prementem efficiunt, quod omnino intolerabile videtur. Ad stabilendam opinionem suam, inter alia in cōsiderationem adducunt vas irriguum hortense, de quo supra cap. 1. Phænom. VII. quod licet subtus cribri modo pertusum sit mille foraminibus, si tamen osculum superius pollice claudatur, & vas ad perpendicularum erectum teneatur, aut quò libuerit deportetur, ne guttula tamen aquæ, quâ plenum est, vel omnino, vel aliquo usq; effluit, nisi remoto pollice concedatur aëri ingressus. Causâ hæcenus à stagyritæ temporibus, ac fortassis etiam à primis Philosophiæ initiis, retulerūt Philosophi in vacui metum, ne si subtus aqua effluat, supra aër non succedat, & discontinuetur aqua à vasis parte superiore, & inanitatem inducat adeo naturæ odiosâ, uti mille docent experimenta. Non artidet hoc Magnano, qui sæpe citato cap. 20. Philosophiæ naturæ. Proposit. II. inde probat. eius re. causâ non esse vacui metâ, quia si altitudo vasis huius esset palmorū v. g. 40. & aquis ad summū usq; repleta. quantum vis obturatum esset superius spiraculum, eo casu nihilominus effluerent quatuor circiter aquæ palmi, reliqui vero 36. suspensū manerent (prout fit in fistula seu tubo longo, de quo cap. 5.) & tamen non minor vacui metus esset tunc, quam cum altitudo eius solum unius esset palmi. Nimirū tolerabilius videtur huic Auctori, vacuum in tubi illius & vasis huius lōgissimi parte superiore admittere, quam concedere determinatam & à natura præscriptam mensuram inter pondus aquæ deprimentis, & vim resistitivam descensui, quæ vis si superetur à pondere aquæ,

hæc

hæc descēdat, & partē à se reliq̄a humoribus exhalatis repleat.

Sed audiamus quam ipse Magnanus causam adsignet suspensionis aquæ in va'cirriguo ordinario. Sumamus, inquit, *illas* Magnoni opinio. tantum aquæ intus clausæ partes quæ à fundo usque ad summum vasis directè ad perpendiculum imminēt singulis foraminulis; nam quidquid aquæ præterea est in vase, sustinetur à partibus fundi solidis, ut puto per se satis esse clarum. Imo remota supponamus, quasi unum tantum esset subtus in eo vase foraminulum; quod enim de uno dicitur, dictum intelligitur de reliquis, etiamsi foret 100000. cum evidenter sit ratio prorsus eadem. Itaque isti assumpto foraminulo, si vis, orbiculari imminet aquæ cylindrus eiusdem diametri, sed altitudinis ex facta hypotbesi palmaris, quantum mirum est altitudo vasis. Istum vero cylindrum, quamvis sola sua gravitate nititur ad descensum, sustinere potest aer circumpellens, multo facilius quam cylindrum pariter aqueum, sed altum cubitos 18. in fistula præcedentis propositionis (de qua cap. 5. præcedente egimus.) Et quamvis sit aliquod discrimen in eo, quod osculum dictæ fistulæ sit intra dolium sub aquam demersum, propositum vero foraminulum, & aqua in eo pendula, expositum sit immediatè aëri libero; tamen ob exiguum cylindri aquei palmaris pondus, nulla est eius aquæ guttula, quæ vel se sola, vel adiuta à reliquo cylindro, vincere possit aërem ad ostium obsistens, cum aër & aqua non consentiant ire filatim, sed guttatim ire tentent, & ostium sit valde exiguum. Aliter autem se res habet; quando spiraculum superius reseratum est: tunc enim aër per illud infusus, & dicto cylindro aqueo insistent, sive directè, sive ex obliquo, cum ista virtute gravitandi æqualis ei qui reflexè ad ostium subtus obsistit eadem aqua lapsura; tantundem eam iuvat ad lapsum, quantum ille obniti potest: unde in ea paritate, hinc obicit, inde iuvaminis, prævalet aquæ pondus ratione sui maius in specie, & elabitur aqua fluxu naturali suo. Hoc Magnanus.

Contra hanc Philolophandi rationem hæc habeo. I. Si aër etiam subtus collocatus obnitiatur cylindrulis aqueis ne effluat; quæro, an tantum impediatur fluxum, sicut impediret digitus foraminulis appositus; an vero premendo ac

Hhhh

pellendo

pellendo aquam sursum. Primum dici non potest, cum fluidus sit aër, & aqua sit ipso gravior in specie, seu data paritate molis; gravia autem posita supra humidum levius in specie merguntur, ut quotidiana experientia docet in lapide posito supra aquam. Nisi velis dicere, lapidē non solā suā gravitate sed adiutū gravitate aëris incumbentis descendere, quod omnino stolidū esset asserere & à nemine haftenus assertū. Imo cōtrariū omnibus asseritur & experientia cōprobatur, si lamina plūbea in eymbulam elaboretur, ut aërem intra se capiat, minimè iam descendere infra aquam, cum tamen tunc aër non minus ipsi incumbat, quam antea, cum plana esset. Si dicatur secundum, & in fundo sint v. g. 100. foraminula, & 100. cylindruli aquei ipsis superpositi, & pollice recti, isti 100. cylindruli à 100. aëreis cylindris subtus positis deberent tantā vi sursum pelli, ut pollicem impellerent, & manus non tantum sentiret pondus vasis & aquæ, sed etiam impulsū aëris aquam pellentis sursum, quæ tamen omnia sunt contra experientiam, rationem, & omnium hominum opinionem.

*Impugnatur
secundo.*

II. Si fundus vasis irrugui repandus sit, & intus incurvatus, & insitit plano alicui, ita ut omni aëri aditus intercludatur ne fundum subire possit, & solum relinquatur ille qui inter planum & cavum fundum interiectus est; quam diu pollice occluditur os superius, nihil effluit è fundo; incredibile autem omnino videtur, exiguum aërem inter planum & fundum interiectum impedire sua gravitate effluxum tot cylindrulorum aqueorum. Ergo aër non est causa sustentans ac suspendens aquam in vase illo.

*Impugnatur
tertio.*

III. Si fundus habet 100000. foraminula, supra ea premunt deorsum 100000 cylindruli aquei, infra vero ea premunt sursum, vel saltem obnituntur fluxui aquæ, ex Magnani mente, 100000. cylindruli aërei, & tamen si in ore superiore sit unum solum minimum foraminulum, per quod aëreus cylindrus ingrediatur, illico effluit ex omnibus fundi foraminulis aqua, nec quidquam obistente aëre subtus posito; incredibile au-

tem videtur, unum solum aëreum cylindricum supra incumbentem aquæ, & paulatim ingredientem, supremamque superficiem aquæ operientem, superare pondere suo, una cum pondere aquæ inclusæ (præsertim cum vas exiguæ est altitudinis) pondus totius aëris subtus expansi, si is pondus habet maius quam aqua inclusa, & sursum pellit aquam, aut obnititur aquæ fluxui. Omitto plura quæ contra occurrunt. farinæ sunt quæ habet idem Auctor de evacuatione lagenæ, & elevatione laminæ alteri adhaerentis, & similia, quibus refutandis non lubet diutius immorari. Hoc solum dico, viam in philosophia tot annis à tot excellentibus ingeniiis tritam, non esse deserendam, nisi vel ob manifestissimas & irrefragabiles experientias contrarias, vel ob evidentissimas rationes convincentes, vel denique ob erroris periculum infide catholica. Fuit ab omni ævo, & etiamnum est, omnis novitas periculosa.

CAPVT OCTAVVM.

*In cyatho inverso vinum suspendere,
metu vacui.*

REm ludicram & inter compotantes in mensa facilè exhibendam, describit Portalib. 3. Pneumatic cap. 7. Accipiat cyathus vitreus cylindriciformis, capacitatis & altitudinis non modicæ & vino impleatur. Accipiat præterea crater, cuius fundus sit planus, & labra parum alta, & eo inverso cooperiatur cyathus, ita ut fundus crateris inversi iaceat supra os aperti cyathi. His factis, pone manum supra craterem, cumque cyatho fortiter ad primæ, altera vero manu apprehende cyathum, & inverte utrumque simul summâ velocitate ac dexteritate, & supra mensam colloca; eritque crater erectus, cyathus vero supra craterem

*Vinum sus-
pendere in
cyatho in-
verso, metu
vacui.*

terem inversus. Mox igitur per rimas inter crateris fundum & cyathi labrum erumpet vinum intra craterem; tam diuque fluet, donec rimæ à vino circum obfideantur; & aëri ingressus in cyathum prohibeatur; tum enim cessabit fluxus, & vinum intra cyathum hærebit suspensum metu vacui. Mox vero ut admoto ore quis sorbuerit vinum è cratere immoto manente; iterum discooperientur rimæ, iterumque patebit aditus aëri intra cyathum: fluet igitur ut antea vinum, donec rimæ coopertiantur, & aëris ingressus cesset: tunc enim iterum, cessabit fluxus vini, & residuum hærebit suspensum vacui metu. Hac ratione omnes convivæ ex eodem cratere & scypho bibent, non sine cacchinnis.

Magnanus diceret, suspensionem vini intra cyathum non fieri metu vacui, sed pressione aëris circumstantis, quia nimirum aër vino crateris incumbens id premit, & descensum vini è cyatho prohibet. Sed cur epoto vino è cratere & discoopertis rimis, idem aër crateri incumbens, non prohibet descensum vini è scypho, cum sit longè maius pondus aëris quam vini; ex Magnani sententia, qui concedit aërem suspendere posse cylindrū aquæ, & multò magis vini, quod levius est aquâ 18. cubitorum? Dicet, quia aër subingrediens, & ad summa penetrans vinoque cyathi superincumbens, id deprimit. Sed contra est I. quia prius quam aër penetravit ad summa, vinum affluit II. Tam parum aëris quod ingreditur, non potest prævalere contra pondus aëris externi longè copiosioris. Dicet, aërem illum exiguum se solo non posse prævalere contra aërem externum, posse tamen una cum vino cui incumbit. Contra est, si una cum vino potest prævalere, cur ergo quando post modicum vinum elapsum rimæ coopertæ sunt, non prævalet amplius, maximè quando in cyatho multum, extra cyathum vero parum est vini? Sed hæc sufficiant de Machinis & experimentis quæ sunt vi attractiva.

SYNTAGMA SECVNDVM.

*De Machinis & Experimentis pneumaticis,
quæ vi expulsiva instituuntur.*

INter quatuor hydro-pneumaticarum machinarum principia quæ in mechanica nostra adsignavimus; secundum erat vis expulsiva, ad corporum penetrationem fugiendam, quando nimirum aqua ab aëre (aliove corpore) validè incumbente aëre premente; aut hic ab illa; eppellitur è loco suo, quoniam se mutuo penetrare nequeunt nec ambo in eodem stabulare loco: tertium verò erat vis rarefactiva, ad maiorem occupandum locum, quando nimirum vel aqua rarefacta erumpit è loco suo, aut aër rarefactus aquæ locum occupat & eam expellit. Hæc duo nunc in unum coniungemus; quia sive aër compressus, sive rarefactus fugat aquam, dicitur eam expellere; & fontem seu aliam machinam formare, vi expulsiva. Huius generis machinas plurimas & iucundas dedimus in mechanica Par. 2. Classe 1. cap. 2. & 3; & alibi etiam passim toto opere. Paucula igitur his dicenda super sunt.

*Expulsiva
vis machi-
narum hy-
dro-pneu-
maticarum.*

EXPERIMENTVM I.

*Vas construere, è quo si quis bibat, faciem liquore
spargat.*

DOCet Porta lib. 19. Magiæ Natural. cap. 5. in hunc modum. *Fiat vas ex stanno, vel argento, in forma urinæ, seu cylindricum: inde aliud vas effingito in formam infundibuli, vel pyramidis rotundæ: summa ora utriusque undique cohæreant, & glutinentur, nam oportet sint eiusdem latitudinis: conus d' stet à fundo urinæ digiti latitudine,*

titudine, & sit apertus. Infundatur ergo in vas aqua, & replebitur urinale usque ad foramen, conii replebiturque infundibulum usque ad summum & reliquum urinalis vacuum erit, quia non habet aër unde exeat. Cum igitur quis biberit, exhausta aqua usque ad foramen conii, ex compresso intus aere, extrudetur vi aqua, & bibentis faciem madefacies. Hæc Porta. Ratio iam insinuata fuit, Cum enim labra urinalis & labra conii adglutinata sint invicem, & unum quasi labrum efficiant, inde vero usque ad fundum abs se invicem distent, & aër inter utrumque interiectus sit; infusa aqua descendit per conum ad fundum urinalis, eoque aperto operit etiam os verticis conii, & exitum intereludit aëri inter utrumque vas interiecto, eumque comprimit: dum ergo bibitur & vas inclinatur, ac foramen verticis conii discooperitur, aër inclusus, & adhuc ab aqua compressus, erumpit per dictum os conii, & aquæ pluviam spargit in faciem bibentis. Figuram non addo, quia facile intelligitur constructio. Subiicit his Porta descriptionem vasis quod in Mechanica dedimus Part. 2. Classe I. cap. 6. Machina 12. & Canopum Ægyptiacum, seu Vas rimarum plenum appellavimus.

EXPERIMENTVM II.

Ventum in cubiculo generare, ad refrigerandum æstate convivæ.

Ventum in cubiculo creare.

Fit ope Camerarum Æoliarum, quas descripsimus fusè in Machanica Par. 2. Classe 3. Machina I. Pragmatia 1. 2. & 3. Si enim iuxta conclave convivantium constituatur huiusmodi Æolia camera, & tubus aërem intus ab aqua præcipitata generatum deferens, in conclave desinat, & ad libitum aperiri atque claudi queat; poteris, ubi libuerit, aperto tubo tantum venti frigidi intra conclave derivare ut convivæ non tantum refrigerentur, sed frigore pæne obrigescant. Idem simplicius fieri potest, si iuxta conclave puteus sit, & in

in eum aqua derivetur, os putei claudatur, tubus è puteo intra conclave derivetur: nam aqua præcipitata intra puteum, aërem inde expellet, & per tubum intra conclave propellet. Est in Sicilia oppidum sotëra nomine, montis dorlo impositum, variis foraminibus pertusi è foraminibus egreditur perpetuo frigidissimus ventus & in circüiectas ædes derivatur ni foramina claudantur. Incolæ dum aquam & vinum refrigerare volunt, foramen unum aperiunt, & lagenam apponunt, moxque vinum brevi temporis spatio refrigeratur. Lege quæ recitat Schwenkerus in Recreat. Mathemt. Part. 12. quæst. 5. ex Hieronymo Megifero de horto cuiusdam Nobilis Vicentini, in quo è conclavi quodam ventus quilibet desideratus, seu Eurus, seu Zephyrus, seu alius quivis, emittitur per tubos.

EXPERIMENTVM III.

Solopetum pneumaticum construere.

Dvo pneumatica solopeta dedimus in Mechanica nostra Par. 2. Classe 1. cap. 1. Machina 13. & 14. unum ex Kirchero, ex Merfeno alterum. Aliud extare apud *Lipstorpium* in sinuavimus ibidem in Annota. 2. quod hic ex eodem apponere lubet, quoniam sine schemate appposito fieri potest. Si quis tamen minus assequetur eius mentem, legat quod nos citato loco verbis & schematicis proposuimus. Sic ergo habet citatus. Auctor Per. 3. speciminis Philosophiæ Cartesianæ cap. 3. tit. *Mechanica tormenti aere onusti.*

Præparentur duo tubi ferrei, alter longitudine exæquans tres pedes Rhinlandicos (quæ mensura Geodætis vñtatissima est, & creditur, sed falso, eadem esse cum pede Romano antiquo) alter quarta pedis parte brevior, Primi capacitas sit æqualis capacitati vulgaris tormenti militaris, quali utuntur pedites adversus hostem educti; posterioris autem fistula minor sit, talis nempe, qualis

lis debetur manualibus tormentis in pera circum gestari solitis. Minor autem tubulus eâ sui extremitate, quæ interius reconditur *intra maiorem*, sit probè clausus, sitque ad latus unum prope fundum mediocri foramine exaratus, quod pennulâ quadam cupreâ corio confectâ exactissimè claudi possit (*ad eum modum, quem postea explicabimus*;) ita ut nullo modo aëri exitus permittatur, nisi ab alia quadam fibula ab opposita parte intrusâ referatur. Sit ergo ab opposita parte tenuis quædam & brevissima fistula, per quam fibula inseri debet quotiescunque sclopetum exoneratur. Cui quoque fistulæ inclinabit globus postea immissus, ne ipsam cavitatem incidens vim aëris erumpentis remoretur. Quibus diligenter observatis, minor tubulus maiori inferatur, ita ut circa orificium, per quod globus immittitur, firmissimè compingantur, & coalescant: nec enim extrinsecus hanc machinam insipienti aliter vnquam iudicare licebit, quam esse unum quendam continuum tubum per totam tormenti longitudinem protensum. In medio autem, & prope fundum, annulis duobus ab utraque parte connectantur latera horum tuborum, ut tanto firmiter minor tubulus in superiore *seu extertare* recodatur. Hanc machinâ priore absolutâ, notandum est, ideo relinqui spatium vacuum inter duos tubos, & ideo minorè in medio recondi, ut aër valde compressus, in hæc receptacula se colligere, & undiq; sclopetū ambire possit, usque dum vinculis suis exoluti unaquæque particula debitum spatium recuperet. Atque hæc sit prima huius mechanicæ pars.

*Anilia
pneumatica
ad onerandum
sclopetum
aero.*

Porro præparetur alius quidam tubulus prioribus capacior ex tenuiori lamina, longitudine unum pedem exæquans, in cuius intertiori orificio accommodetur brevis quædam fistula incurvata, qualem superius descripsimus, munita cupreâ pennâ & corio cavitatem exactissimè claudente, & non nisi maiori vi extrinsecus accedente aperiendâ. Prope huius tubuli orificiū extimū dimidiâ palmâ retrorsū perforetur exiguo quodâ foramine, per quod sine moranous aër subinde regreditur in locū à fu-

gato

gato aëre priore derelictum. Et rursus prope ipsum orificium alio quodam exiguo foramine, per quod clavícula traducta operculum cum tubulo formare possit. Hisce ita preparatis, tubulus alteri longiori antea descripto, & ad unius palmi longitudinem supra anteriorem tubulum prominenti adunetur, ita ut ambo coalescant, ut unum continuum tubum ad totam machinæ longitudinem exporrectum constituent. Quo peracto, restat ut pralum, cujus violentiâ aër in cameram anteriorem per fistulam incurvatam protrudatur, adiciamus. Ejus autem constructio talis est. Eligatur lamina quadam ferrea unius pedis longitudinem æquans, rota complanata præter unius digiti latitudinem, quâ superius rotunda efficitur, & capite insuper rotundo, ab utraque parte inciso, ut firmiter explicari possit exigua ferri lamina ad id excavata, & pedibus ad terram defixa, quò meliùs & potentiùs pralum educatur, novusque subinde aër intrudatur. Ideo autem superior ferrei istius prali pars rotunda efficitur, ut aère ad satietatem in cameram anteriorem intruso, & magnâ vi pralo reluctante, paulatim influxum intra operculum recondatur, solo ejus capite exteriùs eminente. Inferiùs lamina erit capitulo quodam ferreo cylindrico munita, cui primò rigidissimum corium, & huic rursus magis flexile oleo illitum superinducatur, quò tantò majori molimine omnia tubuli angustiissima spatia à lateribus relicta in educenda repleat, atque in protrudendo comprehendat quod in primis necessarium est. Atque sic educto pralo novus aër per prædictum foramen in tubulo relicto se insinuat, & locum vacuum replet; intruso iterum intruditur aër, magno impetuso penetrans in fistulam incurvatam: quæ cum non valeat ipsi congruum receptaculum præbere, perrumpit per pennulam in interiùs conclave, quæ pennula vi cessante protinus iterum resilit. Ut autem penna fortius aërem constringat, corio munitur farinâ madefactâ illito, quæ omnes angustissimos angulos replet instar limi vel spumæ marinæ. Sic igitur sæpius educendo & retrudendo pralum, tantam aëris molem in anteriorem cameram promittes, quanta sufficiens erit ad notabilem satis effectum producendum.

Quomodo
scelopetum
explodendū.

Exoneraturus verò scelopetum, globulum per extrinsecum tubuli orificiū immittes, & fibulā tenui fistulā (de qua supra diximus) insertā pennam referabis, quā subito reclusā, aër uno impetu exitum querens omnem suam agitationem in globum transfert, eumque violentissimè, & ad longius intervallum promittit, ita quidem, ut & lignum transverberare, & armentum occidere valeat, suffragante nobis quotidianā experientiā.

Ceterū ut ornatio sit hac machina, & ad quotidianos usus magis accommodata, circumvestitur scipione quodam pretiosiore, ex Indiis vel Hispaniis deportato, intus excavato, & plurimis rimulis pleno, ita ut cum per eas, tum per exiguum foramen superius in corelictum, & tubuli foramini exactè respondens, novus semper aër sine mora ingrediatur. Ab utraque autem extremitate aëno operculo clausa est, nisi quòd extra alteram parum promineat præli seu trifidili: mediā sui parte est annulo quodam aëno circumcincta, cui fibula altera extremitas applicatur: & prope eum alio annulo, in quo foramen est, cui fibula brevis directè respondet, ita, ut fibula pennam referans ei postea applicetur. Tantum de ipsa fabrica. Obscurius dicta, ex sequentibus annotationibus fient clariora, quas ipsemet Lipsitorpius apponit.

ANNOTATIONES.

I. Pennas oportet esse præparatas ex cupro ter quaterve igne excocto, ac toties malleorum ictibus complanato, eoque non celeriter, sed lentè refrigerato, quod contingit, si in oleum, vel alia pinguis, non in aquam, aliosve liquores frigidos, mergatur. Etenim si ceterimè refrigeretur cuprum, durum quidem & rigidum, at fragilitas quoque evadit; ad quam fragilitatem evitandam propter crebram ejus aperturam & clausuram hoc observari meretur.

II. Oportet quoque penna corium farinā madefactā te illinire, & hoc iteratis vicibus per menses anni facere necessum erit, ut aërem fortius constringat, omnesque rimulas præcludat, per quas aëri exitus pateret.

III. Præli corium oleo aliquando irrigari debet, ut facilius inflectatur seque in intrudendo ad constringendum aërem melius distendat.

IV. Missilia possunt esse cujuscunque materia & figura, modo solida sint, & quàm proxime ad subuli capacitatem accommodata, alioquin aër nequit omnem impetum in ea transferre, sed à lateribus evolabit. Loco globorum possunt adhiberi tela; item globuli exigui plurimi simul densiori papyro convoluti, ad petendas aviculas. poterit etiam prius madefacta papyrus intrudi, & post eam globuli iniici.

V. Si interior camera Aëria, seu cavitatis inter duos tubos dividatur in duas partes secundum longitudinem, laminâ tenui perforatâ ex igno foraminulo; poteris ex eodem tormento semel onerato ejaculari duos globos diverso tempore. Reserata enim primo penna, erumpet aër medietatis posterioris, eique, reserata iterum penna, succedet aër medietatis anterioris, qui secundo reserata penna erumpet, sed minùs violente quàm prima vice.

VI. Qua de tubulo & prælo habet Auctor, obscura sunt. Tubulus hic debet utique habere platismatium, quod ipse appellat pennam corio tectam; & debet accommodari orificio sclopeti, quando oneratur aëre, & postquam oneratum est, eximi. Posset itaque fieri modo haud absimili illi, quo docuimus loco supra cit: fabricandam syringam, cujus fabricam lege.

EXPERIMENTUM IV.

Aliter pneumaticum sclopetum fabricari.

ALios duos modos pneumatica sclopeti fabricandi, præcedenti tamen, & iis quos loco citato in Mechanica attulimus, longè imperfectiores, habet Ioannes Caramuel à Lobkowitz in Methesi Audaci Par: 2. pag: 81, quos & refert Lipstorpheus citatopaulò antè loco.

*sclopeti
pneumatici
alia.*

PRIMVS MODVS.

Quærat, inquit Caramuel, fortissimus Vir, & paretur asser secundum longitudinem canali parallelogrammâ, rotundâ secundum latitudinem, perforatus. In canalem parallelogrammam inseratur asserculus, ut foramini rotundo foramen rotundum respondeat, ipsique ponantur ligule, ut liberè extrahi & intrudi possit. Alteri asseris rotundo foramini Vitrem firmissimè applica, alteri tubum ferreum; Vitrem prælo aut pondere, ut tantum non rumpatur, comprime, educto asserculo, ita ut punctum Q (foramen est asserculi medium) foramini rotundo asseris majoris correspondeat. Sic membris organi dispositis, aërem ex nulla parte posse exspirare certum est. Tormentum ergo glande plumbeâ, tubo tamen equali, muni, & aliquid chartæ, ut firmitus hereat, super adde. Igitur cum volueris explodere, intrude asserculum, ut foramen foramini respondeat, & Æolus emittens compressos carcere ventos laxari desiderans, globum illum plumbeum, chartam adjunctam, & impedimenta qualibet efulminabit. Hic est primus modus, non minus ridiculus, quàm imperfectus, ut quilibet judicare potest.

SECUNDVS MODVS.

Alter modus hic est. Tubum cujuscunque longitudinis fieri præcipimus, & in medio ac fine muniri clavibus, quales fieri solent in æneis aquæ ductibus. Clausâ clavi C posteriori, & apertâ B priori, Vitre, aut quocunque alio modo, aër protrudatur in cameram BC mediam inter geminas claves; & cum violentiâ præli aut ponderis aër sit condensatus, clavis B claudatur. Ingeratur plumbeus, & ut firmitus maneat, charta pars aliqua adjungatur. Tormentum hoc debilius procedente, ita tamen robustum, ut vel taurum occidat, poterit manibus geri, & commodissimè tractari. Vbi claves posuimus, poteris, si velis, valvulas substituere, quales sunt in antliis: aut asserculos, quales in organis. Nos tamen securiora præscripsimus. Hic est secun-

secundus modus. In priori modo utique clavis etiam addi debet tubo, ut immisso aëre claudatur, & globulo ante clavam immisso referatur, ut aëri exeunti via laxetur. Legē quæ Lipstörpius circa utriusque machinæ imperfectionem ac defectus multiplices bene notat.

ANNO TATIO.

Scribit ad me Basilea Vir doctus, & in Mechanicis atque Hydraulicis versatissimus, Dominus Ieremias Mizius, Hollandum quendam Dortracensem nomine N. Calthosium, insignem esse hoc tempore sclopetorum pneumaticorum artificem. Idem ait, vidisse se nuper in nundinis Francofurtensibus sclopetum aliud ingeniosissimum, ab eodem Calthosio ut ferebatur, confectum, in quo pulvis pyrius & globus plumbeus se ipsos in sclopetum ingerunt, manu solum unicum ferrum levissime circumvertendo, idque vel duodecies repeti posse. Sclopetum a quo successu vè sex, octo, decem, & plures glandes plumbeas vi pulveris pycci eicitur, jam panè vulgaria sunt.

EXPERIMENTUM V.

Sclopetum Hydro-pneumaticum construere.

MArti arma Æolum quoque subministrare, quod Vulcani antea munus erat, videmus in præcedentibus. Poterit & ethys fortassis idem præstare. Mòdum suggerit Lipstörpius loco supra cit: in fine, ubi jubet tormentum ita præparare, ut lamina quædam ænea validior & densior prope fundum transversum (hoc est, per ipsam tormenti fistulam transiens, eandemque secans) ad glutinetur, & firmiter consolidetur, relicto in ea tubulo quodam, cui clavis supra tormentum prominens accommodetur, exactissime foramen tubuli claudens, qualem in æneis aquæ ductibus fieri videmus. Aperto igitur

*Sclopetum
Hydro-
pneumati-
cum.*

hoc epistomio, aqua per tubum oblongum intromittatur, aut ope siphonis intrudatur, ut aër in interiori camera tanrò fortius constringatur. Oportet autem tormentum carere foramine, per quod pulvis pyrius accendi solet; aut si quod habet, debet diligentissimè claudi. Compresso itaque aëre interiore, & aquâ ei super infusâ, summo studio claudatur epistomium, siphone & tubulo oblongo iterum sublato. Ut autem fortius constringat epistomium, licebit clavem oleo vel limo illitam ei applicare. Præterea, nè violentia aëris & aquæ rarefactæ postea erumpentis extrudatur, poterit interius clavo quodam per unguam quandam transversim impacto firmari. Quibus ita constructis, immittatur paululum papyri, eique globus tormentarius involvatur, proximè omnes tormenti angulos prope epistomium implens. Postea ignem suppone tormenti postremæ regioni, ita ut ignis omnes aquæ & aëris partes pervadat ac rarefaciat. Postquàm igitur omnes horum particulas satis attenuatas & à calore agitas esse colliges, resera unico circumductu epistomium penitus & perfectè, & videbis globum non minori impetu erumpere, quàm sinistrati pulveris vi fuisset ejectus.

EXPERIMENTVM VI.

Manuali sclopo Pilam eminus solo aëre proticere.

*Scloperum
manuale
onerare aëre*

PRaxin præscribit Porta lib: 19. Magiæ Natural cap: 5. in hunc sensum. Habeas manuale tormentum excavatum, & insigniter intus lævigatum; quod fiet, cylindro plumbeo & pulvere Smiri contrito per omnes partes ejus cavitatem perfricando. Accipe deinde bacillum cylindricum exactè complanatum undique, quem perfectissimè & sine transpiratione inclusi aëris foramen seu cavitas ænei tormenti capiat. Hunc
oleo

oleo mædæ fac totum (efficit enim oleum, ut nulla ex parte aër transpirare possit suâ crassitie) & indito in os tormenti plumbeo globulo exacte bacillum (obturato priùs foramine igniario) cumque unâ cum globo ad ima detrude, ut aër vehementer comprimatur. Remove demum manum, & vi compressi aëris forasque erumpere volentis, ejaculabitur tormentum emiaùs plumbum cum bacillo. Hæc Porta; quæ utique ludus puerorum sunt, si cum aliis modis supra & in Mechanica enarratis comparentur. Lege sequentem Annotationem II.

ANNOTATIONES.

I. **A** *Liud sclopeti pneumatici genus habet Merfennus in Phenom: Alia sclopeti Hydraul. Proposit: 33. quod absq̃ue novi aëris immissoone, vel aëris priùs immissi deperditione, seu emissione, quoties opus fuerit, aut liberaverit, explodere licet, & pilam ad scopum propositum emittere.*

II. *In ejusdem Propositionis Corollario tradit sclopetum pneumaticum, cui syrinx ad instruendum aërem non adhibetur, uti in plerisque aliis fieri solet. Nam si fiat tubus hexapedæ longitudine, cum helicibus concavis interioribus per totam tubi cavitatem, ut sit mater, in quam cylindrus seu bacillus cylindricus satis validus, & spiris convexis affectus ingrediatur, & aliud tubi osculum, per quod pulvis pyris accendi solet, perfectè obturatur; quàm diu cylindrus quinripedalis in illum tubum validè intorquetur atque impellitur, aër in illo sexripedali tubo priùs existens, ad unicum pedem compressione redigetur, & quintuplò quàm antea, densior evadit, retinebitur ab epistomio extremum tubi osculum claudente, donec bacillus cylindricus iterum extrahatur, & prædictum epistomium convertatur. tunc enim aër in interiori tubo conclusus per epistomii conversos erumpet, & pilam vel telum ejaculabitur.*

EXPERIMENTVM VII.

*Draconem volentem per aëra exhibere.**Draco Vo-
lans.**Historia vi-
dicula de
dracone
volante**Alia histo-
rica de dra-
cone volante*

Aërotechniam claudam vulgari quidem, at non injucundo Experimento Draconis per aëra volantis. Licet enim res sit pueris nostris in Europa, imò & in Chinensi regno universo, uti à P. Martino Martini intellexi, notissima, ubi certis anni temporibus certo spirante vento pueri agminatim per plateas & campos discurrunt, & dracones suos vento committunt aëra sulcaturos; ea tamen non rarò mirabiles in hominum animis concitavit motus, & ingeniosis ansam dare potest ad longè ingeniosiora & mirabilia excogitanda. Fui ego in Urbe quadam, ubi non poterant verbi DEI præcones in suggestu implorare DEI misericordiam, imò nec misericordiam nomen exprimere, sine gravi populi offensione, & animorum à se alienatione tali, ut ad concionantem non redirent amplius. Causa hæc erat. Confecerant pueri draconem volentem, & noctu extra Urbem in loco editiori montis, cujus dorso, Urbs imposita est, vento commiserant, ut urbi volando immineret. Videbant rem insolitam, & nunquam amplius visam, incolæ, & egressi domibus attoniti in genua se proolvebant, maximoque ejulatu DEI misericordiam implorabant, donec errore suo cognito luctus in risum fuit conversus. Ab eo tempore vicinæ urbes omnes, imò regnum totum, cum primùm aliquem ex urbis hujus incolis conspiciunt, cachinnis excipiunt, & misericordia, misericordia ingeminant; quo audito fremunt, & vindictam spirant, nec sine gravissima offensione id nomen, quacunque etiam occasione prolatum, auribus hauriunt, credentes in irrisionem & ignominiam eorum id efferri. Narrat etiam P. Athanasius Kircherus lib: 10. Lucis & Umbræ Par: 2. cap: 7. Experimento 4. eodem invento draconis volantis non nullos

mullos è Patribus nostræ Societatis in India è maximis Barbarorum periculis ereptos. Detinebantur ii in carceribus, nec ullis precibus aut minis liberari ab iis, quorum intererat, poterant; cum non nemo callidior tale quodpiam stratagemata excogitavit. Minitabatur Barbaris, nisi Patres redderent, brevi portenta visuros, & manifestam DEI iram experturos: inde, cum Barbari nihilo magis molliti essent, draconem confecit ex charta, modo mox dicendo, & ventri incidit has voces, gentis idioma te, I R A D E I: deinde in medio machinæ misturam ex sulphure, pice, ceraque collocavit, eâ industriâ, ut incensa machinam illuminaret, & simul dicta verba velut ignea præberet legenda. Vento demum commisit machinam; quam conspicientes Barbari, a deo fuerunt territi, jam jam irati. Numinis vindictam metuentes, ut carcere repente aperto liberos Patres dimiserint, rogantes ut Numinis iram precibus suis averterent. Interea machina flammis correpta in fumum abiit; suo quasi munere perfuncta, Barbaris eam avolasse credentibus.

Machinæ structuram describit *Porta* lib. 20. *Magiæ Naturæ*, cap. 10. & ex ipso Weckerus, Schwenterus, Kircherus, Hartstorfferus, & alii; qui omnes, vulgaris licet sit, dignam tamen censuerunt quam referrent; quare & nobis idem facere licebit. Solam tamen simpliciore structuram, quâ pueros nostros uti video, referam; cujus & Schwenterus meminit. Ad glutinant enim simul multa folia chartæ invicem sibi imposita, ut robustior fiat machina, & vento impellenti resistat, plura aut pauciora, prout major aut minor futura est machina. Leves deinde arundinum, aut pinorum paxillos, viminum vè segmenta in draconis sceleron efformant, eique chartam superinducunt; formatam in caput, alas, & caudam longissimam draconis, coloribus etiam additis, qui draconis colores subvirides, ac flammeos exprimant. Alii tamen ventrem inferius apertum relinquunt, quò melius ventum concipere, & ab eo impelli queat. Demum paxillorum medio ac fortissimo funiculum

*Draconis
volantis
constructio.*

culum longissimum alligant, & in glomum circa bacium aliquem manu prehensum convolvunt; & conscensâ turri, aut monte, imò & in ipsa planitie, vento spirante in altum proiciunt, & funiculum paulatim laxant, dum is per aëra à vento detertur, non sine spectantium delectatione, & simpliciorum admiratione.

Porta (& ex ipso alii suprâ citati) accuratiùs sic describit artificium.

E subtilioribus arundinum paxillis quadrangulum constituitur, ut longitudo latitudini hemiolia seu sesquialteræ sit proportionis: diametri duæ ex oppositis partibus vel angulis immittantur, quarum intersecationi funiculus illigetur, & ejusdem quantitatis cum duobus aliis jungatur, è capitibus machinæ provenientibus. Sic papyro, vel subtili lino obtegatur, nè quid grave in ea sit. Inde è turris, montis vel altioris loci fastigio, equalibus & uniformibus ventis credenda; non validis, nè disrumpatur machinæ, nec levibus, nam si undique silebit aura, eam non sublimat, ventorumque segnities irritum facit laborem. Ipsa recto non incedit tramite, sed obliquo (quod efficit funis tractus è capite uno ex altero) longa cauda, quam è restibus effinges æquidistantibus, & papyris passim religatis. Sic levi tractu immissa, artificis manibus committenda, qui nec segniter, neque oscitanter, sed validè impellat, & sic carbæsus aëra petit, ubi paululum fuerit elevatus (hic enim ex domorum anfractu disruptus est ventus) ut vix in manibus compesci, vel retineri queat. Laternam aliqui suprâ locant, ut cometa videatur; Sclopum alii charta & pyrio pulvere involutum; & cum in aëre quiescit, immittitur per restim accensus funiculus, annulo, vel lubrico aliquo, statimque velum petens, ignem ori admovet, maximoque tonitru machinæ in plures diffusis partes, & ad terram procumbit. Ælurum aliqui, vel catulum alligant, ac per aëra immissas auscultant voces. Hæc Porta. Qui accuratio rem fabricæ seu compositionis descriptionem desiderat, legat Schwenterum in Recreatio, Mathemat, Par: 12. q. 25.

ANNOTATIONES.

Porta putat, ingeniosos ex his discere ac deducere posse, quoniam pacto etiam homo per aërem volare queat; uti etiam supra lib. 4. Machina 5. notavi, ubi de Archita columba tractavi, si nimirum ingentes alas cubitis & pectori alligaret, & eas à pueritia paulatim jactare assuesceret, loco semper sublimiori. Sed hoc ego nemini suaserim, propter causam ibidem indicatam. Schwenkerus loc. cit. ait, Norimbergæ quendam didicisse volare de sublimi ad ium loco, ac semel feliciter id fecisse, alterâ tamen vice fregisse cervicem suam, & damno docuisse, avium, non hominum semitas in aëre constituendas.

Homo quomodo possit volare, ex Porta.

II. Idem Porta existimat, Archita columbam non aliâ, quàm dictâ ratione, per aëra, volasse, uti citato loco ex ipso retuli. Et quamvis Porta non assentiar, aliusq; Archita ingenium evolasse existimem, ut ibidem notavi; in eadem tamen opinione invenio esse Kircherum loco supra citato in Corollario, ubi ait, nec Archita columbam, nec Regiomontani aquilam, alio artificio volasse, quàm hoc, eosque hallucinari graviter, qui certâ libratione, aut abdita ponderum proportione id contigisse credunt, cum hoc omnibus statica principiiis repugnet.

Archita columna lignea volans, quomodo fuerit constructa, ex Porta.

III. Huc spectant Machinae nonnullae pneumaticae, quos in Mechanica dedimus, nimirum Sphæra in aëre suspensa, ac circa suum centrum mota, quam descripsimus Par. 2. Classe 1. cap. 6. Machina 1. & Anemoscopium commune, uti & Anemoscopium Kircherianum, quae ibidem Machina 14. & 11. descripsimus: item Cista pneumatologica autophôna, quam dedimus Classe 3. Machina 10. Alia etiam adduci poterant, sed abstinco, & ad Pyrotechnicam propero.

MONITIO AD LECTOREM.

Dominus Ieremias Mizijs, de quo supra nuper ad me scripsit ideam ingeniosissimi fontis hydro-pneumatici, à se excogitati, & in horto suo domestico constituendi. Volebam eum huic Libro apponere, quoniam ob artificium rarum & exactissimum dignus est qui Magiam nostram Aërotechnicam exornet: at quoniam serius ad me venit, cum schemata omnia pro toto hoc Opere jam disposita ac distributa, & Francofurtum incidenda fuerant transmissa; desiderio meo satisfacere non potui. Erit fortassis alibi locus ad eum in lucem publicam producendum.

Volebam hinc de Magia Pyrotechnica agere, ad Mechanicæ complementum, at quoniam præterea præsertim Physica est, ad quartam hujus Operis partem, hoc est, ad Thaumaturgum Physicum eam remitto.




LIBER OCTAVVS

DE MAGIA ARITHMETICA,

SIVE

De nonnullis admirandis & maximè paradoxis Arithmetice & Problematibus.

P R O O E M I U M,

 *Quæcumque in Arithmetica, hoc est, numerorum scientia hæcenus excogitata sunt, & libris commissa, aut summè utilia esse, aut admiranda maximè ac paradoxa, aut mysteriis plenissima, is solus ignorat, qui quæ Diophantus, Cardanus, Tartaglia, Buteo, Cusanus, Kircherus in Arithmetica Hieroglyphica, Bungus, Vieta, Guldinus, Widmannus, Grammateus, Frisius, Clavius Ceulenius, Henischius, Stifelius, Stevinus, Tacquetius,*

Arithmeti-
ca Magia.

tius, aliique innumeri & doctissimi viri preclarissime scripsere, ignorat. Quare quot ferè libros de Arithmetica conscriptos in manus sumpserit, tot de Magia Arithmetica commentarios reperies; quorum magna copia cum passim sit obvia, actum merito agere dicerer, si multa huc congererem. Quare omiſſis innumeris quæ dicenda occurrunt, pauca quedam, sed maxime admiranda ac paradoxa Problemata afferam, non novo quidem artificio, novo tamen labore, ex progressionum ac combinationum peruario deprompta. His addam quæ de pernicioſa non minus quam superstitiosa sigillorum planetariorum structura quidam comminiscuntur, ut vanitate eorum perspectâ eo habeantur loco ab omnibus, quo tam stolidâ figmenta haberi merentur. Tandem curiosiora quedam, & minus obvia, ad divinatoriam maxime Arithmeticam spectantia, quesita adnectam. Atque hæc omnia Arithmeticæ Magiæ nomine hoc loco intelligo.



SYNTAGMA PRIMUM

De admirando progressionis geometricæ incremento, ad innumerabilem graduum gratiæ numerum Magnæ Dei matris MARIÆ quoquo modo æstimandum.

Multi doctissimi viri hanc à Deo Beatissimæ Virgini Deiparæ MARIÆ prerogativam esse datam statuunt, ut per singulos charitatis actus gratiam prius habitam duplicaret. Si ergo annos vitæ eidem tribuamus non plus 64. (quavis multi non levibus adducti argumentis non minus 72 ei concedant) statuamusque in primo Immaculatæ Conceptionis suæ instanti non nisi unum Sanctificantis gratiæ gradum à DEO infusum habuisse, & annis singulis vitæ totius quatuor tantum charitatis actus elicuisse; in fine vitæ tot gratiæ gradus eam habuisse, & nunc in calis tot gradus gloriæ (cujus semen grātiæ est) habere necesse est, ut omnem humanæ mentis capacitatem excedere merito videatur. Numerum hunc ut quoquo modo conciperem, & apodixi mathematicâ ob oculos ponerem; indagavi pridem, si singulis gradibus immensi illius cumuli, quem ex geometricæ progressionis arcanis erueram, singula papa veris grana, quorum triginta quinque secundum lineam rectam disposita, & se se mutuò contingentia, digiti transversæ latitudinem adæquant, tribuerem, quot ea mundos

Problema
de cumulo
graduum
gratiæ B.
Maria Vir-
ginis.

dos nostrò haud paulò majores replerent. Calculum longè post doctissimo viro P. Philippo Colbino, olim in hac Herbipolensi Universitate Matheos Professore, ac meo antecessori, nunc Sacrae Theologiae in Moguntina Universitate Lectori, examinandum tradidi. Examinavit, approbavit, & longiùs ac feliciùs provecus, ut rem eandem adhuc illustriorem redderet, sequens formavit Problema; quod & disputationi publicae virorum doctissimorum proposuit magnae spei juvenis Maximilianus Habersack, Physices tunc & Matheos Studiosus, nunc Societatis nostrae Religiosus. Quod cum non solum propositam à me quaestionem enodet, sed multa alia etiam verè admiranda, prorsusque paradoxa, verissimam tamen, & evidentissimo ratiocinio stabilita contineat; dignissimum censui quod, meo omisso, huc transferrem: est enim omnino magicum, hoc est, mirum simul ac iucundum.

Calculatio porrò arithmetica frequens & operosa in Problemate occurrens, eà diligentiam, accuratione, ac fidelitate est ab Auctore peracta, ut asserere certò ac sine hesitatione audeam, erratum in ea, quam mihi tradidit, non esse. Quare si error in typum irrepserit, eum certò scias Typographi esse. Omni tamen curà adnitari nè quis irrepat. Problema maioris distinctionis gratiam in suos paragraphos distinguam, quaedam mutabo, quaedam omittam, quaedam de meo interferam, sed diverso charactere, in Annotationibus.

*§ 1. Proponitur Problema, ad cumulum graduum gratia Beatae MARLÆ Virginis. a-
stimandum.*

Dives, & in rebus gerendis apprimè versatus, decies centena aureorum millia obtulit mercatori cuidam, hac lege, ut sibi sexaginta quatuor annorum spatio censum persolveret, primâ quidè solutione aureum unum, post hæc elapso quovis trimestri spatio aliam solutionem in dupla semper prioris proportionem; quibus elapsis liber foret & à censu, & à decies centenorum millium restitutione. Hac oblatione factâ, auri cupidus mercator, quasi tunc pri nùm sibi fortunatus illuxisset dies, privata lucri ratiocinia animo volvens, & ad fallaces numerorum progressionem minimè attendens, è templo consentit; sit contractus instrumentis publicis; sed ut varia est rerum fortuna, dives ille versipellis ante primum trimèstre vitâ excedit, res in oblivionem devenit; alter interim sibi de thesauro obento gratulatur. Præter lapsis tandem sexaginta quatuor annorum interstitiis, demortui successores veniunt in prædictæ obligationis cognitionem; se insinuant, exigunt, instant; tandemque ad minas devolvuntur: cum verò nullus superesset effugit locus, & de quantitate debiti non constaret; de communi consilio adeunt Arithmetico-geometram, propositæque quæstionis solutionem exposcunt. Præsentit animo Arithmetico-geometra difficultates, quærit latebras, sibi ait non constare pacti validitatem, hoc munus esse juris & Theologiæ Moralis peritorum. Urgent tamen quæstionis enodationem hæredes. Quare geometricarum progressionum doctrinâ suffultus, in chartam ordine septuaginta octo numeros describit, hisque testatur contineri totius obligationis & summæ rationem. Rogant ii, quid sibi numeri illi velint edisserat. Exprimat iste numerorum valorem, repetitis sæpius juxta rei exigen-

tiam millionum vocibus. Conqueruntur de solutionis obscuritate, & magis se in tenebris nunc quàm antea versari palàm profitentur; rogantque iterum, dignetur rem totam rudi Minervâ & crassiori depingere penicillo. Quare ut muneri suo, & petitioni illorum taceret satis, in sequentes sex prorupit Propositiones.

PROPOSITIONES SEX PROBLE-

MATIS.

I. Major est numerus aureorum debitorum, quàm universa Mundi machina usque ad Firmamenti convexitatem capax est granorum papaveris.

II. Licèt decem milliones Mundorum existerent, ne utiquam forent capaces tot numero granorum papaveris, quot aureorum est debitum.

III. Sint tot Mundi, quot globus terrestris capax est granorum papaveris; adhuc omnes illi Mundi longè distabunt in capacitate granorum papaveris à numero aureorum debitorum.

IV. Numerus individuorum substantialium, quæ à primordio mundi huc usque fuère in orbe elementari (à quibus non excipio atomos) exiguus admodum reputandus est, cum numero aureorum debitorum comparatus.

V. Si ponamus Mundum duraturum aliis decem centenis millibus annorum; numerus individuorum substantialium producendorum in orbe elementari, junctus cum numero præteritorum & præsentium, longè distabit à numero aureorum solvendorum.

VI. Si probabili conjecturâ uti licet, ausim affirmare, numerum spirituum cælestium, numero substantialium individuorum additum, adhuc fore inferiorem numero aureorum debitorum,

His propositionibus auditis, delusos se putantes confusos discessere, & convitiis oneratum Arithmetico-geometram deseruere. Hujus causam agere in animo nobis est, demonstrareque questionis enodationem sex Propositionibus confirmatam, rudiorique calamo expressam, ad amussim veritati respondere.

ANNOTATIO.

Inter explicandum dictas Propositiones, plures alia non minus paradoxæ interferuntur, ut quod plures sunt aurei debiti, quam guttæ aquæ toto anno decidunt de calo, tametsi diebus singulis tantum deflueret aquæ, quantum toto diluvii universalis tempore depluit; item quot anni requirantur ad dictum debitum successive extinguendum; quanta diametri debeat esse globus tot papaveris granorum capax, quot aureorum est debitum; an major sit aureorum debitorum numerus, quam cogitationum omnium hominum in hac vita degentium; aliaque similia.

S. II. Statuitur, aureorum debitorum summam complecti figuras arithmeticas septuaginta octo.

Primum quod ab Arithmetico-geometra probatum fuit in solutionem quæstionis sibi propositæ, erat, septuaginta octo numeros seu figuras arithmeticas complecti in se totam aureorum debitorum summam quod mihi primo loco ostendendum est, utpote fundamentum aliarum sex Propositionum. Hoc igitur sic eruitur. Primò, statuitur numerus solutionum faciendarum in proportione geometrica dupla spatio annorum sexaginta quatuor, quibus se mercator ad solvendum adstrinxerat: qui numerus habetur, si 4 solutionum nume-

Summa in problema te expressa constat 78. figuras arithmetica.

*Progressio
geometrica
quid sit.*

rus intra annum quemlibet faciendarum ducatur in 64. nam productum 256. sunt solutionum faciendarum summa. Secundo, inquiri numerum, qui contineat in se tot unitates, quoraurei solvendi 256 solutionibus; & hoc præsto ex geometricæ progressionis doctrina. Est autem progressio geometrica series plurium numerorum se in eadem proportione superantium, ut apparet in his, 1. 2. 4. 8. 16. quilibet ex his habet proportionem duplam cum suo anteriore, hoc est, se habet ut 2: ad 1. Talem proportionem continent solutiones aureorum de quibus nunc est sermo. Dico itaque, numerum illum, qui in ordine obtinet; juxta progressionem geometricam in dupla proportione; locum 257, complecti in se summam aureorum solvendorum solutionibus 256, abjecto prius uno aureo: quod sic ostendò. In progressionem geometricam duplæ proportionis incipiente ab unitate, quilibet progressionis terminus continet totam summam progressionis antecedentis, & in super unitatem, ut patet in his quinque numeris, 1. 2. 4. 8. 16; nam ultimus terminus 16, continet summam totius progressionis antecedentis, seu omnium terminorum antecedentium, nimirum 1: 2. 4. 8. & in super unitatem; conficiunt enim illi quatuor numeri simul sumpti 15. Ratio est, quia sicut se habet 2 ad 1; numerum seu terminum priorem in progressionem proposita, ita 4: ad 2 & 1, suos anteriores terminos in eadem proportione: nam 4 est duplum ipsius 2; ergo continet ipsum 2, & in super rationem ipsius 2 ad 1, quia bis complectitur 2: ergo sicut 2 continet terminum suum anteriorem, & in super unitatem; ita 4: continet terminos suos anteriores, & unitatem. Hinc hæc regula universalis statui potest in progressionem geometricam duplæ proportionis, sive ab unitate incipiat, sive non: Sicut secundus terminus continet priorem, & præterea aliquam vel aliquot unitates; ita quilibet alius terminus continet suos anteriores, & in super tot unitates, quot secundus terminus ultra primum complectitur. Exempli gratiâ, incipiat progressio duplæ proportionis à 4: quia secundus terminus, nimirum 8, continet

*Progressionis
geometricæ
regula uni-
versalis.*

tinnet

inet priorem, & insuper 4 unitates; ita quilibet terminus in illâ progressionē continebit anteriores, & insuper 4 unitates. Verbi gratiâ; tertius terminus 16, continet anteriores 4 & 8, quæ faciunt 12, & insuper 4 unitates; item 64, qui est quintus in ordine terminus, continet omnes anteriores, nimirum 4, 8, 16, 32, quæ simul efficiunt 60, & præterea 4, quæ simul cum 60 faciunt 64; ita de reliquis. Ergo ut ad nostrum institutum redeamus, numerus collocandus loco 257mo in progressionē duplæ proportionis ab unitate incipiente, complectitur in se totam summam aureorum, quos in 256 solutionibus anterioribus exsolvere oportet, & unam unitatem; ideoque hac ablata, habetur numerus aureorum solvendorum 256 solutionibus.

Duo porrò sunt modi ad inveniendum numerum seu terminum 257mo loco ponendum in serie continua progressionis geometricæ duplæ incipientis ab unitate. Primus est per duplicationem continuam totius seriei, sic: 1. 2. 4. 8. 16. 32. 64. 128. & ita ulterius usque ad 257mam duplicationem. Sed hic modus valde operosus est. Pro secundo & faciliore modo, suppono, in progressionē geometrica duplæ proportionis incipiente ab unitate, quemlibet numerum seu terminum in se ductum procreare illum, qui collocandus est in loco tantum à se distante, quantum ipse distat ab unitate. Demonstrat hoc *Euclides* lib. 9. Proposit. II. verbi causâ in hac progressionē, 1. 2. 4. 8. 16, tertius terminus, 4; ductus in se, dat numerum collocandum quinto loco, nimirum, 16; quia 4 distat ab unitate duobus locis; ergo & numerus productus, 16, debet distare à 4 duobus locis, ac proinde collocari debet quinto loco.

Juxta hanc regulam construxi sequentem Tabellam, ad inveniendum numerum 257mo loco collocandum.


*Progressio-
num omni-
um nume-
ri quomo-
do inveni-
tur.*

TABELLA progressionum juxta regulam datam usque ad locum 257um.

Locus. Numerus.

1.	1.
2.	2.
3.	4.
5.	16.
9.	256.
17.	65536.
33.	4294967296.
65.	18446744073709551616.
129.	340282366920938463463374607431769211456.
257.	115792089237316195423570985008687907853269- 984665640564039457584007913129639- 936. Sunt figuræ septuaginta octo.

Vides in hac Tabella , quòd quilibet numerus sit productus ex multiplicatione antecedentis in seipsum , & quòd unicuique assignatus sit locus secundùm regulam datam. V. G. numerus 65536 obtinet locum 17, quia producitur ex ductu numeri 256 in seipsum , qui obtinet locum 9; tantum autem distat locus 17 à 9, quantum 9 ab unitate. Idem servatum est in aliis. Rectè ergo invenimus numerum respondentem loco 257; qui quidem numerus tot continet unitates, quot solvendi sunt aurei juxta prædictam progressionem in 256 solutionibus; quod erat faciendum.



ANNOTATIO.

VT autem facile cognoscas, quot figurae Arithmeticae debeant provenire ex multiplicatione cujuscunque numeri per alium numerum, sume hanc regulam infallibilem. Numerus proveniens ea multiplicatione unius numeri in alium, non potest continere plures figuras ordine positas, quam contineat multiplicans & multiplicandus simul; nec pauciores quam uterque minus unâ. V. G. si multiplicandus sit 99, & multiplicans similiter 99, non potest summa resultans continere plures figuras quam quatuor; nempe 9801: item si multiplicandus sit 99, & multiplicans 10, non potest summa resultans continere pauciores figuras quam tres, nempe 990. Ratio desumitur à natura multiplicationis: nam multiplicatio numeri in numerum, ut eam desinit Euclides lib. 7. Elem. Definit. 15. est inventio numeri, qui ad alterum multiplicantium eandem habet proportionem, quam alter multiplicantium ad unitatem, hoc est, productum ex multiplicatione debet continere toties multiplicantem, quoties multiplicans continet unitatem. Sic si 4. multiplicetur per 4. producitur 16. in quo 4. continentur quater, sicuti unitas in 4. continetur 4. Ex hoc sequitur quod diximus in regula praedicta: nam si productum continet plures figuras, quam multiplicans & multiplicandus; continebit multiplicantem saepius, quam hic unitatem: si autem productum continet pauciores figuras quam multiplicans & multiplicandus, unâ minus; continebit multiplicantem minus saepe quam hic unitatem. Verumque fuse probat Auctor Problematis, quod tamen brevitaris causa omitto. Hae regula cum servata sit in omnibus multiplicationibus Tabulae supra posita, ut consideranti patet; constat eas rite esse peractas, saltem quoad figurarum numerum in qualibet serie seu loco.

S. I. I. Stabilitur Propositio I, scilicet, majorem esse numerum aureorum debitorum, quam granorum papaveris quæ intra Firmamenti convexitatem concludi possunt.

Constituto ergo numero & solutionum, & aureorum debitorum, facile nunc est ostendere, Propositiones supra positas veritati congruere. Suppono autem, duorum numerorum illum esse majorem, qui plures continet figuras ordine positas.

Diameter mundi juxta Alphraganum.

Prima igitur Propositio hæc fuit: *Major est numerus aureorum debitorum, quam universa Mundi machina usque ad firmamenti convexitatem capax est granorum papaveris.* Ad quod probandum, statuo diametrum Mundi à convexo ad convexum Firmamenti, seu à concavo ad concavum Emphyrei, per centrum terræ, esse, juxta mentem Alphragani (quem nunc sequi lubet, ut quam maximam Mundi capacitatem eligam, alii enim longè minorem statuunt,) esse milliatarum Italicorum 323769887. Sumo deinde grana papaveris tam exigua, ut 40 juxta se posita in una linea recta, & se mutuò tangentia, explant latitudinem digiti, adeo ut latitudo digiti geometrici contineat in se 40 diametros grani papaveris, quamvis revera longè pauciores contineat, ut supra dixi. Tandem suppono ex *Euclide* lib. 12. Elem. Proposit. 18. sphaeras inter se esse in triplicata proportione suarum diametrorum, hoc est, si una sphaera habet diametrum unius palmi, altera verò trium palmorum, illas duas sphaeras se habere ad invicem in capacitate, sicut 1 ad 27, quæ est proportio triplicata unius ad tria, hoc est, ter ordine posita sic, 1. 3. 9. 27; nam tria ad unum habet proportionem triplam, uti & novem ad tria, & viginti septem ad novem.

Sphaera sunt in triplicata proportione diametrorum.

Sphaera digitalis quot grana papaveris contineat.

His præmissis, ita discurro. *Primo*, sphaera digitalis, hoc est, cujus diameter est latitudo unius digiti, ad granum papaveris

veris

veris, hoc est, ad Sphæram cujus diameter est latitudo unius grani papaveris, habet rationem triplicatam diametrorum prædictarum. Quoniam igitur diameter grani papaveris se habet ad diametrum sphære digitalis, ut 1. ad 40; habebunt istæ duæ sphære triplicatam proportionem prædictarum diametrorum, id est, si proportio 1 ad 40 triplicetur, sic: 1. 40. 1600, 64000; erit inter granum papaveris & sphæram digitalem proportio talis, qualis est inter 1 & 64000, ac proinde sphæra digitalis continebit grana papaveris 64000.

Secundo, sphæra palmaris, hoc est, cujus diameter est palmus, ad sphæram digitalem, habet rationem triplicatam diametrorum. Quoniam igitur diametri harum duarum sphærarum se habent ut 1 ad 4 (nam palmus continet quatuor digitos;) si hæc ratio triplicetur, sic: 1. 4. 16. 64; erit proportio inter sphæram digitalem & sphæram palmarem, qualis est inter 1 & 64, hoc est, sphæra palmaris continebit sphæram digitalem 64 vicibus. Et quia sphæra digitalis continet grana papaveris 64000; si hic numerus multiplicetur per 64. producentur 4096000, numerus nimirum granorum papaveris in palmari globo contentorum.

Tertio, sphæra pedalis, hoc est, cujus diameter est unus pes, ad sphæram palmarem habet rationem triplicatam diametrorum. Quoniam igitur diametri harum sphærarum habent rationem præcedentem, nimirum 1 ad 4 (nam unus pes continet quatuor palmas;) si hæc ratio triplicetur ut antea, erit proportio inter has sphæras ut 1 ad 64, hoc est, sphæra pedalis continebit sphæram palmarem 64 vicibus. Et quia sphæra palmaris continet grana papaveris 4096000; si hic numerus multiplicetur per 64, producet numerus granorum papaveris contentorum in sphæra pedali, nimirum 262144000.

Quarto, sphæra cujus diameter est passus, ad sphæram pedalem habet rationem triplicatam diametrorum. Quoniam igitur diametri harum duarum sphærarum habent rationem ut 1 ad 5 (nam passus continet quinque pedes;) si hæc ratio

triplicetur sic: 1. 5. 25. 125; reperietur proportio inter illas, qualis est inter 1 & 125, ac proinde sphaera unius passus continebit sphaeram unius pedis 125 vicibus; & si numerus granorum papaveris sphaerae pedalis multiplicetur per 125, proveniet numerus 32768000000; & tot grana papaveris continet sphaera unius passus geometrici in diametro.

*Et sphaera
unius mil-
liaris in
diametro.*

Quinto, sphaera unius passus ad sphaeram unius milliariae Italici, habet rationem triplicatam diametrorum. Quoniam igitur diametri harum sphaerarum habent rationem ut 1 ad 1000 (nam milliaria Italica continet mille passus) si haec ratio triplicetur sic: 1. 1000. 1000000. 1000000000; erit inter sphaeram unius passus, & sphaeram mille passuum, proportio talis, qualis est inter primum & quartum numerum, hoc est, inter 1 & 1000000000. Si igitur hic numerus multiplicetur per numerum granorum papaveris in sphaera unius passus contentorum, nimirum per 32768000000; producet numerus granorum papaveris contentorum in sphaera cujus diameter est milliaria Italica, nimirum 3276800000000000000000, qui numerus continet viginti figuras arithmeticas ordine postas.

ANNOTATIO.

Endem hunc numerum granorum papaveris in sphaera milliariae reperies sine tot ambagibus sic. Quoniam diameter sphaerae digitalis ad diametrum sphaerae milliariae, habet rationem 1 ad 80000 (nam unum milliaria Italica continet digitos 80000) & haec ratio triplicata dat hos numeros, 1. 80000. 6400000000. 512000000000000; propterea ratio primi numeri ad quartum est ratio seu proportio illarum sphaerarum, ac proinde sphaera milliaria continet tot sphaeras digitales, quot quartus numerus continet unitates. Et quia sphaera digitalis continet grana papaveris 64000, si quartus praedictus numerus per hunc multiplicetur, producentur ut antea 32768000000000000000.

Sextò, hisce constitutis sic colligemus quot grana papaveris capi possint in universo usque ad convexum primi mobilis, seu ad concavum usque Empyrei. Diameter universi, juxta Alphraganum, est, ut suprà dicebam, milliariorum Italico-
rum 323769887, qui numerus in se cubicè ductus dat sphæram universi continentem globos milliarios, 3393980643028802-
9551947103; hic enim numerus (qui continet figuras viginti sex) habet triplicatam proportionem rationis diametrorum sphære milliariæ & sphære universi. Si itaque hunc numerum multiplicaveris per numerum granorum quæ continentur in sphæra milliaria, nempe per 32768000000000000000; prodibit numerus granorum papaveris quorum universum capax est, nempe 112139577107678152489274671104000-
000000000000. Quantò porrò hic numerus minor sit numero aureorum debitorum, inde patet, quòd hic solum quadraginta sex figuras ordine positas continet, aureorum verò debitorum numerus sit septuaginta octo figurarum, ut vidimus in §. præcedente. Stat ergo prima Propositio.

*§. IV. Stabilitur Propositio II, scilicet, licèt decem
milliones Mundorum existerent, neutiquam forent
capaces tot granorum papaverum,
quot aureorum est debitum.*

GRadum nunc facimus ad ostendendam veritatem secundæ Propositionis, quæ dicebat, licèt decem milliones Mundorum existerent, neutiquam forent capaces tot numero granorum papaveris, quot aureorum est debitum. Quod breviter ita ostendo. Si multiplices numerum paulò antè inventum, per decem milliones, hoc est, per 10000000, prevenit numerus granorum quæ in decem millibus Mundorum capi possunt. Hoc autem assequeris, si illi numero adjeceris septem cyferas: his verò adjectis, prodit numerus idem qui antè,

auctus tantum septem cyfris, eritque summa constans figuris
 quinquaginta tribus ordine positis, multum distans à nume-
 ro aureorum debitorum; utpote, ut dictum, constante figuris
 septuaginta octo:

*§ V. Stabilitur Propositio III, scilicet, si sint tot
 Mundi, quot globus terrestris capax est granorum
 papaveris; adhuc omnes illi Mundi longè di-
 stabunt in capacitate granorum papa-
 veris à numero aureorum
 debitorum.*

HUjus Propositionis probatio paulò operosior quidem est
 quàm aliarum, nihilo tamen certior. Fateor ingentem &
 vix concepitibilem granorum numerum procreari ex dicta hy-
 pothesi: si enim a deo magnus exoritur numerus granorum re-
 spectu unius tantum Mundi, ut vidimus in §. tertio; quis tan-
 dem proveniet ex capacitate tot innumerabilium Munda-
 rum? ut constet igitur Propositionis veritas, inveniendus est
 numerus, qui toties complectatur grana papaveris quæ in uni-
 verso concludi possunt, quoties reperitur unitas in numero
 granorum ejusdem papaveris, quæ in globo terrestri capi pos-
 sunt. Qui numerus inventus si minor fuerit numero aureorum
 debitorum, satisfactum erit Propositioni. Statuamus igitur
 cum recentioribus ex Clavio, diametrum Terraquei globi, ut
 radii 6071: quæ ratio si triplicetur, inveniatur quòd globus Ter-
 raqueus contineat globos unius Italicæ milliariæ, 223759095911:
 qui numerus si multiplicetur per numerum granorum papa-
 veris quæ in globo milliario continentur, nempe per 3276800-
 000000000000; proveniet numerus granorum papaveris
 quæ in globo Terraqueo contineri possunt, nimirum 7332138-
 0548116480000000000000; qui quidem continet figuras
 ordine

*Diameter
 globi Ter-
 raquei.*

tinando æquâ lance rationes in oppositum, quilibet facillè in eam sententiam iret, fore plures guttulas (quo nomine intelligo etiam floccos nivium, & globulos grandinam, cum sint essentialiter aqua) intra anni spatium decedentes, præsertim si annus sit præ cæteris pluviosus. Attamen contrarium dicendū arbitror, scilicet longè majorè esse aureorum debitorum numerum, quàm sit guttularum aquæ in toto Orbe è cælo in hæc inferiora delabentium. Ut rem probemus, necesse est aliquam aquæ copiam determinare, quæ omnium iudicio adæquet illas è cælo decedentes; & insuper quantitatem guttulæ, utpote in infinitum divisibilis.

Guttularum aqua è cælo decedentium numerus vero major statuitur.

Quoad primum, statuo tantum aquæ intra anni spatium in toto Orbe decidere, quantum de facto in vastissimo Oceano continetur, adjunctis etiam fontium & fluminum aquis, ita ut si omnis illa aqua conservaretur, nõ minor esset eâ quam nunc in se Terra continet intra maria, flumina, fontes, lacus &c. Sed demus tantam aquæ copiam intra annum decidere, quantus est totus Terraqueus globus ex terra & omnibus aquis in ea contentis compactus. Imò demus tantum decidere aquæ, quanti sunt 100 Terraquei globi nostro æquales.

Earundem quantitas verâ minor.

Quoad secundum, pono guttulam aquæ non majorem quàm sit millesima pars grani papaveris supra recensiti: vis amplius? quàm sit millionesima: vis adhuc amplius? quàm sit mille millionesima pars grani papaveris, hoc est, tã exigua sit guttula quam statuo, ut unica guttula aquæ æqualis magnitudinis cum grano papaveris, in se contineat mille miliones partium. Minorem credo non concedent illi possibilem, qui admittunt minima physica. Jam hæc semper suppositione servatâ & copiarum aquæ, & guttulæ magnitudinis, sic reperitur numerus guttularum sub tali hypothesi. Multiplicetur numerus granorum papaveris contentorum in globo Terraqueo per 1000000000, hoc est, per mille miliones; prodit numerus continens mille millionesimas partes grani papaveris, qui numerus mille millionesies plus continet, quàm sint grana papaveris in globo terrestri contenta; eritq; numerus guttularum aquæ conten-

tarum

*Diluvii
aqua unde
orta.*

los per integri anni spatium è cælo pluerè, quantũ in catachlyfmo univertali, quando divina Iustitia in ingratum hominum genus defævit, super faciem terræ congregata fuit; sive hæc aqua ex vaporibus in secundam aëris regionem attractis, & in aquam converfis; sive è tomelcenti Oceano in altum sublevato vi exhalationum in mare receptarum; sive è converso in aquã aëre secus terram, subsequente alio virtute rarefactionis distecto; sive ob guttas è super cælestibus aquis mandato DEI, ut ipsi vindicanti præsto essent, in terram decidentis; sive à quacunque alia causa provenerit: adhuc tamen omnis illa aqua non continet tot numero guttulas, servatã proportionè sæpius dictã, quot numero sunt aurei debiti. Quod sic ostendo.

*Diluvii
aqua quanta
fuerit.*

Quantæ fuerint aquæ diluvii, tractat *P. Cornelius à Lapide* in Comment. c. 7. Genesis, ubi testatur, præclaros Romæ Mathematicos computũ ineuntes reperisse, quòd non excedant proportionem ducentissimæ trigessimæ octavæ partis globi terrestris, seu Terraquei. Fundantur in sacris literis, è quibus constat, aquas diluvii superasse altissimos montes quindecim cubitis. Ex quo deducunt, aquas fuisse elevatas supra terram ad summum ad 5000 passuum; summi siquidem montes vix in linea perpendiculari quatuor milliaria Italica eminent supra terræ superficiem. Ut ut sit (ego certè altissimis etiam in Orbe montibus non tantam attribuo altitudinem,) ponamus tantum aquæ fuisse, quantus est totus globus Terraqueus, nimirum ducenties trigiesies octies plus, quàm revera fuerit juxta prædictorum Mathematicorum sententiam. Jam si numerum guttularum aquæ tenentium millemillione cuplam ad granum papaveris proportionem, quæ in globo Terraqueo contineri possunt, multiplicemus per 365 dies, quot nimirum annus numerat; prodit numerus quæsitus. Ego, ut veritas mgis pateat, multiplico dictum numerum per 1000, statuens annũ unum constare mille diebus; provenient 43 figuræ ordine positæ, idem scilicet numerus qui suprã adjectã unã cyfrã. Hic autem numerus longè inferior est, quàm aureorum debitorum; quod ostendendum erat.

S. VIII. Stabilitur Propositio IV. nimirum numerum individuorum substantialium, quæ à principio Mundi huc usque fuere in orbe elementari, exiguum esse cum numero aureorum debitorum comparatum.

CRadum nunc facio ad quartam Propositionem demonstrandam, qua asseritur, numerum aureorum debitorum in 256. solutionibus in dupla geometricæ progressionis proportionem faciendis, longè minorem esse, quam sit numerus individuorum substantialium præteritorum & præsentium, sub lunæ cælo existentium. Quare, ut Propositio fert sermo est de individuis substantialibus, quæ & prima vocantur: unde excluduntur accidentalia individua, hoc est, quorum entitas est accidens, sive intentionalia sint, sive realia, eo quod de iis, numerus aliquis probabilis iniri non possit.

In ipso autem limine duæ difficultates, & quidem non exiguæ considerationis, sese offerunt. Prima est, quod nullus determinatus individuorum actu existentium numerus, ne quidem probabiliter, statui possit, nisi planè arbitrarii esse velimus. Altera est, quod magis voluntarium, ni mavis dicere temerarium, est, statuerè aliquid de numero individuorum per generationem continuo de novo productorum. His tamen non obstantibus progredior, & ut via securiore procedam, statuo numerum utrorumque, qui omnium iudicio multo maior censetur, quam reuera sit ille pro quo assumitur.

Primum itaque dum sermo est de individuis substantialibus actu in orbe elementari sub concavo lunæ existentibus, hanc inco-
Individuorum substantialium numerus statuitur.

ambiget, multo pauciora esse individua substantialia actu quam grana papaveris sub concavo lunæ contineri possunt? Tametsi enim non diffitear, multa reperiri quæ minora sunt grano papaveris, puta semina quædam piscium, maximè halecæ, & aliorum minorum, & pleræque ex atomis; tamen si fiat comparatio cum iis quæ in magnitudine grana papaveris excedunt, reperies & plura esse, & in proportione multum differre; nam quæ minora sunt granis papaveris, non sunt centies, imo nec decies minora, sed ad summum ter, aut quater; at vero excessus in maioribus est ingens, & horum maiorum numerus est similiter ingens. Nam si globulus, cuius diameter est latitudo unius digiti, ex iactis principiis supra § 3. æquivaleret 64000. granis papaveris; quam quæso proportionem habebit annosa ac patula quercus, saxa prægrandia, elephantes, balenæ, aliæque immanis magnitudinis belluæ ad unum papaveris granum? certè pleræque individua summo excessu grana papaveris excedunt, pauca vero ab iisdem granis exceduntur, & quidem exiguo excessu. Stet ergo, numerum positum pro individuis actu existentibus esse superabundantem, & longè maiorem quam de facto sunt omnia individua substantialia. Sed ut omnis cavillandi præcludatur aditus, statuamus individua existètia esse in millecupla proportione cum granis papaveris, hoc est, tot actu existere individua substantialia, ut cuilibet grano papaveris eorū omnium quæ sub lunæ concavo contineri possunt, eorū respondeat 1000. individua, vel, quod idem est, tot individua esse statuamus, quot papaveris grana replere possunt mille vastitates tales, qualis sub concavo lunæ cernitur. Quod si adhuc animus non quiescit, ponamus cuilibet granorū omniū intra mille prædictas vastitates contentorū correspondere myriadem individuorū, hoc est, 10000. Tot ergo erunt in hac suppositione individuorum actualiū myriades, quot grana papaveris sub concavo lunæ cōcludi possunt.

*Individuorum
substantialium
præteritorum
numerum*

Ad secundum quod spectat, nimirū ad individuorū substantialium præteritorum numerum, pono tot quotidie à Mundi principio fuisse producta sub lunæ concavo (quocunq. modo, sive per generationē, sive per continui divisionē, sive aliter) quot

paulo antè posui de facto nunc existere. Nullū fore existimo, qui me parcū esse dicat in assignando huiusmodi individuorū numero. Ne tamen ullo modo à quopiam avaritiæ coarguar, ponā non tantum indies, sed in singulas horas producta fuisse tot individua, quot de facto nunc existere posui. Dubium nē cupiā remanebit de sufficienti numero assignato pro individuis præteritis, quocunq; modo productis: adhuc liberaliorem me exhibebo, & ponam tot individuorū myriades in singulis horæ minutis producta esse à Mundi exordio usq; huc, quot contineri possunt in tota orbis elementaris vastitate minutissima papaveris grana. Scio me nimis prodigū iudicari in assignando numero individuorū tum existentium, tum eorum quæ generantur & intereunt quotidie; attamen hæc liberalitas non mediocriter conducit ad verum conceptū animis lectorum ingenerandū de ultimis tribus ab Arithmetico-geometra assertis Propositionibus.

His præsuppositis, ante omnia, iuxta dicta superius §. 3, multiplicata ratione quam habent sphaeræ suarū diametrorū, inveniendus est numerus granorum papaveris quæ continet sphaera elementaris usq; ad concavū lunæ, ut haberi possit numerus individuorū præsentium & præteritorum. Quod sic fiet. Diameter concavi lunæ ex mente Alphragani, quem supra secuti sumus quoad diametrum universi, est milliariorū italicorū 241261: diameter igitur sphaeræ milliaræ ad diametrum concavi lunæ est, ut 1 ad 241261. Si hæc proportio triplicetur, hoc est, si dicta diameter concavi lunæ in se cubicè ducatur; proveniet Sphaera concavi lunæ hæc, 14043047692262581, cōtinens figuras septendecim. Itaq; tot sphaeras milliaras continet in se sphaera concavi lunæ, quot unitates continet prædictus numerus. Si iam prædictū numerum multiplices per numerū granorum correspondentium sphaeræ milliaræ, nimirum per 32768000000000000000 (quem numerum invenimus supra § 3.) producit numerus granorum papaveris quæ in concavo lunæ contineri possunt, nimirum. 460162586780060254208000000000000000, qui est triginta sex figurarum. Iuxta nostram igitur hypothésin tot myriades individuorū præsentium

mensuris
is. iv.

Luna concava
vum quot
granorum
papaveris
sphaeræ.

§. X. stabilitur Propositio VI. nimirum, numerum spirituum celestium additum numero individuorum substantialium hætenus adsignato, adhuc minorem esse numero aureorum debitorum.

*Angelorum
multitudo
maxima.*

Varia sententia de eorum numero.

IN ultima Propositione asserabatur, si probabili coniectura uti licet (licet autem, aliorum exemplo) dicendum numerum aureorum debitorum excedere numerum individuorum spiritualium & materialium substantialium hætenus adsignatorum in duobus §. præcedentibus. Difficultas consistit in adsignatione numeri spiritualium individuorum celestium, seu Angelorum: quem tamen adsignasse me sufficienter existimavero, si longe maiorem posuero quam alii omnes hætenus fecere; neque enim hic inquiri numerum præcisè Angelorum, sed tantam qui non sit minor iudicandus, quantumcunq; cæteroquin excedat. Et quidem communis omnium est sensus, Angelos esse in maxima multitudine (si antiquiores Ethnicos excipias) iuxta illud Daniel. 7. *Millies milium ministrabant ei, & decies centena millia assistebant ei.* Hinc somniasse illos dicendum est, qui Angelorum numerum restrinxerunt ad 100, vel 300, vel 600000. Durandus & Magister sententiarum volunt, pauciores esse Angelos beatos, quam sint homines ad finem Mundi usq; futuri, fundati in illo, quod homines & Angeli sint futuri æquales numero in gloria: cum igitur maior sit damnandorum hominum quam beandorum numerus, & minor Angelorum damnatorum beatorum, sequitur plures fore homines in gloria quam Angelos. Eodem spectare videtur illud S. August. lib. 2. de civit. DE I cap. 10. *D. Anselmi, venerabilis Bedæ, & D. Bernardi, vacuas Angelorum sedes ab hominibus esse implendas.* opinio S. Anathasii est, Angelos respectu hominū se habere, ut 99. ad 1. iuxta parabolam illam

de ove perdita, lucæ 15. *S. Thomas* docet indefinitè substantias immateriales excedere materialium multitudinem, quod Thomistæ intelligunt de numero materialium rerum specificè, & nō individualiter sumptorum. *P. Suares.* putat, satis probabile esse Angelos excedere numero individua corporalia, non quidem absolute, sed ea quæ non omnino per accidens, sed aliquo modo per se distinguuntur: unde videtur velle, quod non sint tot Angeli, quod individua corporalia simpliciter.

Hæc alii. ego ut quam maximum Angelorum numerum, & qui vix mente concipi queat, ad signem, & nihilominus propositionis veritatem evidentissime demonstrarem; pono non solum numerum omnium spirituum cælestium, sed cuiuscunq; è novem choris longè excedere individua materialia præsentia, præterita, & futura in decies ceteris millibus annis, sive ea sint per veram generationem producta, sive ex cōtinui divisione orta, iuxta computum paulo ante §. 8. factum. Ut rem explicem, uttor quatuor proportionibus. Prima fit. Habeat se chorus Angelorū ad individua materialia in decupla proportione, seu ut 10. ad 1. chorus Anghelorum ad Angelos similiter habeat proportionem decuplam, & chorus Theonorum ad Archangelos, & sic deinceps per omnes novem choros discurrendo, ita ut etiam Seraphini se habeant in decupla proportione ad cherubinos. Habebunt igitur se Seraphini ad individua materialia, ut 1000000000. ad 1. Dico, posita hac proportione, adhuc veram esse propositionem VI. præcedentem; quod sic ostendo. Iuxta hanc proportionem si numerum individuorum supra ad signatū multiplicemus per 10. quod fit additione unius cyfræ; habetur numerus Angelorum: si producta alia cyfra addatur, resultat numerus Archangelorum, & ita deinceps; adeo ut adiectione novem cyfrarum habeatur numerus Seraphinorum, habens novem cyfras amplius quam numerus individuorum materialium, & constans figuris sexaginta & unâ, quoniam individuorum dictorum numerus continet figuras quinquaginta duas, Huic Seraphinorum numero

Maximuseorum numerus statuitur ex hypothesi.

Proportio 1. inter Angelos & individua materialia.

si addantur numeri reliquorum octo chororum, non fit maior quam 61. figurarum numerus, nempe sequens: 270532529538020286025957315365848886830000000000000000000000. Huic numero si addantur individua præterita, præsentia, & futura supra adsignata, fit hæc summa: 2705325297814099562853654849616547986830000000000000000000000000000: quæ summa cum sit solum sexaginta & unius figurarum, longissimè distat à numero aureorum debitorum, qui est figurarum 78.

Proportio secunda.

Secunda proportio fit. Ut excedit diameter cœli lunæ diametrum Terræ globi, ita excedant Angeli individua materialia: & ut diameter cœli Mercurii eandem diametrum Terræ, ita Archangeli individua materialia; & sic ulterius progrediendo per reliquos spirituum cœlestium choros, & per reliquorum Planetarum cœlos, una cum concavo & convexo Firmamenti: erit itaque penultima comparatio, ut diameter concavi Firmamenti ad diametrum Terræ, ita Cherubini ad individua materialia; ultima vero, ut diameter convexi Firmamenti ad diametrum Terræ, ita Seraphini ad eadem individua materialia. At ex Alpheragamente, quam supra secuti sumus, diameter convexi Firmamenti ad diametrum Terræ se habet ut 45225. ad 1. hoc est, numerus diametri Firmamenti continet quinque figuras ordine positas, diameter terræ unam: quare si multiplicaveris numerum individuorum, qui est 52. figurarum, per quinque figuras ordine positas, prodibit summa non nisi 57 figurarum. Cum iam concavum Firmamenti, & alii cœli infra Firmamenti concavum, usque ad lunam inclusivè, multo minorem dicant differentiam; fit ut omnes differentiæ simul iunctæ, & additæ priori summæ 57. figurarum, eam ne unica quidem figura augeant. Ego ut liberalis or sim, & omne augmentum per additionum reliquarum differentiarum ad primam differentiam factum abundè compensem, pono priorem differentiam inter diametrum convexi Firmamenti & diametrum Terræ, multiplicari per decem (quod

Diameter convexi Firmamenti.

(fit additione unius cyfræ) producitur summa complectens omnes Angelos, Archangelos, reliquorumque chororum spiritus, iuxta hanc secundam proportionem, & quidem in maiori excessu, propter unam cyfram additam; quæ summa est hæc: 24-3479276827697534251059118080000000000000000-000000000000, quæ continet figuras quinquaginta octo ordine positas, cui si addantur numeri individuorum præteritorum, præsentium, & futurorum §. 9. reperti prodit hæc alia summa: 2434795203069743619485933691391180800000-000000000000000000, quæ summa cum sit solum quinquaginta octo figuratum, ut præcedens, multum distat à debito aureorum, quod est 78. figurarum.

Tertia proportio sit, Vt Firmamentum quod capacitatem ad globum Terraqueum, ita sit numerus Seraphinorum ad individua materialia. Quare non amplius est proportio inter diametros, sed inter totum globum Firmamenti & reliquorum cælorum globos, ad globum Terraqueum, nimirum ut cælum Saturni secundum totam capacitatem suam usque ad centrum Terræ, ad capacitatem Terræ, ita cherubini ad individua materialia: & sic de cæteris choris spirituum & cælorum globis. In qua quidem progressionem Archangeli & Angeli habebunt eandem proportionem ad individua materialia, nimirum talem, qualem habet cælum lunæ ad terram. Iam vero, ut constat ex supra dictis §. 3. & 5. capacitas Firmamenti seu totius univ. usque ad convexum Firmamenti quoad numerum granorum papaveris, excedit capacitatem terræ quoad numerum eorundem granorum, quindecim figuris arithmetice ordine positis: nam illius capacitas inventa est 46. figurarum, huius vero 31. figurarum. Ego, ut rationem habeam numerorum seu figurarum intermediarum, quæ non sunt meræ cyfræ, pono Firmamentum excedere terram sexdecim figuris, & pro reliquis proportionibus simul additis addo adhuc unam figuram, & pono excedere in septendecim figuris. Addendo igitur sexdecim cyfras numero individuorū, qui est figurarum 52. habetur quæ situm,

*Proportio
tertiam.*

O o o o scilicet

graduum
gratia B. M.
Virginis.

ingentē, & humano intellectui ferè innumerabilem, imo & in-
conceptibilem numerum gratiæ graduum, quibus sanctissima
DEI genitrix MARIA dotata fuit in fine vitæ, & graduum glo-
riæ quibus nunc dotata est in cælis, si annis non plus quam 64.
vixit, & in primo instanti suæ *Immaculate Conceptionis*, sine ori-
ginali peccato non nisi unum gradum gratiæ habuit (habet autem
plurimos, ut postea dicam) horisque singulis non nisi unum
elicuit actum charitatis tali pacto, ut semper ex tota latitudine
habitus (ita loquuntur Theologi) fuerit operata, ad eoque sin-
gulis actibus duplum præcedentis gratiæ acquisiverit. Si enim
annis 64 vivendo, quolibet trimestri spatio non nisi unum eli-
cuisset actum cum prædictis conditionibus, atque adeo tota vi-
ta sua solum 256 actus produxisset; habuisset in fine vitæ tot
gradus gratiæ, quot aureorum est debitum de quo hæcenus dis-
putavimus. Quis autem dubitet, eam singulis, non dicam men-
sibus, hebdomadibus, ac diebus, sed horis, si non etiam hora-
rum minutis, unum saltem elicuisse actum? quod si verum est
de horis, post horas non amplius quam 256; hoc est, dies solum
 $10\frac{2}{3}$ adæquavit totum numerum prædictum. Si autem de minu-
tis horarum est verum, post minuta 256, hoc est, post horas 4.
& minuta 16, eundem debiti numerum adæquavit. Nec unum
tamen solum gratiæ gradum in prima sanctificatione fuisse da-
tam Virgini Deiparæ, nec plurimos tantum sed plures quàm
ulli hominum, vel Angelorum, indubitarum est, & ad Catholi-
cos, quia magis à DEO dilecta, & ad maius officium, maiorem-
que dignitatem electa erat, quam ullus hominum, vel Angelo-
rum. *Imo pium & verisimile est credere* (inquit P. Franciscus Su-
arez in 3. part. D. Thomæ quæst. 27. disp. 4. sect. 1.) *gratiam vir-*
ginis in prima sanctificatione intensiorem fuisse, quam supremam gratiam,
in qua consummantur Angeli, & homines. Probatu' Suarez ex D.
Gregorio Papalib. Regum cap. 1. D. Thom. 3. p. q. 27. art. 6.
B. Laurentio Iustina. Sermo. de Nativit. Virginis. B. Petro
Damiano. Serm. de Annuntiat. S. Vincentio Ferrer. Serm. 1. de
Nativit. MARIÆ. In eadem sententia sunt multo do-
ctissimi

Gratia B.
Maria Vir-
ginis in pri-
mo instanti
conceptionis.

ctissimi Theologi. Quæ sententia si vera est, verumque quod per actum quemlibet charitatis aucta fuerit semper præcedens gratia secundum progressionem geometricam proportionis duplæ, quis concipiat aut enuntiet numerum ?

Sed nos in prima hypothefi persistamus, demusque I. pri- ^{Numerus} mam MARIÆ Virginis gratiam à DEO infusam fuisse so- ^{graduum} lum ut unum, post primum deinde actum crevisse ut duo, post ^{gratia illius} ^{insinuatur.} secundum ut quatuor, post tertium ut octo, & sic deinceps, semper progrediendo iuxta proportionem duplam, Demus II. Eam vixisse annis 64. & singulis annis solum quatuor actus meritorios, gratiæ elicuisse, adeoque toto vitæ suæ spatio non nisi actus 256. Porro quæcunque in sequentibus assertionibus dicemus, asserit etiam Auctor problematis de debito aureorum.

Dico I. Quidquid de numero aureorum debitorum hæcenus dictum fuit, dicendum etiam de numero graduum gratiæ quos habuit MARIA Deipara in fine vitæ, ac proinde lex in §. I. adsignatæ, & in sequentibus probatæ propositiones, accommodari possunt huiusmodi numero.

Dico II. Si tot homines actû semper existerent, quot palmos quadratos convexa terra quæ globi superficies cõtinet, qui diebus & noctibus cõtinuo sine cessatione loquerentur, idque per spatium decies centenorum millium millionum annorum, non tot verba proferrent, quot gradus gratiæ haberet MARIA Virgo in data hypothefi: ponamus enim, quemlibet hominẽ singulis horæ minutis proferre millionem verborum, seu millies mille verba; quod tamen omnino impossibile videtur esse. In-vestigo primò, quot verba unus homo intra annum proferret, adsignando cuiuslibet horæ minuto intra annum millionem verborum? sunt autem, ut vidimus supra §. VIII. intra annum minuta 525960: quæ si multiplico per 1000000, seu millionem, dant verba ab uno intra annum prolata 525960000000. Deinde, hunc numerum multiplico per decies centena millia millionum, id est, per 100000000000, proveniunt verba ab uno homine prolata toto, tempore adsignato, quæ sunt 525960-

Potens quadrati totius superficies terræ.

oooooooooooooooooooo, summa nimirum complectens figuras viginti quatuor. Tertio hanc summam multiplico per numerum palmorum quadratorum superficiæ extimæ terraquei globi, hoc est, per numerum tot hominum, quot simul existere in mundo posuimus, producitur summa omnium verborum ab omnibus hominibus adsignato tempore prolatorum. Continet autem dicta superficies quadratos palmos 46334565828571429, posita cum clavio diametro terræ milliariorum Italicorum 6071, ut supra posuimus, hoc est, palmorum 121420000. Quare si præcedentem summam figurarum 24, multiplicem per summam palmorum quadratorum figurarum 17, resultat summa omnium verborum ab omnibus hominibus prolatorum in decies centenis millibus millionum annorum, ut sequitur: 2437012824379542879684000000000000000000; quæ summa cum sit solum quadraginta & unius figurarum, longissimè distat à summa graduum gratiæ Beatæ MARIÆ Virginis, quæ est sepruaginta octo figurarum.

Dico III. Si ponamus ut antea, mundi durationem se extendere ad decies centena millia annorum, & in eo simul toto tempore existere tot homines sibi mutuo succedentes, quot granorum papaveris capax est terraqueus globus, & omnes sine intermissione esse in actualibus cogitationibus sibi mutuo succedentibus; plures esse gradus gratiæ Beatissimæ Virginis in dicta hypothesi, quam cogitationes omnium hominum, etiam si ponamus quemlibet hominem quovis minuto non iam primo ut antea, sed decimo unius horæ, hoc est, in 604661600000000000 parte horæ (quod tempus adeo breve est, ut non sufficiat uni elevationi palpebræ) decies centenas milliones cogitationum, sive numero, sive specie distinctarum elicere. Rem ita ostendo. In uno anno sunt horæ 8766, etsi non completæ. Ponamus nos, ob faciliorem computum 10000. Igitur in decies centenis millibus annorum sunt horæ 100000000000. Quæ horæ si ducantur in momenta seu minuta decima unius horæ, conficitur sequens summa viginti octo figurarum; 6-

Numerus cogitationum hominum exerceat hypothesi.

demque ab altera parte, ac quælibet linea ducentas haberet litteras seu characteres, quilibet autem scriba diebus singulis ab solveret unum tomum, & omnes simul scriberent centum millibus millionum dierum; pauciores formarent characteres quàm sint gradus gratiæ B. MARIÆ Virginis in hypothesi factâ. Nam si quælibet pagella seu paginæ pars continet lineas 200, & quælibet linea characteres 200; continebit pagina ab una parte characteres 40000, ab utraque vero parte 80000: qui numerus si ducatur in 2000 paginas, provenit numerus characterum contentorum in unoquoque tomò, nimirum 80000000. Ut verè sit facilior operatio, augeo hunc numerum, & pono quemlibet tomum continere 100000000 characterum. Multiplico hunc numerum per numerum scribarum, hoc est, per numerum granorum papaveris quorum capax est terraqueus globus, nimirum per 733213805,481164800000000000000000, quod fit adiaciendo huic numero octo cyfras ad dexteram, confurgitque numerus triginta novem figurarum. Demum hunc numerum 39. figurarum multiplico per centum mille millones, nempe per 100000000000; quod fit adiaciendo ipsi ad dexteram adhuc undecim cyfras; & resultat summa quinquaginta tantum figurarum. Quæ utique longè minor est quam summa graduum gratiæ, quæ est 78, figurarum.

*Numerus
graduum
gratiæ com-
paratur cum
arenis.*

Dico VI. Si ponamus totum universum usque ad Firmamenti convexum esse repletum minutissimis arenulæ granulis, quarum quælibet sit decies millesima pars unius grani papaveris, & singulis millenis millibus millionum annorum auferatur una arenula, singulis vero horæ minutis seponatur unus millio graduum è cumulo graduum gratiæ supradictò B. MARIÆ Virginis; citius exhaurietur cumulus arenularum, quam cumulus graduum gratiæ. Rem sic ostendo. Numerus granorum papaveris, quæ in universo capi possunt, est ex supra dictis, figurarum quadraginta sex: qui si multiplicetur per 10000. (quot nimirum arenulas ponimus uni grano papaveris respondere) resultat summa arenularum, cõplectès ordine quinquaginta figuras.

Ego

Ego tamen, quia loco figurarum significatarum pono meras cyfras cum una unitate ad sinistram; attribui illi 51 figuras. Jam si ad unam arenulam auferendam requiruntur anni 1000000000000, hoc est, decies centies milleni millions, seu milles mille millions annorum; ergo ad decem arenulas auferendas requiritur decies tantum; quæ summa habetur, si adiciatur una cyfra proximè præcedenti numero, ut fiat numerus 14 figurarum: ergo ad arenulas auferendas quarum summa constat 51 figuris ordine positis, requiritur numerus annorum continens 63 figuras ordine positas, ut patet ex sequenti Tabella. Quamvis autem summa arenularum solùm contineat 50 ordine figuras, ego tamen posui 51, ut dixi, ut scilicet compensem valorem intermediarum figurarum significatarum, qui abundè compensatur additione unius adhuc figuræ. Jam verò ut exhauriatur cumulus graduum gratiæ, auferendo singulis horæ minutis unum graduum millionem, seu gradus milles mille, plures requiruntur anni, quia requiritur annorum summa ad minus sexaginta sex figurarum ordine positarum; quod sic ostendo. Quoniam ex suprà ostensis in uno anno sunt horaria minuta 525960 ergo in uno anno tot millions graduum seponuntur, nimirum gradus 525960000000; ergo in decem annis decies plures gradus seponuntur; quæ summa habetur adiciendo priori summæ duodecim figurarum unam cyfram, ut fiat summa figurarum tredecim; ergo in centum annis centies plures, quæ summa habetur adjectis duabus cyfris, ut habeatur summa quatuordecim figurarum; ergo ut seponatur summa seu cumulus continens figuras septuaginta septem, requiritur numerus annorum continens figuras sexaginta sex, ut ex sequenti tabula patet; ergo ad exhauriendum totum cumulum graduum 78 figurarum, plures anni requiruntur. Sequens tabella indicat primò, quot anni requirantur ad auferendas omnes arenulas, deinde quot anni ad exhauriendum cumulum graduum gratiæ: & quoniam omnes arenulæ auferuntur spatio annorum quorum summa continet 63 figuras,

Dico VII. Si singulis gradibus gratiæ, quos Beatissima *Numero*
 Virgo M A R I A juxta superiorem hypothesim meruit actibus *graduum*
 256 tantum, responderent singula grana papaveris, tan- *gratia comparatur*
 tus esset granorum numerus, ut ad illa capienda necessarij *cum granis*
 forent, *papaveris.*

Concava Universi 10411650805410111440511834220031.

Concava Lunæ 1838513270.

Globi Terraquei 34531.

Globi habentes pro diametro milliare Ital. 290504343.

Globi habentes pro diametro passum geom. 143066647.

Globi habentes pro diametro pedem geom. 92.

Globi habentes pro diametro palmum. 26.

Globi habentes pro diametro digitum. 14.

Globi habentes pro diametro granum hordei. 1.

Globi habentes pro diam. sex grana papav. 4.

Globi habentes pro diam. quatuor grana pap. 1.

Globi habentes pro diam. duo grana papav. 1.

Ratio est, quia omnibus globis recensitis respondent grana papaveris ut sequitur, quæ omnia simul adæquant numerum graduum supradictis actibus acquisiteorum. Nam grana papaveris respondent.

Globis concavi Universi { 11579208923731619542357098500868706183824-
 7578812137439893684224000000000000-
 000.

Globis concavi Lunæ. { 8460150221526673487609813401600000000-
 00000000.

Globis Terraqueis. 253186059170701017088000000000-
 000000.

Globis diametri mill. 951924634114240000000000000000.

Globis diametri pass. 46880078888960000000.

Globis diametri ped. 24126248000.

Globis diametri palm. 106494000.

Globis diametri digiti. 896000.

Globo diam. grani hord. 1000.

Globis diam. sex papav. 864.

Globo diam. quatuor pap. 64.

Globo diam. duorum pap. 8.

Hæ summæ granorum papaveris si colligantur in unam, efficiunt summam 78 figurarum, æqualem quæ ad numerum & valorem figurarum summæ graduum gratiæ M A R I Æ, seu aureorum debitorum supra §. 2. positæ; quam hîc iterum appono ut sequitur: 115792089237316195423570985008687907853269984665640564039457584007913129639936.

ANNO TATIO I.

Numerus globorum precedentium repertus est talimodo sit repertus.

Numerus globorum precedentium repertus est tali modo. Totus numerus graduum gratiæ, aut aureorum debitorum, qui est 78 figurarum, divisus fuit primo per numerum granorum papaveris uni globo mundiali competentium: quotus enim dedit numerum globorum mundialium seu univervi supra positum. Deinde quoniam post divisionem factam magna summa remansit, hæc iterum divisa fuit per numerum granorum papaveris concavo Luna competentium; & residuum iterum fuit divisum per numerum granorum sui sequentis globi, & sic deinceps, donec tota summa graduum gratiæ fuit exhausta.

ANNO TATIO II.

Globus unicus capax granorum precedentium quomodo reperitur.

Si investigare velis quantitatem unius globi capax tot numero granorum, quot graduum est cum alius gratiæ, aut quot aureorum est debitum; obtinebis id, si ex numero prædicto graduum aut aureorum extrahas radicem cubicam; dicta siquidem radix est diameter globi quæsiti. Ratio est, quia cum globi inter se servent proportionem triplicatam diametrorum, ut supra §. 2. diximus ex Euclide lib. 12. Element. Proposit. 18. fit ut illa sit diameter dicti globi, quæ continet

808 partes aequales diametro grani papaveris, quot requiruntur ut per illas diameter multiplicat a cubice, producat summam graduum, seu aureorum debitorum: nam resoluta talis diameter cubice in partes aequales diametro grani papaveris, resoluitur in numerum graduum praedictorum, si u aureorum debitorum ex quo genita fuit. Quod licet valde operosum sit, attentâ magnitudine numeri: tamen id praestitit Auctor Problematis in gratiam curiosi Lectoris. Est autem radix extracta haec: 48740834812604276470692694, ⁰⁰⁰ scilicet figurarum viginti sex cum fractione. Erit itaque diameter globi quae sit tot diametris grani papaveris aequalis, quot numerus praesens continet unitates.

ANNOTATIO III.

VT autem conceptum dignum de magnitudine dictae diametri, & consequenter globi correspondentis habeas, resolve illam in diametros Vniuersi, Concaui Lunae, Terraqua &c: Quod, ut Lectorem labore subleuaret, etiam praestitit Auctor Problematis. Statuit autem, juxta supra dicta, longitudinem diametri Vniuersi cum Alphragano miliariorum Italicorum 323769887, seu diametrorum grani papaveris 106063638400000; longitudinem concaui Lunae miliariorum Italicorum 241261, seu diametrorum grani papaveris 772035200000. Terraqua cum recentioribus nonnullis ex Clauio miliar. Ital. 6071, seu diametrorum grani papaveris 19427200000: siue de cetero vera sit illa dimensio siue non; quod fini nostro non officit. Quae verò sit quantitas diametri grani papaveris, diximus supra, in ordine ad calculum, 10 juxta se posita respondere latitudini grani hordeacei, 40 digito, 160 palmo, 640 pedi, 3200 passui geometrico, 3200000 milliari Italico, seu mille passibus. Continet itaque diameter haec tenus reperta.

Diametros	Universi	47044248061.
	Concavi Lunæ	948.
	Globi Terraquei	29.
	Globi miliar. Ital.	5803.
	Globi unius pass.	91.
	Globi unius ped.	2.
	Globi unius pal.	1.
	Globi unius dig.	1.
	Globi grani hord.	1.
Grani papaveris	$4\frac{885}{1000}$	

ANNOTATIO IV.



Globus porro diametro reperta correspondens capiet grana papaveris $115792089237316195423570985004293548312586184297563778375731637799620125981864\frac{+760+125}{1000000000}$, & remanent grana $439435954068340036807678566372594620839300365807\frac{-27}{1000}\frac{9545}{1000000}$: que due summa unita conflant numerum graduum gratiæ, seu aureorum debitorum.

Ad hoc residuum capiendum requiruntur plures quàm 3000 globi habentes diametros æquales diametris totius Universi, & tamen additâ diametro reperta unâ millesimâ parte diametri grani papaveris. consurget diameter cujus globus capiet simul grana residua prædicta, & multò etiâ plura.

ANNOTATIO V.

Diameter
globi capax
toti papave-
rum, quot
aureorum
est debitum.

Qui globum augere cupit, addat diametro antea reperta fractio-
nes fractionum, hoc est, partes partium diametri grani papaveris, ut diameter tota sit diametrorum grani papaveris $48740834812604276470692694\frac{885}{1000}, \frac{616}{1000}, \frac{5}{1000}, \frac{20}{1000}$. Secunda fractio significat partes unius partis ex antecedentibus, & sic de reli-

reliquis: que omnia simul non conficiunt $\frac{3}{4}$ unius diametri granipapaveris. Hujus diametri globus ita propè accedit ad globum capacem tot granorum papaveris, quot sunt gradus gratià nobis positi, aut aurei debiti, ut si addatur tali diametro  pars diametri granipapaveris, hoc est, diameter globuli quisit magnitudine aqualis  parti grani papaveris (denominator hujus fractionis continet triginta sex cyfras) consurget diameter verà longior, & tamen tot remanebunt grana papaveris, ut ad illa capienda non sufficiant 10000 globi habentes diametros concavi Luna, juxta quantitatem à nobis suprà positam: quod cuiuspiam meritò incredibile videbitur, cùm pars addenda sit tam exigua, ut vix mente concipi possit; & tamen res ita se habet. vossent diametrum repertam efficere majorem, per additionem aliarum fractionum, sed nè rei per se obscura obscuritatem addam, hæc sufficiant.

Si quis mavult diametrum sine fractionibus, hoc assequetur, si numeratores sine denominatoribus annexat diametro, cujus numeri representabunt decies centum mille millionesimas partes diametri grani papaveris. Quæ diameter reducitur ad majores terminos, ut suprà fecimus.

Nè tamen quis putet, impossibile esse reperire diametrum Diameter eadem præ-
iisior. cujus globus capax sit tot granorum papaveris, quot graduum est cumulus gratià nobis positus, aut quot aureorum est debitum, ita ut nè quidem unum integrum granum remaneat; is ex suprà relicto residuo granorum, præter tres fractiones quas nos extraximus, extrahat alias tredecim, quarum qualibet representet millesimas unius præcedentis, & insuper aliam qua contineat decimas præcedentis, & habebit diametrum quesitam: illius siquidem globus capax erit tot granorum, exceptis aliquot fragmentis unius grani denominatis à nume-

numero, cujus figura sunt unitas cum 156 cyfris. Eandem diametrum reperiet, qui volet, si ex numeris graduum aut aurcorum cum 156 cyfris extrahat radicem cubicam; dicta enim radix erit diameter quaesita, continebitque ordine figuras 78, quae representabunt partes diametri grani papaveris denominatas ab unitate & quinquaginta duabus cyfris.

ANNOTATIO VI.

AN porro possit reperiri diameter, cujus globus praefse capiat ror grana papaveris, quot graduum gratiae est cumulus à nobis positus, ita ut ne quidem nullum fragmentum remaneat, etiam minutissimum, non ausim affirmare de potentia humana. Nam cum reduxerimus globi quantitatem ad talem magnitudinem, ut non nisi fragmenta unius grani remaneant, difficile videtur reperiri posse partem aliquam quae addita diametro illius globi immensi, efficiat ut globus ratione illius ita crescat secundum aliquam partem, quae capax sit illorum fragmentorum omnium, & tantum. Tentet id qui majori ingenio pollet.

ANNOTATIO VII.

Numerus
graduum
gratiae B.
Mariae V.
in Italia
supra hest.

SI velis invenire numerum graduum gratiae & gloriae, qui consurgeret, si Diva Virgo *MARIA* singulis annis toto tempore vitae suae annorum 64, elicuisset octo actus ex tota latitudine habitus, hoc facile obtinebis, si numerum graduum jam antea habitum ducas in seipsum, productum enim dabit quaesitum: nam juxta regulas datas supra §. 2. summa proveniens erit respondens loco seu termino 512 in progressionem geometricam duplè proportionis incipiente ab unitate, ac proinde dicta summa continebit summas omnium progressionum anteriorum cum una unitate, nimirum summas progressionum 512, quot nimirum termini consurgunt, si spatio 64. annorum singulis annis fierent octo progressionem. Quoniam verò difficilis est illa multiplicatio, sufficit scire quòd juxta datam regulam summa proveniens sit

fit futura ad minimum 155 figurarum, Si igitur cum summa 155 figurarum velis instituere similes quaestiones & comparationes, quas nos instituimus, scribe ordine unam unitatem & 154 cyfras: licet enim haec summa sit multo minor quam vera summa, cum omnes figurae significativae omitantur; ea tamen abunde sufficiet ad intentum tuum, quia vix concipi potest, nedum exprimi, quanta sit illa summa. Quod autem ex multiplicatione summae graduum gratiae antea reperorum in se, proveniat summa continens ad minus 155 ordine figurarum, patet ex eo, quod multiplicans est 78 figurarum, & totidem est multiplicandus, bis autem 78 faciunt 156. Sed quoniam productum potest esse minus una figura, ideo dicimus summam provenientem ad minus continere 155 ordine positas figuras.

Atque haec sufficiant de hoc problemate, quod Marianum appello, quoniam amor erga *MARIA* M id excudit, cui amande ac deprecande utinam tot tibi corda, tot ora forent, tot manus & calami scribentes, quot graduum gratiae est non solum cumulus à me positus, sed quem seminavit in vita, & nunc fruitur aeternum in gloria.

COROLLARIUM.

EX dictis colligitur, admiranda omnia & maxime paradoxa problemata, quae varii auctores antehac deduxerunt ex incremento maximo progressionis geometricae, si cum hoc nostro comparentur, nequaquam amplius paradoxa & admiranda videri. Lege *P. Clavius*, & *P. Tacquet* in *Arithmetica practica*, ubi de progressionem geometricam agunt, aliosque complures Auctores, & verum esse quod diximus, reipsa comprobentur.

Qppp

SYN-

SYNTAGMA SECVNDVM.

*De incredibili idiomatum multiplicabilitate,
ex utili viginti trium litterarum Al-
phabetsi combinatione.*

*§. 1. Exempla & Paradoxa combinationis ac
permutationis rerum.*

*Combinati-
onum exem-
plum.*

INter paradoxa innumera, quæ larga manu dives ac facunda subministrat Mathesis, non postremum sibi locum vendicare ea, quæ è rerum combinationibus ac permutationibus nascuntur, & semper mihi persuasum fuit, & sequentiâ non obscure docent exempla. Lis quondam inter duodecim nobiles exorta viros de adeunda hæreditate: Indicitur dies, quo rem inter se placide componant, conveniunt, ultro citroque rem agitant, sed ut sæva est habendi cupido, post longam disceptationem scinduntur in diversa, alii arbitris rem dirimendam indicant, iudicio alii forensi, alii Matte & gladio: alius tandem cæteris placidior pronuntiat rem componendam sanguine Bacchi in cyatho, erant enim omnes Germani. Vnanimi itaque consensu decretum, illi adeundam esse hæreditatem satis cæteroqui optimam, qui cæteros toties convivio exciperet, quoties accumbendi mensæ ordinem mutare inter se possent, ita ut nunquam eodem ordine accumberent, eâ tamen lege, ut si temporis successu ad id præstandum se imparerem atque insufficientem deprehenderet, hæreditate ex æquo inter reliquos dividenda caderet. Vnus cæteris audacior, & opulentior, at in rebus combinandis parum versatus, conditionem acceptat, ratus paucorum mensium, aut saltem annorum spatio obligationi se satisfacturum: verum spe frustra-
tum

rum post annos non paucos se videns, & expensas perdidit, & hæreditate cecidit. Quot enim annos arbitraris, lector curiose, exigi ut tali debito satisfiat? tria forsitan, quatuorve lustra? quinque aut sex sæcula? Falleris vehementer: nam si in dies singulos symposia instituerentur, mille sæcula, hoc est, centies annorum millia neutiquam sufficerent, sed ut aiunt, Arithmetici, & postea ostendetur, requiruntur convivia 479001600, hoc est, quadringenti ac septuaginta novem milliones conviviorum, ac insuper mille & sexcenta, anni vero plus quam 1311434. hoc est, plusquam annorum millena millia, trecenta & vndecim millia, quadringenta & triginta quatuor.

P. Christophorus Clavius. Comment. in cap. 1. Sphære Ioannis de Sacro Basco, agens de combinationibus quatuor primarum qualitatum, digressionem facit pulcherrimam de rerum quarumcunque combinationibus ac permutationibus, & postquam per regulam à se traditam cognovisset omnes viginti trium litterarum Alphabeti conjunctiones, ait, si inquiratur per eandem regulam, quot modis litteræ uniuscuiusque conjunctionis inter se commutari possint, haberi numerum omnium dictionum vtilium & inutilium, dummodo in una dictione nulla littera bis, vel ter &c. accipiatur (sic enim multo adhuc dictiones fieri possent,) atque ea ratione viginti trium litterarum inter se asserit constitui permutationes 25852016738884976640000.

Aliud combinationis exemplum.

At cum hoc pro una tantum conjunctione fecerit Clavius, ubi nimirum dictiones singulæ simul omnes 23 litteras adhibent, eadem autem litteræ longè aliter ac multifariè variari possint. sumendo illas primo singulas, deinde binas, tum ternas, post quaternas, quinas, senas, & sic deinceps, usque ad numerum vigesimum tertium, quem

Q9992 solum

*Adhuc aliud
exemplum.*

solum profecutus est Clavius; ideo P. Paulus Guldin us lib. 4 de Centro gravit, cap. 5. à fine, indagat combinationes ac permutationes earundem litterarum, si prædictis modis sumantur. Ait igitur, quando singulæ tantum sumuntur litteræ, clarum esse plures fieri non posse quam 23 diversas acceptiones: cum vero binæ pro una dictione coniunguntur, combinationes fieri vicies bis viginti tres, hoc est, numero 506: cum ternæ coniunguntur pro una dictione, fieri dictiones 10626: cum quæ. omnes combinationum modos percurret, productos omnes numeros in unâ colligit summâ, eam quæ. ait esse, 70273067330330095091155, hoc est, septuaginta millium, ducentorum, & septuaginta trium millionum millionum millionum; sexaginta septem millium, trecentorum triginta millionum millionum; trecentorum, triginta millium, nonaginta octo millionum; millium nonaginta & unius centum quinquaginta quinque. dictionum, quarum nulla sibi similem habeat, nulla quæ. littera in eadē dictione reperatur. Colligit deinde in unâ summam litteras omnes illis dictionibus contentas, eam quæ. ait esse 1546007491267262147905433, hoc est, unius millionis millionum millionum millionum; quingentorum quadraginta sex millium, septem millionum millionum millionum; quadringentorum nonaginta & unius mille, ducentorum sexaginta septem millionum millionum ducentorum sexaginta duorum millium, centum quadraginta septem millionum, nongentorum quinque. millium, quadringentorum & triginta trium litterarum.

*Quot codices ingentes
replere possint.*

Hic potro tam immensus vocum litterarum quæ. numerus ut aliquo modo cōprehendi possit, colligit litteras in codices, quorum quilibet contineat quingentas paginas, seu mille facies, in qualibet verò facie sint ceterum versus seu lineæ, & in quavis linea characteres 60. unde una facies suscipere potest centies sexaginta, id est, 6000 litteras, quæ ductæ in 1000 facies, producant 6000000, id est, sex milliones litterarum unius codicis, per quas si numerum litterarum antea positum dividerimus, exhibit numerus librorum illis litteris complendorum, videlicet

257667915211210357, id est, ducentorum quinquaginta septem milliū, sexcentorū sexaginta septē millionum, millionū nongentorum quindecim milliū, ducentorū vndecim millionum, ducentorum decem milliū, trecentorum quinquaginta septem, & ultra quinque milliones litterarum adhuc supersunt.

Hos libros ut in Bibliothecas colligat, tam libri quam Bibliothecæ magnitudinem primò describit libri crassitiei dat quadrantem pedis Viennensis, latitudini tres quadrantes, longitudini sesqui pedem Bibliothecam statuit quadratam undique, id est, cubicam, cuius singula latera sint quadringentorum triginta duorum pedum Viennensium, quanta scilicet est altitudo maxime turris, quos triginta duos pedes parietibus hinc & inde tribuit, utrobique videlicet sexdecim, totidemque, in altum pro variis contignationibus, ita ut pro vacuo Bibliothecæ per dimensiones singulas, tam in altum, quam in latum, ac longum, quadringenti pedes cubici permaneant. His præmissis, libros in loculos collocat. Altitudo ducentos suscipit loculos, parietem unum ex quatuor implentes, sic enim cubitet loculo duo pedes in altum obveniunt, libro sesqui pedem assumente, reliquum semipedem asser ac parvulum spatium occupant. Et quia liber unus quadrante pedis spissus est, idcirco tota longitudo unius loculi capit mille sexcentos libros, qui multiplicati in ducentos loculos, qui in altum exsurgunt, faciunt trecenta & viginti millia librorum, quo integro ducentorum loculorum ordini conveniunt. Distribuit deinde etiam loculos in latitudinem Bibliothecarum, quæ satis ampla est, una cum ambulacris tribuendo loculis in latitudine dodrantem pedis, ambulacris vero sex pedes cum dimidio, adeoque toti latitudini, quæ quadringentorum pedum est, centum loculorum ordines adsignat. Cum ergo unus ordo 320000 librorum habeat, centum ordines, atque adeo una integra Bibliotheca capiet 32000000 librorum; per quos divisus superior omnium libro-

*Quot idem
Bibliothecas*

rum numerus, dat Bibliothecarum omnium numerum quæ ad libros locandos necessariæ sunt, nimirum 8052122350, hoc est, octo millium ac quinquaginta duorum millionum; centum viginti duorum millium, trecentarum quinquaginta Bibliothecarum.

Ad has Bibliothecas capiendas quot provincia sint necessaria.

Ad has porro Bibliothecas capiendas, non sufficit una Provincia, nec unum regnum aut imperium, quantumvis vastissimum, nec Orbis Terraqueus antiquus, aut novus, imò nec tota in Orbe superficies terræ. Demus enim, Oceanum & maria cum cæteris aquis omnibus mediam Terraquei globi superficiem occupare; alteram vero medietatē, terrenæ superficiem tribuamus. Hanc medietatem facit Guldinus pedum quadratorum 1413716700000000, hoc est mille quadringentorum tredecim millionum millionum, septingentorum sedecim millium, & septingentorum millionum pedum quadratorum; iam superficies quam una Bibliotheca in terra occupat, est eorundem pedum quadratorum 186624, hoc est, centū octoginta sex millium, sexcentorum, viginti quatuor, unde dimidia illa orbis superficies per hanc divisa, hunc reddet Bibliothecarum numerum, quæ dimidium orbem occupare possunt, 7175213799, qui adhuc multo minor est quam numerus Bibliothecarū necessariarū ad libros omnes capiendos, qui est 8052122350, quippe qui illum superat hoc Bibliothecarum numero, 476908551, pro quibus nullum in terrarum orbe locum habere possumus, nisi & maria occupare velimus.

Libri omnes quot terras superficies tegunt.

Quod si dicti libri non in Bibliothecas & loculamenta disponentur, sed in terra alter iuxta alterum collocaretur, ita ut nullum prorsus spatium vacuum relinquerent; operirentne rotam terraquei globi superficiem, sumpta etiam illa tanquam sicca quam aquæ occupant? Guldinus pro triplici ratione, qua disponi in terra possunt libri, triplex dat responsum. Libri enim vel stare possunt erecti, vel longiori ac strictiori suæ superficiem incumbere, vel longiori latiori. Pro primo modo

modo ait non solum unius terrarum superficiem non satis esse, sed neque septendecim sufficere, secundum modum duplo plures postulare, iuxta tertium vero modum duos supra centum terrarum globos, & eo amplius, libris istis legi ista posse, ut ne punctum quidem physicum ex terra appareat.

Quodiam scriptoribus opus erit, quantumque temporis ad scribendos illos libros necessarium? quantum chartæ requiretur? quot non dico terrarum globi, sed totius universi superficies convexas illa charta contegere licebit? vides igitur, quæ paradoxa ex 23 litterarum Alphabeti combinatione ac permutatione sequantur.

§. II. Exempla & Paradoxa nova de combinatione viginti trium litterarum Alphabeti, ad formanda diversa idiomata.

Mira hæc, nemo negabit, at longe mirabiliora quæ sequuntur. Sunt in Alphabeto nostro latino septendecim consonantes, *b, c, d, f, g, h, k, l, m, n, p, q, r, s, t, x, z*. Sunt quinque vocales, *a, e, i, o, u*: licet enim etiam *y* vocalis sit, ideoque revera sex sint vocales, quia tamen *y* nec apud nos, nec apud alias nationes (quod sciam) nunc differt ab *i* in pronuntiatione, ideo omittimus in præsentī negotio, & quinario numero contenti sumus. Sunt denique diphtongi quinque, *ae, au, ei, eu, oe*, tamen enim pluribus modis combinari inter se vocales possint, ac etiam soleant apud varias nationes. pluresque effici diphtongi, nunc tamen quinarium numerum retinere libet. Iam certum est, nec singulas consonantes, nec plures simul sumptas,

enun-

Combinati-
ones 13. lite-
rarum Al-
phabeti no-
va exempla.

enuntiarī posse ab ulla natione, sine vocalium aut diphthongo-
gorum consortio vel in principio vel in medio, vel in fine.
Certum etiam est, in plerisque dictionibus, & apud plerasque
nationes, aut singulas solum, aut binas consonantes cum vo-
calibus ac diphthongis combinari, rarius tres, rarissimè plures
absque insigni asperitate verborum pronuntiatorum. Clavius
& Guldinus indifferenter combinarunt 23. Alphabeti litteras
vel omnes simul, vel binas, ternas, quaternas &c. nil solliciti ut-
rum omnes combinationes aptæ essent ad constituendam di-
ctionem quæ posset enuntiarī, & revera maior pars illarum,
propter concursum consonantium sine vocalium ac diphthon-
gorum intermixtione, enuntiarī non potest. Longè ergo mi-
rabilius erit, si ostendatur, easdem 23. litteras Alphabeti,
restrictas ad certas condiciones (de quibus mox) & ita com-
positas inter se, ut enuntiarī commodè ac suaviter queant, tot
nihilominus modis combinari posse, ut non solum omnes lin-
guas seu idiomata quæ de facto in mundo sunt, constituent, sed
longè ac ferè infinities plura constituere queant, etiam si mul-
ta millia millionum vocabulorum unicuique idiomati attribua-
mus, & omnia verba ad certas condiciones mox adsignandas
restringamus. Rem totam ingeniosè & clarè ostendit Auctor
præcedentis problematis, à quo & hæc ex parte accepi, ac men-
tem meam cum ipso sequentibus tribus paradoxis declara-
bo.

PARADOXVM I.

Combinati-
onū 23. lit-
terarum Al-
phabeti pa-
radoxæ.

Idiomata inter se ex æquo diversa, quæ è septendecim consonantium, quin-
que vocalium & totidem diphthongorum combinatione orta sunt, &
oriri possunt, superant numero omnes urbes, oppida, pagos & arces
in toto terrarum orbe existentes, etiã si dimidiū terræ superficiæ, esset ur-
bibus repletū, & etiã si omnes dictiones restringantur ad sequentes cōditio-
nes: primo, ut litteræ in omnibus sint numero pares, secūdo, ut eadē littera in

omni-

omnibus semel tantum ponatur; tertio, ut consonantes cum vocalibus & diphthongis ita misceantur, ut dictiones omnes commodè ac sine asperitate pronuntiariqueant; quarto, ut nulla dictio excedat numerum viginti litterarum, qualis est hæc Constantinopolitanus; quinto, ut qualibet dictio differat ab alia non solum quantitate seu litterarum numero, aut quamvis alia ratione, sed etiam litterarum transpositione.

PARADOXUM II.

SI verba impari litterarum numero expressa, sed ceteris conditionibus explicatis affecta, adiciantur prioribus verbis; idiomata qua ex iis constitui possunt, excedunt numero omnes urbes, pagos, & arces in Mundo existentes, etiamsi totus Orbis Terraqueus habitaretur, & urbibus plenus foret.

PARADOXUM III.

SI qualibet consonans vel semel tantum in quolibet verbo expressa Idiomata dictis geminetur inter duas primas vocales aut diphthongos, plura pleraque constitui poterunt idiomata, quam sint domus in toto Mundo, etiamsi nostri Alphabeti dimidia pars terrena superficies Terraquei globi habitaretur, & Litteris unica urbs foret non adeo amplis domibus referta; ideoque qualibet utuntur. hominum familia in Orbe terrarum defacto existentium poterit loqui idiomate proprio ab aliis differenti, hoc est, tot fieri poterunt idiomata inter se diversa, quot sunt familiae in Mundo: constabunt tamen aliqua dictiones viginti & unâ litterâ, sed omnes reliquas conditiones habebunt.

Multæ nationes diversarum linguarum seu idiomatum, non aliis utuntur litteris ad efformanda verba, quam litteris Alphabeti nostri Latini, quamvis nonnulli diversis modo figurent illas, & diversimodè pronuntient. Græci etiam, Hæbræi, Arabes, Chaldæi, Samaritani, & alii populi, etiamsi litteris alio modo efformatis utantur; omnes tamen, aut saltem pleræ-

que æquivalent nostris. Licet præterea quædam idiomata non habeant vocales, uti est Hebraicum, Chaldaicum, Arabicum, & alia similia, utuntur tamen punctis, aut aliis signis, quæ vocalibus nostris æquipollent. Quare dici potest, omnia fere idiomata quæ de factis in Mundo sunt, etiam si tot millenis millionum vocabulis constent, constare solùm ex combinatione paucularum consonantium, vocalium, & diphtongorum; quod certè mirum est.

At multò mirabilius est, ex earundem paucularum litterarum permixtione ac combinatione tot alia idiomata oriri posse, quot in prædictis tribus paradoxis expressimus. Quod tamen luce clariùs ostendemus, ubi priùs docuerimus, quot modis res quælibet propositæ permulari inter se possint, ac combinari.

§. III. Traduntur regula ad invenicndas omnes permutationes possibiles, dato quocunque rerum numero.

Permutatio & combinatio rerum quomodo differat.

Alii permutationis & combinationis voce promiscuè utuntur; ego unam ab altera distinguo. Permutatio igitur rerum est, quando dato rerum numero quocunque, accipiuntur omnes simul, & ita miscentur ac variè disponuntur inter se, ut semper habeant alium ordinem, idque toties, quoties fieri potest. Ut si sint quatuor litteræ, *a, b, c, d*, & ita permisceantur ac disponantur, ut semper alio ordine se mutuò consequantur, v. g. *a, c, d, b*, vel *a, d, c, b*, & c: dicuntur inter se permulari. Combinatio verò rerum est, quando dato certo numero rerum, v. g. decem litterarum, *a, b, c, d, e, f, g, h, i, k*, accipiuntur earum binæ ternæ, quaternæ & c: & toties inter se componuntur in binarios, ternarios, quaternarios, & c: quoties possunt, ita ut omnes binarii, ternarii & c: sint inter se differentes vel simpliciter & secundùm rem, vel saltem secundùm ordinem rerum. Simpliciter

pliciter & secundum rem diversæ combinationes sunt, quando in nulla sunt eadem duæ, tres &c. res: secundum ordinem diversæ sunt, quando res in aliquibus sunt quidem eadem, at ordo earum est diversus. Res melius intelligetur ex sequentibus. Tametsi verò ad demonstranda prædicta tria paradoxa de multiplicabilitate idiomatum, necessarium non sit scire quot modis 23 litteræ Alphabeti, & quotlibet aliæ res propositæ, possint inter se permutari; tamen ad intelligendum & examinandum paradoxum Clavii, placuit hîc apponere etiam permutationum regulam; quæ duplex est: una quidem, quando res permutandæ sunt inter se omnes diversæ; altera, quando aliquæ ex illis sunt similes, hoc est, bis, ter, aut sæpius ponuntur.

Combinaciones diversa secundum rem, & secundum ordinem.

REGULA I. Quando omnes res permutandæ, sunt diversæ.

Dato quocunque numero rerum permutandarum, scribantur in serie naturali tot numeri, ab unitate incipiendo, quot res sunt propositæ, & inter se invicem multiplicentur; ultima summa producta est numerus omnium permutationum possibilem. Inspice sequentem tabulam.

Permutationis rerum regula prima, quando res omnes sunt diversa



T A B U L A I.

*Pro permutatione rerum inter se omnino
diversarum.*

	1	1
	2	2
	6	3
	24	4
	120	5
	720	6
	5040	7
	40320	8
	362880	9
	3628800	10
	39916800	11
	479001600	12
	6227020800	13
	87178291200	14
	1307674368000	15
	20922789888000	16
	355687428096000	17
	6402373705728000	18
	121645100408832000	19
	2432902008176640000	20
	51090942071709440000	21
	1124000727777607680000	22
	25852016738884976640000	23
	620448401743239439360000	24

Hæc tabula extat etiam apud P. Athanasium Kircherum lib.
8. Musurgia, sed in seriem 14, 15, & ultimam irrepsit error;
quem ultimum transcripsit etiam P. Tacquet in Arit. lib. 5. c. 8.
Probl.

Probl. 1. Potest extendi in infinitum. Ex ea patet, duas res, v.g. duas litteras *ab*, posse inter se permutari bis, & non amplius: & ratio est, quia unaquæque potest occupare semel tantum primum locum sic, *ab, ba*. Tres res, ut tres litteræ *a, b, c*, possunt permutari sexies, quia quâlibet earum occupante primum locum, reliquæ duæ possunt bis permutari sic, *abc, acb, bac, bca, cab, cba*. Quatuor res possunt viginti quatuor permutationes admittere, quia quâlibet earum occupante primum locum, possunt reliquæ tres permutari sexies, ut vidimus. Eadem est ratio de cæteris.

COROLLARIA.

Ex his colligitur I. in qualibet permutationum serie reperiri omnes res permutandas, sed non eodem ordine positas: nam alius est ordo *a b*, alius *b a*; item alius est ordo; *abc*, alius *a cb*, alius *b ac* &c:

Colligitur II. Rectè à nobis adsignatum esse suprâ §. 1. numerum permutationum inter duodecim mensæ accumbentium.


Colligitur III. Rectè adsignatum fuisse ibidem à P. Clavio numerum permutationum inter 23 litteras Alphabeti.

PARADOXUM.

Colligitur IV. Rectè dixisse P. Tacquet loc. cit. mille milliones scriptorum, mille annorum millionibus non posse scribere omnes 24 litterarum Alphabeti permutationes, licet singuli quotidie absolverent 40 paginas, quarum unaquæque contineret 40 diversos ordines litterarum 24. Nam, ut bene ostendit dictus Auctor, quoniam unus scriptor uno die scribit 40 paginas, quarum singule continent 40 ordines diversos litterarum viginti quatuor; si ducantur 40 in 40, sunt diversi ordines 1600, quos uno die scribet scriptor unus. Ergo si demus anno dies 366 (hoc est, plures quàm ei debeantur) scribet scriptor unus anno uno ordines seu permutationes dictarum litterarum 585 600; sit enim hic numerus ex 600 ductis in 366. Annis igitur 100000000, hoc

Paradoxum permutationum re-
x. 1770.

enim sunt numerus totius) juxta præcedentem regulam permutari possunt 120, & inter illas quinque res sunt duæ similes, nempe *SS*, *AA*, numerus autem permutationis duarum rerum est 2, quia duæ res permutari possunt bis; ideo si dividantur 120 per 2, quotiens 60 indicat, quinque illas litteras in utroque nomine permutari posse sexagies. Item quia litteræ *IGNATIUS*, sunt 8, quæ si omnes essent diversæ, permutationes admitterent 40320, litteræ autem similes, seu eadem repetita, sunt 2, duæ autem res admittunt permutationes duas. ideo si 40320 dividantur per 2, quotiens 20160 dat omnes ordines diversos possibiles octo litterararum quibus prædicta vox constat. Eodem modo si nomen sit trium litterarum, & inter eas sint duæ similes, ut in nomine *ALA*; possunt eæ permutari tantum ter, sic *ALA*, *LAA*, *AAL*: nam tres res diversæ admittunt 6 permutationes, & 2 res diversæ duas; 6 autem divisa per 2, dant pro quotu 3. Iterum vox *AMARA* quinque litterarum, sed trium similium, admittit tantum 20 permutationes: nam si numerus permutationum 120, quas quinque res diversæ admittunt, dividatur per numerum permutationum 6, quas tres diversæ res admittunt; quotus erit 20. Abstineo ab aliis exemplis, & loco omnium appono sequentem tabulam, desumptam ex P. Kircheri loc: cit: & correctam, ex qua statim videbis quoties res quotcunque, quarum aliquæ similes aut eadem sunt, permutari possint. Eam quilibet ulterius extendere poterit, si usum ejus, & modum quo constructa fuit (de quibus post tabulam) intelligat



VSVS TABVLÆ.

HÆc Tabula habet decem columnas, à sinistra versus dexteram proportionaliter decrecentes in altitudine. In prima ad sinistram continetur numerus rerum permutandarum ab una ad decem tantum, qui volet, potest eam extendere in infinitum, sed tunc omnes reliquæ debent extendi, & cuilibet convenientes numeri inseribi. In secunda columna continetur numerus permutationum quas res permutandæ, si omnes diversæ forent, possunt admittere; & hæc nihil est aliud quàm præcedens Tabella I. Tertia columna continet permutationes quas res admittunt, quando inter illas sunt duæ similes; Quarta, quando tres sunt similes; Quinta, quando quatuor &c. In calce columnarum est numerus rerum diversarum inter res permutandas propositas.

Vsus Tabulæ hic est. Si res permutandæ sunt octo. v. g. & inter illas sunt quatuor res similes seu eadem; quare in I. columna ad sinistram VIII, & in calce columnarum quæro IV; ascende deinde à IV, ab VIII, verò ingredi dextrorsum; quadrangulum concursus dabit tibi 1663: tot ergo vicibus permutari possunt res octo, quarum quatuor sunt eadem. Sint iterum res permutandæ sex, & inter illas sint tres similes: quare VI in columna sinistra, & III in calce columnarum, & quadrangulum concursus, in quo invenies 120, indicat tot vicibus permutari posse res sex, quarum tres sunt similes. Eodem modo in aliis omnibus procede.

§. IV. Traduntur regulae ad inveniendas omnes combinationes possibiles, dato quovis rerum numero.

*Combinatio-
nis rerum
regula.*

Quid fit combinatio rerum, diximus §. præcedentis initio. Quæreretur igitur, quot dato rerum quocunque numero, v. g. decem litterarum, fieri ex illis possint combinationes, est quæreretur, quot ex his decem litteris haberi possint diversi binarii litterarum, & quot diversi ternarii, quaternarii &c: idque vel simpliciter, ita ut nulla combinatio (id est, nullus binarius, ternarius &c:) rem eandem bis contineat, nullaque habeat omnes res eandem cum ulla altera; vel saltem secundum ordinem, ita ut in nulla sit idem ordo rerum qui antea fuerat. Ad inveniendas autem rerum quocunque propositarum combinationes, primum in ratione binarii, deinde ternarii, tum quaternarii, quinarium &c: tam secundum ordinem, quam secundum rem, has accipe regulas.

Regula I. ad inveniendas rerum quocunque propositarum combinationes tam secundum rem, quam secundum ordinem diversas.

Numerum rerum propositarum multiplica per numerum unitate minorem; & habebis numerum combinationum, cum res binæ accipiuntur. Hunc combinationum numerum rursus multiplica per numerum unitate minorem, quam fuerit proxime præcedens multiplicans. & habebis numerum combinationum, cum res ternæ accipiuntur. Hunc etiam combinationum numerum multiplica per numerum unitate minorem multiplicante eo, qui proxime præcesserit; & habebis numerum com-

combinationum, cum res quaternæ sumuntur. Eodem modo procede in reliquis, donec multiplicans ad unitatem descenderit, quæ quoniam non multiplicat, ultimus numerus productus est iterandus. Tandem singularum combinationum summas collige in unam summam, & habebis quantum omnium combinationum numerum.

Sint exempli gratiâ propositæ octo litteræ, a, b, c, d, e, f, g, h, & velis scire, quot combinationes admittant, si accipiantur primo binæ, deinde ternæ, ac demum quaternæ; seu quot contineant binarios ternarios, & quaternarios. Multiplicas, per 7, & productum 56, erit numerus omnium binariorum. Multiplica rursus 56 per 6, & productum 336 erit numerus omnium ternariorum. Iterum multiplica 336 per 5, & productum 1680, erit numerus quaternariorum. Ulterius multiplica 1680 per 4, & productum 6720 erit numerus omnium quinariorum. Multiplica iam 6720 per 3, & productum 20160 erit numerus omnium senariorum. Hunc numerum denuo multiplica per 2, & productum 40320 erit numerus omnium septenariorum. Tandem hoc ultimum productum multiplica per 1, id est, iterum sume, & habebis numerum omnium octonariorum. Erunt itaque.

Binarii	56	Sint iterum propositæ quatuor res, v.
Ternarii	336	g. quatuor primæ qualitates, caliditas,
Quaternarii	1680	frigiditas, siccitas, humiditas, velisque
Quinari	6720	scire quoties possint coniungi in binari-
Senarii	20160	os, ternarios, & quaternarios. Multipli-
Septenarii	40320	ca 4 per tria, & habebis 12 binarios: hos
Octonarii	40320	multiplica per 2 & habebis 24 ternarios:
		hos iterum multiplica per 1, & habebis
Summa	109592	24 quaternarios.

Ratio huius rei est, quia si sint quatuor res, v, g, quatuor hæ litteræ, *a, b, c, d*, (& eadem est ratio in aliis quocunque rebus) quælibet ex his potest coniungi cum qualibet aliarum trium, & sic resultant duodecim combinationes in ratione binarii, ut in sequenti exemplo vides; item quilibet binarius potest coniungi cum qualibet reliquarum rerum, & sic resultant 24 ternarii, item quilibet ternarius coniungi potest cum residua re, & sic resultant etiam 24 quaternarii. Inspice sequens Schema,

*Combinations quatuor litterarum, a, b, c, d,
in binarios, ternarios, & qua-
ternarios.*

Binarii 12.

*ab, ac, ad,
bc, bd, cd,
ba, ca, da,
cb, db, dc*

Ternarii 24.

*abc, abd, acb,
acd, adb, adc,
bca, bcd, bda,
bdc, cda, cdb,
bac, bad, cab,
cad, dab, dac,
cba, cbd, dba,
dbc, dca, dcba*

Quaternarii 24.

*abcd, abdc, acdb,
acdb, adbc, adcb,
bcad, bcda, bdac,
bdca, cdab, cdba,
bacd, badc, cabd,
cadb, dabc, dacb,
cbad, cbda, dbac,
dbca, dcab, dcba*

Hæc arte invenit P. Guldinus summam omnium combinationum possibilium viginti trium litterarum Alphabeti, includendo etiam numerum ipsarum litterarum singulatim acceptarum. Summam dedimus supra, §. I.

Regu-

*Regula II. ad inveniendas rerum quotcun-
que propositarum combinationes, secun-
dum rem diver-
sas.*

SEquentem regulam tradit *Petrus Herigonius* in cursu Mathem. *Regula se-*
to. 2. tract. de Arithmet. cap. 15, & ex iplo *P. Andrea Tacquet* in *cunda.*
Arithm. lib. 5. cap. 9. pro qua intelligenda, sciendum est, nume-

rum rerum propositarum semper esse maiorem, numero rerum
simul combinandarum: v. g. sunt propositæ octo res, & combinã-
dæ sunt duæ, tres, quatuor, quinque, sex, septem; numerus rerum
simul combinandarum est vel 2, vel 3, vel 4, vel 5, vel 6, vel 7,
His positis, regula hæc est, Dato numero rerum, & alio minore se-
cundum quem res datae sunt combinandæ, instituantur duæ progressionis
arithmeticae per subtractionem unitatis à numeris datis, utraque tot ter-
minorum, quot minor habet unitates: tum numerus genitus ex multiplicacione
mutua terminorum maioris progressionis, dividatur per numerum
productum ex multiplicacione mutua terminorum minoris progressionis.

Quotiens erit questus combinationum numerus. Exempli gratia, sit
numerus rerum a , combinandarum secundum numerum b ,
nimirum in ternarios. Institue duas progressi-
ones arithmeticas ut vides, per subtractionem unitatis, nimirum progrediendo ab s , usque
ad 7, & à 7 usque ad 6. item à 3 ad 2, & à 2 ad 1. Deinde multi-
plica in se invicem 8, 7, 6, producens numerum c ; multiplica i-
tem in se invicem 3, 2, 1, produces numerum e . Tandem di-
vide numerum c per numerum e ; & quotus findicabit, in
quot ternarios coniungi possint octo res, ita ut quilibet sit ab
aliis diversus totaliter, id est, nullus contineat easdem res

res. Eadem arte invenies binarios 28, quaternarios 70, quinariorum 56, senarios 28, septenarios 8, tandemque 8 unitates diversas. Exempla tu ipse formato, combinando octo litteras Alphabeti. Eadem est ratio in omnibus aliis. Vide P. Tacquetium lo. cit. ubi nonnulla huc spectantia notat.

*Regula III, ad inveniendas combinationum
quotcunque eiusdem speciei combinatio-
nes, partim secundum rem partim
secundum ordinem diversas.*

*Regula ter-
tio.*

Non solum res cum rebus combinari atque coniungi possunt modo in precedentibus dicto, sed etiam combinationes rerum cum combinationibus rerum, v. g. binarii cum binariis, ternarii cum ternariis &c. Quæri ergo ulterius potest, quoties omnes binarii quatuor rerum. v. g. combinari possint cum omnibus binariis trium. v. g. rerum, ite quoties omnes ternarii earundem quatuor rerum combinari seu coniungi possint cum omnibus ternariis earundem trium rerum: & quidem ita, ut omnes combinationes sint diversæ partim secundum rem, & partim secundum ordinem. Loquor autem hic solum de combinationibus combinationum eiusdem speciei, & de combinationum combinationibus partim secundum rem, partim secundum ordinem diversis, quoniam hæc solum ad rem nostram faciunt. Pro solutione sit hæc regula. *Numeri combinationum diversarum rerum ducantur in se, producti duplum est numerus omnium combinationem quesitus.* Rem exemplo declaremus. Sint quatuor diversorum generum vina, Ibericum, Siculum, Franeonicum, Rhenanum, suis poculis vitreis inclusa, sint item tres diversæ aquæ, cytrina, hyacinthina, naturalis, suis etiam vitreis vasculis inclusa: quæritur, quoties binarii vinorum cum binariis aquarum, & quoties ternarii vinorum cum ternariis aquarum

rum combinarii seu coniungi possint ita ut semper duo pocula vinorum sequantur duo pocula aquarum, aut vice versa. Binarii quatuor vinorum partim secundum rem & partim secundum ordinem diversi sunt 12., binarii vero trium aquarum sunt 6. ducatur igitur 6 in 12, producentur, 27 quorum duplum sunt 144. Dico, binarios vinorum combinariis aquarum posse combinari centies & quadragies quater. Si loco vinorum accipias quatuor initiales litteras, *i, s, f, r,* & loco aquarum tres litteras initiales, *e, b, n,* poterunt binarii quatuor litterarum cum binariis trium litterarum totidem modis combinari, quot vina & aquæ. Eodem modo invenies numerum combinationum seu conjunctionum ternariorum vini & aquæ. Nec secus invenitur combinatio quaternariorum, quinariorum &c. diversarum rerum. Ratio autem huius regulæ est, quia quilibet binarius vinorum (& eadem est ratio in omnibus aliis rebus) potest coniungi cum omnibus binariis aquarum, semel ita, ut binarii vinorum præcedant, aquarum sequantur; & iterum ita, ut binarii aquarum præcedant, vinorum sequantur; cum ergo sint 12 binarii vinorum, & 6 binarii aquarum, si 12 multiplicentur per 6, resultant combinationes 72 in quibus præcedunt vina, & hi binariorum ordines si invertantur, ut aquarum binarii præcedant, resultant alix 72 combinationes, & in univsum 144. Considera duo sequentia schemata, in quorum primo vina, in altero aquæ præcedant.

Vina

Vina precedunt, aqua sequuntur.

i.	n i.	h i.	h s.	h s.	h t.	h s.	h t.	h r.	h f.	h r.	h r.	n
s.	c f.	c r.	c f.	c r.	c r.	c i.	c i.	c i.	c s.	c s.	c f.	c
i.	n i.	h i.	h s.	h s.	h t.	h s.	h t.	h r.	h f.	h r.	h r.	h
s.	n f.	n r.	n f.	n r.	n r.	n i.	n i.	n i.	n s.	n s.	n f.	n
i.	c i.	c i.	c s.	c s.	c f.	c s.	c f.	c r.	c f.	c r.	c r.	c
s.	h f.	h r.	h f.	h r.	h r.	h i.	h i.	h i.	h s.	h s.	h f.	h
i.	c i.	c i.	c s.	c s.	c f.	c s.	c f.	c r.	c t.	c r.	c r.	c
s.	n f.	n r.	n f.	n r.	n r.	n i.	n i.	n i.	n s.	n s.	n f.	n
i.	n i.	n i.	n s.	n s.	n f.	n s.	n f.	n r.	n f.	n r.	n r.	n
s.	h f.	h r.	h f.	h r.	h r.	h i.	h i.	h i.	h s.	h s.	h f.	h
i.	n i.	n i.	n s.	n s.	n f.	n s.	n f.	n r.	n f.	n r.	n r.	n
s.	c f.	c r.	c f.	c r.	c r.	c i.	c i.	c i.	c s.	c s.	c f.	c

Aqua precedunt, vina sequuntur.

i.	i h.	s h.	i h.	s c.	i c.	s c.	i c.	s n.	i n.	s n.	i n.	s
c.	s c.	i n.	s n.	i h.	s h.	i n.	s n.	i h.	s h.	i c.	s c.	i
h.	i h.	f h.	i h.	f c.	i c.	f c.	i c.	f n.	i n.	f n.	i n.	f
c.	f c.	i n.	f n.	i h.	f h.	i n.	f n.	i h.	f h.	i c.	f c.	i
h.	i h.	r h.	i h.	r c.	i c.	r c.	i c.	r n.	i n.	r n.	i n.	r
c.	r c.	i n.	r n.	i h.	r h.	i n.	r n.	i h.	r h.	i c.	r c.	i
h.	s h.	f h.	s h.	f c.	s c.	f c.	s c.	t n.	s n.	t n.	s n.	f
c.	f c.	s r.	f n.	s h.	f h.	s n.	f n.	s h.	f h.	s c.	f c.	s
h.	s h.	r h.	s h.	r c.	s c.	r c.	s c.	r n.	s n.	r n.	s n.	r
c.	r c.	s n.	r n.	s h.	r h.	s n.	r n.	s h.	r h.	s c.	r c.	s
h.	t h.	r h.	r h.	f c.	t c.	r c.	f c.	r n.	t n.	r n.	f n.	r
c.	r c.	f n.	f n.	r h.	r h.	f n.	r n.	f h.	r h.	f c.	r c.	f

COROLLARIUM I.

EX dictis hac regulâ sequitur I. si duarum rerum unitates sint con-
 jungenda in binarios, v.g. unitates vinorum prædictorum cum
 unitatibus aquarum, ita ut semper combinetur unum vinum cum
 una aqua; hoc efficitur ex multiplicatione unitatum omnium vinorum
 per unitates omnes aquarum, & ex producti duplicatione: nam uni-
 tates æquivalent in ratione combinationis ipsis combinationibus in-
 ter se multiplicatis. Sic si multiplicentur 4 vina per 3 aquas, & pro-
 ductum 12 dupletur, fiunt 24 combinationes, ita ut semper unum vi-
 num cum una aqua sit conjuncta. Ratio est, quia quodlibet ex quatuor
 vinis conjungi potest cum qualibet aqua, ideoque resultare possunt 12
 binarii in quibus vinum habet primum locum, & aqua secundum;
 qui ordo si invertatur, resultant alii 12 binarii. Eadem est ratio in
 aliis rebus.

Combinatio unitatum rerum cum unitatibus rerum.

PORISMA I.

ERgo si numerus 5 vocalium ducatur in numerum 17 consonan-
 tum, & productum 85 duplicetur, provenient combinationes
 170, quarum quælibet complectitur unam vocalem & unam conso-
 nantem; & quidem in 85 combinationibus præcedit vocalis, in reli-
 quis verò 85 subsequitur. Totidem combinationes oriuntur ex ductu
 5 diphthongorum in 17 consonantes. Ex ductu verò vocalium & diph-
 thongorum simul in consonantes, hoc est, ex 10 in 17, oriuntur combi-
 nationes 340.

Combinatio vocalium & diphthongorum per consonantes.

PORISMA II.

SI autem numerus binariorum 5 vocalium ducatur in numerum bi-
 nariorum 17 consonantium, & productum duplicetur, orientur
 combinationes 24480, in quibus vocales semel præcedunt consonan-
 tes, & semel sequuntur. Eadem est ratio de ternariis, quaternariis &c.

COROLLARIUM II.

Sequitur II. ex dictis, quâ ratione eliciantur combinationes quæ impari constant numero, v.g. quinque litteris, quarum duæ vocales, & tres consonantes; aut vice versâ duæ consonantes, & tres vocales. Si autem quinaris, v.g. vocabula quinque litterarum, constare debent tribus consonantibus & duabus vocalibus; ducuntur binarii vocalium in ternarios consonantium. Si verò è contrario dictio constare debet tribus vocalibus & duabus consonantibus; ducuntur binarii consonantium in ternarios vocalium. Producti duplum in utroque casu dat numerum omnium combinationum, tam re quam ordine diversarum. Ratio eadem est quæ suprâ.

COROLLARIUM III.

Colligitur præterea ex dictis, quantum sit discrimen inter modum combinandi hac regulâ præscriptum, & modum combinandi præcedentium duarum regularum, modumque permutandi traditam §. præcedente. Nam si quatuor litteræ hujus verbi, amor, quomodocunque permutentur, resultant 24 permutationes: si conjungantur in binarios, seu re, seu ordine diversos, resultant 12 combinationes: si autem conjungantur in binarios hac lege, ut in quolibet binario vocalis præcedat consonantem, aut vice versâ; non nisi octo combinationes resultant, hoc est, octo tantum dictiones inde fieri possunt, quarum singula constent quatuor litteris eâ lege, ut semper consonans sequatur vocalem, aut hac consonantem. Quæ est regula infallibilis quòd talis combinatio sit apta ad enuntiandum,

§. V. *Construuntur Tabulæ combinatoriæ vocalium, consonantium, & mixtæ utrarumque.*

Combinatoria tabulæ
in v. g. in.

EX tribus regulis præcedenti §. IV. traditis constructæ sunt sequentes Tabulæ, quæ ad demonstrationem trium Pa-

radicorum supra §. 2. propositorum apprimè necessariz sunt.

TABULA I. & II. pro combinatione consonantium & vocalium.

In prima tabula combinantur inter se 17 consonantes, & in secunda 10 vocales (quinque enim diphthongi vocalium nomine hinc veniunt) in ratione binarii, ternarii &c: usque ad denarios tantum, quia volumus in sequentibus idiomatibus nullam dictionem ex mutua vocalium & consonantium sequela compositam, excedere viginti litteras, ut supra in primo paradoxo monuimus. Utraque tabula constructa est juxta regulam I, præcedentis §.

Tabula I. | Tabula II.

Combinatio 17 con-	1 7 1	1 1 0	Combinatio 5 voca-						
sonantium inter	2 7 2 2	2 9 0	lium & 5 diphton-						
se in ratione	4 0 8 0 3	3 7 2 0	gorum inter se						
binarij, ter-	5 7 1 2 0 4	4 5 0 4 0	in ratione bi-						
narij &c.	7 4 2 5 6 0 5	5 3 0 2 4 0	narij, ter-						
	8 9 1 0 7 2 0 6	6 1 5 1 2 0 0	narij &c.						
	9 8 0 1 7 9 2 0 7	7 6 0 4 8 0 0							
	9 8 9 1 7 9 2 0 0 8	8 1 8 1 4 4 0 0							
	8 8 2 1 6 1 2 9 0 0 9	9 3 6 2 8 8 0 0							
	7 0 5 7 2 9 0 2 4 0 0 10	10 3 6 2 8 8 0 0							

Tabula III. IV. pro combinatione consonantum cum vocalibus & diphthongis numero pari in ratione unitatis, binarii, &c: pro numero litterarum singulis combinationibus correspondentium.

Tertia sequens tabula continet omnes combinationes 17 consonantum cum vocalibus & diphthongis numero pari, in ratione unitatis, binarii, ternarii &c: usque ad denarium. Singulae autem combinationes correspondent singulis dictionibus, quae commodè enuntiari possunt, quia in omnibus mixtae sunt vocales aut diphthongi cum consonantibus, sed numero pari, quia in singulis sunt tot vocales aut diphthongi, quot sunt consonantes. Non excedimus in combinationibus numerum denarium, quia nulla dictio debet excedere viginti litteras. Singulae combinationes in tertia tabula deberent duplicari, nos omnium summam duplicavimus; quod perinde est ac si omnes duplicassemus. In quarta tabula exprimimus numerum omnium litterarum quae in omnibus binariis, ternariis &c: reperiuntur. Hic numerus reperitur, si numerus combinationum per unitates multiplicetur per duo, id est, per duas unitates, & numerus combinationum per binarios per quatuor, id est, per duos binarios, & sic de reliquis, ut in tabula apparet. Singuli numeri debent duplicari, quod in fine praestitimus.

Tabula III. | | Tabula IV.

	170 1 1 2 340	
Combinations con-	24480 2 2 4 97920	Numeri litterarum o-
sonantū cū vocali-	2937600 3 3 6 17625600	Imniū singulis com-
bus & diphthongis	287884800 4 4 8 2303078400	binationsū serie-
numero pari.	22455014400 5 5 10 224550144000	bus correspō-
	1347300864000 6 6 12 16167610368000	dentes,
	59281238016000 7 7 14 829937332224000	
	1778437140480000 8 8 16 28454994247680000	
	32011868528640000 9 9 18 576713633515520000	
	256094948229120000 10 10 20 5121898964582400000	
sum.	28994590518298450	5727413924159138260. sum.
Dupl.	579891810365962900	11454827848318276520. Dupl.

Tabula V. VI. pro combinatione consonantium cum vocalibus & diphthongis numero impari, tene- te primum & ultimum locum consonante; & pro numero litterarum cor- respondentium.

Quinta tabulā continet combinationes consonantium & vocalium ac diphthogorum impari numero, in ratione videlicet trium; quinque septem &c: litterarum, ita tamen ut primum & ultimum locum teneat consonans. Singulæ autem combinationes sunt singulæ dictiones, quarum quælibet constat tribus; quinque septem &c: litteris.

TABULA VI. exhibet numerum litterarum quæ in combinationibus experiuntur.

	Conso.			Vocal.			
Combinatio consonantū cum vocalibus & diphthongis numero impari, tenente primū & ultimū locū cōsonante.	2720	2	1	3	8160	Numerus omnium litterarum singulis combinationibus	
	367200	3	2	5	1836000	num seriebus	
	41126400	4	3	7	287884800	correspondentiū.	
	3742502400	5	4	9	33682521600		
	269460172800	6	5	11	2964061900800		
	14820309504000	7	6	13	192664023552000		
	5928123801600000	8	7	15	88921857024000000		
	160059342643200000	9	8	17	2721003824934400000		
	2560949482291200000	10	9	19	48658040163532800000		
Summa	272708788427275520				5146992746606823360.	Sū	

Tabula VII. & VIII. pro combinatione vocalium & diphthongorum cum consonantibus numero impari, tenente primum & ultimum locum vocali; & pro numero litterarum correspondentium.

SEptima tabula continet combinationes vocalium & diphthongorum cum consonantibus numero impari, ut antea, sed primum & ultimum locum tenente vocali aut diphthongo. Singulæ combinationes sunt, ut antea semper, singulæ dictiones. Octava tabula exhibet numerum litterarum correspondentem combinationibus ac dictionibus.

Tabula VII. Voca.
Conso. Tabula VIII.

Combinatio vocalium cū	1530	2	1	3	4590	Numerus litterarum
consonantibus numero	195840	3	2	5	979200	omniū singulis cō-
impari, tenente pri-	20563200	4	3	7	143942400	binationibus, seu
imum & vltimum	1727308800	5	4	9	1554779200	dictionib ⁹ cor-
locum vocali.	112275072000	6	5	11	1235025792000	respōdens
	15389203456000	7	6	13	70059644928000	
	177843714048000	8	7	15	2667655710720000	
	3556874208960000	9	8	17	60466861552320000	
	32011868528640000	10	9	19	608225502044160000	
<i>Summa.</i>	35752089750245370				671431329668625390	<i>sum.</i>

§. VI. Demonstratur Paradoxum 1. supra

§. 2. propositum.

Hic præmissis, pergimus nunc ad Paradoxorum supra §. 2. propositorum demonstrationem. Ad primi paradoxii demonstrationem statuenda prius sunt tria, primò superficiæ convexæ Terraquei globi quantitas, secundò urbium & aliorum locorum in eadem superficie frequentia seu numerus, tertio dictionum seu vocabulorum copia ad idioma aliquod constituendum. Ad maiorem demonstrationis evidentiam, maioremque Problematis propositi admirabilitatem, omnia tria assumam longè maiora quam revera sint.

Ad primum quod attinet, nempe ad convexæ superficiæ Terraquei globi magnitudinem statuendam, tribuo cum Re-

Superficiæ
terrena
quantitas
ex hypothesi.

centioribus communiter circumferentiæ circuli maximi eiusdem miliaria Italica 21600 seu passus geometri-

cos 21600000; diametro milliaria Italica 6873 ferè, seu passus 6873000; & consequenter toti superficiæ convexæ milliaria quadrata 148456800, seu passus quadratos 148456800000000, cuilibet enim quadrato milliari respondent 1000000 passus quadrati, si quadrato milliari tribuantur 1000 passus simplices in longitudine, & totidem in latitudine.

*Numerus
urbium in
terra, ex
hypothesi.*

Quod verò attinet ad secundum, nimirum ad numerum urbium, oppidorum, pagorum, arcium, divido ex æquo totam Terraquei globi superficiem antea repertam, in terream & aqueam, reperioque pro terrea superficie (quæ sola urbibus ac pagis est instructa) passus quadratos 74228400000000. Hujus spatii dimidium pono occupatum urbibus & pagis, quamvis certum sit minus longè occupatum esse, obingentes solitudines, sylvas, campos, & spatia inter urbes interjecta: erunt igitur occupati passus 37114200000000. Jam cuique urbi, oppido, pago, arci, tribuo solùm 100 passus in longitudine ac totidem in latitudine, adeoque non nisi 400 in circuitu; licet certum sit, multas urbes complecti in circuitu multa passuum millia: occupabit igitur quælibet urbs &c: passus quadratos 10000; pro quos si dividamus passus quadratos 37114200000000, ab omnibus urbibus &c: occupatos, reperiemus urbes, oppida, pagos, arces, 3711420000, qui numerus continet decem figuras arithmeticas. Quem numerum dico superari à numero idiomatum possibilium ex septendecim consonantium, quinque vocalium, totidemque diphthongorum combinatione ortis, non quæcunque, sed restrictâ conditionibus supra in I. Paradoxo expressis, nimirum ut verba seu didiones non excedant viginti litteras, ut nullalittera in eadem dictione replicetur, ut vicissim sibi mutuo succedant vocales seu diphthongi & consonantes ob suavitatem pronuntiationis, ut vocabula omnia litteris consentiant paribus numero, ut denique unumquodque differat ab alio transpositione seu ordine & situ litterarum. Quod ut probem, necesse est statuere

quendam dictionum numerum, qui omnium iudicio sufficiens censeatur ad idioma constituendum.

Ad tertium igitur quod attinet, nimirum ad vocabulorum seu dictionum numerum ad aliquod idioma necessarium statuendum, quem omnes non solum sufficientissimum, sed etiam abundantissimum merito iudicent, statuo, librum iustæ magnitudinis completi in se folia 400, seu facies 800, & quamlibet faciem esse distinctam in 4 columnas, & columnam quamlibet habere lineas 70. Exceder utique hic liber in crassitie sextam partem pedis Romani, seu duas uncias pedis Herbipolensis; longitudo vero & latitudo æstimari possunt ex quatuor columnis & septuaginta lineis. Si iam singulas lineas statuamus esse singula verba, continebit una facies libri verba 280: hic numerus si multiplicetur per 800, quot sunt in toto libro facies; continebit liber verba 224000. Si nunc tot verba pro uno idiomate statuamus, quot capaces sunt centeni à nobis descripti codices, utique omnium calculo superabundans determinatur dictionum numerus pro uno idiomate, nempe 22400000: quis enim sibi promittat se vel unicum suæ linguæ vocabulis inter se omnino distinctis implere posse? sed demus tot verba ad idioma constituendum requiri, quot ducenti libri à nobis descripti capaces sunt, constabit id vocabulis 44800000, hoc est, quadraginta quatuor millionibus & octingentis millibus. Quibus pro hoc & sequentibus Paradoxis stabilitis.

*Idioma quod
vocalibus
contineat, ex
hypothesi.*

Investigentur iuxta primam regulam §. 4. omnes binarii 17 *Combinati-
ones 17. cō-
sonantium
& vocaliū,* consonantium per multiplicantem 16, deinde ternarii per multiplicantem 15 ductum in productum ex præcedente multiplicatione, postea quaternarii per 14, quinararii per 13, sicque deinceps usque ad denarios. Eadem arte inquirentur binarii, ternarii, & cæteræ combinationes vocalium una cum diphthongis. Invenies numeros supra §. 5. Tabula I. & II. positos. His factis, faciliè eruuntur verba pari numero litterarum contenta, cæterisque conditionibus in I. Paradoxo recensitis vestita. Nam iuxta dicta §. 4. Porism. I. habentur dictiones duarum litterarum,

consonantis scilicet unius, & unius vocalis seu diphtongi, si nimirum 5 vocales & 5 diphtongi in 17 consonantes multiplicentur, & productum duplicetur, proveniunt 340. Atque tot verba, & tantum duarum litterarum, possibilia sunt ex dicta combinatione. Deinde verba quatuor litterarum, puta duarum consonantium, totidemque vocalium aut diphtongorum (nomine vocalis sumo promiscue diphtongos & vocales) eruuntur, si iuxta Regulam 3 aut Porisma 2. §. 4. citati, binarii consonantium & vocalium inter se multiplicentur, & summa producta duplicetur : producentur autem combinationes seu verba 48960. Pari ratione reperiuntur verba sex, octo, decem, & c. litterarum usque ad viginti, prout in Tabula apparet, cuius summæ omnes si duplicentur, & in unam summam colligantur, habebitur numerus omnium verborum possibilium è septendecim consonantium, quinque vocalium, totidemque diphtongorum cōsortio, servatis interim conditionibus in 1. Paradoxo positus Est autem verborum summa quam in fine dictæ Tabulæ III. Posuimus, nimirum 579891810365962900, complectens figuras octodecim ordine positas. Hæc summa divisa per numerum verborum ad idioma constituendum à nobis positorem, nimirum per 44800000, dat numerum idiomatum possibilem 12944013624, & remanent verba 10762900. Hæc autem numerus idiomatum cum contineat undecim figuras, longe maior est quam numerus urbium & c. supra repertus, qui solum decem figuras habet, nimirum 3711420000.

Verum ergo est Paradoxum primum, nimirum idiomata possibilia inter se totaliter diversa, è septendecim consonantium, quinque vocalium, totidemque diphtongorum combinatione orta, superare numerum urbium, oppidorum, pagorum, & arcium quæ de facto in toto terrarum orbe sunt, ideoque quælibet urbs & c. proprium idioma constituere sibi potest ex sola combinatione prædicta.

S. VII. Demonstratur Paradoxum II su-
pra S. 2. propositum

Accedimus nunc ad secundum paradoxum, quo assereba-
mus, si verba Imparibus litteris expressa (aliis conditioni-
bus in primo Paradoxo positis in suo robore & immotis manen-
tibus) adiciantur prioribus verbis; fore ut idiomata possibilis e-
dictis verbis superent numero omnes urbes, pagos, & arces
in mundo existentes, etiam si totus orbis Terraqueus habitaretur,
& urbibus instructus foret. Nam quia in præcedente para-
doxo adsignavimus solum urbes pro superficie terrestri, quã
posuimus adæquare medietatem totius superficiei Terraquei
globi; si numerum urbium antea adsignatum duplicemus, ha-
bebitur urbes occupantes utramque superficiem, terrestrem,
& aqueam, si hæc etiam habitabilis esset, nimirum urbes 742-
2840000, qui numerus constat decem figuris. Facili porro
negotio indagabimus verba, quæ impari gaudent numero, ma-
nentibus interim aliis conditionibus in primo paradoxo requi-
sitis. Nam per regulas supra traditas, in primis dictiones trium
litterarum, puta duarum consonantium, & unius vocalis, pro-
ducemus per multiplicationem vocalium ac diphtongorũ in
binarios consonantium provenientq; bis mille septingentæ &
viginti combinationes, id est, verba tribus tantũ litteris compo-
sita. Eodem modo indagabimus dictiones quinq; litterarũ, hoc
est, trium consonantium & duarum vocalium, multiplicando
nimirum ternarios consonantium per binarios vocalium.
Nec secus inveniemus dictiones septem, novem & lit-
terarum, usque ad viginti litteras, prout apparet in Ta-
bula V. Pari ratione notæ erunt combinationes voca-
lium cum consonantibus, in quibus semper primo,
& ultimo loco sit vocalis, uti apparet in Tabula VI. Si
iam omnium combinationum utriusque Tabulæ colligantur in

*Numerus
urbium in
terreno
globo ex hy-
pothesi.*

duas summas (prout fecimus in ultima utriusque Tabulæ serie) & inter se addantur in unam summam , habebis hunc numerum dictionum impari numero litterarum : 308460878177520890 ; cui si addatur summa litterarum pari numero quem in præcedente §. assignavimus , producetur hæc alia summa omnium dictionum pari & impari numero litterarum constantium : 888352688543483790 octodecim figurarum. Hic numerus si dividatur per verba quæ ad unum idioma requisivimus , nimirum per 44800000 ; habebimus idiomata diversa 19829301083 , & remanebunt verba 25083790. Qui quidem numerus idiomatum maior est quam numerus urbium in toto Terraqueo globo , quia hic est undecim , ille decem figurarum. Verum ergo est secundum paradoxum.

*§. VIII. Demonstratur Paradoxum III.
supra §. 2. propositum.*

Tertium paradoxum supra propositum asserit , si consonans quælibet vel semel in quolibet verbo seu dictione inter primas duas vocales geminetur , fore plura idiomata possibile , quam domus existant , seu existere possint in toto Terraqueo globo , etiam si dimidia pars terrenæ superficiei penitus habitaretur , & una continuata urbs foret. Nullus dubito paradoxum hoc multis incredibile videri posse , præsertim quod consonantium geminationem non quamcunque & quocunque modo factam , nec vage per omnes cuiusque dictionis syllabas (unde affluentior multiplicatio sperari posset) sed solum inter primam & secundam dictionis syllabam requiramus. Sed ut rem evidenter demonstremus , assignare oportet certum ac determinatum numerum domorum , non quidem eum qui de facto in Mundo est (quis enim id queat ?) sed longe omnium iudicio maiorem , ut eo mirabilius paradoxum appareat.

dimidiam superficiem terrestrem Terraquei globi unam esse urbem, refertam domibus non adeo magnis & amplis (ut maior inde numerus resulet, & magis admiratio crescat) statuumusque quamlibet domum decem tantum passibus in longitudinem & latitudinem protendi, ita tamen, ut in iis decem passibus etiam ineludatur pars platearum quæ ad domorum distinctionem ab invicem necessaria est. Occupabit itaque quælibet domus in superficie terræ, complectendo etiam plateam, 100 passus quadratos; per quos si numerum passuum dimidiæ superficiei terrestris totius Terraquæ, qui est passuum quadratorum 37114200000000, divideris, habebis domos 37114200000, qui numerus est duodecim figurarum, utique maior multo quàm de facto in mundo est numerus domorum.

domorum in terra, ex hypothesis.

Ut autem dictiones habeantur, quæ enascuntur ex consonantis geminatione modo dicto, una cum dictionibus antecedentibus, debent dictiones hætenus inventæ, & præcedente scilicet octodecim figuris arithmetice expressæ, multiplicari per 17 consonantes, quas successivè geminari ponimus, modo ea paucula verba excipias, quæ unica tantum vocali constant, in quibus consonans difficulter geminatur, (saltem in principio: inventus numerus iterum multiplicari debet per 16, quia toties consonans geminata potest transponi cum iam posita, præterquam in verbis in quibus eadem consonans geminatur, ideoque per 16 tantum multiplicari debet. Numerus utraq; multiplicatione habitus potest etiam haberi unica multiplicatione; si numerum dictionum in præcedentibus inventum multiplicemus una vice per 33. Facto calculo secundum leges arithmeticas, prodit summa verborum 29315638721934875310, constans figuris viginti, quam si dividamus per numerum 44800000, scilicet verborum quæ ad idioma constituendum requisivimus, prodèunt idiomata 654366935735, & remanent verba 6875310; qui numerus idiomatum licet constet duodecim figuris, sicut numerus domorum maior tamen est illo, quia prima ad sinistram figura in hoc maiore est quam in illo. Plura ergo idiomata constitui possunt

quam sint domus æ amiliæ in Mundo, & quælibet propriè
 diomate ab aliis omnino differente poterit loqui. Verum e go
 & tertium paradoxum est.

*S. IX. Indicatur modus constituendi ex vo-
 calium & consonantium combinatione
 tot idiomata, quot arena sunt in
 littoribus maris.*

*Idiomatum
 possibilem
 ex litterarū
 Alphabeti
 combinatio-
 ne numerus
 maior quam
 arena.*

HAtenus de dictionibus ad certas regulas & conditiones re-
 strictis. Si quis velit tot facere combinationes litterarum
 Alphabeti, & ex his constituere tot dictiones, quæ sufficiant ad
 idiomata quæ numerum arenæ, quæ in littoribus maris toto
 Mundo diffusi reperitur, adæquent, aut superent, is sequentes
 multiplicationis seu permutationis ac combinationis modos
 accipiat.

Primo addatur decima octava consonans, cuiusmodi est a-
 pud Latinos littera *v*, dum consonantis munere fungitur, & a-
 pud Germanos nova consonans *w*, apud Hispanos *c* cauda-
 tum, apud alios alia litteræ; nascentur factis combinationibus
 hætenus enumeratis plura idiomata, quam huc usque ad signa-
 vinus.

Secundo, geminetur consonans sæpius & diversis in locis seu
 syllabis eiusdem dictionis, ut evenire cernimus de facto in om-
 nibus idiomatibus quibus homines utuntur.

Tercio, geminentur vocales, aut diphthongi, aut utræque;
 aut dividatur diphthongus in duas vocales velut in duas syllabas
 inter pronuntiandum, uti apud aliquos populos fieri solet.

Quarto, replicetur eadem consonans, aut vocalis, aut
 diphthongus, semel vel sæpius in eadem dictione.

Quinto,

Quinto, imitare *Ioannem Caramuelem*, qui in Theologia sua rationali parte I. ubi de Grammatica Methodica, ostendit rectè posse constitui idioma ex solis ac meris monosyllabis, quæ ipse ait esse Chinensium idioma, quod tamen si verum sit; vocabula tamen quibus Chineses utuntur, non ex litteris & syllabis composita sunt, ut apud alias nationes fit, sed singuli characteres singulis vocibus & nominibus respondent, ideoque tot characteribus opus habent, quot res sunt quas nominare volunt, adeo ut qui utcumque intelligibiliter loqui vult, ad decem millia characterum sciat necesse sit; qui autem eleganter vult loqui, ad octoginta millia, & longè plura, qui totam linguam callere desiderat. Quæ omnia ore tenus accepi Romæ à Patre Michaële Boym Polono, & Patre Martino Martini Tridentino, utroque è *Societate nostra*, & linguæ Chinensis expertissimo. Sed hæc per transennam. Caramuel constituit viginti consonantes, totidemq; vocales ac diphtongos, vultq; monosyllabum unū posse constare tribus consonantibus & una vocali aut diphtongo. Eum si quis imiteretur, quantam dictionū & idiomatū multitudinem cōstitueret? Omitto multos alios modos. Plures quilibet excogitare poterit, ego ad alia pergo.

S. X. Alia comparationes, idiomatum multiplicabilitatem maximam ex combinatione litterarum Alphabeti possibilem, declarantes.

QVAMVIS hæcenus explicatæ comparationes sufficienter ob oculos ponant maximam ac pænè incredibilem idiomatum multiplicabilitatem ex combinatione non quæcunque, sed vitili, & supra dictis conditionibus affecta resultantem, non abs re tamen fuerit etiam sequentes expendere, quas Auctor præcedentis problematis instituit.

Numerus idiomatum ex combinatione litterarum Alphabeti ingens

Dico igitur I. Maior est idiomatum numerus ex verbis impari tantū numero gaudentibus iuxta conditiones supra positas, ut nimirum vocalis sequatur consonantem, & è contrario &c: quam momenta temporis seu minuta horaria effluerunt à primo mundi die, & quam præteribunt, si mundus adhuc tanto durabit tempore, quanto duravit, etiam si ponamus eum durasse 6000 annis. Nam ex verbis impari tantum litterarum numero constantibus nascuntur idiomata (quorum unumquodq; constat verbis 44800000) 6885287459, & remaneat verba 14320890: at momenta præterlapta sunt 3155760000, si mundus stetit 6000 annis, quia dies continet momenta 1440, annus (seu dies 365 & horæ 6) 525960; ergo anni 6000 continent momenta 3155760000, & totidem in aliis 6000 annis elabentur quæ simul faciunt momenta 6311520000. Hæc autem summa minore est quam summa idiomatum prædicta.

Dico II. Maior est numerus idiomatum ex verbis pari tantum numero litterarum gaudentibus, quam sint passus seu gressus formicæ totum Terraquei globi ambitum, seu circumferentiam maximi eius circuli emicentis. Nam ex dictis verbis resultant idiomata 12944013624, cum verbis 10762900: at vero si ponamus septem passus seu gressus formicæ æquivalere latitudini digiti (qui tamen longè maiores sunt) respondebunt uni passui geometrico 560 passus formicæ, & toti terræ ambitui, seu passibus geometricis 21600000 respondebunt passus formicarii 12096000000. Hæc autem summa minor est quam summa idiomatum prædictorum.

Dico III. Maior est numerus idiomatum ex verbis pari & impari numero constantibus, quam requirantur vigesimæ partes horæ quibus totum Terraqueum globum circumire possit animal maxime tardigradum, quod pigrum vocant Americarum rerum scriptores, de quo egimus in parte II. huius operis lib. I. Syntagm. 5. cap. I. Nam ex verbis pari

pari & impari numero gaudentibus producuntur idiomata 19829301083, cum verbis 25083790: at verò si Pigritiæ ad conficiendos decem passus demus dies quindecim (tot enim diebus vix jactum lapidis progreditur, ut ibidem ex Mapheo retulimus) conficiet dictum animal Terræ circuitum, puta passus 21600000, intra annos 88706, dies 133 $\frac{1}{2}$, quæ conficiunt vigesimas partes horæ 15552000000. Hæc autem summa minor est quàm idiomatum prædictorum.

Dico IV. Major est numerus idiomatum ex verbis tū parium tum imparium litterarum, & iis quæ ex interpositione unius consonantis habentur, quæ contineant litteras seu elementa terdecies mille tomi in usitata magnitudinis, ita ut quilibet contineat 1000 paginas majores, seu 2000 facies, & una facies 70 lineas, & una linea 70 litteras. Nam facies una talium tomorum habebit litteras 4900, tomus verò unus litteras 9800000, tomi denique 30000 litteras 294000000000. Hæc autem summa minor est quàm numerus idiomatum ex prædictis verbis provenientes, qui est 337098118420, cum residuo verborum non sufficientium pro alio idiomate integro constituendo.

Quàm verò ingens sit codicum adsignatorum multitudo, & magnitudo, inde patet, quòd ad eos capiendos requiratur Bibliotheca ad minimum longa passus geometricos 166 cum $\frac{7}{7}$, seu pedes 833, lata passus 83 cum $\frac{7}{70}$, seu pedes 416 $\frac{1}{2}$; quod sic ostenditur. Codex unus ad minus habet semipedem in crassitie, igitur si ponantur sex ordines in altitudinem, & in longitudinem tomi 1666, qui correspondent 833 passibus, totum latus complectetur 9996, & totidem alterum latus ex opposito, qui conjuncti efficiunt tomos 19992: latus tertium secundum latitudinem in una linea continebit tomos 833, correspondentes pedibus 416 $\frac{1}{2}$; qui si ducuntur in sex ordines, producuntur tomi 4998, totidemque complectetur latus oppositum: juncti autem omnes tomi simul comprehensi quatuor Bibliothecæ lateribus, sunt numero, 29988; reliquæ qui desiderantur ad complendum numerum

30000 codicum, jaceant supra mensas ad legendum accommodatas.

ANNOTATIO.

Suprà §. VI. ubi adsignavi pro Terraquei globi circumferentia milliaria Italica 21600, seu passus geometricos 2160000, pro diametro verò ejusdem milliaria Italica 6873 ferè, seu passus 6873000, minùs sollicitus fui in dicta diametro exactè adsignanda, quia id non erat necessarium ad propositum meum stabilendum. Caterùm si ex suprà dicta circumferentia indagare voluissem diametrum (justà tamen minorem, aut majorem) ita cum Archimede procedere debuissim. Primò, ut 22. ad 7. ita 21600 ad 6872 $\frac{16}{2}$. Secundò, ut 223. ad 71. ita 21600 ad 6877 $\frac{2}{2}$. Differentia inter utramque diametrum est, milliaria 4 $\frac{988}{2 \cdot 177}$; cujus dimidium, milliaria 2 $\frac{494}{177}$, si adderem diametro suprà adsignata, esset is milliariorum Italicorum 6875 ferè. Absum ergo à vera diametro ultra duo milliaria Italica: quæ licet in superficie inferant milliaria quadrata 43200, seu passus quadratos 4320000000, tamen defectus hic nihil officit operationibus & comparationibus à me factis. Quòd si ex suprà dicta circumferentia indagasse diametrum non vià Archimedea, sed Adriani Metii, quæ exactior est, sic, ut 353. ad 112. ita 21600 ad aliud; invenissem pro diametro milliaria Italica 6875 $\frac{75}{353}$, & à vera diametro non aberassem $\frac{1}{37890785}$ parte peripheria; qui defectus est paulò minùs quàm passus geometricus.



SYNTAGMA TERTIUM.


De arithmetiſis ſeu arithmagiſis planetarum ſigillis, eorumque ſuperſtitione ac vanitate.

DE numerorum virtutibus ac myſteriis tam mirapassiſſim ^{Numerorum myſteria.} non à Platoniciſis modò, ac Pythagoricis, aliis que gentili-um philoſophis, ſed etiam ab Orthodoxis aſſeruntur, ut qui ea non rationum trutinâ ponderare, ſed aſſerentium auctori- tate ſuffultus credere velit, merità exiſtimare queat magnum quid ac ſuprahumanum iis in eſſe. **D**EUM Opt. Max. in numero, pondere, & meſura creaffe omnia, gnomo eſt ortho- doxorum: Mentem primam, hoc eſt, eundem **D**EUM, dum ad rerum creationem proceſſit, numeros, triangulos, circulos, & ſphæras eruſtaſſe, eſſatum eſt ſolemne in Averrôis Schola: Mundum ex unitate abyſſali & ineffabili, per Bina- rium, in Ternarium, & hinc in circulum profluxiſſe, ve- terum Theologorum eſt axioma: numerorum naturam tranſviſſe per omnes res, & numeris omnia quæ in Mun- do ſunt conſtare, aſſerit Pythagoras & Severinus Boë- thius: cognitionem numeri veram eſſe, divinam, & in- corruptam ſapientiam; & ejus naturâ cognitâ, cognosci qualiter notitia rerum omnium habeatur per illum, teſta- tur idem Pythagoras, & antiquiſſimus Artephius: ſpecies rerum ſe habere ut numeros, & juxta numerorum ideas in mente Opificis **D**EI latentes Mundum, & omnia quæ in Mundo ſunt, producta fuiſſe, communis erat veterum Sapi- entum perſuaſio. Hinc Ægyptii, præ aliis, omni ſtudio nitebantur, ut juxta numerorum idealem diſpoſitionem, re- rum ſpecies aptè & peritè concinnarent, & per com- bina-

Numeri
septem plan-
etis attri-
buit.

Planeta-
rum sigilla.

binations analogas singulor rerum naturalium gradus tum ad cælestis, tum ad Genialis Mundi gradus aptè associarent. Hinc iidem Ægyptii datâ qualibet sublunaris Mundi specie, statim & astrum, & Intelligentiam correspondentem adsignabant; putabantque singulos numeros sibi correspondentes stellas & Genios in mundana œconomia habere, in quos mirâ quâdam vehementiâ propenderent. Inter reliquos autem numeros, septem præcipuè in magna habebant veneratione, eosque septem Planetis dedicârant; quos & certo ordine dispositos laminis quibusdam singulari ritu insculpebant, & è collo, brachiis, femoribus, aliisque corporis partibus suspensos gestabant, tantæque efficaciz esse existimabant, ut nihil non eorum gestatione se impetrare posse sibi persuaderent. Eosdem numeros Arabes ac Saraceni, superstitiosissimum hominum genus, ac deinde curiosarum ac perniciosarum artium cultores avidè arripuerunt, & scriptis libris in vulgus etiam sparserunt, ac Planetarum Sigilla seu Mensulas sacras appellarunt. Hos inter est *Cornelius Agrippa* lib. 2. Philosophiæ Occultæ cap. 22. *Theophrastus Paracelsus*, & alii. Unde etiamnum usus eorum viget, & ego Romæ magnam eorum copiam vidi, apud *P. Ashanasium Kircherum*, quæ vel curiosiores discendi, vel probiores abiiciendi studio ad ipsum detulerant. De iisdem agit ipse in *Oedipo* to. 2. Classe 7. eorumque vanitatem ostendit. Huius vestigiis ego insistam, & post eorundem formam & usum breviter ostensum, vanitatem & inefficaciam illorum, quin & superstitionem paulò accuratius ob oculos ponam.



CAPUT PRIMUM.

De forma & usu sigillorum planetariorum.

§. I. De Planetarum Sigillis in genere.

Ægyptii olim, & post illos Pythagoræi Ægyptiorum discipuli, certos numeros certo quodam ordine ac formâ dispositos, magna in veneratione, ut paulò antè dicebam, habebant. Inter eos præcipuum locum tenebant quadrati numeri, ex eorum quos digitos vocant ductu in se resultantes: est enim quadratus numerus, qui fit ex ductu seu multiplicatione alicujus numeri per seipsum, qui ob id radix quadrata, seu quadrati latus appellatur. Et primum quidem quadratum ex unitate in seipsam ducta, hoc est, ipsam unitatem (unitas enim in se ducta unitatem producit, ideoque sibi ipsi & radix, & quadratus est) utpote indivisibilem & immultiplicabilem, DEO dedicabant uni & immultiplicabili. Secundum quadratū, seu quaternarium, ex dyade in se ducta productum, assimilabant materiæ imperfectæ, & in potentialis habitudinis abyssu submersæ. Tertium quadratum, 9, ex ternario in se ducto productum, dedicabant Saturno; quartum, 16, ex quaternario in se multiplicato productum, dicabant Jovi; quintū, 25, ex pentade in se multiplicata genitum, Marti; sextum, 36, ex senario in se multiplicato productum, Soli; septimum, 49, ex septenario in se ducto emanantem, Veneri; octavum, 64, ex octonario in se ducto procedentem, Mercurio; nonum denique quadratum, 81, ex novenario in seipsum multiplicato prognatum, Lunæ consecrabant. Audi scriptorem Arabem *Abenvaschiam* in lib. de Cultu Ægyptiorum: *Meminerunt*, inquit, *Philosophi Ægyptii quòd erant ipsis septem numeri in magna veneratione, quos*

& septem Diis eorum consecrabant; videlicet Saturno, Iovi, Rephan sive Marti, Soli, Veneri, Mercurio, & Luna. Saturno dedicabant hosce numeros, 3, 9, 15. & 45: Iovi hos, 4, 16, 34, & 136: Marti hos, 5, 25, 65, & 325: Soli hos, 6, 36, 111, & 666: Veneri hos, 7, 49, 175, & 1225: Mercurio hos, 8, 64, 260, & 2080: Luna denique hos, 9, 81, 369, & 3321. Hæc quomodo intelligenda sint, ex sequentibus clarè patebit.

Eorum forma ac dispositio.

Hos porrò septem posteriores quadratos (relictò primo & secundo ex unitate ac dyade resultantibus) eo ordine veteres illi Arithmantæ in quadratas figuras, certasque areolas disponebant, ut quomodocunque considerarentur, perpendiculariter, transversim, diagonaliter, semper unum & eundem numerum redderent, ideoque tantæ eos efficacitæ esse existimabant. Hæc quadrata septem metallorum dictis planetis appropriatorum laminis, congruo tempore & horâ, & certis cum ceremoniis ac ritibus inculpebant, sed nunc singula quadrata in particulari consideremus.

§ II. De Quadrato seu Sigillo Saturni.

Sigillum Saturni.

Saturni quadratum, 9, ex ternario in se ducto constitutum, novem constat numeris, intra quadratum unum in novem quadratula discretum conclusis, uti figura monstrat. Qui quidem numeri ita sunt dispositi, ut singuli ordines eorum normales, transversales, diagonales, simul juncti, unum & eundem numerum, nimirum 15, ut in tribus columnis normalibus A, B, C, & in tribus transversalibus D, E, F, & in duabus diagonalibus G 15, & H 15 apparet. Omnes autem numeri simul sumpti efficiunt 45. Atque hoc innuit *Abenvaschia* paulò antè citatus, dum ait, Saturno dedicata esse 3, 9, 15, & 45. Nam 3 est radix seu latus quadrati hujus,

	A	B	C	15.
D	4	9	2	15.
E	3	5	7	15.
F	8	1	6	15.
G				15.
H	15.	15.	15.	15.

hujus, 9 quadratum ipsum, 15 summa ex singulis ordinibus resultans, 45 summa omnium simul additorum. Eadem de causâ *Abuhali* Arabs in sua *Astronomia* dixit, Saturnum tribus potentiis regiis maximis circumdatum, unumquemque verò horum novem aliis principalibus, & hos quindecim aliis, summamque omnium 45 constituere Saturninum Geniorum principalium toti universo præfidentium Chorum. Auctoris verba sunt hæc: *sunt Saturno tres reges, & unusquisque horum novem alios reges habet, & unusquisque horum alios quindecim, summa verò omnium sunt 45, uti nomen Zahel demonstrat, quod in numeros resolutum exhibet prædictum numerum.* Zahel enim idem est ac Saturnus, & littera Z Alphabetti Arabici sumitur ab Arabibus pro 7, Hha pro 8, & Lam pro 30; qui numeri simul sumpti efficiunt 45.

Hoc quadratum includunt Arithmagi, majoris, ut ipsi putant, efficacitatis ergò, triangulo æquilatèro, ad radicem ejus, qui ternarius est, significandam; triangulum verò includunt circulo. Intra circulum & trigonum pingunt nomina, ut ipsi ajunt, Intelligentiarum seu Angelorum Saturni, nec non Zodiaci signa illa quæ Saturni domus ab Astrologis appellantur, unâ cum die & hora Saturni. Dicunt, hoc quadratum cum dictis nominibus ac signis, Saturno fortunato, in lamina plumbea sculptum, adjuvare partum, reddere hominem tutum ac potentem, præstare successus petitionum apud Principes: si verò infortunato Saturno fiat, impedire ædificia, plantationes, aliaque similia, hominem deicere ab honoribus & dignitatibus, gignere rixas & discordias, & dispergere exercitus. Hæc *Abenpharagi* apud *Kircherum*, & ex illo, aliòvè quopiam *Agrippa*. *Abenmorgun* Arabs addit, figuram inscribi debere pergameno virgineo, die & horâ Saturni, Saturno in domibus suis Librà vel Aquario constituto addendo

dendo certas suffumigationes, ut fœlices successus habeat. Si verò incidatur in plumbi lamina, Saturno retrogrado, & Lunâ decrescente, tunc eventuro sinfœlices prædictos successus, si figura in die & horâ Saturni adhibeatur,

§. III. De Quadrato seu Sigillo Iovis.

*Sigillum
Iovis.*

Iovis quadratum, 16, ex quaternario in se ducto constitutum, constat sexdecim numeris, ita intra unum quadratum in sexdecim alia quadratula divisum dispositis, ut singuli numerorum ordines, normales, transversi, & diametrales, sicut & quatuor quadratulorum medium circumfistentium numeri, semper eundem numerum, scilicet 34, efficiant, summa verò omnium numerorum sit 136. Præterea quatuor quælibet quadratula quatuor angulis proxima eundem numerum 34 constituunt, ut 4,

4	14	15	1	34
9	7	6	12	34
5	11	10	8	34
16	2	3	13	34

 9, 14, 7: item 15, 6, 1, 12: item 5, 16, 11, 2: item 34 34 34 34³⁴ 10, 3, 8, 13. Similiter numeri intra duas areolas diagonales prope quemlibet angulum, unâ cum numeris infra duas alias areolas diagonales prope angulum è diametro oppositum, restitunt eundem numerum 34, ut 14, 9, 8, 3: item 15, 12, 5, 2. Ulteriùs tres quilibet diagonales numeri, si medium eorum duplex, efficiant 34, ut 9, 11, 11, 3: item 14, 6, 6, 8: item 15, 7, 7, 5: item 12, 10, 10, 2. Tandem numeri duorum extremorum seu angularium quadratulorum juncti numeris duorum quadratulorum mediorum diagonalium, eundem numerum 34 dant, ut 1, 16, 7, 10: item 4, 13, 6, 11.

Hoc quadratum includunt alio quadrato, ad denotandum quaternarium qui hujus Sigilli radix seu latus est; extremum verò quadratum circumdant circulo. In vacuis spatiis circuli & quadrati externi scribunt nomina Angelorum Jovialium, signa Zodiaci quæ sunt domus Jovis, diem & horam Jovis, Dicunt, si figura imprimatur laminæ argenteæ Jove pot-

ten-

rente ac dominante, conferre lucrum & divitias, gratiam, amorem, pacem, & concordiam hominum, placare inimicos, confirmare honores, dignitates, & consilia; si verò in corallio insculpta fuerit, dissolvere maleficia. Addunt certas suffumigationes, & certam adjurationem, factas die & horâ Jovis.

S. IV. De Quadrato seu Sigillo Martis.

M Artis quadratum, 25, ex quinario in se ducto constitutum, *Sigillum Martis* constat numeris viginti quinque, intra quadratum in viginti quinque areolas divisum dispositis tali artificio, ut singuli ordines quovis modo sumpti semper dent 65, & summa omnium sit 325, uti figura ostendit. Eundem numerum 65 dant numeri duarum diagonalium areolarum medium 13 circumstantium, ut 25, 5, 21, 1, 13. Item quatuor areolæ angulares unâ cum eadem media, ut 11, 3, 23, 15, 13. Itē quatuor areolæ quatuor angulos mediæ 13 flantes, unâ cum ipsâ media, ut 12, 8, 18, 14, 13. Item quatuor areolæ prædictis quatuor contiguæ, unâ cum media 13, ut 4, 16, 10, 22, 13.

11	24	7	20	3	65
4	12	25	8	16	65
17	5	13	21	9	65
10	18	1	14	22	65
23	6	19	2	15	65
65	65	65	65	65	65

Hoc quadratum inscribunt pentagono, & pentagonum circumdant circulo, ad denotandam quadrati radicem, qui est quinarium. In segmentis vacuis pentagoni & circuli scribunt nomina Angelorum Martialium, signa zodiaci quæ dicuntur domus Martis, diem & horam Martis. Ajunt hanc figuram fortunato Marte in lamina ferrea aut ense sculptam, facere potentem in bello, judiciis, petitionibus, & terribilem adversariis, & præstare victoriam adversus hostes: & si in lapide corneola sculpta sit, stringere sanguinem & menstrua: si verò in fortunato Marte sculptatur in laminis æris rubri, impedire ædificia, deiicere potentes à dignitatibus, honoribus, divitiis, generare discordiam, lites, odia hominum & bestiarum, fugare

apes, columbas, pisces, impedire molendina, infortunare euntes ad venationes & prælia, generare sterilitatem in viris & mulieribus, & cæteris animantibus, incutere timorem adversariis, & ad reverentiam exhibendam compellere.

§ V. De Quadrato seu Sigillo Solis.

Sigillum
Solis.

Quadratum Solis, 36, productum ex senario in se ducto, constat numeris triginta sex, intra totidem areolas unius quadrati divisi scriptis, & ita dispositis, ut singulæ numerorum series simul junctæ, & quomodo cunque sumptæ, conficiant numerum IIII, summa verò omnium sit 666, prout in figura apparet. Nec solum normales, & transversæ, & diagonales series dant prædictum numerum, sed multæ aliæ areolæ simul junctæ, ut consideranti patebit.

6	32	3	34	35	1	IIII.
7	11	27	28	8	30	IIII.
19	14	16	15	23	24	IIII.
18	20	22	21	17	13	IIII.
25	29	10	9	26	12	IIII.
36	5	33	4	2	31	IIII.

Quadratum hoc circumdant hexagono, & hexagonum circulo, ad IIII. IIII. IIII. IIII. IIII. IIII. latus ejus denotandum, qui est senarius numerus. In segmentis circuli & hexagoni ponunt characteres signorum Zodiaci sub quibus operatio instituenda est, & nomina Angelorum solarium, diem & horam Solis quæ præparandum est Sigillum. Hoc ajunt fortunato Sole in lamina aurea sculptum reddere gestantem gloriosum, amabilem, gratum, potentem in omnibus operibus, similem facere hominem regibus & principibus, elevare ad sublimia fortunæ fastigia, & impetrare facere quidquid voluerit: infortunato verò sole præparatum facere tyrannum, superbum, ambitiosum, inexplabilem, & malo fine terminantem. Addunt certas suffumigationes, lotiones incertis aquis, in volutionem in certo panno & alia similia.

§. VI. De Quadrato seu Sigillo Veneris.

Quadratum veneris, 49, productum ex septenario in seipsum multiplicato, constat numeris quadraginta novem, intra totidem quadratula unius quadrati divisi dispositis tali artificio, ut singulorum ordinum numeri, quomodocunque sumantur, efficiant semper 175, summa vero omnium numerorum simul sumptorum sit 1225, uti figura appositam monstrat.

Includitur hoc quadratum heptagono, & heptagonum circumscribitur circulo, ad denotandum ejus latus, quod est septenarius. Intra segmenta vacua scribuntur signa Zodiaci in quibus debet fieri præparatio sigilli, unâ cum Angelorum Venerereorum nominibus, uti & dies ac hora Veneris. Ajunt hanc figuram fortunatâ Venere in lamina argenti sculptram conciliare amorem & concordiam, dirimere lites, dissolvere maleficia, conferre ad conceptum, pellerere sterilitatem, generare pacem inter maritum & uxorem, fœcundare greges pecorum & quorumcunque animalium copioso partu, positam in columbario multiplicare columbas, conferre adversus omnes ægritudines & melancholias, generare lætitiâ, fortunare itinerantes. At si infortunatâ Venere in ære formetur, ajunt omnibus prædictis contraria efficere. Addunt certas suffumigationes, & involvunt in certo panno, præmissâ certâ adjuratione.

							175
22	47	16	41	10	35	4	175
5	23	48	17	42	11	29	175
30	6	24	49	18	36	12	175
13	31	7	25	43	19	37	175
38	14	32	1	26	44	20	175
21	39	8	33	2	27	45	175
46	35	40	9	34	3	28	175

S. VII. De Quadrato seu Sigillo Mercurii.

Sigillum
Mercurii.

Mercurii Quadratum, 64, ex octonario in se ducto emergens, continet numeros sexaginta quatuor, quorum octo in quovis latere, perpendicularari, transverso, diagonali, efficiunt 260, & summa omnium 2080, prout in figura apparet.

Quadratum.

hoc inscribitur octogono, & octogonum circulo, ad latus ejus, quod est 8, significandum. Segmentis vacuis inscribunt nomina Angelorum Mercurialium, & figura

8	58	59	5	4	62	63	1	260
49	15	14	52	53	11	10	56	260
41	23	22	44	45	19	18	48	260
32	34	35	29	28	38	39	25	260
40	26	27	37	36	30	31	33	260
17	47	46	20	21	43	42	24	260
9	55	54	12	13	51	50	16	260
64	2	3	61	60	6	7	57	260

na zodiaci sub 260.260.260.260.260.260.260.260. 260 quibus Mercurium esse oportet quando præparatur figura, & diem ac horam Mercurii. Ajunt, si fuerit figura hæc Mercurio fortunato insculpta argento vel stanno, vel æri citrino, vel inscripta in pergamenò virgineo, reddere gestante gratum, & fortunatum ad impetrandum quidquid voluerit, conferre lucrum, pellere inopiam, dare memoriam, intellectum, divinationem & notitiam occultorum per somnia: si autem Mercurius fuerit infortunatus, facere his omnibus contraria. Addunt fumigationes certas, cum adjurationibus. Afferunt præterea, si figura ritè præparata ponatur in loco alicujus prædii, multiplicari omnia illius bona: & si figuretur in annulo, vel vitrea ampulla, die & horâ Mercurii, primis septem Lunationibus, & in quadrato Lunæ, & lavetur certo ritu, & portetur per triduum quo non comedatur nisi panis cum melle, & uvis passis, &

cate-

cætera fiant ut suprà , præstare eisdem effectus bonos antea recensitos.

s. VIII. De Quadrato seu Sigillo Luna.

Quadratum Lunæ, 81, ortum ex novenario numero in se-
 ipsum ducto, continet numeros octoginta unum , intra *Sigillum Luna.*
 totidem quadratula unius quadrati disposita, ut singuli or-
 dines, tam normales , quàm transversales , & diametrales
 efficiant nu-

merum 369;	37	78	29	70	21	62	13	54	5	369
summa verò	6	38	79	30	71	22	63	14	46	369
omnium nu-	47	7	39	80	31	72	23	55	15	369
merorum si-	16	48	8	40	81	32	64	24	56	369
mul colle-	57	17	49	9	41	73	33	65	25	369
ctorum est	26	58	18	50	1	42	74	34	66	369
321, prout in	67	27	59	10	51	2	43	75	35	369
apposita fi-	36	68	19	60	11	52	3	44	76	369
gura appa-	77	28	69	20	61	12	53	4	45	369
ret.										369
Quadratū										369
hoc inscribūt										369
enneagono ,										369
& circulo , & in ambitu enneagoni , ac in circuli vacuis, scri-										369
bunt signa zodiaci, diem & horam Lunæ, in quibus præparan-										369
da est figura, unà cum nominibus Angelorum Lunarium. A-										369
junt , hanc figuram Lunâ fortunatâ sculptam in argento, fa-										369
cere gestantem gratum, amabilem, jucundum, alacrem, ho-										369
noratum, & auferre omnem malitiam & malam voluntatem,										369
præstare serenitatem in itinere , & profectum divitiarum, &										369
corporis sanitatem, & pellere inimicos, & alias res nocivas, de										369
quocunque loco volueris. At si Lunâ infortunatâ fiat figura										369
hæc in lamina plumbea, ubicunque fuerit inhumata, reddere										369

locum illum infortunatum, & habitantes ac converfantes in eo; fimiliter naves, fontes, flumina, molendina; & infortunare omnem hominem adverfus quem ritè facta fuerit, faciendo illum profugum de terra & patria fua, & è loco mansionis fuæ ubi fubhumata fuerit; & impedire medicos, & oratores, & quoscunque homines in officio fuo, contra quos fabricata fuerit. Alii jubent fcribi hanc figuram in pergamento virgineo cum certo fucco, adhibitis certis fumigationibus & adjurationibus, & pergamentum plicatum poni intra tubum argenteum, & portare.

ANNOTATIO.

*Sigilla
magna ef-
ficacia.*

A tergo omnium dictorum Sigillorum ponunt aliqui aliud Sigillum, quod magna efficacia vocant, adjectis variis nominibus feu epithetis DEI. Agrippa ait, in omnibus fcribi Intelligentiam planetæ ad bonum, & demonem ejufdem ad malum. Alia quadam nugamenta omifi de industria, uti & verba adjurationum, ac materias fuffumigationum, nè perverfis occafionem darem fimilia Sigilla fabricandi. Aliqui dictis Sigillis infulpunt valde exoticas & peregrinas figuras, quas Kircherus ait effe Gymnofophiftarum litteras.



CAPUT SECUNDUM.

De inefficacia, vanitate, ac superstitione sigillorum planetariorum.

IN Sigillis hætenus descriptis considerari possunt numeri certo ordine dispositi, materia cui inscribi debent, Angelorum seu Dæmonum nomina, Signorum Zodiaci characteres, aliæque peregrinæ & exoticæ figuræ, adjurationes seu preces, suffumigationes, ac denique circumstantiæ temporis quo Sigilla præparari debent. Hisce adscribunt virtutem producendi effectus illos, quos hætenus enumeravimus; & quidem virtutem naturalem: nam divinam non esse, hoc est, à DEO immediatè ut causâ supernaturali non procedere, patet ex eo, quòd sæpe adhibeantur ad effectus illicitos consequendos, & ob malos fines, scilicet ad nocendum aliis, ad conciliandum amorem turpem mulierum, & similia, ut vidimus. Quæ etiam probant, Angelicam non esse dictam virtutem, seu à bonis Angelis profectam: diabolicam autem esse, ipsi pernegant; naturalis ergo sit necesse est. Quod nunc inquirimus.

Naturalem eam esse, asserunt Arithmæticum Agrippa loco suprâ cit. & credunt quotquot Sigillis illis utuntur, faterique coguntur qui numeris, characteribus, imaginibus, annulis, Sigillis, verbis, & incantationibus vim tribuunt sanandi morbos, aliaque mirifica perficiendi. Inter hos est *Ptolemaeus* in *Quadrupartito*, *Pythagorici* & *Platonici* passim, *Petrus Pomponatius* lib. de Incantation. *Ficinus*, *Dulcis*, *Antonius Mizaldus*, aliique plurimi apud *Martinum Delrio* lib. 1. *Disquisit. Magic.* capit. 4. quæst. 1. 2. & 3. maximè verò stultissimus *Artephius*, ut eum appellat *Delrio*. Fundantur pleri-

*Sigillorum
Planetario-
rum virtus
examinatur*

*An sit na-
turalis.*

plerique in illo Ptolemæi axiome, quòd *vultus inferiores celo subjecti sunt vultibus celestibus*: & in illo Agrippæ loc: cit: num. lib. 2. Philosophiæ occultæ cap. 22. quòd Sigilla suprâ descrita, suisque numeris, nominibus, & characteribus insignita, representant divinam illam celestium numerorum rationem à divina mentis ideis per rationem animæ Mundi celestibus impressam, illorumque suavissimam celestium radiorum harmoniam, secundum effigierum proportionem Intelligentias supramandas consignificantium, quæ aliter exprimi non possunt, quàm per notas numerorum & characterum: nihil enim materiales numeri & figuræ possunt in mysteriis rerum abditarum, nisi representati vè per numeros & figuras formales, quatenus reguntur & informantur ab Intelligentiis & numerationibus divinis, quæ nectunt extrema materia atque spiritus ad voluntatem animæ elevata, per magnum affectum operantis celesti virtute, potestatem accipiens à DEO per animam universi, & celestium constellationum observationes in materiam applicatam ad formam convenientem, dispositis mediis solertiâ & scientiâ magicali. Hæc Agrippa, speciosis quidem, sed inanibus verbis. Alii tamen adscribunt effectus secutos credulitati utentium dictis Sigillis; alii aliis causis: qui licet falsum asserant, contra eos tamen non disputamus, quia solùm hîc inquirimus an numeri vim naturalem habeant eos effectus producendi.

None?
naturalis.

Communis Theologorum, Philosophorum, Medicorum, & Juristarum, à Delrio loc: cit: allatorum opinio est, numeros dictis Sigillis inscriptos. quæ numeri sunt, nullam vim naturalem habere ad enarratos suprâ effectus producendos. Rationem ad signo, quia vel soli numeri haberent illam vim, vel ut conjuncti cum aliis characteribus & nominibus, scripti in tali vel tali materia, tali vel tali tempore, talibus vel talibus cum circumstantiis. Primum dici non potest, quia numerus est quantitas discreta quantitas autem per se non est operativa nisi fortè motus localis, ut omnes sanæ mentis Philosophi faten-

farentur. Secundum etiam dici non potest: *primò*, quia non omnes eadem nomina & characteres inscribunt unà cum numeris, nec omnes in eadem materia, nec cum iisdem circumstantiis, sed varii varia requirunt, & tamen omnes Sigillis à se præscriptis inesse vim ad omnes suprà relatos effectus consequendos asserunt. *Secundò*, quia nomina illa non sunt Angelorum nomina, cum alia Angelorum nomina non sciat Ecclesia & Orthodoxi, nisi quæ à Deo, vel ipsis Angelis revelata sunt: esse autem alia revelata Arabibus, Saracenis, Paracelso, Agrippæ, aliisque Arithmantis seu Arithmagis, & non potius viris sanctis, longissimè à veritate abest. Ficta ergo sunt nomina illa, vel Diabolorum nomina, ab ipsis Diabolis revelata cultoribus suis. Quod si ita est, quam vim naturalem habere poterunt? *Tertiò*, vanum ac falsum est, cælestes constellationes dictis Sigillis certo tempore, & sub certo stellarum ac planetarum aspectu fabricatis vim tantam communicare posse, & tantum illis, ac non aliis etiam rebus eodem tempore & loco existentibus. Habent quidem astra virtutes magnas, easque inferioribus hisce rebus influunt, sed limitatas, ut in Magia Astrologica videbimus. *Quartò*, quia dato etiam quòd astra virtutem tantam communicare possent dictis Sigillis, falsum tamen esset quòd illam eo solùm die & horâ communicarent, quo ab Auctoribus statuitur, quia virtutes stellarum non sunt alligatæ ad unum tantum diem & horam, sed quòd possunt constitutæ sub certo aspectu in prima hora, possunt etiam in secunda & tertia saltem, si non in pluribus. Adde quòd fictitia omnia sunt quæ Astrologi comminiscuntur de die & hora domini planetarum, neque enim sciunt quando dies illi incipiant, & quæ sit prima hora. Multò minùs id sciunt qui Sigilla planetarum conficere solent, qui plerumque ignorantissimi cælestium rerum sunt: & etiam si Astrologorum opiniones sequantur, ex tamen inter se non conveniunt, sed quem unus vocat diem Saturni, alius diem Veneris appellat, cum diversi diversa statuunt illorum dierum principia. Plura de hac re di-

cemus in Magia Astrologica. *Quintò*, quia si Sigilla haberent vim illam, eaque naturalis foret, ergo qui duo Sigilla haberet habentia contrarias virtutes, contrarios effectus experiretur: cum enim naturaliter operentur, necessario operabuntur, & unum non poterit impedire vim alterius. Omitto multa alia quæ occurrunt.

*Obiæctioes
Arithma-
gorum so-
luta.*

*Partus octi-
mestris cur
varò vitali.*

Dicunt Arithmagorum patroni *primò*, si numeri nihil momenti habent, cur annus climactericus solet esse homini lethalis ratione septenarii? cur partus octimestris miminè vitalis? cur diebus criticis tam notabiles fiunt mutationes? Ad id quod de octimestri partu dicitur, *Respondeo*, semen humanum multiplex esse: quoddam enim perficit fætum septimo mense, & tunc fætus post sextum mensem conatur exire, & quidem si non reperit magnam resistantiam, validus exit & robustus; si verò reperit, continuâ illâ rotius mensis septimi pugna valde debilitatur, & octavo mense debilis admodum atque invalidus in lucem prodit. Aliud semen perficit fætum nono tantum mense, & tunc fætus ante hunc mensem non conatur exire, soletque adeo robustus esse, ut vel impedimenta contraria ei non resistant, vel per resistantiam non admodum debilitentur. Ita *Delrio* ex *Hippocrate* lib. de Octimestri partu, & *Andrea Laurentio* lib. 8. histor. Anatom. cap. 9. & q. 30. Ad alterum quod de annis climactericis & diebus criticis dicitur, *Respondeo* cum eodem *Andrea Laurentio* lib. 3. de crisi bus cap. 13. ubi ait, crisi sum dictis annis ac diebus contingentium causas esse duas, materialem, & efficientem. Materialem esse quemlibet humorem noxium quantitate vel qualitate peccantem. Efficientem esse duplicem, universalem, & particularem. Universalem & remotam esse cælum, cujus vires omnes Luna excipiat, & nobis communicet. Particularem & propinquam esse ipsam naturam (quam Hippocrates vocat calorem insitum, Galenus facultatem corpus dispensantem, alii temperiem, sive spiritum) quæ sic motiones suas statis circuitibus per-
ficit

ficat, quasi ratione uteretur: quòd si aliquando errat, id à materia vitio procedere, eam contumaciâ suâ vincentis. Itaque quòd tardior vel celerior sit crisis, id partim materiali, partim efficienti causæ tribuendum esse. Si enim humor sit temperamento calidus, substantiâ tenuis, & qualitate benignus; faciliùs à natura domari, celerius coqui, & excerni: si crassus, frigidus, & contumax; difficiliùs: item à validiore natura citius, à debiliore tardiùs coqui. Quòd autem nunc pari, nunc impari die contingat crisis, id à sola materiali causa provenire, nempe peculiari humoris cujusque motu: bilem tertio quoque die moveri, pituitam quotidie, melancholicum humorem quarto die. Ergo biliosos morbos omnes imparibus judicari diebus, cæteros quotidie ex paribus; quia iisdem diebus morbi judicandi, quibus moventur. Hujus porro quotidiani, tertiani, & quartani motus causam non minùs occultam esse, quàm magnetis, aut chatarticorum sunt proprietates. Vide plura in hanc rem apud citatum Auctorem, vel apud Delrio loc. cit. Plura de annis climactericis alibi. Interim lege etiam *Pranzovium* lib. de annis climactericis, & *Causinum* lib. 3. de Domo Dei cap. ultimo.

Dicunt *secundo* iidem Arithmagorum patroni, pentaphyllei folium unum sanare ephimeram, tria tertianam, quatuor quartanam: heliotrophii grana tria tertianæ, quatuor quartanæ prodesse: catapotia impari numero sumpta plus prodesse quàm pari, licet æquali sumantur quantitate. *Respondeo* hæc omnia vana, falsa, & superstitiosa esse: nam si quos effectus habent enumerata, non is numero, sed substantiæ rerum est adscribendus.

Dicunt *tertio* iidem, certos psalmos vim particularem habere ad aliqua à Deo impetranda, eò quòd certo numero sint in Libro psalmodum collocati. *Respondeo*, numeros psalmodum, quatenus numeri sunt, bonitatem realem nullam habere, nec physicam, nec ethicam,

psalmi Davidiciratione numeri nullam vim habent.

sed artificiosam tantùm ab imaginatione numerantis procedentem, quæ non obtinet ullam in corpora, seu res quæ numerantur, efficacitatem. Deinde in Hebræo fonte alius est ordo Psalmorum, quàm in versione Latina; unde si numeri Psalmorum vim aliquam haberent, Psalmus idem qui sælix esset secundùm versionem Latinam, infælix foret secundùm Hebræum fontem; vel ceterè idem qui dicenti Hebraicè sælix esset, dicenti Latinè infælix foret.

Dicunt *quartò*, cum Agrippa loc. suprà cit. non numerum sensibilem & materialem prodesse in planetarum Sigillis, sed formalem. *Respondeo*, si per formales numeros intelligunt numeros quatenus reguntur & informantur ab Intelligentiis, & numerationibus divinis, ut Agrippa loquitur, nihil dicunt, quia non probant numeros dicto modo regi & informari.

C O R O L L A R I U M.

Ex dictis colligitur, si qui effectus ad Sigillorum positionem quandoque sequuntur, eos produci à Diabolo, exacto explicito aut implicito.

M O N I T I O A D L E C T O R E M.

Multa alia quæ huc transferre destinaveram, omitto, tum ut sumptibus in figuris necessariis procurandis parcam, tum ut ne in nimiam molem hic liber excrescat. Legat qui volet, Oedipi Ægyptiaci P. Athanasii Kircheri Tractatum de Arithmetica Hieroglyphica, & Tractatum de Cabala Saracenorum, Schwenterii & Harstorfferi Deliciarum Partes I, aliosque Auctores ab ipsis citatos.



LIBER NONVS.

DE MAGIA GEOMETRICA,

SIVE

*De miris quibusdam Geometricarum figurarum
& operationum proprietatibus, ac di-
mensionibus.*

P R O O E M I U M.



*Geometriam divinae mentis opus esse,
ejusque in omnibus quae universi am-
bitu continentur, haud obscura relu-
cere vestigia, ab ipso rerum Conditore
DEO impressa, satis superque proba-
vimus in superioribus, praesertim initio Partis III.
huius Operis. Hinc Priscorum saeculorum Philoso-
phi, cum omnia in hoc Mundo sensibus exposita, suis
punctis, lineis, superficiebus, corporibus, constare vi-*

*Geometria
excellens
& laus.*

ZZZZ 3

derent;

derent, cum ubique circulos, sphaeras, cylindros, triangulos, conos, aliasque geometricas figuras rebus à Natura, vel DEO potius impressas deprehenderent; enuntiare cum Platone non dubitarunt illud, quod citato etiam loco recitavi: Ο Θεός αεί γεωμετρῆς, DEUS semper geometrizat, in omnibus Geometria officium præstat. Hinc iidem Philosophi, eorumque sectatores, totam veritatis doctrinam non in alio, quam in magnitudine & multitudine comprehendendi constanter asserebant, nec quenuquam in philosophia, hoc est, rerum naturalium inquisitione magnum futurum existimabant, qui rerum difficilium theoriam aliâ, præterquam Mathematicâ viâ aggressus fuisset; quod quidem vulgata illa, & portis Gymnasii Platonici inscripta Epigraphè, ὁ θεὸς ἀγεωμετρῆτος ἐστίν, Nemo Geometriæ ignarus ingrediatur, apertè demonstrat. Nec ad creatarum tantum rerum, sed ipsius etiam Creatoris notitiam ullâ alâ viâ efficacius & certius erigebant sese summi olim ac sapientissimi viri, quam circuli, sphaera, monadis, trianguli, similiumque rerum contemplatione, Ægyptii præsertim, quorum hierogrammatismi obeliscis ac monumentis alius summo ingenio insculpti id apertè declarant. Magicis ergo, hoc est, altissimis mysteriis,

miris-

mirissimisque proprietatibus Geometriam esse plenam, quis neget? Ex infinitis pauca adducemus hoc loco, non tam ut Magiam Geometricam pertractasse, quam ut eam non omisisse dicamur.

SYNTAGMA PRIMUM.

De inexplicabili quadam proprietate circulo-
rum concentricorum simul moto-
rum.

Aristoteles, casus ingenio summo nihil difficile, nihil obscuro, admirandum nihil visum est unquam, cum mirabilem ac prodigioforum effectuum, qui in libra, vectis, & aliorum mechanicorum instrumentorum usu elucet, causam indagaret, eamque circulum esse, ut ipse putabat, deprehenderet; in summam raptus admirationem, non judicavit άτοπον, si diceret illum esse πάντων τῶν δαυμάτων κερχόν, miraculorum seu admirandorum omnium principium & causam. Nec immeritò. Si quis enim circuli genesis considerat, si quis duarum aut plurium rotarum dentatarum, per mutuas dentium implicationes & commissiones sibi invicem connexarum intuetur motum; multiplicem contrariorum repugnantiam eidem rei simul & tempore eodem inesse fateatur necesse est, seu circulum dum fit, contempletur, seu dum factus est. Primò enim dum fit circulus, fit ex quodammodo contrariis, movente, & immoto;

Circulus
mirabilium
effectuum
causa est.

quia

quia dum unum extremum semidiametri circulum descri-
 bentis moventur in gyrum, alterum in centro quiescit: Se-
 cundò tametsi omnia puncta diametri, aut semidiamet-
 ri, quæ sunt infinita, simul moventur, inæqualiter ta-
 men moventur, velociùs nimirum à centro remotiora, tar-
 diùs eidem centro propinquiora: tertio, extremum eius-
 dem semidiametri motum in gyrum duobus motibus contra-
 riiis eodem tempore movetur, si Aristoteli credimus, uno na-
 turali ad peripheriam, altero violento retrahente versus
 centrum: quarto, terminus circuli, qui est unica linea cir-
 cularis, latitudinis expers, est simul convexus, & concavus;
 quæ duo utique contraria sunt, cum à convexo ad concavum
 transiri nequeat, nisi per medium, id est, rectum: quinto, eo-
 dem temporis momento ad contrarias loci differentias mo-
 vetur, nempe antrorsum & retrorsum, sursum & deorsum,
 sinistrorsum & dextrorsum. Sed his aliisque multis omis-
 sis, unum solum hic considerare lubet paradoxum, quod
 Aristotelis olim, & multorum deinceps in hæc
 usque tempora fatigavit ingenia, est-
 que sequens.



Fig. I. b




Fig. I. a




Fig. III





Fig. V.




Fig. VI.





Fig. VII.




Fig. IX.





Fig. VIII.



XX

DE QUADRATO



Fig. 1

Fig. 2

Fig. 3

Fig. 4

XXI



A

Fig. 1

XXII



Paradoxum Cyclometricum.

S. I. Peripheria circuli majoris, æqualis est peripheria circuli minoris, & vicissim.

QUOD quàm non modò paradoxum & incredibile, sed etiam impossibile videatur, nemo non videt. Ego tamen adeo evidenter, ut sperò, id demonstrabo, demonstratione non solum geometrica & intellectuali, sed etiam oculari, & si ita loqui licet, manuali, ut non tantùm à perspicacibus, oculatis, & æquis rerum æstimatoribus, sed etiam à pervicacibus, cæcis, ac stupidis, si qui essent, assensum me extorturum confidam.

Assertionis meæ fundamentum seu occasionem habeo evidentissimam, & cuius quotidie obviam experientiam, quam & Aristoteles adducit, ejusque causam inquit fusè in Mechanicis Quæstionibus quæst. 24. Videmus enim quotidie, si duo circuli, aut duæ rotæ inæquales, ABC major, & DEF minor, circa idem centrum G firmiter jungantur, ut sibi mutuò copulentur, insertoque axe volutetur uterque ita, ut simul centrum feratur, eo scilicet modo, quo plaustrorum rotæ solent; videmus inquam, utrumque circulum, aut rotam, æqualem orbitam percurrere, æquale conficere spatium. Nam si moveatur per se major ABC, & cum eo minor DEF adjunctus; eodem tempore quo major percurrit spatium seu lineam CM, seu peripheriæ æqualem, minor percurrit lineam FN, æqualem lineæ CM, & suâ peripheriâ majorem: si verò moveatur per se minor DEF, & cum eo major adjunctus; dum minor percurrit lineam FL suæ peripheriæ æqualem, major percurrit lineam CK priori æqualem, at suâ peripheriâ minorem, ut patet experientiâ, & paulò post ostendetur. Si au-

Paradoxum cyclometricum.

Vide Fig. I. a. Iconismi XX.

tem dicti duo circuli seu rotæ inæquales seorsim separatæ prædicto modo volutentur, non æquale spatium transeunt, sed major majorem lineam percurrit quàm minor, idque eâ proportionem, quam invicem earum circumferentiæ obtinent. Et ratio hujus est, quia in ea solitaria utriusque rotæ convolutione, tota circumferentia uniuscujusque successivè coaptatur spatio à se decurso, ita ut tanta sit decursa linea, quanta est rotæ circumferentia. Itaque rota minor DEF, si sola, & à majore rotâ libera voluteretur, non jam lineam FN percurreret in una volutatione, sed solum lineam FL suæ circumferentiæ æqualem. Atque in hoc secundo nulla est difficultas, nec indiget probatione, cum evidenti constet experienciâ.

Difficultas est circa primum, quòd nimirum, quando simul ambo circuli uniti moventur cum suo communi centro, & circa eundem axem modo antè dicto, æquale percurrant spatium, & quidem ita, ut aliquando contactum spatium ab utroque tantum sit, quantum minor circulus solus secundum suam peripheriam revolutus perfecisset; aliquando verò, quantum major solus absolvisset. Hoc autem ita esse, Aristotele præeunte ac duce citato loco, in hunc modum geometricè demonstro. Ducatur ex G centro radius seu semidiameter GFC, secans utrumque concentricum circulum in punctis F & C; per quæ puncta ducantur tangentés FN, CM, & super CM volvatur circulus major ABC, & rapiat secum circulum minorem DEF sibi connexum. Quoniam igitur ex hypothese circulus ABC volvitur per lineam CM, perpetuò tanget eam lineam, quia impossibile est ut per eam velvatur, & tamen eam non tangat. Toto ergo volutionis tempore, omnes rectæ lineæ à centro G ad omnes còtactus ductæ, (quales sunt GQ, GP &c.) erunt ipsi CM perpendiculares, per *Proposit. 18. lib. 3. Element. Euclidis*, ubi id demonstratur; ac proinde radius GC circuli ABC semper erit mensura distantiae centri G à recta CM, hoc est, centrum G toto tempore volutionis tantum

Demonstratio geometrica.

Vide Fig. I. a. Iconif. XX.

tum distabit à linea CM, quanta est semidiameter GC, ac proinde toto volutionis tempore centrum G æqualiter distabit à recta CM. Quia verò recta FN parallela est ipsi CM, per *Propositi. 28. lib. 1. Euclidis* (nam anguli GFN, GCM, recti sunt, per *18am lib. 3.* adeoq; inter se æquales) ideo centrum G semper etiam distabit æqualiter ab FN, licet minori intervallo, nempe intervallo radii GF. Cùm igitur ex hypothese circulus minor DEF in principio volutionis cum majori, tetigerit rectam FN, etiã toto tempore quo circulus major ABC voluitur, & tangit rectam CM, tanget minor rectam FN. Quia autem punctum F est ad eandem rectam, ad quam est punctum C, nempe ad radium GC; ideo quando C volutione unâ peractâ denuò descendet in CM, eamque tanget in puncto M v.g., etiam punctum F pariter redibit ad rectam FN, eamque tanget in puncto N. Dum ergo circulus major percurrit lineam CM, minor percurrit eodem tempore lineam FN: hæc autem lineæ, CM, FN, sunt inter se æquales, per *33am libri 1. Euclidis*, quoniam conjungunt parallelas & æquales FC, NM; ergo minor circulus DEF unâ volutione percurrit rectam æqualem ei, quam percurrit circulus major ABC: hæc autem percurrit lineam æqualem suæ peripheriæ; ergo & minor percurrit lineam æqualem eidem peripheriæ, at majorem suâ peripheriã; quod erat demonstrandum.

Quòd si ponamus moveri minorem circulum super recta FN, & secum rapere majorem motum super recta CM; tunc quia minor in una volutione percurrit lineam æqualem suæ peripheriæ, v.g. lineam FL, ideo etiam major percurreret tunc lineam huic æqualem, nempe lineam CK, minorem suâ peripheriã. Demonstratio est eadem.

Quod autem dixi ac demonstravi de his duobus circulis, intelligi debet de quocunque aliis concentricis, quantumvis inter se inæqualibus; eadem enim semper est ratio in omnibus.

*Demonstratio
ocularis.*

Si quis geometricis demonstrationibus non est assuetus, malitque ocularem ac palpabilem; imaginetur duas rectas CM, FN, esse duas rotarum orbitas, aut duo plana parallela, sed unum altius altero, & super ea volui duos prædictos circulos veluti duas rotas, ad eum modum, quo plaustrorum rotæ volui solent super plana, ita tamen, ut primò voluatur per se rota major, & secum rapiat minorem: tunc sibi principio volutionis notet duo puncta C & F in rotis & orbitis, & factâ integrâ revolutione, quando eadem rotarum puncta tangent iterum sua plana, notet denuò in orbitis duo puncta M & N; videbit oculis, & manibus palpabit, æquales esse duas rectas CM, & FN. Si autem per se feratur minor rota, & secum abripiat majorem; minor percurreret minorem lineam quam antea, nempe lineam FL; major autem percurreret lineam hujc æqualem, nempe lineam CK, suâ tamen peripheriâ minorem.

Vide Fig.
I.a. Iconis
XX.

Ex his evidenter deduco id quod principio proposui, & quod est hujus dissertationis scopus, nempe peripheriam circuli majoris esse æqualem peripheriæ circuli minoris. Nam primò evidens est, ea quæ sibi mutuò congruunt, esse inter se æqualia; ut si linea FN superponatur lineæ CM, eique ita congruar, ut neque excedat illam, neque ab illa excedatur; certum & evidens est, illas inter se æquales esse. Similiter si linea circularis ABC superponatur lineæ rectæ CM, licet successive, & hæc ita sibi mutuò congruant, ut una non excedat alteram, nec ab altera excedatur; evidens & certum est, illas esse inter se æquales. Secundò, manifestum & lumine naturæ notum est, ea quæ æqualibus sunt æqualia, etiam inter se æqualia esse; ut si lineæ FN, & CM, æquales sunt inter se, & linea A sit æqualis lineæ FN, & linea B æqualis lineæ CM, erunt etiam A & B inter se æquales: sicut si Petrus & Paulus sint æquales inter se, & Joannes sit æqualis Petro, Andreas verò Paulo; erunt & Joannes ac Andreas inter se æquales. Jam sic. Dum major circulus ABC voluitur super recta CM integrâ volutione, & eodem

Vide Fig.
I.b. Iconis
XX.

eodem tempore minor circulus DEF voluitur super recta FN integrâ etiam volutione; majoris circuli peripheria congruit lineæ CM, & minoris peripheria lineæ FN, ut demonstravimus, & experientia ipsa ostendit; ergo, duæ istæ peripheriæ æquales sunt duabus istis lineis, nam quæ sibi mutuo congruunt, æqualia sunt; ergo eadem duæ peripheriæ sunt inter se æquales, quia quæ sunt æqualia æqualibus, & inter se sunt æqualia. Majoris ergo circuli peripheria æqualis est minoris circuli peripheriæ, quod demonstrare volebam. Eodem modo demonstratur, minoris circuli peripheriam esse æqualem peripheriæ majoris circuli.

COROLLARIA ET PARADOXA.

EX his infero I. Idem esse æquale, & non esse æquale alteri; quæ quidem est manifesta contradictio. Nam minoris circuli peripheria non est æqualis peripheriæ circuli majoris, tum quia revera minor est, tum quia si per se moveatur, minorem lineam rectam percurrit quam major. Æqualis etiam est, quia si simul cum illo moveatur, æqualem lineam rectam percurrit, eique successivè congruit, uti demonstravimus.

Corollaria
& Paradoxa
cyclico-
metrica.

Infero II. unum eundemque circulum in una revolutione sua percurrere spatium modò æquale suæ circumferentiæ, quando mirum per se & solutus ab alio circulo movetur; modò quantumvis eadem majus, aut minus, quando movetur ad motum aliorum circulorum majorum aut minorum.

Infero III. Majus esse æquale minori, & minus majori, quia major & minor peripheria circuli æquali spatio congruunt, dum simul moventur modo explicato.

Infero IV. Omnium circularum, quantumvis inæqualium, peripherias dici posse inter se æquales, quia omnes æquale spatium percurrere possunt eodem tempore ab eadem vi moti.

Infero V. Circulum revolutione suâ integrâ non semper designare lineam rectam suæ peripheriæ æqualem. Omitto multa alia non minùs paradoxa.

Inquiritur causa prædicti paradoxo.

*Paradoxi
prædicti
causa in-
quiritur*

HÆc aliaque multa, seu vera, seu in speciem absurda, paradoxa, impossibiliaque sequuntur manifestè ex eo, quòd duo circuli inæquales circa idem cœntrum positi, & unà cum centro volutati, æquale spatium conficiunt, & quidem nullà interposita mora in alterutro illorum: quando enim movetur major, nihil cessat minor; & quando minor agitur, major nunquam quiescit, ut suadet sensus ac ratio, & faretur Aristoteles loc. cit. Hujus rei difficultas tanta nonnullis est visa, ut licet multorum hæctenus in ea enodanda defudarit ingenium, insolutam tamen adhuc existiment. Aristotelis, aliorumque paucorum solutionem in medium afferam, & examinabo, omnium enim opiniones trutinare infinitum foret.

Aristotelis solutio.

*Aristotelis
ratio.*

ARistoteles igitur loco supra allegato, ut paradoxo causam adfigeret, & admirationem tollat, duo supponit ex Physicis, quæ si diligenter expendantur, evidentè quidem vera sunt, sed nescio utrum quæstioni faciant satis. Primum est, quòd una & eadem, seu æqualis potentia, unam eandemque magnitudinem nunc tardius, nunc citius movere potest. Si enim, inquit, fuerit quidpiam, quod à seipso moveri minimè aptum sit, & aliud quod à se moveri sit aptum; tunc qui hoc simul cum illo conjunctum moverit, tardius movebit, quàm si ipsum solum moveret. Idem contingit, si quid aptum quidem est moveri ex se, sed dum movetur cum alio, nihil ex se movetur; perinde enim tunc est ac si minimè aptum esset ad motum.

motum. Exemplum sit plumbum cui vesica aëre plena conjuncta est, quod evidenter tardiùs descendit in aqua motum à gravitate sua, quàm si liberum esset, & per se solum moveretur, etiã in utroque casu eadem sit potentia motrix ipsius, nimirum gravitas plumbi. Alterum quod Aristoteles supponit, est, quòd motum ab alio, non potest plùs moveri quam moveatur movens, quandoquidem non movetur nisi motu moventis. Exemplum sit vesica aëre plena, & plumbò conjuncta, quæ nec citiùs nec tardiùs movetur deorsum per aquam, quàm plumbum à quo movetur. His suppositis responder Aristoteles in hunc modum. Si quis minorem circulum DEF movet supra lineam FN, & minori annexus sit major ABC, movetur quidem major supra lineam CM, at non ex se, seu per se, sed solum quatenus à minore impellitur, tantum autem impellitur, quantum minor est motus, igitur æqualem cum illo viam conficit: si igitur minor in una revolutione movetur ab F in L, etiã major movetur solum à C in K, quia major nihil de proprio motu addit, sed solum motione minoris transfertur. Non secus ac vesica aëre plena, & plumbò alligata, movetur quidem descendendo intra aquam, at non plùs quàm plumbum, quia per se non movetur deorsum, sed solum quatenus alligata est plumbò. Mirum ergo non est, quòd major circulus non plùs spatii conficiat, quàm minor. Similiter si quis majorem circulum ABC movet supra lineam CM, & majori annexus est minor DEF, movetur minor cum majore tantum, quantum movetur major, quia minor ad motum majoris movetur: mirum ergo non est quòd minor conficiat æquale spatium cum majore.

Contra hanc rationem ipsemet Aristoteles proponit hanc difficultatem, quòd prædicti circuli sunt concentrici, & idem commune centrum habent, ac circa illud moventur;

Vide Fig:
I. a. Ico-
nismi
XX.

Difficultas
contra A-
ristotelis
rationem.

ergo

ergo uterque movetur per se, quia uterque movetur secundum suum motum naturalem, secundum quem circuli ex se apti sunt moveri; nam circulum moveri circa suum centrum, est eum moveri motu quo maximè aptus est moveri. Aliud foret si excentrici essent, & diversa centra haberent; tunc enim si motus fieret circa centrum unius, solus ille moveretur ex se, & secundum motum quo aptus est moveri, alter verò per accidens & ad motum hujus moveretur, ac proinde nec plùs nec minùs quàm ille cum quo moveretur, & cui annexus esset.

*Responsio
Aristotelis.*

Huic objectioni respondet Aristoteles, quòd quamvis prædicti circuli sint concentrici, nihilominùs non moventur ambo suâmet motione circa idem centrum, sed ille qui ab alio fertur, movetur secundum motionem illam, tanquam si nullam ad eam haberet aptitudinem; quamvis enim possit minor v. g. moveri circa centrum G propriâ naturâ, dum tamen movetur ad motum majoris, non utitur illâ aptitudine, ac proinde tantum moveri debet, quantum movens nec plùs, nec minùs. Hinc addit Aristoteles paralogismum esse, dicere quòd utriusque circuli sit idem centrum: licet enim hoc ita sit, eò quòd concentrici sint circuli, ut supponitur, tamen in motione centrum illud est unius centrum per se, alterius verò per accidens; sicuti per accidens est eundem virum esse musicum & album: ille enim circulus, qui movet alterum sibi adnexum, obtinet illud centrum per se, & ex natura sua; alter verò qui adnexus est, habet illud idem centrum per accidens, quia non utitur illo tanquam centro: tamen si enim non haberet idem centrum, sed diversum; eodem tamen modo, & eâdem celeritate adhuc moveretur cum altero cui adjunctus est. Non igitur circa idem simpliciter centrum fit utriusque motus sed alio modo unus, alio alter movetur circa illud, nimirum unus per se, alter per accidens. Hæc Aristoteles.

Sed

Sed nec præcedens, nec hæc solutio videtur satisfacere difficultati propositæ, qua nimirum de causa minor circulus motus cum maiore conficiat æquale spatium cum illo, & coarctetur successivè maiori lineæ quam sit periphæria eius; & qua de causa maior circulus motus cum minore non conficiat æquale spatium suæ periphæriæ, sed tantum, quantum minor. Sive enim unus moveatur per se, alter per accidens & raptus ab altero; & sive centrum in motione cõveniat uni per se, alteri per accidens, tamen hinc non sequitur, quod in una revolutione periphæria minoris successivè coaptari debeat tantæ lineæ rectæ, quantæ periphæria maioris, & è contrario quod maioris periphæria non debeat maiori lineæ rectæ coaptari quam minoris. Si uterque circulus traheretur per planum, & quodlibet punctum utriusq; describeret lineam rectam, sicut centrum G describit lineam rectam G O, recte inferretur æqualem esse motum utriusque, quia motus seu raptus ab alio non potest moveri celerius aut tardius quàm movens & rapiens; at hic sermo est de motu circulari circa centrum, translatum simul motu recto, præter quod centrū nullus alius punctus motu recto transfertur. Certè sive plumbum descendat per aquam solum ac liberum, sive adiunctam habens vesicam aëre plenam, semper æquale spatium conficit à superficie usque ad fundum, licet solum moveatur celerius quam non solum. Item licet lapis levior plumbo, si solus descendat per aquam, tardius moveatur, quam si alligatus plumbo descendat; tamen æquale in utroque casu spatium conficit à superficie ad fundum, licet non æquali tempore. Eodem ergo modo sive dictorum circulorum unus moveatur per se, alter vero per accidens, ille qui per accidens movetur, tantum spatium deberet conficere, quantum conficit quando per se movetur, licet non æquali tempore. Mutatio itaque in solo tempore deberet contingere, non in spatio pertransito. Etenim certum est, lineam FN tot habere partes determinatæ magnitudinis, quot habet linea CM, quoniam æquales sunt: eertum præterea est, circuli ABC periphæriam habere totidem partes determinatas

*Aristotelis
responsio im-
pugnatur.*

quot habet linea CM , quoniam similiter æquales sunt, ut supponitur: certum denique est, circuli DEF peripheriam habere pauciores partes determinatas prioribus æquales, quam peripheria circuli ABC , & consequenter quam linea FN , quoniam inæquales sunt constat præterea, dum peripheria DEF rotatur supra lineam FN , nullum dari instans in quo nova pars aut novum punctum peripheriæ DEF non attingat novam partem aut novum punctum lineæ FN : quomodo ergo, si linea FN maior est, quam peripheria DEF , & plures determinatas partes continet linea quam peripheria, quomodo inquam in decursu minor linea coaptatur maiori? Et ut magis elucescat difficultas, supponamus cum Zenone, tam lineam FN , quam circumferentiam DEF , constare meris punctis immediate se sequentibus, & in utraque magnitudine puncta esse sine mole, aut si molem illis affingere velimus cum instantibus puncta, fingamus omnia in utraque magnitudine esse æqualis molis. Hoc posito, necessario lineæ FN concedenda sunt plura puncta, quam circumferentiæ DEF . Et tamen in revolutione huius circuli supra illam lineam, singula puncta circumferentiæ tangunt successive singula puncta lineæ, & nullum punctum lineæ transilitur, nec ullum punctum eiusdem lineæ tangitur nisi ab uno puncto circumferentiæ, ut ipsemet Aristoteles fatetur. Quomodo ergo peracta revolutione circuli, pertransita est tota linea FN , & omnia eius puncta, sive per se moveatur circulus, sive per accidens? solutio ergo Aristotelis huius rei causam minimè adsignat, nec difficultatem solvit.

Guevara solutio.

*GUEVARA
SOLUTIO.*

Vidit hanc difficultatem Ioannes de Guevara Commentario in Aristotelis Mechanica loco citato, & ut eam diluat, ait aliter se solutionem auspicaturum, novumq; aliquid in medium allaturum, in Aristotelis & veterum Philosophorum principiis fundatum. Duo autem supponit. Primum est, quod circulus seu rora tribus modis moveri possit; primo, motu tractio-

nis, quando nimirum ita trahitur supra planum, ut punctum C solum ac semper tangat lineam CM, & tunc movetur hoc & quodvis aliud punctum, uti & centrum G, motu recto tantum: secundo, motu gyrationis circa centrum & axem immotum, quando nimirum punctum G, non progreditur, sed circa id gy-ratur circulus, & quodlibet eius punctum, & tunc movetur circulus motu circulari tantum: tertio, motu mixto ex recto & circulari, quando nimirum centrum & axis G progreditur re-cta versus O, & simul circulus gy-ratur circa dictum centrum & axem, & peripheria circuli percurrit lineam CM, & hos con-tingit in casu nostro.

Alterum quod supponit est, quod linea CM quæ à circulo prædicta mixta rotatione describitur super planum, ex natura sua non describitur nisi iuxta mensuram lationis seu motus recti qui simul cum axe conficitur in anteriora, & cuius virtute des-cribitur, & quod propterea nulla ratio habenda sit circularis motus, nec spatii circulariter peragrati ab ipso circulo, sed tantum motus recti ac spatii motu recto centri & axis peragra-ti. His positis ait, ideo circulum alteri adiunctum, & cum eo delatum, semper æquale spatium cum circulo deferente seu per se moto percurrere, quia illud non percurrit ex vi suæ rotationis, ac iuxta mensuram suæ circumferentiæ, sed ex vi sui raptus & aspor-tationis: nam tantum recta progreditur, inquit, quantum à de-ferente rapitur & asportatur, licet alias, si per se ferretur, eodem tempore maiorem aut minorem peragraret circuitum, cuius quia nulla ratio haberi debet, ut præmonuit, non requiritur ut eius motus circumvolutionis sit æqualis motui recto cætri, nec ut linea recta quam percurrit, sit æqualis circumferentiæ secundum quã rotando convolvitur. Ineptissima profectò interpretandi ratio, & solutio imperita. Quærit Aristoteles, quærun alii omnes, cur eadem circuli peripheria percurrat modo maius, mo-do minus, æquale spatium motu suo circulari, respondet hic Au-ctor, quia nulla est habenda ratio motus circularis, sed solum motus recti quem centrum perficit. Nimirum quia hic erat, qui negotium faceſſebat, ideo illius nullam rationem

Refellit.

habendam esse existimat. Integra igitur adhuc & insoluta persistit difficultas proposita, & alia est inquirenda ratio.

Mersenni solutio.

*Mersenni
ratio.*

Reiicitur.

Marinus Mersennus vir doctissimus, & multis libris scriptis clarus, in Synopsi Mathematica lib. 2. Mechanicorum, parte 3. proposit. XI. explicando rationem Aristotelis supra allatam, ait, causam cur circuli inæquales æqualem lineam suâ circumvolutione describant, ex eo sumendam esse, quod minor, aut maior, non proprio motu, sed alterius moveatur: *circulus enim*, inquit, *ab alio motus extenditur & applicatur secundum extensionem moventis, adeo ut motus minoris rarefactioni, maioris vero condensationi comparari possit.* Subiungit, cessaturam admirationem, si consideremus minorem non exercere motum suum, cū transfertur à maiori. Sed iam supra diximus hanc responsonem non satisfacere: sive enim minor moveatur ad motum maioris, aut maior ad motum minoris, quia tamen unica circumvolutione aut maiorem aut minorem lineam percurrit quam sit ea, cui in motu congruit circumferentia, certè id mirabile est, nec cessat admiratio quod circulus tunc non motu proprio, sed ab alio delatus circumvolvatur. Si dicat eum Aristotele, circulum delatum ad motum alterius, non posse celerius aut tardius moveri illo, nec maius aut minus spatium conficere quam ille; audio quidem, sed cū uterque circulus planum subiectum in toto motu tangat, neque ullam partem plani pars ulla circumferentiæ bis tangat, aut transiliat, ut ipsemer Mersennus fatetur cum Aristotele; non video quomodo alteruter circumlatus ab alio conficiat aut maius aut minus spatium circumferentiâ suâ, hoc est, quomodo circumferentia minor congruat lineæ rectæ maiori se & circumferentia maior lineæ minori se;

Cabei solutio.

P. *Nicolaus Cabeus*, insignis Philosophus ac Mathematicus, *Cabei ratio?*
 Commentario in lib. 4. Meteororū Aristotelis tex. i. quæst. Vide Fig.
 9. ait, rationem huius rei esse, quia peripheria circuli maioris *1. a. iconis*
ABC, delati ad motum circuli minoris *DEF*, & percurrentis *XX*.
 lineam *CK* tantū, minorē sua peripheria, eodē tēpore moveretur
 motibus contrariis, nempe ante, & retro: Moveretur enim ante,
 inquit, quia semper nova & nova pars, seu novum & novū pun-
 ctum peripheriæ *ABC* tangit novam & novam partem, seu no-
 vum & novum punctum lineæ rectæ *CKM*, ad partes ipsius
 versus *M*, hoc autem est rotari antè, seu moveri versus *M*. Mo-
 veretur etiam retro, seu recedendo à puncto *M*, eodem tempore,
 quia si non moveretur linea curva *CH* recedendo à puncto *M*,
 quodlibet punctum peripheriæ *CH*, distans à puncto *C*, v. g.
 punctum *P*, *Q* &c: perveniret ad lineam rectam *CM* in tanta di-
 stantia à puncto *C*, quāta est distātia in linea curva v. g. punctum *P*
 perveniret ad punctū *V* in tanta distātia à puncto *C*, quāta est di-
 stātia puncti *P* à puncto *C*: sed punctū *P* sic distans in curva, non
 pervenit ad punctū *V* sic distans, sed ad aliud minus distās à pun-
 cto *C*, ergo necessario retrocessit punctum *P*, & accedendo ad *M*
 per motum verū, eodem tempore recessit etiam ab *M*, acceden-
 do ad *C*. Et hoc fit, inquit Cabeus, perpetuo & successivo motu, i-
 ra enim semper novum & novum punctū peripheriæ versus *M*,
 tangit novum & novum punctum plani versus *M*, ut tamē sem-
 per constringantur puncta contactus (sic loquitur Cabeus) re-
 cedendo à puncto *M*. Ergo in illo primo casu, dum peripheria
 maior commensuratur per motum revolutionis lineæ minoris,
 successivè tangendo novo & novo puncto suo novum & novum
 punctum plani, magis remotum à puncto primi contactus, mo-
 veretur duobus motibus contrariis, accedendo, & retroceden-
 do ab eodem termino. Dum vero in alio casu motus rotarum
 ita fit, ut per se moveatur maior circulus *ABC*, & ad motum

illius per accidens moveatur etiam minor DE supra suum planum; minor commensuratur cum linea recta per successive & novum contactum maiori se, & hoc ideo, quia non solum movetur motu circulari revolutionis, dum semper in quolibet instanti adsignabili novum & novum punctum circuli tangit novum & novum punctum plani, sed etiam movetur motu recto quasi progressivo, fricando se supra lineam rectam; sicut enim centrum G movetur simpliciter motu recto, & circulus maior ABC motu simpliciter circulari revolutionis, ita omnes circuli intermedii adsignabiles moventur duplici motu, & circulari, & recto; & ut ex vi circularis motus commensuratur cum linea sibi æquali, ita ex vi motus recti commensurantur cum maiori vel minori, pro vario motu: Hæc Cabeus. Ex quibus infert, idem moveri duobus contrariis motibus simul, sed in eo nullam esse contradictionem, quia alter motus est circularis, alter vero rectus.

Explicatur. Vult itaque Cabeus, dum movetur per se circulus maior ABC , & percurrit unicâ integrâ revolutione lineam CM æqualem suæ circumferentiæ, & dum simul cum illo defertur circulus minor DEF , & percurrit unicâ integrâ revolutione lineam FN maiorem suæ circumferentiæ, hoc ideo fieri, quod circulus minor DEF movetur duplici motu, uno circulari quo semper novum & novum circuli punctum tangit novum & novum punctum plani, & eo æquatur lineæ æquali suæ circumferentiæ; altero recto quo coæquatur lineæ maiori suæ circumferentiæ. Dum vero per se movetur circulus minor DEF , & percurrit unica revolutione lineam FL æqualem suæ circumferentiæ, & dum simul cum illo perfertur circulus maior ABC , & percurrit solum lineam CK minorem suæ circumferentiæ, hoc ideo fieri, quod circulus maior movetur duplici motu, uno circulari quo semper novum & novum eius punctum tangit novum & novum punctum plani, & ideo deberet coæquari lineæ CM æquali suæ circumferentiæ; altero recto, quo interim retrocedit, & ideo percurrit lineam minorem suæ circumferentiæ, causam

ſam huius ſecundi caſus, uti ex dictis conſtat, adſignat hanc; ſi maior circulus non ſimul progredederetur & retrocederet, percurreret lineam æqualem ſuæ peripheriæ, quia ſemper progreditur; at non percurrit lineam æqualem ſuæ peripheriæ, ſed minorem; ergo neceſſario retrocedit. Cauſam vero primi caſus hanc adſignat, uti ex iſdem dictis colligitur, ſi minor circulus præter motum circularem non ſimul moveretur motu recto, quo maius ſpatium percurreret quam ſolo circulari, percurreret ſpatium æquale ſuæ circumferentiæ: ſed percurrit ſpatium maius ſuâ circumferentiâ, ergo movetur etiam motu recto & quali progreſſivo. Itaque à poſteriori colligit, circulum maiorem ſimul progredi motu circulari, & retrocedere motu recto, & circulum minorem progredi ſimul motu circulari & recto.

Oppugnatur ſententia Cabeii.

Contra hanc ſententiam hæc habeo. *Primo*, quando movetur per ſe circulus minor D, E, F , & ad motum eius rapitur circulus maior A, B, C , ſi è centro G ducantur quocunque lineæ rectæ ad circumferentiam maioris, cuiuſmodi ſunt lineæ G, P , G, Q , tranſeuntes per puncta R & S minoris circuli; tantum progreditur eodem tempore punctum Q , quantum punctum S , & tantum punctum P , quantum punctum R : ſed puncta R & S ſemper progrediuntur & non recedunt; ergo & puncta P & Q ſemper progrediuntur & non retrocedunt. Conſequentia eſt legitima, quia ſi puncta P & Q retrocedunt, & puncta R & S non retrocedunt, hæc plus progredederentur quam illa. Minor certa eſt & conceditur à Cabeo, quia minor circulus commenſuratur lineæ F, N æquali ſuæ circumferentiæ; ergo omnes eius partes & puncta ſemper progrediuntur, & nullæ partes aut puncta retrocedunt. Maior demonstratur, quia dum punctum Q tangit lineam C, M , linea G, Q eſt perpendicularis ad lineam C, M , ſicuti eſt perpendicularis
linea

*Oppugnatur
primo.*

linea CG , ad eandem lineam CM , per 18. *Propositio: libri 3. Elementorum*, ubi id geometrice & evidenter demonstratur, & à bis mille annis à nullo fuit negatum, aut revocatum in dubium; cū ergo duo puncta, Q & S , sint in eadem recta & perpendiculari lineam, utrumque æqualiter distabit à lineam CG , quia cum utraque lineam, GC , & SQ , sit perpendicularis lineam CM , erunt inter se parallelæ seu æquidistantes, per 23. *Propositio: libri 1. Euclidis*, ubi id demonstratur, & à nullo hæctenus negatum fuit. Dico hæc pro iis qui in Euclideanis demonstrationibus non sunt versati, aliis enim evidentiæ sunt. Hoc primum.

Oppugnatur secundo.

Contra habeo *secundo*. si maior circulus eodem tempore moveretur ante & retro, ergo debet assignari causa illius duplicis motus, hoc est, sicut assignatur causa motus progressionis in anteriora, qui est motus axis à puncto G versus punctum O progredientis ita deberet assignari causa motus retrocessionis in posteriora, quo punctum P v. g. moveretur versus C : atqui non potest assignari causa huius secundi motus retrocessionis, ergo non datur talis motus. Minor probatur, quia non est motus axis, aut potentia movens axem, nam axis semper movetur in anteriora, & nunquam retrocedit, quia dum punctum F percurrit lineam FL , punctum G percurrit lineam GT ipsi æqualem: sicut ergo non retrocedit punctum F , ut ex se constat, & Cabeus concedit, ita nec punctum G retrocedit. Præter motum autem axis alia causa assignari non potest, nulla ergo causa datur motus retrocessionis.

Oppugnatur tertio.

Contra habeo *tertio*. Circulus maior non retrocedit motu recto, ut Cabeus vult, ergo nullo modo retrocedit. Antecedens probo, quia nullum eius punctum aut pars tali motu retrocedit, alioquin punctum aut pars C v. g. toto motus sui tempore deberet tangere lineam CM productam versus C , & punctum aut pars Q lineam parallela lineam CM , quod impossibile est, si simul progreditur in anteriora, nam quamdiu punctum C tangit lineam CM , nullum aliud punctum eam tangit, ac proinde non progreditur in anteriora.

Similia argumenta fieri possunt contra motum translocationis circuli minoris, quæ brevitatis causa omitto. Eandem ob causam omitto opinionem *Cardani* lib. 5. Proportion. Propos. 196, *Monantholii* Comment, in *Mechan.* Aristotelis. cap. 25. *Swentze* in *deliciis* Parte 2. Quæst. 12. & aliorum. *P. Andreas Tacquet* edidit dissertatiunculam de eadem re, quam olim Romæ legi, & solum notavi demonstrationem supra allatam, modo vero ad manum non habeo, unde nescio quam causam adsignet phænomeni de quo disputamus.

Nostra solutio insinuat.

HÆ sunt aliorum sententiæ, mea quidem opinione infirmæ, uti ex allatis hactenus instantiis constat. Ego in re intricatissima, & quæ tanta hactenus ingenia defatigavit frustra, nihil certi statuere audeo. Hallucinationem tamen propriam, quæ curiosioribus ingeniis lucem fortassis aliquam afferre queat, non omitto. Suppono itaque primo, puncta S & Q (item puncta R & P, & quævis alia quæ in utroque circulo connectit eadem recta linea ex centroeducta) dum ambo circuli motu centri & axis progrediuntur versus M & N, simul tangere subiectas lineas CM, & FN, quia dum punctum Q tangit lineam CM, recta GQ est ad eam perpendicularis, per 18. lib. 3. *Euclid.* rectæ vero GC parallela, per 28. lib. eiusdem: quoniam igitur GC. GQ æquales sunt, item GF, GS æquales, per 15. *Definit.* lib. 1. *Euclidis*, ideoque & rectæ FC, SQ per 3. *Axioma eiusdem*, non potest punctum Q tangere lineam CM, quin punctum S tangat lineam FN. Suppono secundo, punctum Q magis distare à linea CM, quam punctum S à linea FN, quoniam perpendicularis à Q demissa in lineam CM maior est, quam perpendicularis ab S demissa in lineam FN, ut facile demonstrari potest ex 4. *sexti Euclidis*, si producat GQ usque ad rectam CM, & demittantur perpendiculares à punctis Q & S ad eandem CM.

Nostra opinio vel potius hallucinatio.

Vide Fig. 1. à iconis XX.

His suppositis aio, quando circulus minor movetur per se, & maior cum illo defertur, modo sæpius dicto, eodem tēpore quo descendit punctum S in lineam FN, punctum Q descendit in lineam CM, quia ergo punctum Q magis distat à linea CM, quam punctum S à linea FN, maius spatium conficit, & velocius movetur Q, quam S, tempore eodem: sed punctum Q motu illo velociore non magis removeretur à puncto C versus M, quam punctum S à puncto F versus N, alioquin factò contactu linearè ab illis punctis, Q plus distaret à C, quam S ab F, cōtra hypothesin, & contra demonstrata ex *Euclide lib. 3. proposit. 18.* & *lib. 1. proposit. 28.* Ergo punctum Q descendendo, recedendo à puncto C, simul accedit ad idem punctum C. Mirum ergo non est quod factò contactu utriusq; puncti cum lineis, punctum Q non magis distet à C, quam S ab F.

Quod si dicas, etiam punctum S descendendo accedere versus F, lubens id concedo, sed aio, punctum Q magis accedere ad punctum C, quam S ad F, quia Q velocius movetur quam S, & tamen non magis recedit à C, quam S ab F, ergo magis accedit ad C, quàm S ad F. Quod autè dixi de punctis Q & S, intelligi etiam debet de quibuscunq; aliis punctis quos idem radius connectit.

Quod si iterum dicas, hinc sequi idem punctum C v. g. moveri duobus motibus contrariis simul, aio id non sequi, quia movetur tantum unico motu, qui nec rectus est nec circularis, curvus tamen, quo simul progreditur antè, & movetur retro. Explicent eum qui plus otii & ingenii habent, mihi sufficit hallucinationem meam in medium adduxisse.

Simili de causa, dum circulus maior movetur per se, & minor eū eo defertur versus N, minor tantū spatium conficit, quantum maior. quoniã enim punctum S minus accedit ad F, quam Q ad C, & utrumq; tamen simul recedit à C, & F, ideo S magis accedit ad N, quam Q ad M. Mirum ergo non est, quod S in tanta distantia ab F tangit lineam FN, in quanta Q à C tangit CM. Eadem ratio est de omnibus aliis punctis. Ex his constat discrimen inter hanc &

Orbei sententiam.

Hæc mea est, non demonstratio, nec firma cum adhesionem solutio, sed hallucinatio seu coniectura, Si quis meliorem attulerit ac probaverit, lubens eam amplectar: si eandem ostenderit falsam, ab ea non invitus recedam. Interim si vera est hæc nostra coniectura, cessat admiratio Problematis Aristotelici, & omnia Paradoxa ex illo deducta, ultimo excepto, concidunt. Ratio unica est, quia licet circulus maior percurrat lineam minorem suâ peripheriâ, & minor maiorem; tamen neutrius peripheria in revolutione sua congruit lineæ quam decurrit, ac proinde neutra æqualis est lineæ a se decursæ: nam lineæ quæ sibi mutuo cõgruunt, & æquales sunt, ita se habent, ut dum sibi mutuo superponuntur, aut superponi intelliguntur etiam successive: singula puncta unius tangant singula puncta alterius, quod in casu nostro non fit: nam quia in circumferentia minore sunt pauciora puncta, quam in maiore, si singula minoris puncta tangunt semper nova & nova puncta lineæ FL singula puncta maioris non possunt tangere semper nova & nova puncta lineæ CK æqualis lineæ FL. E contra ratio si singula puncta peripheriæ maioris non tangunt nisi singula nova puncta lineæ CM, non possunt singula puncta minoris tangere solum singula nova puncta lineæ FN. Adde quod $\epsilon\phi\alpha\rho\mu\omega\sigma\iota\varsigma$ seu applicatio & superpositio locum non habet, nisi in magnitudinibus eiusdẽ speciei, ut sunt linea recta & recta, curva & curva, superficies, & superficies non vero lineæ recta & curva, ut Proclus etiam fatetur lib. 3 in primũ Euclidis, loquendo de epharmosi geometrica, non de mechanica; quarum neutra tamen in calu posito habetur. Sed dum hæc assero, in alias inextricabiles difficultates ineido contra ea quæ supra supposui demonstrata ab Euclide. Præstat ergo manum de tabula tollere, & problema Aristotelicum illis mysteriis circuli adnumerare, quæ humano ingenio insolubilia censentur. Hic ergo quiesco, si prius unicã contra me ipsum insinuavero difficultatem, quod, nimirum nullum punctũ

Paradoxa
cyclometrica
superius al-
lata, viden-
tur esse falsa

circuli maioris tangit lineam CM, quin unum & novum punctum
& unum minoris tangat lineam F N.

SYNTAGMASECVNDVM

Archimedis Cyclometria legitima est, Gephyrandri Spuria.

*Gephyran-
drus Archi-
mede erroris
in simulas.*

Quam multi nullo non tempore vel à primo Geometriæ ex-
ordio summum in eo collocarint studium, ut circuli peri-
pheriam ad rectam reducerent lineam, & eiusdem circuli qua-
draturam, quam appellant, Mundo proponerent, æterna
eum nominis vel fama, vel infamia; notius est quam ut dici hic
debeat. Nullus tamen unquam magis certam ac tutam inuit-
viam quam olim Geometrarum coriphæus Archimedes, nul-
lus apertius ac turpius à semita aberravit quam nuper Thomas
Gephyrandrus Salicetus. Edidit hic anno huius sæculi octavo
primum, & sequenti anno recudit libellum de circuli quadra-
tura, in quo primo Archimedis calculum, quo is verisimilem
proportionem inter circuli diametrum ac perimetrum inda-
gat; refellere conatur, deinde suum ac seniore, ut existimat,
substituit; tandem novum tetragonismum geometricè demon-
stratum inserit: sed eum à regia diverterit via, mirum non est,
eum pro veritate pseudographiam ingentem nobis vendidisse.
Legeram olim libellum in Sicilia, & non minus Auctoris simpli-
citatem (ne dicam inscitiam) quam insignem impudentiam,
qua Archimedes, & omnes sequaces eius, erroris turpissimi
per annos bis mille hætenus propagati in simulare audet. Nul-
lum vidi quid dicitur Auctoris insolentiam scriptis compescuerit,
nisi quod Willebrordus Snellius in fine Cyclometrici tui men-
tionem eius aliquam, sed tacito nomine facit, fortassis quia
nullus tanto eum honore dignum existimavit. Nec ego hunc
laborem

laborem mihi sumpsissem, nisi nuper in Diatribam à supra laudato P. Philippo Colbino manu scriptam incidissem, in quam solidè ac dilucide Gephyrandri errores refutat, ut non ingratum me facturum Reipublicæ litterariæ existimarim, si eam hoc loco, compendio tamen & angustioribus limitibus circumscriptam infererem. Ut vero quivis, qui solius primi libri Euclidis Elementa degustavit, in quo rei difficultas versetur, & unde Gephyrandri error duxerit originem, intelligat, propriam primum omnium Archimedis procedendi methodum, deinde contrarios adversarii conatus afferam, eosque ex citatè paulo ante Diatribæ doctrina refellam.

*S. I. Apodixis Geometrica, quâ demonstrat
Archimedes, peripheriam circuli minor-
rem esse triplâ sesqui septimâ
diametri.*

Archimedes post multorum antiquorum laudabiles, quidem, sed inanes labores de circuli dimensione & tetragonismo, suos etiam posteritati consignaturus, libellum scripsit de ea re, tam acutum & ingeniosum, quam brevem, quippe tribus tantum constantem propositionibus. In harum tertia demonstrat evidentissimè, cuiuslibet circuli peripheriam triplam esse diametri, & adhuc superare parte, que quidem minor sit decem septuagesimis, hoc est, septimâ parte diametri, maior vero decem septuagesimis primis, hoc est, circuli perimetrum esse minorem triplâ sesqui septimâ diametri, ita ut si diameter sit 1, perimetet sit minor quam $3\frac{1}{7}$, aut si diameter sit 7, perimetet sit minor quam 22. Quamvis in praxi & communi usu, facilitatis gratiâ, adhiberi pleumque soleat dicta ratio 7 ad 22. Accuratiorem ab aliis post Archimedes inventam rationem infra indicabo. hanc autem proportionem hac arte invenit Archimedes. Circulo adscriptis hexagonum,

*Circuli peripheria ad diametrum
proportio ex
Archimede*

Qua ratione
inventa sit ab
Archimede.

gonum, & inter eius latus ac diametrum proportionem indagavit: latus deinde hexagoni continua bisectione reduxit ad nonaginta sex angulum eiusque proportionem ad diametrum circuli minorem reperit quam triplam sesqui septimam. Et quoniam Polygoni circulo circūscripti peripheria maior est quam circuli peripheria, ἐπισημαίνωνδς conclusit, circuli etiam peripheriam ad diametrum rationem habere minorem triplâ sesqui septimâ.

Vide Fig.
1. a: iconis
XX.

Demonstratio
Archimedis.

Demonstrationem porro in hunc modum conficit *Archimedes*, & cum ipso *Clavius* in *Geo. pract. lib. 4. cap. 6. propos. 2.* Ad semidiametrum AB circuli dati ducit perpendicularem EF , & abscisso utrimque arcu 30 graduum BC, BD , eiicit rectas AE, AF , formatque bina triangula ABE, ABF . In quibus quia anguli EAB, FAB , æquales sunt, ut pote singuli 30 graduum ex hypothesi, similiterque anguli ABE, ABF , æquales, ut pote recti, ex constructione, erunt & reliqui, AEB, AFB , æquales, per *4. primi Euclidis*. Æquiangulum ergo est triangulum AEF , & æquilaterum, per *Coroll. propos. 6. pri. Euclid.* ideoque perpendicularis AB , basin EF bifariam secabit in B , ex *Scholio propos. 26. pri. Euclid.* eritque EF dupla ipsius EB . Posita igitur BE partium 153 , erit EA 306 , ut pote dupla prioris. Et si quadratum ipsius BE , 23409 , dematur ex 93636 , quadrato ipsius AE , fiet, per *47. pri.* reliquum quadratum ipsius AB , 70227 , cuius radix est paulo maior quam 265 , (est enim radix, licet non vera, proxima tamen, $265 \frac{2}{37}$;) ac proinde AB ad BE maiorem habet proportionem quam 265 ad 153 , vel quod idem est, EB ad BA minorem proportionem habet quam 153 ad 265 , ut demonstrat *Euclides propos. 3. lib. 5.* & ex se manifestum est.

Secundo iam angulo EAB bifariam per rectam AG , erit EA ad AB , ut EG ad GB , per *3. Sexti*, & componendo, EA, AB simul ad AB , ut EG, GB simul, seu ut EB ad GB , & permutando EA, AB simul ad EB , ut AB ad BG ; & quia EA, AB simul maiores sunt quam 571 (quippe cum EA sit 306 , & AB paulo maior quam

quàm 265.) & EB posita est 153. habebunt EA, AB simul ad EB majorem proportionem, quàm 571. ad 153. ideoq; & proportio AB ad BG major erit, quàm 571. ad 153. ac proinde si BG ponatur 153, erit AB paulò major quàm 571. Ergo quadratum ipsius AB paulò majus erit, quàm 326041, ideoq; cùm quadratū ipsius BG sit 2349 erit quadratum ipsius AG, quod per 47, pri quadratis rectarum AB, BG, est æquale, paulò majus quàm 349450. ejusque radix major quàm 591 $\frac{1}{8}$. quippe cùm hujus radiceis quadratum sit tantum 349428 $\frac{22}{64}$. Habebit igitur AG ad GB majorem proportionem, quàm 591 $\frac{1}{8}$ ad 153.

Secundo rursus angulo GAB bifariam per rectam AM; erit iterum componendo ac permutando, ut GA, AB simul ad GB, ita AB ad Bm; & quia GA, AB simul majores sunt, quàm 1162 $\frac{1}{8}$. (quippe cùm AC major sit quàm 591 $\frac{1}{8}$. & AB major quàm 571.) & GB posita est 153 habebunt GA, ad AB, majorem proportionem, quàm 1162 $\frac{1}{8}$. ad 153. ideoq; & AB ad Bm proportionem habebit majorem, quàm 1162 $\frac{1}{8}$. ad 153. ac proinde si ponatur Bm 153. erit AB major quàm 1162 $\frac{1}{8}$. Igitur quadratum ipsius AB majus erit, quàm 1350534 $\frac{27}{64}$. cui si addatur quadratum 23409. ipsius Bm, erit quadratum ipsius Am, quod quadratis rectarum AB Bm æquale est, majus quàm 1373943 $\frac{27}{64}$ ejusque radix propeerea, id est, recta Am, paulò major quàm 1172 $\frac{1}{8}$. quippe cùm hujus radius quadratum sit tantum 1373877 $\frac{1}{64}$. Habebit ergo Am, ad mB, majorem proportionem, quàm 1172 $\frac{1}{8}$. ad 153.

Secundo iterum angulo mAB bifariam per rectam AN, erunt componendo & permutando ut antea mA, AB simul, ad mB ut AB ad Bn. & quia mA major est quàm 1172 $\frac{1}{8}$ est AB major quàm 1162 $\frac{1}{8}$. erunt mA, AB simul majores quàm 2334 $\frac{2}{3}$. vel 2334 $\frac{1}{3}$. Cùm ergo mB posita sit 153 habebunt mA, AB simul, ad Bn majorem proportionem, quàm 2334 $\frac{1}{3}$. ad 153. ideoque & AB ad Bn majorem proportionem habebit, quàm 2334 $\frac{1}{3}$. ad 153. ac proinde si Bn ponatur 153, erit AB major quàm 2334 $\frac{1}{3}$. Igitur quadratum ipsius AB majus erit, quàm 5448723 $\frac{1}{100}$; cui si addatur quadratum 23409. ipsius Bn, erit quadratum ipsius AN (quod quadratis

rectarum

rectarum AB . Bn , æquale est) maius quam $5472132\frac{1}{10}$ eiusque radix maior quam $2339\frac{1}{4}$, cum huius radice quadratum sit tantum $5472090\frac{2}{10}$. Ergo An , ad nB , maiorem proportionem habet, quam $2339\frac{1}{4}$ ad 153 .

Sexto denique angulo nAB bifariam per rectam AH , erunt ut antè componendo ac permutando nA , AB simul, ad nB , ut A B ad BH ; & quia nA maior est quam $2339\frac{1}{4}$, & AB maior quam $2334\frac{1}{4}$, erunt nA , AB simul maiores, quam $4673\frac{1}{2}$. Cum ergo Bn posita sit 153 , habebunt nA , AB simul ad Bn , hoc est, A B ad BH , maiorem proportionem, quam $4673\frac{1}{2}$ ad 153 , ac propterea si ponatur BH 153 , erit AB maior quam $4673\frac{1}{2}$.

Hicce demonstratis, sic concludit Archimedes, peripheriam circuli ad diametrum habere minorem proportionem quam triplam sesqui septimam. Angulus EAB est $\frac{1}{2}$ recti, ergo eius semissis GAB est $\frac{1}{4}$ recti, & huius anguli semissis mAB est $\frac{1}{8}$ recti, & huius semissis nAB est $\frac{1}{16}$ recti, & denique huius semissis HAB est $\frac{1}{32}$ recti. Qualium ergo partium 48 est quadrans circuli, talium una est arcus BH , & idcirco BH est $\frac{1}{192}$ totius circumferentiæ circuli. Fiat iam angulus oAB , angulo HAB æqualis, eritque totus angulus HAo $\frac{1}{96}$ quatuor rectorum, seu totius circuli, ideoque arcus Ho erit $\frac{1}{96}$ totius circumferentiæ. Recta ergo Ho erit latus polygoni nonaginta sex angulorum circulo circumscripti. Et quia ostensum est, semidiametrum

Polygoni circulo circumscripti proportio ad diametrum.

AB ad BH , habere maiorem proportionem, quam $4673\frac{1}{2}$ ad 153 , ideo etiam diameter IB , ipsius AB dupla, habebit ad Ho ipsius HB duplam, maiorem proportionem quam $4673\frac{1}{2}$ ad 153 . Si ergo Ho latus polygoni ponatur 153 , erit diameter IB maior quam $4673\frac{1}{2}$. Multiplicentur iam 153 per 96 , ut totus ambitus polygoni nonaginta sex angulorum producat 14688 , habebitque ambitus polygoni ad diametrum IB , maiorem proportionem, quam 14688 ad $4673\frac{1}{2}$. Est autem proportio 14688 ad $4673\frac{1}{2}$ minor, quam tripla sesqui septima, eo quod 14688 ad $4673\frac{1}{2}$ (qui numerus paulo minor est quam $4673\frac{1}{2}$) habeant

proportionem triplam sesqui septimam; Igitur & ambitus polyg-
 oni ad diametrum I B , proportionem habet minorem quam
 triplam sesqui septimam; Ergo multò magis circumferentia cir-
 culi, quæ minor est ambitu polygони, minorem proportionem
 habet ad diametrum, quàm triplam sesqui septimam, ideoq; cir-
 cumferentia circuli tripla est diametri , & adhuc superat parte
 quæ minor est $\frac{1}{7}$. hoc est, $\frac{1}{7}$ diametri. Nam si contineret ter, & $\frac{1}{7}$,
 haberet circumferentia ad diametrum proportionem triplam
 sesqui septimam; si verò contineret ter, & plus quam $\frac{1}{7}$, haberet,
 majorem proportionem quàm triplam sesqui septimam , cum
 tamen minorem habeat, ut demonstratum est.

ANNOTATIO I.

Simili discursu probat Archimedes, ambitum polygони circu-
 lo inscripti majorem habere proportionem ad diametrum, Polygони cir-
 culo inscripti
 proportio ad
 diametrum.
 quàm $3\frac{1}{7}$; ideoque cum circumferentia circuli sit major ambi-
 tu polygони inscripti, habere eam diametrum multò majorem
 proportionem, quàm $3\frac{1}{7}$. ac proinde circumferentiam conti-
 nere diametrum ter, & in'uper partem majorem quàm $\frac{1}{7}$. Et
 quoniam $\frac{1}{4}$ minor est, quàm $\frac{1}{7}$, liquet circumferentiam contine-
 re diametrum ter, & plus quàm $\frac{1}{8}$ diametri. Cum ergo circum-
 ferentia contineat diametrum ter, & minùs quàm $\frac{1}{2}$ diametri; se-
 quitur, veram proportionem ejus ad diametrum consistere in-
 ter triplam sesqui septimam, & triplam sesqui octavam. Itaque
 si diameter circuli dati multiplicetur per $3\frac{1}{2}$, gignitur numerus
 major quàm circumferentia; si v: multiplicetur per $3\frac{1}{7}$, procrea-
 tur minor numerus quàm circumferentia. E contrario, si cir-
 cumferentia dividatur per $3\frac{1}{2}$, producitùr numerus minor
 quàm diameter.

ANNOTATIO. II.

Archimedes processit tantum usque ad quartam bisectionem anguli supra positi: si ulterius procedatur, uti de facto Ludolphus à Colen, P. Christophorus Grünbergerus, & alij processerunt; accedi potest multo propinquius ad veram proportionem inter diametrum & perimetrum. Nemo tamen, quod sciam, melius, atque ad praxin dimensionis circuli accommodatius negotium hoc pertractavit, quam Willebrordus Snellius in suo cyclometrico, quem vide. Metius in Geometria Practica utitur proportione 113. ad 355. P. Ricciolus in Almagesto lib. 1. & alij alia.

S. II. Proponuntur difficultates & rationes Gephyrandri contra Archimedis demonstrationem.

*Gephyrandri
difficultates;
contra Ar-
chimedem.*

Thomas Gephyrandrus in Opusculo supra citato, postquam retulisset breviter Archimedis demonstrationem prædictam, ait nequaquam legitimè demonstratum quòd proportio inter circuli perimetrum & diametrum sit triplâ sesqui-septimâ minor, sed potius saniozem ealculum evincere eam esse aliquantò majorem. Causam erroris Archimedis, & omnium qui ejus vestigia sequuntur, inde ortam fuisse asserit, quòd quoties radici extractæ ex aliquo numero adhærent minutia, seu fractiones, has unâ cum integris numeris quibus adhærent, multiplicent ut quadratum numerum procreent. Exemplum dicit esse in secunda bisectione semisextanguli per lineam Am, ubi ait Archimedes, AB ad Bm habere majorem proportionem, quàm 1162 $\frac{1}{8}$ ad 153, ac proinde si ponatur Bm 153, fore AB majorem quàm 1162 $\frac{1}{8}$; ex quo deducit, quadratum ipsius AB majus esse, quàm 1359534 $\frac{1}{64}$; & si ei addatur quadratum 23409, ipsius Bm, esse quadratum ipsius Am majus quàm 1373943 $\frac{1}{64}$, ejusque radicem propter-

propterea paulò majorem quàm $1172\frac{1}{8}$. Hujus doctrinæ hunc ait Gephyrandrus esse sensum : in unam summam colligenda esse latera A G, & AB, quorum illud est $591\frac{1}{8}$, hoc 571, ut exurgat numerus $1162\frac{1}{8}$; qui si per seipsum multiplicetur, producat quadratum $135053 + \frac{77}{64}$; cui si addatur quadratum radicis 153, nempe 23409, producat summam $1373943\frac{77}{64}$, cujus radix est paulò major quàm $1172\frac{1}{8}$, nempe $1172\frac{27}{32}$. Ita Gephyrandrus, addens, omnes interpretes consentire, hunc esse Archimedis sensum, omnibusque Geometris hanc esse generalem & usitatam rationem operandi, ut si propositæ radicis tam fractæ, quàm integre, quadratum in numeris invenire oporteat, id sine discrimine per Arithmeticam multiplicationem conficiant; sed falli omnes, & vehementer in eo peccare, erroremq; jam aliquot millenis annis fuisse propagatum.

S. III. Proponitur Gephyrandriconatus, quo Archimedis errorem putatum corrigere nititur.

HVNC putatum errorem ut corrigat, ait, fractiones seu minutias radicales omnes eandem quidem tum orthographiam, tum prosodiam, non tamen sine magna homonymia, admittere, ideoq; reipsâ esse duplices, quarum aliæ distinctionis gratiâ Arithmeticæ, aliæ Geometricæ appellari possint. Arithmeticæ, inquit, ex simplici & Arithmetica radicis seu lateris area dimensio existunt; Geometricæ contra ex Geometrica area ad radicem suam proportionem, seu reductionem, quam radicum extractionem nominamus, supersunt. Ac illæ quidem per viam Arithmeticæ multiplicationis veram areae potentia aperiunt; hæ multiplicatæ semper à scopo aberrant. Illæ longitudinem, vel partem longitudinis in radice; hæ magnitudinem areae, seu partem magnitudinis in area indicant: atq; idcirco illæ sunt radices seu partes radicum actuales, hæ potentiales. Illæ sunt radices, vel partes

Gephyrandrus conatur corrigere Archimede.

Fractiones duplices sunt iuxta Gephyrandrum.

radicis, tam inter se, quàm cum mensura integra cui sub-
sunt, Symmetræ; hæ non sunt (proprie & verè loquendo) ra-
dices, nec partes radicis, sed radices habent ubique a symme-
tras. Quamobrem & illæ semper partibus procedunt in ra-
dice æqualibus, in area verò in æqualibus; hæ contrà partibus
quidem in area æqualibus, in radice verò in æqualibus. Illæ sicut
radices, seu pars radicis numero explicabilis; hæ radices suppedi-
tant numero surdas, nisi quatenus interdum casu & per acci-
dens in Arithmeticas resolvantur ac mutari, & sic numero exprimi
possint: quo casu vi mutationis in Arithmeticas degenerant. De-
nique illarum radices simul & numeris & lineis profecti; harum
solis lineis artificio geometrico assignari possunt.

Hæc Gephyrandrus, qui propter tot utrarumque minu-
tiarum differentias vehementer absurdum putat, utrasque simul
ad unam eandemque rationem seu speciem Arithmeticam revo-
care, easque simul cum radicibus quibus adhærent, multi-
plicare, ad quadratum ex ijs eruendum.

Notam porrò certissimam Geometricarum fractionum
hanc esse ait, si radici non ad æqualem mensuram distincta, sed ex
numero non quadrato eruita annectantur, vel sole pro radice extrahenda
(quod fit in numeris, quorum radix infra unitatem subsistit) collocentur.
vult itaque, quantum ex dictis hætenus colligere possum, Arith-
meticas fractiones esse illas, quæ adhærent numero integro pro
radice seu latere alicuius areæ assumpto, ideoque multiplicatas in
se, producere numeros perfectè quadratos; Geometricas verò,
quæ radici è numero non perfectè quadrato extractæ adhærent,
& obtinent locum Numeratoris, cui subteribi solet pro Denomi-
natore duplum quoti inventi adjectâ unitate. Exemplis rem de-
claro. Sit pro radice alicuius areæ ad signatus hic numerus, $3\frac{1}{2}$;
dicit fractionem hanc, $\frac{1}{2}$, esse Arithmeticam, quia adhæret nume-
ro integro, qui unâ cum ipsa fractione adjuncta ad signatus
est pro latere seu radice areæ, ac proinde multiplicata simul
cum integro in se, producit numerum perfectè quadratum,
puta $11\frac{1}{4}$; siquidem si ducantur $3\frac{1}{2}$ in se, producent dictum

merum. Sit deinde hæc alia radix inventa, $3\frac{2}{7}$: dicit fractionem hanc, $\frac{3}{7}$, esse Geometricam, quia adhæret radici extractæ è numero non perfectè quadrato, puta ex 12. His præmissis, inculcat iterum, Archimedis errorem circa proportionem peripheriæ circuli ad diametrum inde fuisse ortum, quòd nullum inter utraq; fractiones discrimen servaverit in multiplicandis radicibus per se ipsas ad quadrata invenienda. Quem errorem ut corrigat, multa hinc inde, ac ferè sine ordine asserit, quæ ego ad quatuor revoco Propositiones.

S. IV. Propositiones quatuor, quibus Gephyrandri doctrina contra Archimedem explicatur.

I. Propositi. o. Fractiones Geometricæ non sunt multiplicandæ simul cum radice cui adhærent, quando multiplicatur radix ad inveniendam aream. Probat inductione. *Primò.* Sit areola constans semipede. Latus seu radix ejus, ut est ad mensuram pedale asymmetricum, ita ad eam simplici & arithmetica discretionem nusquam respondet: Geometrico autem artificio constat, eam esse pedis quadrati semidiagonium, notaturque sic, $\frac{1}{2}$, eodem scilicet modo quo Arithmetica radix notari solet: constat enim ex Geometricis, quemadmodum diagonius quadrati sui potest duplum ita semidiagonium quadrati sui posse dimidium. Iam si more Archimedeo, omnibusque Geometris hætenus usitato, hanc fractionem Geometricam, $\frac{1}{2}$, per se ipsam multiplices, ut quadratum illius in numeris assequaris, toto cælo aberrabis, & pro semisse habebis tantum quadrantem sic, $\frac{1}{4}$, & tamen ex hypothese areola est $\frac{1}{2}$. *Secundò.* Sit area seu quadratum pedum quadratorum $2\frac{1}{2}$. Hujus radicem si inquiras, invenies $1\frac{2}{3}$, seu $1\frac{1}{2}$: quæ si ducas in se, proveniet quadratum pedum $2\frac{1}{3}$, contra hypothesin, quæ volebat

*Gephyrandri
quatuor
propositiones.*

esse pedum $2\frac{1}{2}$. *Tertio*. Sit quadratum pedum 22. Radix extracta est $\frac{6}{5}$, seu $4\frac{2}{5}$; quam si duas in se, invenies pro quadrato pedes $21\frac{2}{5}$, cum tamen invenire deberes pedes 22. Similis error in omnibus exemplis deprehenditur. Quid ergo faciendum ad vitandum errorem? & quomodo fractiones Geometricæ sunt tractandæ?

11. Propositio. Si fractiones sunt solæ, nullam ulteriorem operationem desiderant, sed fronte jam apertâ præ se ferunt, quid possint, & velint. Sic enim ubi fractio Geometrica est $\frac{1}{2}$, vel $\frac{2}{3}$, vel $\frac{3}{4}$, vel similis, statim intelligitur quadratum seu aream, cui notandæ inservit, tantumdem esse, nempe vel dimidium, vel tertiam partem, vel tres quartas illius mensuræ, cujus respectu fractio illa adhibita est. Si verò fractionem præcedit numerus integer radicalis, ut $2\frac{1}{2}$, tunc integer numerus multiplicandus est per seipsum, & producto adjiciendus Numerator fractionis, & habebitur area quæ sita: nisi fortè fractio ad minores numeros sit redacta; tunc enim maior Numerator, qui in prima fractione erat, adjiciendus est. Probat item inductione. *Primo*. Sit radix Geometrica cum fractione adiuncta hæc, $2\frac{1}{2}$: ducantur 2 in se, fiunt 4; cui adjiciatur fractionis Numerator, nimirum 1, fiunt 5, perfectum scilicet quadratum dictæ radicis. Quod si totam radicem $2\frac{1}{2}$ in se quadratè duceres, forent tantum $4\frac{2}{5}$, qui numerus est minor quàm $1\frac{1}{5}$. *Secundo*. Sit radix $6\frac{1}{2}$: duc 6 in se, habebis 36: adde fractionis Numeratorem 4, habebis 40, numerum quadratum verum. *Tertio*. Sit area quadrata pedum 22. radix erit, $4\frac{6}{5}$, sive in numeris minimis, $4\frac{2}{5}$. Si hanc more consueto conjunctim ducas in se, ipsam, habebis $21\frac{2}{5}$, ut supra dicebatur, qui numerus abest ab hypothese $\frac{2}{5}$. Si verò 4 ducas in se, & producto 16 addas 2, habebis solum 18. At si addas primitivæ fractionis Numeratorem 6, habebis 22 ut patet.

Utrum porro fractio radicis numero integro adhærens sit in numeris maximis expressa, an ad minores reducta, sic intelliges. Semper in numeris fractionum Geometricarum non diminutis Denominator est duplo & præterea unitate major, quàm

*Fra^{ctio} an sit
minoribus
numeris ex
pressi, quo
modo cognos
catur*

quàm numerus integer fractioni præmissus. Si ergo ab hac quantitate defeit Denominator fractionis oblatæ, signum est eam esse redactam ad minores numeros; quos sic restitues. Pone duplum ejus numeri integri, qui fractioni est præmissus, eiq; adijce unitatem, & habebis primitivum Denominatorem: quem si divides per Denominatorem priorem, & quotum multiplices per propositum Nominatorem; habebis etiam primitivum Numeratorem.

Subjungit his Gephyrandrus, modum operandi hac propositione expressum, esse verum ac legitimum modum tractandæ fractionis Geometricas, eamque ait confirmari à modo operandi Arithmeticorum, qui ubi de examine extractæ radicis agunt (*imò de Divisione universaliter*) non jubent residuum cum radice inventa simul multiplicare, sed ipsam radicem separatim multiplicare, tum hinc tandem producto residuum addere, quòd planè cum nostra sententia congruit. Causam hujus operationis ait esse, quòd fractiones Geometricæ non radicem, nec partem radicis, sed vel aream, vel partem areæ denotent, ut supra dictum fuit.

III. *Propositio.* Archimedes indagando proportionem inter perimetrum & diametrum circuli, calculum suum ita instituit, ut fractiones, post extractiones radierum remanentes (hoc est, Geometricas) unà cum radice cui adhærent, multiplicet. Patet ex dictis supra §. 2. in exemplo bisectionis semifexanguli.

IV. *Propositio.* Proportio inter perimetrum & diametrum circuli non est minor triplâ sesqui septimâ, ut Archimedes vult; sed major triplâ sesqui septimâ. Prima pars patet ex eo, quòd Archimedes falso fuerit usus calculo, ut vidimus, ex quo non nisi falsum concludi potest. Secunda pars, adhibito saniore calculo, sic probatur. In triangulo reſt angulo E B supra adfigu. II. I. gnato §. I. semidiameter AB ad latus BE, proportionem habet præcisè, quam $26\frac{2}{37}$ ad 153 . ubi Archimedes fractionem $\frac{2}{37}$ non curavit. Vide Figu. II. I. conis. XX.

Bisectione primâ iterum semidiameter AB ad latus BG
ratio

rationem habet prorsus eandem, quam $57\frac{2}{77}$ ad 153; ubi Archimedes generaliter ait, majorem rationem habere quàm 57 ad 153.

Bisectione secundâ semidiameter eadem AB ad latus Bm rationem habet exactè, quam $1162\frac{177}{25}$ ad 153; ubi iterum Archimedes generaliter ait, majorem rationem habere quam $1162\frac{1}{8}$ ad 153. *Hic igitur minor incipit esse semidiameter Gephyrandro, quàm Archimedi, quia 173 in 2325 continentur 13, & adhuc restant $\frac{97}{177}$.*

Bisectione tertiâ iterum semidiameter AB ad latus Bn est, ut $2334\frac{15}{109}$ ad 153; ubi Archimedes habet $2334\frac{1}{8}$ ad 153. *Hic iterum minor est semidiameter Gephyrandro, quàm Archimedi.*

Bisectione quartâ seu ultimâ semidiameter AB ad latus BH est, ut $4673\frac{87}{37}$ ad 153. Hujus fractionis Numerator, 874, in Denominatore suo continetur decies, & adhuc restant 607; unde rectè pro parte undecima, quàm pro decima uaius integri sumi potest; sumatur tamen pro decima tantùm; erit itaque AB ad BH, ut $4673\frac{1}{10}$ ad 153; cujus loco apud Archimedes est proportio $4673\frac{1}{2}$ ad 153. *Hic quoque minor est semidiameter Gephyrandro, quàm Archimedi.*

Si jam omnia polygona 96 angulo um circulo circumscripti latera conjungantur, hoc est, si 96 per 153 multiplicentur, summa tam nobis (*inquit Gephyrander*) quàm Archimedi exurgit 14688; à quibus si primò ter auferas 4673, id est, diametri (*quod enim de sem diametro hæcenus dictum fuit in ordine ad semipolygonum & semicirculum, intelligi etiam debet de diametro in ordine ad integrum polygonum & circulum*) numerum integrum, remanebunt tam nobis, quàm Archimedi, 669. Hinc si iterum ter auferas fractionem nostram $\frac{1}{10}$, remanebunt $668\frac{7}{10}$, pro quibus in calculo Archimedeo sunt tantùm $667\frac{1}{2}$. Ac numerus hic quidem Archimedis non est pars septima diametri, sed paulò minor; multiplicatis enim $667\frac{1}{2}$ per 7, procreantur $4672\frac{1}{2}$, qui numerus nondum ad nostram diametrum $4673\frac{1}{10}$ multo que minùs ad Archimedeam $4673\frac{1}{2}$ assurgit. At noster numerus residuus $668\frac{7}{10}$, per 7 multiplicatus, pro-

creat 4680^o; quæ diametrum longè superant, siue nostram, siue Archimedeam spectes: subtractis autem 4673¹/₂, hoc est, numero Archimedeo, restabunt 7¹/₂; subtractis autem 4673¹/₃, hoc est, numero nostro, restabunt 7²/₃; qui nobis est calculo reformato excessus quo triplam sesqui septimam peripheria circuli diametrum suam verè excedit. quod erat hoc loco demonstrandū: Hastenus Gephyrander.

S. V. *Gephyrandri doctrina & calculandi ratio redditur inspecta.*

AD compescendam audaciam Gephyrandri, qui non dubitavit contra Archimedem & omnes ejus sequaces insurgere, & calculandi rationem omnibus usitatam reprobare, novamque confingere, quinque breviter præstabo. Primò, unico & simplici argumento ejus doctrinam reddam suspectam falsam, si non falsam demonstrarem: Secundò, fractionum in Arithmeticas & Geometricas distinctionem examinabo, & fictam ac falsam esse monstrabo: Tertiò, admissam gratis distinctionem illam, calculum ab ipso adhibitum monstrabo esse falsum: Quartò, Archimedem in suo calculo nunquam adhibuisse fractiones Geometricas, sed semper Arithmeticas, ostendam: Quintò denique, tamen si illis usus fuisset, adhuc tam veram esse calculandi methodum, & inde deductam proportionem inter diametrum & perimetrum circuli, Gephyrandri verò falsam, evincam.

Ad I. quod attinet, indubitatum est, radicem seu latus extractum è quadrato majore: majus esse, quàm latus extractum è minore, v. g. latus extractum è quadrato novem palmorum majus est, quàm latus extractum è quadrato quatuor palmorum. Et ratio est, quia latus continet potentiam quadratum: sicut ergo, quò majus est latus, eò majus resultat quadratum; ita quo majus est quadratum, eò majus extrahibile est latus.

Eecce

Atqui

*Gephyrandri
doctrina &
calculatio
suspecta.*

Vide Fig.
II. Iconis.
XX.

Atqui Gephyrandrus extrahit semidiametrum AB è majori quadrato, quàm Archimedes, quia hic omittit multas fractiones quadratis numeris adhærentes, Gephyrandrus verò nullas omittit, ut vidimus, & ab ipso Gephyrandro conceditur; Ergo semidiameter AB debet esse major Gephyrandro, quàm Archimedi, ac proinde peripheria circuli ad diametrum debet habere minorem proportionem juxta calculum Gephyrandri, quàm juxta Archimedis calculum. Cùm ergo contrarium contingat, & Gephyrandrus majorem proportionem circumferentiz ad diametrum inveniat, quàm Archimedes, merito ejus calculatio, atq; adeo tota doctrina debet esse suspecta. Dicere posset, Archimedem multiplicare fractiones suas unà eū integris numeris quibus adhærent, se autē suas non multiplicare, sed addere producto ex multiplicatione solorum integrorum in se mutuo; & ideo mirū non esse, quòd è minoribus numeris quadratis extrahat semidiametrum AB, quàm Archimedes, atq; adeo quòd hæc maiorem proportionem habeat ad semiperipheriam polygoni & circuli, juxta suū calculum, quàm juxta calculum Archimedis. Sed hoc effugium postea ocludetur.

S. VI Ostenditur divisionem fractionum in Arithmeticas & Geometricas, esse fictam.

*Fractionum
divisio in arithmeticas
& geometricas, ficta est.*

A DII. quod attinet, ajo divisionem fractionum in Arithmeticas & Geometricas esse prorsus fictam. *Primo*, quia sine Auctore, & sine alia ratione adstruitur, quàm quòd inservire videtur decreto præpostero oppugnandi Archimedis & communē sententiā, novamq; eudendo conciliandi sibi famam inter doctos, & inventi detragonismi laudem ad se derivandi, ut patebit legenti Præfationes seu Dedicatotias Epistolas quas Auctor Opusculo suo in gemina editione præfigit. *Secundo*, quia fractio quævis quam Auctor Geometricam appellat, Arithmetica est. Nā Arithmetica fractio est, quæ adhæret numero integro, & significat partē vel partes, unius integri divisi seu in partes fracti ac cōminuti; vel ex Auctoris sententiā, Arithmetica fractio est,

quæ

quæ adhæret numero integro pro radice seu latere alicuius areæ assumpto, & significat partē aut partes alicuius integri; ut si pro radice seu latere alicuius areæ assumantur pedes $3\frac{1}{2}$, aut $10\frac{2}{3}$, fractio $\frac{1}{2}$ significat unā partē pedis divisi in duas, & fractio $\frac{2}{3}$ significat tres partes pedis divisi in septē partes: Geometrica verò fractio, ex mōte Auctoris, est illa, quæ numero integro radicali è numero nō perfectè quadrato extracto adhæret, & nō significat partē aut partes integrorū quæ radix seu latus cōtinet, sed partē aut partes areæ; cuiusmodi est, per Auctorū, fractio in hoc numero, $3\frac{2}{7}$, ubi $\frac{2}{7}$, non partē lateris areæ, sed partē areæ significant, ut patet ex dictis suprā § 3. Atqui nullæ fractiones adhærētes numero integro extracto è quadrato non perfectō, significant partē aut partes areæ, sed partē aut partes radicis seu lateris areæ; Ergo nullæ sunt Geometricæ, sed omnes Arithmeticæ. Minor constat, quia sicuti latus areæ cuiuscunq; mensuratur mēsurā, non quadratā quā area mēsuratur, sed simplici quā linea mēsuratur; ita etiam numerus, seu integer, ille sit, seu fractus, seu integro fractus, quo lateris longitudo exprimitur, non significat mensuram quadratam areæ, sed mensuram simplicem lateris. Sic si $3\frac{2}{7}$ sunt radix seu latus alicuius areæ non perfectè quadratæ, aut sit radix non perfectè quadrata & rationalis, sed irrationalis & surda areæ 12 pedum quadratorum; sicuti 3 significat latus continere in longitudine tres pedes integros in longitudine, ita $\frac{2}{7}$ significat idē latus continere ultra tres integros pedes adhuc tres partes unius pedis divisi in septē partes. Arithmetica ergo est hæc, & quævis alia similis fractio. Tertio, quia in præcedēti exēplo (& in quo vis alio) in quo supponitur $3\frac{2}{7}$ esse radicem imperfectè quadratam areæ 12 pedum v.g. si fractio hæc, $\frac{2}{7}$, est Geometrica, prout Gephyrandrus eam definit, ergo significat tres septimas ipsius quadrati seu areæ dodecapedalis divisæ in septem æquales partes; ac proinde si numerator huius fractionis deberet addi quadrato producto ex 3 in se ductis, quod est 9, significaret quod novem pedibus quadratis deberent addi adhuc tres partes quadratæ ex illis, in quarū septē intelligitur divisa area: sed hoc prorsus falsum est, quia nō resullaret area duodecim pedum quadratorū; Ergo & falsa ac ficta est

distinctio illa in fractiones Arithmeticas & Geometricas. Minor constat, quia ut ex area 9 pedum quadratorum fiat area 12 pedum quadratorum, requiruntur $\frac{3}{2}$, non $\frac{2}{3}$, nã $\frac{3}{2}$ plus sunt, quàm $\frac{2}{3}$, quandoquidẽ ex multiplicatione 3 in 12 plus resultat, quàm ex multiplicatione 3 in 7. Quod si dicat $\frac{2}{3}$ idem significare quod $\frac{3}{12}$, & curandum non esse Denominatorem 7, sed tantum Numeratorem 3, addendum ad productum 9, ex integro in se multiplicato; gratis hoc dicit, & contra omnium, qui unquam de fractionibus & rebus Arithmetice scripserunt, opinionem; nec aliter suam sententiam probat, nisi inductione aliquorum exemplorum, quæ tamen ipsa ex parte falsa sunt, sicut & multa alia quæ afferri possent, sunt falsa. Quarto, quia ideo Gephyrandrus dicit, $\frac{2}{3}$ in allato exemplo esse Geometricam fractionem, & non Arithmeticeam, quod supponat $3\frac{2}{3}$ esse radicem numeri 12, qui resultat ex ductu 3 in se, & ex additione 3 ad 9: sed nullus unquam dixit, $3\frac{2}{3}$ esse radicem perfectam numeri 12; si enim $3\frac{2}{3}$ multiplicentur in se, producentur $11\frac{2}{9}$ tantum. Verum est, si ex 12 extrahatur radix, reperiri 3; & adhuc superesse 3, quibus supponi pro Denominatore solet duplum radicis inventæ additæ unitate sic, $\frac{2}{3}$; at hæc non est radix perfecta numeri 12, sed solum radix propinqua, & minor justâ, & alii sunt modi adhuc propinquiores inveniendi.


Ex his patet, fictam & inutilem esse distinctionem fractionum in Arithmeticas & Geometricas, atque adeo falsam esse Propositionem I. Gephyrandri supra positam.

S. V II Etiam admissâ distinctione precedente, falsa est Gephyrandri doctrina.

*Gephyrandri
doctrina falsa
est.*

AD III. quod attinet, ajo, etiam admissâ distinctione fractionum in Arithmeticas & Geometricas, modam Gephyrandri ex radice habente adjunctam fractionem Geometricam.

metricam indagandi quadratum, esse prorsus falsum, scilicet, ut in dicta propositione 11. diximus, sola integra ducendo in seipsa, & productæ summæ addendo Numeratorem fractionis, nullâ habitâ ratione Denominatoris. *Primo*, quia hoc non verificatur in uno exemplorum ab ipso allatorum. Ait enim, fractionem adhærentem radici extractæ ex quadrato pedum $2\frac{2}{3}$, nimirum $1\frac{2}{3}$, seu $1\frac{2}{3}$, esse Geometricam: ait præterea, in hujusmodi radicibus multiplicanda esse in se sola integra, & productio addendû Numeratorem primitivum in maximis numeris exhibitum. Dica ut ergo, in se, producetur 13; addatur Numerator fractionis, scilicet 3; producentur 4 pro quadrato; deberent autem provenire tantum $2\frac{2}{3}$. Falsa ergo est doctrina Gephyrandri. *Secundo*, quia sequitur minus latus seu lineam minorem producere majus quadratum, quàm majus latus seu lineam majorem. Sint enim primò duæ lineæ AB, BC, æquales inter se, quadratum quælibet sit partium



$40\frac{2}{3}$ fractione Arithmetica; item aliæ duæ lineæ DE, EF, æquales inter se, & quælibet partium $40\frac{26}{81}$ fractione Geometrica: erunt duæ priores minores, quàm duæ posteriores, quia duæ priores inter se multiplicatæ, producunt quadratum partium quadratarum 1632 $\frac{2}{3}$; duæ verò posteriores inter se multiplicatæ & additæ, prout Gephyrandus vult, producunt quadratum partium 1646, quorum illud minus est quàm hoc. Conjungantur deinde duæ lineæ AB, BC, in unam, ut efficiant lineam ABC; item jungantur aliæ duæ, DE, EF, in unam, ut efficiant lineam DEF; e-

rit utiq; tota linea ABC minor, quàm tota linea DEF, quia illius duo dimidia minora sunt, quàm duo dimidia hujus: sed quadratû lineæ ABC majus est, quàm quadratû lineæ DEF; quod sic probo.

Totalinea ABC est partium $50\frac{1}{2}$, quæ ductæ in se, producunt quadratum partium $6528\frac{1}{4}$: tota verò linea DEF est partium integrorum 80, quæ ductæ in se producunt quadratum partium 6400; quibus si adiciantur Numeratores fractionum Geometricarum, nimirum 46 & 46, proveniet quadratum 6492; atqui præcedens quadratum productum à linea minore, majus est quàm hoc secundum quadratum productum à linea majore; Minus ergo latus seu linea facit quadratum majus quàm majus latus seu linea. Simili modo probari potest, ex modo calculandi Gephyrandri, etiam admisâ distinctione fractionum in Arithmeticas & Geometricas, duas radices æquales producere inæqualia quadrata. Sit enim radix extracta è quadrato 16, nempe $3\frac{7}{7}$ fractione Arithmetica (licet enim radix quadrati 16 sit 4 præcisè sine fractione, tamen $3\frac{7}{7}$ in re idem est ac 4:) sit præterea radix extracta ex eodè quadrato 16, nempe $3\frac{7}{7}$ fractione Geometrica, sumendo Numeratorem ut relictum post extractionem integri numeri 3 ex 16, & significantem partes quadrati, ut Gephyrandrus vult, Denominatorem verò sumendo ut constitutum ex duplo radicis additâ unitate. Addantur jam duæ tales radices, primò ut adjunctam habent fractionem Arithmetica, & producentur $6\frac{1}{7}$, quæ ducta in se faciunt quadratù 64; secundò ut adjunctam habent fractionem Geometricam, & producentur iterum $6\frac{1}{7}$, quæ ducto in se integro numero & addito Numeratore, faciunt quadratum 50, nam 6 ducta in se dant 36. & 14 illis addita dant 50. Omitto alia similia argumenta, & transeo ad quartum.

S. VIII. Archimedes in suo calculo nunquam adhibuit fractiones Geometricas.

ADIV. quod attinet, probo id ex ipsamet Gephyrandri doctrina breviter sic. Geometrica fractio est, quæ relinquitur ex extractione radicis è numero non perfectè quadrato, & quæ addita summæ ex numero integro radicis fractionem antecedente in se ducto gignit quadratum è quo extracta fuit: sed talem nunquam adhibuit Archimedes; ergo nunquam adhibuit Geometricam fractionem. Minorem probo inductione exemplo


plorum Archimedis. Nam in secunda bisectione habetur hic numerus $1162\frac{1}{8}$, cujus adjuncta fractio nō est Geometrica, ut adversarius vult, sed Arithmetica, quia eruitur ex hoc numero non quadrato, 1359417 ; ex quo factā extractione non manet $\frac{1}{8}$, sed $\frac{171}{1183}$, ut constat calculanti, & ipse adversarius fatetur; quæ quidē fractio reducta ad minores terminos non facit $\frac{1}{8}$, sed quasi $\frac{1}{13}$, ipsomet adversario consentiente. Quod etiam inde pater, quia si multiplices radicem prædictam, 1162 , in se, & producto addas vel Numeratorem hujus fractionis, $\frac{1}{8}$, vel Numeratorem ejusdem fractionis reductæ ad majores terminos, juxta adversarii regulam relata supra § 3. Propositione II. nimirum $\frac{290}{375}$, non provenit quadratum ex quo dicta radix extracta fuit. Nequaquam ergo dicta Archimedis fractio Geometrica est, sed Arithmetica, ut perspicue patet, quia si dicta radix cum sua fractione per seipsam multiplicetur, more Archimedi & omnibus aliis usitato, redit quadratū paulò minus vero quadrato antea assignato; quæ causa est, cur Archimedes dixerit, GA. AB simul habere majorē proportionem ad BG, quàm $1162\frac{1}{8}$ ad 153 , eò quod ipsius quadratū sit paulo minus vero. Assumpsit itaq; Archimedes radicem propinquam, cum perfecta non detur. Idem dicendum est in omnibus aliis fractionibus ab Archimede adhibitis. Addam adhuc unum exemplum. Archimedes inquirens magnitudinem lateris AG iuxta 47. pri. Euclī è quadratis AB, BG, reperit hanc radicem, $591\frac{1}{8}$; quadratum enim AB est 326043 , & quadratum BG 23409 , quæ unita faciunt 349452 , è quibus extracta radix dat $591\frac{171}{1183}$ fractione Geometrica, juxta Auctoris praxin, remanent enim præcisè 171 , quibus si supponatur pro Denominatore duplū radicis 591 , resultat prædicta fractio $\frac{171}{1183}$; sed $\frac{1}{8}$ ab Archimede assumpta non est idē cū prædicta fractione, nec ei æquivaleret; ergo $\frac{1}{8}$ ab Archimede assumpta non est fractio Geometrica, sed Arithmetica, quæ cū integris dat quadratū paulo minus eo, è quo dicta radix eruitur, quia nimirū solū est radix propinqua. Verissimū est ergo quartū nostrum assertum, Archimedem videlicet non adhibuisse fractiones Geometricas, sed Arithmeticas, & falsissima est Propositio III, Gephyrandri,

S. IX. Archimedis calculandi ratio legitima est, etiam admissâ supradictâ distinctione fractionum.

*Archimedis
calculatio
legitima est.*

AD V. quod attinet, nimirum tametsi consideremus Archimedes adhibuisse fractiones Geometricas, easq; more Arithmeticarum multiplicasse unâ cum numeris integris quibus adhærent, adhuc veram esse ac legitimam ejus calculandi methodum, indeque sequi proportionem inter perimetrum & diametrum non esse majorem triplâ sesqui septimâ, sed minorem; hoc unico, sed efficacissimo probo argumento. Quoties radix aliqua cû fractione Geometrica (hoc est, cujus Numerator fit à numero relicto post extractionem radicis integræ, & Numerator à duplicatione radicis cû additione unitatis) ducitur in se, sæper producit quadratû paulò minus vero; ergo ex hoc quadrato producit radix paulò minor quàm revera sit, & in nostro casu, semidiameter minor quàm cæteroquin sit; ergo semidiameter dicit semper majorem proportionem ad semiperipheriam, vel im. mediatis ad latera polygони circulo circumscripti, quam radix dicti quadrati ad eandem peripheriam seu latera polygони; ideoq; ex opposito latus polygони habebit minorem proportionem ad semidiametrum, quam magnitudo numeris expressa dicti lateris ad semidiametri radicem; ergo à primo ad ultimum vera adhuc esset methodus calculandi, etiâ si concederetur Archimedè eâ fuisse usû, quia per illâ haberetur proportio nē inter perimetrû & diamet. ù esse minorē triplâ sesqui septima. Præsertim quia, ut paulò antè diximus, si fractio Geometrica sine multiplicatione additur producto ex radice integra in se ducta, omninò falsus est cōputus; si verò multiplicetur ad instar Arith. ad verû accedit. Et licet Gephyradr^o sponte admittat antecedēs hujus argumenti, lubet tamen illud unico exēplo confirmare. Sicut duæ lineæ, quatum una sit 20 partium, altera $10\frac{1}{2}$ fractione Geometrica; necantur simul, & conficiunt lineam partium

30¹⁰/₁₁; hujus lateris seu radicis quadratum per multiplicationem more consueto factam productum, est 928 & paulò amplius, minus tamen quàm 929; deberet autem esse 930, si attendantur quadrata è quibus educuntur, nam linearum unius quadratum est 400, alterius 110¹/₁₁: si jam ex hac educatur hæc alia radix, 10¹⁰/₁₁ fractione Geometricâ, sine additione unitatis, hæcque nectatur cum 20, quadratum inde productum erit 930¹⁰/₁₁, quo paulò minus est quadratum productum à 30¹⁰/₁₁ fractione etiam Geometricâ, sine tamen additione unitatis. Quia in re valde hallucinatus est Gephyrandrus, quatenus ex conjunctione duarum linearum fractionis Geometricæ Denominatorem priorem aufert, eique substituit eum qui provenit ex multiplicatione radicis unitæ cum unitate: quâ ratione notabiliter decrescit, foretque in exemplo allato radix 30¹⁰/₁₁, quam si in se ducas, juxta calculationem ipsius, proveniunt 910; quod quadratum à vero deficit 18 & amplius partibus. Malè itaque Denominator mutatur ab Adversario in conjunctione duarum linearum, sed retinendus est prior; vel si utraque linea habet adjunctam fractionem Geometricam cum diversis denominatoribus, utraque fractio in tali casu reducenda est ad eundem Denominatorem, ut fieri solet in fractionibus Arithmeticis. Atque hic error Gephyrandri, etsi nullum alium commisisset, trabalis est, & omnino sufficiens ad calculum ejus reprobandum, multoque magis ejus tetragonismum ex falso calculo deductum, etiamsi de reliquo legitime procederet.



Fffff

! s. X.

I. X. *Admissâ doctrinâ & calculatione Gephyrandri, illatio illius illegitima est.*

Gephyrandri illatio illegitima est.

COronidis loco addo, etiamsi detur gratis calculationem Gephyrandri veram esse, atque adeo ex majoribus quadratis minora latera seu radices educi, quàm ex minoribus; tamen ipsius illationem illegitimam esse, & nullo pacto convincere; quòd scilicet proportio perimetri circuli ad diametrum major sit triplâ sesquiseptimâ. Ratio est, quia tota calculatio tam Gephyrandri, quàm etiam Archimedis, versatur immediate circa proportionem perimetri polygoni 96 angulorum circulo circumscripti, ad diametrum circuli seu polygoni: ex eo autem quòd perimeter polygoni ad diametrum habet minorem proportionem quàm triplam sesquiseptimam, rectè & evidenter concludit Archimedes, quòd & circuli perimeter ad eandem diametrum habeat minorem proportionem, quandoquidem circulus minor est quàm polygonum circumscriptum, ut patet ex lib. I. de sphaera & Cylindro; at nullâ ratione concludi potest, ut Gephyrandrus facit, si polygoni perimeter majorem proportionem ad diametrum habet quàm triplam sesquiseptimam, etiam circuli perimetrum ad eandem diametrum habere proportionem majorem; si cuti non sequitur, si majus ad datam aliquam magnitudinem habet proportionem majorem, etiam minus ad eandem magnitudinem habere proportionem majorem. Atque hæc sufficient.



SYNTAGMA TERTIUM.

De Chrysopeia Geometrica, ejusque refutatione.

Sebastianus Serlius lib. 1. Architecturæ Italico idiomate con-
 scriptæ, & Gualterus Rivius in tua Architectura, quem sequit-
 ur Daniel Schwenterus in Recreationibus Mathemat. par. 15.
 quæ 14. & alii, proponunt, mirificeque commendant praxin
 quandam ad Geodæsiam pertinentem, facillimam sanè & ut
 ipsi putant, ingeniosam. Quæ si vera est, Geometricisque con-
 sona rationibus; nã ego Cræsi acquiram divitias temporis spa-
 tio exiguo, labore ac sumptu pænè nullo. Efficiam, sanctè af-
 firmo, ut quilibet opum appetens tantum aurii, tantum sibi
 coacervet argenti, spatio non plus bimestri, aut summùm tri-
 mestri, quantum hætenùs Lusitani, quantum Hispani, quan-
 tum Belgæ, ac Britanni, quantum Europæi omnes, tot anno-
 rum spatio, tam frequenti vastissimorum Marium trajectione,
 tam insatiabili terrarum evisceratione, tantis periculis ac
 sumptibus non coacervârunt. Efficiam, ut in urbe quavis am-
 plissima, argentea resplendeant ubique palatia, aurea confur-
 gant templa, auro fora sternantur & compitæ, auro campor-
 um planities, montiumque vestiantur cacumina, aurea deni-
 que reddantur omnia, vel ad Mydæ famem exsaturandam. Sed
 nè verbis Lectorem ludere videar, proponam Serlii praxin,
 & quidem ipsis, quibus ab Auctore suo proponitur,
 verbis ex Italico idiomate in latinum
 translatis.

§. I. Serlii praxis proponitur.

Serlii problema geometricum.

Vide Fig. III. Iconismi XX.

Vide Fig. IV. Iconismi XX.

Vide Fig. V. Iconismi XX.

Mirabiles omnino casus, inquit Serlius, occurrere subinde solent Architecto, cujus modi est qui sequitur. Habet ipse tabulam aliquam quadrangularem $ABCD$, longam verbi gratiâ pedes decem, latam pedes tres, jubeturque ex ea conficere portam, altam pedes septem, & latam pedes quatuor. Si dividat dictam tabulam per medium in duas partes æquales secundum longitudinem, easque secundum latitudinem jungat; habebit in latitudine quidem sex pedes, in longitudine verò non nisi quinque, cum tamen ibi quatuor, hic septem habere debeat. Si abscindat pedes tres, ut maneat longitudo septem pedum; nihil efficit, quia tabula non habebit nisi pedes tres in latitudine. Quid ergo faciat? Dividat tabulam ab angulo C ad angulum B secundum diagonalem CB , in duas æquales partes, ABC , DBC , per 4. aut 34. Proposit. lib. I. Euclidis, prout in Figura III. apparet. Deinde retrahat partem ABC , à C versus B , per tres pedes usque ad F , prout in Fig. IV. apparet. His factis, erit tam latus AF , quam latus ED , latus quatuor pedes; latus verò AE , & latus FD , erit longum pedes septem; remanebuntque duo triangula CCF , & EBB . Hæc est praxis, & demonstratio Serlii, non quidem geometrica & intellectualis, sed mechanica & ocularis, vel potius manualis, quæ tamen rem totam clarè ob oculos ponere videatur.

§. II. Ostenditur qua ratione aurum confici queat ex hac praxi, si vera est.

Chrysopæia geometrica.

HÆc praxis si vera est, atque legitima, tantum quilibet auri, argentique, ut principio dicebam, accumulare sibi poterit, maximo temporis, laborum, expensarum compendio, quantum nulla unquam viderunt opulentorum gazophylacia. Nec opus erit, tranare maria, præcipitare se in terræ Peruvia-

ruvianæ penetralia, ad inferos descendere vivos, in sedibus Manium quærere divitias, terræ vim faciendo, ejusque viscera extrahendo; solo malleo opus est, & incude; quod ita ostendo.

Tabula ABCD, longa pedes decem, lata tres, continet pedes quadratos triginta, ut Geometria docet; quia si latus AC ducatur in latus AB, hoc est, 3 in 10, resultant 30. Quod ipsum patet etiam manifestè ex ipsa figura ABCD, si latera AB, & CD censcantur esse divisa in decem æquales partes, & latera AC, & BD in tres: ductis enim per singula divisionum puncta lineis rectis ad puncta directè opposita, resultant 30 quadratula, ut apparet, quorum quodlibet si longum ac latum est pedem unum, erit quodlibet pes quadratus.

Iterum, porta A EFD, longa pedes septem, & lata pedes quatuor, continet pedes quadratos 28, ut eadem Geometria docet, & patet ad oculum ex ipsa met figura A EFD, posito quòd latera AF, & ED sint quatuor pedum, & latera AE, & FD septem pedum. Igitur si ex tabula ABCD 30 pedum quadratorum fiat porta A EFD 28 pedum quadratorum deberent remanere ac refecari solùm duo pedes quadrati: sed per prædictam praxin Serlii remanent tres pedes quadrati, nempe duo triangula CCF, & EBB, quæ simul juncta efficiunt tres pedes quadratos: nam majora latera CF, & EB sunt trium pedum, & minora latera FC, & EB sunt unius pedis, ut Serlius supponit, & sequitur manifestè ex praxi si latera AF, ED sunt quatuor pedum. Si igitur jungantur hæc duo triangula eo modo, quo in Fig. V. apparet, & à punctis divisionum ducantur lineæ rectæ; fiet parallelogrammum trium pedum quadratorum, ut docent Geometræ, & ostendit apertè præfens Figura V.

Accipe igitur, quisquis aurum sitis, & argentum, laminam auream vel argenteam ABCD, parallelogrammam re-ctangulam, longam pedes decem, latam tres, ut ostendit Figura III; divide eam diagonaliter secundùm rectam CB; re-

Hoc supposito, ita discuro circa Serlii Problema. Tabula ABCD, ut supponimus, est parallelogramma & re-ctangula; ergo quadrilaterum AF in Fig. IV. est parallelo-grammum, per 33. pri. Euclid. & angulus CFC rectus, per 29. pri: Tum sic. Duo triangula, CDB, majus, & CFC mi-nus, æquiangula sunt: nam angulus F est æqualis angulo D, cum uterque sit rectus; angulus DCB est communis utri-que triangulo, & reliqui duo sunt etiam æquales, per 32. pri: Euclid. Ergo quam proportionem habet latus CD ad latus DB, eandem proportionem habet latus CF ad latus FC. Si ergo fiat, ut CD ad DB, ita CF ad aliud, hoc est, si per Regu-lam auream dicatur, CD 10, dat DB 3, quid dat CF? inveni-entur factâ operatione pro latere FC minore $\frac{2}{10}$, hoc est, latus minus FC non continebit unum pedem integrum, sed so-lum novem decimas unius pedis divisi in decem particu-las. Et eadem est ratio de latere minore EB trianguli par-vi DEB.

Falsum igitur est, quod latera AF, & ED sint quatuor pedum, & quod porta AEDF sit lata quatuor pedes; cum sit solum trium pedum & novem decimarum unius pedis. Fal-sum præterea est, quod duo triangula CFC, & BEB, simul unita, ut in Fig. V. contineant tres pedes quadratos; cum con-tineant solum viginti septem decimas, hoc est, duos pedes & septem decimas. Falsum denique est, quod ex tabula aut lamina argentea triginta pedum quadratorum fieri possit porta aut lamina argentea viginti pedum quadratorum; cum porta prædicto modo constructa contineat solum viginti sep-tem pedes quadratos, & tres decimas. Corruit ergo totum Problema Serlii; cui tamen condonandum est, cum non fue-rit Mathematicus, nec sciverit methodum Mathematicæ demonstrationis, sed Architectus practicus, & nudâ praxi contentus.

Colligitur ex his, quanta sit Mathematicæ, & præsertim Geometriæ nobilitas, quæ aliorum vel errores, vel imposturas tam facîle tamque evidenter producit in lucem.

SYNTAGMA QUARTUM.

*De Arca Noë dimensione, ejusque Symmetria,
& capacitate.*

*Arca Noë
dimensio
difficilis.*

ARcam Noëmicam, totius universi typum, redemptionis humanæ exemplar, animale Mundi cataclysmo pereuntis seminarium, jussu DEI, Architecto Noëmo sapientissimo & Θεοδιδάκτω constructam, à Moyse Propheta & Historico sanctissimo litteris proditam, innumerisque Auctorum quæ factorum, quæ profanorum scriptis illustratam, geometricis rationibus dimetiri ac demonstrare aggredimur; ut hujusmodi divini operis forma, capacitas, ac symmetria, unà cum mansuuculis animalium habitationi destinatis, ex dubia atque incerta, quæ eam non pauci deformant scriptores, elucidatione, geometricâ nostrâ apodixi in liberiolem, veriolem, certiolemque assurgat formam. Quod quidem dum facimus, fateri vel in viti cogimur, rebus ipsis insignem quandam obscuritatem inesse; quæ dum ex reconditis geometricè mensurandi rationibus provenit, viris etiam doctissimis non parum negotii faceffit; hæreticis & impiis eò usque caliginem offundit, ut in opere tanto, præter angustias quas accusant, nil videant. Hinc impius ille cænosi dogmatis assertor Marcion arcam vix quatuor elephantorum capacem statuit. Valentinus quoque eam supra omnes Deucalionis fabulas fannis sibilisque puerorum exponebat: & plerique è Gnosticorum impia secta ad sacrarum litterarum inviolabilem auctoritatem convellendam, perpetuis eam injuriis & cavillationibus, caninâ quadam ra-

bie,

bie, impetebant. Horum dogmata jam dudum proscrip̄ta, moderni quidam è Schola satanica prodeuntes Athei, ab inferis revocantes, dum mirificæ fabricæ constitutionem capere nequeunt, eam in impietatis suæ patrociniū passim assument. Quorum intolerabilem mentis vesaniam non defuere quidem qui refellerent ex orthodoxis; sed dum ij laxitate nimia fabricam extendunt, non jam id quod sacris litteris, sed quod ipsorum capacitati conformius est, adducere, atque adeo non persuadere, sed rem omnino cogere videntur. Nos igitur quid de eadem capacitate sentiamus, hîc aperiemus, & firmissimis geometricis rationibus stabiliemus, quoniam id à Magia Geometrica haud alienum esse judicamus.

*S. I. Sacra scriptura verba afferuntur, & Arca
forma explicatur.*

VT verò in retanti momenti sincerius, fideliusque procedamus, verbis ipsis orè DEI per Moysen, *Genesis cap. 6. v. versu 14.* prolatis, probè, sincerè, & illibatè insistentes, rem ipsam ordiamur. Verba igitur, quibus supremus operis opifex DEUS Architecto suo Noëmo arcæ fabricam fieri mandat, hæc sunt. *Fac tibi arcam de lignis levigatis. Mansiunculas in arca facies, & bitumine linies intrinsecus. Et sic eam facies. Trecentorum cubitorum erit longitudo arca, quingentorum cubitorum latitudo, & triginta cubitorum altitudo illius. Fenestram in arca facies, & in cubito consummabis summitatem ejus: ostium autem arca pones ex latere: deorsum canacula, & tris tega facies in ea.* Ita interpretatio vulgata, ab Ecclesiæ universalī recepta. Septuaginta Interpretes sic habent. *Ποίησον ἐν σεαυτῷ, κιβωτὸν ἐκ ξύλων τετραγώνων νοσοσίας ποιήσῃς κατὰ τὴν κιβωτὸν καὶ ἀσφαλτώσεις αὐτὴν ἐσωθεν καὶ ἔξωθεν τῇ ἀσφάλτῳ. Καὶ ἔτι ποιήσεις τὴν κιβωτὸν. Τετρακοσίῳ πηχέων τὸ μήκος τῆς κιβωτῆς, καὶ πενήκοντα πηχέων τὸ πλάτος, καὶ τετρακόντα πηχέων τὸ ὕψος αὐτῆς. Ἐπισυναγωγήν ποιήσεις τὴν κιβωτὸν, καὶ εἰς πᾶσιν συναπλέσεις αὐτὴν ἄνωθεν. Τὴν δὲ ἴσθρον τῆς κιβωτῆς ποιήσεις ἐκ πλαγίων. Κατώρυγα, διώρυφα, καὶ τελώρυφα ποιήσεις αὐτὴν.*

Arca descriptio ex Scriptura sacra.

*Arcam Noë
fuit instar
cistæ.*

Haëtenus verba scripturæ sacræ, Ex quibus primùm omnium patet, Arcam alterâ parte longiorem DEUM præcepisse fieri, non Navim falcata carinâ spectabilem, puppique ac prôrâ instructam. Arcam autem illam cistæ instar fabricatam fuisse (cum tecto tamen modicè fastigiato ad imbres deducendos, ut postea dicemus) colligitur clarissimè ex diversis versionibus: in Græca enim versione, ut vidimus, est *κιβωτός*, in Hebraica, *theva*; in Chaldaica paraphrasi, *thebuta*; in Syriaca, *Kabutho*; in Samaritana, *Theba*; in Coptica, *ta Kuphotos*; in Armenica, *marat*; in Æthiopica, *taft*. Quæ quidem verba omnia nihil aliud significant, quàm reconditorium quoddam, cistam, seu arcam, ut periti harum linguarum asserunt, & mihi Romæ affirmavit omnium dictarum linguarum ad miraculum usquè peritissimus P. Athanasius Kircherus. Ideo autem arcæ seu cistæ formam potius quàm navis, eam habere voluit DEUS, quia illius, non hujus usum habere debebat: nimirum quia arcere debebat aquas inferiores & superiores è cælo per quadraginta continuos dies incredibili copiâ & impetu præcipitatas; idcirco eam omni ex parte clausam & benè munitam esse necesse fuit: & quia tot tantorumque animalium, & commeatus ad annum integrum iisdem sussecturi capax esse debebat, propterea oportuit eam esse usquequaque latam ab imo usque ad summum. Non igitur pyramidalis erat formæ, omnibus quatuor à basi ad summitatem ejus paulatim coëuntibus lateribus, donec ad extremum non plus uno cubito distarent inter se, ut Origenes vult, & cum ipso Beda, Rupertus, & Abulensis apud Pererium & Torniellum: quia non tantùm ad natandum fuisset inepta, uti ex hydrostatiea patet, sed ob laterum convergentiam minùs elegans, commoda, & capax, uti per se patet. Nec item trigoni prismatis figuram habuit, longioribus tantummodò lateribus paulatim à basi coëuntibus, donec uno tantùm cubito inter se distarent, ut Cajetanus vult apud eundem Torniellum, quia hæc forma easdem patitur difficultates quas prior. Nec aliquò usque tantùm latera perpendiculariter

riter supra basim assurrexerunt, v. g. ad cubitos quindecim, uti Hugo de S. Victore vult, tecto reliquam altitudinem supple-
te; quia hoc non congruit cum Scripturæ sacræ verbis, quæ,
uti pars maxima Interpretum explicat, insinuat tectum fuisse
altum uno tantum cubito, dum ait: *Fenestram in arca facies, &*
in cubito consummabis summitatem ejus. Licet enim in latino tex-
tu dubium sit, quò referatur illud, *ejus*, ad arcamnè, an ad fene-
stram; neque lis ex Hebræo decidi queat, cum in eo relati-
vum *ejus* non habeatur; in Græco tamen Septuaginta, *ejus*,
non potest ad aliud referri quàm ad arcam, cum de fenestra
non fiat ibi ulla mentio. Accedit quòd fenestra unius cubiti vi-
deatur nimis parva, & quòd nullo alio loco tecti mentio fiat, &
tamen magis intererat Noëmo scire formam & altitudinem
tecti, quàm altitudinem & magnitudinem fenestræ. Præterea
etiamsi mentio fiat ostii ponendi in arca, tamen nulla sit men-
tio magnitudinis illius: mirum ergo non est, si nec fenestræ
magnitudo exprimatur, etiamsi de fenestra mentio fiat in vul-
gata & aliis editionibus.

Forma igitur arcæ erat, quam præsens Figura repræsen-
tat, in qua AB est longitudo 300 cubitorum, AC latitudo 50
cubitorum, & AD altitudo 30 cubitorum; & tam latus ADB
longitudinis cum opposito latere, quàm latus ABC latitudinis
cum sibi opposito, insistit basi CAB ad angulos rectos; quibus
impositum est tectum DEF modicè arcuatum, quippe ejus
angulus EF, ubi binæ tecti partes DEF, & GEF coeunt, obtu-
sissimus est, & altitudo non major cubitali. Sufficiens tamen
erat ea declivitas, ut aquæ pluviales defluerent, quoniam læ-
vigatum erat tectum, & insuper bitumine illitum, & ut in Hy-
drotechnica Magia probavimus, minor etiam declivitas suffi-
cit ad aquæ fluxum per canales & alveos. Nulla igitur in te-
cto cubitalis latitudo relinquitur in hac nostra sententia,
quam tamen aliæ omnes prædictæ admittunt. Hanc for-
mam agnoscit D. Augustinus lib. 15. de Civit. DEI cap. 27. ubi
ait, *fabricatam esse arcam Noë non curvis, sed rectis lineis*

Arca Noë-
tica forma.

Vide Fig.
VII. Ico-
nismi
XX.

longè lateq; porrectam. In eadem sententia est *Salianus*, *Torniel-*
lus, & alii *Annalium Mundi* Scriptores passim Anno Mundi
 1656: item *Cornelius*, *Pererius*, *Bonfrerius*, & alii plerique Inter-
 pretes capituli 6. *Genesis*. Consentit *Joannes Butco* in Libello de
 dimensione *Arce Noë*, & alii multi.

S. II. De interiore Arce constitutione, seu de divi-
sione ejus in contignationes, & man-
sionculas.

Arca Noë
constitutio
interior.

EX supra relatis scripturæ sacre verbis constat, arcam inte-
 rius divisam fuisse in varias contignationes, quas deorsum,
 cænacula, & tristega appellat; & in mansionculas, seu cellas,
 quas nidos Septuaginta Interpretes nuncupant. Quæ autem
 fuerit dictarum partium constitutio, & numerus, varii variè
 explicant. Ego quid alii sentiant, breviter prius referam, de in-
 de meam exponam opinionem, eamque ex ipsa scriptura sta-
 bilire conabor.

Ex aliorum
sententia:

Primò igitur aliqui dividunt totam arcam secundum al-
 titudinem, hoc est, à fundo seu basi usque ad tectum, in tria in-
 terstitia seu intervalla diversis tabularis inter se distincta, &
 secundum longitudinem ac latitudinem arcæ ipsi & inter se
 æqualia, secundum altitudinem verò diversa. Hæc appellant
 alii tabulata, alii contignationes, cameras, camerata, cænacu-
 la. Fundantur in verbis scripturæ supra citatis, ubi habetur,
deorsum, cænacula, & tristega facies in ea: pro quibus in Hebræo
 est, *infima, Secunda, & tertia facies eam;* quasi dicat, divides eam
 in infimam, secundam & tertiam habitationem & contabu-
 lationem: cui consentit Chaldaica paraphrasis, quæ habet,
mansiones inferiores, secundas, & tertia facies in ea. Septuaginta
 habent, ut supra vidimus, *κατώτερα, δώροφα καὶ τριώροφα. inferiora,*
bicamerata, & tricamerata. Symmachus pro *δώροφα, καὶ τριώροφα,*
 habet, *δίσετρα καὶ τρισετρα,* quasi dicat, habitationem secundo re-

est opertam, & habitationem tertio tectò coopertam; sive quod idem est, habitationem secundæ contabulationis, & alteram tertiæ, præter inferiorem contignationem. Infimam igitur harum trium habitationum ajunt in vulgata editione appellari *deorsum*, alteram seu mediam *canacula*, tertiam seu supremam *tristega*. In hac sententia est etiam *S. August.* libro *Questionum in Gnesim* quæst. 6: & lib. 15, de *Civit. Dei* cap. ultimo.

Secundò alii in quatuor eam dividunt principales contignationes, ejusdem cum arca longitudinis ac latitudinis, sed diversæ altitudinis. Ita *Philotudæus* sub finem lib. 2. de vita *Moylis*, & *Iosephus* lib. 1. *Antiquit.*

Tertiò alii in quinque partes eam distribuunt, & variis usibus destinant. Ita *Origenes* Homil. 2. super caput 6. *Genes.* Fundatur in verbis Septuaginta Interpretum, *inferiora, bicamerata, & tricamerata*. Existimat enim, circa inferiora arcæ constituta fuisse duas maximas contignationes, & earum infimam subdivisam fuisse in bicamerata, id est, in duo receptacula; superiorem verò in tricamerata, id est, in tria receptacula; infra verò omnia ad fundum arcæ constituit aliud receptaculum, sordibus & excrementis destinatum velut sentinam; In eadem sententia est Auctor *Historiæ Scholasticæ*, *Lyranus*, *Tostatus*, *Dionysius Carthusianus*, alique recentiorum non pauci, teste *Pererio*.

Quartò alii plerique *Historici Ecclesiastici* & *Interpretes*, ut *Salianus*, *Tornicellus*, *Pererius*, *Cornelius*, *Bonfrerius*, multique alii, cum *Ioanne Buteone*, constituunt tres præcipuas partes seu cōtignationes majores in arca, totam ejus longitudinem, latitudinem, & altitudinem occupantes, quibus subiiciunt quartam minùs principalem pro sentina: In singularem tamen partium istarum altitudine, & usu, non conveniunt inter se.

Ex nostris
sententia.

Ego existimo, rationabiliter dici posse, totius arcæ altitudinem intus fuisse quidem quadruplici contignatione distinctam, & in quatuor majores ac principales partes, totam latitudinem ac longitudinem occupantes, divisam, solam tamen infimam & fundo proximam mansisse indivisam, reliquas verò tres occupasse quidem totam longitudinem ac latitudinem, sed tam ab utroque longitudinis ac latitudinis latere, quam in intermediis partibus, fuisse variis viis seu ambulacris discretas, & in varias mansiunculas seu receptacula divisas, ad quæ per vias prædictas aditus pateret. Et harum trium partium, velut principalium, meminit scriptura, easque vocat *deorsum* seu *inferiora*, *canacula*, & *tristega*; & quidem plurali numero, quoniam in varias mansiunculas seu receptacula, ut dicebam erant divisæ; quartæ verò & infimæ partis, utpote in mansiunculas non distinctæ, ne hominum aut animalium usui destinata, nullam facit scriptura mentionem. Easdem tres partes principales appellat textus Hebræus *infima*, *secunda*, & *tertia*; Septuaginta Interpretes *inferiora distega*, & *tristega*; Chaldaica Paraphrasis *mansiones inferiores secundas*, & *tercias*.

Sentina
arca.

Harum quatuor arcæ partium infimam & fundo immediatam, quatuor circiter cubitis altam facio, & sentinæ deputo, ad animalium excrementa, sordesque excipiendas: nisi forte etiam aliquid saburræ, puta arenæ aut lapidum, ut in magnis navibus fieri solet, ad unius cubiti altitudinem supra fundum haberet, ad majorem arcæ in aquis firmitatem.

Prima contignatio
arca.

Supra sentinam constituo primam contignationem, decem circiter cubitis altam, pluribusque interstitiis in varias mansiunculas divisam, ad quadrupedia diversi generis separatim continenda, cum suis viis & ambulacris, per quæ ad singulas mansiunculas commodè iri ab animalibus ingredientibus, & egredientibus, & ab ipsis hominibus circumventibus posset. Habebant fortassis (ut rectè arbitratur Torriellus, & ratio ipsa suadet) singulæ mansiunculæ parvulas quasdam in pavimento fenestellas cum suis operculis, quæ faciliè attolli possent,

sent, quotiescunque sordes in sentinam proiicere oporteret. Erant præterea fortassis in singulis mansiunculis foruli directè super præsepia à media contignatione descendentes, veluti longiores quædam capsulæ seu canales, alii ampliores, per quos palea, fœnum, & alia jumentorum cibaria demittebantur; alii angustiiores, unde aqua ad potandum in vasis ad hoc paratis de eadem media contignatione statim temporibus derivabantur. Et insuper quædam spiracula veluti camini quidã, qui usque ad arcæ summitatem infra tectum protendebantur, ut per aperta quædam ostiola utrimque sub prominente tecti stillicidio aptè fabricata, quò à pluviis tuta, & ab aquarum fluctibus remotiora forent, fætore exhalare, & inclusus aër transpirare quoquo modo posset, nè sordium pædore infectus, animalia etiam ipsa inficeret, & per totam reliquam arcam interiorem diffunderetur.

In hac prima contignatione erat ostium, de quo Scriptura, ex latere uno longiori, immediatè supra sentinam, ita ut in primæ contignationis pavimento limen haberet, à quo ad terram usque pons quidam sublicius demittebatur, qui ingressum in arcam præbebat. Debuit autem ostium illud esse satis amplum & altum, ut per ipsum commodè possent animalia etiam majora, ut sunt elephantes, cameli, & alia id genus, ingredi. Scalas quoque tam in hac prima, quam in secunda sequenti contignatione fuisse dispositas, per quas homines ad superiora ascendere, indeque ad inferiora descendere, & comeatum pro se & animalibus transportare valerent, nemo dubitare debet. Præter pontem sublicium, qui tolli & intra arcam trahi poterat ac debebat, januam aut valvas habebat ostium, quibus claudi, & ab aquæ inundantis ingressu communiri ac defendi poterat: credibile enim est, arcam diluvii tempore fuisse in aliquot cubitorum altitudinem aquis immersam; quæ nè per ostii etiam clausi rimas ingrederentur, Dominus DEUS à foris insuper clausit ostium.

Supra prædictam primam arcæ contignationem constituo secundam, in varias item mansiunculas distributam, cum suis

*Ostium
arca.*

*Secunda
contignatio
arca.*

suis viis & ambulacris, quas mansiunculas merito, Scriptura appellat cœnacula, quoniam sic apud antiquos vocabantur superiores domuum partes, sive cœnæ sumendæ; sive aliis etiam usibus destinatæ forent. Contignatio hæc alta erat octo circiter cubitis, & in cœnaculis seu apothecis ejus velut in horreis & fœnilibus reposita erat annona pro animalibus, ut hordeum, avena, aliaque frugum genera, quæ jumentis ac volucris dari solent, unà cum pœlis & fœno, & unà cum diversis leguminibus & fructibus, cæteroque commeatu necessario pro hominibus; ac fortassis etiam loca erant magnis aquæ dulcis valis referta.

Duæ hæc tenus explicatas contignationes nullam fenestram habuisse credibile est; tum quia scriptura non nisi unius fenestræ meminit; tum quia nullo indigebant lumine externo. Nam homines ad secundæ contignationis penultima descendentes uti poterant lucernis, animalia verò bruta non nihil in tenebris vident, & naturaliter quodammodo tenebris delectantur, & in iisdem quietius vivunt, ac facilius gubernantur.

*Tertia con-
tignatio
arca.*

*Fenestra
arca.*

Tertia ac suprema contignatio, ad tectum usque arcæ protensa ad latitudinem octo cubitorum, in suas etiam mansiunculas, hominum & volucrum habitationi destinatas divisa erat, uti melius infra explicabitur. In media mansiuncularum, quæ hominum usui deputata erat, fenestra conspiciebatur grandis ad arcæ latus, quæ interdum aperiri & claudi, noctu & in tempestate valvis ligneis muniri, ac ferreis pessulis firmiter oblerari poterat.

Probabile demum videtur, utrimque ad arcæ tecti stillicidium æreos aut ligæos canales forinsecus fuisse appensos, itaque aptatos, ut quando opus esset, per alios ejusdem generis canales, de intus à quatuor arcæ angulis superioribus, vel ab ejusdem arcæ fenestræ emittendos derivari possent in arcam aquæ pluviales, pro vasis aquaticis denuo replendis ad quotidianos animalium hominumque usus. Hac ratione, vel aliâ haud multum ab-

ab simili, arcam intus ac foris fuisse constitutam, satis rationabiliter con-
jicere possumus. Typum eundem habes in apposita
Figura.

*S. III. Statuitur magnitudo cubiti, ad
cuius mensuram arca fuit
constructa.*

Hæc de arcæ extrema atque interna constitutione præmis-
sis, ordo postulare ut capacitatem ejus investigarem, quæ
unica est totius hujus disputationis causa. Verum quoniam
tota de magnitudine & capacitate arcæ demonstratio pendet à
cubiti mensura, quo Noë DEI mandato in ejus structura &
Symmetria usus est, prius statuendum necessarium est, quantus il-
le fuerit.

Cubitus, vel cubitum, mensura est ab humano corpore, u-
ti pleræque aliæ (nempe digitus, palmus, pes, passus) desumpta; Cubitus e-
iusq; magni-
tudo.
significatque intervallum ab articulo medio brachij, seu à flexu
ejus, ad extremum usque medium digitum, sesquipedale, id est,
uno pede ac dimidio constans. Nullum autem dubium est,
fuisse antiquitus, præsertim ante diluvium, majus hoc cubitale
intervallum, quoniam majora tunc erant humana corpora.
Quantum verò nunc deereverit, non constat. Apud Hebræos
duplex traditur fuisse genus cubiti, alterum vulgare & usitatum,
longitudine sesquipedum, de quo jam dictum; alterum quod a-
pud *Ezechielem Prophetam* cap. 43. appellatur verissimum & per-
fectum cubitum, vulgari majus uno palmo, seu quatuor digitis,
ob idque palmicubitum ab aliquibus nominatum. Alterius me-
minit *Herodotus* lib. 1. & Regium vocat, eratque communi & u-
sitato majus tribus digitis. In *Deuteronomio* quoque cap. 3. men-
tio fit cubiti virilis, seu virilis manus, scilicet justæ ætatis & staturæ, non pue-
ri, aut homunculi; vel fortasse quale erat ipsius Og Regis Basan.

de quo ibi est sermo. *Villalpandus* introducit aliud cubiti genus apud Hebræos usitati, quod sacrum appellat, quoniam ad mensuram templi Salomonis, Tabernaculi Moysis, aliarumq; rerum sacrarum adhibebatur, ut ipse putat, majusq; erat dimidio & dimidii dimidio quàm vulgare; siquidem vulgare continet viginti quatuor digitos, sacrum quadraginta duos; illud sex palmos, hoc decem palmos eum dimidio; illud se' quipedem, hoc duos pedes & dimidium, atq; insuper octavam partē pedis, illud deniq; duos palmos Romanos, hoc tres eum dimidio ferè. *Origenes* alium cubitum agnoscere videtur, quem Geometricum appellat, & sex vulgares cubitos, seu novem pedes continere asserit. *P. Athanasius Kircherus* in Dictionario seu Nomenclatore Copto, & in *Oedipo Ægyptiaco* to. 2. classe 8. Prælusione 1. ex *Abutteda* Arabe docet, apud Ægyptios varium fuisse cubitum, videlicet unum digitorum 24, alium digitorum 32, alium deniq; stature hominis æqualem. Primus idem est cum vulgari cubito, & à Rabinis, teste *Kirchero* loc. cit. vocatur legalis.

His obiter prælibatis, tantam invenio opinionum varietatem apud Auctores de cubiti magnitudine, quo Noë mandato Dei usus fuisse creditur, in arcæ fabrica, ut vix sit qui cum altero consentiat. Quidam enim perfectum *Ezechielis* amplectuntur, alii sacrum *villalpandi*, alii etiam sex cubitalem *Origenis*, pauci vulgarem, præsertim ex antiquis. Ideo autem majorem potius quàm vulgarem eligunt, quia timent nè si hunc admittant, nimis angusta evadat arca, & tot animalium, aliarumq; rerum incapax. Mihi certum videtur in primis, Noëmo non alium à DEO præscriptum cubitum, nec alium ab ipso adhibitum, quàm qui tunc in usu erat. Deinde omninò probabile est, non fuisse tunc in usu cubitum illum perfectum *Ezechielis*, nec sacrum *villalpandi*, nec sex cubitalem *Origenis*, nec alium quempiam ex enarratis, quoniam hi vel ficti sunt, vel longè post diluvium excogitati. Tertio, probabilissimum etiam videtur, solum vulgarem tunc in usu fuisse, desumptum ex corpore humano, tamen si major fuerit quàm nunc, quia majora erant humana corpora, & consequenter pedes quoq; majores erant. Sesquipedali igitur cubito usus fuit

Noë,

Cubito quo
fueris usus
Noë,

Noë, & de sesquipedali, adeoq; de vulgari loquitur Moyses in historia fabricæ arcæ. In eadē sententia est Salianus, Tornicellus, Cornelius, Bonfrerius, Pererius, aliiq; multi Scripturæ Interpretes recentiores, ac etiam Ioannes Buteo in libello de Area Noë, & P. Athanasius Kircherus in Demonstratione publica quam de dimensione arcæ Noëmiæ habuit in Collegio Romano, dum Mathematicam ibidem profiteretur. Hæc tamen differentia est inter meam & aliorum proximè citatorum Auctorum sententiã, quòd illi de cubito loquantur qui nunc in usu est, aut tempore Moysis in usu erat, ego autē de cubito qui Noëmi tēpore erat usitatus; qui quidem, ut dixi, longè major erat quàm nunc; ac proinde majorem fuisse necesse est arcam quàm ab his Authoribus constituat. In idem tamen recidere videtur negotiū: nam sicut majores tūc erant homines, ita & animalia omnia; quare quot tunc cubitorum illorū capacitas pro uno v.g. elephante sufficiebat, rotidem nunc cubitorum nostrorum capacitas seu spatium pro eodem sufficit. Quare si tot animalia, & comæatum pro ijs sufficientem, nunc in arca ad nostrorum cubitorum mensuram fabricatam constituamus, quot tunc fuere in arca ad cubitorū antiquorum mensuram fabricata, sufficienter aræ capacitatem explicabimus respectu animalium & rerum aliarum quæ in illa erant; de qua tamen capacitate dubitant, qui majores cubitos vulgaribus fingunt.

S. IV. Explicatur ac demonstratur arca capacitas generatim & ostenditur sufficiens ad capienda ea, quæ illi inerant.

VT aræ perfectam & integram mensuram in cubitis habeamus geometrico ratiocinio, ejusque capacitatem certò intelligamus, triplici cubito vulgari uti debemus; simplici, quadrato, cubico. Simplex seu linearis cubitus est linea uno cubito seu sesquipedale longa, qualem fingamus lineam E F. Quadratus seu planus cubitus est superficies longa & lata undequaque uno cubito simplici, leonis. Arca Noë capacitas demonstratur.

I h h h h 2 qua-XX.

qualem fingamus esse | D. Cubicus denique seu solidus cubitus est corpus longum, latum, & altum seu profundum uno cubito simplici, qualem ponamus esse M. Cubito simplici metimur longitudinem, latitudinem, & profunditatē seu altitudinem arcæ; quadrato cubito ejus superficiem, & maximè basim seu fundum; solido denique ejusdem soliditatem seu capacitatem & spatium inane inter extrema Latera contentum. His positis.

Arce longitudo, ubi suprâ ex Scriptura sacra diximus, est cubitorum simplicium 300, latitudo cubitorum 50, altitudo 30, ut habeamus totam arcæ superficiem pavimenti in cubitis quadratis, duci debet, juxta præscriptum Geometriæ practicæ, longitudo ejus in latitudinem, hoc est, 300 in 50; & summa producta dabit quæsitos cubitos quadratos. ut habeamus totius arcæ capacitatem in cubitis cubicis seu solidis, hoc est, ut sciamus quot cubitorum solidorum, æqualium corpori M, sit capax tota arcæ, duci debet superficies pavimenti jam inventa in altitudinem, & addi capacitas inter supremum arcæ tabularum ac tectum; & summa producta dabit capacitatem desideratam.

Vide Fig. Sit igitur, in Figura apposita, AB longitudo arcæ 300 eu-
vii. Iconis bitorum simplicium, AC latitudo 50 cubitorum, HI numeri du-
XX. ctum se invicem, producunt 15000; dico, tot quadratos cubitos,

cujusmodi D unus esse fingitur, totius arcæ pavimentum constituisse. Ducatur iterum in hanc superficiem seu arcam 15000 cubitorum, altitudo arcæ AD, vel CG, 30 cubitorum; & prodibunt 450000 cubiti solidi seu cubici, cujusmodi Munus esse fingitur; quam dico esse arcæ soliditatem seu capacitatem usq; ad supremam contignationem DQ infra tectum. Cum jam summitas seu altitudo recti in cubito mandetur consummari; duc arcam seu superficiem GDQ supremi tabulari infra tectum, quæ similiter

Vide Fig. est 15000 cubitorum quadratorum, in unum pedem, nempe in
ix. Iconis altitudinem recti, produceturque parallelepipedum *abcd* 15000
XX. cubitorum solidorum; quod parallelepipedum si dimidiet, dabit dimidium, *ced* 7500 cubitos solidos pro capacitare recti

GEDQ;

GEDQ; qui adjuncti cubitis 450000 antea inventis, dabunt 457500 cubitos solidos, totius arcæ capacitatem. Sed quoniam hujusmodi capacitas occupatur aliquibus impedimentis, ut sunt tabulatorum crassitudo, & assamenta distinguentia unam contignationem ab alia; compensabimus ista, tecti capacitatem 7500 cubitorum solidorum à tota capacitate arcæ inventa deducendo. Restat igitur capacitas seu vacuum in arca 450000 cubitorum cubicorum præcisè; quam magnitudinem ad animalia DEI mandato introducta, unà cum octo hominibus, & rebus omnibus necessariis servanda abundè sufficere asserimus, ac demonstramus.

Totam arcam interiùs divisimus suprâ satis rationabiliter juxta sacrum textum, in tres contignationes seu partes principales, KN, MP, OQ; quarum infimam KN posuimus altam 10 cubitos, mediam MP 8 cubitos, & supremam OQ similiter 3 cubitos; reliquimusque ex 30 cubitis altitudinis arcæ, cubitos 4. pro sentina AL ad fordes excipiendas amplissima. Iam in infima parte KN colloco quadrupedia, in media MP annonam, in suprema verò OQ volucres, & homines, ut suprâ etiam insinuavi. Reptilia verò, uti & pleraque ex putri materia enascentia, etsi juxta multorum opinionem ab arca secludantur, ego tamen, ut liberahor sim, & nè ex loci inopia videar dicta animalia exclusisse, omnia in arcam recipio, & cum immunda ac humida loca ament, terrâque ac pinguibus & limosis defluxibus nutriantur, sub tabulato intra infimæ contignationis pavementum & sentinam commodissimè colloco; hoc enim spatium non 30 tantum reptilium speciebus (quot videlicet naturalium rerum scriptores numerant) sed & 15000 capiendis sufficit, cum hujusmodi animalia ex natura sua loci arcti & angusti amantia, foraminibus fissurisque terræ, aliisque cavitatibus facillè contineantur: horum enim proprium est, ubi latitudo loci deest, in longum se angusto in foramine extendere; ubi verò & longitudo ac latitudo deest, in spiras se convoluerit; & exiguo loco contineri.

Quadrupedia itaque in ima contignatione RN, & Reptilia in-

*Arca diviso
in varios
sus.*

fra ejus tabulatum RL colloco, ut dicebam; in media MP anonam; in suprema OQ volucres, & Homines. Iam sic.

S. V. Capacitas contignationis infima explicatur ac demonstratur.

Infima contignationis capacitas.

PAvimentum partis inferioris KN habet in longitudine cubitos 300, in latitudine cubitos 50. Area igitur seu superficies hujus pavimenti est, juxta superiorem computum, 15000 cubitorum quadratorum. Quoniam verò à toto hoc spatio 15000 cubitorum quadratorum tolli debent ambulacra & viæ quas ante mansuunculas seu receptacula hujus contignationis reliquimus, uti & interstitia quibus à se invicem mansuunculæ secernuntur; si pro hisce viis & interstitiis adsignemus 3000 cubitorum quadratorum (quod abundantissimè satis est) remanebunt pro solo stabulorum vacuo 12000 cubitorum. Hoc spatium 12000 cubitorum quadratorum si dividamus in stabula, quorum quodvis contineat 6 cubitos quadratos (seu novem quadratos pedes) ita nimirum, ut longitudo cujuslibet stabuli sit 3 cubitorum simplicium, latitudo verò 2 cubitorum; habebimus hujusmodi stabula 2000, quorum quodlibet longum est cubitos tres, seu pedes $4\frac{1}{2}$, latum cubitos duos, seu pedes 3, & altum cubitos ferè decem, seu pedes 15. Quia tamen hæc stabulorum intercapedo pro animalibus aliquibus grandioribus, cujusmodi sunt maximè elephantes, rhinocerotes, cameli, & alia pauca similia, videri possit nimis angusta, maximè quoad longitudinem; concedamus ijs spatium duplo, aut etiam triplo majus, hoc est, 18 cubitos quadratos, nimirum sex in longitudine, seu pedes 9, & tres in latitudine, seu pedes $4\frac{1}{2}$. Sic autem pauciora quidem erunt stabula quàm antea, tot tamen (nimirum 666) ut longè pluribus sufficiant animalibus quàm de facto in arcam introductis, quæ fuerunt bina ex immundis, & septena ex mundis in qualibet specie. Nam quadrupedum vix 30 species à rerum naturalium scriptoribus recensentur: horum mediam partem, nempe 65, ponamus esse animalium mundo.

dorum, ut sunt bisulca, & ruminantia; alteram mediam partem ponamus esse animalium immundorum, qualia sunt solifida, & quæ unguibus Natura instruxit. Iam si 65 multiplicentur per 7, producitur summa animalium mundorum 455; si iterum 65 multiplicentur per 2, producitur summa animalium immundorum 130: Hæc duæ summæ, 455, & 130, in unam collectæ dant summam omnium animalium areæ inclusorū; 585. Cùm igitur posuerimus stabula 666; singula animalia habebunt singula stabula, & remanebunt adhuc stabula 81 vacua. Ecce igitur, quomodo primū spatium KN pro Quadrupedibus adsignatum, abundè sufficiat pro omnibus in aream introductis, & multum adhuc loci remaneat, etiam si singulis animalibus, etiam parvis, ut sunt lepores, feles, & alia multò minora, attribuamus singula stabula prædictæ capacitatis. Tamen si ergo omnia etiam Reptilia intra primam contignationem admittantur, & tamen si longè plura individua, quàm 585 introducta concedamus; tamen pro omnibus sufficientissimum in prima illa contignatione inueniemus locū remanebitq; spatium etiam pro piscinis animalium amphibiorū, ut sunt hippopotami, crocodili, lutres, castores, phocæ, & similia; tamen si hæc in aream introduci necessarium non fuerit; item pro hybridibus, seu animantibus quæ ex diversarū specierū commixtione nascuntur, quæ tamen aliqui excludunt. Adde quòd longè plura sunt animalia minora, quàm majora, ideoq; sicut à maximis ad minima est proportionatū quoddam decrementū magnitudinis, ita etiā stabulorū magnitudo potuit ac debuit proportionaliter decrescere, ac proinde loca pro majoribus animalibus poterunt ampliari, & pro minoribus arctari, & multum adhuc spatii vacui remanere; intra quod oves, boves, & alia similia animalia collocari potuerunt in annonam Quadrupedum carnivororum.

Sed dicet quispiam, innumeras esse species animalium, quorum nos cognitionem non habemus, ut bos gibbosus Americanus, uerus septentrionalis, & alia similia; quæ tamen omnia debuerunt areæ inferri; nimis ergo angusta est inferior illa contignatio. Respondeo, non omnes species generis bovini, cervini, hircini, similibusq; fuisse areæ impositas, sed eas tantū, quæ essentialiter differunt. Bos autē Americanus y.g. nõ essentialiter distinguitur à bobus ordinarijs,

ac proinde speciem à bobus ordinariis diversam non censetur constituere, adeoque nec simul cum aliis bobus ordinariis fuit in arcam introductus. Septem igitur boum ordinariorum paria tantum arcae fuisse imposita verisimile est, ex quorum postea multiplicatione totus Mundus repletus diversas accidentaliter boum species, pro varia cœli ac climatis dispositione, terrarumque situ, naturâ, & conditione, hîc villosos, alibi prægrandes ac gibbosos, multis in locis corpore minutos & bucephalos, producit. Eadem de caprino, cervino; hircino, canino, leporino, ac volatilium genere intelligenda sunt.

S. VI. Capacitas contignationis suprema explicatur, ac demonstratur.

Suprema contignationis capacitas.

Vide Fig. VII. Iconis XX.

PRimâ seu infimâ Quadrupedum animalium contignatione explicatâ, eiusque capacitate demonstratâ, antequam secundâ seu mediam explicemus, tertiam ac supremam OQ conscendamus, quam hominum & volucrum habitaculum, vastitate & amplitudine mediæ & infimæ aulæ parem, diximus. Huius capacitatem geometricè examinantes, reperiemus octo hominibus, & omnium volucrum speciebus continendis ultrâ etiâ quam oportebat capacissimam fuisse. Quod ut demonstremus, dividamus illam in tres partes æquales, A, E, V; quarum media E hominibus, reliquæ verò duæ extremæ A & V volucris destinantur. Habebunt singulæ trium istarum partium in longitudine cubitos 100, in latitudine 50, in altitudine 3. Iam duâ à longitudine in latitudinem, 10 videlicet in 50, constituetur pavimentum singularum partium, 5000 cubitorum quadratorum; qui in altitudinem 3 cubitorum ducti, producunt totius parallelepipedi soliditatem 40000 cubitorum cubitorum. Iam verò ex 5000 cubitis quadratis uniuscuiusque trium

trium partium A, E, V, subducantur pro viis & infertis 300 cubiti, remanebunt 4700 cubiti quadrati pro quavis trium partiu. Horum spatiorum medium E, si in 20 cubicula seu armamentaria & officinas dividatur, provenient 235 cubiti quadrati pro singulis cubiculis; ex quibus 235 Radix quadrata extracta, videlicet cubiti 15 (& paulò plus) dabit quantitatem lateru uniuscujusq; officinae, si quadratae ponantur. Erunt igitur in parte media E cubicula 20, longa ac lata cubitis 15 & amplius, ac proinde singulorum arca continebunt pedes quadratos 225 & amplius, ac proinde singulorum arca continebunt pedes quadratos 225 & amplius; qui in altitudinem ducti, videlicet in 8, producent plus quam 1800 cubitos solidos pro unoquoq; cubiculo.

Ab his 20 cubiculis demantur 8, quatuor pro maritis, & totidem pro uxoribus; remaneant 12 receptacula pro variis usibus. Horum primum destinetur in culinam, ubi vasa & instrumenta omnis generis culinaria reponantur. Secundum destinetur in Refectorium, seu Aulam communi octo hominum conventui deputatam. Tertium in pistrinũ, ubi & mola trusatiles, fornax, similiaq; conserventur. Quartum pro comœatu frumenti & panis. Quintum pro cœleribus & leguminibus. Sextum pro fructibus & lignis omnis generis. Septimum pro armamentario omnis generis instrumentorum fabrilium & armorũ. Octavum pro provisione aquae & potus. Nonũ pro omni genere metallorũ, ferri, plumbi, cupri, auri, argenti quae fabricis, & excolendae post diluivium terrae deservire debebant. Decimũ pro re vestiaria, panno, lino, lana, funibus, pellibus &c. undecimum pro loco Archivii, in quo ossa Adami, cæterorumq; Patriarcharũ, unã cum illis quae ab ipsdem didicerant, & columnis inscripserant, asservabantur. Duodecimum pro carnibus fumatis in animalium sarcophagorum victum, aliisque rebus necessariis. Haud igitur incommodè in hoc medio arcae superioris interstitio octo homines omnibus rebus necessariis instructi habitare poterant.

Reliquae duae partes A & V, parti mediae E hactenus explicatae ac divisae, per omnia aequales, partim feris & rapacibus volucribus, cujusmodi sunt varia aquilarum, accipitrum, picorũ, fal-

conum, vulturum, corvorum, gruum, milvorum genera; partim domesticis cicuribus ac mansuetis volucris, qualia sunt cygnorum, anserum, gallorum gallinarumq; anatum, columbarum diversa genera, una cum aliis minorum volucrum differentiis, ut passerum, picarum, hirundinum, halcyonum; similibusque, destinantur. Si itaq; pavimentum uniuscujusq; partis A & V 5000 cubitorum quadratorum, in 150 spatia aviaria, seu receptacula volucrum dividamus (tot enim Aldronadus: Gesnerus, Bellonius, alijq; naturalium rerum scriptores, volucrum species in universum numerant) provenient 33 cubiti quadrati, & paulo plus, pro singulorum receptaculorum pavimenti; è quo numero Radix quadrata extracta, constituet quodlibet latus ferè 6 cubitorum simplicium; qui numerus si ducatur in altitudinem, nimirum in 8, producetur capacitas seu soliditas uniuscujusq; aviarij. Sed quia aviaria quælibet suis interstitijs & vijs ab invicem discernuntur, tribuamus singulis lateribus unicujusq; præcisè 5 cubitos; continebit area cujuslibet 25 cubitos quadratos; qui si multiplicentur per 150, provenient cubiti quadrati 3750 pro omnibus aviarijs, & remanebunt cubiti quadrati 1250 pro vijs & interstitijs; & cujuslibet aviarij capacitas seu soliditas erit 200 cubitorum solidorum.

Quòd si jam uni ex cygnis & gruibus, qui, struthio camelo excepto, omnium volucrum maximi sunt, spacium tribuamus in uno aviario 5 cubitorum quadratorum, poterunt in uno aviario habitare commodissimè quinque cygni, & quinque; in alio: cum ergo aquilæ, anseres, ardeæ, galli Indici, & similes, sint in subdupla ferè ad cygnum proportionem, poterunt in uno aviario habitare 10; gallinæ verò, anates, & similes, 15, cum sint in subtripla ferè proportionem; columbarum autem 30, quia sunt in subsextupla proportionem; etsi sic proportionaliter progrediamur ulterius, inveniemus in uno aviario ad 100. & amplius minores volucres habitare posse. Ex quibus luculenter patet, uni aulæ ex dictis duabus A & V, in 150 aviaria distributis, omnes omnino volucrum species commodissimè è includi posse, etiam si è singulis 150

Speciebus non jam septena & septena juxta mandatum Domini sed & vicena, tricena, ac centena assumantur. Porro verisimile est, in tanta locorum laxitate feras & rapaces volucres unam aulam ex duabus, cæteras verò mansuetiores veluti ab inimicis suis separatas alteram occupasse, adeo ut media inter utramq; superfluum adhuc spacium annonæ pro volucris collocandæ supeditaret.

§. VII. Capacitas media contignationis explicatur, ac demonstratur.

Pervenimus tandem ad mediam contignationem, quæ supererat, inquam annonam & commeatum pro animalibus quadrupedibus reposuimus. Mirantur multi, quomodo sufficiens commeatus pro tot ac tantis animalibus, isq; ad annum integrum, non in media illa contignatione, sed vel in tota arca contineri potuerit. Verum qui vel leviter geometricis præceptis instructus est, omnem deponet admirationem, si consideret quæ mox dicemus ac demonstrabimus de mediæ illius contignationis capacitate.

Media contignationis capacitas.

Ac primò quidem suppono, idq; ex scriptura sacra rationabiliter deduco, non omnia animalia eodem pabuli genere in arca fuisse nutrita, sed quædam carnibus, nonnulla fæno & herbis, alia fructibus, ut ficibus, castaneis, nucibus, glandibus, leguminibus, alia etiam pane & similibus cibis. Nisi miraculosè uno cibo omnia pasta dicere velimus; quod tamen divinæ scripturæ non congruere videtur, quæ sic habet: *Tolles tecum ex omnibus escis quæ mandari possunt, & comportabis apud te, & erunt tibi tam tibi quàm illis in escam.* Si ex omnibus escis illatæ sunt in arcam, ut tam animalibus quàm hominibus essent in cibum; ergo non omnia animalia uno cibo fuerunt pasta, sed unumquodq; cibo naturæ suæ consentaneo.

His suppositis, in tres classes omnem commeatum in arcam illatum distribuemus. Primæ classis sit commeatus fæni & straminis pro animalibus bisulcis, quæ omnia fæno & herba vescuntur, ut sunt boves, cameli, equi, cervi, asini, ovinum est caprinum genus. Secundæ classis sit commeatus carnis pro animalibus carnivoris, ut sunt

Commeatus qui in arca fuit.

è quadrupedibus leones, tigrides, pãtheræ, urfi, lupi, canes, feles;
 & è volucribus aquilæ, falcones, accipitres, corvi, milvi, similes-
 que. Huc pertinent etiam pisces pro amphibiis. Tertiæ classis sit
 eommeatus panis, leguminum, fructuum, seminum, pro fimiis,
 porcis, sciuris, mustelis, ac etiam pro volucribus, quorum magna
 pars dictis rebus vescitur. Ad tripartitum hoc provisionis seu an-
 nonæ genus conservandũ in media aula seu contignatione, ejus
 capacitatem indagemus, ac distribuamus. Longa est ea, ut cæte-
 ræ, cubitos 300, lata 50, alta 8; ac proinde tota ejus capacitas est
 cubitorũ solidorum 120000. Hanc si in tres dividamus partes,
 & duas tertias illarum, hoc est, 80000 cubitos deponemus pro
 fœno, paleis, & stramine; restabunt pro una tertia cubiti solidi
 40000, à quibus si subtrahamus 10000 cubitorum pro viis & in-
 terstitiis, remanebunt adhuc 30000 cubitorum solidorã; quod
 quidem spatium tantum est, ut etiam ad maximæ multitudinis
 animalium eommeatũ annum sufficere possit. Provisionem verò
 carnũ pro animalibus carnivoris ponamus fuisse 60000 libratũ
 carnis sicæ; quæ commodè in duodecimo cubiculo mediæ au-
 læ superioris contignationis reponi poterit; quod ita ostendo:
 Receptaculi illius duodecimi pavimentũ est, ut suprã vidimus,
 225 cubitorum quadratorum; qui ducti in altitudinem 8 cubi-
 torum, faciunt 1800 cubitos solidos. Iam ponamus singulos cu-
 bitos solidos seu cubicos continere 80 libras carnis, quæ ductæ in
 1800 producent 144000; atq; tot librarum carnis exsiccatæ spa-
 cium duodecimi illius cubiculi capax est. Ponamus iterum, sin-
 gulis diebus 200 libras carnis in animalia carnivora infumi; con-
 sumentur annuo spacio libræ 73000 dictæ carnis, quæ subductæ
 à libris 144000, relinquent 71000 libras, quæ in alterum annũ
 sufficere queant. Cubiculũ ergo illud duodecimum ad omnem
 carnis provisionem pro animalibus sarcophagis continendam
 plũs quàm sufficiens est.

Commodissimè igitur omnes animalium, quæ terrestrium,
 quæ volatiliũ species, unã cum eommeatu singulis in annum
 spaciũ deputato, in tripartito arcæ reconditorio hætenus ex-
 plicato locari potuerunt; quod erat demonstrandum. CO-

C O R O L L A R I A.

Colligitur ex his I. quàm non solum nempè, sed etiam imperitè Marcion nefarius hæreticus arcæ historiam à Moysè descriptam cavilleretur, dum eam, Origene teste, vix quatuor elephantes equo Troiano longè majores esse, singulisq; cubitorum 30 altitudinem, 12 cubitorum crassitiem, & 153 cubitorum longitudinem tribuit.

Colligitur II. quàm sine fundamento majores vulgaribus seu sesquipedalibus cubitis ab aliquibus fingantur, ut majorem arcæ amplitudinem nanciscantur, cum vulgares non solum sufficientè, sed etiam superabundantem præbeant capacitatem, si non tantùm linearum, ut aliqui fortassis fecerunt, verùm etiam planorum & solidorum ratio habeatur,

Colligitur III. Quàm incredibilis & prorsus monstruæ magnitudinis fuisset arcæ, si juxta mensuram cubitorum sex cubitalium seu novempedalium fuisset constructa, ut Origenes volebat (si tamen id voluit; loquitur enim valde obscurè.) Nam longitudo arcæ fuisset cubitorum vulgariùm 1800, seu pedum 2700 latitudo cubitorum 300, seu pedum 450; altitudo cubitorum 180, seu pedum 270; ac proinde tota arcæ capacitas fuisset cubitorum solidorum vulgariùm 97200000, seu pedum solidorum 328050000, quæ est magnitudo incredibilis, & parvæ urbi non inæqualis, continetque magnitudinem arcæ à nobis inventam ducenties & decies sexies.

Colligitur IV. Longitudinem arcæ habuisse proportionem sexcuplam ad latitudinem, & decuplã ad altitudinem; quæ est proportio humani corporis supinè jacentis & extensè: continet enim longitudo à summo vertice ad extremum pedum sexies latitudinem à latere ad latus, & decies profunditatem seu altitudinem à pectore ad dorsum, ut D. Augustinus etiam notavit lib. 15. de Civit. Dei cap. 6. Arias Montanus libro de sacris fabricis.

Arca proportio cum corpore humano






ANNOTATIO.

Multa alia, iucunda & ingeniosa, qua de arca & arca historia disputari solent, omitto, ut quantum fuerit arca totius pondus, utrum in arca fuerit phoenix, fauni, satyri, Hippocentauri, aves & animalia Americana, & similia multa, qua lege apud Auctores supra citatos, maxime apud Bonfrevium.

SYNTAGMA QUINTVM.

De Geometria Catoptrica.

PARTE I. hujus Operis lib. 6. 7. & 8. postquam innumeras ferè Praxes catoptricas exposuissimus, in octavi libri Epitologo de speculo Geometrico nos acturos in Magia Geometrica promissimus. Fidem ergo, antequam ad alia progrediamur, solvamus, sed paucis. Denuò igitur speculum proferimus in medium, non concavum aut connexum, non parabolicum aut hyperbolicum, alteriusvè figuræ exoticæ, sed planum, & ubivis locorum obvium; cujus ope non Archimedis aut Procli excitare incendia in animo est, nec armatis in Oceano hostium classibus flammam immittere, sed ad tuendam patriam, ad Principum delectationem, & Neogeometrarum instructionem, montium ac turrium altitudines, vallium ac puteorum profunditates, urbium et castrorum intervalla, locorum deniq; omnium distantias, Situsque camporum exactissime dimetiri; unde palàm omnibus fiat, insignes illas utilitates quas tum in humana vitæ usu, tum in re tota militari suppositare Geometriam constat, Catoptricæ non esse denegandas. Artis rudimentum in solis altitudinibus accessibilibus investigandis præbuere jam dudum multi; perfectionem artis primus, quod sciam, mundo propalavit



vit P. Athanasius Kircherus in Arte Magna Lucis & umbræ lib. 9. Par. 1. cap. 2. & post eum P. Gabriel Beatus in Collegio Romano olim Maltheseos Professor, in Problemate de Dimensionibus per speculum planum, publicæ disputationi ibidem proposito.

PROPOSITIO I. THEO- rema I.

L E M M A.

*In omnibus Speculis radii oblique incidentes refle-
ctuntur ad angulos aequales angulis
incidentia.*

DEmonstravimus hoc Parte I. hujus Operis li. 6. par. 1. Prolus. Eius funda-
mentum. 2. Proposit. 1. quem locum vide. Atque hoc est totius Geo-
metriæ Catoptricæ fundamentum, ut ex dicendis patebit.

PROPOSITIO II. PRO- blema I.

*Instrumentum Pantometrico-Catoptricum
construere.*

Duas regulas ligneas parallelepipedas AB, & EC, ita connecte Instrumenti
Pantometri-
co-catoptri-
cum. inter se, ut regula AB inserta sit normaliter regulæ EC, ac in-
tra ipsam elevari ac deprimi instar cursoris in Radio Astronomi-
co ad libitum possit, ac firmari. Vtramque divide in 100 æquales Vide Fig.
XXI. partes. Porro regula EC, baculo seu pedi FD ita inferi debet, ut pro
objectorū mensurandorū situ dirigi, & pro libitu operantis exeri
ac protahi possit. Melius itaq; fuerit, ut baculus seu pes FD globo
versatili X, cui regula EC inseratur, instructus sit, ad modum pedis
Pan-

Pantometri Kircheriani, quem P. Kircherus in Arte Magnetica breviter, & nos fusè in Pantometro nostro describimus. In puncto verò commissuræ regulæ EC & globi, ponatur speculum planum in eodem cum regula plano, habebisq; Instrumentum ad quaslibet res catoptricè mensurandas præparatum.

PROPOSITIO III. PROBLEMA II.

Altitudines accessibiles Instrumento Catoptrico metiri.

Eius usus.
Vide Fig.
II. Iconis.
XXI.

SIT mensuranda turris GH (vel domus, columna, pyramis, arbor, aut quæcunq; alia altitudo) perpendiculariter seu ad angulos rectos erecta supra horizontem. Accipe in nota quapiam mensura, v.g. in pedibus, (si scire vis quot pedum sit altitudo) distantiam quantamcunque à turri, & sit verbi gratia ab A usque ad D 50 pedum; statueque instrumentum in D. Quo facto; exere regulam EC in tantum, ut inter speculum F Instrumento superpositum in situ ad horizontem parallelo, & regulam AB, tot partes intercipientur, quot pedes inter altitudinem mensurandam & speculum paulò antè accepisti, nempe 50. Hoc etiam peracto, deprime velle eleva baculum AB intra crenam suam E in tantum, donec per apicem A, videas in speculo F, apicem G, turris GH. Dico, partes baculi AB interceptas inter A & E, (quæ sint v.g. 40) indicare altitudinem turris in pedibus à puncto G usq; ad punctum I.

Demonstratio. Quoniam enim anguli ad I & E recti sunt ex suppositione; & anguli AFE, GFI, æquales, per Proposition. I. præcedentem, utpote anguli incidentiæ & reflexionis, erunt & reliqui quoque anguli EAF, IGF æquales, per Proposition. 32. libri. 1. Euclid. Æquiangula ergo sunt duo triangula EAF, IGF,

& las

& latera circa æquales angulos proportionalia habent, per Proposit. 4. libr. 6. Euclid. Igitur, ut FE ad EA, ita FI ad IG; & permutando, per Proposit. 16. libr. 5. Euclid. ut EF ad IF, ita EA ad IG: atqui ex operatione facta, FE continet tot particulas, quot pedes continet FI; ergo & EA continet tot particulas, quot pedes continet IG.

ANNOTATIO.

AD altitudinem IG inventam addi debet altitudo IH. Et hoc in omnibus similibus operationibus servari debet. Si scire velles altitudinem in passibus, aut aliâ mensurâ, deberes metiri distantiam ab H ad D passibus, aut aliâ mensurâ.

PROPOSITIO IV. PROBLEMA III.

Adem prestare solo speculo, sine Instrumento.

Collocæ speculum in D horizonti parallelum, & metire distantiam DH, quæ sit ut antea pedum v. g. 50. Deinde recede à speculo versus B, donec erectus stans videas in speculo perradium visualem ED, solum culmen G turris radiantis in speculum per radium GD. Tandem metire distantiam inter D & B quæ sit v. g. 7 pedum, & dic per Regulam auream: ut DB 7 ad BE 6, altitudinem videlicet usque ad oculum; ita distantia DH 50, ad altitudinem HG. Invenies turrim esse altam pedes $42\frac{2}{3}$. Demonstratio eadem est quæ antea, quia duo triangula, GDH, EDB, sunt æquiangula, & latera circa æquales angulos proportionalia habent. Vide Fig. 11. Iconis. XXI.

PROPOSITIO V. PROBLE-
ma IV.

*Inaccessas altitudines per duas stationes Catoptri-
coradiometri.*

Vide Fig. **S**IT exploranda inaccessa altitudo AB , & distantia inaccessa
 III. Iconis sit CB . Posito Instrumento cum speculo in C , extrahe
 XXI. regulam CE ad libitam longitudinem, v. g. usque ad 40. particu-
 las, regulam verò ED eleva ac deprime, donec oculo in D
 posito videas in speculo C cacumen A . Recede deinde indi-
 rectum usque ad F , ad libitum intervallum, v. g. ad pedes 50, & i-
 terum operare ut antea. Et quoniam in hac secunda statione
 regula CE magis extrahi debet, quàm in prima; v. g. ad 60
 particulas; nota excessum seu differentiam particularum, qui
 fit FI 20 particularum. Dico, si fiat, ut excessus FI ad HG ,
 ita FC ad aliud, haberi altitudinem BA . Quate si excessus FI
 fit 20 particularum, & HG 40, ac denique spatium inter
 duo loca C & F sit 50 pedum; erit altitudo BA 100 pe-
 dum.

Demonstratio. Duo triangula, AFC , & GFI , æquiangula
 sunt, quod sic ostendo. Considero primò duo triangula GHI ,
 ABF , in quibus anguli ad H et B sunt recti, ex suppositione, &
 anguli ad F æquales, per *Proposit. 1. huius*; ergo reliqui HGI ,
 BAF , æquales sunt, per *32. lib. 1. Euclidis*. Iam considero duo trian-
 gula HGI , & BAC , in quibus iterum anguli ad H et B recti sunt,
 & anguli HIG , BCA , æquales, per *Proposit. 1. huius*; ergo reliqui
 duo, HGI , BAC , æquales sunt, per *32. lib. 1. Euclid.* Iam sic. Vt
 FH ad HG , ita FB ad BA , per *4. lib. 6. Euclid.* item, ut IH ad HG , i-
 ta CB ad BA , per *eandem 4 lib. 6. Euclid.* Ergo, per *19. lib. 5. Euclid.* ut FI
 ad HG , ita FC ad BA , quod erat demonstrandum.

ANNOTATIO.

EADEM operâ invenitur etiam distantia inaccessa CB, quia ut FI ad IH; ita FC ad CB, 8

PROPOSITIO VI. PROBLE-
ma V.

Aliter inaccessas altitudines metiri ex duobus locis.

QVOD si aut non libeat, aut non liceat recedere à prima statione in directum, eò quòd ad duas stationes formandas non ad sit sufficiens planities; poterit ex duabus fenestris, quarum una supra alteram ad perpendicularum existat, vel etiam ex duobus locis in scala aut hasta aliqua erecta, vel aliter sumptis, eadem aut similis altitudo sic inveniri. Mensuranda sit altitudo turris OP, ex locis D & A. Applicato utrobique instrumento cum speculo ad horizontem parallelo, factisque operationibus ut antea (servatâ tamen eâdem utrobique distantia regulæ ED, aut FA, à speculo) notetur diligenter diversa oculi elevatio supra speculum in utraque observatione (seu differentia inter cursorum EF utrobique extractum seu elevatum) quarum major semper erit in loco inferiori D, v.g. in F, minor verò in loco superiore, v.g. in B, hoc est in G. Deinde spatium inter utrumque speculi locum, nempe AD, exploretur in nota mensura, v.g. in pedibus. His enim accuratè observatis, si fiat ut excessus unius elevationis oculi supra aliam, nempe FG, partium, v.g. 30, ad totam elevationem majorem FE partium, v.g. 90, ita spatium inter utrumque locum speculi DA pedum v.g. 40, ad aliud; nota erit altitudo quæ sita OP pedum 90.

Ratio ac demonstratio eadem est quæ antea,

rea, quoniam eadem est proportio differentiarum inter elevationem oculi supra speculum ad elevationem majorem, quae est spatii DA ad altitudinem OP.

ANNOTATIO.

Eadem operam habebis distantiam inaccessam DP, quia ut FE ad ED, ita OP ad PD. Si scire velis solam altitudinem ON monti impostam, eam habebis, si fiat ut EF ad GF, ita PO ad NO. Hanc si subtraxeris ab OP, remanebit altitudo perpendiculari montis NP.

MONITIO.

Omitto praxes mensurandi altitudinem maiorem ex minori, aut minorem ex maiori; quoniam ea facile colliguntur ex dictis in Pantometro Kircheriano lib. 2. cap. 2.

PROPOSITIO VII. PROBLEMA VI.

Latitudines seu locorum distantias metiri catoptrice.

Vide Fig. **S**IT inquitenda latitudo fossae AB, seu distantia signi B à loco v. Iconis. **A**, ex loco C. Colloca Instrumentum in C, & statue speculum ad horizontem perpendicularare, ita ut facies ejus respiciat signum B. Deinde eleva regulam CD, & extrahe regulam ED, tam diu, donec per radium reflexum ECB videas signum B, & nota diligenter in regulis particulas CD, & DE. Tandem indaga per notam mensuram, v.g. pedum, altitudinem CA. His factis, erit ut CD ad DE, ita CA ad AB, Ratio ac demonstratio ex dictis patet.

Moni-

M O N I T I O.

Omitto multas alias praxes, quas ingeniosus Tyro facile ex dictis colligere poterit. Omitto praeterea speculum in Hydragogia; de quo Claromontus in Opusculis Mathematicis.

EPILOGVS OPERIS.

LECTOR BENEVOLE, miraris fortassis, frontem Operis I II. & IV. Magia Universalis Partem promittere, hoc est, Mathematicam & Physicam, Opus verò ipsum nò tertiam quidem integrè alibi per summa capita adumbratam exhibere; desunt enim tertiæ parti Astronomica, Gnomonica, Cryptographica & Cryptologica, Cabalistica, Pyrotechnica, aliaque. Dicam quod res est. Gnomonica quod attinet, ea nunc tradere minime cogitamus amplius, tum quia sine ingenti schematum omnis generis apparatu explicari non possunt, tum quia copiosior materia est quam ut exiguo libello concludi queat. Peculiariter ergo Operi, si vitam Auctor vitæ DEVS largietur, ea reservamus. Cabalistica quoque nunc omittere vel in vitæ cogimur, hebraicorum characterum in hisce nostris typographicis officinis defectu. Separato igitur Opusculo, ali-


bi ubi illorum characterum copia est, excudendo, Hebræorum Cabalam dilucidè explicandam, exactè examinandam, & sincerâ censurâ notandam reservamus Pyrotechnica, Cryptographica ac Cryptologica, Astronomica, & alia quæ promissimus, quartæ Operis totius Partis reservamus, quam & nunc cum bono DEO absolvimus. Cur autem nunc Operis præsentis frontem occupet, & tamen lucem non videat, hæc causa est. Cum iam iam prælo subjicienda esset Pars I. II. ut nundinis Francofurtensibus præteritis lucem videret è vivis excessit D. Ioannes Theobaldus Schönvvetterus, qui demortui non multò antea filii Joannis Godefridi Schönvvetteri & hæredum nomine ac sumptibus reliquas duas Partes impresserat Quo in sperato malo impedita Domina vidua cum hæredibus, non potuit pro præteritis nundinis, ut constitutum fuerat, Partem tertiam in lucem dare, nec pro præsentibus eandem cum quarta simul, tum ob temporis angustias, tum ob magnitudinem sumptuum. Quoniam verò iam magnam partem priorum duorum tomorum distraxit, timetque nè si diutius duorum sequentium evulgatio differatur, detrimentum patiatur, si plura interim illorum exemplaria distrahantur: petiit à me ut præsentis Tomo

Par-

*Partis III. & IV. titulum præfigerem, residuum-
que alteri Operi reservarem. Quod tamen nec
mihi honorificum, nec emptoribus gratum futurum
existimavi, feci tamen nè dicti heredes mei causâ vel
minimum detrimentum patiantur. Quidquid
ergo ad quartam Magia Vniuersalis Natura &
Artis Partem spectat, & quidquid tertia hui. deest
propediem in Thaumaturgo Phisico dabi-
bimus. Vale Lector, & hanc propositi
mei mutationem equi boni-
que consule.*



F I N I S.





INDEX RERVM PRÆCIPVARVM.

A.

Acus an sustinere possit molarem lapidem.	61
Æquiponderantiacorpora quid sint. 310. Æquilibria quæ sint.	311
Aerem ponderare multis modis.	341. & seqq.
Aérotechnica Magia. 561. Ejus excellentia. ibid. De ea cur hic tractetur.	562
Alberti Magni stâta loquens.	274
Altimetrarum aliquorum error.	75
Amphora Romana quot libras aquæ pendat.	237
Antlia Kircheriana, motus perpetui æmula.	237
Antlia Pragensis perennis motus idea. ibid. Ejus constructio. 523. Per eam videtur posse exhiberi motum perpetuum. ibid. Est machina valde ingeniosa. 526. Si per eam ascendit tantum aquæ quantum descendit, potest fieri motus perpetuus. 527. Ut ascendat tantum quantum descendit, quid debeat considerari. ibid. Videtur aliquo tempore posse ascendere per eam tantum aquæ, quantum descendit, 528. Videtur non posse semper ascendere tantum, quantum descendit. ibid. & seqq. Per eam non potest exhiberi motus perpetuus.	530
Antlia tractoria Magnani. 576. Magnani falsa sententia de effectu Antliæ, 577. Aqua intra antliam elevatur, non vi aëris circumstantis, sed metu vacui.	579
Antipodes nostri cur non cadant in partem cæli oppositam.	76
Apparatus Mechanicus.	96
Aqua datum in aqua locum servat. 356. Aquarum differentias invenire. 361	
Aquam convertere in vinum. 418. Aquam à vino separare. 419 & seqq. Aquæ partes superiores an premant inferiores. 430. Aquæ immersus homo cur non sentit pondus aquæ. 436. & seqq. Aqua tendit ad centrum terræ. 436. fluit ad loca decliviora. ibid. Aqua in plano librato non movetur. 465. In canali librata quando censeatur.	467
	Aqua

INDEX

- Aqua ascendit tantum, quantum descendit.** 555. **vafa conjugata seu con-**
cordiæ 556. **Aqua cur ascendit tantum, quantum descendit.** ibid.
- Aquila Regiomontani.** 268
- Arcae Noë dimensio.** lib. 9. Syntag. 4.
- Archimedis cyclometria legitima.** lib. 9. Syntag. 2.
- Archimedis opera mechanica.** II
- Archimedeæ sphaera, ejusque artificium.** 263. & seqq.
- Archimedeæ cochlea.** 537. **De ea qui scripserint.** **ibid.** **Annotationes circa**
eandem 538. **Grünbergeri nota circa eandem examinatur.** 539. **Coni-**
cam cochleam anteposit cylindricæ. 540. & seqq.
- Archita columba lignea volans.** 268
- Arithmetica Magia.** 629. **Arithmetica sigilla planetarum,** lib. 8, **Syn-**
tagm. 3.
- Arithmetica Magia.** 630
- Aves in stando & volando quid observent.** 85
- Augustana Hydrotechnica Machina.** 542
- Augustanæ Hydrotechnicæ narratio D. Stenglini.** 546
- Aviculas vitreas librare in aqua.** 405. & seqq.
- Aulæ Collegij Romani & Panormitani Soc. Iesu longitudo.** 469
- Aurum purum & non purum.** 377. **Non puri mixtura quomodo explo-**
retur ab aurificibus. 378. **quomodo hydrostaticè exploranda.** **ibid.**
- Axiomata Mechanica.** 216
- Axis in peritrochio forma, & usus** 165. **Est vectis primi generis,** 166. **Et**
quidem perpetuus. 167. **Proportio potentia ad pondus in illo.** 168.
corollaria varia de illo. 170. **Alia ejus forma, & usus.** 172. **Ejus vi-**
res. 173. 176.

B.

- Baculus ad genu cur facilè frangatur.** 150. **Cur item pede alliso.** 151. **Cur**
duobus vitris impositus, & percussus, frangatur, vitris non fractis, 152

C.

- Cadavera cur enatent ex aquis.** 441
- Cantelæ in libellatione aquarum servandæ,** 501
- Centrobaryca Erotemata.** 45. & seqq.
Ce

RERVM PRÆCIPVARVM.

Centrum uniuscuiusque corporis. 15. magnitudinis corporum. ibid. gravitatis corporum. ibid. 92. Centrum gravitatis & magnitudinis in homogeneis idem, in heterogeneis diversum. 17. Vtrumque mutatur, si corporibus aliquid additur, vel demitur. 19. Centrum universi. 20. Centrum universi petunt gravia sublunaria. 21. Centri gravitatis inventio variis modis. 39. 40. 41. 42. 43. Centrum gravitatis naturaliter non ascendit.	44
Cespitans cur brachium extendat.	51
Charistion Archimedis.	248
Chelone, & usus ejus.	293
Chemmin Ægyptij machina ad onera devehenda.	290
Clorobates. 476. Circuli proprietates mirabiles. lib. 9. Syntag. 1.	
Cochleæ forma, & usus. 207. vires. 209. 210. Eius incommoda, & remedia. ibid. Cochlea perpetua. 281. 282. Eâ potest aliquis ascendere sursum.	283
Columnæ marmoreæ Constantinopolitanæ erectio.	304
Corpora specie graviora & leviora quænam sint.	355
Corpora gravia quæ mergantur in aqua, & quæ non.	356
Corpus grave in aqua levius est quàm in aère. 358. Intra aquam demersum quantâ vi feratur sursum.	ibid.
Crines equini æqualis ponderis cum aqua.	361
Ctesiphontis ratio ad gravia onera devehenda.	292

D.

Dædali statuæ.	230. 272
Dioptrica instrumenta, 470. Dioptra quid sit.	474. & 475
Discumbentes illudere, ut pro vino aquam bibant.	415. 417
Dispartus primi, secundi, & tertij generis. 181. Proportio potentia ad pondus in illis. 188. & seqq. Dispartus primi generis reducitur ad vectem secundi generis.	189
Distantiarum pondera sustinentium æqualitas & inæqualitas, unde dematur. 108. Distantiæ in vecte unde sumantur.	117
Draco volans. 624. Historia ridicula de dracone volante. ibid. Alia historia de dracone volante. ibid. Draconis volantis constructio.	652
Duo ferentes pondus perticâ, an æqualiter graventur. 153. Item duo muli lepticam ferentes. 154. Item duo equi trahentes currum. ibid. Item duo ferentes pondus humeris.	156

INDEX.

E.

- Emanuelis Magnani** propositiones variæ, & falsæ. 571
Epistomium antiæ Insulensis. 508
Ergatæ forma, & usus. 175. **Eius vires.** 176
Erotemata Mochlo-mechanica. 145
Experimenta varia Magnani. 431. & seqq. **Experimentum** Cabeii, quo probatur aquam librilem sustentare massam ceræ centum librarum. 447. **Experimentum** Stevini de libra hydrostatica. 456
Experimentum aquæ & Mercurij in uno tubo. 573. item in duplici tubo. 574. **Eorum** causa ex Magnani sententia. ibid. Quæ tamen non est ad rem. 575
Experimentum primum fistularum. 565. **Secundum**, Follium. ibid. **Tertium** tabularum planarum. ibid. **Quartum**, Scloporum. ibid. **Quintum**, Scyphorum. 566. **Sextum**, cucurbitularum. ibid. **Septim**, valis irrigatorij. ibid. **Octavum**, Æolopilarum. ibid. **Nonum**, variarum machinarum hydropneumaticarum. 567. **Vacuum** natura fugit. ibid. **Causa** huius rei. ibid. **Modus** eiusdem rei. 568
Experimentum hydrargyri intra tubum suspensi. 580. **Qui** de eo scripserint. ibid. **Variæ** de eo sententiæ. ibid. **Experimenta** omnia quidam explodunt, sed perperam. 581. **Experimenti** hydrargyri historia. ibid. **Experimenti** eiusdem diversa phænomena. 582. **Experimenti** dicti primus auctor quis sit. 587. **De** eo quid disputent docti. 588. **quid** sit in parte fistulæ vacuæ à mercurio. ibid. **Non** est ibi vacuum. ibid. & seqq. **Nec** aër aut æther à foris admissus. 590. **Sed** est spiritus à Mercurio extractus. 591. **Hydrargyri** temperamentum. 592. **Humor** facile dilatatur & rarefit ibid. **Mercurius** in fistula non tenetur suspensus ab aëre extrinseco. 593. **Responsionibus** in contrarium respondetur. 594. **Idem** Mercurius non tenetur suspensus in fistula partim ab aëre extrinseco, partim à metu vacui. 595. **Sed** tantum metu vacui. 596. **Phænomenorum** omnium supra enarratorum causa assignatur. 597
Experimentum Magdeburgicum novum. 604. **Qua** virtute maneat aqua in eo suspensa. ibid. **Non** vi prementis aëris extrinseci id fit. 605. **Responsioni** Auctoris occurritur. 606
Experimentum aquæ intra tubum suspensæ. 602. **in** illo aqua non suspenditur propter libramentum extrinseci aëris, sed propter metum vacui. ibid. & seqq. **In** quanta altitudine suspendi in eo possit aqua. 603

F.

- Ferdinandi III.** Cæsaris statua, 273. **Eiusdem** Machina pro China. 304
Fene-

RERVM PRÆCIPVARVM.

Fenellæ in Anglia statua.	274
Forficum & forcipum vires unde oriantur.	157
Funambulorum varia exempla. 54 & seqq. Crisis eorum. 58. Expositio nonnullorum. 59. Funambuli lignei.	61

G.

Geometrica Magia. lib. 9. Geometrica Chysopæia; ibid. Syntagm. 3. Geometria Catoptrica. ibid. Syntagm.	9
Gestans onus in dorso cur se inclinēt.	68
Glacies cur supernatet aquæ. 438. Glaciata aqua rarefit. ibid. &	439
Globulum solidum in medio liquore suspendere difficile. 413. Qua arte id fecerit Kircherus.	414
Glossocomum Heronis & Pappi. 231. & seqq. Glossocomum nostrum, quo talenti potentiâ moveretur Terraqua, si aurea foret. 235 & seqq. Glossocomi alia forma.	245. & seqq.
Gnomon in superficie Terræ erectus, cur cadat.	83
Gravia à quo detineantur in centro universi.	79
Grave. 92. Gravitatis. ibid. Gravitatis centrum. ibid. Vnius gravis vnum est.	96
Gravia sublunaria petunt centrum mundi. 21. 30. Et quidem per lineas brevissimas. 31. Grave suspensum non quiescit, nisi linea suspensionis sit horizonti perpendicularis. 34. Sustentatum in puncto non quiescit, nisi linea directionis transeat per punctum sustentationis, & centrum gravitatis. 36. Non stat, nisi linea directionis transeat per basin. 37. Gravia deorsum seruntur secundum lineam directionis.	43
Graviora specie quæ sint. 310. Gravitatis notæ corpus quid sit.	311
Gravia æqualia ex æqualibus distantis æquiponderant, inæqualia non. 94.	
Grave suspensum è centro gravitatis, manet in æquilibrio. 96. Gravitat præcipuè supra centrum suæ gravitatis. 98. Gravia ex æqualibus distantis æquiponderantia, sunt æqualia. 98. Inæqualia ex æqualibus distantis non æquiponderant. 99. Ex distantis inæqualibus æquiponderantia, inæqualia sunt. ibid. Gravia æqualia duo, conjuncta lineâ rectâ, centrum gravitatis habent in medio lineæ. 100. Gravia inæqualia, ex distantis inæqualibus habentibus se permutatim ut gravia, æquiponderant. 101. Gravia ex duabus distantis æquiponderantia, se habent reciprocè ut distantis. 106. Gravium ex distantis suspensorum motus circa idem centrum, sunt ut distantis.	107
Gubernaculo modico cur magnæ naves promoveantur.	161

I N D E X

H.

- Hasta perpendiculariter erecta ut non cadat. 62. Supra fulcrum quiescens, cadit; supra id commota, cadit. 63
- Hasta obliquè ad centrum Mundi delata, ibi quiesceret in eodem situ manens. 78
- Hastæ cur in uno extremo apprehensæ plus ponderent. 146
- Herbipolensis machina aquaria. 548
- Herigonij tubus triangularis motus perpetui æmulus. 534
- Homo circa terram ambulans, non describit circulum capite suo mathematicè, sed tantum ad sensum. 51. Quomodo major sit hic, quàm descriptus à pedibus. ibid. Homines in horizonte astronomico Terræ, quomodo starent, & ambularent. 73. Quomodo in horizonte visuali extenso in planitiem. 74
- Homo quomodo volare possit, ex Porta. 627. Architæ columba lignea volans, quomodo fuerit constructa, ex Porta. ibid.
- Humidum omne habet pondus. 355. Humida non omnia sunt æqualia. ibid.
- Hydragogia quid. 460. Hydragogicæ hypotheses. 461
- Hydragogici scriptores. 473
- Hydrostatica Magia. 353. Hydrostatica elementa. 354
- Hypotheses variæ. 355. Pragmatæ hydrostaticæ variæ. 359. & seqq. Erotemata varia. 426. & seqq. 457
- Hydrotechnia quid. 457
- Hypomochlium quid. 112. Ejus multiplex forma. 113. Hypomochlion est omne quod vectem sustentat.

I.

- Idiomatum multiplicabilitas incredibilis ex 24. litterarum Alphabeti combinatione utili. lib. 8. Syntag. 2.
- Insulæ natantes variis in locis. 450. Cur natent. ibid. & seqq.
- Insulense molendinum, & antlia. 504

K.

- Kircheriana machinula composita ex multis. 281. Eius vires. 282
- Kircherus qua arte suspenderit globulum in medio liquorum. 414
- Kircheriana libella. 482

RERVM PRÆCIPVARVM.

L.

Lamina plumbea cur supernatet aquis.	442. & seqq.	Cur innatet aquæ.	444
Libra.	313.	Ejus jugum, ansa, brachia.	92.
		Ejus perpendiculara censentur esse parallela.	98.
		Ejus forma, & partes.	313
Libra à parallelismo remota, quando non redeat ad illum.	315.	Et quando redeat.	317.
De libra quæstio Aristotelis.	ibid.	Libræ fallacia multiplex.	327. & seqq.
Quomodo detegatur.			329
Libra sphygmica, ad pulsus explorandum.			338
Libræ æquilibrium quodnam.	314.	Libræ tres species.	315
Libellatores præfici aquarum.			460
Libellatica instrumenta quot modis librentur.			502
Libratum dupliciter sumitur.	464.	Libella quando censetur æquilibrata.	472.
Libellatio quid sit.	ibid.	Libellatica instrumenta varia	477.
Libella ordinaria.	478.	Libella extemporalis.	481.
Libra ad aquas librandas utilis.	ibid.	Libella Kircheriana, & Claviana.	482.
Libellandi praxis ordinaria.	483.	Libellatores exagitat Cabeus.	487.
Libellandi praxis Cabei.	488.	Examinatur.	493.
Libellatores faciunt frequentes stationes.			995
Lignum majus cur velocius enatat ex aqua quam minus.			449
Linea directionis.			33, 92
Linea per quam potentia vœctem movet, attendenda est.			128
Liquores quatuor elementa referentes.	410. & octo calos.		411
Liquores plures an possint se mutuo includere sphericè.			ibid.
Liquores plures impermixtos in vitro includere.			413

M.

Machina Hydraulico-catoptrica.			559
Machinæ Hydraulicæ variæ.			560
Machinæ quæ vi attractivâ instituuntur.			563
Machinarum aquaticarum varia genera.	554.	Machinarum aquaticarum tria genera.	458
Machinæ partes & schemata tria.			510
Machinæ variæ per rotas dentatas.	257.	Metiens itineraria.	ibid. & seqq.
Quadrigæ sine hominum & jumentorum ope progredientes.	259	Sphæræ & machinæ, motus siderum exhibentes.	260.
Da da i statuæ, & tripodes.	272.	Statua Ferdinandi III. Cæsaris.	273.
Machina Dan-tiscana			

INDEX

- tiscana ad montem facilè transferendum. 284. Machinæ veterum ad magna pondera trahenda, & elevanda. 285. Metagenis & Cresiphontis. 290. Pacovij. 291. Chemmin Ægyptij. 292. Machinæ veterum quibus pondera in altum attollebant. 295
 Machinis quò magis juvatur potentia, eò tardiùs movetur pondus. 247
 Machinalium operationum principium indagatur. 213. Aristotelis de eo sententia. *ibid.* Reijcitur. 215. Honorati Fabry sententia. 216. Nicolai Zucchij sententia. 218. Pauli Cafati sententia. 223. Nostra sententia. 224
 Machinæ fundamentales quinque. 88. Earum vis & necessitas. *ibid.*
 Magia Centrobaryca. 12
 Magia Mechanica, ejusque mira efficacia. 10
 Maris profunditatem metiri. 401. & seqq.
 Mechanicæ significatum. 12
 Mechanicæ Propositiones fundamentales. 98
 Mechanica in Magia duo præcipuè consideranda. 211
 Mechanicum problema, & corollarium universalissimum. 217. Mechanicæ hypotheses Zucchij. 219. Mechanica est Thaumaturga. 226. Ejus opera mirabilia. 227. Mechanicæ Magiæ scopus. 87. Mechanica quid 91. Mechanicæ Definitiones. *ibid.* Mechanica Axiomata. 93. Hypotheses. *ibid.*
 Memnonia statua tonans. 254. & seqq. & cantans. 256
 Momentum. 92
 Monetarum mixturam invenire hydrostaticè. 372. & seqq.
 Montis acclivitas non capit plures homines perpendiculariter erectos, quàm subjecta basis. 77
 Monospasti primi generis forma, & usus. 180. Item secundi generis. 181. Vires. 184. Monospastus primi generis reducitur ad vectem primi generis. 185. Proportio motus potentia ad motum ponderis in illo. *ibid.* Monospastus secundi generis ad vectem secundi generis reducitur. 186. Proportio potentia ad pondus in illo. 187
 Motus perpetuus circa Mundi centrum an fieri possit. 81. Non repugnare videtur in praxi. 83
 Motuum machinalium principium universale. 109
 Motus ponderis & potentia per vectem est ut distantia ad distantiam ab hymochlio. 120. Motus potentia ad motum ponderis habet majorem proportionem, quàm pondus ad potentiam.

RÉRVM PRÆCIPVARVM.

N.

Navis cur eò celerius movetur, quò altior est antenna.	162
Navigari in aere an possit. 426. & seqq. Naves cur mergantur ingredientè aquâ. 425. Cur fluminum vadis hæreant.	448
Norimbergensis Machina, ad incendia extinguenda.	552
Nubes quomodo suspendantur in aère.	428. & seqq.

O.

Obeliscus Nectanabi Alexandria. 294. Obelisci Ægyptiorum. 297. Vaticanus. 298. Eius magnitudo & pondus. 299. Avulsio è loco veteri. 300. Transvectio, & nova erectio.	302
Orbis ligneus stylo superpositus circumactus, cur non cadat.	62

P.

Pancretium Stevini. 249. & seqq. Aurigarum.	252. & seqq.
Paradoxa Mochlo-mechanica.	134. & seqq.
Partes ad cribrum molendini Insulensis spectantes. 506. Partes ejus tres sunt. 505. Partes ad molendinum spectantes.	ibid.
Partes ad Antliam spectantes.	507
Pendentia necessaria ad aquarum cursum, juxta varios Auctores.	497
Perpendiculum non quiescit nisi in linea directionis.	468
Perpendiculum motus.	92
Perpendicularia ejusdem libræ censentur parallela.	98
Planetologium Reitzæ.	296
Planetarum motus in cælo liquido.	452
Polyspastorum vires.	194
Pondera æquiponderantia, & æquilibria.	93
Ponderare quid sit. 309. Pondus elevans quid sit. 311. Ponderatoria instrumenta duo. 312. Ponderare magna pondera paucis ponderibus. 330. Pondera in dupla proportione se excedentia, sunt permessa in vrbibus. 331. Ponderare magna pondera uno pondere. 332. Ponderum pharmacopolarum usus. ibid. Pondus percussiois pugni aut mallei ponderare 333. Ponderare fumum. 334. 344. Magnetis virtutem attractivam. 335. & seqq. Anhelitum. 340. Aërem multis modis. 341. & seqq. Ignem. 344. Salis quantitatem in aqua salsa. 345. Pondere discernere arcem auro plenam, relictâ aliâ plumbo plenâ. 346. & seqq. Pondus cuicunque aquæ	

invenire hydrostaticè, 360. Cuiuscunque corporis, 381. Ex noto pondere magnitudinem.	383
Pons circa terram, cuius centrum gravitatis congrueret centro mundi, maneret sine fulcris. 80. Globus in eo quiesceret.	ibid.
Principium universale motuum machinalium.	98
Problema de cumulo graduum gratiæ B. M. Virginis.	631
Progressionis Geometricæ incrementum admirabile.	631
Punctum suspensionis, & sustentationis.	34

Q.

Quadrupedia quid in stando & gradiendo observent.	84
Quadrigæ ope rotarum dentatarum agitata.	259
Quomodo Sclopetum pneumaticum explodendum,	618

R.

Regula longa quando censetur æqui librata.	468. 469
Remiges qua virtute navim propellant remis. 159. Sedentes in medio navis plus promovent eam, quàm a'ij.	160
Romanæ Situlæ automata.	510
Rotæ molendorum habent rationem axis in peritrochio.	173
Rota calcabilis.	177
Rotæ dentatæ. 230. Ijs mira præstari possunt, ibid. Quomodo ordinandæ, ut una vertatur citius alterâ. 255. Per eas variæ machinæ constructæ.	257. & seqq.

S.

Satyri architecti ratio in transvehendis Obeliscis.	294
Schematis primi sitularum automatarum explicatio. 511. Schematis secundi explicatio. 518. Schematis tertij explicatio.	519
Sclopetum manuale onerare aere. 622. Alia sclopetum pneumatica.	623
Sclopetum Hydro-pneumaticum.	621
Sclopetum pneumatica alia.	619
Scytala Aristotelis. 286. & seqq. Scytala Laconica. ibid. Scytalarum usus in devehendis oneribus.	287. & seqq.
Sedens humi erecto corpore cur defatigatur, si in posteriora reclinetur.	69
Senes cur baculo innitantur.	53
Sphæram quatuor elementorum representare.	410

RERVM PRÆCIPVARVM.

Sigilla planetarum. lib. 8. Syntag. 3.	
Sphæræ, aliæque machinæ, siderum motus varios exhibentes. 260. Archi- medæa sphæra qualis fuerit.	260. Archi- 263. & seqq.
Spiralis rota motus perpetui æmula. 549. Per eam motus perpetuus exhi- beri non potest.	550
Statua lignea ut super aquam ambulet.	425
Statica quid sit. 308. Statica magia. ibid. Staticæ elementa. 309. Axiomata, & Postulata.	311
Statera communis. 318. Eius usus. 319. fabrica. 320. Comparatio cum libra. ibid. Statera antiquorum. ibid. & seqq. Statera est multiplex libra. 323. Uttilior est quàm libra, ibid. Staterâ mediocri ponderare magna pon- dera.	324. 325
Stevini theorema hydrostaticum. 454. Corollarium mirabile ex illo. 455. sed falsum.	456
Succulæ forma, & usus. 173. Eius vires.	176
Surgentium à sede modus. 67. Surgentium à terra modus.	69

T.

Terra & aqua rotundæ sunt. 462. Terraquei globi centrum, est centrum gravium.	ibid.
Terræ, si aurea foret, pondus.	237
Terraquei globi pondus invenire.	142. & 143
Terra à qua virtute detineatur in centro Univerſi.	80
Terraquei globi non est idem centrum gravitatis & magnitudinis, mathe- maticè. 18. Physicè tamen & ad sensum idem est. ibid. Eius centrum gravitatis continuò mutatur. 20. 26. Est in medio mundi, quoad sen- sum. 22. Eius centrum centro mundi congruebat in principio rerum, ibid. Ei varij motus à varijs affinguntur. 23. An sit in continuo motu ex mutatione continua centri gravitatis. 24. Non est. 26. Eius pondus se- cundùm aliquos, 26. Eius centrum gravitatis non semper congruit cen- tro mundi mathematicè, sed solum ad sensum.	
Tollenonis transversæ trabi cur pondus adijciatur.	163
Trispastus primi, & secundi generis. 182. Proportio potentix ad pondus in illis.	193. & seqq.
Trochlea datum pondus datâ potentiâ moveri potest. 197. Imò quodlibet pondus à qualibet potentia. 198. An rectè reducatur ad vectem secundi generis.	198

I N D E X

- Trochlea, quâ quis seipsum attollere potest sursum. 283. cum tignis & sue-
 cula, apud Vitruvium. 295
 Turres inclinatae. 64. Cur non cadant. 65
 Tympanum aquarium automatum Bettini, 557. Fufius explicatum ab
 El. hinaro. 558

V.

- Vacuum non potest naturaliter dari. 568. Nè quidem ab Angelo. ibid. Va-
 cui fuga seu motus metaphoricè dicitur de Natura. 569. Vacuo resisten-
 do Natura patitur violentiam. ibid. Vacuum quatuor modis fugit Na-
 tura. ibid. Nec semper eodem modo. ibid. & seqq.
 Vas irriguum hortense. 608. Qua de causa in eo suspensa maneat aqua. ibid.
 Vasa floribus immittendis perforata. 559
 Vectis figura, & usus. 112. & seqq. Vectis tria genera. 113. Vecte quando
 potentia sustinere possit pondus. 115. Quando possit movere.
 117. Vectium discrimen in ordine ad motum ponderis. 129. Vecte primi
 generis potest quavis potentia quodvis pondus movere, multis modis.
 131. Item vecte secundi generis. 132. Non verò tertii generis. 133. Vecte
 primi generis moveri potest quodvis pondus sine potentia aut pondere
 alio. 134. Vecte primi generis minimo moveri potest quodvis pondus à
 quavis potentia. 135. Vectis primi & secundi generis vim infinitam con-
 tinet. ibid. Vecte an moveri possit Terra. 136. Vecte primi generis po-
 test moveri terra suspensa, à quavis potentia. 137. Imò sine pondere, aut
 potentia. 139. Non tamen superposita vecti moveri potest à pondere. 140.
 Nec à quavis potentia. 141. Vecte secundi generis potest quavis poten-
 tia movere Terram, sursum pellendo. ibid. Cum quanto pondere mo-
 veri possit Terra Vecte primi generis. ibid.
 Vectium infractorum vires. 248. Vectes breves multiplicati. 277. & seqq.
 Vectis cum Cochlea ingentium virium. 280. Vectis usus in magnis pon-
 deribus movendis. 295
 Vino aqua, an aqua vino infundenda. 417. Vinum quomodo citò refrige-
 randum. ibid. ab aqua quomodo separandum. 419. & seqq.

F I N I S.

Erro-

Errores Typographici.

Benevole Lector, trium annorum spatio sollicitatus, nunquam permittere volui ut Libri mei extra Herbipolim, id est, in absentia mea imprimerentur, veritus nè, ut fieri nunc assolet, multis erroribus fœdarentur. Tandem quia præsens Opus hîc inchoatum, absolvi non poterat ante proximas nundinas; nè Bibliopola damnum pateretur, consensi ut pars ejus posterior à pag. 401. imprimeretur Moguntia. At quàm malè mihi cesserit, ipse perspicies ex sequentibus sphalmatis, quorum notabiliora tantùm, & quæ lectionem remorari poterant, hîc notavi; reliqua tute corriges, cujusmodi sunt interpunctiones omiſſæ, aut perperam factæ, s, l, labarum ac verborum divisiones aut conjunctiones, accentus aut omiſsi, aut non suo loco positi, litteræ commutatae, Græca falsò expressa, & similia. Liber tamen VIII. & IX. præsertim quod ad numeros spectat, est emendatè impressus, propter causam postea dicendam.

Pag. 7. lin. 22. varios, *varius*. p. 19. l. 22. FADS, *FADG*. p. 17. l. 25. AEG, *ABC*. p. 34. l. 29. verius, *versus*. p. 36. l. 8. esse, *eset*. p. 39. l. 2. maximè, *proximè*. p. 40. l. 27. fitq; *fitqi*. p. 60. l. 5. suspenſebat, *suspenſebat*. p. 67. l. 10. OGB, *DGB*. p. 68. l. 12. uſtineret, *susineret*. ibid. l. 19. sustentet, *sustentent*. p. 69. l. 11. anteria, *anteriora*. p. 83. l. ult. gnomen, *gnomon*. p. 88. l. 10. Axem, Trochleam in, *Trochleam, Axem in*. p. 101. l. 14. gravitatis, *gravisatibus*. p. 102. lin. 28. ipse, *ipsa*. p. 120. l. 1. est, *et*. p. 143. l. 11. extremitates, *extremitate*. p. 182. l. 2. alligata, *alligato*. p. 195. l. 2. quadrupla *subquadrupla*. p. 207. l. 15. præmendis, *premendit*. p. 222. l. 23. potentia, *potentie*. p. 236. l. 5. geometriæ, *geometria*. p. 247. l. 11. ad. *ac*. p. 248. l. 29. sibi, *si*. p. 295. l. 30. Machinæ &c. *Machina Vitruviana*. p. 296. lin. 9. axeo, *axes*. ibid. l. 15. tabulâ, *fibula*. ibid. l. 28. falcra, *fulcra*. ibid. l. 23. rectantur, *vertantur*.

Pag. 4. 22. l. 4. minatorum, *minorum*. ibid. l. 20 & 21. dele hæc: *in diversione poni*, p. 405. l. 15. molitare, *motitare*. ibid. l. 18. ludentis spect: *ludentis Natura spect*: ibid. l. 25. susceptâ, *susceptâ aquâ*. p. 406. l. 11. & 12. angustioris, *angusti oris*. ibid. l. 14. incunla, *incunula*. p. 414. l. 25. factam, *factam*. p. 415. l. 1. spectaculo, *spectaculum*. ibid. l. 10. factâ, *fariâ*. p. 420. l. 20. angustioris, *angusti oris*. p. 422. modix, *modice*. p. 424. l. 19. decontica, *decoritica*. p. 435. l. 15. deponit, *depromit*. ibid. l. 19. feret, *teret*. ibid. l. 22. statum, *statum*. p. 426. l. 21. utraque, *utroque*. p. 427. l. 30. pouros, *poros*. p. 428. l. 19. impletur, *impletetur*. p. 434. l. ult. quod, *quoad*. p. 436. l. 4. gravitas, *gravitat*. p. 437. l. 14. supra, *infra*. p. 439. l. 21. repleant, *repleant*. p. 450. l. 12. insituisse, *insituisse*. ibid. l. 16. motum, *modum*. p. 451. l. 12. calus, *casus*. ibid. l. 27. aliquando, *aliquantid*. p. 454. l. 25. Aqua, *Aque*. p. 458. l. 9. Etesibicæ, *Ciesibicæ*. ibid. tollerones, *tollenones*. p. 461. l. 4. Idiosam, *Idiotam*. ibid. l. 7. eam, *eum*. p. 463. l. 25. &, *est*. p. 465. l. 8. est, *et*. p. 468. l. 26. Terræ, addatur: *si dictum flum EFG mente extendatur, caderi in ipsum centrum Terræ*. p. 469. l. 28. &, *ex*. p. 470. l. 16. at, *et*. p. 473. l. 3. constitutione, *constitutays*. ibid. l. 27. Drongsius, *Dionysium*. p. 474. l. ult. mi-

nuere, *inuera*. p. 475. l. 17. *alchidas, albidada*. p. 476. l. 19. Vitruvius, *Vitruvij*. p. 477. l. 6. *Regula, Regula*. *ibid*. l. 21. *heroscopio, horoscopio*. p. 478. l. 11. *linella, livella*. p. 480. l. 22. *actorum, altorum*. *ibid*. lin. 28 *usu, uum*. *ibid*. l. 31. *rimanicè, rimamyè*. pag. 481. lin. 8. *αυτοχέδιον, αυτοχέδιον*. *ibid*. l. 20. *designati, designat*. p. 483. l. 27. *practica, peritica*. p. 484. l. 11. *Et si quidem, adde, signum*. p. 487. l. 12. & *ad*. *ibid*. l. 17. *lineas, linea*. p. 490. l. 8. *distat à, distat B à*. p. 491. l. 27. *ad, Al*. p. 500. l. 22. *Pacque, Paque*. *ibid*. 23. *darte, dare*. *ibid*. 24. *trabiamo, habiamo*. *ibid*. 25. *darleon, darle un*. *ibid*. *Azi, Azi*. *ibid*. 26. *maravigliarsi, maravigliarsi*. *ibid*. 27. *pirdi, piedi*. *ibid*. 28. : , *i*. p. 508. l. 5. *dico, duo*. p. 511. l. 6. *Falatismatum, Platismatum*. p. 513. l. 3. *affectu, offritu*. p. 514. l. 30. *modus, modus*. p. 515. l. 8. *tabula, tabulam*. *ibid*. 33. *tamen, tam*. p. 516. l. 26. *cujus, ejus*. p. 521. l. 5. *Etesibiam, Ctesibiam*. p. 523. l. 11. *etesibium, ctesibium*. p. 525. l. 20. *ac, ad*. p. 529. l. 23. *vectat, vertat*. p. 633. l. 16. *redundat primum, à sinistra incipiendo*.

Cætera errata, benigne Lector, tu ipse corrige, aut patienter tolera, & damno alieno doctus cave, nè talibus Typographis labores tuos committas.



LECTORI MEO.



Vod libro VIII. Syntagmate I. initio asserui, calculationem Arithmeticam frequentem & operosam eo in Libro occurrentem, tantâ diligentia, accuratione, ac fidelitate peractam esse, vt pronuntiare certò ac sine hæsitacione audeam, erratum in ea non fuisse, iterum & constanter assero. Quod ibidem promisi, procuraturum

turum me omni modo, nè quis error in typum irreperet, obtinui. Tametsi enim multa sphalmata in typum Moguntinensem, ut paulò antè monui, me absente irrepererint, magno meo dolore; Problema tamen illud, in quo de admirando progressionis Geometricæ incremento agitur, sine erroribus fuit excusum: quod ipsi Problematis Auctori in acceptis refero, qui pro humanitate sua diligentiam omnem adhibuit, ut id quàm correctissimum in lucem prodiret. Eâdem curâ ac diligentia totus reliquus Liber VIII. & IX. est impressus, eiusdem Auctoris vigilantia. Vale Lector, & Thaumaturgum nostrum Physicum, hoc est, Magiæ nostræ Supplementum, proximis nundinis expecta.



AD BIBLIOPEGVM.

Iconis mi inferantur suis locis ita, ut quilibet respiciat
paginam in eis notatam.

Zum Buchbinder.

Die Kupfferblätter sollen also in das Buch geheftet wer-
den / daß sie gegen den Zahlen stehen / welche oben da-
ran verzeichnet seyn.

Al Libraro.

Le Figure intagliate in rame s' inseriscano nel libro in
tal maniera, che siano voltate verso le pagelle in esse
notate.

Au Libraire.

Les images doiuent estre tellement inferées, que chascu-
ne regarde la page qui y est marquée.

Omnia ad maiorem DEI gloriam.

